

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

#### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

#### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/



#### A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

#### Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + Ne pas utiliser les fichiers à des fins commerciales Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + Ne pas procéder à des requêtes automatisées N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + Rester dans la légalité Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

#### À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse http://books.google.com



1.6,24+7




**UNIVERSITEITSBIBLIOTHEEK GENT** 



900000012612

RESTAURATIEATELIER
HANDSCHRIFTENAFDELING
UNIVERSITEITSBIBLIOTHEEK





## Extrait du Privilege.

A Maiesté Royalle a donné consentement & permission a lean Bogard Imprimeur & Libraire iuré en la ville de Louain, de pouoir imprimer, ou faire imprimer, vendre et distribuer, par tout en ces siens bas pais de Brabant & autres ou que bon lui semblera, ce liuret intitulé, Les Triumphes de la noble Dame amoureuse & l'art d'honnestement aimer composés par le Trauerseur des Voies perilleuses.

Donné a Bruselle Le 13. de Mars 1563. Signé Facu Wés.

# A NOBLE ET

VERTVEVSE DAMOISELLE,

MA DAMOISELLE ADRIANE

De Glymes, Iean Bogard

bumble S.

I see man line er po

I ainstiest (genereuse damoi selle) qu'en ce bas terroir du mode se face chose tant sublime et haulte que de pouoir emporter le merite de perpetuelle louange: Ie tiend pour certain que ceus, des-

quels le principale but & intétion est de s'emploier a renouueller & remettre en lumiere ce que par longue rongeure de tems & enuie de vieillesse a esté caché & presque du tout estaint, ne sont les moindres : attendu que par leur sagacité sont reuivre nos ancestres & predecesseurs, de sorte que les modernes ont dequoi contempler & aduiser l'antiquité, & par succession en faire part a leur posterité. Entre lesquels certes ce bon protecteur de la florissante vniuersité de Louain, Monf. le prelat de S.Gertrud, vrai amateur des lettres et aduoiiés aicelles, oncle de vostre grace n'aura le dernier lieu, ains sera digne d'un los inestimable: cossideré le bon zele qu'il a d'illustrer & esclarcir la republique literaire, dot porte tesmoignage treseuident le bastiement & erection de

#### EPISTRE DEDICATOIRE.

ceste tant belle & riche librairie douée des plus renommées, tant anciens que modernes escriuains. Lequel pour donner quelque allegemét a sa debilité se trouuant quelque iour passé chés vostre grace, lui vint entre mains ce present liuret intitulé Les Triumphes de la noble dame amoureuse : l'inspection duquel l'incita d'en faire la lecture tout au long: laquelle fut tellement agreable a sa paternité (saulf que par innumerabilité de fautes & vices il estoit tout infait & desguisé) qu'il n'eut rien plus cher & recommandé que de le commettre a la discipline & correction des plus scauants theologues de Louain, affin que d'extirper & retailler le superflu, remettre ce qui se i desiroit, & ce qui estoit mal allegué deutemet recoucher: par ce que la lecture d'icelui ne pouoit faillir (comme en verité lui sembloit) d'apporter vn grất fruit & proffit a gés de tous estats, & finalemét que ce qui auoit au parauant elté rare en 👞 ces pais bas, fusse parapres de facile recouurace. Quoi fait pour satisfaire a la bone affectio de sa P.lui aie remis ce nouuel habit:priant (damoiselle vertueuse)ce mien labeur estre receu enuers yous pour vn signe & argument que l'ai de faire seruice & complaire en tous endroits a la renommée & ancienne maison de Hosden a laquelle vostre grace est faite participante par yerru d'un lien a touiours insoluble. A tant

(noble damoifelle) prie nostre seigneur Dieu vous donner sa grace.

De Louain l'An 1563. le 5. de Iung.

## EPISTRE DE

#### L'AVTEVR A TOYS LES DEVOTS VIATEVRS

chrestiens contenante son intention, G declaration de l'homme intericur G exterieur.



N trauerfant les perilleuses voies de ce miserable monde ou l'ai cheminé iusques au liiij. an de mon aage, deuots viateurs chrestiens, par les liures & encore mieuls par experiéce l'ai yeû et coneu tous humains

ettre iubiets a diuerses tétations, que ie puis appeller apres lob guerres spirituelles, a raison de conti- lob 7. nuels assaus a nous preparés & liures, no seulemet en danger de nos cors & biens, Mais aussi de nos tant nobles ames. Qui est celui d'entre nous qui voulusse affermer que puis l'usage de raison ai passe vne seule iournée sans quelque alarme de la Chair, du Monde,ou de l'esprit de Malice?ie porterai tesmoignage de mon fait, & si i'estoie sur ce enquis, pourroie dire sans mentir combien de fois i'ai estè navré & blece, voire iusques au danger de mort eternelle sans le remede du tresgrant & souuerain medecin nostre Dieu & sauneur. Delectatio nous combat, luxure nous abat, ambitió nous guerroie, auarice nous surmonte, enuie nous insidie, & ire nous surprét. Si l'un de ces vices est vaincu, l'autre recommence la bataille, vous ne verrés autre chose par les voies & sentiers qu'hommes & semmes abatus

### Epistre aus Letteurs.

abatus par tous ces larrons insidiateurs, bringans & homicides des pauures ames, a faulte de bonne relistence.

Si nous considerons comme a present les chre-

Del'hŏ-

zeur.

ne inte-stiens viuent, nous connoistrons que la plus part zeur & d'iceus obeissent a leurs sensuelles affections come bestes brutalles, sans connoistre la difference qui est entre la chair & l'esprit. Il leur semble que l'home est seulement le cors qu'ils touchent, sentent, & ce qu'ils en voiét par le dehors, qui est le moindre, sans considerer ce qui est en lui. Les philosophes ont escrit qu'en l'hôme i a raison, et affection. Saint Paul en ses epistres appelle aucunefois ceste raison esprit, aucune sois l'hôme interieur, & aucune sois la loi de raison. Il appelle aussi aucunesois l'affectio la chair, aucunefois l'homme exterieur, acunefois le cors, et aucune fois la loi des mébres. Et a ce propos disoit escriuant aus Galathes. Cheminés selon l'esprit, & vous ne ferés ce que la chair destre, la chair conuoite contre l'esprit & l'esprit contre la chair, en maniere que ne ferés ce que vouldres. Et

Gal.s.

Rom. 8. aus Romains dit. Si vous viués selon la chair vous mourrés. Et si par l'esprit vous mortifiés la chair 1. Cor. 9. your viures. Il dit aus Corinthiens. Ie chastie mon cors & le redige en seruitude, & en l'epistre aus Ro mains. Ie me delecte en la loi de mon Dieu comme homme interieur. Maisie voi vne autre loi en mes membres repugnante a la loi de raison, me captiuante & liate a la loi de peché qui est en mes membres. Qui me deliurera de ce cors de mort? La grace de Dieu par Iesuchrist. Et par ce moimesme

> de pechê. Platon constitua deux ames en l'homme, & faint

> serue par raison a la loi de Dieu, & de chair a la loi

## Epistre aus Letteurs.

saint Paul fait deux hommes en vn, par ce dirons que l'homme est composé de deus natures, Dens l'une spirituelle, & l'autre corporelle. La spiri- eures e tuelle est l'esprit fait a l'image & semblace de Dieu l'home & quant a ce est appellé homme interieur. La corporelle est le cors fait & formé du limon de la terre qu'on appelle homme exterieur. Et sur ce notés que quant saint Paul & la sainte escriture vient de ces termes, la chair & l'esprit, ils n'entendent pour la chair ceste masse corporelle seulement ne par l'esprit la seule ame: mais parlans de la chair entendent tout l'homme, l'ame duquel est toute convertie en chair & en sang par mondaine & charnelle affection. Et quant ils parlent de l'elprit ou de l'Ame de la personne fidelle, entendent tout l'homme,i comprenant l'ame & le cors ensemble, de sorte que s'il i a vraie foi formée en charité, il est spirituel & bien saisant quant au cors, & quant a l'Ame, & s'il n'i croit sans fiction il est aussi tout charnel & exterieur cors & ame & ne fait chose qui plaise a Dieu.

Origene a mis trois parties en l'homme, l'es. Orig. I prit, l'ame & la chair. Lesquelles trois parties saint 1. super Paul escriuát a ceus de Thetfalle cóioint en vn , ou epift. . il leur escrit telles parolles. Affin que soies entiers Rom. de cors, d'ame & d'esprit, au grat & final iugemet. Et a ce se conforme saint Augustin en son liure de Aug. la foi & du simbole, disant. Le cors ou la chair c'est de fide l'inferieure partie de l'homme, auquel par coulpe symbol genitalle le diable tentateur escriuit la loi de pechè, & par lequel cors sommes prouoqués & enclins a choses turpes & deshonnestes. L'esprit est la superieure partie & la similitude de diuine nature que nous auos, en laquelle dieu a entretaillé de fon

# Epistre aus Letteurs. doig(c'est a dire de son esprit saint) l'eternelle soi

de droiture & honesteté, qui est appellée par saint Augustin mens en latin (c'est a dire raison ou in-Rom. 7. telligence)dont parle faint Paul eferiuant aus Romains. Et l'ame est entre le cors & l'esprit constituce, capable de sens & mouvemens naturels, qui est felon nature ce mesme esprit: mais differente se-Inn l'operatio: car elle est dite ame en ce qu'elle viuifie le cors, par lequel elle fait ses ocuures, au moié dequoi en la sainte escriture est souvet prinse pour la vie. Et laquelle est come en une chose publique bádée & facticule, ignorát auquel partidoit obeir, ou au cors, ou a l'esprit, et a son franc arbitre et volunté pour decliner a l'un ou a l'autre. Et si elle consente a l'esprit & fait les oéuures de l'esprit, est spirituelle,& si elle decline a la chair, est faite charnelle. Les oeuures de la chair sont (comme a escrit Galat. 5 saint Paul) fornication, immundicité, impudicité, luxure, empoisonnement, inimities, contentions, emulations, ires, noiles, dissentions, sectes, enuies, homicides, ebrietés, commessations & autres choses a ce semblables. Les oéuures de l'esprit sont charitê,iole, paix,paciéce,benignité,bőté, lőganimitê, mansuetude, foi, modestie, continence, & chastete, toutes contraires aus oeuures de la chair. L'esprit Les oën- nous fait dieus, c'est a dire celestes. La chair nous fait bestes. L'Ame fait l'homme, L'esprit quiert les ures de choses celestes. La chair les choses voluptueuses. Et la chair. l'ame les choses necessaires a la vie corporelle. L'es-Les oëuprit nous eslieue au ciel, la chair nous deprime en ures de enfer, & de ce on n'impute rien al'ame si elle n'i l'esprit. cosente par son libre arbitre. Tout ce qui est charnel est villain, tout ce qui est spirituel est bon, &

tout ce qui est animal est moien & indifferent.

Digitized by Google

Toutes

#### Epistre aus Lesteurs.

Toutes ces choses considerées & que l'eglise catholique qui consiste principallement en la cogregation des vrais chrestiens, est appellée militante, a la raison que les fidelles i sont incessamment guerroies, & n'auront paix iusques a ce qu'ils aient triuphé de leurs ennemis & receu la couronne de triu. phe en l'eglise triumphante, c'est en paradis desirat a mon eruditio de mes enfans, & de ceus qui n'entédét les lettres latines, ou n'ont le pouoir d'auoir tous les liures de la fainte escriture, ou ne veulent prendre le labeur de les lire pour la multitude d'iceus. Aussi pour satisfaire au tems que i'ai (peut estre)follement consumé a escrire ballades, rondeaus, epittres, eglogues, tatires, elegies, deplorations, narrations, regrets, complaintes & autres opuscules, les aucues d'icelles plus curieuses (come ie craind) que necessaires, combien que ma principale intention aft touiours esté par fictions, poesies & histoires, tédre a la louenge des vertus & a l'opprobre des vices ainsi qu'on peut veoir en les lifant. Et encores plus pour distraire femmes & filles de plus lire la translation en francois du vieil 🏖 nouueau testament qui est chose dangereuse a hre en plusieurs passages selon la seule lettre & certains petis traites d'aucuns allemans heretiques traduits de latin en francois, esquels soubs la doulceur de la doctrine euangelique sont plusieurs erreurs interposées trop scadaleuses & pernicieuses en la chrestienneté. L'ai entreprins certain tempsa faire vn manuel ou brief recueil de la doctrine necessaire pour batailler contre les vices & en auoir la victoire, a ce que puissons finalement aller au port de salut, laquelle mo intentió i'ai mis a fin soubs l'aide diuin par ce petit oëuure intitulé Les triumphes dela

### Epistre aus Letteurs.

de la noble dame, & l'art d'honnestement aimer, tout fondé en amour & dilectió charitable, par ce que introuve par la sainte escriture que nostre loi chrestienne consiste entierement en amour.

Aucuns pourroiet dire veu que l'hôme consiste en ame, en esprit & en cors, pour quoi i'ai seulemét escrit de l'Ame & du cors ? Te respond apres saint Augustin, que ces trois parties de l'homme sont prinses pour deux, & que l'Ame est (côme i'ai dit) Telon nature ce mesme esprit : mais differente en l'operation, & que souvent est nommée auec l'esprit, au moié dequoi est appellée ame raisonnable, pour lesquelles considerations i'ai seulement fait vn personnage de l'ame raisonnable incorporée, voulant par icelle comprendre l'esprit, l'aine & le cors de la personne, pour la grande affinité & conjunction qui est entre ces trois parties, & pour satisfaire a tout au premier liure de ce traité ie parle des vertus moralles conuenables & necessaires a la vie humaine, & comme on doit nourrir le cors, le traiter & gouverner. Et es autres liures ie parle de ·la malice & puissace des ennemis de l'ame qui sont peché, la chair, le monde et le diable. De la preuarication de l'ame raisonnable incorporée, de sa resfourse, de ses victoires & triumphes contre ses ennemis, & des vertus necessaires pour auoir la grace de Dieu, & finalement paradis.

Et affin que ne mesprisés mon petit oéuure, & que soiés curieus de le veoir, lire & entendre: ie proteste qu'il n'i a rien du mien, fors l'inuention, & quelques contemplations en forme d'amoureuses epistolles pour r'essouir l'esprit en dieu, & l'induire a charitable amour: car quant a la matiere & substance, ie l'ai prinse & extraite du texte de la sainte Bible.

### Epistre aus Letteurs.

Bible, & des oppinions & sentences des docteurs de l'eglise de ce qui cocerne les choses spirituelles. Et quat aus corporelles & moralles, de Plato, Socrate, Aristote, Seneque, Ciceron, Auerrois, Ypocras & autres auteurs petits & doctes es scieces humaines & phisicalles, & le tout fait reueoir, corriger & amender par vn docteur en theologie de l'ordre saint Francois, & parautres gens expers en diuines & humaines scieces qui sont de droite & renomée vie. Vous priant mes trescheres freres que ne mes, prisés mon labeur pour lequel ie ne cerche gloire ne louenge: mais la grace de nostre seigneur lesuches de la fait fullement en cerche gloire per la fait fullement en cerche gloire chesses de la fait fullement en cerche seigneur lesuches de la fait fullement en cerche seigneur les cerches de la fait fullement en cerche seigneur lesuches de la fait fullement en cerche seigneur les cerches de la fait fullement en cerche seigneur les cerches de la fait fullement en cerche seigneur les cerches de la fait fullement en cerche seigneur les cerches de la fait fullement en cerches de la fait fullement en cerche de la fait fullement en cerches de la fait fullement en cerche

christ, & nostre salut seulement, a ce qu'apres
les cruelles & dágereuses batailles de ce
perilleus monde puissions paruenir a paix etrenelle.


Amen.

## PRELVDE DE L'AVTEVR DES TRIVMPHES DE L'AME

Amoureuse, contenant deploration de sa misere.

Le nom de l'Auteur par les premieres lettres des lig-

nes.



Bieni'apperceu que du monde ieu n'esse Ousuis entré de plai sir en tristesse, Voire en douleur qui veut estre maistresse, Car en pensant en ce en quoi i'ai forfait, Honte me dit que ie deuroie sans cesse Et sans repos pleurer par grand destresse Tant de pechés perpetrés par mon fait.

De cinquante ans que i'ai vescu au monde Les pre-Et vn peu plus, en chose tant immunde, mieres Plus des cinq pars i'ai mis & perdu: lettres des lig-Oisineté dont tout vice redonde, nes vous Ieus & csbas ou ieunesse sefonde mostre-Contreraison m'ont imperit rendu. ront le Trop ie me suis a mon sens attendu: lieu de I'ai aus plaisirs charnels trop entendu, la nati-Et ai peu quis sapience profonde: uitê de Rire & gaudir ont long tems pretendu, l'auteur. Sans m'aduertir du tems qu'ai despendus De me ietter en l'infernalle bonde.

Le tresbant Dien par sa tresgrand bonté

M'a

### De la dame amoureuse.

M'a donné cors, de tous ses sens monté Et mis dedans, pour viure, la noble ame Le cors qui est souvent trop esfronté, Quant au plaisir des sens est assronté, Gronde touiours, si la raison le blasme, A tout peché la belle ameil enstame, L'Ame s'en deult er souvent Dieu reclame, Alors mon cors demeure surmonté Si Dieu n'i est, elle tumbe en la stame De sols plaisirs, lors ie demeure insame, Car par la chair ie me trouve abonté.

Il me souvient qu'en mon florissant aage
Lors que devoie commencer estre sage,
l'ai succumbé par grande tentation.
Long tems apres connoissant mon outrage
Me relevai par le divin ouvrage
Et reconneu ma mauvaise action,
Dont su long tems en desolation
Deliberé faire operation,
A Dieu plaisant, & dont n'auroie dommage.
Ence propos & bonne intention
le su long siours en exultation
Pensant suir de peché le servage.

Ence vouloir faisoie vn bon souspir Au bon Iesus, pensant bien deguerpir Et delaisser toute vie impudique: Mais la chair vint grosse guerre charpir, Dresser, brasser, & pres moi se tapir En m'assaillant par bataille lubrique, Luxure i vint, & d'un dard mortisique

Mon

Mon cueur na vra, de plaie tant inique Qu'elle me fit sur la terre acropir Et si ne fusse de chasteté la pique Dont i'abati luxure par pratique Elle m'eusse fait de tous points assopir.

Ce nonobstant fol penser qui baissa
Vn rude bois contre moi, ne cessa
De me poursuir, touiours m'a fait la guerre
Depuis ce tems iamais ne me laissa
Par tout me suit, ne scai qui l'adressa
Si ie m'en plaind, c'est qu'il me tient en serres
Et si n'essoit que touiours lui desserre
Deuant les ieus aussi tot qu'un tonnere
Vn dur ressus, auquel de la presse a,
Il m'eusse souvent couché plat sur la terre.
Ailleurs lui fai par bon vouloir prendre erre
Ainsi lui sei dessors qu'il me pressa.

Et ce voiant le monde plein de force Auec orgueil de m'abatre s'efforce Dont me deffend au moins mal que ie puis. Ambition la bataille r'enforce, Necessité plus qu'autre me parforce A prendrefuite, & trouuer des appuis, Presumption sortant d'infernal puis Et arrogance ont augmenté depuis Le dur combat, me donnant mainte entorce, Aucunesois me mettoient bas, & puis Me releuoie apres plusieurs ennuis Tout vulneré par cruauté mauorce.

Apres

De la dame amoureuse.

Apres venoit dessoubs mesme estandart Cupidité, laquelle sceut tant d'art Pour obtenir sur les humains victoire, M'escarmouchant auec maint fauls soudart, Mais moi monté sur le gentil hedart De charité, lui sei passer sa gloire. Deception auec sa face noire, Rapine aussi pour leur faire adiutoire, Vindrent sur moi frapper d'une autre part: Mais tel assaut sut pour eus frustràtoire, les chassai par oëuure meritoire Et si les sei retirer a l'escart.

Apres i vint vne femme vibreuse Qui robe avoit toute sale & cendreuse, Qu'on nommoit Ire, ou plaisance n'i a, Face porteit triste, pale & vmbreuse, Sa contenance estoit toute encombreuse, Qui dessus moi sa force dessia. Premierement de fureur s'allia Et contre moi tellement prelia Qu'au bas me mit en fosse tenebreuse, Mais ie sei tant qu'ire on humilia. Cueur pacient la print & la lia Et la rendit toute humble & sunebreuse.

Ennie acoutt a ce diners combat Qui d'un seul coup, mais fort rude m'abat, Detraction me cuida lors destruire, Haine i suruint, qui me frappe & me bat, Derision augmente le debat. Ie me relieue & fai rage de bruire,

Paresse

Paresse vent par repos meseduire; Gulosité s'efforce de m'induire A gourmander en crapuleus s'abat; Et ce pendant les traistres introduire Pour me tuer, tout ceci sçait conduire L'ange mauuais, qui a tels ieus s'esbats

Ceste bataille & guerre despiteuse
A suporter mon ametant piteuse
Par tressong tems en grand crudelité:
Mais vne folle a moi trop capiteuse
Dissimulant par force marmiteuse,
M'a fait trop pis, c'est Sensualité:
Car elle m'a par sa garrulité
Tant nuit que iour en insidelité
Touiours présé par façonimpiteuse
Et mis mon cors en tel insirmité
Que bien souvent suis en necessité
Dedestrer la mort calamiteuse.

Or en pensant dont tout ceci procede
Et dont mon cors si tressouent excede
Et contrarie al'esprit & raison.
Ce pensement mon fantasme precede
Qui a mon sens par nature succede
Pour conceuoir telle derivaison,
Puis ils s'en vont en l'insime maison
De ma memoire, ou font comparaison
Du bien au mal, & lequel antecede.
Ie voi le liure, & si fai oraison
A Dieu puissant, qui me fait donnaison
De telscauoir pour lequel i intercede.

Dont pro-



#### DONT PROCEDENT LES

guerres spirituelles, & de la beaute & noblesse de la Dame amoureuse, qui est l'ame raisonnable incorporee. Chapitre premier.



Gitê, presse & tourmentê des assaus du monde, qui sont, comme a escrit faint Iehan en ses epistres, la concupiscece de la chair, celle des ieus & l'orgueil de vie, en bataillantiour & nuit cotre eus par guerre continuelle, ou par fois suc-

combois, & par fois auois victoire, me prins a dire apres saint Paul. I'ai trouué vne loi en mes membres repugnant a la loi qui plait a raison, & quant raison m'appelle a faire vne chose, concupiscence m'incite au contraire, & ce qui est mauuais reluit en moi, & ce qui est le plus droit est essongé & reculé. L'inclination de peché est tellement adherát a ma chair, a la coustume de delinquer a telle vigueur & force, qu'elle est presque conuertie en nature, par la quelle ie suis attiré a pecher, come seroit vn pauure captif qu'on tient par force. O malheu-

A reus



reus home abstraint a si moleste servitude, qui me deliurera de ceste chair obligée & subjecte a tant d'affections, vices & guerres, & laquelle me tire toussous a la mort, fors Dieu eternel par son fils Iesuchrist nostre sauueur! Comme i'estois en ceste tristesse & cogitation fort pressante, perscrutant par toutes les regions de mon pauure cerueau, tât en celle de la vertu du sens comun, qui est le centre des cinq fens de nature, que en celles de l'imagina-tiue, estimatiue, memoratiue & motiue, par lesquel les on a communement cognoissance & apprehésion de toutes choses par vigilant labeur, ne peus auoir de moi mesme consolatio de ce qui me troubloit & trauailloit, par quoy me misa veoir & regarder en ma petite academie pluralité de liures naturels, philosophaus, morauls & euangeliques, & finablement trouue que toute creature humaine regenerée du fainct facrenient de batefine, est vne ame raisonnable incorporée espouse de Iesuchrist, qui passe le repaire de vie humaine pour aller au port de salut, celebrer les futures espousailles du noble mariage de Iesuchrist & d'elle, si par grace diuine elle demeure victorieuse es diverses batailles & guerres impetueuses que luy font la chair, le monde & le diable, auec leurs coplices, ce qu'elle ne peut ne scauroit faire, fors par amour fidele & & charitable qu'elle doit auoir a son espous.

Pour monstrer donc les merueilleus dangiers de ces perilleus passages, que s'ai par experience conneu a mon grand deuil & desplaisir pour les fautes que s'ai commises a l'honneur & gloire de Dieu premierement, augmentation de nostre soi, & a ce que dore nauant ie me puisse garder des perils esquels s'ai souvét esté surprins & aprêdre le

moyen d'i auoir victoire, & en cas de declinement de pouoir me incotinét releuer, & aussi a l'instructio des ignorans les lettres latines i'ai fait ce petit traité, intitulé les triuphes de la Dame amoureuse, c'est a dire de l'ame raisonnable incorporée soit d'home ou de feme. Laquelle pour la grad amour qu'elle a eu a son espous Iesus, a par grace diuine vaincu tous les assaus mondains qu'on a parire, conuoitise & volupté, qui sont les trois ennemis des creatures humaines que nos poetes ont appelle furies, scauoir est Alecto, Thisiphone, & Megere, & les theologiens moraus la chair, le monde & le diable. Car comme a escrit Lactance en son liure des diuines institutions. Les Philosophes stoiciens, desquels So crates estoit le prince, s'efforcerent arracher & extirper des cueurs des hommes & femmes toutes affectios, come maladies mortel les & incurables, mais les Peripatetiques, desquels Aristote estoit le maistre, dissient l'opposite, & a bon droit, comme dit Lactace, s'il scauoit les vains Lattan. dit a ce propos qu'il i a trois affections que ie nôme autrement passions, qui induisent les humaines creatures a tous vices & peches, scauoir est ire, conuoitise, & volupte. Ire desire vengeance, connoitise, les honneus & richesses, & volupté, luxure, lasciuité, & toutes delices corporelles & sensuelles, mais Dieu tout puissant i a mis limites & moderatios, qu'il ne convient transgresser, autrement on succomberoit en toute abhomination de peché & corruption de vie.

Les limites sont que l'affection d'ire est en nous pour reprendre & punir nos vices, offenses & delits & ceus des autres qui sont sous nostre pouvoir.

C'est a dire a ce que par vne droite discipline ceus qui sont plus ieunes que nous ou moins vertueus, soient induis a vertu iustice & preudhommie, car s'ils n'estoient empechés par crainte & menasses, la licence de mal faire leur engendreroit vne audace de venir a toute infirmité & dissornité de peché, mais vser d'ire & vengeace contre nos pareils qui n'ont transgresse les lois de iustice, c'est vne chose impiteuse, car par icelle on violeroit humanité, aussi seroit pernicieuse, par ce que par telle affection irascible on destruiroit son semblable.

Volupte corporelle, autrement dite Libidinitê elle nous est donée pour engédrer & auoir lignée par loial mariage, a ce que en la multiplication des humains dieu loit toufiours mieus glorifié & honnoré. Et conuoitise est en nous pour desirer tou-tes choses salutaires, scauoir est biens corporels, fpirituels & temporels, pour en seruir Dieu & faire nostre salut & non pour autre chose, mais nous en vsons mal, car par ire qu'on exerce cotre ses pareils & contre les innocens, font engédrées noiles, questions, proces, malueillances, guerres, homicides, destructions de villes & pais, detractions, enuie, clameur, blasphemes, pariures & toute cruauté. Ét de conuoitise procedent fraudes, larrecins, tromperies, deceptions, pilleries, vsures, simonie, rapine, concussions & iniustice. Et de libidinitè procedent stuprations, incestes, deflorations, adul. teres, fornications, deshonnestes pensees, folles locutions, amour de soi, amour du monde, villains atouchemens, gourmandise, paresse & autres vices charnels. Contre lesquelles choses est requis batailler par foy, Esperance, Charitè, Prudéce, Iustice, Force & Temperance.

Or pour

Or pour entrer en ma principalle matiere, ie August. di apres saint Augustin que la Dame amoureuse sibro dedelaquelle ientés parler, est lame de chascune crea finitio-ture humaine raisonnable, qui est vne substance créée inuifible, femblable à Dieu immortel qui n'a autre image que celle de son createur. Laquelle ame fut mise pour passer le repaire de vie humaine en vn cors fait & formé de vile matiere qui au parauát estoit insensible, & corruptible, & par l'ame fut viuissé & fait beau, cler, amiable, ioiéus & propre a faire tout bien. Et lui furêt bailles cinq seruiteurs, ce sont les cinq sens, veoir, ouir, toucher, gouster & sentir, qui sans l'ame n'auoiet puissance de faire aucune chose, & de'us mesmes ne pouuoient meriter ne pecher

On me pourroit demander tesmoignage que l'ame soit faite a l'image de la sainte trinité, il est ex pressement escrit au commencement du liure de Genele, ou la trinité dit. Faisons l'homme, cest a dire l'ame a nostre semblace & ainsi le faut croire. car c'est nostre foi. Mais on ne le pouroit monstrer par raisons naturelles ne philosophales, toutefois on i trouue plusieurs similitudes. La premiere, car ainsi que dieu est vn en essence, aussi est l'ame, & comme il est triple en personnes, scauoir est le pere, le fils & le saint esperit en vne essence & deite, aussi est la puissance de l'ame triple, car en elle sont entendement, memoire, & volonté, toutefois il i a difference de la trinité diuine a celle de l'ame, car les trois personnes diuines sont yn dieu & vne essence diuine, mais les trois puissances que sont les trois parties de l'image de l'ame ne sont vne essence auec lame. Lame lelon la substance est naturellement immortelle & incorruptible par ce qu'elle

Digitized by Google

n'a chose contraire a sa nature, det elle puisse estre corrompue. Il ia vne autre similitude de l'ame a Dieu, qui est que Dieu est inuisible a tout oeil corporel, & l'ame est chose spirituelle, qui est inapprehensible au seus 'corporel, d'auantage Dieu est par tout & en chacune partie entieremet, car il est indiuisible, & l'ame est en tout le cors eten chacune partie dicelui, car on ne scauroit blecer si petite partie du cors qui ne sente douleur, par ce que l'amé viuifié icelle partie, il appert doc que l'ame raisonnable ne pouroit estre plus belle puis qu'elle est faite a l'image & semblance de Dieu, capable de gloire eternelle & fille de la trinité.

Ceste ame incorporée entra au repaire de vie humaine auecques les cinq sens, & fut espousee par procureur sur les sacres fons de baptesme auec lesuchrist eternel & vnique fils de Dieu tout puif. sant entre les mains du prestre lieutenant de Dieu en terre. Et apres qu'elle eut esté batisée auec vn peu d'eauë clere par ces mots. Ie te batise au nom du pere, du fils & du saint esperit, amé, fut reuestue de la robe de purité & innocéce, & lui enuoia son espous vn anneau garni de deus pierres precieuses.L'une appellée amour de dieu, et l'autreamour de son prochain, & si lui sit bailler treze deniers d'or Marqués par les douze apostres, qui sont les douze articles de la foi, & le trezieme estoit de simple & pure foi & creance.

Par le traité de ce tant saint & sacré maiage, L'ame raisonnable incorporée donna aussi son cors entieremet a son espous Iesus, & promit lui obeir, l'aimer & le seruir toussours & Dieu son pere sur toutes choses tant que elle viuroit en ce repaire de vie humaine. Et pour douaire Iesus luy pro-

mit apres le depart d'elle & de son cors l'eternel roiaume de paradis auec vision & fruition de lui. Et fut dit que si elle ne luy gardoit loiaute & se abandonnoit a autre, qu'elle seroit des apresent comme lors, & deslors comme apresent priuée de ce riche douaire & codamnée a peine eternelle en l'horrible lieu d'enfer determiné pour les pecheurs obstinés. Les procureurs de l'ame qui sont les comperes & commeres firent toutes ces promesses pour & en son nom, & a ce obligerent & lierent l'ame & le cors selon la determination de la loi euangelique, car l'ame renfermée en son cors n'auoit encores l'usage de raison, Sur ce faut entédre que iacoit ce que L'ame des ce quelle est crée & infuse en son cors, soit de Dieu inspirée & tousiours en son estat, & des le tems qu'elle a eu la fa. culté d'inspirer vie en son cors ne soit plus grand ne plus petite, mais vne melme, chole iulques a ce quelle sorte du cloistre corporel, toutefois par ce qu'elle est recluse & réfermée au domicile de chair terrestre qui est corruptible, n'a la science de diuinitè, mais par son intelligence ou sens, qui elt la souveraine partie ou premiere puissance de lame appellée l'osperit par saint Augustin, & en latin mens par les philosophes & Theologiens, apréd la science en l'oiant par les sens corporels, & la retient par sa memoire, laquelle intelligence ou sens croit & diminue selon l'aage & la disposition du cors, car comme nous voions le sens croit aux enfans selon les ans, & la vigeur en la perfection de l'aage, puis diminue en la vieillesse, & aussi nous voions aucuns qui n'ont sens n'intelligence, mais sont furieus & insenses & neantmoins l'ame n'en est viciée ne corrompue, mais donne toussours A iiij

vie au cors, & a le sens & intelligence selon la di-Lastan. sposition du cors & labeur qu'il prent a scauoir, dont Lastance parle plus amplement en son liure insti.

> Comme la Dame apres son enfance est conduite en la terre d'Adolescence, & de la belle & grand compagnie qui lui fut baillee. Chapitre y.

Ncontinent apres les espousailles de L'ame incorporée faites & celebrées, vint vers elle vn grad homme, vestu de diuerses couleurs qui estoit d'une estrage sorte. Il auoit le visaige plein

d'estoiles, sur son chef vn thiare de neuf cercles qui tournoiét a l'opposite l'un de l'autre. Au frot portoit vn foleil, & derriere son chef vne lune. lauoit la face fort vieille, cheueus & barbe longs. & blancs, & portoit es bras & iambes de grans aesles. En l'une de ses mains tenoit vng fouet, & me fut dit que c'estoit le tems, lequel print L'ame incorporée & la monta sus vne haquenée bláche qui s'appelloit Innocence, puis se departirent & moi auec eus, & soudain passeret la terre d'Enfance. Car le tems de son fouet de brieue vie, touchoit d'une merueilleuse sorte L'ame incorporée, Et comme ils entroient en la terre d'Adolescence ou ils seiournerent iusques an vint & cinquieme an de l'aage de L'ame incorporée, ie vei soudain auec elle grosse compagnie de gens, les aucuns en chariots, les autres sus cheuaus & haquenées, que ie ne coneu de prime face, toutefois ie sceu incontinent

tinent apres, que c'estoit la compagnie que Dieu auoit baillée par infusion a L'ame incorporée des sa creation, comme il sit a toute autre ame raisonnable.

Ceus de ladite compagnie estoient Entendement, Memoire & Volonte, Raison, Sensualite, Sapience, Theorique, Practique, Theologie, Foi, Esperance, Charité, Iustice, Prudéce, Force, Temperance & autres plusieurs qui auoient tous offices & estas auec l'ame raisonnable. Volonté estoit la grand maistresse du palais de l'ame, car sans elle L'ame ne pouuoit meriter ne pecher. Memoire estoit son principal conseiller & directeur. Entendement estoit chancellier, Raison sa gouuernante, & Sensualité estoit servante & dame de chambre de L'ame incorporée. Tous lesquels estoient montes sus cheuaus legers. Auec entendemét estoiét trois autres conseilliers, scauoir est Sapience, Pratique, & Mecanique, chacune desquelles auoit fort belle suite. Sapience estoit suiuie par Theologie, Phisique & Mathematique. Theologie estoit vne dame diuine qui seruoit L'ame de la cófeiller & diriger aus choses celestes, & estoiet auec elle Foi, esperance & Charite, toutes montées sus haquenees bláches, Phisique motée sus vne grosse mulle fallerée, pour lui ensegner la raison des choses naturelles. Et Matematique montée sur vn cheual leger, seruoit de lui monstrer que c'estoit de la quidité dune chose abstraite de la matiere, & auoit auec elle Grammaire, Rethorique, Logique, Medicine, Aritmetique, pour apprendre a comter, Musique pour appredre a châter, Geometrie pour apprendre a mesurer, Medicine & Astronomie pour auoir congnoissance du cours des planettes Av

& autres estoilles erratiques & fixes toutes montées sur cheuaus legers, et toutes ces dames qui suiuoient le char de Sapience estoiét destinées & ordonuées pour oster lame raisonnable d'ignorace.

La seconde des trois dames nommée Pratique servoit d'empescher ou moderer la concupiscence de l'ame, & sui enseigner les choses vertueuses regardant la felicité ciuille, & estoit sniuie par Iustice, Force, Prudéce & Ten. perance. Prudéce avoit auec elle Monostique, Economique & Politique, toutes montées sus hacquenées de poil moreau. Force avoit avec elle trois autres damoi selles motées sur haquenées de poil brun bai. Temperance avoit avec elle plusieurs autres damoiselles montées sur hacquenées de poil grison, & sustice estoit suivie par autre grand nobre de ieunes damoiselles montées sur haquenées de poil rouge tresbien fallerées.

La troisiesme des trois dames estans au conseil D'entendement Chancelier de Lame nomée Mecanique, estoit aupres pour la conseiller es choses necessaires pour la vie & estat corporel, & estoit fuiuie par Agriculture, Chasse, Pescherie, Nauigatio, Marchádise, Architectoniq & Lanisice, & estoient toutes motées sur petis courtaus bien gaillars de poil grison meslé. Il i auoit vne autre béde fort modeste de trois dames vestues en humilité montées sur haquenées blanches fallerées de velours bleu, nommées Foy, Esperance & Charité.

٠,٠

L'ame demoura par dishuit ans a passer la terre d'Adolescece, ou elle sit plusieur logis. Et vei premierement que dame Foi luy aprint les douze articles de la foy, l'oraison dominicale & les dis conmandemens de la loi. Dame Mecanique luy pre-

senta

senta ses damoiselles, qui sont Grammaire, Rethorique, Logique, Musique, Marchandise & autres dessus nommées, pour apprendre a se nourrir au repaire de vie humaine, auec lesquels L'ame sur longuement. Puis Sapience lui bailla Phisique & Mathematique, qui la frequéterent quelque tems, & lui apprindrent a connoistre les choses naturelles & quelque peu de Arithmetique, Geometrie et Astronomie. Et sur la fin du voiage de Adolescence, dame Pratique qui se entremetoit des choses vertueuses regardans le bien ciuil & supernel, mit L'ame raisonable entre les mains de Prudéce, Force, Temperance & Iustice.

Les instructions de Prudence, & commens on peut & doit estre prudent. Chapitre iÿ.

Ame raisonnable incorporée se disposa ouir & entendre es quatre vertus moralles. Prudence se mist de uant les autres richemét vestue d'une robe de velours noir sourée de sines martres allant a fleur de terre sans superfluité, & bié fermée au colet. Sur ses cheueus pédans sur

nes martres allant a fleur de terre sans superfluité, & bié fermée au colet. Sur ses cheueus pédans sur les espaules auoit vn linúple de fine toile de Hollande simbrié de riche orfauerie, sa cótenáce estoit assez graue sans orgueil, só port rassis, & só regard fort arresté. En l'une de ses mains tenoit vn cópas, & en lautre vn astrolabe de astronomie pour cópasser la lautre vn astrolabe de astronomie pour cópasser la parler & dire. Qui veut honestemet passer le repaire de vie humaine, doit viure droitement par raison, & considerer & entêdre la nature des choses, leurs qualites quátites, quidites & dignites

Caril i a des choses qui semblent estre bonnes, & ne le sont, des autres qui ne semblent estre bonnes & le sont, Et a ce propos ie dis qu'on doit peu estimer les biens temporels qui sont transitoires & caduques, & ne doit on les garder come estran-

ges, mais vser comme siens.

La personne prudéte est tousiours en vn propos s'il est bon, & pren le tems come il vient, sans le muer ne changer par grad aduerlité ne prosperité, & est ainsi que la main qui tousious est main soit close ou estendue. Elle ne fait chose de cosequéce sans coseil, elle n'est facile ne legere a croire choses fausses & mauuaises, elle ne iuge ne diffi nit des choses ambigues & douteuses, mais en tiét la sentence & iugement en suspens, & n'afferme vne chose vrai semblable pour verité. Elle pense au tems aduenir,& au bié ou mal qui peuuet proceder de quelque acte si on le faict, parquoi ne dit iamais. le ne cuidois que telle chose aduint, car elle ne fait rié en doute, & si ne fait chose souspeconneuse, mais selon la faire i pouruoit. Il se conuient enquerir de la cause d'une chose qu'on veut faire, & quand on aura trouué le commencement on pésera a l'issue. Il i a des choses quon ne doit iamais comecer, & qui les comece & i perseuere sen trouue en domage par perte de bies ou d'hôneur.

La personne prudente ne veut deceuoir, & ne peut estre deceue, les opinions doiuent estre iugemens, & ses cogitations, si elles sont inutiles & vaines, reputées pour songes, & les bonnes doiuent estre stables & fermes, soit en deliberant, demandant ou contemplant, & si ne doiuent aucunement laisser la verité. La parolle della personne prudente, ne doit estre vaine,

foit en suadant, admonnestant, coseillant ou conmandant, elle doit louer autrui modereement, & ne le vituperer par courous quelconque. Car trop grand louange excessiue est suspecte d'adulation & slaterie, & vitupere, de malice ire ou enuie. On doit porter tesmoignage de verité, non parler par inimitié ou suspecte amitié.

La personne prudente doit bien penser auant que prononcer, & si elle a promis, le faire voluntairement quant cest chose raisonnable. Elle doit disposer ces choses par trois tems, recorder le tems passe, ordonner le present, & pourueoir a l'aduenir. Car qui ne pense aus choses passées perd tatot la vie, qui ne pouruoit a l'aduenir est appellé fol & obliant, & tombe facilement en plusieurs dangiers, il est donc requis mettre deuant ses ieus les biens & maus suturs, a ce qu'on puisse moderer les biens sans trop s'en exalter, & qu'on puisse paciemment supporter les aduersités & maus.

La personne prudente ne doit estre tousiours en cotinuel labeur du cors, mais doit aucunesois prendre recreation de cors & d'esperit. Et neantmoins ce repos doit estre plein de bonnes cogitatios. Car iamais l'esperit ne peut estre du tout absolu de toutes pesses. On ne se doit soudain destour Hecqua ner d'un bo propos pour les parolles qu'on oit di-sequatur re, & sans soi arrestera cellui qui parle ne a son aus sumpsi etorite, on doit penser a ce qu'il dit. On ne doit ex senecomplaire a tous, mais regarder a qui, ne pretendre ca de a chose ou lon ne pouroit paruenir, ne aquerir quatuor science passant la faculté de l'esperit, ne desirer virochose qui n'est honneste a desirer deuant les bonnes & honnestes personnes, ou deuat Dieu, & si ne

Digitized by Google

doit on monter a chose si haute que les asseures i tremblent & doutent le descendre.

Si la personne prudéte paruiét a quelque grand prosperité mondaine, se gouverne mieus par son conseil qu'au paruant, et contiendra en lieu secret, en regardant ou elle déura aller, & iusques a quel lieu. Ét si convient vser de prudéce moiennemet, car si elle excede les termes & limites de raison, cellui qui en vse par tel excessera estimé pàoureus, d'engin trop aigu, inuestigateur de tous latens domages, ostentateur, souspeconneus, inuétif de toutes mauuaises finesses, cauteleus, trompeur, deceueur, supreneur, ennemi de simplicité, & finable. ment mal renomé de tout peuple, mais la personne est dite & jugée persister & aller moyennemet en prudence, qui n'a l'esprit trop gros ne subtil.

#### De cinq manieres de Prudence. Chapitre iiÿ.

Hac qua sequuntur fumpfi Anto. in sumpar.ti.ü

Adame Prudence, dit L'ame, vous dites merueilles. Mais vos sentences sont si trescourtes qu'a peine ie les puis entendre. Dites moi s'il vous plait distinctement come on se peut gouverner prudemmét en tous estat . Pour l'entéex beato dre, dit Prudence, convient considerer que tout homme d'entendement doit estre prins en trois manieres, scauoir est quad a la singuliere perfectió de lui, quand au gouuernement de sa famille & quant a la communication de son prochain. Pour la premiere conuient auoir vne prudence particuliere appellée Monostique, pour la seconde vne prudence appellee Economique. Et touchant la tierce convient la considerer en trois autres manieres

nieres, ou tel homme est suiet a vng roi prince ou autre dominateur, & lors lui necessaire vne prudéce appellée Politique, ou tel home est roi & prince, auquel conuient auoir vne prudence qui ie nome Regnatiue, ou il est propugnateur & dessenseur du bien commun, & a tel conuient prudence militaire. Et par ce i'ai cinq filles toutes nommées du nom de Prudence.

# De Prudence monostique.

Rudence monostique est necessaire a toute creature raisonnable pour bien se gouverner en se gardant de mal faire & obeissant aus comande-més dedicu. Et a cepropossait Paul rescriuoit a ceus d'Efese qu'ils cheminassent cautement, non come insipiens & ignoras, mais comme sages & prudens. L'homme prudent doit cosiderer de quoi il est, qui il est, et quel il est. L'home a l'ame & le cors. L'ame est faicte a l'image & semblance de Dieu, & le cors est formé de terre. Ét a ceste consideration doit sans comparaison mieus simer son ame que son cors. Il doit penser secodement qui il est, pauure ou riche, maistre ou seruiteur. Et tiercemét doit cossiderer quel il est, bo ou mauuais, clerc ou non clerc prudet ou ignorat. Et pour mettre ordre a tout ce, ie baillerai neuf reigles.La premiere est l'intention de la personne qui est comencement de toute operatio, par laquelle sot generalemet toutes les operatios iugees bones ou mauuaises, fors des choses qui de soi ne pouroient estre bonnes en quelque sorte qu'on les peut faire comme adultere, fornication, rapine, furt, pillerie, blaspheme, vsure, & autres crimes fembla-

semblables, car on ne scauroit faire ne commettre tels cas en quelque bone intention qu'on pouroit imaginer que ce fussent bonnes choses, car elles sont de soi mauuaises. Quant aus autres operatios elles sont iugées par l'intétio de ceus qui les font, comme de seruir Dieu, ieuner, donner aumosnes, estre huble, estre liberal, chaste, pudicque, loial, diliget, amiable, gracieus & autres choses semblables qui de soi sont bonnes, car aucuns font telles oeu-ures par gloire et pour auoir l'honneur du monde seulemet, & par ce moye sont infuctueuses & n'en auront autre retribution.Les autres les font pour auoir la grace des hommes ou femmes, & aquérir biens temporels ou pour auoir santé ou autre prosperité temporelle ou corperelle, dont l'oeu-ure pource n'est meritoire. Et les autres font tels biés,& se gardét de mal faire par le grad amour & charite qu'ils ont a Dieu & a leur prochain pour l'amour de Dieu tels meritent enuers Dieu qu'il prent en tels cas plaisir a leurs bonnes oeuures.

La feconde reigle dirige les cogitations & penfees des personnes qui sont diuerses a trois choses, scauoir est a bonne et honeste sin, a stabilité et humilité, comme celui qui pense & cogite a gouuerner ses enfans & sa famille, a conduire son estat ou mestier, a acquerir quelques biens temporels, ou a les conseruer ou a autres negoces terrestres, car en telles cogitations & penses on se peut garder de pecher, pour ueu qu'on delibere faire toutes ces choses a l'honneur & gloire de Dieu principalement, & consecutiuement pour passer les miseres de ce monde honnestement sans faire tort a autrui & non pour la gloire du monde & pour nourir son cors en delices, volupté & paresse. Seconde condement les cogitatios doiuent estre stables & fermes pourueu qu'elles soient bones. Et en ce cas ne doiuent estre changées par aduersité ne prospenté, car pour richesse ou pauureté ne se faut estogner des bonnes pensées qui procedét de Dieu tendans a l'acomplissement de se comandemens. Tiercemet ses pensées doiuét estre simples & humbles & ne les exalter aux choses transcendans l'esprit d'humaine creature, mais doiuét les personnes péser & cogiter que c'est de leur cors combien est ce monde plein de niisere, & combien sont muables & variables leurs espris, ausi doiuent penser en l'humanité de Iesuchrist, en ses peines, labeurs et en tous les misteres de sa mort, passió & resurrectio

Apres la cogitatió viét a discerner ce a quoi on pele, si cest chose bone ou mauuaise, par vne illu itration ou connoissance. Et par ce doit la personne discerner le vray du faux, & le bon du mauuais, a ce quelle elise le bon & le vrai, & laisse le faus & mauuais. Et pour auoir c'este conoissance ou illustratió doit lire les euágiles qui est la vraie Theologie, & les autres saintes escritures & legendes de faincts, par lesquelles poura connoistre en considerant la vie de Iefuchrist de la vierge Marie, des autres sains & saintes, comment il se faut gouverner & suiure nostre seigneur Iesuchrist en operations au mieus qu'on poura, aussi doit la personne considerer les instincts diuins & inspirations du saint esperit & les connoistre des mauuais instincts foient naturels ou autres.

Cen'est asses se garder de mauuaises intentions & cogitatios, ne d'auoir connoissance de ce qu'on entend & pense faire, mais aussi convient donner bon exemple a l'edification de son prochain en

De donner exemple.

trois manieres, scauoir est se garder de pecher, &. de toute ce qui a quelque espece de vice pour crainte de scandaliser son prochain & de lui donner occasion de faire quelque faus iugement ou detracter, comme de prendre noise, querelles, questios, se rendre incompatible. de frequêter lieus suspects, comme vn religieus, prestre seculier ou autre ieune homme auec femmes veuues, vierges & religieuses, car iacoit ce que par aduétuere soit sans mal i penser, toutefois or donne occasion au gens de mal en iuger & sinistrement parler. Secondement on doit donner bon exemple a sa femme, a ses en. fans, a sa famille & a ses voisins par frequentation de bonnes oéuures, en se monstrant vertueus, en toutes choses sans suspection de euidente macule. Et tiercement on doit donner tels exemples auec grand discretion, car toutes ceus qui ont les vertus n'en scauent tousiours discretement vser. & toutefois sans discretió vn oëuure ne peut estre dit vertueus. Il convient regarder & considerer la maniere & le tems pour les faire, autrement pouroient retourner a scandale. Ce que nostre signeur Iesuchrist obserua tresbien lui estát corporellemét. en ce monde, car aucunefois il reprenoit, aucunefois se taisoit, aucune fois faisoit miracles, aucunefois n'en vouloit faire, aucunefois ieunoit, aucunefois mangeoit & beuuoit faisant le tout a edification. Il i a du tems que iscoit ce qu'on voie faire vn peché & bien grand, pourtant n'est requis que lors on en parle pour le reprendre, par ce que en le reprenant lors on causeroit blaspheme, homicide ou autre grosscandale. Aussi i a maniere de coriger fon prochain, aucunefois en secret, aucunefois pu-, bliquement. Et i a des heures & des jours qu'il comiet boire & mager en copagnie honneste & non ieuner, & qui ne le feroit on donneroit occasió de dire, voila vn ipocrite ou simulateur, i'entes quad ce ne ont ieunes comandées, il i a semblablement des iours que si vne personne ne ieunoit seroit sca dalisée, mesmement les jours des jeunes commandées, & les religieus le jour du vendredi s'il ni a excuse legitime,

Nostre figneur Dieu en la creation de l'homme Delocaa mis les leures & dens au deuant de sa langue a ce tion. que trop subit ne proferat ce que viendroit en sa cogitation, & a celte colideration la personne doit estre tardiue à parler, & auant que parler garder quatre choses & i penser. La premiere que toute parolle doit estre dite en charite, c'est a dire la gloire & honneur de Dieu, & a l'edification & salut de cellui qui parle ou de son prochain. On ne se doit iacter ne vater, detracter ne mesdire. On ne doit proferer ne mettre hors de sa bouche parolle deceptiue, mensongiere, lubrique, ne scadaleuse, & s'il aduient qu'o parle de quelq facecie ou cote ioieus, la narratio en doit eltre fans propos lascif, iure més ne las doner occasio aus escoutas de mal juger ne d'auoir qlque delectatió ou volupte en la matiere n'en la forme de telle facecie ou narratio. Seco demét toute parolle doit estre dite a prousit & no a perte & domage de autrui. Tiercemet la personne qui parle doit tousiours choisir le meilleur pro pos quelle poura pour se garder de mal parler. Et quartement la personne se doit garder de mentir, pource que mésonge est toussours peché a tout le moins veniel, & souuet mortel, a la raiso de ce q le méteur abuse de sa bouche organisée que lui est ba illée pour dire & prononcer ce que pense le cueur.

Des ope La creature raisonnable doit tendre de tout son rations. pouvoir a saire toutes ses operations bonnes. Et pour i paruenir convient garder quatre choses. La premiere est diligéce procedant de bone vouloté, car on ne doit seruir Dieu lentement, a regret, & par ennui ne faire autres bonnes oeuures. Secondement on doit ofter de ses operations toutes superfluités, mesmement de vins, viandes, vestemés, edifices & autres choses semblables. Tiercemet on doit penser au tems passé & considerer comme on a velcu & au tems futur premeditat ce qui pourra aduenir. Quartemét les operations doiuét estre multipliees, scauoir est aucunefois ieuner, a l'autre fois aller visiter les eglises, a lautre fois faire aumosne,a l'autre fois endoctriner les ignorans, & a faire autres oéuures saintes & bonnes. Et outre referer toutes ses operations a la gloire & honeur de Dieu principalement, puis aus choses necessaires pour sa vie & de ceus desquels on a la charge, & aussi faire plaisir a son prochain.

Defrution.

Il convient apres que les bones oeuvres engendrent quelque bien, comme bon exemple, bonne doctrine, subuention aux indigens, conseil salubre, consolation, pais, concorde, amour, dilection, honneur a Dieu & proufit a son prochain comme dit est. Et quelque mestier, estat ou astuce qu'o aie en ce monde conuient principalement l'exercer a la gloire de Dieu,a la manifestatió de sa puissance & boté, puis a son proufit et de celui de son prochain, sans lesquelles coditions les operatios des humains ne plaisent a Dieu.

Des af

Auec les choses dessus declarées la creature raifettions. sonnable doit auoir deus affections, l'une sensuelle & l'autre spirituelle. L'affection sensuelle est de

nourir & entrenir son cors ses enfans & sa famille. aquoi chacun est tenu, non a volupté & delices, mais pour la necessité. Et par l'affection spirituelle on doit faire toutes les operations par vng desir qu'on a de seruir, & aimer Dieu sur toutes choses, & son prochain pour l'amour de Dieu, non d'amour charnel & sepsuel, mais spirituel. Aussi quand on fait quelques oéuures spirituelles, côme dire messe, prescher, doner aumosne, faire vn acte de iustice, on ne le doit faire pour en auoir proufit temporel ou honneur mondain principalement; mais a l'honneur de Dieu & edificatio de son prochain comme dit est.

Finablement la personne prudéte & modeste en De me faits & en dits, & si d'aduenture reprend quelques destie. vices doit estre beninement sans vser de parolles iniurieuses prouocates a ire & indignation ne dot puisse sortir scandale, & doit mostrer en toutes ses meurs vn vouloir honeste vne doulceur & benignité a ce que par sa doctrine & bonnes oëuures puisse faire fruit par bo exemple, douce attraction

ou autrement.

De Prudence Economique necessaire a gouuerner vne famille. Et premierement comme se doit gouverner le mari auec la femme

N toute famille i a comunemet trois communites, scauoir est le mari & la femme, le pere & les enfans, le maisstre & les seruiteurs. Le mari doit garder plusieurs choses a son espouse. La premiere qu'il viue auec sa fenime affablement & socialement, & c'est adire communiques

B iii

auec elle priuement de toutes les communes affaires de la maison, lui donner aucunesois passe tems & cosolation, no seulement par copule charnelle, mais par autres moiens honestes. attedu qu'il n'est couenable a femme mariée se exhiber pour passe tems a autre homme que a son mari, & doiuent estre les signes d'amitie de maria femme d'autre forme que d'un homme solu a vne femme no mariée. Si la femme est humble & honneste, le mari la doit traiter honnestement & benignement. Si aucunefois elle erre la doit admonnester de mieus faire par douces parolles & gracicules remonstráces, mais si elle est orgueilleuse & rebelle la doit reprendre plus afprement, & pour le commencemét par quelque douce rigueur. Quoi qu'il en soit se doit garder s'il est possible de la batre outrageusement, car elle est sa copagnie, & si aura dager apres auoir este batue que iamais ne le puisse aimer. Et souvent advient que pour batre vne bonne femme deuient mauuaise, & la mauuaise en deuient pire. Secondeniet le mari doit entretenir sa femme honnestemét de son viure, de ses vestemés & d'autres choses appartenans au sexe feminin; le tout selon leur estat & vacatio sans exces ne supersluité. La femme est faite pour laide de l'hôme a l'oeuure de generation & par ce n'est a traiter comme seruante ou chambriere. Aussi ne doit estre trop sumtueusement vestue, car cela engedreroit scandale. ,La femme d'un mecanique viuant de son mestier ne doit estre tellement vestue que la femme d'un riche marchant, ne la femme d'un riche marchant: que celle d'un riche bourgeois de ville viuant de ses rentes, ne la semme d'un bourgeois que celle d'un president, conseiller, iuge, ou autre homme : constitué en auctorité, ne la femme d'un homme de ville constitué en auctorité, comme celle d'un baron ou seigneur chastelain, il conuient i obseruer ordre en sorte que murmure & scandale n'en forte. Tiercemet lemari doit aimer son espouse par raison & si moderéement quil n'en soit ialous, autrement lui donneroit occasion de ne lui estre sidele & loialle. Et si sera par ialousie en vne merueilleuse peine & ennui, par ce quil sera tousiours en doute & suspicion, & a ce moien aura tousiours son cueur en tristesse & angoisse, & si ne pourra comme il appartient vaquer a ses affaires ciuils ne domestiques. Et pour empescher ce mal de ialousie, doit considerer que la concupiscence vient des choses absentes & non presentes, & des choses pro hibées & non permises. Au moien dequoi on voit communement que les femmes qui ont mari ialous sont plus excitées a mal faire que les autres. Car par la prohibition que on leur en fait, la concupilcence leur croit. A ceste consideration pour garder vne femme en chasteté honeste, lui couient monstrer signes de grand amour effectuellement, & que on n'a aucune deffiance d'elle, mais l'estimer telle qu'elle aimeroit mieus mourir que rompre sa foi. Aussi doit estre bien entretenue & honnestement nourrie, a ce quelle n'aie occasió de demander vestemés & nourriture a autre. Et si doit estre sans rigueur empeschée de frequéter les assem blées & festes scadaleuses, & les festins & bacquets suspets, comme de gens d'eglise & autres qui ne sont maries notes de impudicité. Aussi se doit gara der le mari de amener a sa maison ieunes gens ne autres suspets de lubricité.

Les conditions d'une bonne femme espouse.

Acoit ceque le mari & feme se doiuét garder fidelité l'un a l'autre mutuel-lement & ne se habandonner a autre fur peine de damnation. Toutefois le crime d'adultere est plus dangereus & ignominieus a la femme que a l'home, au moien de l'incertitude des enfans bastards qui par tel moien pouroient auoir contre raison les biens du pere & de la mere au preiudice des enfans legitis mes. Et par ce couient que vne femme soit chaste & pudicque. Et pour l'estre qu'elle soit sobre en boire & mager, & mesmemet se doit garder d'estre iurongne, car en femmes iurongnes n'i a seureté de chaîteté. Secondemet outre la chaîteté de fait, doit estre pudique en dits, regards & contenance, & se garder de parler de choses approchans de lasciuité, ne les ouir. Sa contenance doit estre humble & honteuse, son regard dous & benin, & se doit garder d'estre esfrotée, motiue & esseuée, ne de monstrer auoir regard friant, aigu inconstant, attraictif ne tranchant, aussi se doit garder de tenir lons propos auec autres homes que son mari. Sainct Iehan Chrisostome sur saint Mathieu dit que les femmes doiuent philosopher en leurs maisons & secrettes chambrettes, en faisant leurs petites negoces domestiques & familiers sans estre aucunement oissues. Tiercement la feinme doit peu parler, & en la parolle se monstrer craintiue, se garder bien d'estre litigieuse, euentée, ne audacicuse d'audace effrenée. Le philosophe a escrit que silence est l'ornement & riche parure de la femme. Quartement les femmes doiuent estre piteuses & misericordieuses discretement pour deus

bonnes fins. L'une pour consoler leurs enfans & famille en maladie & autres necessités, par ce quelles resident communement plus en la maison que le màri. L'autre pour faire les aumosnes aus pauures mendians & autres oeuures de pitié, par ce que le mari est contraint mettre son esperit aus occupations temporelles pour la nourriture & en tretenement de lui & sa femme, enfans & famille, plus que aus choses spirituelles.

Comme & pourquoi on se doit marier.

Hôme qui se veut marier doit auoir regard a deus choses. La premiere, a la prudence & discretion de la sem-quasse me. Car comme dit le sage, la prude quuntur te semme fait & edisie vne maison, sumpsi ou l'imprudente la deffait & destruit.La seconde,a ex magi la bonté & meurs d'icelle, car l'Ecclesiastique a stro Io escrit que l'homme est bien heureus qui a bonne hanne femme, & retenez quil parle de la bonte & non de raoulini la beaute, Maistre Guillaume de Paris a escrit que inser. ii l'intention de l'homme & femme qui se marient de matri doiuent concerner cinq choses. La premiere pour eus essongner de la turpitude, vilenie & execration des immudicités qui sont par mariage adnul-les. La seconde pour subuenir s'un a l'autre en maladies, ennuis, aduerlites & tribulations. La tierce pour s'aider l'un l'autre a bien & vertueusement viure & auoir paradis.La quatriesme pour trauailler & trouuer moiens honestes a gaigner leur vie, entretenir leur maisons, & nourir & pourueoir leur lignée. Et la cinquieme & principallé pour auoir lignée & generation a l'honneur de Dieu & multiplication des esleus.

Comme

#### Comme le mari & la femme doinent conner ser en leur liet de mariage.

Enfualité fit vne question a Pruden-👸 ce lui disant. Dites moi se il vous plait Prudence, si tous les actes & atouchemens charnels, qu'on fait en mariage sont licites & permis ou

non! Prudence ne voulut faire respose sans Theologie, & apres auoir coferê l'une auec l'autre,Prudence respondit a la questió de l'ame en ceste maniere. Il ia trois manieres d'actes charnels en mariage. L'un est licite, lautre fragile, & lautre impetueus. L'acte licite se peut faire en trois sortes. La premiere pour auoir lignée & icelle nourir a l'honeur de Dieu, qui est vn acte de vertus, autremét dit religió, par ce que cest pour multiplier le nombre des esseus. Et a ce propossaint Paul rescriuant a Thimothee dit. Ie veus que les ieunes se marient & que ils procreét des enfans, voire mais, dit L'ame, cest acte empesche oraison & deuotio, 1. Pet.3. comme il est escrit en l'epistre de saint Pierre. Theologie replicqua. Si vous prenes oraison pour bon oeure comme la prent la glose en l'epistre premiere que rescriuit saint Paul a ceus de Thessalle, ou il est dit que celui ne cesse de prier & faire oraison qui vaque continuellement a bones oeuures.

Thi.s.c.

1 , ad Thef, vlt,c,

Tel acte de mariage come estant bo oeuure n'épeche oraison, car cest oraiso. Mais si vous la prenes pour oraison vocale ou priere qu'on fait a Dieu de cueur interieurement. Lors tel acte de lame excellent est empesche par lacte charnel, car ceste vertu de prier par laquelle on se ioint du tout a Dieu est souveraine, & la vertu generatiue est

basse par ce ne vous esbaisses si ces deus vertus ne peuuent estre ensemble, mais pourtant ne sensuit que tel acte de mariage soit mauuais. Combien que meilleur seroit demourer en virginité, qui est vn estat plus parfait que l'estat de mariage, iacoit ce que virginité ne soit commandement, mais conseil.

Secondement l'acte de mariage est licite quant on le fait pour rendre le deuoir par le mari a la femme,où par la femme au mari,car en tel cas si les circonstances i sont bien gardées est vn acte de iustice.veu ce que en a escrit saint Paul a ceus de Co rinthe disant. L'homme rêde a sa femnie le deuoir de mariage, & la femme a l'homme. Et a ceste rai- 1. ad Co. fon ia obligation, & sont tenus rendre le deuoir cap. 7. l'ung a l'autre sus peine de peche mortel. S'il ni a iuste cause de resfus. Car comme dit le maistre des sentences. Combien que en toutes choses l'ho- Magime preside a la femme, comme le chief sur les au ster sent. tres membres. Toutefois ils sont pareils quant au tho. & paiement du deuoir de mariage, & se sonde sur le sco. 4 diconseil de saint Paul en ladite epistre ou il dit ou- 32. tre. En tel actes de mariage l'homme n'a son cors en sa puissance. Mais la femme, ne semblablement a la femme la puissance de son cors, mais son mari. Toutefois il i a plusieurs cas esquels l'homme ou la femme peuuent reffuser sedit deuoir l'un a l'autre. Le premier quand l'un ou lautre ont perdu le droit de le demander par l'adultere commis par celui qui le demande dont il apparoisse certainement, & non par legere coniecture ou soupechon aucuns cas exceptes Le second, quand l'un diceus le demande & requiert auant la benediction nuptialle. 117 Caril

Car il i auroit danger de peché mortel s'ils faisoiet ledit cas. l'entens es pais esquels on a acoustumé auoir benediction nuptiale. Le tiers quand tel acte seroit notablement contre la santé de l'une des parties. Le quatrieme quand on craint par verisimilitude de nuire au fruit qui est au ventre de la femme & qu'il en vint aduortement. Le cinquieme quand on le demande en lieu saint, & qu'on peut auoir autre lieu, car selon maistre Albert & maistre Iehan Gerson, si en tés de guerre ou autre tems le mari & la femme estoiét cotraints estre log tems en lieu saint & n'en oseroient sortir, audit cas pouroient faire ledit acte de mariage audit lieu Taint. Le sisseme quad le mari & la femme d'u mutuel consentement ont voué chasteté, toutefois pour cause probable d'incôtinéce l'Euesque peut dispenser. Le septieme quand la femme a sa maladie comune menstrueuse interpollée. Lors peut refuser ledit acte pour le danger que en pouroit aduenir, car si en telle maladie la semme coceuoit, le fruit pourroit estre lepreus, aueugle, ou auoir quelque autre defaut monstrueus, i entens excepter le dager de fornication. Le huitieme, si l'une des parties quant consummer le mariage vouloit entrer en igion.

Tienemet l'acte de mariage est licite voire meritoire quand il n'i interuient aucune chose illicite, & est fait seulement par l'une des parties pour obuier a ce que lautre ne tôbe en adultere & fornication quand facilement on n'i pourroit autremét obuier n'i remedier, car en ce cas tel acte est faict pour le remede de concupiscence. Et conme a escrit saint Paul. Chascun hôme ait vne semme pour obuier a fornication, & chacune semme

wn homme par loial mariage, au cas qu'aucun d'eus n'ait par professio de religion ordre de pre-Arise ou autrement voué continence. Et a cette consideratio si la femme voit son mari tété d'une autre femme, & pour a ce obuier le presse & incite a faire auec elle ledit acte seulemet pour empescher fornication & adultere, elle merité & ausi l'hôme de la femme. Par semblable sin se pourroit la femme parer & aorner moderéemet a ce que son mari ne se abusat de quelque autre femme, comme saint Paul a escrit aus Corinthes en mesme lieu disant La femme qui est mariée pense aux choses qui sont

du monde comment elle plaira a son mari.

Le second acte de mariage appellé fragilité est fait en trois manieres. Le premier pour euiter fornicatio en soi mesme, qui n'est peché mortel s'il est fait auec deues circonstances. Le secod s'il est fait seulement pour delectation qu'on préd en semme, & en telle intétion qu'on ne voudroit prédre celle delectation en autre semme qu'en la sienne, & lors c'est seulement peché veniel. Le tiers s'il est fait pour se purger & auoir santé, & audit cas est semblablement peché veniel si c'est peché. Sensualité tousiours curieuse de son plaisir demanda a Theologie s'il estoit permis faire acte charnel de mariage a iour de feste. A quoi respodit Theologie, disant qu'il n'i auoit prohibition sur peine de peché mortel de se garder de tel acte a iour de felte, mais bien estoit de conseil par mutuel consentement du mari & de la femme pour vaquer a oraison, come a escrit saint Paul en la dite epistre, toutéfois s'en doiuent abstenir a quelque grand feste folennelle, & quand ils veulet receuoir quelque fa- 1.ad Ca crement de l'eglise, mesmement le saint facrement 1780. 6.6

de l'autel et aussi a jour de jeusne et abstinéce, non

qu'il soit desfendu sur peine de peché mortel pour engedrer lignée, ou euiter fornicatio. Le tiers acte de mariage appellé spetueus, est illicite & mauuais, et est fait en plusieurs manieres. La premiere quad l'un des conioints cherche delectation en l'acte de mariage outre les limites d'icelui, en sorte qu'il le voudroit faire hors mariage auec autres, & lors est pechémortel. La seconde, quand tel acte est fait pour saouler sa libidinité, & que l'homme se pronocque a ce par incitemés de luxure, vsant de choses chaudes & autre industrie, & aussi la femme vsant de bládices lubriques et prouocantes a luxure, ou par autre maniere pour se saouler de libidinité fans fortir les limites de mariage, & de nature, et tel acte a tout le moins est peché veniel. La tierce & aucunefois la plus mauuaile, est quand on fait tel acte indeument hors le vaisseau acoustume, ou en autre sorte qu'il est ordonné par nature, qui est aucunefois vn grief & nephádissime crime. Et a ce propos dit saint Augustin. Come le naturel vsage passe aucunefois les conuenances nuptiales, c'est a dire outre la volonté de faire generation, c'est vne chose veniele en la femme espouse & en vne autre femme crime damnable. Et si c'est fait contre l'ordre de nature auecques vne paillarde, encores plus execrablement auec la sienne femme. La quatrieme, quand on connoit sa femme lors qu'elle est : enceinte & preste d'acoucher, & qu'il est probable dangier de la faire aduorter. La cinquieme, quand tel acte est fait par trop souuent & sans discretion, en sorte on que ne peut engendrer, ainsi que onvoit es meschantes femmes publiques, qui pour la grad frequentatió de tel acte venerieus ne con» coiuent

Aug li. de bono coruga. coiuét en aucüstems. Et ce l'entens qui auroit in-tentió & ne demáderoit que sa volupté charnelle.

Comme il faut prudemment gouverner & nourir ses enfans.

Ntendemet qui prestoit les spirituel. Hee que les aureilles atous ces bons propos sequetter dit a Prudence, Madame vous aues sequetter dit a Prudence, Madame vous aues sequitur monstré comét le mary & la femme ex beato se doiuet traiter & gouverner, nous autho.3. voulos aussi scauoir come ils sont tenus nourir & sum. per instruire leurs enfans. Les enfans, dit Prudéce, sont te.4. ti. naturellemet enclins a trois choses dot les peres & 2.4.5. meres les doiuent retirer. La premiere qu'ils ensuiuent leurs passions qui procedent de l'abondance de chaleur & ferueur de sang qui les incitét a concupisceces venerées & lubriques. Or il est que tout home ensuit raison.ou sa passion, & par ce que les ieunes enfans n'ot vlage de railo lenluit qu'ils luiuét leurs passions. Et pour les en retirer est requis les faire vaquer aus lettres, aus armes, ou quelque autre industrie & astuce selon leur instinct naturel,& a celui desdits estats auquel on les congnoistra plus enclins. Secondement ieunes gens sont prompts a parler, et a métir, lasciuieus en parolles, Mannas iniurieus, cachinateurs, & detracteus. A quoi sont ses condi incites par leurs affections venerées & impudi- tions de ques, & aussi qu'ils ont grand courage, & ne sont seumes en experimentés en aucunes bonnes choses, desquels fans, vices les pere & mere les doiuent retirer par monitions quotidianes, par legieres castigations par amourcules correptions. Et finablement par rudesses & menasses, & aussi par bonne exemple, le tout de ce qu'ils commencent auoir vlage de raison. Tiercement ieunes gens sont

opiniastres arrestes en leurs parolles & deliberations, & facilement dient choses fausses & impertinentes qu'ils s'efforcent soustenir pertinemment par orgueil & gloire, d'auantage presument d'eus grand chose, sans auoir gueres veu ne leu. Et s'ils ont commis quelque faute la veulent soustenir & deffendre contre raison, desquels vices on ne les peut retirer s'on ne met entre leurs mains choses ardues & negoces d'importance, comme regime d'autrui, maniement de grans deniers & autres choses semblables. Et convient par nenecessité que les pere & mere se gardent de les autoriser en leurs parolles, car des ce qu'ils les escoutent parler & leur prestent laureille, ils prennent vne telle autorité que par apres ne tiennent côte de leurs monitios, aduertissemens & correptions. Vous dites tresbien, dit Prudéce, mais ie voul-

Instruction
pour les
femmes
grosses.

enfans & la maniere de les instruire. Il est requis, dist Prudence, considerer deus choses. L'une qui appartiét a la mere & l'autre au pere. La premiere est pour les faire viure, & la seconde pour les faire bien viure. Or donc la femme grosse & enceinte considerera qu'elle aura fils ou fille, & par ce se gardera que par sa coulpe & faute ne vienne aucu ne chose a son fruit pour empescher sa vie & perfection naturelle. Et pour ce faire tiendra nettement son cors, prendra sa refection & nouriture en manger, en boire modeltement sans exces, & mesmement vsera de viádes propres pour la nouriture de son enfant & qui le poura rendre fort. Elle se gardera de trop grand repos corporel, & de trop demourer en vn lieu, car vne legere deambulation, c'est a dire cheminer petit & souuer

drois bien scauoir comme il convient nourir les

fans violence, est vule aux femmes grosses, & en pouront plus aisement & facilement acoucher & auoir leur fruit, toutefois la femme enceinte se doit garder de trop grans labeurs corporels, mes mement de sauter en dances ne autrement, car la femence de l'homme est réfermée en vne pellicule comme le dedans d'un oeuf sous la premiere peau, laquelle on peut rompre par trop sauter, estraindre & serrer son cors ou par autre exces corporel, & la semence sortir hors de son lieu. Aussi se peut perdro la semence pour remplir son cors de vins & viandes insques a pleine gorge, & semblablement pour les villains atouchemens & mounemes d'aucuns hommes & femmes, dont ils d'eshonnorent l'honneste lit de mariage, par le moien desquels naissent enfans mors, boiteus, aueugles ou autre. ment difformes.

Apres la natiuité de l'enfant la mere le doit Comme nourrir du lait que nature lui donne en si grand les me-habondance & vberté en ses mammelles, il semble res doique les femmes ne meritent auoir enfans, lesquelles au tems qu'ils ont plus gran besoin estre curieuse-ment alaités, nouris et gouuernés par elles, les baillent a nourir & gouverner a femmes estráges, dot elles ne scauent les necessités corporeles, ausquellesa peine voudroient bailler a gouuerner vn pe- ce. tit chien quelles tiendroient mignon, dont souvet aduient que les enfans participans de la nature de leurs nourices son rustiques, ruraus & mal complexionés. La bonne mere ne permetra iamais fon enfant estre infectionné, de la contagion d'un autre lait. Le benefice du lait maternel a esté en si grad estime aus anciens, que les meres obtenoient facilement de leurs enfans ce qu'elles demandoiét

nët nourir leurs enfans en enfan

plus par le lait qu'elles leur auoient doné, qu'autre chose. Qu'est il plus gracieus & delicieus a la mere aimant son enfant que d'auoir ses dous regards, ses innocens ris ses paroles enfantines, & autres petis gestes consolatifs qu'elle en recoit en les alaitant.

La mere doit doucement traiter les membres du ieune enfant en son maillot ou il est enuelopé. Elle ne le doit estraindre & trop serrer sur la poitrine, mais bien vn peu vers le ventre & les fesses, & si ne doit par trop empescher les cris, pleurs & vagimens de l'enfant, car il leur est donné par nature, ainsi que dit Aristote, pour croistre & dilater

l'estomac & les entrailles.

De la dostrine de la me re a ses enfans.

La doctrine de la mere est fort vtile iusques a septans, & par icelle audit aage de septans sont les enfans plus dociles & aisez a endoctriner en science, grand scauoir ou autre art & mestier. Ez si ne faut les presser d'aprendre, mais en faire ainst que celui qui veut emplir vn vaisseau d'eaue par lentrée d'icelui qui est petite, car s'il i veut metre l'eaue en habondance & par force, elle sortira par le dessus & n'i entrera que bien peu dedás. mais pour l'emplir aisement faut vser d'un antonouer, fluste ou tuiau. Et si prousite mout aus ieunes enfans quant leur mere ou autre qui les instruit leur dit qu'ils aprennent mieus et sont plus sages que les autres & aucunefois collauder & louer leur industrie & tousiour blasmer leur paresse & oppiniastreté.

Des ce que les enfans sont paruenus a l'aage de sept ans, le pere doit prendre la charge d'eus par vne plus grand cure que la mere, & singulierement doit trauailler a les instruire ou faire instruire en bonnes & honnestes meurs, & a bié viure qui

cit la

est la plus grand doctrine qu'on leur scauroit donner, & de plus parfaite les anciens philosophes moraus & theologues n'ont peu trouuer, a la raison de ce que par bonnes & honnestes meurs on paruient a toute perfection d'estat, sans comparaison mieus que par les modaines richeffes & beauté cor porelle. Et par ce ne doit le pere craindre mise ne despense en bons maistres & precepteurs pour endoctriner les enfans a la science & art ou il les voit plus enclins mais plus voulentiers i doit emploier lon or & argét, qu'en aquelts de dómaines, maisons & seigneuries, que les enfans ignorans & negligés vendront apres le trespas de leurs peres.

Le plus grand signe de future science en vn en- Comme fantelt, quand il a grand memoire. Et a ceste con- on doit sideration ou commencement de leur escole & exciter ostude on les doit exercer a memoire, & par pe- les entis dons & promesses les induire a retenir & reciter fansa souvent en compaignie ce qu'ils ont aprins, car la aprèd friandise de loier & d'auoir quelque petit don aguise l'esprit, excite la memoire & rend les enfans plus prompts & legers a l'estude. L'ung des bons signes que puisse auoir vn enfant c'est de rougir

quantil a honte, & non de pallir.

Le pere doit tendre a bailler a nourir ses en-fans a son ami, s'il en a, pour deus causes. La vn pre-premiere que l'ami se donnera mieus garde de leurs personnes & de la forme de leur vie que cepteur vn estranger. La seconde que les enfans n'ose- doit gon ront faire en la maison de l'ami de leur pere cho-uerner se qui ne soit honneste, ce qu'ils seroient ailleurs les en-facilement. Le maistre ou directeur ne doit crain-fans. dre de faire vaquer le ieune enfant a deus sciences, pourueu que l'une soit la principale, car par cela. C ij le la-

le labeur n'en croist, mais l'industrie en sera diuisée. & la facherie ou ennui d'une science sera ostée par la mutation de l'autre. Car lors qu'il sera fatigué d'une science se transportera a sautre comme au repos de ses labeurs & pour se desennuier. Et la legerete de c'este aage qui auec dificulté perseuere longuement en vne mesme chose, n'est par ce moion du tout inutile.

Quelles : sciences fot propres a ieanes' enfans.

Chose n'est meilleure a faire aprendre aus ieu-nes enfans que les sciences liberalles. Scauoir est Grámaire qui dirige a parler langage congra, Dia lectique qui est directiue de raison a conclure veritablement, Rhetorique qui est suasiue a obtenir ce qu'on demande, Musique qui est delectable pour euiter paresse & le trop lon dormir, Aritmetique qui monstre les proportios pour nombrer & comter, Geometrie qui mesure les quantités en voiant : les espaces de la terre, & Astronomie qui est per-? spective des astres pour connoistre les naturels effects des cors celestes. Et si ores lesdits ars & sciences ne sont pour accumuler pecune sus pecune, toutefois elles font honneur & prouffit spirituel a ceus qui les scauent.

Comme on doit induire lesenfäs aus letres & a labeurs & a

quels

Ber.

Si le pere a deus enfans gros & rudes d'aprit & d'engin & qu'ils ne soient idoines aus grans letres, les doit induire a scauoir art, mestier ou astuce honneste a ce que par paresse ou faute d'exercice ils ne perissent. Car comme recite Cathon, les hommes apprenent a mal faire en ne faisant rien. Au moien de quoi les citoiens d'une ville qui voudentiers labeurent et trauaillent, en doiuent chasser ieus soi & metre hors ceus qui ne se veulét apliquer a sciéwent to. ce, mestier ne marchandise. Et si d'aufture se trouuoit vn enfant qui ne voulust estudier ne vaquer

a aucun mestier, art ne science, a tout le moins le pere le doit contraindre a viure honnestemet sans lasciueté ne autre vice ou crime aparens, & mieus vaudroit au pere n'auoir enfant qu'en auoir qui fussent inutils & vicieus. Finablement on doit exercer les enfans en labeur corporel a ce qu'ils en soiet plus sains & fors. Car paresse, oissuete & trop lon repos hebetent l'esprit, debilitent le cors, nourissent les vices, & diminuent la force. Et est requis que les enfans iouent a quelque ieu honneste & laborieus pour recreer l'esprit a ce qu'ils soient par apres plus fors a trauailler a l'estude. Et sur tout on les doit garder de iouer a ieus lasciuieus, prohibês& defendus & quant ils ioueront on les doit garder d'intemperace, c'est a dire de trop i vaquer & i perdre tems, aussi de trop frequenter les ieus. Et sur tout on doit garder les enfans de suivir mau uaises compagnies, & gens vicieus & disolus, mais les metre en compagnie d'autres enfans honnestes bien morigeres & complexionnés.

Des seruiteurs, qu'ils doinent faire & comme on les doit traiter.

Ame Prudéce dit Entendement, en Hac q vne famille outre le mari, la femme sequen& les enfans, i font communement ex beato
les feruiteurs domestiques. Dites Anton.
d'en auoir. Si est dit Prudence pour trois causes. par. 4.c
La premiere par ce qu'aucus ont esté naturelemét 2. Ti. 5.
malicieus & enclins a mal faire. Et par ce a ceste
raison que tels sussent serviceurs des autres qui est
la cause de la premiere servitude, qui commenca es
C iij ensans

enfans de Caim. La secode que les aucus sont plus. gros d'esprit que les autres, & par ce plus fors & Dot pro idoines a porter labeur corporel. Car comunement cede ser- ceus qui sont de cler engin & grat esprit sont debinitude. les & foibles de cors, & a ceste cosideratio sot plus. idoines a estre seruis & a dominer sur les autres, & les rudes d'esprit sont cotraints a les seruir. La tierce que souvet les biens téporels defaillet, & par ce defaut les pauures & indigés sont cotraints de seruir aus riches, & neátmoins sont tous freres en Iesuchrist, s'il sont chrestiens & enfans de Dieu. Les seruiteurs doiuet faire trois choses principalement Que doi pour bié seruir. La premiere est qu'ils doiuent estre wet fai- fideles, & garder loiauté a leurs maistres es choses dont ils ont la charge, estre curieus du proufit des re les maistres,& d'obuier a leur dommage, sans en rien feruiles frauder piller ne desrober a la raison de ce que teurs. Jeurs maistres ont fiance en eus. La seconde qu'ils doiuent estre diligés & pourueus de sens, en sorto qu'ils gardet leurs mailtres d'estre fraudés, circonuenus & deceus par autres, & qu'ils facent droitement ce qui leur est commandé, pourueu que ce ne soit chose contre les commandemens de Dieu. La vraie prudence d'un seruiteur est quant apres auoir entendu ce qu'il doit faire, lexecuter & me. tre a effect diligemment, & obeir songneusement a son maistre. A ceste consideration le serviteur doit metre peine d'entendre ce que son maistre lui commande, & sans delai le metre a execution. Quels La tierce que les seruiteurs doiuent estre purs, nets dainent & honneltes, non seulemet de cors & en leurs veestre les stemons, mais aussi de purité spirituelle, a co que les enfans ne prennent mauuais exemple auec eus, & faire come Ioseph fils de Iacob, lequel conuie d'an teurs.

Digitized by Google

dultere

d'adultere par l'espouse de son seigneur & maistre, lui sit response. Monseigneur ne scet quels biens il a en sa maison, car il les a tous mis en ma puissance & en mon administratio fors vous madame. Il aima plus se metre au danger de mort que maculer de deshonneur l'espouse & la maison de son maistre, dont plusieurs grans biens & honneurs lui aduindrent depuis. Et pour conclurre a cest endroit impossible est qu'un seruiteur puisse loi-aument seruir vn maistre ou maistresse il na grad **amour a** lui.

Aussi les maistres doiuent traiter leurs seruiteurs Comme de trois choses, qui sont gracieuses parolles, remu-les maineration & support. Les maistres vians de aspres et stres se dures parolles enuers leurs seruiteurs les iniurias doinent & calumnians par exces les rendent comme hebe-porter tes, tardifs a bien faire & fans amour, au moien de-enners quoi seruent a regret, toutesois se doiuent garder leurs ser les maistres d'estre trop samiliers a leurs serviteurs, par ce que trop grand samiliarité engendre contemperates se restant de l'acceptant d temnement & mespris. Et a ceste consideration convient tenir le moien qui est n'i estre trop rigoreus, ne trop gracieus, trop seueres, ne trop hu mains, trop estranges ne trop familiers. Vn prince, maistre, seigneur & chef de ville, comunité, & maison priuée, se doiuét monstrer seueres en maintien, reuerencial & honnorable de sorte que semme, enfans, seruiteurs & subiets leur portent exhibition de crainte & amour.

Secondement les maistres doiuent loiaument paier leurs seruiteurs sans retenir leur salaire. Et s'ils ont bien & longuement serui outre leur salaire & conuenance, les doiuent remunerer de quelque autre chose bien honnesté selon C iiij

la puissance des maistres & qualité des seruiteurs, non prendre leur service continuel iusques a leur vieilesse sans leur faire apprendre mestier, puis les enuoier hors leurs maisons garnis de vieisesse & pauureté. Tiercemét les maistres ne donient commander a leurs seruiteurs chose deshonneste & trop difficile a faire, mais confiderer la qualité, sens & puissance de leurs seruiteurs, leur esprit, leur force & leur astuce, & leur bailler charge tello qu'ils la pourront honnestemet faire & sans dans ger de leurs personnes. Et si ne doiuent tirer des pourroit prendre mais les faire raisonnablement trauailler, & les nourrir honnestement, non en delices, de sorte, qu'ils puissent viure & prendre la peine & labeur de bien seruir & faire ce a quoi ils sont obligés. Les maistres doiuent penser que les feruiteurs sont faits a l'image & semblace de Dieu-comme eus, & capables de saluation.

# De la Prudence regnatiue & militaire.

Ar ce (dift Prudence a L'ame incorporce) que peu aues affaire de scaz uoir comme les Rois & Princes se doiuent gouuerner semblablement doiuent gouuerner semblablement

Les qua tre bonnes conditions d'un saint eglise. La seconde qu'il satisface & ses subsets a

les gens de la cheualerie, ie n'en tierna drai long propos, mais vous dicai seulement que le prince par la vertu de prudence doit regarder sins gulierement quatre choses. La premiere de s'appliquer du tout & estudier a aimer Dieu, le seruir, & lui complaire,& semblablement les ministres de

ce ou roi son poupir les entretenant en pais & bonne iusti-

ce,& pour ce faire auoir officiers gens de bien, non auaricieus ne de mauuaile colcience, le gouverner par conseilliers justes & sages, recompéser ceus qui l'auront bien serui, remunerer les bos & punir les mauuais. La tierce s'estudier de pouruoir a la chose publiq pour bien la diriger. Pour laquelle chose faire convient auoir vniversités par les cités, docteurs & gens de lettres pour endoctriner le peu-ple, predicateurs, prestres, & gens de religion pour faire les continuelles prieres a Dieu, prendre peine a garder son peuple de famine, de guerre & de peste par bonne police, & commettre a ce gens qui le sachent faire. Quartement le prince doit subleuer son peuple de tous subsides, exactions & cocussions, & se garder de le fouler pour enrichir les autres estats, ne aussi fouller noblesse & le clerge pour enrichir le peuple. Et quat a cheualerie, qui est vne prudéce d'oéuure bellique ordonnée à la deffense du bien commun, le di que les gens de guerre pour auoir ceste prudence doiuent estre hardis sans crainte, expers sans doubte, prudens sans follie, subtils, industrieus, secrets, froids,& coleres sans hastiuete, mais selon le tems, ils se doiuent garder de iastace, desloiaute, impitie, inhumanité, auarice,& de fauser leur foi,& si ne doiuent craindre froid, chault, fain, foif, n'autre labeur pour vn tems, mais estre paciens & acoustumés a tels labeurs & ennuis. Et combié qu'ils leurs soit necessaire & permis de frapper, occire & estre cruels en guerres, doiuét neantmoins estre a leurs maisons priues, gracieus, begnins, humbles, de courtois, sans faire oppression a leurs suiets n'autres, mais eus contenter de leurs stipendes & soultes. Les propos de dame l'rudence faits l'Ame com-

# . Le premier liuré

commenca en doulces larmes faire telle ou femblable exclamation.

### Exclamation de l'Ame raisonnable contre les imprudens.

Ensimprudens qui n'uses de raison,
le vous supply qu'oyes ceste oraison,
le qu'e cestui lieu ma fait dae Prudeces
Let de vos sens faites comparaison,
Lors conoistrés vostre grad desraison,

Vostre folie & tresgrand imprudence. L'esprit qui a la superintendence Dessus le cors (las) tumbe en decadence Et est mis hors de sa propre maison, Le sens brutal i fait sa residence, Et dessus vous il tiend sa presidence, Penses i tous, il en est bien saison.

Ou est celui de droite intention
Bien conduisant sa cogitation
Qui vueille auoir de son fait connoissance?
Ou est celui dont l'operation
Donne l'exemple a la deuotion
De viure bien? aucun n'en connois sans ce
Autems present par grand mesconnoissance
Quinze ans apres la premiere naissance
Les gens ont prins folle locution,
On est sans fruit, sans plaisir, & aisance,
Et des humains ne sort que desplaisance,
Toute folie & sotte assection.

Ou est celui lequel bien se dispose A bien aimer comme il doit son espouse? La semme aussi son mary & espous?

Entre

Entre eus verrés mainte mauuaise chose, Noise & discord souvent on i compose, Peu de vouloir vous i verrés bien douls Vous diries souvent que ce sont loups. A hault crier, ruer & frapper coups, Amour ni est, mais malice i repose, Desloiauté fait cela, non a tous, Il i en a de bons, tous ne sont souls, Mais la pluspart a mal faire s'expose.

Regardons bien si on fait mariage
Au tems present par le divin liage
En honnorant ce tant saint sacrement,
A ce qu'on puisse augmenter le lignage
Ou eviter de luxre la rage,
Et selon Dieu viure pudiquement
La femme on prend souvent tant seulement
Pour sa beausté, ou qu'elle a largement
D'or & d'argent, ou tresbon heritage.
Des meurs, vertus & bon gouvernement
On parle peu, dont vient sinablement
Qu'en mariage on n'a que tout dommage.

Quant aus enfans, sont ils ainsi traitiés Et ou vrai lait des meres alaitées Comme le veult & commande nature? Et quant ils sont en grand aage montés Sont ils regis par peres, & domptés Et bieninstruits en versus & droiture? Non, Dont aduient qu'auant aage mature Ils sont remplis de toute forfaiture Sans craindre rien comme gens abontés Cest mal aimé son sang, & safatture, Compte en rendrés en la indicature

### . Le premier linre

De Dieu puissant, ou serés affrontés.
Voies aussi, comme, & en quelle sorte
Maistre ou seigneur se gouverne & comporte
Par sa prudence envers ses serviteurs,
Regardés bien quel grant proussit rapporte
Vn serviteur mis hors de vostre porte
Quant le frustrés du fruit de ses labeurs,
Sa recompense est de cris & clameurs
D'iniure aussi sans craindre les parleurs
Dont pouvreté sur la sin il supporte,
On ne leur monstre & enseigne qu'erreurs
Aussi solie en lieu de bonnes meurs.
Il fait mauvais suivir telle coborte.

Et vous aussi serviteurs, regardés
Si le proufit & honneur vous gardés
De vos seigneurs, soient maistres ou maistresses
Non certes non, mais leurs biens hazardés
Par vos desfauls de sainte amour fardés
Par negligence & par trop grans paresses
Pour ne garder leurs louables richesses
Par larrecins secrets, & par finesses,
Par faulx rapports, dont leur honneur lardés,
Si vous aués a la fin des oppresses,
Peine, misere & autres grans destresses,
Cest pour tels mauls, lesquels fault que'uadés.

Rois, Empereurs, Princes, Dominateurs, Considerés si estés amateurs
De Dieu puissant, aussi de son eglise,
Vous monstrés vous de leurs droits protesteurs
Et de l'honneur de Dieu conseruateurs?
Helas on dit que n'en aués la guise,
Mais que brisés leurs acrée franchise,

Que

Que honnorés Dieu seulement par faintise Vous abusant d'un tas d'inuocateurs Dieu est sur vous craignés vous point qu'il brise Sceptre & couronne, & que son ire attise Encontre vous de son nom contemteurs.?

De vos subiets deués porter le fais Vous le deués entretenir en pais Et a chascun faire rendre iustice, Le faittes vous? ie ne scay, ie m'en tais Si les pillés, c'est vn cas tresmauuais Compte en rendrés, & de vostre iniustice Par quel conseil est conduite police? Par quelles gens est punie malice Et comment sont corrigés les forfaits? Vous prenés bien l'honneur & le service Aussi les biens des suiets, & par vice Vous les laissés demi mors & defaits.

Vous gens de guerre & de l'art militaire
Ou est celluy lequel se pourroit taire
De vos abus, lesquels sont apparens
Chasenn de vous est souvent plus contraire
A ses voisins, pour a lui ses biens traire
Que aus ennemis, qui ne sont comparens
Glaiues portes pour guerre & differens
Pacifier, dont vous estés garens,
Mais on vous voit par cruaulté dessaire
Vostre pais, vos amis, & parens
Aus ennemis vous estés reuerens
Plus qu'a vos rois & tous pleins de mesfaire.

Dela

#### De la vertu de Force.

Hat quutur

ex beato Anto. 4 couvert dune cuirasse clere & luisant, en ses mains

E lendemain vint & se presenta # L'ame incorporée la vertu de Force qui estoit vne dame de moiéne haulteur, de humble grauité & hardiesse 🥰 moderée.Elle auoit le hault du cors

4.5.6. **&** 7•

tenoit deus serpens qu'elles destraignoit, ses ieuls 6.1.2.3. estoient fort penetrans le nes aquilés, & la couleur clere & brune. son vestement d'une mante a l'antique de satin cramoisi qu'elle portoit sur la cuirasse, & vne cotte de drap d'or frise en iaune oráge. Et si auoit en sa compaignie quatre damoiselles. Magnanimité, Magnificence, Pacience, & l'erseuerance. La reuerence faite a L'ame par dame Force, commenca son parler ainsi. Ame raisonable ie suis Force, qui met au courage des hommes & femmes fermeté & asseuerance pour soustenir & repeller toutes choses difficiles selon

prietės de la **Pertu** de Force.

que dame Railon le dit, veut & ordonne, & qui me tient en sa compaignie peut viure en liberte ioieusement, & en seureté sans crainte. Jai trois. Des pro choses sur moi dignes de louenge. La premiere c'est, que i'asseure la personne quant a elle contre les aduersités du monde. Sur quoi vous conuient scauoir que l'estat de ceste presente vie, est estat de guerre, discord & querelle. Ie vous asseure Ame incorporée que la chair, le monde, & le diable ne vous laisseront gueres viure en pais. Car contrainte serés succumber ou batailler contre la villennie. & ordure de la chair, contre les malices du monde. & contre les insidiations du diable. Toutefois les pourries par mon aide surmonter. Ma seconde vertu louable est que ie vous rendrai asseurée quat

au bien commun tontre les hostilités patriales, car ceuls qui ont force auec eus, sont vertueus, liberaus, viriles, fors & hardis, & nabandonnent discretement non seulement leurs biens, mais aussi leurs vies pour le bien publicque. Ma tierce proprieté qu'on doit bien estimer est que l'asseure la personne quant a Dieu contre les malices des heretiques & tirans. Cest moi qui a conduit tant de saints martirs a leur cruelle mort & martire qu'ils ont paciemment enduré pour l'amour qu'ils auoient a vostre espous Iesuchrist.

Comme guerre corporelle est licité.

L me semble (dit L'ame a Force, que (bien veu l'euangille) guerre corporelle est dessendue & prohibée, car Dieu sur tout a commandé pais, & icelle laissée a ceus qui le veulent suiuir, en commandant que osté par force la moitie du manteau, pour obuier a question qu'on laisse prendre lautre moitie. Et d'auantage on fait en guerre tant de vilains crimes & pechés cotre l'honeur de Dieu et le bien de son prochain qu'impossible est le scauoir declairer. Dieu i est blasphemé, renié & detesté, les eglises prophanées & pillées, & les villes & cités brussées & destruites, les hommes occis sans confession, les femmes aduortées, forcées, & violées, les vierges deflorées & stuprées, les biens prins, rauis & emportés, il ni a foy, loy, amour, humanité humilité, charité, sobrieté, ne chose honneste, mais tout orgueil, ambition, arrogance, cruaulté, inobedience, auarice, furt, larrecin, pillerie, pariure, fraude, impitie, fornicatio, adultere, inceste, ire, fureur, blaspheme, enuie, haine, vengeance, & toute autre villennie, Ame

# . Le premier liute

Ame incorporée, respondit Force, si Iesuchrist n'eust voulu permettre guerre, l'eust deffendue par l'euagile mais est par l'euangile approuuée par les parolles de faint lehan baptifte dilant aus gens de guerre qu'ils ne feissent aucune concussion & se contentassent de leur soulte & stipendie, mais il convient que la guerre soit iuste. Et auat qu'elle soit iuste i sont requises trois choses.

La premiere l'auctorité du prince par le comandement duquel on fait telle guerre. Car vne personne priuée ne peut ne doit faire guerre pour recouurer son bien par ce qu'elle a juge par deuant lequel peut demander restitution de son bien. Et a la raison de ce qu'un prince a le maniement & gouuernement de tout vn bien commun, aussi le doit deffendre de son auctorité, lui est permis faire guerre pour le bien de son pais, & a ceste conside. ratio les enfans d'Israel ne vouloiet guerroier sans chef,& en demanderent a Dieu qui leur en donna.

Secondement est requisqu'il i ait cause iuste. c'est a sauoir que ceus contre lesquels on fait la guerre aient fait & commis quelque faute, par laquelle ils moritent estre guerroies, comme si vne cité fait iniure & dommage a vne autre cité, ou bien qu'une cité & les habitans d'icelle ou aucuns seigneurs subiets d'un prince lui sont rebelles ou delloiaus, ou si vn prince estrange surprent sans titre sur les seigneuries d'un autre prince, & semblablement quant on ne veut abeir a iustice, comme saint Augustin recite ou liure des questions du vieil & du nouveau testamét. Et tiercemer pour faire iuste guerre convient que l'intention de celui qui veut faire guerre foit droite, scauoirest pour faire yn grant bien, ou pour cuiter

và grant mal, car comme dit saint Augustin ou liure des parolles de Dieu. Les batailles furent autresfois faites par les seruiteurs de Dieu, non par conuoitise ou crudelité, mais pour auoir pais & punir & extirper les vicieus & mauuais. Et toutefois vn prince ne doit estre facile a faire guerre quant ores les conditions dessus declarées aduiendroient, fors en vrgente necessité, & en manifeste & notable lesion & dommage. Et s'il est contraint faire guerre contre l'ennemi du bien commun & de la chose publique, ce doit estre auec grand & meure deliberation, humble & devote invocation du diuin secour voir plus pour punir le peché de l'usurpateur quat a Dieu, que pour proussit & honeur mondain, mais toutes les guerres qu'on fait par vne libidineuse volunté de dominer, pour vne coustume de guerroier ou par ambition & gloire de victoire, elles sont repronuées & contre tout ordre de charité.

Ie croivos parolles, dist L'ame, mais on voit que durant la guerre i a plusieurs gens de bien de bone & sainte vie qui ne sont cause ne moien des rebellions ou forsaits pour lesquels on fait la guerre, & n'i ont donné consentemet, faueur & ne support, & neatmoins sont leurs maisons pillées, leurs semmes & silles violées, leurs biens rauis & eus occis auec les coupables. Ie le vous confesse dit Force & autant en est des autres diuines punitions de peste & famine, mais soyes aduertie Ame scorporée que Dieu ne sait rie sans cause. Et les gés vie de immaculée qui meurent & perdent leus biens par telles afflictions & persecutions en sont remunerés en l'autre monde, car Dieu leur donne paradis, & les derelinquas sont persecutés en ce mode & en l'autre

ere. Et tout ainsi que le cirurgien qui veut curer & guarir vne dangereuse plaie, ou vn medecin vne grand maladie en purgeant le pacient de la super-fluite de la mauuaise chair ou des mauuaises humeurs le pacient en perd des bonnes qui sortent du cors auec les superflues. Aussi Dieu qui est souuerain medecin en purgeant le monde de mauuai. ses gés qui i sont, par peste, guerre ou famine, sen va partie des gens de bien auec les mauuais, mais c'est au prouffit des bons ou pour les faire meriter ou pour les sauluer eternellement, & au grat malheur & perdition des mauuais qui recoiuent double peine transitoire & eternelle,

Ie demande d'auantage, dit L'ame, s'il est permis a toutes gens de faire guerre es cas dessus touches?

permis aux ges d'eglise faire guerre.

Vide cle.vnicam de bon.

Non dit Prudence, mesmement aus gens d'esglise pour deus raisons. La premiere pour les inquietudes du fait de la guerre impeditiues de contemplation & oraison, ou gés d'eglise sont tenuz vacquer. La seconde, car tous les ordres des cleres sont ordonnés pour le mistere de lautel, ouquel est representée la passion de nostre seigneur Jesuchrist foubs le secrement,& par ce ne doiuent frapper ne tuer, mais mieuls se doiuent preparer a respandre leur sang pour l'honneur de lesuchrist a son exemple. Tontesfois si vn prestre en se defendát blessoit ou tuoit quelqu'n il ne seroit point irregulier, bie se peuvent les cleers, en necessité trouver en la guerre par le congé & licence de leurs superieurs, pour batailler, & principalement pour aider a ceus qui font iuste guerre, par exhortations, oraisons, cofessions, absolutions, & autres ocuures spirituelles.

De Magnanimité premiere fille de Force,

Ous aues, dit L'ame a Force, quatre ctes moi qu'elles scauent faire! Mag-nanimité qui est la premiere, dit For-ce, emporte de son nom quelque extésion de courage a vne grad chose. Et entre les choses humaines exterieures qui sont a l'usage de l'homme honneur tient le premier lieu, tant par ce qu'il est le plus proche de vertu comme le vraites. moing d'icelle, & aussi souverain honneur est a Dieu exhibé. Parquoi Magnanimité est quant a coquerir par vertus honneur, toutesfois on i peut errer par deus moiens excessifs. L'un par presumption quant on tend a monter plus hault qu'on ne doit, & qu'on ne veut tenir le moien, ou qu'on veut auoir honneur des choses qui en sont indignes, comme des biens de fortune, richesse, noblesse & autres semblables. L'autre par pusillanimité, quant vne personne par lascheté de courage ou trop grand timidité refuse aller au lieu d'honneur qui par ses vertus lui est preparé. Le bon Mardochée oncle de la roine Hester sceut bien tenir le moien, caril ne presuma dese immiscer aus secrets affaires du roi Assuerus, mais se pourmenoit ordimairement deuat le porche du palais du Roi en attendant scauoir qu'il aduiédroit de sa niece Hester. Aussi ne fut il pusillanime, car Aman ne l'en peut deietter par menasses, terreur, crainte n'autremet Il me semble, dit L'ame, que Magnanimité, est cotraire a Humilité, & que a ceste consideration ce n'est vertu, car qui se magnisse & contemne les autres il perd la vertu de Humilité.

D ij Non

Non fait, dit Force, & pour l'entendre convient scauoir qu'on trouue en l'homme quelque bien qu'il possède par don de Dieu,& aucu dessault qui luy compete par l'informité de sa nature. Magnanimité fait qu'un homme se dignisse selon la confideratió des dons qu'il possede comme s'il a grand vertu de courage il est induit tendre aus parfaictes operations de Force, & aussi de l'usage de tout autre bien, come de sciéce, ou de fortune exterieure, & Humilité fait que l'homme se contemne lui mesme en considerant son propre desfaut. Aussi Magnanimité ne reuere ceus qui n'ot les dos de Dieu, & Humilité honore & estime les superieurs en tat qu'elle voit en eus aucuns dons de Dieu.Et par ce appert que Magnanimité & Humilité ne sont cotraires, combien qu'elles semblent tendre a choses contraires, par ce qu'elles procedét de diuerses raifons & considerations. Le roi Dauid humble & magnanime, il fut humble deuant Dieu lors que rosiderant le petit l'ieu dont il estoit venu, saultoit & tripudioit lui estant roi deuat larche a l'honeur de Dieu. Et il se monstra magnanime lors que sachant auoir este esleu & oint en roi par don de Dieu aspiroit au roiaume comme il deuoit, en euitant les astuces & malices du roi Saul, & l'expellant a sa maison de l'auctorité roialle.

Le magnanime peut estre conneu a plusieurs choses. La premiere quant il est lent en son cheminer, & a la vois graue & son parler ferme & stable, carles mouuemens des cors sont diuersisès selon les mouuemens des courages. La seconde qu'un magnanime ne se delecte a receuoir vn plaisir d'au truis'il ne luy en fait vng plus grant, & se resiouy plus a doner qu'a prédre. Abraham eut ceste mag-

nanimité quant'a Ephron en presence des enfans de Heth donna grosse somme dargnnt pour la se- Gene. pulture de Sara la femme, lequel se disoit n'é vou- 23. cap. loir rien prendre. La trosieme que le magnanime ne s'immisce aux choses non appartenantes a son estat, mais seulement a celles qui sont grandes & sont a lui conuenables. La quatrieme le magnanime ne se monstre grant ne de haut courage a chacun, mais aus grans comme lui, & aus petis par moderation.La cinquieme, qu'il n'est familier par comune frequentation de gens, mais a ses amis & gés de son estat, & ne veult ouir flateurs. La sixieme est, qu'il prefere les choses honnestes aus choses prouffitables, & aime plus les vertueus que les riches, comme fit Themistides lequel apres qu'il eut mis en fuite les Perses aima mieus les choses honnestes que les vtiles. Et lui interrogué auquel il vouloit mieus bailler sa fille a vn poure aorné de vertus ou a vn riche pauurement approuué, fit refponse mieus aimer l'homme souffreteus d'argent que l'argent sans homme, c'est a dire vne personne pauure & vertueuse,qu'ne riche & vicieuse.

De Magnificence seconde fille de Force.

gnanimité, mais ie ne puis entendre que Magnificence soit requise pour auoir la grace de Dieu. Si, dit Force, & sur ce deués considerer que vous n'aues seulement les biens interieurs, qui sont graces & vertus, mais aussi aués biens exterieurs qui sont riches que Dieu donne aus homes & semmes pour bien en vser & acquerir sa grace, & son amour. Et pour ce saire est requis exposer tels biés D iij pat

par liberalité & magnificence, qui sont deux moiens entre auarice & prodigalité. Et pour les exposer magnifiquemet couient regarder sa qualité, c'est a dire de quel estat on est, la quatité des biens qu'o a,& en quoi on les doit exposer. La personne magnisque ne doit pretendre principallement faire gras miles & sumptueus frais es choles qui appartiennent seulement a sa personne priuée, come bancquets superflus, veilemens, sumptuosité de tapisserie & autres choses semblables, mais aus choses qui ont de soi quelque magnitude, & celles qui requierent estre solennellement faites, & qui n'aduiennent qu'une fois, ou peu souuent, comme nopces, entrée d'office, cheualerie, ou autres choses semblables, ou qui sont de longue durée, comme vn logis, vne maison. En tous lesquels cas est requis considerer la qualité de la personne, sa puisfance,& fe garder de exceder en trop grande fumptuosité & magnificece, car cela engendreroit vn exemple de mal, tant pour le murmure, que pour induire les autres a en faire autant on plus largement, en quoi se destruiroient, mais es choses communes & diuines seruans a l'honneur de Dieu & au prouffit publique, les personnes riches n'i pour. roient exceder par magnificence. Car comme dit faint Ambroise, Dieu leur donne superhabondace de richesses a ce qu'ils acquierent le merite de bien les exposer. Et a ceste fin nostre seigneur Dieu a constitué les riches & puissans sur les pauures & indigens, non seulement pour leur subuenir par aumoines & autres charitables subuentions, mais aussi pour entretenir en magnificence les choses publiques & communes, comme a faire hospitaus, clostures de villes, chasteaus, forteresses pour i retirer

tirer le comun peuple en tems de hostilité, & aussi eglises, monasteres & conuens. Ce que doiuent faire les princes qui ont les grans biens, & les prelats qui ont les tresors temporels de l'eglise, Et par ce que i'ai dit appert asse que magnificence est coniointe a faintete, & qu'elle appartient principallement aus riches & puissans, car pauures & indigens ne pourroient faire choses magnifiques.

# De Pacience trosieme fille de Force.

E me contente, dit L'ame, de ce que vous maues dit de Magnificéce, mais parlos de la vertu de Paciéce, & comme on la doit entretenir. Paciéce, dit Force, est vne vertu par laquelle on porte toutes aduersités & maus sans perturbation de tristesse, de laquelle saint Paul a escrit a ceus de Corinthe disant. Exhibons nous comme ministres 2.44 de Dieu en grant pacience, c'esta dire que tous Cor. G.s doiuent estre paciens en toutes tribulations & iniures concernans la renommée, les biens temporels,& les personnes,& qu'on ne se doit perturber par pauureté, iniure, moleste, guerre, procés, mala-die, contumelie, derision, perte n'autre aduersité, Et si doit estre c'este pacience reale & affectuelle en la personne, car il ne suffiroit induire son prochain a estre pacient, qui ne le seroit. Et d'auatage doit estre spirituelle comme ministre de Dieu, c'est adire supporter toutes les susdites aduersités & autres pour l'honneur de Dieu, & non pour bien temporel, car maintes personnes endurent plusieurs peines, tormens & labeurs, pour avoir des biens temporels seulement, comme D iii

gens de guerre, nautoniers, mariniers, laboureurs, marchans, gens de mestier & autres qui viuét auec grant labeur, torment & peine. E a ce que tel labeur & peine leur soient meritoires, le doiuent principalement porter en pacience pour l'honneur de nostre saulueur & redempteut Iesuchrist, Cor, 6 .c considerant que tant a supporté de maus, iniures, blasphemes, & sinablement honteuse mort en ce monde, non pour lui, mais pour le salut des humains. Et l'en remercier & glorifier comme faisoit saint Paul, qui plus se glorifioit en ses aduersités qu'en toutes ses autres graces.

Ie demande, dit L'ame, si les iniures doiuét estre

Cbriso. Super Matth.

2.4d

tollerées sans en demander reparation pariustice. Saint Ichan chrisostome a escrit dit Force qu'estre pacient en ses propres oëuures est chose fort louable, mais c'est chose impiteuse & abhominable que de souffrir iniure estre faite a Dieu, qu'o doit ainsi entendre. Quat vne iniure est faicte a quelque personne en ses biens ou renommée seulemet, le doit porter paciemment, mais quat elle redonde a l'iniure de Dieu ou de son eglise, lors peult celle personne demander reparation de ladicte iniure par zele de iustice, & non par vengeance. Ainsi le sit Helias qui par zele de sustice sit descendre le seu du ciel sur ceus qui se vouloiet prendre, pour mostrer que Dieu qu'il adoroit estoit seul vrai Dieu

3.Reg. 1.cap.

Mat.c.5 souverain. Et comme doit on entendre donc ce que lesuchrist a dit en l'euangile saint Mathieu! Si. quelcun ta frappé sur l'une de tes iouës, baille l'ui l'autre.Respod Force:Saint Augustin a escrit que l'homme iuste & piteus doit estre prest de soustenir les malices, c'est a dire les iniures de ceus qu'il yoult & cherce estre bons. Et convient entendre

quę

que tels mandemés sont plus preparations de cuer que de l'oéuure qu'o voit par le dehors a ce qu'on aie pacience en secret de son courage auec vne beniuolence pour l'honneur de Dieu, & que par le dehors chose soit faite qui proffite au salut de celui qui dit ou fait l'iniure, auquel nous deuons desirer tout bien. Et a ce sert ce qui est escrit en l'euangile saint Iehan, ou nostre seigneur Iesuchrist apres qu'il eut esté frappe sur vne ioué deuant Caiphe, il ne bailla l'autre,mais respondit:Si i'ai mal parlè, reprensmoi de mal. Si i'ai bien dit, pourquoi me frappes tu! car nostre seigneur ne reprint ce mal-heureus par indignation & vengeance del'iniure qui lui auoit faite, laquelle porta paciemment en fon cueur, mais par ce qu'il auoit offense Dieu & 104. 18. iustice. Et a ceste exemple si aucun est iniurie en portant en son cueure l'iniur (soit verbale ou reale) paciemment al'honeur de Dieu, en peut poursuir la reparatió par iustice pour la correction de l'offense, & a ce que le delinquat en puisse estre purgé en cemonde sans appetit de vengeance, ne pour ce vouloir destruire son prochain, & neantmoins quant a la reparation civille est requis pour faire le vouloir de dieu, estre traictable et gracieux.

Ha ma dame Force dit L'ame, c'est chose tant facile a dire, il fault prendre en pacience, & fort dissicile a le faire pour l'insirmité de la chair. Il est vrai dit Force, mais considerés que la pacièce doit estre en l'entendemét, en l'esprit, & en la volunté. Car iacoit ce qu'il soit impossible d'estre si pacient que la sensualité de la personne ne se perturbe come fut essraiée l'humanité de Iesuchrist en preuoiant sa douloureuse & cruelle mort & passion, autrement on n'auroit iamais incouenient qui peust

Digitized by Google

estre dit aduersité, la raison qu'aduersité est vne. chose qui contrarie a la sensualité, & souuent a l'esprit. Neátmoins la personne en son esprit & voluté le doit porter paciément, & sen ressouir de soie spirituelle, ce qu'elle peut faire pour plusie. eurs cosiderations. La premiere, en rememorant la vie de nostre seigneur lesuchrit, lequel pour monstrer que les biens de la vie presente sont a mespriser, a soustenu les aduersités modaines & contemnés les prosperités. S'il eut voulu suiuir les doulceurs de ce monde chascun les appeteroit & se estimeroit heureus de faire come lui. Et s'il eut totalement voulu fuir les maus & aduersités, les homes & femmes auroiét en horreur pauureté, infirmité, iniure, perte, mendicité, & autres necessités humaines. La seconde consideration est des douleurs ennuits & tribulation des martirs, cofesseurs, vierges, saints & saintes, qui par tribulatios sont entres en paradis. La trosieme est penser es grás & innumerables pechês qu'on a contre Dieu commis, & que tous les tormens du monde ne pourroient suffire sans le merite de la passion de nostre seigneur Iesuchrist pour lamende & satisfaction d'un peché mortel, par autant que de chose finie a l'infinie ni a aucune proportion, & que Dieu fait grant grace de donner a vn penitent quelque affliction en ce monde pour l'amende de son pechésans le vouloir punir en l'autre. La quatrieme, est penser comme ceus qui sont sans tribulation & aduersité abusent des biens de ce monde & de la prosperité mondaine en commettant plusieurs offenses. La cinquieme, est la consideration de la mutabilité & misere de l'estat de la vie presente pleine de amertume, de instabilité & de tristesse de malamaladies & de toutes autres aduersités ce que Dieu n'a ordonné sans cause, mais pour monstrer qu'il ne faut aimer ce mode, & qu'il en i a vn autre meilleur. La fixieme est penser en la doulceur de la miseratió diuine, & que Dieu en chastiát pardóne, & aucunesfois done chastiement pour ne damner perpetuellement ceus qui l'offensent, car ceus que Dieu aime il les chastie. Et a ce propos Dauid difoit. Mon Dieu ta verge & tó basto m'ot doné coso lation.La septienie, est penser en la diuine essence. Car Dieu laisse aucunessois prosperer les gens en ce mode & auoir toutes choses a leur souhait & apres leur trespas auront peine eternelle, en quoi i a bien chois.La huitieme cosideration, est que prosperité mondaine aueugle les gens en ce monde, de forte qu'ils ne voient ne considerent le chemin de damnatió, leurs pechés & offenses, car vn homme sensuel qui applique son esprit entierement aus doulceurs de ce monde, il ne pense qu'il conuient mourir, & estre damné, ou saulué, il n'a deuant les iëus enfer ne paradis, Dieu ne le diable, mais vit brutallemét.La neufieme confideration est le petit tems d'une maladie ou autre aduersité en regard a l'eternité de l'autre monde. Pour le plus on ne vit ence monde que quatre vints ou cent ans & peu en ia qui vont en c'est aage, dont on doit pour le moins la quarte partie, la utre quarte partie se passe en boire, manger & fascherie, qui est la moitie,& de l'autre moitie conuiet oster l'enfance iusques a dix ans, & par ce n'en resteroit quarante ans. Helas qu'est ce au regard qu'apres cent mil ans passes en l'autre monde on ne fera que comencer. La dixieme confideration est penser que les aduersités ne peuent blocer l'ame, mais seulement le cors quant

quant on les veut porter paciemment, & que l'ame est trop plus noble que le cors. L'unzieme, est penser combien les moindans ont de frauaus pour acquerir les honneurs & biens du mode qui sont tat peu durables, & aussi pour auoir leurs delectatios charnelles qui tousiours engédrent sur la fin quelque grant incouenient ou tristesse. Et a ceste consideration le meilleur est vouloir endurer peines & tribulations pour auoir les richesses de paradis & le repos eternel, ou est & tousiours sera ioie sans tristesse, delectation sans amertume & plaisir sans courrous, que d'auoir les plaisirs de ce monde tous transitoires & plains de venin & perdre le repos eternel. La douzieme consideration, est la tristesse & fascherie que la personne endure par impaciéce. Sur quoi convient noter que la personne a double remede general contre aduersité, scauoir est la reigle de la propre raison par laquelle il peut aucunement refraindte ses mouuemens & les tenir en ses propres limites, car elle doit preponderer le bien de raison a tous les biens exterieurs & extrinseques a toutes vengeances de quelcoques iniures, lesquelles tout cueut fort et magnanime doit mespriser & les oster de sa memoire, & lors il aura repos en sa pensee, & ne sera agité de quelconque moleste. A ce propos on l'ist que Iulius Cesarauoit memoire de toutes choses qu'il auoit veues & sceués, fors des iniures a l'ui inferées & faites. L'autre remede plus efficax & principal, c'est la reigle eternelle qui est Dieu, car quad la personne par la vertu de sa raison ne peult suffire pour paciemment supporter vne tribulation, et que tout aide humain en ce lui deffault, il doit lors esleuer son courage a Dieu & l'ui demander aide & secours,

cours, qui est le principal & vrai adiutoire en toutes afflictios. Iosaphat roi de Iudée aduerti qu'une grand multitude de gensdarmes venoient contre lui & ne sen pourroit par secours humain dessendre transporta tout son espoir en Dieu, lui disant. O Dieu eternel nous ignorons ce que deuons faire & seulement nous reste l'espoir que auons a vous. 2. Para. A laquelle priere fondée en foi, esperance & chari- 20, cap. te fut exaulse & eut la victoire.

La trezieme consideration est qu'il conuient a. uoir des tribulations pour auoir paradis, comme il

est contenu aus actes des apostres.

La quatorzieme est l'espoir qu'on a en la diuine prouidence qui s'estend a toutes les operatios humaines, car comme contient le liure de Sapience. Sapi. 8. La sapience diuine attaint d'une fin iusques a l'autre& dispose le tout doulcemet, & n'est faite chose en ce monde qui ne soit clere & maniseste a la sapience diuine D'auantage Dieu qui est cogniteur de toutes choses & ordinateur d'icelles en soi mesme connoit la mesure de la vertu humaine. Eta Ad He. ceste raison Dieu oste aucunesfois aus hommes & 4, cap. femmes les biens exterieurs, come richesses, enfans, mari ou femme qu'on aime singulieremet, ou leur enuoie maladies, pertes ou autres aduersités qu'il conoit estre necessaires pour leur salut. Oultre doi uent cosiderer que Dieu est leur pere, & par ce bon & piteus prouiseur, & n'enuoie ne permet aduenir a sa creature qu'il aime fors chose expediete & requise a son salut. Le medecin ne baille sa medicine l'appetit du pacient, mais ainsi qu'il conoit lui estre necessaire pour le remede de sa maladie, ainsi fait nostre seingneur Iesuchrist aus malades de la maladie spirituelle, c'est peché car les tribulations

tions qu'il enuoie pour punir le peche, ou pour l'a mêde de la folle vie sont ameres au cors & a la sensualité, & sanatiues de l'ame malade par peché.

La quinzieme consideratio est penser aus fruits procedans de tribulation, dont il en i a trois pour les pecheurs, qui sont illumination de l'entende. ment aueuglé per peché, mutation de volunté deprauée & refrenation de concupiscence. Il i a trois autres fruits pour les iustes qui sont experience de la vertu & force du iuste, se donner toussours garde de trebuschement & le loier & retribution qu'on attend de vraie pacience, qui est repos eternel comprenant en soi toutes les autres considerations. Ce fut la confideration qui dimunua les tormés & flagellatios de tous les martirs & les triftes ses, aduersités, ieusnes, afflictions & macerations des saints confesseurs hommes & femmes. Ezechiel exillè en Caldée estant ou meillieu des ça-

Ezech.

ptifs veit les cieus ouuers, & eut plusieurs visions. Et saint Estienne, entre ceus qui le lapidoient veit ausi les cieus ouvers. Si voules auoir pacience Ame raisonnable, consideres tout ce que ie vous ai dit.

> De Perseuerance quatrieme fille de Force. on elle confiste & de ses effetts

Hæc q sequuntur ex beato Anto.in sum-

4.par.

R venos dit L'ame, a la quatrieme, & derniere de vos filles qui est Perseuerance, & me dites Dame Force que c'est d'elle, coment on la peut auoir, & qu'elle scet faire. Perseuerance, dit

Force, est vne Dame par laquelle, toutes choses bien considerées, on demeure stablemet & jusques a la fin en l'acomplissement & entretenemet finalle #1.3.c.8.

ďun€

ane bone operatio, sans laquelle vne personne ne Laur oit estre dite forte. le vous ai dit comme on a Mat. 10 Force par Magnanimité, par Magnificence & Pasience, mais ce n'est rié fait qui n'a Perseuerace, car ≪elui sera saulue qui perseuerera iusques a la fin. Et pour l'auoir conuient se garder de deus choses a elle contraires. La premiere est facilité a se diuertir Exo. 16 a bien faire, & quant pour legiere chose on laisse a cap. & perseuerer en vn bie, comme sist le peuple D'israel, per toti quat lui fatigué du chemin par les desers comença a murmurer, & apres auoir oui les explorateurs de la terre de pmissio vouluret retourner en Egypte. - L'autre est oppiniastrerie & ptinacité, c'est a dire quat vne psonne se veult tenir ferme en toutes les - choses qu'elle cocoit qui est vne espece d'orgueil.

Sur ce fault noter qu'il ia difference entre l'an-ge & lh'omme, car l'ange apprehende aucune De l'in-chose par son entendement, il s'entend subitement telligece sans discours de raison auec toutes ses proprie. de l'age tes, mais l'homme qui est raisonnable n'entend & de vne chose, fors par le discours de raison, & en pro- l'home. cedant de la chose conneue a l'inconneue. Et ce qui aucunesfois lui semble vne demonstration, vne autre fois lui apparoit estre vne preuue dialectique, c'est a dire disputative, ou vne preuve sophistique, c'est a dire vn sermon entremesse, ou en faules sentences verité est absconsée & mussee. Et a ceste consideration naturellement a l'homme n'appartient demeurer tousiours en vn propos, car ce seroit ensuiuir la nature de l'ange & non c'elle de l'homme, qui seroit presumption. Asahel frere de Ioab coureur tresleger, par ce que pertinacement & contre le conseil de pluficurs voulut poursuir Abner, & par persuasions

ne l'en voulut desister fut par lui occis. Pour respodre a la derniere demande, ie di que les affects de Jac,5, c, miere perseuerace fait impetrer & obtenir les choses desirées, car vne iuste oraison faicte & cotinuée a Dieu en foi, esperance & charité est tousiours exaulcée. Et pour la perseuerance d'oraison les apostres & disciples de lesuchrist receurent le saint esprit.La seconde qu'elle commue & chage les choles inacoustumées en nature, c'est a dire que la con tinuation de faire bonnes oeuures habitue les ges a vertus, de sorte que d'une chose qu'ils pensoient leur estre impossible la trouuent facile & presque naturelle par continuation & perseuerance. Le labeur est fort difficile & presque mortel aus gens nourris en delices et repos, mais apres l'auoir acou stumé le trouuent delectable.La trosieme que pas seuerance conserue les choses acquises. Il aduient aucunesfois que les gens qui ont a grant labeur acquis science, vertus ou bies temporels perdet tout par negligéce & nonchalace, par faute de perseue rer en ce qu'ils auoient bien commence. La quatrieme que perseuerace cosumme les vertus en bie car comme escrit saint Paul. Quantili a quelque chose de pris habondonnée au mieus courant phissieurs i courent.mais il n'i a que le perseuerant qui gaigne le ieu de pris. Sans cause vn homme court s'il cesse a la moitie du chemin . Et comme dit saint Ichan crisostome. Ostes perseuerance & le seruice n'aura aucun loier, le bié fait aucune regraciation, & la force aucune louenge. Le diable, comme dit faint Bernard, infidie toufiours a la seule perseuerace, car il scet que par elle toutes vertus sont couronnées. Et a ceste consideration, Ame deuote si voules

1.ad Cor. 9.6 voulés auoir ma vertu de Force soies en bien faire perseuerante. Le vous entend bié dit L'ame, mais ie voi faire tout comunement le contraire de ce que m'aues dit, & voi peu de gens qui aient la vertu de vraie Force. Sur quoi vous plaira ouir mon exclamation ou complainte.

Exclamation de L'ame raisonnable contre ceus qui n'ont la vertu de Force.

V sont les gens lesquels venlet monrit Pour sernir Dieu, l'eglise secourir Et augmenter nostre foi catholique? On ne voit plus ges aus armes courir Ne pour la foi grat danger encourir,

Mais seulement pour gaing & pour pratique. Détostre soi la tressanterelique Et les saints lieus sont parmoien oblique Tenus parturcs qu'on ne veult conquerir. Les chrestiens par orgueil & parpique Se sont entre eus guerre diabolique

Ou ne pouront que malbeur acquerir.
Ou sont les gens en cetems qui a cours
Qui pour donner reconfort & secours
Au bien public, & leur terre natale
Veulent mourir? ie croi qu'ils sont bien cours
Ils sont tombés en borreur & decours
Par lajcheté, non par chose fatale,
Par or, argent a la mort on s'estale
Non pour amour, ne par force mentale
Venans de cueur & magnanimes tours
On ne vit plus qu'a la modebrutale
On a laisséré farme genitale

Pat

Par anarice & despiteus destours.

Regardons bien comment on fait la guerre
Est ce a bon droit, & pour garder sa terre?
Non pas tousiours, mais plus pour se venger,
Pour moins que rien gensdarmes on asserre
Qui brussent tout, maisons, bleds, foings & foerre
Impossible est leurs folles meurs changer.
Princes & rois contemplés le danger.
Venant de guerre & vueillés estranger
De vous vengeance, & penser combien erre
Celui qui veut son prochain laidenger
Par violence, & du tout le renger
A son vouloir affin qu'on le desserre.

La vraie force & magnanimité
N'est encela, mais grand crudelité,
Austi n'est pas d'affoler vn pauure homme
Batre, oultrager, & par atrocité
Destruire a sac vn pais ou cité
Ainsi n'ont fait les gens de bien de Romme
Force de cors ie n'estime vne pomme
Si ou cueur n'est, pour soustenir en somme
Deffendre austi iustice & verité,
Autres gens fors de cors sont ainsi comme
Lions, liepars, les quels faut qu'on assomme
Pour des vertus garder l'autorité.

Au tems present on appelle gens fors
Tous ceus lesquels font les cruels esfors
Qui scauent bien vn pauure innocent batre
Et par moiens dirai ie vils & ords
Apres qu'ils sont de pauureté mis hors
Sont esleués aus plus haut sans debatre,
Les orgueilleus aussi qu'on deust abatre

Etlenys

Et leurs abus & grans crimes combatre, Car il ne vient de tels superbes, fors Tout deshonneur, force se veut esbatre En humble cueurs & nobles, pour rabatre Les grans delits par vertueus renfors.

Aucuns ont dit que homme n'est magnanime
Et humble ensemble, en cela ie m'anime
Veu ce qu'on dit, car l'un sans l'autre n'est
Par ce que l'homme, ou raison est, estime
S'il a vn don de Dieu haut & sublime
Qu'un vice il a, pour l'obsest & arrest.
Le don de Dieu le rend a vertu prest
Qui en son cueur fait vn soubdain apprest
Pour l'esleuer a faire oeuure sans crime
Son vice apres lui donne vn contr'arrest
Et l'humilie en pensant bien que c'est
D'homme mortel, lors sa gloire il suprime.

Le magnanime au iourdhui chascun fais
En son aller tout paint & contresait,
Car il est lent & l'esprit est vollage,
Autant en est du parler tout insait
D'ypocrisie, au contraire est le fait
Brief ce n'est fors de faus semblant l'image,
Tout plein d'amis trouverés au langage
Qui vous diront, ie me mettrois en gage
Pour vous sauver, mais le moindre messait
Qui survienda les reculle au riuage.
Ils ne vouldroient pour le moindre dommage
Se presenter pour connoistre vn biensait
Vous trouverés plusieurs de haut parler
Lesquels verrés devant les grans aller
Sans dire mot, & quant sont au derrière
E ü

Confon-

Confondent tout, & par terre & par l'aer,
Mais force n'ont fors aus pauures galler,
Batre & fouller, par ce qu'ils n'ont bariere
Dieuscet comment font de leurs cors cariere
Aus simples gens les mettans en ariere
Sur leurs fumiers, ou les font estaller.
Leur contenance est bardie & tressiere,
Leur parler grant, mais au lieu de frontiere
Ou vont les fors, ils ne veulent aller.

Considerons combien ia de gens
Soient Empereurs, Papes, Rois ou Regens
Qui les vertus a leurs proussits preserent
Ceus qui sont droits, quant ils sont indigens
Chascun les suit plus qu'on ne fait sergens
Tout sols propos de tels gens ils proserent
Mais ceus ausquels les bauls astres conferent
Tems a sonbait, & qui en biens prosperent
Iaçoit qu'ils soient en vices emergens
L'honneur des bons les princes leur transferent
Et le loier des vertus leur conferent
Dont a la sin ont assaires vrgens.

On connoissoit iadis magnificence
Estre es seigneurs quant par beneficence
Choses faisoient de excellent magnitude
Comme chasteaus ou ville de dessence
Grans bolevers, eglises d'excellence
Et hospitaus en louable aptitude,
Mais a present chascun met sont estude
Et son amour faire par altitude
Logis dorés sans craindre la despence
Ou ne verrés chose de restitude,
Mais de plaisirs seule solicitude

Digitized by Google

# Et si n'en vient honneur, mais toute offense.

De Temperance vertu moralle, o de ses especes.

Pres ce dialogue fait entre L'ame & Hac Force, en commencea vn autre, dot qua se-Temperance seit l'entrée, qui estoit quutur vne belle dame sans fard, grade asses, ex beato & gente de cors, toutefois elle auoit Anto. 4 sa doulce face asses maigre & macerée comme si par. 11.4.4 ble, sa veue basse& son marcher fort moderê. En vne de ses mains portoit fouets, & en l'autre vne clef, elle estoit vestue d'une cotte iuste de damas blanc sous vne faillejou máteau de satin bleu brochè dor. Plusieurs damoiselles la suivoient, et entre autres Vergögne, Honestete, Abstinéce, Sobriete, Chasteté & Continence, Clemence, Modestie, Studiosité & Humilité. Ie vous asseure que Temperance me sembloit si belle que voluntiers l'eusse priée d'amours, mais encores plus en su amou-reus apres l'auoir ouy parler & diuiser, qui sus en ceste sorte.

Ame deuoteie suis Temperance qui refrains & Aug. in retire l'appetit des choses qu'on appete & desire li. de li. villainement, & contre honnestete, ie fai dominer bero armoderement & fermement Raison sur Libidinite, bitrio. & les autres inuasions indirectes procedans de voluptè. Mon pouuoir special est domter & reprimer les delectatios etcocupisceces desordonées de vins, viandes & actes venerées & lubriques, & ne puis estre sans Vergogne & Honestete. Par Vergogne, Tullius on fuyt turpitude & vilenie a moi contraire, & par honnesteté on aime ma beauté, le tempere & cor- 1.rhe. rige les delectations du toucher, qui se dinise en

deus genres, cest a dire en deus qualités ou substantiales originations, car il i a deus principaus atouchemens.L'un ordonné a mager et boire, et l'autre a la puissance generatiue. Pour temperer le boire ie meinne auec moi Sobriete, & pour temperer le manger Abstinence. Touchant le toucher de puis sance generatiue ie tempere la delectation principale qui est la copulatio charnelle par chasteté. Et les delectations de bailers, embralemens & autres

impudiques atouchemens par pudicité.

Pour reprimer les appetis desordonés des hommes et femmes i'ai continéce, et aussi pour refrener le mouuement de la voulonté esmeue par l'inuafion & assaut de sa passion sensuelle, dot vient que iacoit ce que l'homme immoderé aie des passions charnelles, toutefois la vouloté n'est vaincue, mais resiste Chasteté aus cocupiscece de la chair. Humilité refrene & modere le mouuemet de fol espoir & audace effrenée, Et Mansuetude autremét dite clemence refrene & tempere le mouuement d'ire tendant a végeance. Et ces trois damoiselles seruét par ce moien a téperer & moderer les mouuemés interieurs. Quant aus mouuemens corporels, i'ai modestie pour les temperer, laquelle considere ce qu'il couient faire, ce qu'il faut laisser, & par ordre on doit faire vne chose, & fermement i persister.

De Vergongne premiere fille de Temperance, de quelles choses on doit auoir honte.



Ous parlés vn peu trop sommaire-ment, dit L'ame a Temperance, ie vous prie declarés specialement que c'est de vos filles.La premiere qui est Vergongne ou honte, dit Téperáce,

est vne espece de vertu qui fait auoir crainte de saire chose vilaine, toutefois ie ne parle de la vergongne qui est vn mouuement de honte preuenant la raison comme le mouuement d'autres passions. Car telle honte n'a rien commun auec moi: maisseulemet vergongne qui a en horreur la turpitude de peché & vilennie, il i a des choses qu'on ne doit laisser a faire pour la honte du monde, c'est asauoir tout ce qui est contenu es commandemés de la loi, & de sainte eglise. On doit aussi oster la honte d'une chose non prohibée ne dessendue comme de pauureté, de illegitimation, de sterilitê on quelque autre deffaut de nature. Et iacoit ce qu'on doine auoir honte de son pechê quat a dieu & au monde, toutefoisne doit estre telle qu'on laisse a confesser ses pechés a Dieu & au prestre son Vicaire & ministre quant a ce.

La principalle honte qu'on doit auoir est que Le personne tentée de pecher doit considerer l'opprobre qui lui en aduiendra deuant Dieu & deuat le monde, come feit la chaste Susanne. Vergongne a lieu es fautes commises & perpetrées. Et treuue par ce qui est escrit en l'Ecclesiastique que la personne doit rougir & auoir honte de seise choses. Lapremiere de fornication qui comprent adultere, stupration, inceste & toutes les autres especes de luxure. La deusieme d'estre menteur & continuer dire mensonges: car on croit a telles personnes. La troisseme d'estre negligent & paresseus, La quatrieme d'estre coustumier de faire contrats vsuraires, faints et simulés. La ciquieme d'estre trompeur en vendant ou achetant soit en pois ou en mesure, en qualité ou substance. La sisieme d'estre larron. La septieme de ne vouloire E iiij

croire aus saintes euangiles, & adiouster foi aus fictions poetiques, divinations & superstitions. La huitieme d'estre villain mangeur a table. La neufuieme de donner vne chose a regret. La disieme de ne rendre falut a ceus qui saluent . L'unfieme du regard d'une femme fornicateresse & lubrique.La douzieme de ne subuenir & aider a ses proches parens estans en necessité. La treizieme de retenir le bien d'autrui. La quatorzieme de regarder la femme d'autruy, car il n'est permis regarder ce qui est prohibé & deffendu de desirer.La quinzieme on doit rougir en corrigeant son amy, car comme a escrit Cicero, admonnester & estre admonnesté c'est une office de vraie amitie, de forte que tel admonnestement soit sans flaterie, & que l'obsurgation ou reprehension soit sans iniure & contumelie. Et la seizieme honte est de reprocher a autrui vn plaisir & bienfait, car comme dit L'ecclessatique, c'est le fait d'un fol qui donne petit & reproche beaucoup. Et vous aduertis qu'en toutes ces choses se convient garder de l'astuce du diable qui oste toute honte quand il tente d'un peché, mais apres le pechè commis met la hôte deuant les ieus pour empecher qu'on ne le confesse, qui est chose tresdangereuse,

## De Honnesteté seconde fille de Temperance.

€ É . . .

Ites moi s'il vous plait dame Temperance, dit L'ame, que c'est d'honesteté. C'est, selon Y sidoire respondit
Temperance, autant a dire qu'estat
d'honeur. Et a ceste consideratio vne,
chose est dite honneste quad elle est digne d'honneur, & honneur est le loier de vertu, car il est seure
lement

lement deu a gens exercés en vertus. Et a ceste raison honnesteté est vertu, laquelle consiste radicallement es choses interieures, c'est a dire au cueur, en l'esprit, en la pensee & en la volunte. Et signifi-catiuement en l'exterieure conuersation de la personne, car on ne connoist le dedans du cueur, de la pensee ou de la volunté, fors par les actes exterieures & par les choses que on fait visiblement,& cellui est dit honneste & digne d'hôneur qui conuerse vertueusement & ne fait operations vicieuses, scandaleuses ne deshonnestes. A ce propos saint Paul escrivoit aus Corinthiens. Toutes choses soient faites en vous honestement & par ordre. Pour viure donc honnestemet & estre beau deuat Dieu. & honnorable deuát le monde est requis faire toutes bonnes choses, & ne penser ne faire par deliberation deprauée aucun vice, mais se gouverner entierement par raison.

Souuet aduiet, dit L'ame, qu'on fait plus d'honneur aus biens, richesses, offices & dignités qu'aus bonnes meurs & vertus. Il est vrai, dit Temperace, maisest a la raison qu'on estime ceus qui ont les bies, richesses & dignités estre vertueus, par ce que par seule vertu les personnes doiuent estre honorées de telles choses. Et a ceste consideration les Rommains durant leur prosperité & qu'ils vsoient de iustice, ne vendoient les offices:mais les donnoient aus vertueus, comme recite Valere. Et n'est Valeri? fait honneur aus richesses entant que richesses.

Ie vous deniande, dit L'ame, comment cocurre li.4.c.4 & peut estre la chose honneste auec l'utile & dele- Ambro. ctable, car selon saint Ambroise et Tulle en ses of- Tullius fices, Tout bien se diuise en l'honneste vtile & delectable. Il est vrai, dit Temperance, mais ie vous aduer-

Philo.

ethi. 1.

etbi.

aduertis que iacoit ce que la chose honneste con-

curre en mesme subiet auec l'utile & delectable. toutefois il i a difference par raison. Car comme dit le philosophe, vne chose est dite honneste d'autant qu'elle a decoration par l'ordonance de raison. Et ce qui est ordonné selon la raison est naturellemét couenable a l'homme, & s'i delecte comme est l'opération de vertu. Ce non obstant toute chose de lectable n'est touiours honeste : car vne chose peux estre delectable a l'homme selon la sensualité, qui ne l'est selon raison, & telle delectation ne cocurre auec l'honnesteté par faute de la raison, qui rend la nature de l'hôme parfaite. Vne chose est dite honneste quand elle a quelque excellece digne d'honneur au moien de sa spirituelle beauté. La dele-Philo.2. Etable quand elle contente l'appetit & le desir. Et l'utile, quand elle se refere a autre chose qui tourne au proufit de la personne. Et a ceste consideration aduient souvent qu'une chose est delectable qui n'est honneste & vtile, mais si elle est honneste ou vtile, est voulentiers delectable.

> D'Abstinence & Sobricté, troisieme & quatrieme fille de Temperance.

E m'est asses, dit L'ame, pour gaigner tems quand a vostre fille honnesteté. Parlons outre et parlons d'Abstinéce l'arlons outre et parions d'arlons de l'arlons outre et parions d'arlons de l'arlons d'arlons France, est contraire a gourmandise & gulofité.La premiere & originale condition de laquelle dont presque toutes les autres dependent est garder la chair, & l'esprit en leur nature, car la nature de la chair est selo l'ordre de raison suiete a l'esprit, & la nature de l'esprit est dominer sur la chair,

chair, en la dirigeat & tournat a l'exercice de vertu. Dieu seul auteur de nature le dit expressement en Genef.4 parlat a Cain. Sous toi sera ton appetit, & domineras sur lui, qu'on doit entendre de la domination de raison et de la suiectió de l'appetit sensitif. Or de ceste ppriete d'abstinéce en sortét plusieurs autres les aucues appartenás a l'ame, & les autres au cors.

Celles de l'ame c'est que sobrieté réd l'ame clere, nourit la memoire & aguise l'entendement. Quad au premier vous entendés assés que superfluité de wiandes fuffoque la chaleur naturelle, au moien de quoi la digestion ne se peut si facilement faire, dont aduient que le cors agraue de la ponderosite de ses viandes submerge auec lui la pensee & l'em. pesche en sa propre operation. Et par ce disoit no-Are seigneur Iesu Christa ses apostres & disciples. Gardes que vos cueurs ne soient agravés par trop boire & manger. Il apert secondement qu'Absti- Luc. 21. nence nourit la memoire. Car lors que l'estomach est chargé de viandes, les fumosités montent au cerueau & l'obnubilent, troublent, & desordonnent. Dont aduient que la vertu ou puissance memoratiue estant par la derriere du cerueau est obsusquée, & si destraint les intentions des especes aquises en sorte qu'on oublie ce qu'on a conceu & cogité. De ce propos disoit Dieu par la bouche d'Osee. Ils se sont saoules, Osee 13. esleués les cueurs, & m'ont oublié. A ceste raison la doctrine & l'oraison du matin sont touiours plus viues & mieus retenues. Pour la tierce Abitinence aguise ou acue l'entendement a mieus speculer & comprendre. Car comme l'operation de l'entendemet ait sa naissance du sens & fantasie se-Ion la doctrine du philosophe. Sensuit que pour la

mauuaise disposition de la part sensitiue & vertu imaginatiue, la vertu de l'intelligéee est rendue inhabile a speculer, entendre, & coprendre la verité. Or n'est il, come ont escript Tulle & saint Hierosme, chose qui plus agraue le sens & la fantasse, que trop boire & trop manger, parquoi sensitiur qu'ils empechét l'entendemet en son apprehésion.

3.4d Cor.6. c

Autres proprietes d'Abstinence sont qui apartiennent au cors. Par la premiere le cors nouri par abstinence est fait le temple de Dieu, car comme le cors soit quelque instrument de l'ame, est facilement par elle conduit a faire operations vertueu. ses quand il est nouri en parcité & abstinence.Et comme en la raison sont les seméces des vertus qui ne peuuet porter fruit si le cors ne leur aide qui est associé a l'ame & a elle baillé pour la seruir. S'ensuit que le cors gouverné par abstinence sera vne porte de vertus pour entrer au cueur de la personne, & le preparer pour receuoir le saint esprit. La seconde proprieté d'abstinence quand au cors, c'est qu'elle fait la vie corporelle delectable & faine, car la viande prinse par moderation donne de-lectation au gout, & est ceste delectation, causée de la coniontion proportionnée d'une chose conuenable a l'autre qui se fait quand on prend la viande temperéement & moderéement en qualité et quantité. Car le gout coioint auec la viande a vne conuenance auec elle en mode & mesure, c'est afsauoir en la goutant a son aise & par mesure, dont procede la delectation. Et a ceste raison la personne sobre trouue plus grand gout en la viande, que le gourmand qui deuore sans i penser, & d'autant que le gout est mieus ordonné & nature plus pure, la delectation qui s'en ensuit est plus grande.

A, ce

A ce propos disoit L'ecclesiastique. Le sommeil Ecclesia & dormir de santé est en la personne qui a petite-sti. 31. ment repeu, il dort iusques au matin, & se resiouit en lui mesmes. Aussi dit Chrisostome qu'il ni a chose si ioieuse que la viade bié digerée & cuite, & n'ia chose qui plus conserue la santé corporelle & chasse maladie, que moderée refection, car suffisance de viande pour la nouriture sans superfluité, engendre santé & plaisir,& l'abondance procrée ma• ladies, & produit ennuits, fascheries & molestes.

La tierce proprieté d'abstinence quand au cors, est qu'on vit par elle ciuillement, c'est a dire en communité, sans reproche des impersections du cors. Car par sobrieté les personnes sont netes en leurs mébres, ne sont suiets a vomissemens, reumes, caterres, tremblemens de mains, mauuaise allaine, rongne,galle,& autres mauuailes humeurs fortans par le nez, la bouche, & autres códuits du cors, qui s'engendrent de la superfluité des vins & viandes. A ce propos disoit le sage. Plusieurs sont peris par Ee.38.e vin & viande, en pluralité de viandes on trouue les grandes maladies. Et Seneque disoit que les vo-luptés des vins & viandes non seulement aueuglét les voluptueus, mais les rendent impotens, contrefaits & lepreus, & les affligent de plusieurs autres infirmités & maladies. Et pour auoir abstinéce couiet le garder de cinq choles, par lesquelles on peut iuger vne personne offenser Dieu par gloutonnie. La premiere est trop manger ou boire, car tout ce que ie vous dy de manger autant est du boire, & a ce propos disoit Ezechiel. L'iniquité de ta seur Sodome sut saturité de pain. Plusseurs des enfans d'Israel moururent subitement apres auoir mangê

leur saoul de cailles & en trop grand quantité! Surquoi conuient noter qu'on peut commettre le pechê de gloutonnie aussi bien en communes vid andes qu'en delicates & precieuses. Toutefois inte possible est doner certaine reigle et mesure de mager a tous indifferémét, a la raison de ce qu'aucuns sont plus grans ou digerent plus soudain que les autres, aufquels couiet plus mager pour leur nouriture, & semblablement plus en vn tems qu'en autre selon la disposition du cors. Et a ce propos le philosophe recite d'un trefort homme appelle Mi-Ion, qui aucunefois mágeoit feul la chair d'un beuf & si n'en estoit son estomach greué, & d'un autre lequel se greuoit d'un petit de pain. Et en cela connient considerer sa complexion. Nostre seigneur Iesu Christ disoit: Iehan Ba-

ptiste est venu non beuuant ne mangeant comme les autres.Et les Scribes & Pharisées dient qu'il a le diable en lui. Et le fils de l'homme est venu beu. uant et mangeant ainsi qu'on fait communement: Et ils dient que c'est vn deuorateur & beuueur de vin, Mais sa sapience est iustifiée de tous ses enfans, c'est a dire de les apostres qui ont cogneu la sapiéce de nostre seigneur Iesu Christ estre iuste & sainte en mangeant moderéement. Surquoi dit saint Au-Aug. su gustin. Nostre seigneur Iesu Christa monstré par per Mat ces parolles que les enfans de sapience entendent iultice n'estre en abstenir, n'en manger, mais a supporter le fain & indigence, et temperer l'abondace par vn melme vouloir, c'est a dire accepter aussi volontairement l'abstinence que l'abondace temperèe sans se corropre. A ceste cosideration la per-Tonne peut autant mager & boire qu'il peut auoir besoin & necessité pour sa nourriture & pour faire & prendre

thaum.

& prédre le labeur auquel il est tenu pour l'entretenémet de lui & sa famille, no insques a vomir ou Dist.44 trop grand repletion, mais a suffisance en retenant Comej-& reservat toussours quesque appetit, car si par de-fationes. lectation on prend plus de viande ou de vin que la Luc. 16. peche,& encore plus quand on le fait es iours solennels.

Secondement on se doit garder d'vser pour la feule delectation de viandes trop delicates & vins trop fors & exquis, dot le mauuais riche est reprins en l'euangile, & dit nostre seigneur Iesuchrist qu'il fut enseueli en enser. Toutefois si quelqu'un vse de viandes delicates & vins exquis sans exces pour son infirmité, debilité, noblesse, richesse, ou en noces, conuis, & honnestes banquets, le peut faire sans pecher. Car comme dit saint Augustin. Le sage peult vser de viande precieuse sans aucun vico de cupidité ne voracité. Dit outre. Ne soient contraints les riches viure de petites viandes des pauures, vsent selon la coustume de leur infirmité, mais aient deuil dont ils ne se peuuet autremet abstenir, car s'il changent leur coustume de mager & boire, seront malades. Et a ceste raison peuvent vser de precieuses viandes, pourueu qu'ils pouruoient les pauures des necessaires, et máger les precieuses choses,en donnant les viles aus indigens.Les conuis & feltins, ou viandes delicates, & precieuses qui sont preparées, ne sont deffendus, quad ils sont fait par amitie ou par autre cause non reprehensible, & lans la transgression de la fette ou du dimenche, ou du ieusne. Job qui fut iuste les permettoit faire a Iob.1. ses enfans. Ioseph prepara a ses freres vn conui en Egypte, & Abraham aus anges ses hostes.

Gen. 17 Et dit saint Gregoire, que les conuis sont faits par charité quand on n'i detracte d'autrui n'i parle des absens en mauuaise signification, quand on n'i parle de vilaines & voluptueuses choses attirantes a scandale, & quand on ne boit & mange par excès.

Hac beatus Aug. Toutefois saint Ambroise conseilloit a saint Augustin son disciple qu'il euitast les conuis le plus qu'il pouroit, a la raison de ce qu'o les faisoit a tard qu'il n'i eust quelque derision, detraction, scandale

ou excés de boire & manger.

Tiercemét, on ne doit metre trop de tems, cure

& follicitude a preparer les viandes pour i prendre plus grand delectation, comme faisoient les enfans du grâde prestre Heli, qui pour peché furent tous occis en vne bataille contre les Philistiens. Toute-fois sur ce conuient entendre que prêdre les viandes & vins en immundicité & vtilité & sans congrue preparation si le tems & le lieu permettent de les preparer honestement, seroit vne chose vicieuse appartenant au vice de negligéce ou insensibilité, en tout conuient tenir le moien. Et come dit saint Hierosme. Les choses ordes affectées ne les exquises delices n'engendrent louenge.

Quartement, on se doit garder de manger & boire trop ardamment & par trop grand conuoitise & desir, ne semblablement trop tot comme si on deuoroit. Et cobien qu'aucuns ont ceste codition de nature ou coustume, neantmoins la chose est nuisible au cors, car la viande ne peut estre si bien digerée comme si elle estoit magée a l'aise. Et quand cela procede d'un desordonné appetit de delectation & par gourmandie c'est peché. Pour cest ardant desir de manger Esau vendit son droit de primogeniture a Iacob son frere puissé pour

vn peu de lentilles. Et peut on commettre ce vice en viles & meschantes viandes, comme en precieuses & delicates, car comme dit saint Augustin en toutes ces choses n'ia coulpe fors par la libidinité, Gene.15

Quintement on ne doit anticiper l'heure qu'on a acoustume prendre les repas es pais ou lon est sans cause vrgente & necessaire, car s'il i a maladie ou quelque autre necessité toute heure est idoine . La commune maniere de prendre la refection entre les chrestiens est deus fois le iour, scanoir est au diner & souper quand il n'i a ieusne. Et la raison est bonne, car ceus qui mangent plus de deus fois le jour ressemblent aus bestes brutes, & ne peuvent viure sainement a raison de ce qu'ils mettent chose indigeste sur l'indigeste, dont sont engédrées les mauuais humeurs, et la teste est agrauée de fumosités dont procedent les reumes & caterres, voire & si sont mal sortables aux choses spirituelles, sinon que quelque grand labeur excusast telles personnes, comme ceus qui labourent aus vi-nes & chams, les viateurs, les enfans lors qu'ls sont en croissance de cors. Comment, dit L'ame, voulés vous dire Temperace qu'il i a peché mortel en tous ces cinq cas dont m'aues parle ! Non, dit Temperance. Et sur ce ie vous donnerai ceste reigle. Que Hat est toutes sois & quantes qu'il i a telle desordonnée epis. bea volunté & affectio pour avoir delectatio de glou- i Anto. tonnie en ces cinq especes ou l'une d'icelles, que in sum. la volunté est veue se preparer a le faire contre les parte. commandemens de Dieu & de l'eglise, lorse est 2. ti. 6. toufiours peché mortel, autremét non, mais peché veniel, c'estassauoir quand on le fait par infirmite, cap.1. ignorance,fragilité & qu'on ne le voudroit faire ? lon péloit la chose estre dessendue par les coman-

demens de Dieu & de l'eglise. Et quand on prend viande ou vin en quatité ou qualité sciemment en pensant que probablement en suira ebrieté ou no.

Ce que ie vous ai dit d'abstinence qui est contre superfluité de viande le l'emploie pour Sobrieté,

table maladie du cors, c'est peché mortel.

qui est moderatiue de trop boire vin. Et di d'auantage combien que les Romains par leurs antiques institutions prohibassent le vin aus femmes, a ce qu'elles ne tombassent en deshonneur, par ce que le vin est vn des degrés plus proches d'Intemperance pour aller a prohibée luxure. Neantmoins ie trouue que le vin mout sobrement prins produit quatre fort bons effets. Le premier est qu'il conserue la lumiere intellectuelle & aussi aguise l'esprit, Il conforte le cueur, duquel procedent les operations du cors & de l'ame, rend les esprits stables & sutils, conserue le cerueau & donne vigueur a toutes les puissances animales. Et a ce Eccle-31 propos dit le Sage. Le boire prins par sobriete est la fanté de l'ame & du cors, mais si le vin est prins par superfluité, cause plusieurs irrisions, scandales, blasphemes, lubricités, atouchemens des honnestes & immondicités, oste la memoire, dif. sipe le bon sens, constipe l'entendement, offusque l'esprit, corrompt le sang, engendre caterres, gouttes & perfecutions de membres, diminue la vie, & finalement extermine tout salut corporel & spirituel. Et si ebrieté est vilaine & deffen. due a toutes personnes, plus encores aus princes & prelats, aus docteurs & precepteurs, prestres & clercs, ieunes enfans, & principalement aus fernmes & filles.

Des re-



#### Des remedes contre Gourmandie & Ebriete.

Ame Téperance, dit L'ame, ie troune fort difficile se garder aucunefois de trop boire & manger, & mesmement a ceus qui touiours sont en appetir & sont acoustumés a boire & mager souvent. Il est vrai, dit Temperance, mais ie vous donnerai quatre moiens pour s'acoustumer a sobriete & abstinence,

Le premiere que de ieunesse on se garde d'estre oiseus, qu'on s'acoustume a touiours faire quelque bonne chose, car la pensée humaine ne scauroit estre oiseuse, mais veult touiours estre occupée, comme dit saint Gregoire, & quat elle est occupée Gregor. a vne chose ne peut entendre a l'autre. Or qui l'appliquera a quelque honneste exercice, elle i sera touiours tendue et veillant, soit a l'estude ou autre artifice, mais si elle demeure oiseuse de la ieunesse, elle affamera toute la force corporelle, laquelle defirera estre saoulée de quelque chose sensible, & so vouldront les aureilles rassasser de rumeurs & dissensions, les ieuls de vanités, la bouche de vins & viandes, la langue de detraction & loquacité, les mains d'atouchemens impudiques & rapine, les pieds de discourir & chercher les lieus de plaisirs voluptueus & tout le cors de delectations charnelles. Et a ce propos dit le Sage. Les souhaits & destrs tuent les paresseus, il ne veult s'appliquer a aucune chose faire, & a ceste cause patie ses iours en concupiscences & desirs.

Le second moié de Sobrieté & Abstinéee est garder bon ordre en son mager & boire, ou ie trouue cinq coditios a ce qu'il soit bié ordoné. La premiere alla psone ne anticipe l'heure acoutumée de prédre

fon repas, ou l'heure de son grand appetit. Et a ce Eccle. 5. propos disoit le sage. Eureuse est la terre ou les princes mangent a heure deue, & malheureuse ou ils mangent matin. La seconde que la personne ne soit curieuse de vins trop delicieus & viandes trop delicates dot ie vous ai parlè ci dessus. La troisieme qu'il conuient prendre sa resection selon sa complexion, car souuent advient que ce qui est trop a vn est peu a l'autre. La quatrieme qu'on ne mange par voracité & trop hatiuement & ardammét sans bien mascher la viande, comme i'ai aussi dit dessus. Et la ciquieme qu'on ne soit trop curieus de boire & manger: mais qu'on se rassasse par raison et selon la necessité de la personne.

Le tiers moien de Abstinence, est se substraire & retirer des choses qui incitent & instamment le defir de la chair. Entre tous les meileurs remedes qu'on peult trouver pour escheuer tous actes char nels, c'est fuir les occasions a ce promouvantes, car tous ceus qui s'exhibent a longuement parler auec ieunes semmes & a les regarder, & aussi aus sestes, couis & bancquets, a peine pourront eviter les pechés de la chair. En tels assaus le fuir est trop plus asseuré & meileur que la pertinacité de combatre. Si Euen'eust prins plaisir & delectatio a regarder le fruit dont elle sut temptée, elle n'eut mangé. Et dit la glose en ce passage que nous ne deuons regarder vne chose, le desir de la quelle est prohibè & dessendu.

Le quart moien est a considerer les choses qui indussent les personnes a Abstinence & Sobrieté, qui sont nature, l'escripture, fortune & la future mort. Nature montre que nous deuons peu manger & peu parler, car elle a baillé la bouche perite.

Lescri-

Lescriture enseigne comme il convient viure sobrement & par abstinence, ainsi qu'il a esté dit ci dessus. Fortune doit faire penser que de tous humains Dieu est le createur & producteur tat riches que pauures, & que les riches boiuét & mangent a leur fouhait,& les pauures en fouffrent.Au moien de quoi couient aus riches moderer leur grosse despense pour en distribuer a ceus qui ont necessité, & la pensee qu'il faut mourir, ce qui relasche l'apetit desordonné, car en pensant que le cors nouriss curieusement & delicatement moura & sera mangé de vers, on a matier de s'abstiner & viure sobrement.

De Chasteté & Continence sisieme & septieme filles de Temperance. pilles de 1 emperance.

Propos of E scai que c'est de Abstinence & So- Hae

brieté, dit L'ame raisonnable, par-quase-lons s, il vous plait de Chasteté & Co-quitur tinence. Ie ne fais difference, dit Tem-ex beato perace, entre Chasteté & Continece, Anto.in & souvent l'une fait l'exercice de l'autre, parquoi sum. 4. ie vous parlerai par mesme moien de leurs proprie parte tités, desquelles s'en trouue cinq entre autres. L'une parte tités, desquelles s'en trouue cinq entre autres. L'une qu'elles font premier obstacle au diable, & baillent 4.ca. 6. entrée à toutes les autres vertus, car les hommes & femmes font premieremet teptes en leur jeunesse de concupiscece charnelle, au moien de ce que nature i est plus enclinee. Et qui premieremet i resiste, les vertus trouvent facile entrée ou queur du resistant. La seconde que Chastete & Continece donnent liberte a la personne, & par elles sousmettent a raison toutes ces forces car on voit commune. ment qu'une personne luxurieuse ne prent plaisir

aus predications n'autres parolles diuines, mais la chaîte et pudique ne demande autre passetems que

d'ouir parler de Dieu & de ses euangiles.

La tierce proprieté est que Chasteté fait la personne belle, car entre autres choses costitue la perfonne en telle confonance qu'elle foufmet la chair a l'esprit, & l'esprit qui est au deliure des choses charnelles gouverne lous bonne moderation les autres puillances de l'ame & mesprise et abhomine les choses pures charnelles.

La quatriente que Chasteté entre toutes les ver-tus dispose mieus la personne a aquerir science ou quelque autre bonne art, car vous ne trouuerés chose qui plus engédre de folles fátasses en l'esprit qu'impudicité et incotinece. Par le moie desquelles l'ame ne peut si facilemet copredre ce qu'elle voit.

La cinquieme que Chasteté sur toutes autres - Mana . vertus rend la personne familiere a Dieu, car purimating te de cueur & de pensee est la chose qui plus plait a Dieu, & qui plus est disposée pour estre de Dieu 111.01.11 aimée, pourueu qu'Humilité l'acompaigne.

Dites moldit L'ame, comme on peut entrete. nir Chasteté et Continence. le trouue, dit Tempe rance: que quatre choses i sont bonnes, & quatres

La prémiere chose pour auoir Chastere & l'entretenir est trauailler du cors ou de l'esprit en quelques operations non vicieuses, car grad repus & oisiueté lui sont contraires. Et a ce propos dit le Sage. Oifiueté enseigne moult de malice.

La secode est bonne compagnie, car frequentation de gés impudiques rend la personne lubrique et lasciuleuse, & les bien morigeres & vertueus feruenta consolation, prousit & honneur. Eta ce

propos

propos disoit le Sage. Qui touche la poixen sera Eccle.33 macule,& qui s'acompaigne d'honneste personne se descharge. La trossieme est parler de bones chofes & ne prester l'oreille aus mauuaises, car comme dit saint Paul. Les mauuaises collocutios corrompent les bonnes meurs. Et la quatrieme est suir les choses qui admonestent & induisent les hommes & femmesas entreaimer de folamour, qui font les fols & impudiques regards, parler souvent ensemble a secret, prendre dons & presens l'un de l'autre, & se baiser & atoucher deshonnestement. Et a ce propos dit le Sage: Ne regarde les femmes a ce que Bu ne tombes en leur lacs.

De triple Chasteté, & premierement de la chasteté coniugale & virginale.

Ensualité n'auoit encores dit mot, & par ce que Temperace louoit si tres-fort Chastete contraire aus plus grad de ses plaisirs, lui demanda s'il estoit necessaire pour auoir salur viure en ehafteté. Tempérace lui fit response qu'il espoit de comandement come telmoigne saint Paul en l'epi-Are enuoiée aus Corinthiens disant. Exhibos nous come ministres de Dieu en toute chastete, & pourtant n'est mariage prohibé ne dessendu n'aussi de faire en icelui téperéemét et par honostete les actes charnels de generatió & pour obuier a fornicatió: car il i a triple chastete. Scauoir est virginale y coiugale et viduale: de la coniugale ma seur Prudence vous en a dit ce qui en est & comme on doit estre chaste en mariage, parquoi ne vous en dirai autre chose, fors que saint Paul escriuat aus Hebrieus ap. Heb. VI. pelle mariage honorable quad il est immaculé; cest timo.

a dire que le mari & la femme gardent fidelité l'una l'autre, & quant en chasteté ils s'aiment d'amoushonneste pour l'honneur de Dieu, & font les actes de mariage, non par furieuse volupté & lasciuieuse delectation procedant d'amour desordonnée, qui ne tend a aucun ocuure charitable: car en tels cas

on violeroit ce sacrement.

Touchant chasteté virginalle combien qu'elle ne soit de commandemet toutefois elle est de conseil comme escrit saint l'aul aus Corinthiens : & sa est plus excellente que chasteté coiugalle pour aucues raisons. La premiere que nostre seigneur Iesu. Christ a voulu naistre & prendre cors de vierge, & a voulu viure & mourir vierge: & recommanda la digne mère a faint Ian l'euangeliste vierge. La fe-De cha- conde que faint Paul conseille virginité comme le steté vir plus grand bien en celle mesme epistre qu'il escriuit aus Corinthiens. La troisseme que vn bien diginalle. uin est plus grand que le bien humain, Or virginité est ordonnée pour le bie divin, scavoir est pour vaquera seruir Dieu & mariage pour le bien hismain qui est multiplication d'hommes & femmes: parquoi s'enfuit que virginité est a preferer a cha-, steté conjugale, d'auataige le bien de l'ame comme est le bien virginal appartient a vie contemplatiue qui precede en dignité a la vie actiue: que virginité appartienne vie contemplatiue il en appert: Car les vierges prenet leur notable estude a prier dieu. l'aimer & penser commét lui pourront complaire, Et les gens maries vaquent aus operations charnelles, & sont cotraints péser aus choses du mode, come a nourrir enfans, entretenir leur famille, gouuerner leur menage, & a plusieurs autres negoces mondaines, ou ils out plusieurs tribulations de la chair,

chair, comme il est au long escript en la dite epitre faint Paul.

### Comme les pucelles se doinent tenir en leur virginité.

Ites moi, dit L'ame, comme les pu-

celles se doiuent contenir en leur virginité pour complaire a Dieu & aus ges droits & vassure. ges droits & vertueus. Par huit con-ditios dit Téperáce. La premiere que leur virginité soit pure & purement gardée sans macule, voire mais, dit Sésualité, si elles auoient intention d'estre mariées, seroit leur virginité pour ceste voulenté maculée. Il i a double virginité, dit Temperance, L'une qui est gardée a Dieu seulement,& ceste la est la plus belle & plus agreable a Dieu. L'autre est la virginité qu'on gard a son espous temporel pour l'amour de Dieu, a ce que l'homme la treuue entiere en l'entrée du mariage ordonné pour le seruice de Dieu, & qu'elle ne soit maculée d'aucune impudicité. La secode virginité n'est si plaisant a Dieu que la premiere, & ne meritent laureolle, qu'ont les vierges en paradis, les icunes fils ou filles no corrompus qui ont vouloir d'entrer en mariage, mais ceus & celles qui gardét leur perpetuelle virginité a Dieu.

Pour garder que virginité ne soit maculée les filles doiuent obuier a plusieurs occasions maunaises. Cestascauoir d'estre baisées & tastées : car le lis Quels representant virginité pert incontinent sa beauté baissers par attouchemés. Voulés vous maintenir dit Sen-sont per-sualité, que tous baissers sont dessendus? Non, dit mis. Temperance: Mais il en i a de diuerses sortes. Ausuns sont fait par vne honeste coustume, comme

entre les nobles, d'une lignée ou affinité, entre mari & femme par temperée delectatió, & par amour naturelle, comme de la mere ou du pere a leurs petis enfans, & en tous ces cas et autres semblables les bailers sont permis, quant ils sont honnestes: & est dit vn baiser honneste, quand on le peut faire publiquement sans donner scandalle ne occasion de mal en iuger a gés prudens, & qu'il ni ait mauuaise intention, mais tous les baisers qu'on fait par vne desordonnée concupiscence sont tresdangereus, et ne les peut on faire sans pecher, car par tels baises sous espece de bien, le diable tend ses lacs pour prendre ceus qui se baisent ou l'un deus. Ce sont allichemens & approches de luxure, & allimens de actes charnels. Tels baisers donent plusieurs maunaises pensées & voulentés, voire hardiesse de pis faire, & lient les baisans de dous & dangereus liens de folle amour.

Secondement vne pucelle se doit garder de lettres mísiues, ballades, rodeaus, dons & presens, car la fille qui preste l'aureille, et la veuë a telles choses, ne doit estre reputée chaste ne pudique. Tout ainsi que les pescheurs aucune sois troublet l'eaue pour mieus prendre le poisson, ainsi sont maquereaus & maquerelles qui troublent le cler & net esprit des ieunes filles par les occasions sudites, & par veneneuses persuasions qu'il ne sautiamais ouir.

Tiercement que les pucelles ne se doiuent trouuer en lieus secrets sans honneste copagnie. Thamar fille du Roi Dauid en sut violée par son frere Amon quand seule entra en sa chambre secrette.

Quartement, qu'elles se gardent d'exceder en vestemens, & de farder leurs visages : car ce sont deus choses qui desplaisent a Dieu & au monde, & si & si elles veulent estre mariées a leur honneur & proussit se doiuent contenir & vestir honnestement sans excés.

La feconde condition que doit auoir vne pucelle est d'estre honteuse, & quant elle va entre les gens tenir sa veue basse, ne regarder ca ne la a ches estronté & inuerecodeus. Car comme dit le Sage, La fornication d'une semme est congneue a leuer sa veue haute & a sa bouche en parlant incessamment. Les filles essentées sont voluntiers en mauuais estime du commun peuple: Et celles qui sont honteuses & peu parlans sont estimées & aimées.

Latroisieme condition est qu'une fillene doit estre oiseuse, mais touiours filler, tixtre, broder, couldre ou faire autres ouurages appartenans a leur estat es iours ouurables, & aus festes frequenter l'eglise, le seruice divin & les sermons, lire ou faire lire en quelque liure spirituel & moral, non es liures lasciuieus & prouocans a folles amours, sans rien obmettre de ce qu'elle est tenue faire a obeir a pere & mere. Le sage a escrit que l'honneste Proner. femme n'est oiseuse, & ne veult sans rien faire vitimo. manger son pain : met diligence a garder les choses domestiques, & les augmenter: & par ce ediffie la maison, & aquiere bonne renommée: & est collaudée & bien estimée de ses enfans, & de son mari quand elle est marièe. Communement telles filles trouuent bon mariage, & non les filles pompeules & oiseuses: Car pompe engendre scandale, & oisiucte produit mauuailes pensées, & n'est sans fuggestion charmelle.

La iiij. coditio d'une pucelle est qu'elle doit estre folitaire, & se se rénir le plus qu'elle pourra recluse en

la maison

la maison a ce qu'elle puisse euiter mauuaises compagnies. Et sur tout se garde de dancer en rue publique, si ce n'est en quelque honneste compagnie pour la solénite de quelques nopces ou autre grad feltin: ou en aucuns pais ou on a accoustume faire quelque honeste dáce. Et si elle dit quelque chan-son qu'elle ne soit lascivieuse ne deshonneste : Car ce sont appeaus des insidiateurs et ennemis de chasteré & pudicité. La cinquieme condition est que la fille doit estre humble & de douls & gracieus maintien: car ainsi que la pierre precieuse est plus apparente lors qu'elle est en or encasse, aussi est chastetê en cueur humble d'une vierge, & n'est le feu de charité mieus garde qu'en la cédre d'humilité, Et a ceste consideration les ieunes pucelles ne se doiuent iacter ne vanter de leurs richesses, noblesse, lignée, vertus ne beaulté. Et se doiuent garder d'estre arrogantes en parolle presumtueuses & superbes en leurs dits & faits, curieuses de scauoir nouvelles ne moqueresses: Mais doivent auoir vn parler gracieus & moderê, plain & court sans fard de mondaine eloquence, & non cotrefait. Et si on leur dit mal d'autrui doiuent respondre qu'il n'est a croire, & changer incontinent propos, Si on les persuade et prie d'aucunes folies en les touchant de leur beaulte, richesses & vertus ne doiuent prester l'aureille a telles parolles par ce qu'elles font deceptiues: mais rompre le propos tout court : car repliquer a tels mignons deceueurs de filles est for dangereus & trop a craindre. Et si tels seducteurs sont puissans & ne veullent cesser, elles leur doiuét trencher compagnie tout gracieusement sans les iniurierne vser de parolles arrogantes, car de la bouche d'une fille ne doit sortir parolle fiere, orgueilleule 90. ... si

. . .

gueilleuse ne denotate malice et arrogance, a la raifon de ce que l'homme qui se veult marier & viure en pais doit se garder de prendre espouse de telle condition.

La sisseme condition est qu'une pucelle doit prendre plaisir a estre corrigée par ses parens, & mesmement par ses pere & mere, & suiuir leurs meurs s'il sont bien viuans. Et si se doit garder d'auoir trop grand familiarité auec leurs serviteurs, & de leur descouurir ses choses secretes, & mesmemét aucun vice si elle en a en son cors ou ailleurs, par ce qu'on change de serviteurs aucunesois, & au changer aucuns s'en vont mal côtens, & reuelet ce qu'ils ont veu es enfans de leurs maistres & mai-

stresses par malice & vengeance.

La septieme condition est qu'une bonne fille doit estre deuote & misericordieuse, c'esta dire vaquer souvet a oraison sans ypocrisse, & metre principalement son cueur & son amour en lesuchrist, en laissant a ses pere & mere ou autres prochains parens la cure & folicitude d'estre mariée pensant qu'ils sont plus sages qu'elle pour la pouruoir. Toutefois les parens ne doiuent marier les filles oultre leur volenté: mais tendre a leur pouoir de leur bailler maris propres a leurs conditions & tels qu'amour puisse estre & durer en eus: car souuent aduient que la fille connoit quelque vice secret au mari qu'on lui veut bailler, pour lequel ne le pourroitaimer, & en tel cas si on la presse de tel mari prendresans declairer le vice qu'elle connoit doit s'excuser honnestement & dire. Mon pere & ma mere ie vous doi obeissance & ferai ce qui vous plaira me commander, mais s'il vous plait ie ne serai mariée auec celui dont vois me parles. Aussi la

fille ne doit estre si dissicile a mari prendre, & si elle ne le connoit s'en doit raporter a ses pere & mere.

La huitieme condition est qu'une fille doit estre sobre & peu manger & boire, & si le cors n'en est pire se doit garder de boire vin, & si elle est contrainte en boire, que ce soitepeu & bien moder d'eaue. Aussi doit ieusner ou faire abstinence a tout le moins vne sois la sepmaine si elle a l'aage & puissance le tout sans ypocrisie. Et neantmoins se doit tenir honnestement en tous ses vestemens qui touiours doiuent estre nets, non par orgueil: mais pour l'honneur de Dieu & pour trouter mari, en sorte qu'on ne puisse dire, puis que le dehors est ord & sale, le dedans ne scauroit estre net, i appelle le dedans le cueur qui ne doit estre souillé & honni de villaines & deshonnestes pensées & immundes delectations,

### Dechasteté viduale, & de l'estat des veunes.

1.Tim.5

Hasteté vidualle est fort aggreable et plaisant a Dieu comme tesmoigne saint Paul escriuant a Timothée ou il dit, honnorés les veuues qui sont vraies veuues. Dites moi, dit L'ame, qui sont les vraies veuues. Nous auons, dit Temperace, trois sortes de veuues. Les aucues sont veuues de cors par ce qu'elles ont perdu leurs maris, ou les maris leurs femmes par mort, mais ont l'intention d'estre vne autre sois mariés, & telle viduité n'est vraie, car vraie viduité consiste plus en la pensée, qu'au cors. Les autres sont veuues de cors & de pensées qui ont perdu leur compagnie, c'est a dire le mari sa semme, ou la semme son mari, & ont volunté arestée de non plus s'immiscer charnellemét par se

par second mariage n'autrement pour l'amour qu'ils ont a Dieu, & non pour euiter les labeurs & tribulations de mariage, et tels ou telles sont vraies veuues qu'il couient honorer par le comandement du coseil saint Paul. Encores i a il d'autres veuues de ceste condition,& oultre sont pauures femmes, qui n'ont aucu appui ne soustenace. Et ce sont celles que tant recomande la sainte escriture, dont les persecuteurs sont en plusieurs lieus maudits. Est ce tout dit L'ame ? Nó dit Temperace, car en vraie et . honneste viduité convient avoir sept conditions.

La premiere est pitie ou compassion qu'on a en quatre manieres, scauoir est enuers Dieu par deuotes oraisons comme dit saint Paul. La vraie veuue 1. Time. doitiour & nuit prier Dieu par faintes pensées & contéplations incitás et inflámans le cueur a diuine amour. Et a ce propos recite saint Hierosme come a vne sainte veuue nommée Melaine on eut rapporté que ses deus enfans estoiét decedés par peste, se voiat prince de son mari & de sa generation leua les mains vers le ciel disant. Ha bon Iesus ie scai que vous demandés, vous auies par ci deuat partie mon amour en trois, dot l'une estoit a vous, l'autre a mon mari, l'autre a mes enfans. Or voi ie bié que devostre grace demandés toute mon amour pour la fubtraction de mon mari & mes enfans, & vous l'aures bon seigneur, car toutes les choses du monde obliées ie metterai en vous seul mon cueur. Et deslors le monde par, elle habandonné, sen alla de Rome aus desers d'Egypte, ou apres auoir vescu long tems en austerité de vie, mourut en lefuchrist son seul ami. La pitie & compaission de la bonne veuuese doit aussi estendre a prier Dieu iour & nuit pour l'ame de son mari par plorable & pitcule

& piteuse oraison. Les semmes des Indes monstras la grand amour qu'elles auoient a leurs maris vouloient mourir & eitre brusses auec eus, car c'estoit la coustume de ceste region de brusser le cors des mors: mais trop mieus vault estaindre par larmes & oraisons le feu de purgatoire ou peuent estre leurs maris detenus. Aussi doiuet les vraies veuues par pitie & compassion subuenir & aider aus malades & indigens. Et a ce propos a escrit saint Paul 1. Tim. 5 a Timothée. Ne vous allies d'autres veuues fors de celles dot aures eu tesmoignage par bones o cuures come de tenir hospitalité, loger les pauures, lauer le pieds des faints, & ministrer les choses necessaires aus patiés & malades. Semblablemeut doiuét estre piteuses par elargition de grans aumosnes temporelles si elles ont des biens pour ce faire commes les saintes veuues de la primitiue eglise. Et si elles n'ont biens a suffire doiuent comme i'ai dit confeiller & conforter par parolles et seruices les desolés & ceus qui ont souffreté, car Dieu regarde principalement l'affection & volunte:

La seconde condition de la vraie veuue est prudence, & come elle passe les autres par aage qu'elle les precede aussi par bon sens, et si elle est ieune que sa prudence supploie la ieunesse, laquelle prudence elle doit monstrer en quatre choses, scauoir est a endoctriner & enseigner ses ensans en bonnes meurs: si elle a des ensans, si non, ses nepueus ou autres proches parens. Aussi a bien gouverner & regir sa maison, ses bies temporels & sa famille sans bruit en moderant sa despense a la raison de son reuenn ou gaing qu'elle fait en marchádise ou autre astuce sans en despendre prodigalemét; & en choses deshonnesses, & soi gouvernant par gens de

conseil bien renommés. Pareillemet doit estre prudente a traiter pais, vnion & cocorde entre ses parens, voisins et amis estans en discord, et les induire par doulceur a amitie. Et si doit euiter la copagnie, des ypocrites, car par le coseil de saint Iehan Chryfostome sur faint Matthieu, les veuues entre autres Chrysof. fe doiuent garder des ypocrites qui faignent estre super de sainte vie, par ce qu'elles serot par eus facilemet Matth. deceues plus que par autres,a la raison de ce que le fexe feminin n'est asses caut et subtil pour considerer par raison tout ce qu'il oit & voit, & qu'il est farile & flexible a bien ou mal plus que le sexe virile, lequel est plus dur , plus caut & subtil , & font & dient les homes des choses si subtillemet que soubs vmbre de saintete les simples veuues qui de prime face ne pensent en mal, tombét bien tost apres par facilité & fragilité en quelque gros peché. Et a celte consideration nostre seigneur Jesuchrist reprouuoit les Scribes & Pharisées representans les faints religieus, & gens d'autre estat, qui soubs vm. bre de leur faincte sainteté & longues oraisons de, struisent de biens & bonne renommée les maisons des bonnes veuues.

La troisieme condition d'une vraie veuue est humilité interieure & exterieure, car comme dit le Sage. Aucuns semblent humbles par le dehors a leurs vestemens, gestes, & parolles, & le dedans est plein d'orgueil, ire, enuie, ambition & malice. Il ne suffise a la veuue tousiours estre vestue de noir & porter sa face basse & demie couuerte, mais conuiet la voluté estre semblable a l'habit sans aucune presumtion de mieus valoir que les autres. Son cheminer doit estre lente sans grauité, son vestement net sans supersluité ne sumptuosité, son geste bening,

bening, son parler tardif & gracieus, son regard bas fans ieter ses seus ca nela, & se doit garder d'abonder en parolles, par iactance, vantance, arrogance,

derision, & detraction.

La quatrieme condition est pudicité qu'on peut

conoistre en vne veuue a trois choses. La premiere au regard. Car comme dit saint Augustin, l'oeil impudique est messager du cueur lubrique. Chascun scet par experience en cobien de pechés on tumbe par faus regards, qui sont les paranimphes et postes des mauuaises pensées, & desordonées volutés. La seconde a la bouche car la veuue qui trop souuet rit & publiquemet en toutes compagnies & a tous propos est suspecte de legereté, inconstace & folie, & qu'elle a peu de regret de la mort de son mari, aussi se doit garder de baiser, d'estre baisée de baiser deshoneite, & de parler de chose dissolue. La tierce est compagnie: car si elle suit gens suspects d'amour folle, comme ieunes gens a marier soient

d'amour folle, comme ieunes gens a marier soient escoliers, clercs de boutiques, gentilshommes ou autres est a coniecturer que peu gardera sa viduale chasteté. A ceste consideration doit demourer solitaire & frequenter seulement semmes de sa condition ou bien les vierges & pucelles : car en oiant aucune sois parler aus semmes mariées des doul-

ceurs de mariage en aura regret.

La cinquieme vertu d'une veuue est sobrieté:

Ibidem. car comme dit saint Paul rescriuant a Timothée.

Vne veuue viuant en delices est reputée et estimée morte, a la raison de ce que les bons vins, & delicates viandes sont nourrissemens d'impudicité & luxure. Toutesois ne s'ensuit que la vraie veuue doiue tous les iours ieuner, par ce qu'en ieune ia souuent excés, ou de trop, ou de peu. Du trop parloit

\_\_ Digitized by Google

parloit saint Hierosme escriuant a la dame Furie. Toute seméce de venin est venin, la petite viande, & le ventre toussours affamé, sont a preserer a triple ieune, & est meileur manger souuent & petit,que manger a tard & par exces. Car la pluie qui desced peu a peu sur la terre, est meilleure que celle qui vien soubdain & en abondance. Du trop peu manger procedent plusieurs incoueniens, comme debilitation de cors, perturbation d'esprit, & anicilation de soi, de sorte qu'on ne peut charitablemet ouurer. Et a ce propos disoit saint Paul. Soit le seruice que vous faites a Dieu raisonnable, il faut par tout garder le moien.

La sisseme vertu ou condition est chastete de cors: car si la veuue a vescu chastemét en mariage, doit prendre labeur a estre plus chaste en viduité, qui est plus honorable. Ce que les Romains auoiét Vale. en grand estime, quant par leurs antiques institu. Maxi. tions les veuues d'un mari contentes estoient de la li.2.6.10. courone de pudicité couronnées, estimás la pensée de la veuue estre incorrumpue par sincerité de foi, qui apres le lit de sa virginité perdue ne vouloit se monstrer publiquemet, croians que l'experiece de plusieurs mariages fust signe d'intéperace permise, come s'ils vouloiet dire. Iacoit qu'il ne soit prohibé ne deffendu de se marier en secodes nopces, toutefois celui ou celle qui le fait done a conoistre l'impudicité de son cueur & l'inconstace de son esprit.

La septieme vertu ou códitió d'une vraie veuue est solitude, c'est a dire viure solitairement en sa 1. Thi. 5 maison, a l'exéple de la veuue Iudith, laquelle apres le trespas de son espous sit faire en la plus haute partie de son logis vne châbre secrete ou elle se te. noit renfermée la plus part du jour auec ses filles Gij

& pucelles. Vne vraie veuue se doit garder comme dit saint Paul d'aller & venir souuent par les rues publiques, & de suiuir les festins & banquets.

Ie trouue plusieurs choses qui doiuent induire les veuues a viure en viduité. La premiere qu'en l'estat de viduité on peut plus aisemet suiuir la vie cotemplative qu'en l'estat de mariage. La seconde qu'une veuue est en plus grand liberté qu'une femme mariée, car elle n'est subiete a personne qui la puisse empescher d'aller a l'eglise quant il lui plait, ieuner, veiller, ce que ne pouroit faire vne femme mariée, qui est en la suiection de son mari. La troisieme que l'estat de viduité a tousiours esté tenu & reputé honneste & fort recommande tant par les paiens que par les enfans d'Ifrael & les chrestiens, La quatrieme, est le peril & danger qu'on trouue en second mariage pour les desfaus du second mari ou de la second femme. Et aussi pour les discords survenans quant ils ont enfans de divers mariages. La cinquieme est au moien du regret qu'on a communement du premier mari ou de la premiere femme, car communement l'amour du premier mariage est plus grand que du second . Et la sisseme est que l'estat de viduité est honnorable & secouru plus que l'estat de mariage, car comunemét on est enclin a aider aus pauures veuues,& les droits le commandent tant en biens temporels, administration de iustice, consolation que autres subuentions. Et dit saint Iaques que vraie Iacob. 1. religion est visiter les veuues. l'ented de visitation charitable pour leur subuenir & donner conseil & non de visitation deceptiue pour les frauder en

biens ou renommée.

De Cle-

### De Clemence buitieme fille de Temperance.

nomme Clemence, laquelle par beni-gnité retient le courage de celui qui par haine veut nuire a autrui, no que Clemence modere la haine, mais la peine, c'est mansuetude qui modere ire, de laquelle procedé haine, & a laquelle est contraire cruaulté. Et a ceste consideration dit Seneque en parlant de *Sene. in* Clemence, que ceus sont appelés cruels qui ont li.decle. cause & matiere de punir, mais ils ne gardent la forme ne la maniere, car celui qui a Clemence auec lui si ores il a matiere de punir, toutefois il modere telle punition par raison, & no selon la rigueur de la loi commune, mais pour aucunes confideratios particulieres en decernant que le delinquant doit estre puni selon l'intention du legislateur plus que selon les mots de la loi, qui est a proprement parler equité, car Cleméce modere l'affection du courage du prince ou iuge a ce qu'il n'use de sa puissance en l'infliction des peines. Ét quant a ce elle accorde a Charité, par laquelle on pourchasse le bien de son prochain & empesche son mal.

Combien que ceste vertu soit vtile a toutes sortes de gens soient hommes ou semmes, toutesois elle est tresnecessaire aus princes & autres gens qui ont subiets soubs eus, car par Clemence les princes sont en seureté et n'ont aucus ennemis. Et comme dit le Sage. Leur throne, roiaume, principaulté, ou seigneurie sont corroborés & en seureute par Clemence, prosperent & viuent longuement, & sont craints, aimés & honnorés. I'entens bien, dit s'ame dequoi sert Clemence, mais dites moi dequoi sert Modestie & qu'elle scait faire.

G iij Dela

# Le premier liure De la vertu de Modestie. Odestie, respond Temperance, vaule

Philp. 4

autant a dire que forme ou maniere qu'on doit garder en tous ses actes exterieurs. Modestie coduit les corporels mouuemés & operations des persones a ce qu'ils les facent decentement et bien, & mesmement en vestemens, ieus & passetems, de forte que ceus qui les regardent ne soient scanda-lisés n'offenses. Et combié que nature informe les mouuemens des hommes & femmes, toutefois s'il i a quelque vice en ceste nature, doit estre amendé & corrigé par Modestie & bonne industrie. Modestie est vne vertu, par laquelle honesteté aquiert autorité pure & stable. Modestie vault autant à dire que bonté,mansuetude, probité, grauité, honesteté, taciturnité & vergongne. Et pour l'auoir convient considerer plusieurs choses, scauoir est la qualité de la personne qui fait telle chose, auec quelle personne il la fait, le lieu & le tems, car plufieurs choses sont convennables a aucunes personnes qui ne le sont aus autres. Iob permettoit a ses enfans faire conuis & festins entre eus ace qu'ils entretinssent & nourrissent par frequentation leur amour naturelle, & toutefois il ne s'i trouuoit. En cela il regardoit sa vieilesse & la ieunesse de ses enfans,& confideroit que les ieunes viuent autremêt que les vieus & anciens. Aucunes choses sont honestes aus enfans, qui sont reprehensibles aus peres,& i a des choses permises faire aus hommes,qui sont deffendues aus femmes, come prescher & interpreter les escritures, ainsi que dit saint Paul. Les ieunes gens doiuét traueiller leurs cors & eus gou-uerner par les anciés, et les anciés reposer leur cors,

& tra-

& trauailler leurs entendemés pour cofeiller & coduire les ieunes gés et leurs amis et aussi leur subue, nir, & cobien que huxure soit reprochable a toutes gés, toutes ois est plus detestable aus vieiles personnes, comerecite Tulle en ses offices. Semblablemét couient regarder les lieus & le tems, car comme dit le sage. Il ia tems de pleurer et tems de rire, tems de repos & tems de labeur. Et quant aus lieus les aucuns sont pour prier Dieu, come les eglises, les autres pour vaquer aus choses familieres, les autres pour apprendre, & les autres pour enseigner, les autres pour plorer, & les autres pour rire.

Par modeltie on obuie a toute indecence de parolles et ris, et mouvemés de cors et de mébres. Et a ce propos dit Seneque. Gardés vous de parolles villaines, & qu'elles soient plus vtiles que ioieuses & facecieuses. Et aucunefois messés en vos passetems quelques ieus, pourueu qu'ils soient moderes, vos ris ne soient pueriles, c'est a dire a pleine gorge, & qu'iln'i ait en eus aucune cachination ne moquerie, vostre voix soit proferée sans clameur, vostre aller & marcher non impetueus & sans tumulte, & aussi ne soit tardif. Prenes sobre repos & non messé de paresse, ne soiés trop curieus de vous enquerir du fait d'autrui, dot vous n'aues que faire. Si vous reprenés aucun que ce soit doulcement sans opprobre, & qu'on preuienne celui qu'on veult reprendre ou admonester de quelque ioieus propos. Si par erreur quelcun a failli vers vous, pardonnés lui legerement. Gardé vous de trop louer autrui encores plus d'en mesdire. Si on vous interrogue, respondés sobrement. Si on vous argue et presse de parolles, donnés lieu a telles gens et leur laisses la place. Gardé vous aussi de tumber

en execrations et noises. Parles peu, & escoutes pa-

ciemment parler les autres.

Eccl.9.

Modestie doit aussi gouverner tous les sens, scanoir est les ieus, de sorte qu'ils n'offensent personne par lasciuieus regards: car d'autant que l'oeil est le plus noble membre & a sentement plus vif, par . 🙏 🧠 ce qu'il a apprehension de la differece de plusieurs choses, d'autant est il plus nuisible s'il n'est conduit Treno. 3 par raison. Et a ce propos dit le Prophete. Mo oeil a desrobé mo ame. Et le Sage. Ne regardes la femme au visage: car la concupiscence d'elle ardra en toi comme feu. Le mauuais oeil incite a luxure, ire; enuie, & indignatio, detractio, moquerie, derisson, councitife & ambition. Et a ce propos dit nostre feigneur. Si ton oeil est mauuais, ton cors sera tenebreus. Car les tenebres de peché procedent de l'immodestie & intemperance des fols regards.

### Comme on doit iouer & prendre recreation.

Ensualité, qui n'auoit parlé de long tems, interrogua Temperance lui de-mandát s'il estoit permis ioüer, comment & quels ieus! Temperance lui fit response en ceste sorte. Tout ainsi que le cors a besoing de corporel repos pour se recreer par ce qu'il ne peut sans danger continuellement trauailler, a la raison de ce que sa vertu est proportionnée par labeur determinés. Semblable. ment a l'esprit besoing de recreation, a la raison de ce que la vertu de l'ame est proportionnée a determinées operations, et quant elle s'estend a aucunes oeuures oultre sa proportion & maniere acoustumée, elle tranaille & se cors auec elle d'autant que l'ame intellectiue vse & s'aide de ses puissances qui font

Digitized by Google

font leurs operations par les organnes corporels: car les biens sensibles sont connaturels a l'homme. Or doit donc l'ame, c'est a dire l'esprit prendre repos spirituel, ce qu'elle fait en ieus de musique, de misteres, d'hystoires, facecies, collocutions, ou elle prend plaisir & delectation, & pour prendre ceste recreation spirituelle ou animalle, convient garder trois choses. La premiere que telle recreation soit prinse en parolles & faits honnestes & non nuisibles.La seconde, que par telle recreation ou dele-Ctation la grauité honneste de la personne ne soit abaltardie & mesprisée. La tierce, qu'on regarde le lieu, le tems, les personnes, & la forme pour se re-créer, de sorte qu'on n'i despende prodigalement le sien, & qu'on en tumbe en quelque villennie & turpitude. Sur quoi poues connoistre que ceus qui se recreent a ieus de cartes & des prohibés & deffendus ou lon hasarde son bien & auec gens qui en font mestier, & aussi a heure qu'on doit vaquer a l'eglise, ou a faire son estat & mestier, & qui consument le tems les biens en ieus sont a reprendre, & ne doiuent estre mis au renc des gens honnestes.

## Comme on doit vser modestement de ses vestemens.

R m'apprenes, dit Sensualité, comme on se doit vestir: car ie ne trouue es Euangiles qu'aucune forme en ait esté baillée par Iesuchrist. Les petis & pauures vestemens, dit Tempe-

rance, ne les sumptueus & precieus acoustremens n'engendrent louenge ne mespris. Car en toutes choses exterieurs dont la personne vse n'i a aucun vice de soi, sinon que la personne en vse mal & immodere-

moderement. Laquelle immoderation peut estre double. L'une par coparaison faite auec les hommes & femmes entre lesquels on vit: Car comme dit S. Augustin . La partie d'une chose est vilaine qui n'a cogruité auec tout son cors. Et a ceste consideratio est requis se vestir a la mode & forme des gens de bien & honnestes de son estat & vacation. La seconde, quant on vse de ses vestemens par affection desordonée & mauuaile fin, scauoir est par orgueil & lubricité quant ores on porteroit veltemens selon la commune vsance, car toutes choses doiuent estre faites a bonne fin & par charité. Et pour le bien faire conuient avoir humilité qui chasse orgueil, car humble habit n'est superabodat en despense ne preparation. Aussi faut auoir suffisance & simplicité. Car on se doit contenter de porter habit couenable a son estat, & quil soit sans Juperfluité & trop grand solicitude.

### De Studiosité & comme on peut paruenir a science.

ment il ne tende a la chose laquelle il conuoite na-

Ame Temperance, dit Entédement qui n'auoit encores tenu propos, ne ime celés s'il vous plait pourquoi tenés auec vous Studiosité, car il me nés auec vous Studiosité, car il me nés amadame Prudence. Non est, dit Temperance. Et pour l'entendre est a presupposer que Studiosité est vne vertu cotraire a curiosité, refrenant le courage de toute desordonée affection de connoistre. Or vous scaués que mon office est moderer le mouuemet de l'appetit, a ce que superflue-

turellemét: Et ainsi que le cors par sa nature destre les deles delectations des vins, 'viandes & choses venereuses & charnelles: Aussi l'esprit naturellement desire auoir conoissance de toutes choses. Lequel desir convient temperer & moderer: ce qui appartient a la vertu de Studiosité, laquelle ordone vostre entendemét a ce a quoi deues par estude vous appliquer & suir curiosité: Aussi induit par quelque vehemen ce l'intention a aquerir science.

Or me declairés, dit Entendemet, come on peut paruenir a science? Par Studiosité. Elle vous i fera monter, dit Temperance, par sis degrés, mesmemét a la scièce de la sainte escriture. Le premier par purité de cosciéce: Car come dit le Sage. Sapiéce n'entrera en l'ame maliuole, c'est a dire en peché. l'our laquelle purité auoir, la crainte de Dieu sert beaucoup: come a escrit le Sage disant, que le comencemét de sapièce est crainte de Dieu. Le secod degré, est frequenter oraison. Et a ce propos a escrit saint laques. Qui vouldra auoir sapience la demande a Dieu. Et Salomon. l'ai inuoqué Dieu, & l'esprit de sapience est venu en moi. Et a la verité sapiéce fut donnée au roi Salomon apres l'auoir par oraison demádée. Il i a eu plusieurs docteurs & saintes personnes qui ont asseure auoir eu science plus par oraison que par long estude: & entre autres saint Thomas d'Aquin, saint Bernard & saint Bonauenture. Le tiers degrê est humiliation. Car comme dit Ptolomée : entre les sages celui est estimé le plus scauant, qui est le plus humble. Et ceste humi-Jiation doit cossister en quatre choses. La premiere desquelles est ne mespriser aucun enseignement & ne cotemner aucune science, si elle n'est entre les vrais chresties reprouuée. La secode n'appir honte d'apprendre de chascun soit bon ou auuais:

car ceus qui desdaignent apprendre de ceus qui ne sont bons, sont comme ceus qui meurent de sois, par ce qu'ils ne veullet boire en autre vaisseau que d'or & d'argent.La troisseme, est n'auoir honte de confesser ne scauoir vne chose qu'on ignore. La quatrieme, est ne mespriser l'humble & petit stile de la sainte escriture, ou autres liures. Le quatrieme degré pour aquerir sciéce est entédre a la correctió & amendement des liures qu'on veult estudier. Le cinquieme degré est inquisitio songneuse des saintes escritures: En quoi faisant convient auoir mansuetude en donat lieu a l'autorite de la sainte escriture c'est a dire de la sainte bible. Et telle inquisition est faite doublemét, scauoir est par les aucuns en oiant les interpretations & expositions par la bouche des docteurs & lecteurs qui est vne chose fort servant & prouffitant a la memoire. Et par les autres d'eus mesmes en estudiant & lisant les liures ou ils se doiuent garder de temerité, en sorte qu'ils n'interpretent a leur fantasse vne chose autremét qu'elle ne se doit entédre, car par tel moié on tomberoit assés facilemet en erreur, & pecheroient tels estudians par presumtion. En ceste inquisitio conuient se garder de quatre choses. La premiere, est de curiosité, a ce qu'on ne soit trop curieus a scauoir les choses qui ne sont de grad vtilité, & qu'on n'i emploie trop de tems & de labeur. Et a ce propos disoit Seneque. Pourquoi te tourmétes tu en ceste question qu'il vault mieus contemner que la scauoir.La seconde qu'on doit euiter instabilité & multitude de liures traitans de diuerses scieces. La tierce qu'on ne doit querir la grand subtilite d'argumens dialeticques & de sillogismes. Et la quarieme qu'en inuestigat la verité & lisant les liures on ne

on ne passe trop legerement par dessus, mais conuient entendre ce qu'on lit, car en courant, vostre entendement n'auroit le tems d'entendre ce que liries.Le sisieme degré pour paruenir a science est continuelle estude & ne vaquer a autres affaires qui occupent l'esprit, car aisemet on oublie en peu de tems ce qu'en longs iours on a comprins.

### De Humilité & ses fruits, & par quel moien on la peut auoir.

Olunté comméca a parler a son rene & dire a Temperace. Vous aués auce vous vne autre vertu nommée Hu-milité qui n'est commété de la commette milité,qui n'est, come il me semble, nombrée entre les vertus moralles selo le philosophe. Il est vrai, dit Temperace, que le philosophe ne la nomée en ses ethiques, car il a seulemet parle des vertus en tat qu'elles sot ordonées a lavie ciuile, mais par ce qu'a la vie ciuile est neces-saire qu'une psone soit suiecte a l'autre selo l'ordre de la loi. Aceste cossideratio on peut dire qu'Humilité est sous iustice legale, toutefois Origene en l'euagile de saint Matthieu parlant de l'humilité de la Orig. sa vierge Marie, que l'humilite estoit sous moi, disant. per Mat Si voules ouir come ceste vertu d'Humilite est ap-theumpellée par les philosophes, ils vous diront que c'est vne mesure ou moderation qui manifestement appartienta Modestie & Temperance. Or est donc Humilité vne vertu de ma compagnie,par laquelle tant plus vne personne se conoit et moins s'estime. Et si reprime la psonne a ce qu'elle ne s'essieue aus choses qui sont par dessus elle, en cosiderant sa pe-titesse, neantmoins n'est contraire a Magnanimité. combien qu'elle reprime la volunte de tendre aus

choses hautes & grandes, car elle ne le fait simplé, ment, mais sur les choses qui sont par dessus elle. Et magnanimité induit la volunté es choses hautes & grandes, non a toutes, mais par raison moderée. Et par ce conuiennent ensemble en tant qu'elles font leurs operations par raison.

Ie vous demande, dit Volunté, si par Humilité ie me dois soubmettre a tous autres? Ie vous responds, dit Temperace, qu'en la personne conuient considerer deus choses. L'une qui est de Dieu, & l'autre qui est de l'homme soit de sexe masculin 🗪 feminin. Ce qui est de l'home est toute deffectuosité,& tout ce qui est de Dieu appartient a perfection de salut, comme Dieu a dit par le Prophete Oseæ. Israel ta perdition vient de toi, & ton aide procede de moi. Or Humilité emporte vne reuerence par laquelle l'homme est soubmis a Dien & a son prochain pour l'amour de Dieu. Et par ceste raison toute persone se doit soubmettre aus autres en ce qu'ils ont quelque choses de Dieu en eus, come sont les vertus, toutefois si on sent auoir quelque chose de Dieu en soi, Humilite ne dit qu'on le soubmette a ce qui apparoit n'estre de Dieu en vn autre, dot poués auoir exemple ou chrestien qui a par don de Dieu vraie foi, il ne se doit soubmettre a vn infidelle,ne penfer que l'infidelle soit meilleur que lui, mais si homme de religion bien reformée veoit quelque homme mondain tout appliqué aus choses mondaines, neantmoins par Humilité doit

péser qu'il i a quelque bien en ce mondain qui n'est en lui ou auoir quelque secret vice en lui qui n'est en ce mondain, comme deuoit faire le pharisée qui mesprisoit l'oraison que le publicain faisoit au temple. Et si di plus que par Humilité deuons non seu-

Osee 13.

lement

lement reuerer Dieu en lui mesme, mais aussi ce qui est de lui en toutes autres choses, non par mesme moié, car il couiét Dieu seul reuerer par adoration de latrie, et ses saints et saintes pour l'hoeur de lui.

Ie vous asseure, dit L'ame, que ceste vertu d'Humilité me plait moult, car elle est toute benigne, doulce & reuerécialle. Ma dame, dit Temperace, si vous connoissés les fruits procedans d'elle, l'aime. rès encores mieus. Quels fruits : Le premier qu'elle plait a Dieu & aus hommes. Le second qu'elle rend les oraisons des humbles aggreables a Dieu. Le troisieme qu'elle deliure la personne du mal de coulpe, c'est de dánation perpetuelle, & de la peine du peché qu'on doit porter en ce mode on en purgatoire. Le quatrieme qu'Humilite exalte l'hôme temporellement, car de bas lieu le fait môter haut, & de pauureté a richesses.Le cinquieme qu'elle induit a gloire & honeur, Car il est escrit en l'euangile. Qui s'humiliera sera exalté. Le sisseme qu'elle rend la personne digne de l'apparition des anges. Le septieme qu'elle introduit les personnes a sapience, Car ou est Humilité sapience se tient. Le huitieme qu'elle deliure les humbles de tentation, & ainsi fut reuelé au bon hermite saint Anthoine, lequel enuironné de plusieurs tentations comme il disoit. Ha bon Dieu qui m'en deliurera! lui fut par vn ange respondu. Ce sera Humilité. La neusieme est qu'Humilite est nourrice de dilection, car les humbles sont aimés de toutes gens. Le dixieme est qu'Humilite triumphe sur le diable & par icelle le bon hermite Macaire vainquit le diable qui le tentoit.L'unsieme est qu'elle appelle le pecheur'a penitence. Et le dousieme est qu'elle engendre & nourrit paix, vnion & concorde.

Des 14. choses necessaires pour anoir bu milité.

Comme pourroi ie tousiours auoir Humilie auecmoi, dit l'ame? En faisant les choses que ie vous dirai, respondit Temperance. La premiere desquelles est, se monstrer tousiours humble de cueur & de gestes. La seconde est parler peu & raisonnablement. La tierce n'estre prompt & facille a rire. La quarte se taire iusques a ce qu'on soit interrogue. La cinquieme garder les statuts & ordonnances des superieurs ecclesiastiques & lais. La siesieme est s'estimer & dire le moindre de tous les autres. La septieme se croire et nommer indigne & inutile a toutes choses faire. La huitieme est confesser voluntiers ses pechés. La neufieme est auoir paciéce en toutes aduersités sans murmure. La difieme se soubmettre a l'obediéce de son superieur. L'vnsieme ne se delecter d'acoplir sa propre volunté. La dousieme s'acorder facillement a l'opinion des sages sans estre opinastre ne pertinax. La treisieme est la mode de se vestir de sorte que la personne par ses vestemens n'ait occasion de s'estimer plus que les autres. Et la quatorsieme eit craindre Dieu & auoir memoire de toutes les choses qu'il a commandées. L'ame ne fit plus d'interrogatoire, mais commenca dire ce.

Exclamation de L'ame contre les intemperés.



Aintenant voi que plus on ne tempere Les mouuemes de la chair tant aspere Qui fait la guerre a l'esprit ior et nuit Et que a l'esprit si trenoble elle impere A son tresgrant & villain vitupere,

Sur toute chose a l'esprit elle nuit. Facilement par la chair est seduit

Et &

Et a plaisir corporel est induit, Et si n'en craint l'iniure & impropere: Mais quant l'esprit par temperance est duit, C'est tout honneur, tout plaisir & deduit, Et deuant Dieu de iour en iour prospere.

O quil il a d'abus en cestui monde Qui est tout fol & plain de choses immundes, On n'i vit point ainsi qu'il appartient, En tous festins dissolus on habonde, Vous ne verrés qu'aucun bien en redonde. Car en tels cas ordre & forme on n'i tient, Mises & frais & despense on soustient Plus qu'on ne doit, aucun ne se contient En son estat modeste, net & munde, En tous excès ce monde s'entretient. Dont en ses lacs malheur si le detient De gourmander on n'i ferme la bonde.

Tant sont perdus de gens pour gourmander Tant en sont destruits pour boire & friander, Tant en sont mors, & tant en sont malades, De tels excés on ne peut amander, Parce on n'en doit le plaisir demander: Mais le fuir plus que les choses fades, Apres bien boire on ne fait que penades, Distés d'amours, soient rondeaus ou balades, Femmes seduire, & les atruender, Batre, tuer, & mortelles ruades Donner aus gens de vertus astrapades,

Et contre Dieu & les gens se bender. Tant vous voiés de loiaus mariages Tous corrompus, nonobstant les liages Desainte eglise aussi d'honnesteté, H

Par

Par les fans tours & damnés cariages
De gens meschans & les lasches courages
Des maries, les quels n'ont chasteté:
On ne craint point soit iver ou esté
Celle qu'on voit treschaste avoir esté
Prostituer aus impudics vsages,
Oeilil n'i a qui ne soit insesté
De sols regards, & le cueur molesté
De sot parler, & dissolus langages.

Compte en rendrés, o gens tant amollis Qui maculés des vierges le beau lis En les priuant de la fleur virginale: Semblablement les faints & facrés lits Demariage, ou par vos fols delitts Faites ordure & mainte chose fale: Vous n'espargnés bigotte, monialle Et aussi peu chasteté vidualle, Il seroit bon que seus seus abolis Et consumés par l'ardeur infernalle Et que vos cors en la sosse abismale Eussentesté ieunes enseuelis.

Las auiourdhui verrés peu de clemence, Mais cruaulté remplie de demence Pour par vengeance autrui persecuter Sans regarder le lignage & semence Ne l'equité de la loi, vehemence D'aigre courroux veult tout executer, Pour peu de chose on veult mort imputer Et ennemis de tous se reputer On ne tempere aucunement vengeance, Vous ne verrés entre gens disputer Que de tuer, frapper, batre, luster,

Sam

Sans qu'il i ait par clemence allegeance.
Si les subietts qui sont d'ennui tous pleins
Font quelque fois contre leur seigneur plaings
Qui sans pitie les pillent & molestent,
Les dits seigneurs leur sont tors inbumains
Comme les batre & coupper bras & mains
Et par prison sans pitie les insestent,
Ou les subietts par angoisse detestent
Leur vie & biens: mais pour neant contestent:
Car pis en ont, comme s'ai veu de maints
Les cruaultés de tels seigneurs attestent
Leur grant malice, & deuant Dieu protestens
Des maus qu'ils sont a leurs freres bumains.

Voions apres qui vit modestement
En son estat sans faire aucunement
Chose excedant soit en faict ou parolle:
Ou sont ceus la qui parlent sobrement,
Honnestement & veritablement?
I'en connois peu qui bien iouent ce rolle,
La contenance est de plusieurs si folle
Queleur renom & bonne estime affolle
Leurs passetems sont pleins d'amusement
Les gens meschans par louenge on extolle
Et les gens droits par brocards ou desolle
Brief i'en voi peu viuans temperement.

Aus vieilles gens qui par humain dispos
Deussent auoir le corporel repos
On voit labeur oultre leur force prendre,
Et vous verrés tous ces ieunes supposts
Passer le tems en impudics propos
Sans au labeur du cors vouloir entendre
Fors aiouer ou pour quelque yn surprendre,
H y Piller,

Piller, rauir, follement entreprendre, Et le bien faire est mis en long deposts Ils font du iour la nuit par vn mesprendre Contre nature & ne veulent apprendre Viure en honneur, mais a vuider les pots.

Humilité peu de gens autorisent,
Les gens presens comme humbles vesperisent,
Mais c'est vn fard ou orgueil s'abscond,
Ceus les quels sont vrais humbles vesperisent
Les orgueilleus en tous cas fauorisent
Par vn parler deceptif & facond.
Des orgueilleus le loier est fecond
Et le premier, des humbles le second,
Brief toutes gens a present se des guisent
Des chrestiens le viure ne respond
A l'euangile, & pour dire a mot rond
Tout perira si les gens ne s'aduisent.

De Iustice quatrieme vertu moralle, & quelle difference à a entre Iustice commutatiue & distributive.

E lendemain vint en la chambre de L'ame vne autre dame de moienne grandeur portant regard penetrant & admirable, son port seuere & reuerend, son marcher lent monstrant quelle auoit quelque autorité, sa face estoit rouge,

quelle auoit quelque autorité, sa face estoit rouge, ses cheueus dorés, ses seus penetrans. En vne de ses mains tenoit vne espèe nue, & en l'autre des balances, son chef estoit couronné d'une courone d'or, & estoit vestue d'un surcot de drap d'or frisè de rouge dont les simbries estoient semées de perles sines, rubis, diamans, balais, saphirs, esmeraudes & server de les seus de le server de l

autres

autres pierres precieuses. En sa compagnie & soubs ses deus aestes rouges qu'elle portoit estédues, marchoient quinse damoiselles ses filles par elle engendrées sans corruption richement acoustrées, nommées Innocence, Religion, Orasson, Pitie, Observance, Obedience, Grace, autrement dite Gratitude, Vindication, Penitence, Verité, Fidelité, Liberalité, Misericorde, Equité & Amitie. On me dit que c'estoit dame Iustice laquelle comméca a parler a L'ame acompagneé d'Entendemét, Memoire & Volunté, & dire ce qui s'ensuie.

Ie suis sustice diversifiée de noms selo mes operations, car aucune sois ie comprens en moi toutes
mes vertus a la raison de ce que par moi la persone
est bonne & iustifiée devant Dieu en toutes ses ex beato
oéuvres, qui est mon nom general & commun de
sustice, mais comme vertu specialle distincte des
autres, ie suis aucune sois appellée sustice communtative & aucune sois distributive, qui fais vne chose pareille a l'autre, & rectisse & ordonne les operations & choses communes entre les hommes & tum.

femmes, car ie rends le droit a qui il appartient par
constante & perpetuelle volunté. Ie suis vn habit,
c'est a dire vertu habituelle de l'ame, qui la commune vtilité gardée, baille a chascun sa dignité. Ie
distribue a chascun ce qu'il lui appartiét, ie ne vendique l'autrui, ie mesprise ma propre & priuée vtilité pour garder la commune equalité.

On m'appelle Iustice commutative par ce que ie consiste es choses qui font entre elles deus privées & singulieres personnes par quelque comutation ou eschange, comme en emptions, venditions, locations, & entre toutes autres pactions qui interviennent entre marchans & autres contrahans. Et

Digitized by Google

poile ou pondere le tout a ma balance a ce que ce lui qui a la meileure chose recompense l'autre. Eti a deus manieres de commutatios, les aucun es sont de volunté, & les autres sont involuntaires. Celles. de volunté, sont quant aucun transporte sa chose a l'autre, maissi c'est par donnation cen'est lors acte de iustice commutatiue, mais vn acte de liberalité. Et a ceste consideration convient que cestecommutation qui est acte de iustice commutatiue soit d'une chose pour autre, comme changer vn. domaine auec l'autre, qui est simple eschange, bailler sa marchandise pour, argent vne fois paié c'est vendition, si c'est pour auoir argent ou bled par chascun an c'est location ou coduction. Et quanton la baille pour rié, c'est lors par prest. Et en toutes ces choses convient qu'il i ait equalité par moigardée sans aucune deception, c'est a dire que les choses transportées vaillent l'une l'autre, & que le prest soit sans vsure. Les commutations inuoluntaires sont quant vne personne vse de la chose de l'autre oultre son gré & volunté, esquelles cóniutatios non voluntaires sont trouvées plusieurs es. peces de peches, scauoir est furt, rapine, homicide, emprisonemet, incarceratio. mutilatio, verberatio, faulle acculatió, detraction, derifion, cótumelie, fufurration, maledictió, adultere & autres semblables qui sont tous actes d'iniustices, & d'iceus ie fais faire la raison et recopenser les domages, par le moien de quoi ie suis nommée Iustice commutatiue.

De Iustice distributiue.

Le suis dite Iustice distributiue pour trois causes.
La premiere par ce qu'a moi appartiét la deue collation & donation des offices & benefices temporels ecclesiastics tant en l'administratio ou dispensation des choses sacrées, que de biens terriens de

l'eglise

Feglise ou communité. Surquoi convient considerer qu'on donne en deus manieres. La premiere appartiét a liberalité, par laquelle on done quelque chose a celui qui ne l'a merité, come les dons qu'on fait souvent l'un a lautre, ou n'i a aucune iniustice. La seconde appartiét a moi Iustice quant on done vne chose a cellui auquel on la doit doner, comme les offices & benefices qu'on doit doner a ceus qui sont meileurs a faire aucune choses pour le bien comun. A quoi doit bien entédre celui qui a puis. sance de faire tels dons, car combien que par les droits lui suffise eslire vn homme droit sans choisir le meileur, toutefois quat a la consciéce doit eslire celui qu'il connoistra estre meileur absolument ou pour le bien comun. Autremet si le moins bon est preferé au meileur en faueur de sanguinité, affinitê ou amitie ou autre cause semblable qui n'appartiét au bié comun, il i a acceptió de persones qui est plus a reprendre en collation des choses spirituelles que des téporelles. Ie suis aussi dite Iustice distribu- De Hotiue par ce que le distribue les honeurs et reuereces neur. a ceus ausquels appartienet. Et sur ce noteres qu'a la consideration de ce qu'honeur est tesmoignage de la vertu de celui qu'on honore, la personne honorce est veue vertueuse, toutefois peut estre honorée no seulemet pour sa propre vertu, mais pour la vertu ou autorité de celui qu'elle represente, come sont les princes & prelats lesquels à la raison de ce qu'ils representet Dieu, ou toute vne comunità sont honorés & fussét ils mauuais, et semblablemét les peres, meres, maistres, seigneurs par la participa. tió qu'ils ont auec Dieu, lequel est pere, auteur, createur, maistre & seigneur de toutes choses. Et aussi les vieilles & ancienes personnes au moien de leur H iiij antiquite

Digitized by Google

antiquité qui est signe de vertu. Et ceus qui au moien de leurs gras richesses sont colloqués en autorité, & es hauls lieus des communités.

Pour autre raison on me nomme Iustice distributiue qui est au moien de l'executio des iugemés que ie fais faire, sans laquelle execution les lois ciuiles, canoniques & municipalles ne pourroient estre gardées ne auoir effect, par ce que chascun vouldroit vser des choses a sa volunte, non obstat les sentences & arrests des iuges sans moi pais ne pourroit estre entretenue ne equité gardée, sans moi tout seroit en desordre, sansmoi les bons seroient foullés, & les meschans soustenus & esseuês, sans moi tous crimes & malefices regneroient, sans moi n'auroit seureté, liberté ne franchise. Mon origine & naissance de Dieu, duquel toute la loi contenant iustice a prins son commencement. C'est lui qui baille a chascun ce qui lui faut seló son estat et dignité en iustice, c'est lui qui a baillé la premiere loi que nous appellons diuine & eternelle, de laquelle est deriuée & descedue la loi naturelle estát entre les hanains, par laquelle sont reiglés a aimer Dieu sur toutes choses, & leurs prochains comme eus mesmes pour l'amour de Dieu, qui est en substance faire a son prochain comme a soi, & ne lui faire ce qu'on ne vouldroit a soi estre fait, dont toutes les lois humaines, ciuiles, canoniques, pollitiques & municipalles dependent, la fin desquelles est faire droit a chascun. Et pour ce accomplir & mettre a executio ont esté ordonés les rois, princés & prelats qui doiuent donner exemple a bien et legallemet viure a leurs subiects, et les entretenir en paix, vnion & concorde par moi Iustice, en remunerant les bien viuans & vengeant les pechés et. crimes

crimes des mal couerfans, & par ce qu'ils ne pourroient le tout faire ont foubs eus prefidens, coseilliers, iuges, & autres officiers qui sont tous mes ministres, comme aussi sont aduocats & procureurs. Et le tout ne tend fors a honnestement viure tant en particulier qu'en communité, ne faire tort a autrui & rendre a chascun ce qui lui appartient, a la raison de quoi suis appellée sustice distributiue.

De Innocence, Religion, et Oraison, c'est a dire veneration et service qu'on dost a Dieu, qui sont les trois premieres silles de Iustice.

Ites moi s'il vous plait dame Iustice, De Inno dit L'ame, la proprieté de vos filles cece preque m'aués nommées qui sont auce miere fil vous. C'est raison dit Iustice. La pre- le de Iumiere est Innocence qui est aimée de stice.

Dieu autant que vertu qui soit, par laquelle la personne peult faire quatre choses pour son salut, & pour estre innocente. La premiere est detester & pour estre innocente se toute iniquité La se

Dieu autant que vertu qui soit, par laquelle la perfonne peult faire quatre choses pour son salut, & pour estreinnocente. La premiere est detester & auoir en haine tous pechés & toute iniquité. La secode est ne blecer aucun, car comme dit saint Augustin, vraie innocéce est ne nuire a soi ne a autrui, au moien de quoi Abel sut de Dieu en innocence recommandé. La troisseme est punir les delinqués quant on a la puissance, reprimer tous vices & reprouuer les pecheurs en tems & lieu propres pour ce faire. Et la quatrieme est ne iuger en mauuaise part d'aucun des choses douteuses, mais en bié, car a Dieu seul appartient iuger des pensées & volunté des humains.

Touchat ma seconde fille Religion elle suit In- De Reli nocence, car par elle scaures quel honneur, reue- gion & rence, veneration & exhibition de seruice vous veneradeues

Le premier liure tio qu'on deues faire a Dieu qui est en trois manieres, scanoir est de cueur, de bouche et d'oéuure en foi, en espedoit a rance & en charité. Quat a la veneration du cueur Dieu. & de la pensée, qui est la principale & mieus veue & regardée, elle confiste principallemét en la con-noissance & dilection de Dieu, & en la subiection qu'on lui doit. Et par ceste connoissance on croit a Dieu pour l'amour de lui sur tout comme la premiere verité. Et a ceste consideration croions que en lui est souueraine puissance, souueraine sapience, souveraine bonté et les choses qui en depédent, scauoir est qu'il est createur & coseruateur de tous biens, gouverneur de ce monde, redempteur des humains, tresliberal retributeur de ceus qui le seruent, correcteur & punisseur merueilleus de ceus qui pertinacement lui sont rebelles sans correction ne amendement. Et par telle connoissance croions & iugeons qu'a lui seul est deü honeur souuerain & c'est quant a Foi. Aussi par ceste connoissance qu'on a de Dieu on croit auec confiance de ce que par sa puissance peut tous cas facilement pardonner & deliurer toutes personnes de mal & misere. Que par sa sapience il connoit la fragilité, variation, mobilité, imperfection, fiction & misere de tous les humains. Et qu'a sa souveraine bonte est chose propre auoir pitie & misericorde des pecheurs & seur pardonner & donner sa grace & sa gloire en paradis qui par son immense liberalité a fait toutes choses,& cela est quant a Esperance. Et consequement par ceste connoissance on a amour a Dieu, non si grant qu'on doit, mais tel que l'hu. maine fragilité la peut auoir. Par laquelle amour on aime Dieu par ce qu'il est souverainement bon en lui, & par ce digne d'estre aime, ioinet que c'est

la fon-

la fontaine de tous biens, duquel auons prins, prenons & prédrons tout le bien que nous auons eu, auons & aurons, & c'est quant a Charité. Et voila

quant au cueur ou pensée.

Touchat la veneration ou pensée de la bouche, c'est vne reconnoissance vocalle de la diuine maiestéque les bons chrestiens font souuent en priant Dieu. no seulemet de cueur : mais aussi de bouche. en louant Dieu, lui rendant graces, & autrement qu'on nomme Oraison, qui est ma troisieme fille d'Orais fuiuant Innocence et Religion quelque autre fois. fon troi-Vous scaues plus amplement que c'est d'elle. Tou-tefois ie vous en dirai quelque peu pour la cotinua-tion de ma matiere maintenant. C'est qu'oraison ou veneration vocalle ne vault & ne plait a Dieu si elle ne procede premierement du cueur & de la bouche d'un qui ne soit en affectió de peché mortel,& auant qu'ainsi prier Dieu s'il estoit en peché s'en doit mettre dehors par contrition, confession mentalle a Dieu, protestation de faire confession au prestre en tems & lieu, auec propos ferme de plus ne pecher mortellement & de satisfaire. Toutefois ne doit la personne auoir ceste presumption de péser qu'elle soit iuste & digne par aucue iustice qui soit en elle de se presenter deuant Dieu pour le prier ou lui faire aucune requeste, q premier ne cofesse estre pecheur tresgrat, et demade a dieu pardo de ses pechés. A pres doit la persone rédre graces a Dieu des biés qu'il lui a faits,& finalement lui faire ses autres requestes auec ptestatió de coformer son vouloir a la volûtê de Dieu, & si la personne a aucunes aduersités, estimer qu'elles procedent de ses pechés les prédre en pacièce, & en remercier Dieu. La veneration de l'ocuure, c'est en reconoissant Dien

Dieu estre seigneur de toutes choses se prosterner & mettre a genous deuat lui qui est vne adoration exterieure, car l'interieure c'est la reuerence qu'on lui fait de cueur come au principe de toutes choses. Et quant au cors ieusner, faire abstinences, peregrinations, & macerer sa rebelle chair. Et quand aus biens terriens en faire oblations a Dieu & aus eglises, en distribuer en aulmones aus indigés seló le pouoir, le tout a l'honeur de Dieu, et non pour en auoir louenge mondaine. Esquelles choses faifant les personnes sont appellées faintes, combien qu'aussi les choses sont dites saintes lesquelles sont appliquées au seruice diuin & a la veneration de Dieu & de son eglise, come les comandemens de la loi, les croix, calices, reliques, et autres choses sacrés, les personnes qui se diét et appliquet a seruir et honorer Dieu ainsi que i'ai dit, sont dites & appellées saintes. Et ladicte veneration sainteté, pourueu que la pensée soit retirée des negoces mondains & choses terrestres, & appliquée principallement a dieu de forte que mort, maladie, perte, gaing, pauuretê,richesse,aduersité,prosperité,amour charnelle n'autres choses semblables ne separét les personnes de la charité qu'ils ont a Dieu, come dit saint Paul escriuant aus Romains. Et en ceste maniere Religion pourroit estre appellée saincteté.

De la vertu de Pitie quatrieme fille de Iustice, & que c'est d'honnorer pere & mere.



A quatrieme fille, dit Iustice, est Pitie qui s'ensuit d'oraison & sainteté. Et qui s'emult u oranon occurrent qu'est ce de pitie, dit L'ame: C'est dit l'ustice, a propremét la prendre celle par laquelle nous rédons l'honneur qui ana

qui ap-

qui appartient a Dieu selon nostre pouoir comme celui qui est pere eternel de tous, & le commencement de tout estre celeste & terrestre. Pitie est improprement prinse par aucuns pour misericorde, comme dit saint Augustin, mais comme vertu de moi procedée est prinse pour l'honneur & reue-Augus. rence qu'on doit a ses parens & a son pais. Pour li.10. de laquelle chose entendre est a cosiderer qu'une per-cini dei. sonne est debteresse à l'autre en plusieurs manieres felon leurs excellences diuerses, & les diuers benefices qu'on a receu d'eus, qui sont entre autres, estre, nourriture, & gouvernement. Esquelles choses Dieu est le souuerain : car il est le premier principe de nostre estre, & sommes premierement & principallement par lui nourris & gouvernes. Les peres, meres, le pais, les princes, seigneurs & maistressont aprés. Et a ceste consideration on doit par la vertu de pitie procedate de iustice faire honneur premieremet a Dieu,& secondemet a ses perc & mere & aussi a ses princes & maistres.

Ie vous demande, dit Entendement, quel honneur on doit a pere & mere? En trois manieres, dit neur on Iustice. La premiere en les saluant parlant humblement a eus, supportant les dessaus de leurs vieilles. ses, ne reuelant & descouurant leurs vices, & ne les pere contristant en aucune maniere comme il est escrit mere. enl'Ecclesiastique & ou quatrieme comandement de Dieu. La seconde en obeissant au pere & a la mere en ce qui appartient a bonnes meurs, regime de famille & maison. Et est a noter qu'on ne doit obeir a pere & mere, prince ou seigneur es choses qui sont contre les comandemens de Dieu ne pour commettre vn seul peché veniel, ne semblablemet es choses qui empeschent le salut des enfans &

fubiets, comme d'entrer en religion, garder chasteté & ne se marier. La troisseme qu'on doit subuenir a pere & mere & autres parens et aussi aus princes en leurs necessités, en nourrissant les pere & mere comme ils ont nouri leurs enfans. Et ainsi le comade saint Paul aus Hebrieus, & Iesuchrist en l'euangile quant il reprint les Scribes & Pharfiens qui induisoient les enfans a leur faire oblations des biens qu'ils deuoient donner a leurs pere & mere. Et qui honore pere & mere par pitie, come appartient, viura longuement, sera oui en ses oraisons & confolé es enfans qu'il aura & finalement ses biens spirituels et temporels multiplieront comme recite l'Ecclesiastique. Touchant l'obeissance qu'on doit aus princes & seigneurs, ie vous en dirai ci apres en parlant de ma cinquieme fille Observance.

De la vertu d'Observance, quelles personnes on doit honorer & comment.

Tullius & beat? Thomas 2.q.c.2. E pere d'eloquéce dit, qu'Observance est vne vertu qui designe & monstre par exibition d'honneur & reuerence ceus qui precellét les autres en dignité. C'est a dire que par la vertu

d'Observace venant apres pitie, on doit reuerer & honorer les rois, princes & ceus qui ont les autorités et dignités tant en l'eglise qu'en la secularité. A tous lesquels les inferieurs & subiets doiuent par observace trois choses. Scauoir est honeur a cause de leur sublimation, dignité ou prelature, crainte a cause de la puissance qu'ils ont de corriger & enseigner, et obeissance a cause du gouvernement qu'ils ont des inferieurs & subiects. Par laquelle obeissance on leur doit paier les tributs & droits acouts stumé

Digitized by Google

Aumés, autrement on pecheroit suivat la doctrine de saint Paul en son epistre aus Romains, ou il dit. Toute personne viuate se rende subiete a ceus qui Rom.4. sont en autorité, & ont la treshaulte puissance, car puissance est ordonée de Dieu, & par ce qui resiste a ceus qui sont en autorité & puissance, resistent a l'ordonance de Dieu a leur dánation. Car les princes sont ordonnés pour punir les mauuais & soustenir les bons. Et a ceste cause rendés a chascun ce que lui deués, scauoir est, tribut a ceus ausquels on le doit, craincte a ceus qu'on doit craindre, & ho-

neura ceus qu'on doit honorer.
Dites moi dit L'ame, quelle difference i a entre honeur, reuerence, gloire & louége ! Honneur, dit Iustice, est selon le philosophe vne exibition de reuerence portat tesmoignage de vertu. Reuerence Philporo est vn acte de crainte, par lequel quelqu'un est reueré. Louenge est vne exhibition d'honeur en parolles, & gloire est vn effect d'honeur & louenge. Car la raison de ce qu'on tesmoigne de la bontê d'autrui par reuerence, honeur & louenge, celle bonté est esclarcie & vient de la connoissance de plusieurs. Et a ce propos disoit saint Ambroise, que gloire est vne clere connoissance auec louenge. Et notés que les hommes & femmes qui veulent estre honnores, quierent tesmoinage de leur excellence. Et ce tesmoinage est rendu deuant Dieu, ou deuant les hommes. Si c'est deuant Dieu suffit le tesmoinage de la conscience. Car Dieu est scrutateur des cueurs, & lui seul scait si la personne est bonne ou mauuaise. Et a ceste consideration honeur quant a Dieu consiste ou seul interieur mouuement du cueur, c'est assanoir quat queleun recogite & pense l'excellece de

Dieu, ou l'excellence de quelque homme ou femme deuât Dieu, mais quant aus hommes aucun ne peut porter tesmoignage de l'honeur d'autrui fors par signes exterieurs esquels consiste reuerence, ou

par parolles de louenge.

Vous m'aues dit en general, dit L'ame, quellos personnes ie doi honnorer, mais ie vouldroie bien les connoistre plus speciallement. I'en trouue plusieurs en la sainte escriture, dit Iustice. Et premiere-Eccl. 10 ment les recteurs & gouverneurs, comme dit l'Ecclessattique & saint Paul apres lui. Secondemet les ad Ti.5. deuotes & saintes personnes, par ce qu'en eus habite le saint esprit. Et a ceste consideration Tobie sut honoré du roi Salmanasar. Tiercemét les prestres, comme il est contenu en l'Ecclessastique. Quartement les confesseurs & medecins. Quintemet ceus qui ont le don de sapience & science. Et par ce disoit Salomon qu'il estoit honoré pour sa sapience Eccle. 5. des anciens, comme aussi fut Ioseph de Pharaon, et Leui. 12 Daniel du roi Nabugodonosor. Sextement les ambassades, legats & autres gens de bien commis & delegués a quelque bonne chose faire, comme il est contenu en l'epistre que saint Paul escriuoit a ceus de Philippi parlat d'Épafrodit' qui leur enuoioit. Pour le septieme les religieus. Et a ce propos disoit saint Augustin en la reigle parlát aus religieus. Honorés vous l'un l'autre en Dieu duquel vous estes faits le temple, & puis qu'on honore le temple materiel dedie a Dieu, de beaucop plus doit on honorer son téple spirituel. Pour le huitieme les vieilles gens & ceus qui precedent en aage ou ordre & en estat. Et pour la neufieme on se doit porter honeur l'un a l'autre vniuersellement, comme le commade

faint Paul escriuat aus Romains, par ce que l'image

Digitized by Google

de Dieu est en chascun home & femme, aussi que chascun doit estimer qu'es autres i a quelque chose d'excellence qui n'apparoit, pour laquelle ils doivent estre honorés.

- Dites moi quels honeurs & reuerence on doit faire (Il i en a plusieurs, dit Iustice. Le premier les ouir voluntiers parler sans les desdire. Le secod est parler auec eus reuerémét. Le tiers saluer humblement. Le quart donner lieu & faire place a celui qu'on veult honnorer & qu'on pense digne d'honeur en lieu publiq & ailleurs. Le cinquieme faire copagnie a celui qu'on doit honorer a fortir d'une maison, aller par rue, ou en quelque assemblée publique.Le sisseme par inclinations & autres humiliations. Le septieme en s'exhibant a faire service, come bailler l'eauc a lauer les mains, aider a se ve-Rir, & autres pétites gracieusetés ou i a peu de labeur.Le huitieme presentant la premiere & meilleure viáde a vn dilner ou foupper, et autát du vin. Le neufieme se descouurir deuat celui qu'on veut honorer. Et le dixieme le prier d'aller, cheminer & parler le premier, qui sont toutes choses procedans de Iustice, c'est a dire qu'il est honneste & iuste le faire ainfi.

# De Obedience sisseme fille de Iustice.

A fisseme fille, dit Iustice, est Obedience, qui est vne vertu par laquelle on obeit aus superieurs quels qu'ils soiét selo la reigle de sainte escriture, et par laquelle on laisse trop voulentiers sa propre volunté. Et pour bien le faire conuiét observer plusieurs choses. La premiere, est vouiét observer plusieurs choses. La premiere, est vo-

luntairemét obeir fans contrainte ne cótradiction. La fe-

La seconde, obeir sans discution, c'est a dire sans dire, il fault faire ceste chose auant l'autre. La tierce obeir joieusement sans murmure ne contristation. La quatrieme faire legeremet ce qui est commade sans retardation.La cinquieme est faire ce qui est commandé virilement sans crainte de mort ne autre danger. La sisseme est faire humblemet ce qui est comandé sans elation, presumption ne orgueil. La septieme est perseuerer en obedience, car come dit saint Gregoire.Le bien est fait en vain si on le laisse auxt que mourir. Et vous di Ame amoureuse que chose n'i a qui plus plaise a Dieu qu'obedience, et qui plus lui desplaise qu'inobedience, car toutes les choses doiuent a Dieu obeissance, soient pures celestes, pures naturelles & terrestres, spirituelles, & naturelles, & toutes creatures obeissent incessamment a Dieu & sans discotinuation, fors les homes & femmes qui sont spirituels & corporels, car les bons anges, le soleil, la lune, & les autres planettes, le cours de toutes les estoilles, les mouvemés des cieus, la mer, la terre font toutes leurs operations come il plait a Dieu et selon sa prouidence. Et les hommes & femmes ne le font ne le veulent faire, parquoi ne vous esbahisses si telle inobediéce est desplaisante a Dieu.

Obedience fait l'homme ami de Dieu, & ainsi le dit nostre seigneur Iesuchrist a ses apostres. Vous serés mes amis si vous faites ce que ie vous commande. Obedience fait ceus qui obeissent a Dieu freres de Iesuchrist, comme recite saint Mathieu. Obedience sait l'ame de la persone estre le logis de Dieu, come dit saint Augustin. Obediece exalte en ce mode & en l'autre la psone en tresexcellet estat. Obediece fait exauscer les oraisons & prieres. Et a ce pro-

ce bros

ee propos disoit saint Gregoire. Si nous obeissons a nos superieurs, Dieu obeira a nos oraisons, Obediece deliure de danger & peril, sait triúpher contre les ennemis, et aorne l'obedient. Obediece produit pais, donne la seigneurie des choses & induit la diuine benediction. Obedience sait la personne digne de prelation, & sinalement la conduit a la gloire eternelle. Et a ce propos disoit nostre seigneur Iesuchrist. Qui veult auoir la vie eternelle, garde de sa pussance les commademens de Dieu.

De Grace autrement dite gratuité septieme fille de Iustice, & comme on doit reconnoistre benefices & bienfaits.

R parlons de Grace, autrement dite gratuité vostre septieme fille, dit En-tendement. Ie le veus, dit Iustice, en tant qu'elle procede de moi. Et pour vous en informer, c'est vne vertu par laquelle on a memoire & reconoissance des benefices, biéfaits & amitie qu'on a receu d'autrui, auco volunte de les reconnoistre & remercier a son pouoir.Laquelle reconnoissance se doit premieremét faire a Dieu, comme l'auteur premier & principal de tous nos biens. Secondement a pere & mere. Tiercement aus princes, maistres et superieurs, desquels procedent les biens communs. Et quartemét a son biéfaiteur duquel on a receu quelque biéfait & plaisir particulier. Quát a Dieu plusieurs choses nous doiuet inciter & induire a lui redre graces de cueur de bouche & de fait.La premiere est la multitude des saintes escritures, car le vieil testament & le nouueau en sont tous pleins. Scanoir est de cueur par bones pensées & cogitations. De bouche

De bouche par louenges, cantiques, & oraisons, & de faits par aulmosnes, sacrifices, ieusnes, abstinences, macerations & oblations. Secondement, l'uniuersité des creatures nous incite a rendre graces a Dieu,par ce que toutes les creatures ont esté faites pour lhomme. Et en considerant la beauté, vertu, & diversité d'icelles, & qu'elles sont toutes sous l'home, fors les anges, l'homme doit bien estre excité a rendre graces a Dieu, qui ne l'a fait de si horrible & vile nature qu'aucunes venimeuses bestes. Et tiercement la qualité du tems ou nous sommes, nous inuite a regracier dieu par ce que c'est le tems de grace, lequelle on ne doit receuoir en vain come a escrit saint Paul. C'est a dire en vain quant on ne reconnait les biens que Dieu nous a faits par l'incarnation, mort, passion, resurrection, & ascension de son eternel fils lesuchrist, en mettat a execution par bonnes oéuures la doctrine euangelique. Ie vouldroie bien scauoir de quels biens on doit

car ie l'ai qu'en general il est cause de tous nos biés. Ie trouue, dit sustice, que les homes ont receu de Dieu trois sortes de bienfaits. C'est assaucir les generaus, les speciaus, & les singuliers. Les benefices generaus de Dieu sont, creatio, nutritio, & redemtion. Les benefices speciaus sont, expectation, iustification, & conservation. Regardons premieremét. combié Dieu attend les pecheurs a eus conuertir & faire penitence, & quelle grace il leur a fait de les attendre, yeu que pour vn seul peché les pouoit lors damner, & en vn moment peuent estre

par penitence sau de sau moien de celse attente & expectation, Quanta instification contemplons que c'est un merueilleus benefice. Et pour le con-

rendre grace a Dieu, en especial, dit Entédement,

nefice de conseruation.

noiftre

noistre, doit considerer le pecheur de quels liens il est deslié quant il est iustifié par vraie penitence, & que Dien lui a pardoné. Aussi doit penser quels pechés Dieu lui a remis, le nobre et la grauité d'iceus, & que pour chascun peché auoit merité eternelle damnation. Et finalement doit recogiter a quelle dignité Dieu la appellé par telle iustification, & que de son ennemi l'a fait son ami. Quant au benefice de conservation, c'est a dire de demourer en estat de grace, convient considerer cinq choses. La premiere est la difficulté de demourer en estat de grace, laquelle on peut connoistre en Lucifer, en Adam,& en Iudas. Lucifer estoit vn grand arbre en paradis. Toutefois au soufflemét d'un petit vét d'orgueil tumba du haut en bas au parfond d'enfer, c'estoit la premiere lumiere desanges, & c'est. par vn pechê d'orgueil le premier de tenebres. Combien qu'Adam fut en paradis terrestre sans corruption de choses naturelles: toutefois perdit paradis pour coplaire a sa femme Eue. Et a ce propos disoit saint Hierome. Si vne femme a mis hors Hieron. de paradis celui lequel i estoit, n'est de merueille si les femmes empeschent plusieurs d'i aller. Et si Iudas qui estoit sous tant bon & iuste pasteur & en si bonne compagnie a l'occasion d'une administration de petis deniers qu'il auoit tuba si bas par auarice que depuis n'en est releué. Regardos en quels dangiers sont ceus qui ont l'administration de tous les tresors de l'eglise & les grosses dignités & grandes autorités enuers les princes. La seconde difficulté de demourer en estat de grace, est la coutinuelle bataille ou sont les humains, car ie vous aduentis Entendement, & vous l'Ame auec Memoire & Voluté, que vous aurés guerre cotinuelle

en ce monde par les vices & pechés. Et a ce propos disoit Iob, que la vie de l'homme est vne cheualerie ou chose militaire. Les hommes s'esbahissent quât ils voiét quelqu'un tumber en peché, mais comme a dit saint Gregoire, se deuroient esbahir quant ils n'i tumbent & ne pechent a tout le moins veniellement, veue la multitude des tentations. La troisieme difficulté est la propre infirmité & fragilité de l'homme & de la femme, qui est si grand qu'a vn simple regard fera vn peché mortel, comme fit Dauid regardant Bersabée nue, & aussi a vne simple parolle. A ce propos disoit le Psalmiste parlant des humains. Leurs voies & chemins est vne chose lubrique.La quatrieme est la puissance et astuce du diable, ennemi des humains. Et a ce propos disoit Iob qu'il n'i auoit puissance au monde a comparer a celle du diable. La cinquieme est la varieté des perils & dangers ou font les hommes & femmes, car il en i a tát qu'en cuidát en euiter vn on tumbe en l'autre. Tel cuide euiter paresse pour aller iouer et passer tems honestement qui tube en lasciueté et vaine liesse, et au contraire pour euiter vaine liesse, zumbe en paresse, somnoléce & oissueté. On cuide aucunefois penser au futur & grand iugement & en i pensant on tumbe en desespoir. On cuide aucunefois souhaiter la vie de religion claustrale, & ceus qui sont mariès desirent la mort de leurs semmes ou enfans pour i entrer . On cuide aucunefois abhorrer ceus qui ont pluralité de benefices ou ceus qui ont l'administratio des roiaumes, seigneuries & communités & on tumbe en temeraire iugement. On cuide aucunefois penser en la vilennie de quelque peché de luxure qu'on a fait & on tumbe en nouvelle delectation. On cuide aucune-

Iob 41

fois euiter desespoir & exalter la tresgrande misericorde de Dieu, & on tumbe en presumption & folle esperance. On cuide aucunesois par humilité se blamer, & on se scandalise. On cuide aucunesois euiter gloutonnie, & on tumbe en indiscretion & insensibilité.engendrant moquerie & derisson. Et a ceste consideration la persone preseruée de Dieu de toutes choses, peut bien dire apres le Psalmiste. Comme pourrai ie retribuer a nostre seigneur de Psal. 150

tant de biens qu'il ma donés!

Les benefices particuliers de Dieu desquels on lui doit rendre graces, sont la vie, entédement, memoire, volute, aller, parler, veoir, toucher, gouster, oûir, odorer: les oéuures meritoires, les biens temporels, comme or, argent, bleds, vins, terres, possessions, bonne femme, bon mari, belle lignée, bon renom, dignité, aûtorité, et autres choses semblables. Et de toutes choses conuient rédre graces a Dieu: car tout vient de lui, & principalement des saints sacremens, aussi de bonne doctrine: & oultre des aduersités qu'aucune sois il enuoie aus personnes, par ce que souuent leur seruent plus que grad prosperité mondaine.

Comme on doit reconnoistre les bienfaits enuers les bommes & les femmes & de Ingratitude.

doit reconnoistre les benefices que Dieu nous a faits & fait chacun iour. dites moi s'il vous plait come on doit reconoistre ceus des hommes. Vous les deués faire, dit Iustice, a l'exeple de gratuité enuers Dieu: scauoir est de cueur en reconnoissant le bienfait de bouche, en louant le bienfaiteur sans I iiij staterie:

flaterie: & d'oéuures, par plasurs & seruices. Et pre-mierement on le doit faire aus peres & meres en la maniere que l'ai dit dessus. Secondemét aus autres bienfaiteurs particuliers en la forme que i'ai dit si on a puissance d'ainsi le faire. Car il suffit aus indigens & pauures qui n'ont puissance de reconoistre vn bienfait par operation de le reconnoistre de cueur par bienueuillace, et de bouche par louenge, reuerence, honeur & signes d'amitie: s'exhibant a leur faire plaisir & seruice de cors & de la langue, puis qu'ils ne le peuent faire de leurs biens.

Gardés vous d'ingratitude : car c'est touiour peché, a la raison de ce qu'elle tollit & oste le deuoir de reconnoissance qui est vn deuoir de chari-Sap. 16. té: & comme dit le Sage. Malheur demourra touiours en la maison de celui qui réd mal pour bien, & l'esperace de la personne ingrate perira aussi tot que la glace d'une nuit. Ingratitude come a escrit saint Bernard , est ennemie de grace & de salut , & n'i a chose qui plus desplaise a dieu qu'ingratitude. Et vous aduertis qu'en faisant quesque plaisir ou bienfait a autrui ou pour le recompenser d'un plasir qu'il aura fait, on doit de sept choses se garder. La premiere est d'oubliance, c'est a dire que celui qui a receu quelque plaisir ou biéfait en doit auoir touiours memoire. Et a ce propos disoit Seneque, que celui est ingrat qui n'ie auoir receu vn bien qu'on lui a fait, ou qui dissimule le rendre ou ne le veut rendre: mais celui est tresingrat qui en est oblieus, par ce qu'il est a coniecturer que celui qui oublie vn bienfait pense peu de le reconoistre. La seconde chose qu'on doit euiter pour n'estre ingrat, est de faire iniure & diffame a son biéfaiteur. car c'est contre la loi de nature, & tels sont semblables, :31.5

bles, comme dit Senequea ceus qui desirent que celle qu'ils aiment impudiquement soit exilée à ce qu'ils la puissent suivir en son exil, ou qu'elle deuienne pauure a ce qu'ils la puissent corrompre par dons & la prostituer. La tierce est quant la persone veut par orgueil trop soudain rendre le bien ou plaisir qu'on lui a fait. Car comme escrit Seneque. Celui qui trop tot rend vn plaisir & biéfait, semble qu'il a par force & violèce prins & accepté ce plai-fir & bienfait. Et s'il le prent par force est ingrat. Qui veut donc comme appartiét reconnoistre vn Genesis plaisir, le doit prendre benignement, & quat a l'ef- in prad. Fect doit attendre le tems & lieu oportun & con-libro. uenable pour le reconnoistre & en faire a son ponoir la recopense, & non si soudain. Car il se mon-Areroit superbe & ne vouloir estre tenu a son biefaiteur, bien le doit de cueur par bienueuilance, & de bouche par regraciation soudain le reconnoistre. Ce que l'entens es choses données liberalement, car des choses prestêes on les doit rendre sans delai au terme promis qui le peut faire, autrement on perd son credit & le merite de trouuer plaisir par prest. Et qui ne le peut faire le debteur se doit excuser honestement au crediteur, et lui offrir bailler de son bien pour le vendre. La quatrieme chose que doit euiter celui qui recoit ou veut faire vn plaisir ou bienfait est, le trop grant delai de le re-connoistre ou faire. Et a ce propos disoit le Sage en ses Prouerbes. Ne dis a ton ami, retournés demain a moi, si tu lui puis bailler alors ce qu'il demande. Car comme dit Seneque. Ce mot, ie vous prie est fort moleste et grief a vn homme de cueur, & encores plus de le retirer, & lui est plus grant plaisir de le refuser soudain que par tant de sois lui

faire demander. La cinquieme est vne malicieuse excuse, comme celle de Antigonus lequel respondit a vn pauure homme lui demandant vn talent d'or a donner, que c'estoit trop gros don pour vn indigent. Et quant il lui demanda vne piece seule d'argent, lui dit que cestoit trop petite demande faite a vn si riche prince. Le roi Alexandre fit au contraire, car come pour recompenser vn simple home d'armes des plaisirs & services qu'il lui auoit fait lui eut donné vne cité: l'homme d'armes s'excusa de la prédre, disant que c'estoit trop gros don veue la qualité de sa personne. Et Alexandre lui repliqua qu'il ne regardoit a ce qu'il pouoit prendre, mais a ce qu'il pouoit donner. La sisseme, est reprocher a celui qui demade quelque plaisir, qu'il a esté ingrat des precedés benefices & biéfaits. Car par ce moien, comme dit Seneque, tu feras de ton ami ton ennemi, & la loi de gratitude est de bien tot oublier le plaisir que tu auras fait, & bien tot reconoistre celui que tu auras receu. La septieme, est regarder si le plaisir qu'on veut faire a quelqun · lui est nuisible ou a autre. Comme celui qui preste argent & autres choses aus prodigues & dissipateurs de biens & celles qui pour faire plaisir abandonnét leurs cors aus lubriques. Et a ce propos disoit Seneque. Ie ne baillerai ma pecune que ie scaurai estre distribuée a vn adultere a ce que ie ne soie trouué en la compagnie d'un villain fait & d'un mauuais conseil. Et saint Augustin. Mieus vaut soubstraire le pain a vn indigent que de lui en bailler, si pour ceste coustume de lui donner il vit iniustemet. Et ainsi s'ented ce que dit l'Ecclesiastique. Fais bien a la persone iuste, & ne donne rien au pecheur. Aussi disoit saint Ambroise. Si lon ne peut

Dibuenir & aider a quelqu'un sans vn autre endomager c'est le meileur n'aider a l'un n'a l'autre.

De la vertu de Vindication, c'est a dire de venger les crimes & delits par droiture huitieme fille de Iustice.

E m'est assés, dit Entendement, de ce que m'aués dit de Grace ou gratitude, mais pensant en vostre huitieme fille nomée Vindicatio, ie ne puis en-Tiendre que ce soit vertu entre les homes,par ce que Dieu a reserué a lui vengeance & qu'elle n'appartiét aus humains, come a escrit saint Paul. Si fait, dit Iustice, en la maniere que ie vous dirai, qui est que par ceste vindicatio come procedante de Iustice, toute violéce, iniure & chose pernicieuse & intolerable est propulsée, tollue & reietée, parquoi sans elle ie ne pourroie estre obeie. Et a ceste consideration vindicatió est necessaire entre Rom.23 autres a ceus qui ont autorité, puissace & prelature pour punir les crimes, come a escrit S. Pierre en sa premiere epistre. Et pour respodre a ce que S. Paul dit, que Dieu a retenu a lui seul vengeace de toutes iniures. Il est vrai come le souverain retributeur de · bien et de mal, mais sur ce est a cosiderer que la vindicatio de laquelle ie parle n'est autre chose qu'un mal de peine infligé en la personne pour son delit, offense ou crime par celui qui en a la puissance.scauoir est par le prince, juge ou autre superieur aiant iuridictió, come escriuoit saint Paul aus Romains.

Ce punisseur ou vindicateur de crime, se doit bien garder de mauuaise volunte & affection, car il fait telle punition, que l'appelle vindication de crime, pour nuire et desplaire a celui qui a delinque

principalement, il offense Dieu, par ce que soi dele-

cter en mal d'autrui appartiét a haine & malueuillance qui est contre charité, par laquelle tous les hommes & femmes doiuent auoir amour charitable l'un a l'autre, & n'est excuse raisonnable dire, ie veus et desire le mal d'un tel par ce qu'iniustemét il a pourchassé mon mal. Car vne personne ne doit l'autre offenser, a la raison de ce qu'elle l'auoit au parauant offensée, ce seroit estre vaincu d'un mal qui est prohibé & deffendu par l'epistre que saint Rom. 12 Paul escriuit aus Romains, ou il dit. Garde toi d'estre vaincu & surmonté d'un mal, mais surmôte le mal par bien. Toutefois celui qui a pouoir & iuridiction venge vn crime principalement pour quelque bien, auquel on peut paruenir par la punition du delinquant, scauoir est pour l'amédement du crimineus, pour empecher qu'il n'offense plus, ou pour le repos & seureté des autres, & aussi pour l'honeur de Dieu & l'autorité de justice. Esdits cas la vindication est iuste, licite et raisonnable, et n'est contre l'autorité de Dieu qui retiet a lui végeance a la raison de ce que celui qui est en autorité & a iuridiction n'usurpe en ce faisant sur la diuine autorité, mais vse de la puissance qui lui est en tous cas de dieu concedée.

De Penitence comme estant vertu procedant de Iustice, & sa neusieme sille, & des biens qui en procedent.

maintenés Penitence estre vostrefille dame Iustice, & que ce soit vne vertu procedant de vous, attendu que Penitence est vn des sacremés de sainte eglise.

eglise. Il est vrai, dit Iustice, & que les philosophes paiens moraus n'ont fait métion de ceste vertu par ce qu'ils n'ont eu connoissance de peché comme expiable & purgatif par penitence, mais les philosophes catholiques, qu'on appelle theológiens ont eu connoissance de penitéce comme vertu de moi procedant vindicatiue de peché, toutesois differe de vindication, en ce que par penitence on punit son peché, & par vindication le peché d'autrui. Et a ce propos dit saint Augustin, que penitence est vne vengeance d'un homme courroucé qui se punit du mal qu'il se repét auoir comis. Et est cocèue & causée ceste vertu de penitence premier et principalement de grace preuenat. Secondement d'autant que c'est de la partie de l'home de crainte. Et a ce propos disoit Esaie. De ta face auons coceu & Esa-26 en gendré l'esprit de salut, c'est a dire de penitence,

par laquelle l'esprit est fait sain.

Pour mieus & plus clerement vous faire entendre que c'est de la vertu de Penitence, considerés qu'un home est fait debteur de l'autre doublemet, cauoir est quant il a de lui quelque chose voluntairement, comme par prest, védition, achet & par autres contracts semblables. Et secondement pour retenir le bien d'autrui par furt, larrecin, pillerie, exaction, deception, circonvention, violence & autrement indeuemet. Aussi est l'homme fait debteur de Dieu en deus manieres. La premiere de ce qu'il a receu de Dieu voluntairemet comme creation, redemption, nutrition & tous autres bies naturels, spirituels & temporels que les humains ont de Dieu. Et pour reconoissance de tels biens, telle que l'homme la peut faire, doit a Dieu l'honeur de latrie, scauoir est adoration, honeur, oblation, sacrifices

crifices & oraisons, dont on vous a parle ci dessissi La seconde maniere de debte est quant on a pecht contre Dieu, car par ce moien on a substrait de lui deue obeissance & reuerece, laquelle debte qui est violente on doit paier par penitence, qui confiste a auoir horreur & desplaisance de son peché, s'en confesser a Dieu auec ferme propos d'en faire confession au prestre selon l'ordonnace de l'eglise, de restituer & satisfaire & de non plus offenser Dieu en son pchain. Ce sont les deus moiés par lesquels on paie ses debtes a Dieu, qui doiuét inciter les pecheurs a l'amour de Dieu sur toutes choses, lequel se cotete de tat petit & leger paiemet pour si groß ses debtes obligeas les debteurs a danatió et ernelle. Quels biens & fruits procedent de vostre fille

Penitence, dit L'ame! Plusieurs, dit Iustice. Le pre-

mier est que toutes les vertus perdues par peche sont rendues & restituées par penitence, car penitence est vne chose tresbone qui reuoque tous les deffaus a perfection. Le second que tous merites acquis par bonnes operatios faites en estat de grace & depuis perdus & mortifiés par peché mortel, font restitués & resuscités par penitence acompagnée de vraie foi.Le tiers fruit est que par penitêce acompagnée de foi on a remission de tous pechés. par ce qui est escrit en l'euangile saint Luc, ou il est Lu. vlt. dit. Il a este couenable que Iesuchrist souffrit more & resuscitat au tiers iour & precher en son nom penitence & la remission des pechés. Le quatrieme fruit est que penitéce restablit l'ame en sa premiere force, car l'ame inueterée en peché est par ce moien debilitée, aggrauée & affoiblie a la maniere des vieilles gens, de sorte qu'elle ne peut faire opera-tions a Dieu plaisantes, est renouuellée parpeni-

Att. 3.

₹.

tence\_

rence, en maniere qu'elle deuient forte a bien faire, belle en bon espoir, & vtile en bonnes operations. Le cinquieme fruit de penitence est que par icelle on euite les tribulations & aduersités de peste, famine & guerre, que Dieu enuoie souuent pour les pechés du peuple dont on voit assés d'exéples par l'ancien testament. Et a ce propos disoit saint Hierome. Dieu promet les choses prosperes si nous faisons penitéce. Le sisseme fruit est participation de tous les bienfaits de sainte eglise, car par vraie penitence le pecheur est r'incorporé en sainte eglise. Et tout ainsi que tous les mébres se sentent de la viáde que prent le cors, aussi tous les vrais penitens pasticipent en tous les bienfaits de l'eglise militate. Le septieme fruit est la preparatió de l'eternel louier, & ainsi le promit nostre seigneur Iesuchrist en la Mat. 4. premiere predication qu'il fit en ce monde, disant. Faites penitéce, et le roi aume des cieus s'approchera de vous. Surquoi vous notefes que par penitéce on n'entre incotinent en paradis, sinó que la cótrition fut si grad & plaisant a Dieu qu'elle effacast la coulpe & la peine, mais on en approche come font ceus qui sot en purgatoire et qui purgét leurs ames par ieusnes, oraisons & aumones en ce mode. Ausi vraie penitéce ne réd la psone impeccable et n'oste la faculté de pecher, iacoit ce qu'il semble que S. Ambroise ait dit le cotraire, quat il a escrit que penitéce est plorer et auoir douleur des pechês comis et ne comettre plus ceus qu'on a plorés, mais il s'étéd auoir ferme propos de no plus comettre les pechès qu'on a plores. Ce qui appert manifestemet par Da 2.76.7/s. uid, car Dauid fit vraie penitéce de l'adultere par lui comis auec la belle Bersabée, & neatmoins tuba depuis en grief pechê d'orgueil, quat il fit nombrer fon peuple

son peuple, qui lui fut aussi pardoné, moiennam se penitence.

# De Verité dixieme fille de Iustice.

Ame Iustice dit Volunté dites nous

s'il vous plait de quoi vous fert vo-ftre fille Verité, & si c'est elle dont nostre seigneur Iesuchrist a tat parle par les saintes Euangiles. Ie le vous donnerai a entendre dit Iustice. Et pour ce faire conuient presupposer que verité peut estre prinse en trois manieres. La premiere pour Dieu eternel, & par appropriation pour son fils nostre seigneur Iesuchrist, dont il est faite mention par les Euangiles. La seconde pour vne chose qui est veritable qui n'est vertu mesme, mais est son obiect & fin. Et la tierce est prinse pour celle vertu par laquelle la persone dit verité, & en la disant est concue la chose qu'il a dite estre veritable. Et ceste ci est la vertu de verité de moi engendrée, car elle est necessaire pour faire iustice, & par icelle la persone par la rectitude de la loi garde & obserue ce qui est necessaire pour distribuer le droit a qui il apppartiét. Verité de iustice ne regarde aus persones si elles sont riches ou pauures, parés ou estran-ges, bien voulus ou hais, mais est veritable en iu-geant, en parlant, & portant tesmoignage.

Si voulés prendre verité plus au large, faint Hierome a escrit qu'il i a verité de vie & verité de doctrine, la verité de vie cossiste en trois choses. La premiere est en vraie estimatio de pensée, car contre verité péseroit celui qui estimeroit le pain estre fange, & l'or estre cuiure, combien qu'ils aient quelque similitude en couleur. Et semblablement-

qui re-

qui reputeroit les choses téporelles come richesses honeurs modains & voluptés estre grás bies, & les vertus de sapience estimeroit n'estre d'aucune valeur, tout cela seroit fause estimation, & tel estimateur seroit fausaire en son cueur, et selo le Psalmiste Pfal. 14 n'entreroit iamais en paradis. Et au contraire celui qui estimera les biés de ce mode estre choses vaines & transitoires,parlera verité en son cueur, & par telle verité aimera vertu & contemnera les vices. Secondement pour la verité de vie est requis tenir verité en la parolle. Et a ce propos disoit saint Paul. Parles l'un a l'autre verité, car nous sommes tous ensemble membres de Dieu, & vn membre ne doit deceuoir l'autre par mensonge.La bouche est ordonnée pour exprimer ce que le cueur pense & non autre chose, & a ceste raison mentir est vn vice contre nature, & est touiours peché aucunefois mortel quant il est pernicieus, scandaleus & dommageable, & veniel seulement quant il est officieus, solacieus, facecieus & sans dommage ne scandale, mais on peut dire comme disoit Seneque. Les riches et puissans n'ont deffaut fors de quelque homme qui leur die verité. Tiercement a la verité de vie est requise droite operation, c'est a dire auant que l'operation de la persone soit veritable on doit tollir & ofter aussi d'icelle toute finistre & mauuaise intention, toute simulation & indeüe circonstance, de sorte que par aucune mauvaise coustume on ne doit celer sa verité, ne dire chosemendacieuse & faulse.

Verité de doctrine consiste a la manisestation & declaration des choses qu'on scait, qu'on connoit & qu'on entend par parolle ou par fait. Celui qui presche, coseille, exhorte & admoneste de touiours

stomus.

dire verité. Et ne doiuét les predicateurs, maistres & conseillers, cesser de dire verité par menasses, faueur, dons, promesses, crainte de mort, n'autre chose quelconque, Et a ce propos nostre seigneur Iesuchrist disoit a ses apostres qu'il enuoioit prescher. Ne craignés ceus qui tuent le cors. Surquoi dit saint Iehan Chrysostome. Non seulement est proditeur de verité celui qui en trangressant verité dit manifestemet mensonge, mais aussi celui qui tait & cele verité qu'il conuiet annoncer franchement & sans crainte, toutefois le predicateur ne doit touiours dire tout ce qu'il voit estre veritable, mais seulement ce qu'il connoit estre necessaire pour le falut des auditeurs. l'ai grant paour que le tems soit venu duquel saint Paul rescriuoit a Timothee disant. Vn tes viendra que les predicateurs ne foustiedront la veritable doctrine, mais eus de. stournés de verité se couertiront a fables & choses pernicieuses, toutefois il n'est dessendu alleguer en predicatiós les dits moraus des gentils, ne de s'aider aucunefois des sciences humaines, no a ostétation & orgueil, mais pour confirmer la verité de theologie, comme ses pedisseques & chamberieres.

# De Fidelité vnsieme fille de Iustice.

Entend, dit L'ame, comme on doit estre veritable, mesmement en l'administration de Iustice. Dites moi s'il vous plait de quoi vous sert vostre vnsieme fille nommée Fidelité: Car il me semble qu'elle a mesme office que Verité, par ce que la persone veritable est fidele. Il est vrai, dit Iustice, que la vertu de Fidelité appartient a la vertu de Verité, & que l'une n'est sans l'autre, mais Fide-

Fidelité est seulement en chose promise ou commile, & doit estre specialement gardée a trois manieres de gens. Scauoir est a l'ami, au messagier ou ambassadeur, & par le seruiteur ou dispensateur a fon maistre & seigneur. Quant au premier il est escrit qu'il n'i a chose a comparer a l'amisidele, par ce Eccle.6. qu'il est la medicine de la vie, car ainsi que par medicine le malade recouure la vie, aussi par le conseil & fecours d'un ami fidele on recouure fouuent la vie du cors & de l'ame, et est conneue ceste fidelité en trois choses, en conseil, en secret & en aduersité. L'home se monstre fidele quat il done bon & salutaire cóseil a son ami, nó cóme celui qui conseilla a Amó fils de Dauid de se faindre estre malade pour stuprer & violer sa seur Thamar: Car depuis en fut occis,ou comme le confeil que Balaam dona a Balach roi des Moabites, a ce qu'il eut a induire les enfans d'Ifrael a la fornication: Mais fault conseiller a la verité, come fit Daniel a Nabugodonosor, qui pour euader la sentence comminatoire contre lui donnée de Dieu lui conseilla r'acheterses pechés par aumones.

Quant au secret il est escrit. Celui qui chemine deceptiuemet & par fraude reuele les secrets: mais l'ami fidele cele ce qu'il scet de celui qu'il aime qu'on ne doit reueler ne dire. Tiercement on connoit la fidelité de l'ami en aduersité: car l'ami fidele aime en tous tems, en santé comme en maladie, en pauureté comme en richesse, en aduersité come en prosperité, come dit l'Ecclessastique De la fidelité du message, qu'un legat fidelle est santé, & qu'on voit son fruit comme celui de la neige au tems du moisson car ainsi que le froit de la neige engresse la

terre en tems d'iuer, par le moien dequoi les bleds en sont plus abondas au tems du moisson, aussi par le fidele messagier, ambassadeur ou legat, le prince ou seigneur qui l'enuoie en est cosolé et deschargé. Et au cotraire le mauuais & insidele legat est come vne dent pourrie en la bouche qui engendre dou-leur aus autres & insectionne la persone: car par insidelles legats & ambassadeurs aduiennent plusieurs inconueniens & dommages au bien public

comme ta vie, & le traite comme ton frere. La fi-

& aus personnes priuées.

Touchant la fidelité des seruiteurs l'Ecclessa-

delité du seruiteur est conneue en trois chôses. La premiere quant il dissipe, consume & pert inutilement les biens de son leigneur & maistre. Et a ce propos disoit nostre seigneur Iesuchrist par parabole, que le seruiteur villique, c'est a dire receueur de quelque terre ou seigneurie fut dissamé enuers son maistre & priué de la recepte par ce qu'il auoit dissipe & gasté ses biens. La secode que le serviteur se doit garder qu'en maniant l'argent & les biens de son maistre, il ne le fraude & en retienne iniu-Luc. 16. stement, comme sit Iudas, qui portoit la bourse des aumones qu'on faisoit a nostre seigneur Iesuchrist fon maistre, desquelles aumones il soustraioit et retenoit vne partie en ses boursaus pour nourir lui et sa famille. Et a ce propos disoit saint Bernard. Le seruiteur merite estre dit fidele si des deniers de son maistre passans par ses mains il n'en retient aucune chose. La troisseme est que le fidele seruiteur ne doit seulement coseruer & garder les biens de son seigneur & maistre, mais aussi les augméter & mul-

tiplier a son pouoir licitemet sans offenser persone,

Eccle.33 stique dit. Si tu as vn seruiteur fidele, gardes le

comme fit Iacob les biens de Laban son sire, c'esta dire pere de sa femme. Et Ioseph ceus du roi Putiphar fon feigneur & maistre.

## De la vertu de Liberalité dousseme fille de Iustice.

Emoire qui n'auoit encores parléa Iustice lui dit. Ma dame i'ai tant oui ត្ត parler de vostre fille Liberalite, qui est louée par aucuns & par les autres non. Dites nous s'il vous plait que

c'est d'elle, dequoi elle sert, & qu'elle scet faire. Liberalité, dit Iustice, procede de moi, car en faisant liberalité on doit garder droiture. Et seló Aristote Liberalité est vne vertu qui fait du bié par pecune, le contraire de laquelle est illiberalité. Il dit aileurs que liberalité est vne mediocrité, c'est a dire vn moien de distribuer ses pecunes, car celui qui est liberal les distribue honnestement & droitement & ceus ausquels on les doit distribuer, & quat il conuient les distribuer. Les theologiens dient que liberalité est vne vertu par laquelle on disperse ses richesses en bons vlages prouffitables a soi, aus siens & aus autres. Elle est appellée selon Tulle en ses Tullius offices benignité, quant a l'affection, & quat a l'efficect, beneficéce, & consiste en dons et retributions. le vous ai parlé de retribution ou gratuité, nous parlerons maintenant comme on doit estre liberal en dons & largitions selon la doctrine de Seneque & de Ciceron.

Seneque a escrit, que celui qui veut estre liberal doit premierement se garder d'estre dur, mais doit estre prompt, & bailler & donner ce qu'il veut voluntiers & non a regret, sans monstrer visage & Kij

contenance tristes a celui qui le requiert de plaisir, ne qu'il aie affaire ailleurs. Secondemet on ne doit prendre delai de bailler ou donner, car le benefice estingrat quant il est long tems entre les mains de celui qui le fait. Et celui qui doubte & craint donner & bailler aucune chose approche fort de celui qui ne le veut faire, & est a coniecturer qu'il a estê long tems sans le vouloir, puis qu'il a tant tardê a le faire.La grace du benefice est diminuée d'autant qu'on a retardé a le faire. La souveraine liberalité est quant on voit aucun auoir affaire d'aucune chose de lui en aider sans la demander, car c'est double plaisir. Premierement qu'on obuie a la honte qu'on a de demander. Secondement qu'on augmente le plaisir de la chose qu'on donne. Tier-Tullius cemet selon la doctrine de Tulle, le benefice qu'on i.2.offi. fait ne doit nuire a celui auquel on le baille beni-gnement, car qui donne chose preiudiciable a ce-ui qui prent le don, ce n'est plaisir ne benefice, & telles gens ne doiuent estre nommés liberaus, mais pernicieus & flateurs. On doit vser de telle liberalité qu'elle proffite a ses amis & ne nuise a persone. Quartemét l'homme qui veut estre liberal se doit garder que le don qu'il fait n'excéde fa puissance, & qu'il ne soit contraint rapiner & piller pour se monstrer large & abandonné. Quintement le liberal se doit garder de reprocher le bié qu'il a fait, car la loi du benefice est telle que celui qui donne ou fait vn plaisir le doit tantot oublier, & celui qui le recoit en auoir touiours souuenance, comme i'ai dit dessus parlant de grace ou gratitude. Et aussi pour le sisseme qu'on se doit garder de malicieule excuse de ressus quant on est requis de plaisir, & semblablemet pour la septieme que le liberal

Digitized by Google

ne fe

ne se doit plaindre de l'ingratitude de celui qui a de lui receu plaisir ou bientait, dont ie ne parserai

ici, car ce seroit redite,

Liberalité ne consiste seulemet en largitions & dons de bies temporels, mais aussi des choses spiri. tuels & corporelles come par doctrine, bon coseil, bon exeple, bonne exhortation emploiát son cors, fa parolle & sa vie pour le bien d'autrui. Et ceste liberalité procedant de vertu est plus estimée que la liberalité qui vient seulemet de pecune, de laquelle liberalité de pecune & biens temporelsie treuve qu'aucuns abusent, par ce que sous vmbre d'icelle viennent a infame pauureté. Et pour l'entendre ie treuue deus manieres de gens larges & abandonnés.Les aucuns sont dissipateurs, & les autres liberaus.Les dissipateurs sont qui despédét leurs biens & richesses en banquets, festins excessifs, gourmádie, dances, ieus, menestriers, semmes impudiques, trop grandes chasses, trop sumtueus edifices, estats superflus & autres choses semblables, dont la memoire est pernicieuse & scandaleuse.

Les vrais liberaus sont ceus qui de leurs biens téporels r'achatent les prisonniers, marient pauures lib.prafilles, entretiénét pupilles aus escolles ou a mestier, dicteremontét pauures capitaines et gens d'armes, relieuent pauures & infortunés marchans, nourissent
semploiant leurs biens, cors, & entendemens a subuenir au bié public, a decorer & doter eglises, conuents, monasteres & autres lieus sacrés. Ou bien a
conseillier autrui, coduire ses affaires, aller & venir
pour lui, pourchasser son bien par amis, par parolles & par effect: mais se gardent tels liberaus de tát
doner a aucus qu'ils n'offensent les autres. Ce n'est

K iiij point

point liberalité: mais cruauté de piller le peuple pour enrichir la noblesse, & aussi de molester les nobles pour soustenir par trop le peuple commun, semblablemét de doter et sonder les eglises du bié d'autrui. Car liberalité doit estre faite par iustice, tellement que persone n'i soit offensée, & que le moien soit gardé: car comme dit Ciceron. La chose li.2. offi. familiere, c'est a dire les biés temporels ne doiuent estre tant rensermés que benignité ne le sace apparoir, n'estre si apparés que chascun les puisse prédre a son plaisir. Il i conuient garder le moien qui soit ordoné selo la faculté de la persone & sa puissance.

De Misericorde tresieme fille de Iustice, comme, a qui, & de quoi on doit faire aumone, & de restitution.

Edit E connois, dit Entendement, que c'est de Gratitude & Liberalité, & quelle difference i a en leurs effects: mais il me semble que Misericorde vostre tresieme fille ne se pourroit bien accorder auec vous, & qu'elle ne veut ce que voules. Entendement mon ami, dit Iustice, saint Augustin declaire que c'est de Misericorde, & dit que Misericorde est vne compassió que la persone a en son cueur de la misere d'autrui, par laquelle compassion on est cotraint de lui subuenir et aider si on peut. Et deues entédre que Misericorde n'est ma fille naturelle, mais fille et vn effect interieur de charité. Toutefois en son operation exterieure elle est de moi adoptée, car elle a quelque similitude, auec Liberalité, & lui convient en aucunes choses. Et pour entendre plus amplemet que c'est de Miricorde, qu'elle scait faire, & de quoi elle sert, deues, prelup.

Aug. li. 3. de ciuit Dei. prefupp ofer qu'il i a triple mifere aus húmains. Scauoir est la mifere de coulpe, la mifere de nature, & la mifere de fortune.

La misere de la coulpe est quant la personne est en peché & abandonnée a tous vices, en ce cas on doit auoir misericorde de lui, & se mettre en son deuoir par bon conseil, exhortations & autrement a son pouoir de le mettre hors de peché. Et a ce propos disoit saint Gregoire qu'on doit auoir pitie d'un pecheur, & non le mespriser. La misere de nature ce sont les maladies du cors & des membres. & aussi de la mort. Et a ce propos disoit saint Luc Euangeliste, que nostre seigneur fut meu par misericorde de susciter l'éfant mort de la femme veuue. qui nous donne exemple d'auoir misericorde & compassion de ceus qui sont affligés en leurs cors, & mettre peine de les secourir & aider. La misere de fortune est pauureté, faute & indigence de biés temporels, dont semblablemet on doit auoir pitie, compassion & misericorde, & subuenir aus indigés par aumones & autres bienfaits. Et a ce propos disoit Tobie. Soies misericors tant que pourras, & n'eslongne ta face des pauures, mais subuiés a leur indigence.

Ieconnois, dit Entendement, que c'est de misere. Dites moi coment la persone doit auoir compassion de ceste misere, & comment on connoistra
ceste passion. On la connoistra, dit Iustice, si on a
douleur & tristesse en so cueur de telle misere auec moir pivouloir de subuenir a icelle, mais conuiet enté dre tie et mi
que telle douleur peut estre diuerse, car l'une peut sericorde
consister es sens corporels seulemet, comme auoir
horreur d'une maladie, d'un peché ou d'une grand
pauurete. L'autre quant telle douleur est en l'ame

& qu'on

& qu'on a desplaisir de telle misere par pitie auce voluté d'i subuenir par instice sans offenser Dieu, come aider & subuenir a vn indigét, & pardoner a vn penitét. Neatmoins couiet corriger le pecheur au moie de son peché, & auoir pitie & misericorde de lui, par ce qu'il est hôme & fragile de sa nature.

Plusieurs autres choses que celles que i'ai dites induisent a misericorde comme amitie, semblable estat ou condition, prudence, vieillesse, debilité &

De quel timidité. Il est impossible qu'une persone n'ai pitie les gens de la misere & aduersité de son ami, s'il i a entre eus on a co-vraie amitie, & trouverés peu de gens qui n'aient mune-compassion de l'inconvenient d'un hôme ou femmét pitie me de leur astuce, estat ou vacatio, ou bien en confiderant par prudence que tel inconvenient leur

me de leur astuce, estat ou vacatio, ou bien en confiderant par prudence que tel inconuenient leur
peut aduenir, et en aiant peur et crainte d'itumber.
Semblablement on a communemét pitie des vieilles persones, & des debiles & malades. Et quant a
l'estrect exterieur de misericorde, est faire aumones
par les quelles on subuient aus miseres des autres en
les subleuat. Car aumone est vn oeuure par lequel
on donne aucune chose a l'indigent par compasfion pour l'amour qu'on a a Dieu qui est oeure
de charité qu'on fait par misericorde. Et a ce propos dit saint lehá. Si aucun a des biens de ce mode,

1. 102. 3. pos dit saint Ieha. Si aucun a des biens de ce mode, & voiant son prochain en necessité se retire de hi, & ne lui veut rien donner, comme peut demourer charité en lui! Aussi peut estre aumone vn acte de iustice quant on la fait pour satisfaction de ses pe-Dan. 4. chés comme a escrit Daniel disant. Rachetes tes

pechés par aumones.

De sept le di d'auantage que ie trouue sept oëuures de oëuures misericorde corporelles, & autant de spirituelles. de mise- La premiere des corporelles est donner a magera

ceus qui ont fain & n'ont dequoi viure. Et a ce ricorde propos disoit Esaie. Depars de to pain a celui qui a corpofain.La secode doner a boire a ceus q ont soif, dot relles. a escrit le Sage en ses Prouerbes. Si ton ennemi a soif, donne lui a boire. La tierce est vestir celui qui est nud, dont a escrit saint Luc. Qui a des vestemes outre sa necessité en donne a ceus qui n'en ont. La quarte est loger les pauures qui n'ont maison, dont a escrit l'apostre parlant de hospilitalité. La cinquieme est visiter les malades dot parle Iob disant. Visite ton semblable constitué en infirmité & maladie.La sisieme est racheter les pauures prisoniers detenus pour rancon d'or ou d'argent, dont parle faint Ambroise quant il dit. L'ornement des choses sacrées est la redéption des pauures captifs. Et la septieme est enseuelir les mors pour l'honneur de Dieu & du sacrement de batesme qu'ils ont receu, toutes lesquelles sont prinses de ce qui est en saint Matthieu, sors la septieme, mais elle est comprinse en la necessité du cors.

Les oeuures de misericorde spirituelles sont, sea- De sept noir est la premiere d'icelles enseigner les ignorans oeuures pour l'amour de Dieu, dont parle l'apostre disant, de mise-Qui enseigne par dostrine doit subuenir a son pro-chain. La deusieme est doner conseil a ceus qui en friritael ont affaire, car pour bien conseiller on peut aque-rir merite en ceste vie & remuneration en l'autre. La troisieme est consoler ceus qui sont en tristesse par doulces parolles & bones remoîtrances.La iiij. est corriger les pecheurs dont a escrit S. Matthieu. Si to frere a peché, va & le corrige entre lui & toi. La ciquieme est remettre toutes offenses pour l'amour de Dieu et au salut de son prochain, dot il est escrit en l'eugeile. Remettés et dieu vous remettra.

Spirituel

La sisseme supporter les imperfections & fragilit les vns des autres en ensuiuant la doctrine de saint Paul qui escriuoit aus Romains que ceus estoient feruens & constás deuoient porter les infirmités des autres. Et la septieme est faire priere a Dieu les vns pour les autres comme a escrit saint Iaques en sa canonique. Priés Dieu l'un pour l'autre affin que soiés sauués.

Comme on doit faire auquels persones

Or me dites dame Iustice, dit L'ame, comme se doit faire aumone, de quels biens & a quelles persones? On la doit faire, dit Iustice, ioieusement & mone, de sans contrainte d'un cueur droit, simplement & en humilité pour l'honneur de Dieu, car côme a escrit biens, et saint Paul. Dieu aime celui qui donne quelque aquelles chose ioieusement pour l'amour de lui. Aussi doit estre faite simplemet sans aucune haine ne racune, car ce seroit chose perdue de donner aumone a celui qu'on hairoit & duquel on vouldroit l'enui & dommage, & pour bien la faire on doit auoir le cueur net, c'est a dire que celui qui la fait, n'aie aucune volunte de mal faire, & lui desplaise d'auoir offensé Dieu auec propos de s'amender, d'en faire confession & satisfaire. Aussi fault faire l'aumone pour l'amour de Dieu & no pour en auoir louége du monde, autremét côme a escrit saint Matthieu, on seroit paié seulement par ceste louenge mondaine. Et a ceste cause disoit nostre seigneur Iesuchrist, que la senestre main ne sceut que faisoit la dextre, c'esta dire qu'on ne sit publiquement les aumones pour en auoir l'honeur du monde, toutefois les aumones publiques quat elles sont faites auec les conditions susdites sans appetit de louége, elles plaisent a Dieu,& si donnent bon exemple.

On doit faire les aumones de sa substâce & non du bien du bien d'autrui. Et a ce propos disoit Salomon en ses Prouerbes. Honore Dieu de ta substance, car l'oblation faite du bien d'autrui est maculée & fouillée de peché & desplait a Dieu, & celui qui offre a Dieu sacrifice du bien des pauures fait presque telle offense que celui qui occirsans cause le fils deuant son pere. Et a ceste consideration si aucun des biens mal aquis come par vsure, furt, rapine, pillerie, exaction ou par autre mauuaise & prohibée substraction qu'il seroit tenu selon le iugement de Dieu & de la cóscience, ne seroit quicte les distribuer en aumones ou autres oéuures piteuses, s'il scait & connoit ceus ausquels tels biens appartiennent, mais les doit rendre et restituer sans aucune chose en retenir s'il peut, mais s'il ne connoissoit ceus ausquels tels biens mal aquis appar-tiennent & ne scait a qui en faire restitutio, les doit en ce cas distribuer en aumones ou autres bienfaits par le conseil de son confesseur ou autres gens lettrés.

Aussi ceus qui ne peuent vendre, transporter ne Beatus aliener aucuns biens n'en peuent semblablement Thomas d'iceus faire aumones, comme enfans, femmes, reli- vbiss. gieus & seruiteurs sans la permission de leurs superieurs a qui les biés appartienet, fors en petite quátité et telle qu'ils penserot en estre aduoués ou bien en cas d'extreme necessité, ou n'est requis attendre le congé du pere, du mari, de l'abbé, ou du maistre, par ce qu'en tel cas tous biens sont communs, & en pourroit quelqu'un licitement prédre secretement ou autrement pour sauuer sa vie a vn coup prest, c'est a dire si par faute d'un loppin de pain estoit en dager eminét de mort. Touchat l'argent acquis par simonie on le doit emploier en aumones, autant de l'argent

l'argét acquis par iniustice, quat on ne scait a qui le rédre ne en quelle estimatio. L'argét gaigné au ieu de cartes & autre de hazart ou par luxure et prostitution on le doit distribuer en aumones, sinon que par troperie on eut en ieu gaigné l'argent d'autrui, car en ces cas on lui en doit faire restitution si on le peut trouuer, ou que par luxure ou ieu on eut pris l'argent d'un enfant de famille ou d'un religieus, car on le doit rédre au pere ou a l'abbe respectiuemét, aussi faut restituer l'argent baillé par exaction pour auoir iustice, laquelle on ne peut autrement auoir. Et touchant l'argent gaigné sans tromperie, exaction ne deception, ne contre la prohibitió des comádemes de dieu & de l'eglife, qu'on appelle pecune d'iniquite, nostre seigneur Jesuchrist a coseille par l'euagile en faire des amis par aumones et bienfaits. Vous demádés d'auatage a quelles personnes on doit donner? Ie vous responds, dit Iustice, qu'on doit faire les aumones a gens souffreteus, pauures, indigens, debiles, impotés & malades, car doner a gés riches ce n'est aumone, mais liberalité, & semblablemet a gés qui sont sains & peuet gaigner leur vie sans mendier, Et a ce propos rescriuoit Ephef.4 S. Paul a ceus d'Ephese qu'on ne doit estre larron, mais plus tot on doit labourer de ses mains pour soi sustéter & pour auoir dequoi subuenir a la necessité du pacient, et a ce qui est donné aus abbaies, monasteres & autres eglises est aumone, nó obstát qu'elles soient riches par ce qu'on fait tels dons aus ministres de nostre seigneur Jesuchrist pour les suster,& a ce qu'ils donét le reste aus pauures, come ils sont tenus de faire, & cobié qu'on soit tenu faire aumones a tous indigens si on a dequoi, toutesois les bons et iustes sont a preserre aus pecheurs, et les pauures

**pauures** parensaus estrágers indigens,on doit aussi doner aus pauures prestres et predicateurs, no pour Disline. thesauriser, mais pour leur viure & entretenemet, 86. Non cobie q les euesques, prelats et cures deusset predre satis. la charge de sustéter les dits predicateurs, p ce qu'ils supploiet leurs des faus, et sont ce q les prelats deussent faire, c'est prescher & endoctriner leurs suiets.

De la vertu d'Equité autrement dite Epicheie quatorsieme fille de Iustice, & come par Equité on est excusé de la rigueur de la loi ou commandement de l'eglise.

R parlons, dit Entédemét, d'Equitê. Il me semble dame Iustice, que de vous & d'elle c'est tout vn. Ie vous en dirai la difference, dit Iustice, & pour le scauoir couient entendre que Equité autremet dite Epicheie est pretermettre & laisser les parolles de la loi pour cause raisonnable, c'est a dire que si lon obseruoit les mots de la loi ou du statut ou commandement humain, s'ensuiuroit quelque inconuenient. En quoi conuient confidererl'intention de ceus qui ont fait telle loi, ordonnáce, statut ou cómandemét ou au bien ou mal qui pourroit en ensuiure. Vos parolles ne sont difficiles, dit Entendemét, Or escoutés dit Iustice. Vous Haches scaués que les actes humains sur lesquels ont esté tus Tho. faites les loix, statuts, ordonnances, & decrets, con- 2. 2. q. fistent en choses singulieres & particulieres con- 20. ar-tingentes, c'est a dire qui peuent aduenir, et qui par aduenture iamais n'aduiendront. Et par ce qu'on les voit varier & chager par infinis moiens, n'a este possible faire loi, reigle ne ordonnace qui n'eussent aucune exception ou defectuosité selon que les

cas aduiennent, mais telles lois, decrets, statuts of ordonaces ont ainsi esté faits par ceus qui en auoid la puissance sur les choses ainsi qu'elles pouoient plus communement aduenir, esquelles gardant se roit aucunefois venir contre equalité de justice & contre le bien commun a quoi la loi, decret & statut tendent principalement, dont ie vous donne-

rai exemple.

La loi veut & ordonne que les choses qu'on a baillées en depost et gardésoiét rédues par ce que c'est communement la raison, toutesois la restitution en pourroit estre en aucun cas nuisible, c'est assauoir si vn furieus auoit auant sa fureur mis en garde son espée ou autre glaiue entre les mains de quelqu'un, & durát sa fureur la vouldroit repeter, ce ne seroit chose equitable la lui rendre, ne semblablement a celui qui vouldroit repeter les choses par lui deposées par lesquelles pourroit nuire au bien publiq. Qui fait cela? c'est equité par laquelle fans auoir regard aus parolles de la loi le iugese renge a la raison & commune vtilité interpretant l'intention du legislateur a chose equitable, & ne fait tel iuge cotre la loi, comme a escrit saint Thomas, mais interprete la loi en mieus.

Quelles ieusner.

Autant en est d'un commandement de l'eglise, persones car si durant le karesme qu'on doit ieuner par le sont ex- commandement de l'eglise, quelqu'un voit & scet cusées de la ieusne lui estre en notable & grand preiudice de sa vie corporelle, ou de l'usage de raison par l'euacuation du cerueau ou en quelque autre maniere,. il n'est tenu esdits cas de ieusner, & qui le feroit ou conseilleroit faire tels ieusnes pecheroit, sinon que telle persone eut merité estre ainsi punie par iustice publique, comme ceus qui sont codamnes au pain &

pain & a l'eaue en chartre & prison, & qui conseil. leroit le contraire ou le vouldroit faire pour obeir au commandement de l'eglise, ce seroit no i obeir, mais souuent grand orgueil quant la persone ne veut rien faire sino a sa teste par oppiniastrerie. Et selon ceste reigle est donnée solution a plusieurs doubtes qu'on pourroit faire en ceste maniere qui font. Si les enfans sont tenus de ieusner, les femmes enceintes, les nourices, ceus qui viuét du labeur de leurs mains & de leurs cors, les viateurs & ceus qui se trouvent melancoliques au soir, sont tourmétés de songes & mauuailes cogitations. Quant aus enfans faint Thomas respond que regulierement ne sont tenus icusner iusques a xxi.an, par ce que leur croistre & augmentation dure jusques a cest aage. Quantaus femmes enceintes & nourrices ne sont tenues de jeusner, ne semblablement les malades, car necessité n'a point de loi. Quant a ceus qui viuent de leur labeur s'ils sont si pauures qu'ils ne scauroient nourrir eus & leurs semmes & famille fans le labeur de leurs cors & mains & que le ieufner empecheroit tel labeur, oudit cas ne sont tenus & ne doiuent ieusner, car nourrir soi & sa famille est du comandemet de Dieu, et la maniere et forme de ieusner du commandement de l'eglise, mais s'ils ont de biens en suffisance pour eus nourrir & leur famille sans tellemét trauailler, ils doiuent obeir au commandement de l'eglise, & ne laisser le ieusne pour augmenter leurs biens. Quant aus viateurs & p elerins si c'est chose contrainte faire le voiage ou pelerinage en tems de ieusnes, sans le pouoir licite. ment retarder ne remettre au tems,& que le ieusne les empeschat notablement, en ce cas ne sont tenus de ieusner: mais s'ils peuent remettre le voiage ou peleri-

pelerinage en autre tems, ou en le failant peuuent ieusner sans dáger de leurs personnes sont obligés au ieusne. Touchat les pauures mendias qui ne viuent que d'aumones, sils n'ont dequoi faire leur repas honnestement & suffisamment pour passer la iournée sans plus manger ne sont tenus de ieusner. Mais s'ils ont dequoi disner pour leur deue refectió sont tenus ieusner. Et au regard de ceus qui au iour de ieusne se trouuent melancoliques au soir & tourmentes de songes & mauuaises contagions. Si cela leur vient pour la ieusne communement. & notablement & qu'en autre tems ne leur aduiene ils sont excusés de ieusner: mais si cela leur vient vne fois ou deus la sepmaine, n'en sont excusés par ce qu'il peut aduenir pour trop boire au soir sans mager, ou pour trop auoir prins de viandes au disner. Et en tous ces cas & autres semblables qui sont aucunemet doubteus qui veut ropre la ieusue est bon le faire par le conseil du prelat ou confesseur. Et sur ce deues entendre que l'un des motifs de l'institution de la forme & maniere des ieusnes faite par l'eglise a esté pour obuier au vice & peche de gloutonnie & gourmandie, dont procedent tant d'autres pechés & que trop difficile chose voire presque impossible est auoir vraie cotrition & faire penitéce vraie a viure voluptueuse. sement & en nourrissant son cors a plaisir. Et a ceste consideration se doit garder la personne de rompre la ieusne par inobediéce & contemnemet: car elle pecheroit mortellement, mais par conseil en tous les cas dessusdits & autres semblables le peut bien faire, auec vn desplaisir de n'auoir puisfance de ieusner, en quoi convient avoir discretion & noter que la ieusne a ieunes gens, pelerins & autres

autres peut aucunefois estre vtile quant au cors & a l'ame, & que plusieurs i sont obligés. Saint Tho- Hat ex mas excuse aussi du ieusne de l'eglise autres ges qui b. Anto. pour le bien public & commun prennent labeur, in sum. lequel ils ne scauroient prendre & ieusner ensem- 4.par.2. ble, comme ceus qui font les predications ordi- 5.66. 19. naires chacun iour de karesme, & autres qui s'exposent a peser & gouverner les malades, ou il conuient parnecessite veiller & interrompre l'heure du disner, lesquelles choses ils ne scauroiet longuement faire & continuer & ieusner sans dager d'interrompre leurdit labeur, qui est necessaire, tels ne sont tenus de ieusner. Et en tous ces cas massille Equité interprete les parolles du commádemet de l'eglise qui est fait pour obuier au peché de gloutonie, et a ceus qui peuuet comodemet ieusner sans eus mettre en danger notable de leurs cors & de leurs esprits, & sans endomager le bien public de la spiritualité & téporalité. Toutefois come i'ai dit est requis se garder d'Inobediéce & de conténer le comandement de l'eglise, car en tel cas on pecheroit mortellemet. Ie vous di d'auatage que Equité viet principalement de Dieu. Et a ce propos dit le Psalmiste. Mon iugemet viet de toi mo Dieu, ie te prie que mes ieus regardet l'equité. Et le Sage. Ie te me-nerai p les voies & sentes d'equité. Et cela est quat a equite speciale qui interprete la loi, decret, statut ou commadement humain de bien en mieus come dit est. Mais a prendre equité generallement & au large on pourroit dire qu'il i a triple Equité.

La premiere en la congrue application des lois dot nous auos parlé & de laquelle les inges doiuet vier & faire tous leurs iugemens en misericorde & verité, come dit Cassiodorus. La seconde appartiet

a iustice comutative a ce que Equalité soit gardée en comutations & contracts, & a ceste cause estoit commandé aus enfans d'Israel auoir iustes balaces et pois raisonnables. La troisieme est en la proportionnée participation des biens, c'est a dire qu'offices & dignités soient distribuées egalement a ceus qui sont suffisans pour les exercer soit en la spiritualité ou temporalité.

Dela vertu de Amitie, autrement dite Affabilité quinsieme fille de Iustice.

Arlons de vostre fille derniere nommée Amitie ou Affabilité dit Entendement. Elle est de mesme nature qu'Amour procedant de Charité. Ie trouue, dit Iustice, sel o le Philosophe

que tout amour n'est amitie, aimer quelque chose pour son propre proussit est concupiscence, aimer quelqu'un en lui voulant son bien & son proussit est amitie, si celle amitie est fondée sur communication des biens spirituels come beatitude et gloire eternelle, c'est charité: de laquelle ie n'entés a present parler, car c'est vne vertu separée qui conioint les chrestiens auec Dieu. Il i a vne autre amitie sondée sur communication de biens corporels & temporels par laquelle on couerse auec les autres hommes & femmes ainsi qu'il appartiét par parolles & faits exterieures, & telle Amitie est la derniere de mes filles.

Comment dit l'Ame, il sembleroit donc que ce fut vne simulation & ypocrisse, qui est vice? Non est dit Iustice. Car par ceste seconde amitie on ne monstre les signes parfaite & familiere amour aus estranges comme a ceus qui sont conneus & n'est on en on en mesme maniere familiere aus estranges come a ses voisins et copagnons. Vous entendes que tout homme naturel est ami a tous les homes par amour generale en ensuiuant ce que dit l'Ecclesiastique. Et les signes qu'on monstre aussi aus estranges par Eccl. 13. parolles & faits monstrent l'amitie ou amour general & naturel, et a ceste consideration n'i a simulation.Il i a d'autres signes d'amour plus familiers qu'on monstre en faits & en dits, honnestement, paisiblement & ioieusement l'un auec l'autre : les personnes d'une rue, d'une paroche, d'une ville, d'un bourg, d'un village & d'une comunité: come boire & manger ensemble sans gourmandie, frequenter l'un auec l'autre sans dissolution, tenir copagnie par consolation, declarer son ennui, ouir celui de son ami & le conforter, & autres choses semblables. Et sont les signes d'Affabilité & specialle amitie, qui est vne de mes filles, par ce qu'elle est ordonnée a bien se gouverner par ioieuse & honneste conversation envers autrui: scauoir est enuers ses voisins & compagnons, selon le deuoir d'honnesteté procedant des vertus de celui qui est affable ami.

Dites moi, dit l'Ame, Si amitie est necessaire! Les rai-Amitie, dit Iustice, a la prendre pour l'amour reciproque de l'un a l'autre fondée en vertus est necesfaire, & qui la pert est fol, & qui la garde est sage, le trouue quatre raisons pour lesquelles est necessaire d'auoir et aquerir amitie. La premiere que c'est vne vertu comme dit est. La seconde que par amitie on fait prouffit l'un a l'autre. La troisseme que par icelle pais est conseruée. Et la quatrieme que par telle amitie on subuient a toute necessité. Amitie est vtile & necessaire aus riches, aus pauures, aus

sos pourquoi on doit 4uoir 4mitie.

ieunes, aus vieuls, a ceus qui sont en tribulation, aus parfaits & aus heureus. Qu'amitie soit necessaire aus riches en appert que par icelle ils comuniquent leurs biens, & par leurs biens aquierent des amis, sans lesquels ne scauroiet garder leurs richesses, au moien des enuieus et ennemis que les richesses leur suscitent. Touchat les pauures il est tout cler qu'ils ont affaire d'amis en leurs indigences & pauureté, comme ont les ieunes enfans en leur ieunesse, et les vieilles personnes en leur vieillesse, autant ceus qui ont aduersités & tribulations corporelles & spirituelles, car il n'i a meilleure consolation en tels cas que de vrais amis. Et scet & conoit chacun que c'est vne grande allegeance, a vne persone desolée et troublée d'auoir yn ami auquel puisse en seuretê se descouurir, & la personne d'un vrai ami allege trefort le mal & la tristesse d'une persone dolente & triste. Et au regard de ceus qui sont en vie parfaite & heureuse comme cotemplatifs encores leur est necessaire et vtile amitie: Car impossible est d'auoir en ce monde tel heur & parfection qu'on n'aie quelque tentation, ennui ou tribulation qui ne peuent estre mieus ostées & chassées que par le confeil & consolation d'un loial ami.

Ie disecondemét que c'est grand solie de perdre vn amiaquis. Par ce qu'amitie entre les biens de fortune est le plus grant. Et a ce propos dit l'Ecclesiastique, qu'il n'i a comparaison a l'ami fidele, car c'est vne chose heureuse, vn honeur, vne gloire & vn aide que d'auoir vn vrai ami et estre auec lui. Et par le contraire, est vne consusion, vn mal, vne horreur, & chose desesperée d'estre sans ami. Cassiodore dit en vne epistre que toute congregation sans ami est odieuse & ennuieuse, et toute operatio vn labeur, toute terre longue peregrination, & toute vie tourment. Oultre que viure sans ami est mourir. Ie trouue qu'on perd amitie dessusdite qui Come on est fondée en comunication temporelle pour qua- pert ami quelle on aime prent fin, & mesmement entre ceus pour qui ont amour l'un a l'autre pour leur proussit & quelles plaisir seulement l'utilité & delectation qu'ils en peuent quoir & s'illes et le leur proussit en peuent qu'ils en peuent quoir & s'illes et le leur proussit en peuent qu'ils en peuent qu'ils et le leur proussit et l'autilité & delectation qu'ils en peuent quoir & s'illes et le leur proussit et l'autilité et delectation qu'ils en peuent qu'ils et le leur proussit et l'autilité et delectation qu'ils en peuent que le l'autre pour le l'autre pour le l'autre pour le leur proussit et le leur proussit et le leur proussit et le leur proussit et le l'autre pour le l'autre pour le leur proussit et le leur proussit e auoir, & si l'utilité & delectation deffaillent, telle amitie prent fin. La seconde quant il i a simulation en amitie, c'est quant l'un aime pour bien honeste vn autre duquel il cuide estre aimé pour semblable cause, & apres conoit que l'autre l'aime seulement pour ses biens ou pour chose delectable & deshoneste, lors telle amitie se depart. La troisieme oause quant aucun a prins amitie auec vn autre pour son honesteté, chasteté, vertu: & il deuiet lubrique, vilain et mauuais, lors telle amitie s'en va. Et la quatrieme cause est pour la perfectio de vertu, qui est quant deus personnes prennent amitie pour leurs vertus semblables, & l'un d'iceus par apres excede l'autre en vertu par vne grand excelléce, lors telle familiarité se depart.

Ie di tiercement que c'est grad prudence de con-Comme seruer amitie, & pour la garder couiet faire quatre on peut choses. La premiere, garder les vertus pour lesquel-coserner les on a aquis telle amitie. La secode est se conue-et garder nir & accorder en affections & voluntés l'un auec l'autre, en sorte que ce soit vn cueur & vouloir de deus amis,& que l'un vueille ce que lautre vouldra en bien & honesteté & au contraire. La troisieme est auoir grade frequetatió l'un a l'autre, car la logue distace de boté, de dignité et de lieus empesche

L iiij

familiarité. Deus bonnes personnes ont voluntiers amitie l'une a l'autre, & semblablement de mesme estat ou conditió. Et a ce propos dit le philosophe, que trop grand distance donne occasion d'oublier son amitie. combié que la parfaite amitie spirituelle procedant de charité n'est pour aucun cas separée ne solue. Et la quatrieme chose est correspondante en affection & propos, car equalité doit estre entre amis selon la quantité des biensaits pour les retribuer selon la proportion, c'est assauri que le plus vertueus soit le plus aimé, & selon la reputation comme le superieur aime l'inferieur pour l'honeur qu'il lui fait, et l'inferieur aime le superieur pour les biens qu'il prent de lui.

Les chofes requises a vraie amitie.

A prendre les dits du Philosophe en ses Ethiques, on peut dire qu'amitie est vne beniuolèce ou bienueuillance mutuel non absconse & mucée, a la raison du bien qui en sort, desquelles parolles on peut tirer quatre choses requises a vraie amitie.La premiere est delectation ou amour : car chascun veut aimer ce qui est bon, ou qu'il lui semble estre bon.La seconde qu'il convient estre aime de celui qu'on aime, autrement seroit simple amour & non amitie.La tierce est ostension & demonstrace d'amitie par signes exterieurs manifestes, de sorte que l'un le connoisse estre aimé de l'autre par effect. Et la quart est, qu'amitie tende a quelque fin, c'est a dire qu'elle soit pour raison de quelque bien. Surquoi conuient entendre qu'il i a trois manieres de biens, les vtils, les delectables & les honnestes . Les vtils font les biens temporels, comme or, argent, vins, bleds & autres semblables. Les delectables comme beauté corporelle, santê, force & choses delectables aus sens corporels. Et l'amitie qu'on

prent pour ces deus fortes de biens n'est de longue durée, mais deffaut auec les biens & la beauté ou plaisir. Les bies honestes sont les vertus desquelles a esté parlé ci dessus, dont l'amitie est de longue durée, car les vertus ne vieillissent, mais se renouuellent de iour en iour en viuant.

Or m'enseignés, dit Entendement, comme on Come on pourra con oistre qu'on est aime d'amour honeste. peut co-A quatre choses, dit Iustice. La premiere quat l'ami noistre est prest de subuenir, secourir & aider de ses biens qu'on est a celui qu'il aime, car côme dit Salomon. Ne di pas aimé a ton ami va & retourne demain, mais sois diligent d'amour a le secourir & le contrains a dire sa necessité. La boneste. seconde est quant l'ami s'exhibe a prester arget ou faire autre plaisir auát qu'il en soit requis. La troisieme, quant on craint a contrister son ami, & a lui demander chose qui lui enhuie. Et la quatrieme consiste a estre honteus a demáder vn plaisir pour doubte de doner charge a son ami, & a estre discret en emploiant son ami a son affaire, car on ne lui doit demander ce qu'il ne scauroit bailler ou faire sans grant perte & dommage. Aussi ne doit estre emploié a vne chose qu'on peut faire de soi.

Considerés d'auantage Ame raisonnable que vraie amitie consiste plus en ceus qui aiment qu'en ceus qui sont aimés. Et est vne chose plus louable Plus est aimer que d'estre aimé pour cinq causes. La pre-louable miere par ce qu'il est plus parfait de scauoir vne d'aimer, chose que de la croire. Or quant on aime on scait q d'estre bien qu'on a cest amour, mais on croit seulement aime. qu'on est aimé. Iacoit qu'on voie les signes d'amour, toutefois on ne scait parfaitement s'il n'i a aucune fictio ou simulation. La deusieme que c'est chose plus noble de bien faire a autrui que de receuoir

ceuoir vn bienfait. La troisseme que ceus qui out vraie & honeste amour & amitie a autrui sont plus estimés que d'estre aimés. La quatrieme que mieus vaut obliger les autres a soi que s'obliger aus autres, & en aimát autrui on oblige a soi celui qu'on aime. Et la cinquieme qu'on a plus de loier d'aimer que d'estre aimé, car en aimant autrui d'amour honeste on merite, & non d'estre aimê.

amitie-

Les lois I le trouue d'auantage, dit Iustice, trois principade vraie les lois d'amitie. La premiere qu'il i a beniuolence en l'affectió interieure, c'est a dire ou cueur. La seconde qu'il i a concorde en multiplication d'actes. Et la troisieme qu'il i a beneficence d'effects exterieures. Quat a la premiere qui est beniuolence en affection le commencement d'amitie qui ne peut estre sans elle, car deus personnes ne pourroient auoir vraie amitie l'une a l'autre que premier n'i ait beniuolence entre elles. Et come dit Ciceron, amitie differre quat a ce de lignage: car le lignage peut estre sans bienueuillance, & non sans familiarité familiere, toutefois ceste bienueuillance n'est amitie, mais commencement d'amitie. Surquoi noterés que tout ainsi que ieunes gens sont conuenables a amitie par naturelle complexion, aussi les vieilles gens & auaricieus n'i sont conuenables, a la raison de ce que ieunes gens naturellement sont ioieus en courage, en regard, en parler & a faire seruice. Toutes lesquelles choses causent amitie. Aussi tout ainsi qu'ils sont faciles a contracter amitie, ont facilité de la perdre, a la raison de ce que vo luntiers prennent amitie pour dilection ou pour prouffit & que a ce sont excités par leurs passions sensuelles qui plus dominent en eus qu'es anciens, & quant la delectation leur faut ou leur

plaisir, aussi leur amitie, ainsi n'est des vieilles perfones & des ambicieus & auaricieus qui sont difficiles a estre aimés, & d'aimer pour plusieurs caufes. La premiere qu'ils s'aiment trop eus mesmes & trop entendent a leur prouffit sans auoir souci des autres & ne prennent ioie de grand compagnie ne de longues parolles. La seconde qu'ils sont enclins a souspeconner mal des autres, au moien de la folle ieunesse des vieils & de la mauuaise condition des auares & ambicieus. La troisseme que les vieilles gens croient trop a leur propre sens, & ne se peuuent accorder aucc autres, & que les ambitieus & auares regardent de trop pres à leur prouffit particulier. Et la quatrieme qu'ils s'essongnent & sou-Araient deseruice corporel & de confabulations & parolles recreatives. Toutes lesquelles choses sont contraires a amitie, toutefois les vieilles personnes peuuent & doiuent estre amis par bienueuillance, par bon conseil, consolation, direction & bonne doctrine, et aussi par subuention de biens & nó es autres qualités. Et au regard des auaricieus & ambitieus amitie ne fut onc auec eus telle qu'on la doit desirer.

Ie scaurois voluntiers, dit Entendement, si vne personne peut auoir amitie a plusieurs. Il est fort difficile, dit Iustice, en parlant de parsaite amitie ciuile: Cartoute amitie est pour bien honneste, pour bien vtil, ou pour bien delectable, comme i'ai dit ci dessus. Quantau bien vtil seroit impossible de reconnoistre les biens mondains qu'on prendroit de tant d'amis, et a ceste consideration ne dureroit telle amitie. De bien delectable on ne pourroit aimer n'estre aimé de plusieurs d'amour qui dure. Chacun scet par experience qu'on ne scauroit

fcauroit diuiser parfaite et vraie amitie en plusseum parties, car l'une diminue l'autre. Quant au bien honneste tresdissicile seroit trouver plusseurs personnes aians tant de vertus que pour icelles on les aime & qu'il n'i ait en l'une d'icelles personnes quelque vice qui desplaise, autre chose est de charité, car on doit aimer pour l'amour de Dieu toutes les creatures raisonnables.

La seconde loi d'amitie, dit Iustice, est concordance en actes multipliés. Et combien que ceste concorde consiste principalement en l'affection, toutefois elle doit aussi estre en communication et parolle, car comme deus aimans charnels appetent eus veoir, ainsi est il en amitie honeste. Et a ce pro-Eccl.4. pos dit le sage, que la ou est l'oeil est l'amour. Aussi que pour la semblance de vertus l'amour est conferuée par frequét regard et visitation, par ce qu'en se voiat on conoit a l'oeil les vertus pour lesquelles on s'entr'aime. Deus amis de vraie amitie pour coseruer leur amitie, doiuent souuet boire et manger ensemble sans excés et ne veulet viure seuls sans comunicatió, car cóme dit le Sage. Maledictió vient a l'homme seul c'est a dire qui est sans ami, par ce que tel homme seul tumbé en peché ou desolation

n'aura qui le relieue par conseil ou cosolation. S'il tumbe en inuasion & assaut d'autrui n'aura qui le dessende. Cela se peut semblablement entendre de la personne seule, c'est a dire qui est sans Iesuchrist, car si elle tube en peché Iesuchrist ne la relieuera, si

elle túbe en mort, Iesuchrist ne la ressuscitera, & si le diable la tente, ou la chair, ou le môde, Iesuchrist Osae 9. ne la dessendra. A ce propos dit Osae en la personne de Iesuchrist nostre seigneur. Malediction a ceus lesquels i aurais abandonés. Et saint Augustin

dit.

it, que c'est grand misere a l'home de n'estre auec Aug. de elui sans lequel il ne peut estre. Tiercemet les amis ciui. dei. e doiuent concorder par parolles et pour souuent parler ensemble & reueler & declarer l'un a l'aure leurs affaires & choses secrettes, car comme dit aint Ambroife,c'est vne grande cófolation a celui *Amb.li*. qui a vn ami loial auquel puisse seurement & sans de offi. doubte ouurir le dedans de son cueur & lui manifester ses secrettes pensées , car s'il est en prosperitê tel ami lui congratulera, s'il est en aduersité le confortera, & s'il est en necessité l'en mettra hors s'il peut. Ceste parolle est commune & facile a dire. Le suis tout a vous, mais l'effect en est rare & pauurement & a grand difficulté acompli. Trouuerés vous chose plus consolatiue que d'auoir vn ami auquel vous puisses fier & parler auec lui en aussi grand seurete qu'auec vous mesmes. Nostre seigneur Iesuchrist nous en a monstre l'exemple qui reuela ses secrets a ses apostres, leur disant. le vous ai appelles mesamis non sans cause, car ie vous ai faict scauoir tout ce que i'ai oui de mon pere.

La troisieme loi d'amitie, c'est beneficence par effect exterieur, car celui est vrai ami qui veut & Ioan. 15. fait les biens existens ou apparens a son ami pour **l'amour** de lui et non pour le proffit qui lui en peut aduenir. Et si lui doit faire du plaisir ou du bien liberalement, diligemment & vrilement, c'est a dire que l'ami ne se doit faire prier de faire plaisir a celui qu'il aime, comme i'ai dit quant i'ai parlé de liberalité & gratitude,car comme dit saint Ambroise, le courage est mieus regardé que le biéfait, aussi doit estre fait vn plassir diligement sans estre presse & vtilement de sorte qu'il redonde plus au proffit de celui qui le recoit que celui qui le fait, comme nous

benefi.

Gen. 4. auons veu, car auoir amitie a vne personne pour sa libro de beauté pour en abuser, pour ses biens pour i proustier, pour en estre soustenu, pour son beau parler auquel on ait le passetés, pour son scauoir affin de s'en aider, pour sa force a ce qu'il le deffende, pour sa diligence pour le mettre en oeuure & pour son art pour en auoir quelque chose ce n'est vraie amitie, mais vne fiction d'amour qui dure seulement autant qu'on se veut, ou qu'on se peut aider de telles personnes qu'on faint aimer, dont a la fin procede inimitie.

Vraie amitie est aquise par honesteté & vertu moralle & non pour prouffit particulier, & cobien que telle amitie soit vraie, toutesfois n'est parfaite si elle n'est fondée en charité par foi, car amitie fondée en la charité de nostre seigneur Iesuchrist auec les conditions dessus declarées est vraie, parfaite & complete, & excede toutes les autres ami-Ioa. Cas- ties, & d'icelle parle Cassian disant. Entre toutes

fepb.

sianusin les amities en i a vne indissoluble qui procede de colla. Io- charité, laquelle n'est aquise par commendation de grace, par grandeur de dons ne bienfaits, par nature ne par lignage, mais est fondée en communication de biens spirituels. Telle amitie n'est iamais brisée, rompue ne perdue par aucuns cas ne infortunes, par distance de lieus, par interualles de tems, par maladie, pauureté, richesse, prosperité, par aduersité ne par mort. Et a ceste consideration Ame raisonnable si voulés auoir vraie, parfaite & complete amitie, sans laquelle a peine on scauroit viure au monde, les conditions susdites gardées, fundés la en Iesuchrist, c'est a dire que premierement vous aimés dieu sur toutes choses, vostre prochain apres pour l'amour de dieu, aussi pour ses vertus en tant qu'elles

u'elles procedent de Dieu. Et vous gardés de l'anour folle procedant de delectation, auarice & mbition, car elle est deceptiue, fainte et mauuaise. Apres que Iustice eut mis sin a son propos, l'Amecommenca a faire ceste exclamation.

Exclamation del'Ame contre ceus qui n'ont la vertu de Iustice & de ses filles.

Ame Institute a present dire puis

Que vo° aués des ges pauures appuis

Et qu'on ne fait ce que comadés faire

to° les ges droits sot mucés en vn puis

On n'en tient rien, mais on les vient desfaire,

On ne fait plus que mes dire & messaire,

Les iugemens sont souvent a refaire,

Les princes sont par fol conseil conduits,

Haine & faueur scauent bien contresaire,

Vn bon vouloir pour iustice forfaire

Contre les droits par raison introduits.

Verité est a present haillonnée.

Verité est a present baillonnée,
Car on lui a si grant crainte donnée
Qu'elle est contrainte a celer les desfaus
Dame innocence est comme habandonnée,
Iniquité est du tout adonnée
A soustenir les gens peruers & saus
Iustes & bons endurent les assaus
De cruaulté, faueur & ses vassaus
Ruinent tout par force desordonnée,
On ne punit comme appartient les maus,
Vous ne verrés tant par mons que par vaus

Que

Que gens meschans, dont ie suis estonnée.
Religion est toute des guisée,
Deuotion petitement prisée
On ne sert Dieu que de mine & parler
Sa loi tressainte est rompue & brisée,
Moins que la loi ciuile autorisée,
Oraison voi par erreur r'aualler,
Car maintes gens ie voi souvent aller
Plus aus devins qui font charmes par l'aer
Que aus benoits saints, pitie tournéen risée
A soustenir l'eglise voi caller,
Et plusieurs gens encontre elle estaller
Dont bien souvent ie suis scandalisée.

Ie ne voi plus obeir selon droit

A nos maieurs tout ainsi qu'il fauldroit
Soient seculiers, ou de la sainte eglise,
De seculiers voluntiers on tolit droit
La seigneurie, & du Pape on voultroit
Ne tenir rien, par tres damnée guise,
L'autorité des prelats on desguise,
Prestres, gens saints par moquerie exquise
Sont mesprisés d'un tresmauuais endroit,
Comme aussi est vieillesse tant requise,
En peu de ieus obedience est quise
On ne fait plus ce que faire on deuroit.

Peu de gens voi viuans en rettitude, Mais sont tous pleins de faulse ingratitude, On ne connoit les biens que Dieu nous fait Nous oublions sa haute magnitude, Sa sapience, aussi la plenitude Ds sa bonté, ou rien n'est imparfait Si de nous vient par fortune vn bienfait

Lepub-



Le publions, mais par dit ne parfait Ne connoissons d'autrui la gratitude, Tout nostre viure est de peché infait Au tems present chascun se contresait Qui peut en a par deceuable estudo

Au tems present chascun se contresait
Qui peut en a par deceuable estude.
On ne tend plus a vindication
Des grans abus par la seule action
De charité, mais pour autrui destruire
On fait asses de molestation
Et de labeur, peine, vexation
A son prochain pour seulement lui nuire,
Peu de gens voi de peché se reduire
Par penitence, & son vouloir conduire
A seruir Dieu par operation,
De bouche asses, mais cen'est que seduire
Soi & autrai; & son ameintroduire
Augrand chemin de sa damnation.

Dequoisert plus au monde verité Ven qu'ili a si tresgrand rarité De gens voulans verité faire & dire, Mais sont si pleins de fautse ferité Qu'en leur parolle il n'i a parité, Mais faulseté, fiction & mesdire, Detraction, ennie pleine de ire, Fauls iugement qui le vrai contredire Pretend & veut par grand disparité, Aus mensongiers on deuroit interdire De plus parler:mais chascun s'i esdire Le péuple voi de mensonge herité. Vous connoess'es combien on est fidelle Fidelité n'a bruit, on ditfy d'elle Entreseigneurs, maistres & seruiteurs M

Pen tron-

Peu trouueres de suiet non rebelle,
Peu de seigneurs sans puissance cruelle,
Peu de seruans des maistres amateurs,
Peu messagers diligens non menteurs,
Peu conseilliers loians & non flateurs
Bien conseillans les princes en bon zelle,
Le monde est plein de meschans inuenteurs
Deleurs sermens pour rich violateurs
Celui est fol qui son secret descelle.

Ie voi vser de prodigalité
Pour la vertu de liberalité
En dons n'i a ordre, raison, mesure
On pille l'un par grand crudelité
Pour enrichir contre realité
Vn sot ou fol, est ce pas grand iniure?
On met les biens en bombans & luxare,
On preste aus vns pour apres par vsure
Auoir leur terre & leur heredité,
Les liberaus du iourdhuite vous iure
Sont deceueurs, des quels est la morsure
Proche de mort & d'incommodité.

Si lon connoit quelcun menant vie orde
De son peché lon n'a misericorde
On ne connoit que chacun est pecheur,
De son prochain les fautes on recorde
Et les siens non, a cela nul s'accorde
Chacun veut estre aus tems present perscheur
Las qui pourroit estre loial pescheur
De ses pechés, on ne seroit ioncheur
Des faits d'autrui, sors en toute concorde
Et si quelcun vient a quelque malheur
Encors ou biens, chacun prendra couleur

De lui

De lui bailler de desespoir la corde.

Les riches gens & ceus qui ont leur compte
Des indigens ne tiennent aucun compte
Et si aumone ils font, c'est a regret,
Au tems present de bien faire on a honte
En toutes gens auarice est si prompte
Que le doner leur est au cueur aigret,
Mais qui auroit l'esprit & sens discret
On penseroit (fors le fol indiscret)
Que deuant Dieu l'aumone tousours monte,
Donner pour Dieu c'est vn fort halecret
Pour batailler au public ou secret
Contrele diable a ce qu'on le surmonte.

Peutrounerés d'amitie veritable

Assés d'amis se trouent de la table
Qui aimeroient pour boire & pour manger
Ou pour auoir quelque proufsit notable
Quelque plaisir ou chose delectable
Non pour soussir pour son ami danger,
Quant cela faut on les voit estranger
Et l'amitie soubdainement changer
C'est vn amour meschant & detestable
Qui veut aimer aucun sans calanger
A son amise doit touiours renger
Soit riche ou pauure & estre bien traitable.

De la disposition du cors de l'homme, & des

Ame desirat scauoir plusauant sit appeller dae Phisique, q estoit vne dame ancienne vestue d'une robe de satin, de couleur aerée, simbriée par les ouuertures et par le bas de sine broderie Mij de trois

de trois grans doigs de large ou estoit en figure la creation du monde & de toutes les creatures. Elle portoit sur sa teste vn bourlet de tems passé fait de veloux cramoisi couuert d'estoilles. A laquelle l'Ame incorporée dit ce. l'ai esté instruite par les quatre vertus moralles de la maniere de me gouuerner, & comme ie doie viure morallement au repaire de vie humaine. Maisien'ai encores sceu que c'est du cors ou quel ie suis, dequoi il est fait & forme, de la disposition de ses membres & du nombre d'iceus. Vous seres par moi instruite, dit dame Phisique, soubs la licence de d'ame Sapience ma superieure. Et pour l'entendre deues premieremet scauoir qu'on l'appelle aucunefois la chair, aucunefois le cors. Toutefois la difference i est. Car la chair est quatil a vie, & tat que ferés dedas: mais c'est rouiours le cors soit vif ou mort.

Le cors d'Adam le premier homme fut forme du limon de la terre qui est plus vil que l'autre terre en soi. Et non seulemét de la terre, mais aussi des autres clèmens. Car le cors humain & toutes choses materielles corruptibles sont coposées des quatres elemens: C'est assauoir du feu, de l'aer, de l'aue,& de la terre: qui sont les principes materiels de toutes les choses corporelles de ce monde qui font ci baş. Et a ceste consideration on les appelle cors mixtes, par ce qu'en eus ia mixtió des quatres elemens, mais a la raison de ce qu'en vn cors humain i a plus grand quantité de la terre que desdits autres elemens qu'il est graue & pesant, & qu'on n'i voit sensiblemet que la matiere terrestre. Nous disons que le cors humain est fait de terre, & combien que la terre fut le dernier element : toutefois n'i auoit en Adam corruption, ains estoit inconta. minée

min ée creature de dieu. A ceste cause diét les theologiés que Adam fut fait de terre vierge, c'est a dire incorrumpue, car peché n'estoit. Qui estoit signifiáce felő Ífidore de la benoite vnió du fils de Dieu a nature humaine ou ventre de la vierge Marie.

L'entends bien, dit l'Ame, que le cors d'Adam fut fait & formé du limon de la terre: mais le mien & ceus de tous les humains, de puis nés sur terre, n'ont esté, ne sont faits de terre : mais naissent des cors des femmes Il est vrai, dit Phisique, que vostre cors & les cors de tous les enfans d'Ádá, n'ont esté ne sont formés du limon prins en la terre, mais de la plus vile & orde matiere qu'on scauroit trouuer en la persone, c'est du sparme qui vient de la superfluité de ce que refuse nature, sors et excepté le precieus cors de nostre seigneur lesuchrist fait & formé ou ventre de la vierge Marie, de son plus pur & cler sang, sans seméce d'homme, par l'operation du benoit saint esprit. Vostre cors donc est fait de ceste matiere plus vile que le limon de la terre, nourri par neuf mois en vne vile peau en la matrice ou marris de la mere, de sang menstrual, ord & villain: ce que Dieu a voulu pour monstrer qu'on ne doit aimer le cors plus que l'ame faite a sa similitude.

Ie di d'auantage que le cors humain a en soi quatre humeurs selon les quatres elemés, desquels il est composé:Scauoir est le sang, la colere, la melencolie, et le flegme. Seló lesquelles humeurs sont distinguées quatres complexions. Car en chacun cors humain aucune desdites humeurs habonde plus que les autres. L'une complexió est sanguine, l'autre colerique, l'autre flegmatique, et l'autre melencolique. Lesquelles complexions sont divisées elemens.

Des qua tres bumeurs du cors bumain cöformes aus iiÿ.

selon les dits quatres elemens tendás a chaleur, froidure, humidité & siccité. Le sanguin a les qualités de l'aer, car il est moiste & chault. Le colerique a les qualités du feu, car il est sec & chault. Le flegmatique a les qualités de l'eaue, car il est froid & hu-mide. Et le melécolique les qualités de la terre, car il est froid & sec. La complexion colerique & flegmatique sont de qualités contraires. Et la coplexion sanguine et colerique sont principallemét autour du foie, du cueur & du gosier. Le sang a plus de dominatió en la partie dextre autour du cueur. Et le colere se tient plus a senestre autour du fiel, mais la melancolie & flegme ont leur siege principalement en la teste. Et selon aucuns philosophes ces quatres humeurs sont en plus grand puissance au cors en vn tems qu'en l'autre. En printems nommé Ver, le sang est en puissance. En esté la colere. En Autumne la melancolie, & en Yuer le flegme. Selon ces quatre complexions le cors humain recoit diuerses conditions, & selon la diuersité de la complexion, l'ame a naturellement diuerfes inclinations. Et est l'ame, c'est a dire l'esprit de vie plus tarde ou plus hastiue, plus ingenieuse ou moins.La complexion du cors fait moult incliner a vices ou a vertus, car comme voiés les aucuns font plusenclins a vn vice qu'a vn autre selon l'inclination de la complexion corporelle. Mais entendes & croies que nonobstant telle inclination naturelle l'ame n'est subiete, ne contrainte a faire mal: Car la voulenté qui est la grand maistresse de l'ame & du cors demeure touiours franche & en son franc & libre arbitre. Et a ceste raison de quelque complexion ou condition corporelle que foit l'homme ou la femme ne sont excusables quat ils peIs pechent, combien que leur peché ne soit a L'aduenture du tout si grief quant il sort de la complexion naturelle, comme quant la voulenté ou attractif a cause de la complexion, mais pour ce que raison doit mettre ordre & police en toutes les passions & mouuemens du cors & de l'ame, la personne n'est a excuser de son peché par inclination ou complexion. Et a ceste consideration Ame raisonnable si vous voiés vostre inclination du cors estre a ire, luxure, enuie, auarice ou autre vice, deués par raison trouuer moien sans craindre la peine d'auoir les vertus a ces pechés contraires: Pour laquelle chose faire est necessaire & tresutile auoir de bonne heure connoissance de sa complexion, affin que si elle est mauuaise on i pourmoie par habituation & frequentation des choses contraires a icelle.

Le sanguin de sa complexion est simple, ioieus, moderé, douls, amiable & liberal, & est chault & & moiste du cors, bien disposé & coloré. Cest la meilleure complexion, car le sang est humeur con-uenable a nature. Et a ceste consideration dient les philosophes, que le sang est le siege de l'ame, i'entends le sang pur ouquel n'i a corruptió, car le sang corrompu est inductif de totalle corruption par tout le cors, comme appertes sebricitans & en maladie de lepre. Quant le sanguin est pur & net a bon sens, subtil & chault mouuemet pour les operations corporelles, et a l'entendement bon et bien arreste, par ce que le sang est plus ami de vie naturelle qu'autre humeur, a la raison de ce qu'il se tient & est conserué en chaleur & humidité.

Le colerique communement et generalemét est iracundieus, cruel, sans douceur, ingenieus & de Miiij legere

legere apprehésion, agu, leger, instable, impetueus, maigre & sec de cors, moult mangeant & de couleur noire. Les coleriques doiuent diligemmet & par vigilantes ocuures moderer la passion d'ire, par ce qu'ils i sont enclins & sont hastifs & ardas come le seu, duquels ils ont les qualités qui sont chaleur & siccité.

Le flegmatique qui est contraire au colerique, par ce qu'il a les qualités de l'eaue qui est humide & froide,est communement grand & tardif & n'a le sang agu, mais gros, & si est oublieus, paresseus. endormi, de chair molle et fluxible, de couleur fade & blanche, le cueur orgueilleus & ensié, plein de crachemens & humeurs habondantes & fongeant souvent inundations d'eaues ou autres choses humides & froides.

Le melencolique a les conditions & qualités de la terre, qui sont froidure & siccité, & est communemet auaricieus & couvoiteus, triste, morne, sommeilleus,a souuet paour sans cause, & tristesse sans scauoir pourquoi. Aucuns melencoliques sans griefue maladie cuidet qu'ils doiuent incontinent mourir, les autres estre mal voulus de leurs voisins & amis, sans leur auoir fait desplaisir, les autres ont paour d'estre desprisés et de n'estre en tel reputatio & estime qu'ils desirent. Et les autres par melen. colie desirent sans raison la mort, & sont en vn ennui desraisonnable, & si n'i a en eus aucune appa. rens de raison, & ne scauent qu'il leur fault. Telle melancolie esta fuir & moderer, car tant qu'elle dure la persone est essongnée de toute operation spirituelle. La chose qui plus modere melécolie est viure loiaument & ioieusement d'esprit. Et vous aduertis que serés touiours sains tant que ces qualites felités feront bien temperées en vostre cors, et si elles font en desordre, tumberés en maladie.

De la proportion du cors humain & de fes membres.

E cors humain consiste en la teste, ou chef, espaules, estomac, bras, iambes, pieds, mains & autres membres qui ont tous leurs offices. La teste est costitué ou hault a ce que la persone connoisse qu'elle ne doit seulement viure des choses terrestres: Mais de la viande celeste. En la teste De la residet tous les sens, et la face qui est si merueilleuse tesse. qu'entre cent mil hommes a peine on en trouvera deus qui se ressemble de face. Le chef donc, comme dit Isidore, est le siege de sens, le commécement & Isido. e-la naissance de tout mouvement sensitif qui est es thi. li.11 bestes & homes quant aus autres mouuemens corporels.Le chef est comme le propre mouuemêt de la vertu sensitiue qui donne par influence sens & mouuement. Et a ceste cosideration est plus digne & noble que les autres membres comme aiant le regime & gouvernement de tout le cors, auquel donne vertu et perfection en operation de chacun membre operatif. Et a ceste raison nature l'a mis & situê au dessus de tout le cors, affin qu'il gouuerne, ordonne & dispose tout ce que nature a ordonné soubs lui. Et pourtant quant i a vice ou deffault en la composition du chef, le demourant ne se peut bien porter. Le signe d'une bonne & conuenable teste, est quat le col est fort & moiennement gros & le nerfs du col grans & fors & de bon mouuement.

Du Cer-

#### Le premier liure Du Cerueau.

V chefi a sept senestres ou pertuis, deus aus seus, deus aus aureilles, deus aus narilles & nes, & vn a la bouche, & ces sept pertuis sont instrumés des sens de nature. Au dedans du chef

est enclos le cerueau qui est vne moelle blache sans sans, & est enueloppée de deus petites peauls colloquée au couppel & en la summité de la teste. En ce cerueau a grand quantité de petites veines contenans spirituels mouuemes, esquels sont gras vertus contenues. Aussi i sont trois cellules ou chambrettes que les philosophes appellét petis ventres, ce sont trois concauités. En celle de deuant l'imagination est formée, en la moienne la raison particuliere qu'on nome estimatiue ou cogitatiue, & en la partie de derriere est la memoire & recordation.

La nature du cerueau est d'estre froid & moiste pour refrigerer la chaleur qui vient du cueur et des entrailles, & de la vient que la personne entre autres bestes selon sa grandeur a tresgrant cerueau, a la raison de ce que le cueur de la persone est moult chault, & a ceste cause est de temperée coplexion au regard des autres bestes, & de la procede que la personne n'a l'odorement si prompt, & que son alaine est forte au moié de l'abondâce du cerueau qui est froid & moist. Vn chie, vn loup & plusieurs autres bestes sentent les odeurs moult subtillement, de sorte qu'un chien connoit au sentir la trace de son maistre, aussi d'un cerf ou autre beste, mais la personne ne sent fors les odeurs vehementes & fortes, par ce qu'odeur est vne euaporation chaulde de la chose qu'on sent. Et quant vient au nés de l'homme ou de la femme trouve la froidure

& hu-

et humidité du cerueau qui est prochain du sens de l'odorement, & par cele sens n'en est si fort. Ausi les enfans pour la grandeur du cerueau ne peuent long uemét porter leur teste droite iusques a ce que par succession de tems ceste pesanteur du cerueau soit allegée par la chaleur du cueur qui monte selon que l'enfant croit, & par ceste froidure du cerueau sont les enfans nouueaus nès empesché qu'ils ne puissent aller ne eus aider de leurs mébres come les bestes irraisonnables qui vont incontinét apres leur naissance, car les bestes irraisonnables ont le cerueau petit & sec.

### Des ieus, front & temples.

V chef sont les deus seus qui sont les organnes & instrumens du sens de la veue & plus proches de l'ame. Et de ce s'ensuit que la tristesse ou ioie de l'ame ou autre passion est tatot conneue par les ïeus comme sont amour, enuie, haine, ioie, & autres telles passiós. La vertu visible viét en ces ïeus de la partie de deuant le cerueau, duquel issent deus nerfs en forme de croix, lesquels deus nerfs portent la vertu de la veue aus deus ieus, & quát l'un est clos la vertu de l'autre croit. Les ïeus sont come eschauguette du cors, & pour ceste raifon les a logés hault. En l'oeil sont sept toilles petites, esquelles la prunelle de l'oeil est enueloppée affin qu'elle soit bié coseruée de tout ennui, car la pru nelle ou pupille de l'oeil est la vertuvisiue, et est appellée pupille par ce qu'elle est pure & nete come vne pucelle. En l'ocili a trois humeurs, l'un est blac en forme de l'aubin d'un oeuf, le secod est de couleur cristaline, & le tiers est de couleur de voirre, & font

& font ainsi ordonnées de nature pour conserue la pupille ou prunelle de l'oeil. Pour la protection des seus sont aussi ordonnées les sourcilles & les

paupieres dessus & dessoubs.

Le front est par dessus qui est pour la beautê de la personne,car au front,selon le Philosophe, est le siege de vergongne & d'honneur au moien de la proximité de l'imaginative qui est tot & promptement concoit l'espece du mal ou du bien, de honte ou d'honneur. Finalement pour la protection des ieus nature a ordonné les deus temples ainfi appellées par ce qu'elles mouvent toujours comme le tems qui est chose necessaire pour parfaire le sens & le mouuement des seus, car par ces temples ou tempes les esprits vitaels sont portes par certaines petites veines & petis nerfs depuis le cueur iusques au cerueau. Et a la raison de ce qu'esdites parties i a colligance de nerfs et veines pulsatilles et motiues, font moult passibles, & i est son facilement blessé iusques a la mort, car comme dit Aristote ou liure des bestes. La percussion qui tumbe sur les os des temples est mortelle.

#### Des Aureilles.

R les aureilles estás a dextre et a senefire du chef sont les deus organes & instrumés de l'oüie, par dedans sont tortues & i a petites pellicules ou sont enueloppés les propres mouuemens de l'oüie, qui sont deus pertuis en vn os, esquels sont fichés aucuns ners descendans du cerueau, par lesquels les sens & mouuemens vont aus aureilles, elles sont tortues a ce que le son procedát de la percussion de l'aer ne face violence aus sens de l'oüie.

de l'ouie. Et pour ceste cause, & aussi pour la protection du sens de l'ouie nature a ordonné les aureilles en ceste sorte. Or deués entendre Ame incorporée que ces deus sens de la veue & de l'ouie font necessaires pour apprendre. Et sans iceus ou l'un d'eus on ne peut auoir doctrine, car c'est chose necessaire que ce qui est en l'entendemet passe premierement par les sens de dehors, & specialement par la veue ou par l'ouie, qui sont les sens plus spirituels,& puis par les sens de dedans qui sont l'imaginatiue, & l'estimatiue & la memoire. Apres pas-Tent les especes & similitudes iusques a l'entendement,& entre ces deus sens la veue est plus necessaire & plus spirituelle & nous monstre plus de choses que l'ouie & est plus prompte en son operation, car on voit plus tot l'esclere qu'on n'oit le tonnerre.

#### Du Nés.

E nés est l'organe et instrumée du sens de l'odorement, & i a deus pertuis au bas & deus au hault par le dedás, par lesquels les supstuités du cerueau sont purgés & l'aer de dehors est atraite & respire, lequel aer

porte les odeurs iusques aus sens de l'odoremét qui discerne des odeurs lesquelles sont bonnes ou mauaises. Et par ce a le nés deus offices, l'un est attractif de l'aer, aspire & respire discernant des odeurs. L'autre qui est purgatif de grosses superfluites du cerueau. Quant il attrait l'aer, le poulmon se dilate & ensle, & quant il le met hors le poulmon se serre ainsi que voiés en vn sousses.

Des Ioues.

#### Le premier liure Des Ioues.

Es deus ioues sont soubs les seus pour leur protection & mises au millieu entre la veue 💃 l'oüie, l'odorement & le goustement, & pour administrer le nourrissemét. Elles sont char-nues & de nature chaulde pour mitiger la froidure des aureilles & du nés. Aussi sont aucunemét blanches et vermeilles pour la decoration de la face, car la beauté d'une persone resulte de la composition des ioues, lesquelles monstrent les parties de la face plus clerement, & la complexion de la persone: Car si les ioues d'une personne son assés vermeilles mixtionnées de blancheur, non trop grasses ne trop charnues, mais moiennement: monstrent que la persone est de complexion sanguine bien temperée. Si elles sont blanches & palles sans mixtion de rougeur, grasses, molles & charnues, monstrent qu'il i a exces de froideur & humeur, comme es flegmatiques . Si les ioues, sont noires ou brunes, plates & maigres, monstrent qu'il i a excès de siccité & chaleur, & que la personne est colerique. Et si elles sont de couleur iaune ou terrestre, maigres & seiches c'est signe qu'il i a frigidité & siccité, qui sont les qualités du melancolique. Aussi par les ioues qui pallissent & rougissent par quelque soubdaine mutation connoistrés la passion de l'ame ou l'affection.

### De la bouche, des dents & des leures.

A bouche est commo l'huis & la porte du cors, par ce que par icelle entre ou cors son nourrissemet. Aussi que par elle on met hors les conceptions & parolles comme par vn huis, la bouche

bouche est le messager de la pensée. Et comme dit saint Gregoire, la bouche est enuironée de plusieurs gardes come des dents & leures, affin que la conception de la pensée ne sorte trop soudain, & auant que limer & ruminer si lon dira ce qu'on pense.La bouche est necessaire pour la nourriture de tout le cors & de ses membres, par ce que nourriture est prinse par la bouche & maschée des dets, & de la enuoiée en l'estomach. Aussi est la bouche necessaire pour l'attractation de l'aer a la refrigeration du cueur: Car si n'estoit l'aer attrait de dehors au cueur & au poulmon, le cueur bruleroit incontinent pour la grand chaleur qui est dedans. La bouche est outre necessaire pour la formation de la voix humaine, & a cela est ordonné le palais dedans la bouche, a ce qu'en le touchant de la langue se haulse ou baisse plus au deliure. Aussi est necessaire pour ieter hors les grosses superfluités venans du cerueau, du poulmon & parties pectoralles : Dedans la bouche sont les dents dessus & defoubs comme vne haie pour mascher la viáde. Celles de deuant qui sont agues seruent de trencher, & celles de derriere qui sont grosses & fortes seruent de mouldre la viande, affin que l'estomach la recoiue toute moullue & aisée a digerer. Dedans la bouche sont aussi deus maschoueres d'un costé & d'autre esquelles les dents sont fichées, & sont composées de os durs & de nerfs, comme deus meulles a mouldre. La maschouere de dessus ne se remue quant on masche, mais celle de desoubs seulemét. Pour couurir les dents & les garder sont les deus leures.L'une dessus & l'autre desoubs qu'on ouure et clot pour parler, pour boire ou mager. Elles sont molles & charnues pour téperer la duretê des dents.

des dents, & pour les garder du froid qui leur e nuisible. Quant les leures sont aucunemet rougi par le dehors, signifient bonne complexion, & qu la vertu est bonne en la personne. Quant elles son noires & comme mortifiées, c'est signe qu'il i a e la personne saute de chaleur naturelle. Les leurs ont deus vsages, l'un pour gouster & l'autre pou parler comme la langue.

#### Du Menton.

Vant au métő: il est come le fodemét des maschoueres, qui est conuenable pour l'enracinemét des déts par le bas pour ouurir la bouche & pour la clorre, & aussi pour la perfection ou consummation de la face, car si le mention est bien proportione au front il rend la face fort belle. Les bestes ont grad force au méton pour la dureté des os, & pour la compagination des nerss. Et a ceste cause ne veulét soussirir qu'on leur touche au menton, Car quat leur menton est froisse, leur force & cruauté est eneruée & faillie.

## De la langue, du col & des espaules.

N la bouche est la langue qui a deus vsages, l'un pour le goust & l'autre pour la parolle. Elle est composée de chair molle & spongieuse, & i a plusieurs veines pleines de sang, pourtat et vermeille. En la langue i a vn ners qui est l'organe & l'instrument du sens du goust, par lequel on gouste les saueurs de vins & viades. Et quant la lague est indisposée par maladie, le goust est alteré, & iuge aucuesois le dous estre amer & au cotraire.

Les pas-

Les passions intemperées de la langue sont pechés de gloutonnie, de detraction & mal parler. Mais si on les tempere comme appartient tant en parler que boire & manger, c'est vertu de Temperance, come madame Temperance vous a dit. La langue est vn des petis membres de la personne, mais c'est le plus dangereus a garder. Et comme dit saint laques, n'i a personne qui puisse domter la langue & la refrener sans l'aide de Dieu. Et a ceste causo Dieu a baillé de grans gardes a la langue, qui sont le palais, les dents, la bouche & les leures, dot nous

auons parlé.

Le col est vn membre moien entre le chef & le cors, & estrond & coposé de plusieurs os & nerfs, a ce qu'il soit fort & puissant a soustenir le chef, il est nerueus pour mieus se tourner & mouuoir, & pour mieus seruir au parties d'enbas, car le col recoit l'influéce de la vertu motiue qui vient du cerueau, & aussi de la vertu sensitiue. Laquelle influéce de sens & mouvemes ainsi receue du cerueau, le col enuoie par les nerfs & veines aus parties baffes estans soubs lui. Soubs le col sont les espaules composêes d'os assés grás, plats, & larges pour coseruer et deffendre la poitrine, a ce que par derriere elle ne foit blecée. Aussi pour la cocathenatio & colligatio des bras, des costes et de la poitrine, elles seruét auf. si a la deffense des esprits vitaus qui sont dedans la poitrine, et a porter fais de choses pesantes: Car aus espaules i a grad force pour les os et nerfs qui i sont Des bras.

Pres les espaules viennent deus bras, l'un a dextre, & l'autre a senestre. Le bras a deus os, l'un hault & l'autre bas. Le bras est lie & concathené a

N l'espaule

l'espaule par vne colligation de tressors nerfs par le moié desquels le bras recoit le sens et le mouuemet du chef & l'enuoie iusques a la main. Les bras font ronds pour estre plus habiles a operation & au mouvement volutaire de l'ame, aussi ils en sont moins passibles & n'en sont si tot blecés. Au brasi a trois iointures par lesquelles on le ploie.L'une est pres de la main, l'autre au coulde & l'autre pres de l'espaule,& ce pour estre plus tot prest a se mouuoir au comandement de la volunté, Et pour ceste cause le bras est moins ossu & charnu, toutefois il est gros et dur a ce qu'il ne soit si tot froisse et rompu.Il est concaué & creus pour estre plus leger, plein de mouelle pour adoulcir la dureté des os. Et deués entendre que les veines de tout le cors, specialement de la region du chef, du cueur & du foie respondent aus bras & donnent nourrissemét aus mains & aus doigs. A ceste cause quant on a abondance de sang superflu, on fait ouverture au bras par l'une des veines du chef, ou du cueur, ou du foie selon la qualité de la maladie. Et dient les medecins quát quelqu'un est malade en vne partie du cors & sa maladie requiert estre saignée, doit prendre la saignée au bras qui est de l'autre costé, fors quant la matiere est veneneuse ou furieuse : Car le sang ainsi veneneus & furieus en passant par le cueur, par le foie ou par autre noble partie s'il tra. uersoit d'un costé en l'autre pourroit infectionner lesdites parties. Le philosophe dit que les bras ont telle proprieté qu'ils aiment ce que le cueur aime, car voulentiers se tournent a embrasser ce qu'ils sentent estre desiré par le cueur, & tant qu'ils peuuent approchent de la personne que le cueur aime & desire, & voulentiers vouldroient si possible effoit

estoit mettre la chose aimée dedans le cueur.

Des mains.
A main est acouplée au bras en vné
de ses iointures. Elle est dite main se-

lon Isidore, par ce qu'elle munit & garnit le cors de vin, pain & viande qu'elle porte a la bouche. Ausi baille, donne, distribue & prent ce que l'ame & la voulenté veulent donner & prendre. Il i a la main dextre & la main senestre. Nous donnons la dextre en signe d'amour, de salut & de societé. La senestre n'est si preste a mouuoir & ouurer Et a ceste rai-Ion n'est de si grand reputation. Quant la main est close on l'appelle le poing, & quat elle est estendue Ja paulme. Ou creus & concauité de la main reside specialement vn nerf qui est l'organe & instrumét du sens de l'atouchement, combien que par tout le cors on sente par atouchement, toutefois plus par la main, et en signe de la bonté de l'atouchemet qui est en la personne elle a la chair plus doulce & plus fouefue que les bestes brutes. Et ceus & celles qui ont la charnure tendre sans dureté ou asperité, ce font ceus qui ont meilleur engin & meilleure ame de coditio naturelle par ce que la coplexio est meilleure.La coception de l'entendemet que nous appellons art ou artifice est executé par les mains come instrumés de l'ame, et sont les mains moult prestes a trouuer & faire ce que la volunté commade, mais par ce qu'elles sont materielles & corporelles requierer habilité & vsage a faire proptemet le comandemet de la voulente, speciallemet en aucunes arts & mestiers, come escrire, jouer de la harpe, du · luc, des orgues, tixtre, broder, filler, couldre, monnoier & autres of uurgs manuels. Et dient aucuns Nij

Philosophes que l'hôme nasquit nud, & les bestes reuestues de peauls & poil, par ce que l'homme a raison pour scauoir, & mains pour faire ce qu'il lui est necessaire pour se couurir, ce que n'ont les bestes irraisonnables, au moien dequoi nature les pouruoit a leur naissance de vestemens de poil, de plume, de peau ou d'escaille.

# Des doigs & ongles.

🚌 S deus mains i a des doigs, & sont ainsi dits et appelles par ce qu'il en i a dix en nombre & en chacune main cinq.Le premier est appellê le poulce par ce qu'il est le plus apparant & plus puilsant. Le second indicatif, c'esta dire de monstrant par ce qu'on monstre les choses par lui. Le tiers le moien par ce qu'il est au meillieu. Le quart medicinal par ce que les medecins en vsent en maniant les medecines. Et le cinquieme auriculaire par ce qu'on en cure voluntiers ses aureilles, c'est le petit doigs. Les doigs sont divisés & non egales: Car les vns sont plus grans que les autres & plus gros. Pour conoistre en les regardat que Dieu veut qu'en ce monde les aucuns soient plus grans en richesses, honneurs & biens mondains que les autres, & neantmoins que chacun peut viure honnestemét a la vocation a laquelle est appelle. Aussi eque les graces sont diuisées et distribuées ainsi qu'il plait a Dieu, dont il conuient se cotenter sans murmure.Les ongles sont instrumens a prédre petites choses & subtilles, & sont la derniere partie des doigs proches voisins de la chair & du cuir. La lieure des ongles auec la chair est en maniere de cordes qui se forment des nerfs, des veines & des

eur donner aide & sentement. Les ongles se laisent coupper sans douleur, par ce que ce qui croit en la chair & les nerss ne sent rien. Les ongles sont engendrées des fumées issans du cueur qui s'espandent iusques au bout des ongles. A ceste cause appert en eus la santé & la maladie, la vie & la mortification du cueur: car quant la chaleur faut, les ongles noircissent & pallissent & representent l'estat du cueur. Les ongles sont au bout des doigs pour leur aide et parement: car les doigs seroient bié tot blessés au bout pour leur tenerité s'ils n'estoient gardés des ongles qui sont plus durs que la chair, & plus mols que les os.

## · De la poitrine & des mamelles.

A poitrine est large en la persone, & est prochaine aus mamelles de la partie haulte. Elle dest creuse & concauée pour garder le cueur, le poulmon, le foie & les entrailles. Et pour estre plus forte est ossue & large a ce que le poulmon se puisse mieus dilater & refrigerer le cueur, & si est moult delicate & dágereuse par ce que le cueur & les esprits vitales sont dedás icelle. Ou meillieu de la poitrine i a vne bosse vuide & large par le dedás ou les costes sont logées, & de la sortent nerfs & veines qui s'espandent en diuers lieus & membres. De cela vient que s'il i a aucune bleceure es boiaus ou es nerfs des costes, la douleur en est en la concauite de la forcelle entre le nombril & les mamelles,a la raison de ce que les veines & boiaus ont en celle partie colligation ensemble. Au regard des mamelles de l'homme qui sont en la poitrine n'ontaucun ysage, maisen la femme nature les N iii

a données pour nourrir les enfans que les femmes portét, dot vous a esté parlé par madame Prudéce.

#### Du Poulmon.

E poulmon est come le vétilabre ou soufsite du cueur qui s'ouure & clost. En s'ouurat il attrait l'aer de dehors pour refroidir la chaleur du cueur & en se clouat il met dehors l'aer. A ceste cause est en cotinuel mouvemet d'aspiration ou respiration. C'est chose necessaire qu'il soit autour du cueur pour lui distribuer l'aer receu pour son resrigeremet, & est de molle chair come seroit escume coagulée ou assemblée. Aussi est le poulmon instrumet a former la voix par respiration de l'aer enclos, & pour ces causes est entre le gosier & le cueur, affin que l'aer de dehors ne vienne subit au cueur, & que le cueur ne soit blece. Le poulmo garde l'aer receu et le distribue au cueur a son besoing. Sans le poulmon on ne peut former la voix ne la parolle ne auoir son alaine ou anhelit.

Du cueur.

E cueur est le principal membre de l'homme & aussi de la beste irraisonnable, et est voisin du poulmon a ce que quant le cueur est enflammé par ire ou autre passion soit téperé par humidité & froidure du poulmon. Ou cueur i a deus petites veines l'une a la dextre, l'autre a la senestre. La senestre a plus de sang, & la dextre plus d'esprit & de mouuement, & pourtant on conoit au pouls de la dextre s'il est téperé ou hors de mouuement naturel. Le cueur est d'une substace charnue & dure, de logue chair, creus & cocaué, rond en logueur en facon d'une poire. Il est cossitué ou meillieu du cors declinát a la partie senestre, par ce que c'est la fontaine

fontaine & naissance de la chaleur naturelle, dont tous les autres mébres prénent la naturelle chaleur de laquelle ils viuet. Et en lui est la premiere vertu de la creatio du sang & i prénent comécemet toutes les veines.Le sang du cueur, come dit Aristote est net, cler & chault, de grand puissance & moult conuenable a l'entendement. Il n'i a membre tant necessaire que le cueur, par ce que sans lui on ne pourroit viure. Il est espes pour resister aus inconueniens & conseruer le sang & la chaleur necessaires pour la vie. Le sang est au cueur retenu sans veines & n'i vient d'autre lieu, & il va du cueur es veines. Toute delectatio sensible & toute douleur commence au eueur & retourne au cueur, pour ce que sa vertu s'ested en tous les mébres bas et hault. Et en la formation & generation de l'enfant ou ventre de la mere le cueur est le premier forme come le plus chault & le vaisseau du sang vital. Et pour temperer ceste chaleur, en hault a l'opposite est formé le cerueau & la teste, lequel cerueau est froit comme l'ai dit & le cueur concaué & creux.

# De l'Estomac, du Foie, du Fiel, & de la Rate.

Estomac est come la bouche du vetre, car il pereste recoit la viade & l'enuoie aus parties du dedas, il est rod, oblog et cocaue dedas, aspre au
fons & charnu, il i a deus pertuis, l'un par le hault
vers la bouche & l'autre pres du ventre, il est rond
pour mieus receuoir la viande, il est aspre au fons,
pour mieus la retenir a faire digestio. Et par ce que
la digestion se fait en vertu de la chaleur auec la
moisteur-il est charnu & asses espes, car la chair de
fa condition est chaulde & moiste. L'estomac humain specialement est estroit par hault, & large
N iiii par

par le bas, par ce que l'homme est de figure droite, & la viande deualle touiours au bas au fons de l'estomac pour faire digestion. L'estomac a le foie a dextre & la rate a senestre.

Dufoie.

Le foie est vn membre cocaue chault & souef, colloque a la dextre partie dessous l'estomac, assin que la chaleur aide a la digestion, il est sanguin & rouge a la raison de ce que la chaleur conuertit son humidité en sang, & est aucunement dur & plus grad es hommes & semmes que es bestes brutalles. Entre les membres qui servent a la nourriture le soie est principal, par ce que sa nature est chaulde & moiste, par lesquelles qualités est faite la digestio & consequement le nourrissement.

Dessus le foie est le fiel qui est vne petite peau

Du fiel.

dedans laquelle ia vne humeur rouge causée de colere et est tresamer. Le siel est fourchu, l'une partie s'en va en bas dedans les entrailles & boiaus pour conforter la vertu expulsiue a ietter hors les superstuités dequoi nature n'a que faire, qui se fait par l'amertume de cest humeur. L'autre partie du siel se tourne vers l'estomac pour aider a la digestion, car il est chault. Et par ainsi le siel n'est sang, car il est corrolis & modificatis. Ceus qui ont grant fiel & l'ont sur le foie, come dit Aristote, sont communement selons, cruels & se courroucent legerement, & ceus qui l'ont vn peu plus loing du soie, sont naturellement plus begnins & gracieus, toutes il n'est inclination naturelle que raison & volunte ne surmonte quant a vne vertu.

Dela rate.

La rate située a la senestre partie comme le foie a la dextre est euacuatiue de melancolie. Et selon le Philosophe la rate de l'homme ou de la semme est estroite & longue semblable a la rate d'un pourceau.

Digitized by Google

pourceau. Aucuns dient qu'elle prouoque a rire. On dit communement qu'on rit par la rate, qu'on se corrouce par le fiel, qu'on aime par le foie & qu'on sent par le cueur.

## Du ventre, & des boiaus & entrailles.

E vêtre est comme le sac ou sont les boiaus, du vetre c'est a dire conduits, par ou les superfluités de la personne sortent. Entre toutes les parties du cors, celle du ventre est la plus molle & la plus enfermêe, toutefois plus vtile et necessaire, car c'est come la nourriture de tout le cors qui recoit ce dont tous les membres sont nourris & soustenus. En lui sont retenues les superfluités, & puis les met hors. En iuer selon les medicins le ventre est plus chaut & mieuls digerant. Et a ceste raison on

i mange plus qu'en tems d'esté.

Ou ventre i a six boiaus lesquelles iacoit ce qu'il Des foient tous conionts ensemble, nonobstant ils ont boiaus. diuerses offices & formes & a chacun d'iceus son nom selon la qualité de son office & operation, desquels six boiaus en i a trois gresses & trois gros: des gresses le premier a nom portenaire ou duodenú c'est a dire dousseme par ce qu'il a douze doigs en longueur selon la mesure d'un homme, & portenaire pour ce qu'il est la porte basse de l'estomac. Le secod s'appelle ieiunu a cause qu'il est touiours vuide de viade & qu'aussi tot qu'il a receut aucue chose la reiette, & n'en retient rien pour son nourrissement, par cause de la grand mustitude des veines messeraiques qui sont enuiro lui & continuellement le sucent : & enoutre pour la colere qui est enuoiée entre lui & le portenaire, qui l'incite sans cesse a expeller ce qui est en lui. Le tiers est appelle

subtil & gresle, autremet ylion, pour ce que (selon l'opinion d'aucuns) s'engédre en lui vne trelimauuaise passion appellée yliaque: & est cedit boiau de grad logueur, aiat beaucop de reuolutios entour le dos,& n'est iamais sans viade. Entre les trois gros boiaus le premier est le monoculus ou sac, par ce qu'il semble n'auoir qu'un oeil est dit monoculus, come n'aiat qu'un ocil, noobstat que toutefois selo la verité il en a deus, l'un p ou entre la matiere fecale & l'autre par ou elle sorte, mais a raison qu'ils font fort prochains semble qu'il n'en i ait qu'un : & est ce boiau bien court, car il n'est q d'une paulme. S'ensuit apres le colon lequel est gros, auec petites chambrettes esquelles la matiere fecale recoit sa forme, & est de bonne longueur & se dit colon a cause qu'il recoit la matiere colerique ou flegmatique, laquelle l'empesche a bouter hors les superfluités: ou (selon l'aduis d'aucuns) pourtant qu'en lui prent source la colique passion. Le tiers & dernier est nommé culier, autrement longaon ou rectum: ce boiau est ioint auec le dernier pertuis du cors par dessoubs la ou prennent issue les grosses ordures & a raison de ce est appellé le boiau culier. Les boiaus sont enueloppés de deus peauls pour le moins, affin que si l'une estoit blecée l'autre les gardat.Les boiaus & entrailles ont diuerses maladies, aucunefois sont greués par humeur colerique ou melencolique qui ronge la substance des boiaus & i cause vn flux de ventre appellê le dissentere qui est tresmauuaise maladie & mortelle. Souventefois le flux de ventre est mortel quant la colere noire en ist, aussisont greues par plaie ou pointure qui est dedans eus, & ce aduient par apostume qui par sa pourriture les point ou perce,

Pau coup baille par dehors souvent sont malades par pointure enclose en eus qui estend la peau & les ners dont procede vne douleur si grand qu'on pense que les boiaus soient percés tout outre. Aussissant qui estouppe les parties basses & empesche la grosse matierea issir hors, & de ce vient la maladie iliaque & pollique qui sont maladies mortelles, car a peine peuvent estre gueries & souventes is tue le tiers ou second iour si plus tot on n'i met remede.

## Des Roignons, des Reins & de la Vessie.

Es roignons sont ainsi appellés selo Isidore, Des roipource que les laides & grosses humeurs nais gnons., fent d'eus, ainsi que de petis ruisseaus: car les mouelles & veines suent vn humeur delie qui viet aus roignons & les eschauffe par la chaleur de luxure, & puis s'en va aus mébres genitoires. Le lieu & siege des roignos est appelle les reins ou les lum. bes,& sont ou cors aus deus costés de l'eschine du dos. Ils sont ainsi appelles selo Isidore pour la ioli. Isido. e-ueté de luxure qui en eus regne, car quant aus thi.li.11 hommes la cause du luxurieus plaisir vient des reins & du lieu ou sont les roignons musses, ils furent faits pour sucer hors du foie le sang plein d'eaue & l'espirer, & pour enuoier l'eaue qui est appellée vrine a la vessie par les conduits a ce ordonnés. Or donc les roignons sont chauls & sont la garde de naturelle chaleur. Ils temperent la froidure du dos & des os de l'eschine, ils attraiet l'eaue du foie, ils coulent le sang & confortent la vertu naturelle, & si engendrét la seméce de generation, Ils sont charnus & pertuiles pour plus legerement

Digitized by Google

attraire l'eaue a la vessie. Ils sont ronds affin qu'ils ne recueillent humeur qui les dispose a pourriture et sont garnis de gresse affin que la froidure du dos ne les griefue.

Dela Veßie. La vessie est ainsi appellée selon Isidore par ce, qu'elle prent & contient le vent, car par le vent qu'elle attrait elle s'ouure & estend, & quant elle met le vent hors se clot & restraint. C'est vne peau ronde vuide par le dedans comme vn sac qui est clos de toutes pars sors par le hault. La vessie est dure affin qu'elle ne soit blecée par la presse de l'urine q en elle est receüe, elle est close de toutes pars affin que l'urine n'en isse, & par ce entre & ist tout par vn pertuis. Elle est ronde pour mieus s'est edre en receuant l'urine.

#### De L'urine.

Vrine est la couleur du sang et des autres humeurs engedrée par l'oëuure de nature.L'urine est commencée au foie , mais elle prent es reins sa substance, sa couleur & sa tainture par la force de la chaleur du foie & des reins, puis entre par le pertuis en la vessie. On appelle ceste substance vrine par ce qu'elle ard & mord ce qu'elle touche,car elle feiche de fa nature,& pourtant elle vault contre la rogne, vessies, clous et bosses quant on en laue la maladie. Elle est bonne contre la maladie de la rate,& quant on la boit elle guerrit les plaies pourries qui sont dedans le cors. L'urine est aussi appellée demonstratiue, car elle demonstre l'estat du cors par dedans. Par la residence de l'urine que les medecins appellent ypostasis on peut iuger de l'estat du cors bon ou mauuais, car si la residence qui est au sons de l'urine est blache & bien

bien assemblée sans divisió c'est signe de forte veru, & que l'oéuure de la chaleur naturelle est acooli dedans les membres. Par la moienne region de l'urine nous iugeons de la moiéne region du cors, comme du cueur et des parties qui sont autour, car li l'urine est a ce meillieu bié disposéé en substance & en couleur, & qu'elle ne soit perse ne pleine de nues obscures, c'est signe que les mébres spirituels sont sains. Par la haulte partie de l'urine on conoit la force & la vertu du chef & du cerucau, car si le cercle qui est sur l'urine n'est trop gros, ne rouge, ne pers, ne vert, ne plein de petis grains, mais est temperé en substance & en couleur, c'est signe que le cerueau & tous les membres seruans a la vertu de l'ame sont sains & en bon point, & si les signes contraires sont en l'urine, c'est signe de contraire disposition ou chef ou au cerueau. On iuge de l'urine specialement par la substâce & par la couleur, car quant elle est subtille en la substance, c'est signe de seiche humeur, et si elle est espesse, c'est signe que l'humeur est moiste et a seigneurie en la personne, mais quant la substance de l'urine n'est trop clere ou subtille ne trop espesse, c'est signe de bonne temperance.

#### Du Nombril.

E nombril est le moien lieu du cors, & est ainsi appelle selon Isidore par ce qu'il vnit & ioint deus choses ensemble, c'est assauoir la mere & l'ensant, car l'ensant estant ou ventre de sa mere pend au nombril, & par la est nourri, come dit Isidore. Le nombril est composé de ners & d'arteres, & moiennant le nombril l'ensant suce & attrait le delie sang de la mere, & recoit l'esprit par les ar-

les arteres. Quant l'enfant ist hors du ventre de 🛂 mere, le nombril est ropu ou couppé de la matrice & ist auec l'enfant, puis on lui lie les ventrieres a la liëure de quatre doigs, & de ceste liëure se fait la ronde bosse qui est au dehors du nombril. Et dit Aristote, que le nombril est vne escorce qui cotient les veines, & qui se cotinue auec la matiere ou l'enfant est formé,& court le sang de la matrice par les veines du nombril comme par vn conduit pour le nourrissement de l'enfant. L'enfant donc quant il est coceu croit par l'escorce du nombril. Les genitoires de la femme sont mussés en son nobril come ceus des homes sont es reins enracinés. Et a ceste consideration en la sainte escriture par le nombril est souuent entendu luxure.

#### Des Membres des Genitoires.

Sidore a escrit que les membres geni-toires sont les parties du cors qui ont receu force d'engendrer lignée, on les appelle les parties honteuses, et a ceste consideration sont toujours couver-

tes. Entre ces mébres en i a vn appelle la verge, ainsi nomé par ce qu'il est en l'home seulemet, ou par ce qu'il en ist venin, ou bien par ce que c'est vn mébre verecundeus, come dit Isidore. Les autres mébres feruans a generation font les deus genitoires, fans lesquels l'homme n'est parfait ne idoine & puissant a engendrer son semblable, Et quat sont ostés pert sa force & vigueur, & deuiet foible come vne femme sans hardiesse, comme dit Aristote ou tiers liure des bestes. Autres choses vous en diroie, mais elles sont trop lasciuieuses, & pourtant ie m'en deporte. Et vous suffise d'entendre que tels membres sont Faits pour generatió, et non pour abuser hors mariage contres les commandemens de Dieu.

#### De la Matrice.

A matrice est vn mébre singulier en la semme, forme en maniere d'une vessie, & est ordonné a receuoir la seméce pour conceuoir. A ce lieu courent les humeurs appellées les fleurs, qui aduiennét comunemet selo le cours de la lune, come dit Isidore. Ces fleurs sont es femmes natu- Isido. erellemét tát qu'elles ont vertu et puissance de coce- thi.li.11 uoir et no plus. Et cobié que ceste matiere de sleurs soit de telle nature que les bleds qui en sont touchés ne prouffitent, & que les arbres & herbes en perdent leurs fruits, neantmoins n'est a mespriser, car c'est le comencement d'humaine generatio & nourriture des nobles & non nobles, & en est le champ d'humanité arrousé, tant que l'enfant est en la matrice. Ceste matrice a trois chambrettes a la dextre, esquelles les fils sont coceus, & trois a la senestre ou les filles sont conceues. Et si vn enfant estoit conceu entre les deus chambrettres auroit deus natures, d'homme et de femme, qu'on appelle hermofrodite. En ceste matrice est l'enfant coceu, affublê d'une peau,qu'on appelle fecodine qui fort hors auec l'enfant, & si elle demeure dedas, met la mere de l'enfant en dáger de mort , si foudain n'en est tirée & mise hors par les cirurgiens ou autres gens expers.

Des Fesses, Nages, Hanches & Cuisses.

Es fesses ou nages sont ainsi appellées par ce qu'on s'affiche dessus quat on se siet, come dit Isido. esis lidore. Et a ceste cause la chairi est asséblée thi.li.u

2 CC

a ce qu'a la pesanteur du cors les os ne soiét bleces quat on se siet. Les fesses sont pleines de nerfs pour lier les cuisses aueques le cors, elles sont bien charnues pour temperer la froidure des os & des nerfs,

& pour deffendre la sensibilité des nerfs.

Les hanches & cuisses sont de grans os fors & creus par dessus & bossus par deuant, & sont agus en deus lieus. Ces os sont grans par ce qu'ils portét les faix du cors et font le fondement de tous les os, & par ce aussi qu'ils ont plus grandes iointures,& plus grans nerfs pour mouuoir les iambes et les os. Ces os sont fors par dehors pour garder les nerfs de blesser. Ils sont ronds par dehors & droits, autrement le cors ne seroit droit. Ils sont aussi caués dedás & bossus deuát, pour estre plus fors en leurs mouuemes. Aussi sont garnis de chair & musteaus a ce qu'ils ne soient si tot blessés, & pour temperer leur froidure ils font gros par le hault et grefles par le bas pour estre mieus proportionnés aus parties hautes qui sont grosses & a celles du bas qui sont gresles,& pour ce retiennent le moien. Ceste partie s'estend de l'aine iusques au genou,& se meut la hanche dedans la cuisse. Entre laquelle hanche & cuisse i a vn creus qu'on appelle le tournant de la hanche, ou la vertelle.

#### Des Genous.

Es genous ioignent & assemblent les cuisses & iambes, & sont appellés genous, par ce qu'au ventre de la mere l'enfant a les genous cotres les ioues, & pour ceste raison des ioues

Isido. e- sont nommés les genous selo Isidore, car quát l'enthi.li.11 fant prét sa forme ou vêtre de sa mere, il a les seus contres les genous & les ioues, & de la rodeur des

genous

genousest fait la rondeur de la fosse des seus. Et a ce propos dit Aristote qu'un homme qui est de genous pleure plus voluntiers qu'en autre estat, a la raison de ce que nature lui rememore l'estat de tenebres ouquel il estoit ou ventre de sa mere. Les genous sont os ronds & creus pour mieus ioindre les iambes auec les cuisses, & sont pleins de ners pour lier les parties basses auec celles du hault, & pour estre mieus mouuans, aussi pour enuoier les esprits de vie aus iambes & pieds. Ils sont pauures de chair & gresse pour eus mouuoir continuellement. Et par ce qu'ils ont peu de chair & moult de mers sont bie sensibles & passibles & aisés a blecer.

### Des Iambes.

Esiambes sont appellées Tibie en la-tin, par ce qu'elles sont longues a la facon d'un instrument de musique appelle buccine ou fleute selon Isi-dore. Elles sont moiennes, entre la Isido. ecuisse & le genou liées & enchainées de ners thi.li.11 auec les parties haultes. Et par ce le mouuement & gouvernement de la vertu qui fait aller vient iusques aus pieds. Les iambes sont d'os tresfors faits comme colonnes, propres a porter la pensanteur du cors. Les os par le hault & derriere font vestus de chair et de musteaus affin qu'elles ne soient blecées de la dureté des cuisses quant elles se ploient cotre elles. Les os des iambes sont pleins de moelle pour mieus garder les esprits & les vertus qui viennent aus iambes par les nerfs, & par les arteres, & pour arrouser la seicheresse des os, aussi ont plusieurs nerfs pour estre de plus leger & simple mounement. Des

Digitized by Google

## Le premier liure Des Pieds

E pied ne se meut de soimesme, mais

🔏 par le mouuement de la iambe en laquelle il est assis & fiché. C'est la der-🗽 niere partie du cors foustenát tout le faix de l'hôme, & est coposé de xliiij. os, dot en i a deus aus talos, trête aus doigs, et douze au demourat des pieds. Le pied est charnu dessoubs pour garder que par la dureté des os les nerss & les arteres ne soient bleces. Il est plein & plat au bout pour mieus attaindre ce qui seroit soubs lui, & est creus ou meillieu par ce q si vne chose ague alloit dessoubs le pied, i peusse obeir sans estre blesse au moien de ladite fosse. Les os des pieds sont lies & ioints ensemble de diuers liés et par plusieurs nerfs, ce qui est necessaire pour estre plus fors a foustenir tout le cors et pour auoir plus leger mouuemet.La peau de la plante du pied est plus dure qu'aucune autre partie du cors, affin qu'elle ne soit blessée des verpines & autres choses dures, aussi est chargée de tout le cors, & pour le labeur qu'elle prêt a cheminer s'endurcit. Le talo est la derniere partie du pied par le derriere, et est ainsi appellé par ce qu'il foulle la terre & i laisse la trace en la foullát. Le tallon est rond & vn peulong, a ce qu'il ne soit si tot blesse, & pour mieus se ficher en terre, il est lie de molles liëures auec la cheuille du pied pour plus legerement se mouuoir hault & bas. Les plaies du talon sont fortes a guerir a la raison de ce qu'il a peu de chair & par ce qu'il se meut souuent. Des os, de la mouelle & des tendrons.

Es os sont l'asseurance du cors, comme dit Isidore. Et sont ainsi appelles par ce qu'anciennement on les souloit bruler, ou parce qu'ils qu'ils prennent le nom latin de la bouche. Les os du chef sont appelles vne iointure par ce que par les nerfs sot ioints ensemble come s'ils estoiet glués ou collés & qu'il n'i eut qu'un os. Les bouts de ces os sont appelles vertelles, par ce que par eus les parties du cors & les membres se tournét l'un vers l'autre.Les os font la plus dure et la plus feiche partie de tout le cors pour la dessense d'icelui. Ou cors i a grand quantité d'os de diuerses especes pour le rendre plus fort et plus mouuant & i a si grant lien par eus entre les membres, que quant l'un se deult les autres s'en fentent.Les os font tendres au bout affin qu'ils ne se blessent en se touchat l'un l'autre, & font les os des masses plus durs que ceus des femelles. Les os sont le fondement de tout le cors, & font froids, durs & fecs, & par ce que froidure a feigneurie en eus sont blancs. Les plus fors & les plus fermes fons creus & vuides par le dedans pleins de mouelle, & ioints ensemble par les nerfs, aussi sont vestus de chair & de cuir, car ils soustiennent la chair & le cuir sans flechir.

Les os ne sentent rien quant a eus, mais ils sont sentir grant douleur au cors quant on les heurte et quant ils sont brisés, au moien de ce qu'ils sont pres des nerss qui les ioignent & lient l'un a l'autre. La mouelle qui est dedás les os est ainsi appellée par ce qu'elle mouille les os, les cosorte, et tépere leur froi dure. La moelle est vne substâce chaulde & moiste qui est engendrée dedans les os de plus pures & plus croissantes parties de l'humeur qui nourrit le cors. La moelle nettoie l'insluéce des esprits par le cerueau, et par especial la moelle qui est en l'eschine du dos, & donne substance et mouuemét parmi les nerssaus mébres qui sont dessous le col. La moelle O ij comme

comme dit Isidore, par sa subtille liqueur & clere gresse ist par les os en maniere d'une sueur & subtille liqueur laquelle sond aucuesois par la chaleur de luxure, & vient es reins, & la dedans allume le seu d'amour et le delit charnelle. La moelle croit et diminue selon la lune. Les tendrons autrement nommés cartilages, sont plus durs que la chair, & plus mois que les os. Et les a nature ainsi faits assin qu'ils ne rompent au ploier, ils vestet & couurent les bouts des os a ce qu'ils ne se blessent en leurs iointures. Et quant ils sont couppés ne croissent plus, & ne sentent aucune chose quant a eus non plus que les os, comme appert aus narilles, aus nes & au bout des coultes, mais pour les nerss qui sont entre eus ils ont leur mouuement.

# Des Nerfs.

Es nerfs estans au cors de la personne sont necessaires pour porter, sentir et doner mouuement aus membres, & par especial aus os & aus tendrons qui n'ont sens ne mouvement.Le cerueau est le principal mouuement de tous les nerfs. Car il est comencement du mouvement voluntaire & de tous les sens. Il i a six paires de nerss procedás du cerueau. La premiere paire s'en va aus ieus & aus instrumens des autres sens pour leur donner sentement & mouuemet, & ces nerfs sont plus creus,plus caués, plus grans & plus mols que les autres Les nerfs de la second paire issans du cerueau, commencet a la partie derriere des premiers nerfs,& issent par vn pertuis qui est pres de la fosse des ïeus, & donne mouuement aus îeus. La tierce paire commence plus derriere que la seconde, & en issant de la poupe parmi le siege du chef se divise en quaen quatre nerfs particuliers qui s'espandent par diuers lieus en maniere d'un reth a pescher. La quatrieme paire des nerfs se cóioint a la premiere, se depart & s'espand premier parmi la peau du cerucau, qui est appellé la doulce mere, pour i prêdre le sens de toucher. La ciquieme paire est d'un nerf, lequel quant il ist du cerueau se depart en deus nerfs, l'un desquels entres es deus pertuis des aureilles. & en eus i estendás leur done le sens d'ouie. L'autre en s'estendat parmi les temples iusques aus ioües aide au mouuement de les parties & a faire leurs operations. La fixieme paire sont deus nerfs issans de la poupe du cerueau qui est en la partie du chef derriere. Et de chacun de ces deus nerfs issent trois autres nerfs lesquels s'estendent egallement par hault & par bas pour faire le sens & le mouuement. Il i a plusieurs autres nerfs qui seroient trop longs a nommer & declarer. Cela demourra pour les phisiciens & cirurgiens, & vous suffise que les nerfs prennent leur commencement du cerueau, sens & mouuement pour les distribuer par tous les membres. Les nerfs joignent & concathenent ensemble les parties du cors qui sont diuisées. Les nerfs font mols a leur issue, mais apres endurcissent. Les nerfs dedans eus recoiuent l'esprit, le gardent & portent par tout le cors.Les nerfs par leur agilité & simplesse font les os ploier qui de leur nature ne le peuuent faire.

Des Veines.

Es veines sont necessaires au cors, car ce sont les vaisseaus du sang pour le porter du soie iusques aus membres pour les nourrir. Elles sont plus molles & de plus tendre nature que les ners, pour mieus muer le sang qui vient en elles du O iii foie.

foie, duquel sont voisines quant a nature. Les veines issans du foie sucent de lui le nourrissement du sang, ainsi comme de la mere & le distribuét a chacun des mébres selon sa necessité. Entre les autres veines en i a vne appellée artere qui est necessaire a nature pour porter la chaleur naturelle du cueur a tous les mébres. Les arteres sont de deus petites peauls semblables quant a figure, non quant a substance.Les arteres sont de plus dure substance es doigs qu'en nulle autre partie de dehors, par ce qu'ils se meuuet cotinuellemet & retienent l'esprit venant du cueur. Quant la veine est pleine de sang corrompu, elle corrompt tout le cors, côme appert es meseaus qui ont le sang des veines corropu. La veine est ouuerte ou bras qu'on appelle seignée pour la santé du cors & les veines qui sont trop estroites ou trop chargées de chair & de gresse ont moins de sang que les autres, a ceste cause la chaleur naturelle deffaut en leur substance parquoi la personne en vit moins,

# De la chair, de la gresse & de la peau.

A chair humaine est plus noble quotes les autres chairs a la raiso de cequ'elle est coiointe a l'ame raisonnable. La chair selo sa nature est chaulde & moiste pour nourrir la chaleur naturelle, aussi est la couverture des os, des nerss & des iointures, leur dessense en trois manieres. L'une est molle de nerss & musteaus, c'est la chair qui est entre les iointures principales. L'autre partie est moienne entre mol & dur come sont les tendrons des os qui ioignét la chair & les os ensemble. La tierce est assense est amocelèe ensemble comme glans.

glás, & estappellée chair gláduleuse.La chair seule fans mixtion est ou dos & es géciues des dents. La chair moienne entre maigre & grasse est a louer quant elle n'est entremessée auec sang corrompu, ou engendrée de mauuais sang, car telle chair est

commencement de corruption.

Au regard de la gresse qui est egendrée ou cors Dela c'est vne chose moulte qui est assise sur les peauls & greffe. fur les bouts ou sont les nerfs qui (selon Aristote) est engédrée ou cors du sang non digerê, & par especial par petit mouvemet. Et de tat plus la gresse croit plus le diminue le lang. Dit outre q le labeur & le mouuemet ofte la gresse & la chaleur aussi, & que les gens gras malades sont de difficile guerison pour l'abondance des humeurs en eus assemblées. Et par ce aussique nature est si chargée de la pesateur de la gresse qu'elle ne se peut mouvoir pour croistre la chaleur naturelle, & couient qu'elle demeure estainte & que la personne meure. Et quat a De la la peau c'est la premiere & principalle counerture peau. du cors pour le deffendre des passions de l'aer & de la pluie. Elle est tédre & delie de sa nature, affin qu'elle n'occupe trop le cors, elle est ferme pour mieus contenir ce qui est dedans lui & pour mieus resister aus bleceures qui viennent par dehors. La peau est plus molle en l'homme qu'en la femme ne qu'en beste, elle est toute pleine de petis pertuis, mesmemet la peau de la teste pour mettre hors les fumées non necessaires, & sont ces pertuis ouvers par la chaleur & les fumosités qui sont entre cuir & chair & issent & sortent par vapeurs & sueurs.

Du poil, des cheueus & de la barbe. E poil est ainsi appelle par ce qu'ilist & sort de la peau. Selo Ilidore le poil naist de fumée O iiij chaulde

chaulde & seiche, car quat elle sort hors par les petis pertuis de la peau elle seiche par l'aer de dehors & le conuertit en poil. Les cheueus sont ainsi appelles par ce qu'ils sont le poil du chef.Les cheueus sont faits pour la beauté de la persone & pour garnir & desfendre le cerueau du froit. Les cheueus naissent de grosses & chauldes fumées qui viennét des chauldes & ardantes humeurs & issent par les petis pertuis de la teste, puis sont seichés par l'aer de dehors, come i'ai dit du poil. Les cheueus prennent leur qualité & couleur selo la qualité de ceste fumée, car si elle est noire les cheueus sont noirs, si elle est espesse les cheueus sont espes, et si elle est petite i aura peu de cheueus, & si ceste fumée faut du tout, les cheueus tumbét & est la persone chaulue. Quant ceste fumée est empeschée ou corrompue par autre humeur la personne ne deuient propremét chaulue, mais par vne maladie appellée alopisie vne partie des cheueus lui tumbent par le deuant. Les cheueus deuiennent chanus parla froidure de l'humeur qui nourrit les cheueus, & pourtant le flegme qui est froit & moiste fait chanir les cheueus, car de la fumée froide & blanche sont engendrés le poil & les cheueus blancs . Quant i'ai parlé du poil ie i comprens la barbe que l'homme porte au menton & es ioues, non pour quelque vsage ou office de deffense, mais seulement pour la beauté de l'homme, car comme dit saint Augustin. Si la barbe estoit donnée pour la deffense ou minutió d'aucun autre membres les femmes qui sont foibles auroient barbes. Et si vous demandés pourquoi les femmes n'ont barbe en la face, les philosephes dient que c'est au moien de ce que les homes sont plus chaus que les femmes, & que le poil de la barbe

barbe vient de la fumée chaulde qui est en l'hôme. Et a cesteraison on voit que les semmes qui sont plus chauldes que les autres sont que lque peu barbues non tant que les hommes, aussi que les hommes chastres esquels n'i a chaleur naturelle ont desfaut de la barbe.

# Comme on doit loger le cors.

Ame Phisique, dit l'Ame i'ai veu que c'est du cors auquel i'ai donné vie & ouquel ie suis herbergée pour passer le repaire de vie humaine, reste sca-uoir comme ie doi loger & nourrir le cors a ce que touiours m'en puisse aider pour seruir Dieu & passer ce monde. Ame raisonnable incorporée, dit Phisique, plusieurs docteurs de sciéce naturelle & humaine en ont escrit, & mesmement Epicurus qui en est reprins, non pour ses defauls, mais pour les additions de ses sectateurs & entre autres de Methodore'& Hieronime, comme recite Platine en son liure d'honneste volupté, toutesois Has non suiuant les Epicuriens, mais la loi de necessité Platina & honnesteté qu'on doit garder en la forme de de honeviure vous noteres que premieremet est necessaire sta vols loger le cors puis le nourrir & lui donner quelque ptate. repos de dormir & autrement. Et pour bien le loger on doit aduiser & eslire tant en la ville qu'aus champs felon le tems vn lieu fain,ioieus,delectable & beau pour i exercer son astuce, estat ou mestier selon la qualité de sa vocatio. Les maisons sont géneralement louees quant elles sont en bel aer, & que d'icelles on voit loing les champs. Et pour en parler en particulier, en esté on doit demader lieus hauls no nebuleus ne subiets a la tépeste des vens.

Et en

Et en tel lieu on doit faire son hostel ou maison qui ait chambres bien prinses & ordonnées, dont les fenestres doiuét estre d'un costé sur le soleil leuant qu'on appelle orient, et de l'autre costé sur septentrion, car par les fenestres regardát l'oriét sera le logis cler & lumineus, yoire purgé par le soleil fans grand chaleur, et par l'ouverture de la fenestre regardat le septétrion dont viet le vet de bise froit et lec sera tout le logis refrigeré, mais si les fenestres & veues sont vers le midi & l'occident, le logis sera tourmété de cotinuel soleil, voire touiours chault, tepide, mol & ennuieus et fort contraire pour entretenir santé. En iuer convient garder le cors & membres de trop grad froidure, en faisant bon feu a l'hostel, toutefois n'est besoing d'arrester loguement affin que le feu n'apparesse le cors & debilite l'entendemét & le cerueau: car la trop grande frequentation du feu engendre mauuailes humeurs au ceruean & en la teste, dont procedent les reu. mes & caterres.

Qu'on doit faire pour la fanté du cors a fon leuer au quel labeur on doit prendre.

Pres que la persone est resueillée et se veut leuer du lit, doit incôtinét apres son fon resueil estêdre ses mains, pieds & autres membres, & se frotter vn peu le poux des bras pour subtiliser l'esprit ou cerueau & attirer les esprits vitales aus sens exterieures. Secondemét apres auoir prins ses premiers vestemés doit peigner ses cheueus pour ouurir les pores de la teste et faire sortir du cerueau les vapeurs, qui sert moult a la coservation de la veue. Tiercement doit lauer ses mains d'eaue clere & froide.

froide, par ce que ce sont les instrumés par lesquels on munde & nettoie les ïeus, les déts & le nés. Et a ceste raison doiuent estre nettes, aussi resueillét les esprits vitales. Quartement doit aussi lauer les seus d'eaue clere & froide, car le lauement lui conforte moult la veue & la garde en son integrité. Quintemét doit aussinetoier d'eaue clere et froide ses déts et sa bouche, car le lauement empesche la mauuaise alaine et douleur des dents par ce que de l'immundicité des dents vient la mauuaise alaine, aussi en vienment les immundes esprits qui montét au cerueau & le troublent. Et tout ce fait, la personne se doit pourmener & prendre quelque exercice corporel pour faire descendre au bas & euacuer l'urine & autres superfluités de la premiere & seconde digestion, car l'excercice & labeur du cors est tresnecessaire pour la santé d'icelui, a ce que le sang mauuais & corropu foit amédé & les mébres fortifiés et plus propts et legers a ce qu'on vouldra faire et aussi que l'estomac qui est cause de la chaleur soit excité a bon appetit, et que l'entédemét auec l'aide des sentemens puisse plus facilemet & legerement paruenir aus choses occultes, bonnes & honnestes tédás au salut de l'ame & de la vie corporelle, toutefois couient garder ordre et mesure en ce labeur.

Et pour l'entendre tout labeur soit du cors ou Quellade l'esprit est double, l'un proportioné a nature & beur on
l'autre non. Le labeur proportioné est moié entre doit prefort & foible, entre grant & petit, entre tardis & drepropt. Et ce moié labeur ne done trop grat chaleur
ne trop grad froidure a celui q trauaille. Le labeur
non proportionné est en celui qui ne garde ne obserue ceste temperance, mais la transgresse & tel labeur est a euiter, car par icelui la personne deuient
seiche

Digitized by Google

seiche & froide a la raison de ce que ce labeur immoderé gaste & consumme la vertu & les esprits. Encores ia deus manieres de ce labeur non proportionné, l'un est vniuersel & l'autre particulier. L'uniuersel est celui par lequel tous les mébres du cors se mouuent: comme courir, iouer a la paulme, danser & autres semblables. Le particulier est celui par lequel aucuns membres fe meuuent & les autres se reposent: come escrire, couldre & leurs semblables. Tels labeurs varient le cors selon les diuerses offices qu'ils ont, car aucuns eschauffent & seichent comme le labeur des mareschauls, ferrons. lesquels le seu venant de la fournaise seiche & eschauffe.Le labeur des boulengiers & patissiers fait le contraire: car il les rend froids & moistes.

Le labeur particulier non proportionné est triple.L'un est fort, l'autre foible & l'autre moien. Et a ceste raison convient considerer la qualité, quantité, tés & lieu du labeur: c'est assauoir que la qualité ne foit trop haftiue ne tardiue, que la quantitê ne soit trop grande ne trop petite. Et quât au lieu il est aucunefois froid & sec : comme le lieu du labeur des pescheurs, aucune sois sec & chault come le lieu du labeur des chasseurs & ainsi d'autres lieus

& labeurs semblables.

Quant au tems notés que le labeur du matin & a ieun est moult prouffitable come i'ai dit, & le labeur d'apres disner aide a la digestion & a euire les viandes, pourueu qu'il soit moderé, car s'il est trop grát i a danger, a la railon de ce qu'il elchauffe trop le cors dedans & dehors . Pour moderer le labeur du matin conuiet le garder qu'il soit si grant qu'on en sue. Et apres le disner est conuenable se tenir quelque peu droit pour faire la premiere digestion a l'aise

a Paise & attendre que le cors soit temperé en soi, Puis trauailler le cors a quelque honneste exercice, Se autant apres le soupper. Et generallement tous labeurs doiuent cesser des ce qu'on comence a suer ou incontinét qu'on se conoit estre las. Aussi conuiet mesurer le labeur soit spirituel ou corporel en forte qu'il foit selon la force & vertu de la persone, & qu'aucuns des membres ne soient trauaillés par le repos des autres.

Apres le grant labeur on se doit garder de soudain arrest et aussi apres le log repos de labeur excessif: mais conuiet le tout faire par compas & peu a peu, a ce que nature ne soit greuée. Et si aucun a prins du labeur plus qu'il n'a accoustume ne doit manger incontinent apres: mais attendre qu'il ait prins vn peu de repos, au moien de l'emotion du lang & des arteres, pour laquelle emotion en cas de refroidissement la viande qu'on prédroit pourroit plus tourner en mauuaises humeurs que bone nutritio & substace, comme dit Celius. Ie vous as. seure Ame raisonnable que le labeur temperê est tresnecessaire pour la vie du cors & de l'esprit. Et a ce propos dit Fulgence en vn sermon qu'il a fait de Fulgen-la Magdaleine: Que le labeur honneste est loialle tius. garde de vie humaine, l'aguillon de nature endormie, degastement de superfluité, fuite de peches, la mort des maladies, la medicine des lágues, le gaing du tems, la debte de ieunesse, l'aide & secours de vieillesse, la vie de salut & mortel ennui d'oissuetê qui est la nourrisse de tous mauls. Celui a doc grát vouloir de s'essongner de ioie & bon heur qui ne veut prendre peine & labeur. Et comme le labeur est necessaire pour la conservation du cors & de l'esprit, aussi est le repos, qui n'est autre chose fors ceffer

cesser de labeur. Le repos d'autant qu'il est cotraire a labeur doit estre consideré en autant de manieres que le labeur, car il est vn repos spirituel & l'autre corporel, & l'un & l'autre sont prouffitables a garder la santé du cors s'ils sont temperés & deuemét proportionnes a nature, si non ils corrompet l'ame & le cors en leurs operations. Si le repos est trop grat il engedre les mauuaises humeurs, les nourrit, multiplie & est cause de corruption, dont pouês veoir l'exéple en l'eaue qui est nette & clere de sa nature, car si elle est trop reposée se corropt & deuient infecte. Le fer & les autres metaus prennent rouille quant ils sont trop reposés. Aussi quant le repos est trop petit, il ne gouverne nature comme: il appartiét, ne restaure sa perte & n'enforce la persone, mais le repos moien est a louer: Car il coforte la chaleur de nature, recrée les fens & les amende, & aussi purge le cors moiennement.

Des quatretems & saisons de l'année, & comme on i doit viure pour la santé du cors.

Assons outre dit l'Ame incorporée a Phisique, & me declairés, come doit estre nourri le cors. Ie vous ai declairé dit Phisique come le cors humain est coposé de quatre humeurs, c'est-

du lang, colere, melécolie & flegme. Au foie est le lieu du sang, au cueur preside la colere. La melácolie a son domicile au costé senestre, & flegme tourméte la teste & l'estomac, et apres au grât dager de la personne descéd en la vessie & aus reins. Le sang chault & moiste est coparé au printems. La colere seiche & chaulde a l'esté. La melancolie seiche & froide a l'autumne, & le slegme froid & humide a l'iuer.

l'iuer. Et par vne semblable proportió ces humeurs croissent auec les elemens selo le tems. Car le sang croit ou tes de ver qu'on appelle le printes qui coméce le neufuieme iour de Mars que le foleil entre ou signe d'Aries & dure iusques au quatorzieme iour de Iuin que le soleil entre ou signe de Cancer. Et a ceste cause en ce printems on doit estre vestu de robes q ne soient trop chauldes ne trop froides, & vser de draps & panes legieres, prédre viades téperées et vin moderê d'eaue par mesure. Il est bon mager oudit tems chairs legers come mouto, poulfins, cheureauls auec verius, et vser de toutes bones herbes, come bettes, bourraches, laitues & ozeille. Et quat aus iours maigres est bon vser de brouet de moyeus d'oeufs, de brochets, perches & autre poisson leger a escaille. Et couiet se garder de dormir sur iour, a cause des humeurs qui lors croissent & multipliët.Et pour les expeller & purger la saignée est bone & aussi la purgatio tat par medicine, que par femme a gens maries, non par necessité.

La colere croit en esté, qui commence le xiiij. Du tes iour de Iuin & dure iusques enuiron le xv. de Se-d'esté. ptébre, que le soleil entre ou signe de Libra, & lors on se doit vestir de robes simples & fresches et vser de viandes froides & moistes comme pousins au verius, laitues, mellons, citrons, courges, prunes, cerises, & des poissons que i'ai nommés, & de toutes autres viandes qui refreschissent, & est fort bon prendre sa refection au matin auant que le soleil monte & au soir auant qu'il couche, & se doit on garder des choses sallées, & de doulces & grasses, & vser tant qu'on pourra des choses aigres. Et si lon a sois hors le repas, on doit vser de cirop acceteus au matin, & apres midi de cirop violat & d'eaue

Digitized by Google

d'eaue bouillie, refroidie & succrée: mais au repa on doit prédre du vin, pourueu qu'il soit petit, non violat messéen eaue tant qu'il sente autant l'eau que le vin. Le labeur & trauail du cors doit estre moderé, & doit lon manger chair rostie so bremés, & ne souffrir sois aucune, mais boire souuent des buurages susdits, quoi que ce soit sentat autat eaue que vin. Et sur tout est bon pour sa santé s'abstenir de conjunction de semme.

D# tës d'autonne.

La melancolie domine en autonne. Qui commence des enuiron le xv. iour de Septébre & dure iusques au xiij.iour de Decembre que le soleil entre ou signe de Capricornus. En laquelle saison les cors humains sont subiets a grans dangers de maladies pour la varieté du ciel. Ét a ceste cause couient vser de viandes appetissantes & aigres, traueiller petit & ne aller aus femmes, estre vestu & chausse competammét selon la variation du tems, ne dormir au serain, se couurir la nuit & garder de froit, & doit lon faire diligence de se purger & de temperer les humeurs, car c'est la saison plus dagereuse & ou plus de maladies perilleuses aduiennent. Et pour ceste cause on doit mager vn peu plus qu'en esté & bones viandes, comme chappons, ieunes pigeons qui commencent a voller, & conuiet se garder de tous fruits,par ce que c'est la chose qui plus engendre de fieures, Et comme dit Galien, il n'eut onc de fieure, par ce qu'il ne menga onc de fruit. Aussi se doit on garder de boire eaue pure, & de se baigner en eaue froide, & semblablement de dormir au soleil a midi. Et qu'on n'endure fain & soif, mais qu'on mangeue quant l'appetit viendra si sobrement que la fourcelle de l'estomac n'en soit enflée & qu'on ne s'en sente pesant. Outre est requis garder

garder sa teste de froit la nuit & la matinée.

Le flegme domine en juer depuis ledit xv. jour de Nouébre jusques audit ix.jour de Mars ouquel tems on se doit bien vestir de robes bien fourrées & chauldes, & manger chair de beuf, d'oies, de pourceau, de cerfs, de biches, perdris, faisans, lieures, connins, oiseaus de riuiere, & autres viandes qu'on aimera mieus. Car c'est la saison ou nature fupporte plus de viandes en l'estomae pour entretenir la naturelle chaleur de dedans le cors. Et a ceste raison on peut plus mager qu'en autre tems, & mesmemét pain et chair boullie et peu de rostie, & boire bon vin quoi que soit non fort charge d'eaue & en sobriete. L'usage des herbes n'est fort bő en ce tems, mais potages et faulles modereemét espicées sont bones, le tout selon la qualité du cors & sa force & chaleur, & n'est lors dangereuse honeste & sobre copulation charnelle en mariage. Et vous aduertis qu'en toutes lesdites saisons la persone se doit garder sur tout d'aualler le pain & la viá- 🐠 de que premier ne soiét bié maschés auec les dents, & ne faire come les Allemans, lesquels souuent par voracité auallent la viande sans mascher qui est fort dangereus,car la viande non bien maschée est digerée auec grand difficulté, dont procedent plusieurs grand maladies. Et a ceste consideration on ne doit precipiter ses repas.

Comme on doit apprester la table, du disner et du soupper, de l'entrée, meillieu, et issue d'icelle.

Ous entendés Ame raisonnable, dit Phisique, comme deues nourrir le cors pour longuement viure es quatre saisons de l'année. Encores n'est ce tout.

ce tout. Car reste scauoir comme denes apprester vostre table a disner & soupper, & que deues premierement mettre dessus. La table doit estre approftée & mile seló le tems, scauoir est en autumne & en juer en lieu serre & chault. En esté en lieu fresche & couvert, come en galleries & iardins. Et au printems de ver en salles ou chambres assés amples & bien parées, & audit tems doit estre la table semee de fleurs. En juer on doit faire bon feu, & en esté doit estre la place semée de verdure & herbes odorantes. En tous lesdits tems les nappes & serviettes doivent estre nettes & blanches, autremet sont fascheuses et degoustent la personne. Les cousteaus, verres & vaisseaus doiuent estre bien fourbis & nets, car on en mange la viande qui i touche de meilleur appetit, & si est plus prouffitable & plus tot digerée. Platine en son liure d'honneste volupté a escrit

Trois *fernices* 

Le premier sernice de table.

qu'il i a trois tables: c'esta dire trois services de tade table. ble. La premiere est l'entrée, la secode est le service des viandes de chair ou poisson, & la tierce est l'issue de fromage ou fruit. Pour la premiere table apres l'auoir couuert de nappes on i doit mettre le sel pour sauourer toutes viandes & donner goust & appetit, car toutes viandes font fades fans fel. La vertu du sel est si chaulde, seiche & ardante qu'elle resoult, restraint, lie, seiche & mudifie quelconque cors qu'elle touche, & si garde les chairs mortes de corruptio, putrefaction & vers, pourueu que la saleure soit faite a tems & heure. De Villa Noua dit que le sel resiste au venin pource qu'il seiche l'humeur dot peut venir corruptio, & en serrat les pores garde le venin de penetrer. Aussi done couleur & embellit l'or & l'argent qu'on laye en sa liqueur

Sé engarde de perdre la couleur naturelle. Toutesfois le sel prins en grad quatité est cotraire a l'estomac,est fort nuisible au foie, au sang et aus seus, engen dre la gratelle, rongne & mauuais sang, & prouoque la persone a lasciueté en consumant sparme occ & seméce virille. Oultre eschauffe trop l'urine, fait excoriatió a la verge quat on le prent par exces. Et le sel qu'on met sur la table doit estre net, blanc & menu. Apres le sel on sert la table de pain qui est necessaire pour la sustentation de la persone. Et lo meilleur est celui qui est fait de bo fromet de couleur iaune qui ne soit trop nouueau ne trop vieil, mais de l'année de la cueillette. Et qui vouldra que le pain en soit bien nourrissant & pur on en doit seulement prendre la fleur sans qu'il i ait aucun son ou bran, mais pour le faire laxatif on en doit fort passer la farine, en sorte qu'il i demeure du son ou bran par ce qu'il vault a lascher le ventre, & la simple fleur de fromét le r'estraint. On ne doit mager Je pain chault ne trop dur, car selon Auicenne le .... pain chault oppille & fait auoir soif a cause de sa chaleur, & n'est receuable a nature. Et le pain dur n'est conuenable pour nourrir nature, aussi desseiche le cors & engendre humeurs melácoliques. Et pour ces raisons pour la sante de la persone doit manger le pain cuit du iour precedent. La miette qui est dedans le pain est meilleure & a plus grant & leger nourrissement que la crouste de dessus, laquelle crouste engendre humeurs melancoliques et est mal saine, fors a ceus qui ont l'estomac moiste & qui desirent estre maigres, & si la doit on manger a la tierce table, qui est a la fin du repas par ce-que la crouste aide a faire descendre la viande & conforte l'orifice de l'estomac.

Рij

10 . . . 4

Le box

Le bon pain de froment doit auoir cinq conditions. La premiere qu'il doit estre bien leue, autrement il oppille, c'est a dire empesche les conduits Auicen. de la digestion selon Auicene, toutefois s'il est peu praditto leué est de plus grant nourrissemet a gens qui font grant exercice corporel. La seconde qu'il doit estre ocuilleté, c'est a dire a pertuis procedat de la paste bien leuée, en quoi on peut connoistre que toutes les viscosités de ce pain sont ostées, & tel pain est de plus legere penetration, toutefois non fi nourrissant que l'autre selon ledit Auicenne. La tierce que le pain soit bien cuit, car le pain mal cuit est de mauuaile digestion & griefue fort l'estomac a gens qui n'ont grant exercice corporel, mais a laboureurs le pain qui n'est si fort cuit est de plus grant nourrissement selon Auicenne. La quarte que le pain doit estre téperéement sallé, car le trop douls oppille, & le trop salé desseiche. Et la cinquieme qu'il soit fait de bo fromet tel que i'ai dit ci dessus.

De l'entrée de la table.

loco.

On sert aussi a la premiere table, c'est a dire a l'entrée du disner ou du soupper de toutes choses laxatiues, appetissantes & de petit nourrissement selon la saison, comme en printems & en esté de laitues et autres bonnes herbes auec huilles d'oliue & vinaigre, prunes, guines, cerifes & autres fruits au noiau, & es autres tems de petites salades de chair a ce appropriées auec les potages en tous tés, Et autres ausiours maigres, de beurre & d'oeufs. Les salades sont fort bonnes de capres, laitues, siceree, pimpenelle, vinette, pastinades & plusieurs autres bonnes herbes.

De la se codetable.

A la seconde table au second service on sert de viandes soit chair ou poisson.La viade selon Constantin est une substance convertible en essence du

COIS.

cors, par laquelle le cors est nourri, prét son croist, la vertu & la soubstenace, car la chaleur des mem**bre**s tát par le dehors que par le dedans est si gráde et forte, qu'elle se degaste continuellemet. Et pour ceste cause est la viade necessaire pour restaurer ce qui est perdu de la chaleur naturelle, car quant elle est prinse se couertit en la nature du cors qui la re. coit. Et auant qu'elle i soit convertie i sont neces saires plusieurs choses, c'est assauoir qu'elle soit premierement appareillée & bien cuite, secondement qu'elle soit trenchée ou menuisée, tiercemét qu'elle soit maschée et moullue le plus qu'on pourra auec les dens, & quartement qu'elle soit auallée & receue en l'estomac, cuite & digerée dedans, quintement qu'elle soit tirée & distribuée par tous les membres, sextement qu'elle deuienne semblable a la matiere du membre ou elle est, & finalemét est convertie en la nature du cors, car ce qui est chault & moiste se convertit en chair & en sang, & ce qui est froit & sec se convertit en nerfs & en os; Quant la viáde est receire on vn ieune cors elle lui donne nourrissement & croissance, & en vn vieil cors tempere la chaleur naturelle, restaure ce qui est perdu & garde que le cors ne perisse. Les viandes qui se couertissent tot en sang par leur chaleur naturelle & humidité, come viandes delicates sont plus conuenables au gouvernement de santé, par ce qu'elles ont peu de superfluité. Les grosses viandes qui engendrét le sang gros sont plus conuena. bles aus laboureurs & gens qui ordinairement trauaillent leur cors. En toutes viádes on doit regarder & confiderer la fubitance, la qualité, la quatité, la necessité & l'opportunité de la prendre, comme dit Galien sur les Aphotismes. Et seroit bon auoir connoif-P üj

8: I

connoissance par les medecins de quelles viandes on se doit nourrir, & en quelle quantité on les doit prendre pour le gouvernement du cors. le vous en diroi, mais ce seroit trop long propos & extrauaguer de vostre intention principalle qui est aller au port de salut, ie vous remet aus liures qui en ont esté expressemet escrits, & entre autres a celui. de Platine intitulé d'honeste volupté, toutesois ie vous veul bien aduertir que trop de viande prinse tant bonne puisse estre, griefue nature, enfle l'esto-mac, engendre les tranchoisons, croit les mauuaises humeurs, cause & prouoque le vomir & estaint la chaleur naturelle come fait l'huille d'une lampe trop pleine le feu qui est dedans. Oultre produit roignes, clous, apostumes, retrait les nerses aduace vieillesse et la mort. Aussi trop peu de viande affoiblit nature, obscure la vetie, enrudit les sens, fait tumber les cheueus du chef, amaigrit le cors, engédre Pthysie & plusieurs autres maladies. Et a ceste railon on doit garder le moien, qui est manger so, bremet a les deus repassen sorte que nature se comtente pour la soustenace & nourriture du cors se, lon la complexion, fortant de table auec quelque peu d'apposit, et non prendre les viandes et vins de toutes fortes a pleine gorge, car la viande moiene, met prinse entre trop et peu, restaure ce que le cors e perdu, garde la verzu, croit le sang & tempere la chalour aguise l'engin, multiplie & garde la santê du cors & fait souesuement dormir, Aussi deues confiderer que moult de viandes sont cotraires en maladie qui sont prouffitables en santé, & au contraire, a quoi est requis auoir l'ocil & n'en abuser. Aussi est necessaire aus ieunes gens mager plus que les vieilles selon Ypocras, par ce que la chaleur na turelle

que tant plus ja de chaleur ou cors, plus tot digere la viande prinse. Et a ceste consideration doit plus manger pour sa nourriture.

Pour la tièrce table qui est la sin du disser ou du soupper, si vous aués mangé étair bouillie ou rostie, selon Platine vous prédres pommes ou poires stiptiques & qui auront quelque aigreur pour repeller les exalitions & famofites mutans au chef. Se cerueaua l'occasion des viandes prinses. Les poires & pommes totallement doulces fort plus foreables en la premiere table : Nicander & autres medecins approuvent le riffort qu'on appelle en aucuns pais faut, par ce que prins apres toute autre viade aide tresfort a faire bone cooction on penetrantialques aus fons de l'ekomae, dinnnuant le flegine, reboutat les vapours au che offet tiees, & purgeant les reins & vefsie; & d'auantage bit salutaire comme le venin, maisil n'est bonne libuable a la premiere table feloniles medecine, par ce qu'il chaffe la viande de l'estomac a cause de son ague & chatilde weitu ausi engendro eiustations empelchela decoction dela viande en l'eltomac. & prouoque a vomir. a' aures bonnes feateurs.

Vn peu de fromage dur clos l'estomac & onpesche & garde que les exalacions ne montent a la
teste & au cerueau, & tollit & oste l'estoni des viades grosses, et a veste cause on en mange volunters
apres la chair aisse de table. E sitche anisse pour l'isse de table apres viandes
de anis, senueil ou corrandre en sucre pour les enses sussisses aussi pour la fante de la gorge &
de la teste, maisse commun & menu peuple peut
vier desdites graines sans dontestion de sucre,
missione.

P iiii lesquel-

## . Le premier liure

lesquelles graines ont grans & fingulieres vertus, font fort recommandées par les medecins apres les viandes: Les chasteignes qui sont grosses, bonnes, sauoureuses & tendres si elles sont bien maschées & auallees en vn bon & puissant estomac, nourissont fort, engreisent & semble qu'elles donent bon appetit, Elles sont meileures cuites soubs les cedres que bouillies ou fricalsées en pot ou paelle a la fla-me du feu, par ce que les charbons et la cendre leur okent lour turgidité, inflation & vertu stiptique. Othere les choses susdites sont bos les coings cuits auec fuecre ou cinamome, & generalement toutes choses stipuques & restrictiues, mais en tems de poillon on doit bailler pour tierce table amandes, suclines, noix, noizilles, pour ce qu'a cause de leur Secrité repriment la froide & humide nature des poillons. Semblablement est bonne apres toutes riandes la rostie seiche de pain sans boire. Et les Bappes leuces est bon-& sain leuer ses mains, car cela aide a la digestion en tant que l'eaue fait retirerla halenr dedas le cors & icelle fortifie. L'eaue troide & l'eautiegni sont bones, & uncores meilleur le vir melle en saue, aussi l'eaue de roses ou d'autres bonnes senteurs.

Comme est necessaire boire eaue ou vin a ses re-

prestate Out ainsi que la viande est necessaire pour viure, aussi est le vin ou l'eaux pour humecter tant pour refrigerer le poulmon que pour pestrir la viade qu'on a prinse a ce qu'elle soit plus sa cilement guite & digerée. Le boire selon Constantin arrouse & amollit le cors qui est sec, restaure & amollit

amollit ce qui est dur dedans le cors, & porte la viande aus parties qui en sont loing, esquelles ne pourroit passer tant pour la grosseur d'icelles viandes que pour les boiaus & conduits qui sont trop estroits. Nous auons deus sortes de beuurages, scauoir est l'eaue & le vin.

Des eaues, aucunes sont sauourées & les autres Quelles fans faueur. Les caues fauourées font de clere fub- eaues stace qui sont de sontaines venas deuers oriet qui sont meil tot eschaussent & tot refroidissent, & telles eaues leures. sont données selon Constátin pour garder la santê, car au moien de ce qu'elles sont cleres appert qu'elles sont sans ordure. Et par ce qu'elles sont legeres appert que tot sont digerées. Et par ce qu'elles sot froides ou chauldes appert qu'elles sont subtilles & deliées. Deus linges nets & laués en deus eaues de deus fontaines mostreront laquelle est la meilleure, car le plus tot sec monstre la meilleure eaue. Apres ceste eaue la meilleure est celle qui sort deuers l'eptétrion a l'opposite du midi qui est assise entre orient & aquilon dont vient le vent de bise, laquelle est froide en esté & chaulde en iuer, & au moie des vens est plus deliée & plus legere. L'eaue descendant des motagnes & tumbant sur les pierres & fur le sablon & qui est clere comme l'eaue d'une grand riviere est bone & saine au second degré de santé. L'eaue de pluie est la meilleure, la plus sauoureuse, legiere & plus nette de toutes les autres comme dit Constantin, car la pluie est tirée par la chaleur du foleil qui ne tire que subtilles et cleres choses. Et aceste raison est plus subtille & demeilleure digestion, & toutefois par sa legereté se corrompt facilement comme dit Ypocras, & quant est corrompue griefue & blece la persone & engédre ficures.

## Le premier liure

fieures, par ce g en veut vser la doit garder de cor ruption. L'eaue de gresse, neige, d'estangs & palus ne vaut rien, mais est dangereuse. Et quelque eaue que ce soit, qui boit souvent eaues froides ne peut euader froides maladies & par especial en vieillesse seló Constátin.L'eaue est fort dangereuse a prédre auec la viande en grand quatité, par ce comme dit Auerrois, que quant l'eaue est prinse sur la vian de auant que l'estomac soit eschauffé elle le refroidit & rend cru, en sorte que la decoctió de la viáde re peut estre aisement saite. Toutesois si au moien de quelque grand alteration on prent de l'eaue froide en la fuccant & en petite quatité en auallat ne nuit a l'estomac, mais l'allege de la soif, recueille en foi les vertus d'icelui comme dit Auicenne. Et cobien que pour estancher la soif l'eaue soit plus conuenable que le vin, toutefois toutes choses considerées le vin est meilleur pour le regime de sante que l'eaue, car combien qu'en la grande soif qui est vn appetit de chose froide & humide l'eaue foit meilleure vniuersellement par ce qu'elle est froide 80 humide, toutefois naturellemet le vin est plus couenable a prendre aucques la viande pour la sante du cors par ce qu'il r'effouit nature & aide mieus a faire la digestion & nourriture.

Auicene recite que l'eaue est nuisible a boire en plusieurs autres cas. Le premier est en la persone qui est a ieun, car en ce cas l'eaue descend par tous les membres mortissat leur naturelle chaleur, mais en vn homme qui auroit trop beu & se seroit encores desenivre du tout est permis boire de l'eaue qui lui lauera l'estomac, le purgera des viandes superslues, nettoiera le slegme, amollira & cofortera le ventre. Le second est en la personne qui a trop

trauaille fon cors, ou qui a eu copule charnelle, Car au moié de ce que les pores sont tous ouvers l'eaue penetre iusques au profond des membres & nuit a la naturelle chaleur. La tierce est apres le baing prins a ieun, car s'en pourroit suiuir hydropisie.La quarte est quat on boit de l'eaue la nuit pour estacher la soif qui vient d'auoir trop beu & mage, car l'eaue en ce cas empesche la resolutió & digestion du vin & des viandes, par le moien dequoi la soif retourne incontinent, mais si la soif estoit vehemente & trausilloit la personne en sorte qu'elle ne passaffe pour lauer & gargariser la bouche d'eaue froide, on en peut prendre vn peu auec quelque vaisseau a bec a cerq l'eaue descéde goutte a goutte sur l'orifice de l'estomac. Quintement l'eaue prinse en grand quantité es gens non malades estaint la chaleur naturelle, amollit l'oftomac, empesche la digestion & fait courir & issir le sang hors du cors. Le vin selon Galien est compose de quatre sub- Hac Ga

stacos, c'est assauoir d'eaue, d'escume ou de l'aer, du lenus in feu & de la terre. La partie d'eaue se cossumme par commete longue demeure, en quoi faisant le vin s'enforce illius ca touiours, et a ceste raison les vins plus vieils sont nonis ze les plus chauls. Les vins sont diuers en odeur, sa-pti. reg. ueur & couleur. Car aucuns sont de bonne odeur acuto. Begrand mourriture, les autres sont de mauuaile odeur qui engédient mauvais sang & mal de teste. Quant a la saucur aucuns sont douls & plus nourvisians que les autres. Toutefois l'usage n'en est bo ne d'autres choses doulces, car elles nuisent en trols choies. La premiere est qu'elles faschent & enmaient au moien de leur chaleur & humidité, so empesohér l'appetit. La secode que choses doulces le convertissent sisement en colere su moien

46

## Le premier hure

de la velocité de leur inflammation, & tous febricitans & coleres les doiuent euiter.La tierce qu'elles opillent le foie & la rate qui attraient a eus choses doulces auec leur lie pour la grad delectatio qu'ils i prennent, Et de la procede que le vin douls est moins prouocatif a vriner qu'autre vin. Autres vins sont poignans qui confortent l'estomac, font le vêtre dur, & nuisent a la poitrine, les autres sont aigres & durs, & les autres amers quisont moins chauk q les autres. Au regard de la couleur aucrans sont blacs q sont de moindre chaleur, passats so 12 bdain & prouoquet a vomir, & tels vins ne sont Bos pour gens maigres, mais bons pour gens gras. Il i a d'autres vins qui sont de couleur vn peu iaune, & tels vins sont chauls, transpercent tous les mébres, engendrent le sang colerique, & esmeuuet la douleur du chef. Et l'autre vin est noirqui plus est nourrissant que les autres. Toutefois par ce qu'il est plus terrestre que le blanc & les autres la continuation est bonne: car le vin rouge ou noir constipe le ventre, & est de difficile digestion.

Constantin, Galien, Auicenne, Ypocrates & autres ont parlé amplement de la differncee des vins, de la bonté d'iceus, & suiuant ce qu'en a retiré Platine en son liure de honneste volupté. Ie di pour en parler indistinctement que le bonvin naturel qui est communement sur tous autres approuué, doit estre entre vieil & nouueau egalement que sa substance soit clere & nette, & sa couleur viue no chargée, qu'il aie bone & souséue odeur & slais reur que sa saueur ne soit trop forte ne trop soible; mais moienne en bonne maturité sans doulceur, et aussi qu'il soit frisque c'est a dire qu'en le versant en la tasse ou au verre il sonne & tinte, & aie vne le-

gere-

gere escume en forme de daulphin au meillieu qui tor passe, ou qu'il cirone & aie petites atomes quat il est mis en la tasse ou au verre. Et tel vin conuient a la nature de la personne pour l'entretenir saine, lui engendre bon sang & bonne couleur, rompt et ressoult le gros slegme, met hors la colere rouge par l'urine & sueur, eschauffe la colere noire & la fait sortir, & dissoult les matieres coagulées. Tel vin clarifie l'esprit & entendemet, appaise l'ire, chasse tristesse, donne ioie & liesse, force & eloquéce, produit hardiesse et audace, expelle immundicites, induit a liberalité & pitie, chasse auarice & cruaulté, & a brief parler le vin rend la personne vertueuse en ame & en cors. Et pour les vertus du vin les anciens l'appellerent le grant tiriacle : car il eschauffe le cors froid, & refroidit les cors chault, amoistit le cors sec, et deseiche le cors moiste, come dit Isaac.

Les louenges qu'on dit du vin se doiuent entendre du bon vin & tel que i'ai dessus declare & aussi quant il est moderéemet prins : C'est assauoir selon le tems, le pais, la qualité, & l'aage de la persone. Car le vin fort est requis a gens vieus en tems d'iuer & en froid pais: & le vin mixtionné d'eaue en tems de printems, d'esté & d'autumne, a ieunes gens & en pais chault. Et qui prent le vin au contraire & iusques a s'eniurer souuent plusieurs inconueniens en procedent selon Auicenne. Le pre-Auicenmier est qu'il corrompt la complexion du foie & vbisse lui ressoult la chaleur, & engendre des aquosités causans hydropisie, ou brule le foie & ses hu, meurs dont procede lepre. Le second qu'il corropt le cerueau par les fumolités qui tant souuét i montent dont procede frenesie, epilepsie & letargie.

#### Lepremierliure

Le tiers qu'il debilite les nerfs & fait trembler les membres tát en ieunes qu'en vieuls.La quart qu'au moien de ce que souvent par tels exces le vin est prins il s'aigrit dedans l'estomac dot procede spas me & paralisse. Le quint qu'ebrieté frequen te, en. gendre appoplexie au moien de la multiplication des humeurs que le vin prins par exces engedre ou cerueau en sorte que totallement empesche l'esfect des esprits vitauls qui deuroient s'espadre par les mêbres. Le sixieme est mort soubdaine, car par trop boire & s'enivrer souuét, au moien de la multitude du vin, ou des humidités engendrées par le vin, les voies & coduits de l'anhelit sont clos, & est suffoquée la persone ivre. D'auantage la coustume de s'enivrer suffoque l'esprit d'un homme, le deshonnore, le scandalise, l'affoiblit, le fait iurer, blafphemer dieu, mal parler, & faire toutes autres choses contraires a vertus, ainsi que poués scauoir par experience. Mais quant le vin est prins par moderation il est bon & sain a tous aages, car il conforte la naturelle chaleur des vieilles persones, il est conuenable aus ieunes par ce qu'il est semblable a leur aage & est bon pour les enfans, par ce que ce leur est viande & medecine, a la raison de ce qu'il conforte leur chaleur qui est encores trop foible, & si degaste & consumme leur humidité, qui est trop grande selon aucuns docteurs de medecine.

#### Du dormir & du veiller.

Ristote a escrit que le dormir est le repos des vertus de l'ame qui regnét ou cerueau, & r'enforce les vertus naturelles qui regnent au cueur et au foie. Autres diét que dormir est vne doulce

doulce passion, qui estoupe les coduits du cerueau & les voies du sens, & qui conforte la vertu naturelle, & r'appelle la chaleur par le dedás pour aider a la digestion. En dormant les parties du dedans s'eschaussent, et celles du dehors se refroidissent: & quat la chaleur est bié sorte, adonc est lié & estoupé le sens comun, qui est le centre & moien de tous les sens particuliers. Et quant le sens commun est estoupé, les sens particuliers ne se peuvent estédre ne venir iusques a leurs mébres, Ce que fait nature pour les faire reposer de leur mouvemet volutaire lequel ils ne peuvet loguement soussirir sans repos.

Le dormir prins par moderatio, qui doit estre de fix a fept heures, & depuis entre neuf & dix heures du soir iusques entre quatre & cinq heures du matin, & tel dormir qui ne vient pour trop auoir beu & mangé, administre a l'estomac la chaleur naturelle, purifie l'entendement, chasse maintes maladies qui peuuet aduenir par corrous, pour trop habiter auec femmes, pour trop peler & imaginer, ou pour trop auoir prins de viandes: & finalemét renouvelle tout le cors a faire honneste action dont vient habituation de vertus. Et ce dormir temperé est plus vtile aus gens vieils qu'aus ieunes : par ce qu'il garde les humeurs, desquelles la naturelle chaleur est nourrie. En esté fait bo dormir en lieu frais, mais qu'il ne soit moiste & les pieds nuds: car qui dort les pieds chaussés debilite sa veue, & eschauffe tout son cors. Et tout ainsi qu'en iuer la coyte de plume est meilleure pour dormir, aussi est en esté celle de laine ou coton.

Le trop dormir est dágereus, car il mortifie le cors debilite l'entédemét et estone la teste et le cerueau. La nuit connie & excite toutes creatures sensibles a repos

## Le premier liure

a repos et sommeil: par ce qu'elle est tranquille, ob scure, froide & moiste. Et a ceste cause ett le vrai tems pour dormir. E si les nuits sont trop brieues on doit emprunter du iour du matin & no dormir apres disner vers le midi, car le dormir du midi & apres disner est dangereus, & le deués euiter par ce que la teste en est debilitée, les distillatios en multiplient, la chaleur naturelle en est corrompue, & le cors en deuient paresseus, oiseus, ennuie, troublé & debilité, réd mauuaise couleur au visage & engendre apostumes, fieures & autres maladies, sinon en ges fort vieils & autres qui n'ont peu dormir la nuit, pourueu qu'on dorme vn peu non couché, mais alsis,& aulsi pour aucunefois euaporer les fumées du cerueau. Aussi est le dormir dangereus incontinent apres soupper, mais auat que se coucher on doit prendre quelque exercice.

Dormir a lenuers est dangereus, & engendre plusieurs griefues maladies, car le cerueau, les nerss & les reins en sont infects d'une fluente & liquide humeur & est contrain a nature. Dormir les espaules haultes et la teit lest fort bon pour la santé. Les debiles de l'estomac doiuét dormir sur la face & sur la poitrine, car ce dormir aide a faire la digestion & contregarde de croittre au cors plusieurs flegmes et superfluités en augmentat la chaleur naturelle, par saquelle toutes humeurs sont cuites. C'est chose vtil et bonne dormir sur le costé dextre au premier somme, & puis sur le senestre. On doit euiter les raions de la lune & principalemet de nuit quant on dort, par ce qu'elle produit froides humeurs, reumes & caterres en plusieurs facons, melmement si les raions de la lune, desquels la qualité est froide & moiste, viennent droitement tumber fur la

fur la teste du dormant, comme a escrit Platine en sondit liure d'honeste volupté. Et comme le trop long dormir nuit a la personne, aussi fait le trop veiller, car quant la personne veille, les esprits s'espandét deliurement par les membres, & seur donnent sentir & mouuoir pour faire les oéuures de l'ame. Et s'il i a excès en ceste veillée il croit la chaleur, amaigrit le cors & le seiche. Il griesue les seus & les paupieres, il endurcit la veue, il engendre douleur de teste, & affoiblit tout le cors.

# Des Songes.

E vous demáde, dit l'Ame, dont procedent les songes qu'on fait en dort mant! Le songe, dit Phisique, est vne, disposition en centre de la contraction en centre de la contractio f disposition en ceus qui dorment par laquelle les femblables de plusieurs et diuerses choses sont empraintes en leurs pésées par leur imaginatió, car par la gráde affinité g est entre l'ame & le cors aduiét aucuefois que les dispositiós & les passions du cors redondét en l'ame par l'application de la chair a l'ame, & quant le cors dort l'ame regarde en fongeant les images & femblaces des choses dont elle a eu experience parmi le cors en veillant. Et a ce propossaint Gregoire en son dialogue fait mention de quatre manieres de songes, dont approche fort Macrobe au songe de Scipion, disant qu'aucuns songes viennent par la trop grand vanité des songeurs, & tels songes sont a despriser entierement. Autres viennent d'illusion fantastique, autres d'imaginations qu'on a eues par deuant & tels songes sont ineuitables, car ils procedent du cerueau qui est vuide & qui recoit du ciel diuersité de formes selon la complexion des . . . . .

#### Le premier liure

gens, desquels songes on pourroit sans offense faire quelque jugement pour connoistre les coplexions des gens & leurs bonnes ou mauuailes dispositios corporelles, car les sanguins songét communemét choses ioieuses, honorables & vertueuses, les melácoliques choses tristes, auares & terrestres, les coleriques le feu & le sang, & les flegmatiques l'eaue & autres choses aquatiques & humides. Et si ces quatre qualités sont perturbées & intemperées es cors des personnes, le pourront connoistre quat le sanguin songe qu'il voit choses ordes, sales & deshonnestes, car c'est presage que son sang est corrompu. Quant le melancolique songe qu'il voit choses tri-Res, come mort de parens & amis, perte de biens & d'honneurs & autres choses semblables, c'est signe que l'humeur melancolique est corrompue. Quát le colerique songe le feu, le sang, guerres, homicides, vulnerations & autres choses semblables, c'est signe que sa colere est indisposée. Et quant le slegmatique songe qu'il tumbé en l'eaue & est en danger de se noier, c'est signe que le flegme est intempere & le surmonte. Et apres tels songes on les doit reueler au medecin, & prendre quelque remede pour temperer ces quatre qualités ainsi corrompues qui denotent & pronostiquet future maladie, Aussi viennent souvent ces deus manieres de songes de l'affection ou appetit que a la personne a quelque chole, comme celui qui a grát fain ou foif, songe qu'il boit & mange, l'auaricieus songe en or ou en argét, le voluptueus songe en semmes & filles & autres cas femblables . La quarte maniere des fonges font de ceus qui procedet par vifion, & tels fonges font aucunefois vrais, aucunefois fauls, aucunefois clers, aucunefois troubles qui gisent en inter-

interpretation. Ceus qui viennet par le mistere du bon ange sont vrais, comme ceus qui aduindrent a Ioseph espous de la vierge Marie par deus sois, & celui qui aduint au trois rois, cóme contiét l'euangile. Ceus qui sont causés des mauuais esprits sont fauls & damnables: fauls, car il n'i a seureté : damnables, car ceus qui foi i adioustêt sont excommuniés,& tels songes aduiénét a ceus qui ont quelque pact & conuenace auec le diable. Des songes clers, il est escrit ou liure des nombres ou nostre seigneur dit. S'il i a aucun prophete de Dieu entre vous ie m'apparoistraie a lui en vision, ou parlerai a lui par songes. Des songes troubles il est escrit de ceus de Pharaon qui furet interpretes par Ioseph. Et pour resolution suivant la doctrine de saint Thomas, Si aucun vie de songes pour connoistre les choses futures, si tels songes procedent par reuelatió diuine ou de cause naturelle intrinseque ou extrinseque tant que celle vertuse peut estendre, ce n'est illicite deuination, mais si elle procede de la reuelatió des diables, auéc lesquels on a paction, c'est chose prohibée par anathematizatio. Le sobre & discret entendement en peut iuger, mais no sans la grace de Dieu. L'ame se contente de dame Phisique et apres l'auoir remerciée de sa bonne doctrine, se retira en son cabinet, c'est la chambre de son cueur ou elle fut quelque tems a rememorer les grás biés & graces que dieu lui auoit faites. Et come elle occupoit son esprit en ces bones pensêes dame Raison

fa gouvernante, lui enuoie par Entendement la subsequente epistre.

10.

Epistre

## Le premier liure

Epistre enuoiée par la gouuernante Raison a l'Ame incorporée.

Ontemple bien Ame qui es espouse Du fils de Dieu, quels grans biens il t'expouse

Et qu'il a fait, créé, produit, form**é** Tant de grãs bies, & le tout infor**mé** 

Pour le nourrir & faire au monde viure,

A ce qu'apres son paradis te liure.

Contemple bien latienne quidité, Ton excellence & tresgrand dignité, Car il t'a faite a sa sainte semblance Par sa bonté, sapience & puissance.

Si tu me dis que tu ne sembles Dien Et que tu n'as tel pouoir en tout lieu Il est tout vrai, car c'est la sapience, La verité, la iustice & clemence, C'est lui par qui l'uniuersel est fait, C'est lui qui est tout bon & tout parfait, Le bien tre sbault & la beatitude, Le tout pui sant, la vraie restitude.

Ame tu n'as toutes ces qualités, Ces biens tant grans, ne ses proprietés, Mais de ces biens auoir tu es capable Par ce de lui a l'image es semblable, Car quant seras en ton eternité En regardant toute la trinité Tu seras lors de gloire tant refaite Que tu seras creature parfaite, Et quant ton cors sera ressuscité Il iouira de la divinité.

Tu trouveras autres similitudes

Quant

Quant anature & a ses aptitudes.

Premierement trois personnes i a

En deité, iamais ne le nia

Bon catholic,& ce n'est qu'une essence Et vn seul Dieu de mesme omnipotence.

Außitu as trois perfonnes en toi Vouloir, Memoire, Intelligence: & croi Que c'est toimesme, & chacune perfonne

A son effect, qui a son nom consonne.

Dieuest sans forme & sans matiere, aussi Chacun scatt bien que toute ame est ainsi, Car l'ame n'a ne forme ne matiere, C'est yn esprit en la prenant entiere.

On ne scauroit veoir vne ame en ce monde Non plus que Dieu, la chose est clere & munde.

Dieu est par tout, ausi l'ame comprend

Toutes les pars du cors ou elle tend. Il est bien vrai qu'au moien de l'offense Que feit Adam,quant contre la deffense Du tresbault Dien voulut manger du fruit Le cors mortel qui est de l'ame instruit A touiours en depuis concupiscence, Infirmité mauuaise, & inscience Dite ignorance auec mortalité Du cors tout seul, mais ton autorité N'est pour ces cas en rien diminuée Fors que du cors tu es attenuée Qui est enclin pour ces trois grans deffauls A faire cas, pechés, crimes & mauls, Mais Dien puissant, pour d'iceus te deffendre T'a eslargi, si tu le scais entendre Trois nobles dons & remedes en soi

# Le premier liure

Oui nuit & iour se tiennent auec toi,
Le premier est de dame sapience
Pour ignorance & toute inspience
Oster de toi, le second e'est vertu
Dont par toi peut bien tot estre abatu
Le vice agu de la concupiscence,
Soit en vieillesse ou en adolescence.
Et le tiers est celle necessité
De viure au monde encontre instrmité,
Asses connois de leurs seruans les titres,
Car ils sont tous tes subiets & ministres.

Parlons du cors lequel est disposé

Pour ton logis, comme il est composé

De tant de ners, peines, os, chair & membres.

Et comme font, si les choses remembres

Que lon t'a dit, si subtillement mis,

Si sagement acouples comme amis,

Et tellement conioints & mis ensemble

Qu'un cors entier yn chef d'oëuure ressemble

Montons plus hault & regardons les cieus
Si beaus, si grans, si clers, si radieus,
Consequemment estoilles & planettes,
Les elemens & autres choses nettes,
Semblablement la terre, les forests,
Arbres fruitiers, tant de nobles appress
De bleds & vins, fruits & sleurs odorantes,
Rivieres, mers, fontaines resonantes,
Chairs & poissons de gousts bons & divers
Pour cors nourrir, tant estés commeivers
Le tout selon des dits cors la nature,
Complexion forte ou foible fasture.
Ame vois donc la charitable amour

De Dien

De Dieu a toi qui tout afait ce, pour A toi seruir, mais a ce tant ne muses Que de ces biens aucunefois abuses, V ser en doibs ainsi comme t'ont dit Aßés au long tant en fait comme en dit, Prudence,Force & aussi Temperance Iustice apres, & la fais demourance, Car tu pourrois desdits biens abuser Et autrement qu'il n'appartient vser, C'est assauoir pour a ton cors complaire Tant seulement & non pour a Dieu plaire Et le seruir, car c'est la seule fin De tous ces biens qu'il t'a baille, Qu'en bien vsant d'iceus, sur tout le serues, Et qu'aus plaisirs mondains tu ne t'asserues Et en cela gist ta saluation Ou ton grand mal, qui est damnation.

Tu es ca bas pour aquerir merites

A celle fin que lass tu herites

Dont vins premier, ce que faire pourras
Si aimes Dieu sur tout & encourras
Sa bienueuillance en vsant par mesure
Des biens du monde, & non par faulse vsure,
Par auarice, orqueil & vanité,
Par gourmandie & par lubricité,
Par ire, enuie & par sotte paresse,
Lesquels pechés auec vaine tristesse
Font oublier l'amour du benoit Dieu
Et l'offense sans le craindre en tout lieu,
Tous ces pechès sont a ton cors propices,
Lequel ne quiert que delits & que vices
Par le moien de sensualité

Qui

### Le premier liure

Oui l'entretient en bestialité, Dont sort & vient vne mortelle guerre Oue tu auras nuit & iour en la terre Par ces pechés alliés de ton cors Et des versus ennemis & discors.

Le tien esprit au sens aura bataille Ou tu verras maints coups destoc & taille, Et les vaincus s'en iront en enfer Ou bruleront aneques Lucifer, Mais ceus lesquels obtiendront la victoire Pour leur loier auront dinine gloire. Cestui repaire est fait pour militer, Pour batailler, bien faire & meriter, Tu es cabas entre le lieu celeste Et lieu d'enfer ou l'ennemi t'infeste, Dieu ta donné l'election & chois De ces deus lieus, te disant toutefois Que si le sers, si tu le crains & aimes Auras le lieu des bienheureuses ames, Et si tu fais le contraire, seras Au feu d'enfer, ou touiours bruleras.

Il t'a donné le sens & connoissance Pour le chemin trouver de ta naissance C'est paradis & le chemin errant D'enser puant ou plusieurs vont courant Quant il t'a fait discerner & connoistre Le bien du mal qu'ilne faut desconnoistre.

Gardestoi donc que par election N'ailles au lieu de toute infection Pour trop aimer ton cors trop plein d'ordure Ton cors infect qui sans cesser murmure, Tu me diras qu'il faut son cors aimer

On an-

Ou autrement on seroit a blasmer,
Il est bien vrai que l'amour corporelle
Sert pour auoir l'amour sempiternelle,
Car par le cors, & en ce cors on fait
Ce qui convient pour avoir bien parfait.
Les ieus sont fais pour veoir les choses bonnes
Comme les cieus, les bestes & personnes
Et louer Dieu de tout ce que lon voit
Pour en vser tout ainsi comme on doit
Aussi pour veoir les pauvres sans discorde
Et en avoir quelque misericorde.

Aureilles as pour bon propos ouir, Et pour d'iceus en Dieu se r'estouir.

La bouche aussi pour faire a Dieu priere Ou autre bien en quelque autre maniere.

Brief tous les sens sont fais pour Dieu seruir Aussi le cors, & non pour l'asseruir Aus vains plassirs & choses delettables Qui sont a Dieu sitresfort detestables.

Suffire doit pour ce cors secourir Auquel fauldra mourir & puis pourrir Trois petis points garder, c'est qu'en liesse, Repos moien, & prudente sobresse Il soit nourri, car tristesse sur tout Fait de nos iourstrouuer sa fin & bout.

Et si tu veus que liesse recoëuure Garde le bien de faire mauuais oëuure Mal & peché, car de peché ne vient Fors tout courrous, & si soubdain aduient Que d'un peché sorte quelque plaisance Bien tot apres on en a desplaisance En l'ame ou cors, peché est engendreur

De dueil,

# Le premier liure

De dueil,corrous,de tristesse & malheur Et ceus qui ont la nette conscience Sont en repos,en ioie & pacience.

Le grant labeur improbe & vehement
Fait a l'esprit nuit & iour du tourment
Et tellement qu'impossible est que porte
Fort longuement labeur de telle sorte
Vn cors mortel, mais lui convient mourir
En ieunes ans sans plus auant courir.
Aussi s'il est remis & pareseus
Est maladif, tout triste & angoiseus.

Or donc convient que moien labeur treune

Entre les deus, & en face l'espreune. Et tiercement convient le cors garder

De boire trop aussi de gourmander, Sobrieté donne la longue vie

Et grant excés a la santé obuie.


Ceci t'escri assin que sottement
Pour a ton cors complaire aucunement
En abusant de ce qu'a dit Phisique
Ne vueilles pas laisser la theorique
Et la dostrine ou i a tant de bien
De tes vertus, sur tout retien la bien
Tu en auras de plus seure & meilleure
Et plus plaisante a Dieu dedans peu d'heure,
Que te diront dames Foi, Charité
Et Esperance ou gist la verité,

En attendant comme tresbien apprise Garde toi bien d'estre d'aucun surprise En escoutant du monde les esbats, Car tu auras bien tot diuers combats, Et ne fais rien sans moi ta gouuernante

Siestre

Si estre veus a Dieu bien consonante.
Qui est la sin de mon present escrit
En suppliant ton espous Iesuchrist
Qu'en ce bas lieu te donne la puissance
De batailler non par fer ne par lance,
Mais de l'esprit par force de bienfaits,
Puis le logis te donne des parfaits.

Spe labor leuis A bientouché.



# LE SECOND LIVRE DES Triumphes de la noble dame

Triumphes de la noble dame amoureuse.



Ovs auons veu au premier liure de la noblesse de l'arne & misere de son cors, comme elle a esté fiancée auec nostre seigneur les such rist, de la belle & grand copagnie a elle baillée & ordonnée pour passer le repaire de vie humaine, & aller

au port de salut pour celebrer ses futures espousailles. Aussi comme auec sa compagnie & le tems,a passé enfance & adolescence, & des instructions qui lui ont esté baillées pour morallement & ciuillement viure & scauoir se gouuerner & son cors. En ce second liure verras, si Dieu le donne, de plusieurs manieres de tentatios. De la ruine de l'ame, de son relieuement, & du fruit de penitence, come elle pert & recouure l'amour & grace de son espous, que c'est d'amour diuine & plusieurs autres choses a ce propos. Or donc peu de tems apres que l'ame raisonnable incorporée eut esté introduite par les vertus moralles, & qu'elle eut sens aquis oultre le naturel, pour gouverner elle & son mortel cors auec ses biens terries. Elle & sa compagnie laisseret la terre d'Adolescece, ou indiscretio, legereté & mauuaise compagnie trois folles dames cuideret faire plusieurs grans ennuits a l'ame, voire la mettre en desordre & hors de sa bone compagnie,

mais les quatre vertus i donnerent resistence par discipline, bonne doctrine, correction & honneste compagnie.

Comme



COMME LA NOBLE DAME entre en la terre de leunesse, & comme elle i est tentée par Suggestion, Cogitation & Deleétation, messageres du prince de Volupté nommé Peché.



E danger passé, l'Ame et sa copagnie entrerét ou territoire et prouince de dame Ieunesse. Et à l'entrée dames Pratique & Mecanique presente rent a l'Ame vne autre dame nommée Habondace, que ie n'auoie encores veue, laquelle es-

toit fort bien montée & richemét vestue & acoustrée, & si auoit en sa compagnie Banquet, Festin, Estat dissolu, Ieu, Danse & autres gens de plaisir, qui recontrerent Ieunesse dame de ce parc, vestue d'un surcot de velous vert sur vne cotte de drap d'or, qui tenoit sur le poing vn petit esperuser. Et estoit acompagnée de Follie, Prodigalité, Oissueté, Inconstance, Inconsideration & autres ieunes damoiselles assès legeres, qui conneurent Habondance & ceus de sa copagnie. Et apres la reuerencé faite a l'Ame & a toute sa suite, les seirent descédre pour leur faire vn festin en vn verd pré, qui auois d'un costé la petite touche de bois, & de l'autre le cler

## Le second linte

cler ruisseau procedant d'une fontaine estant au pied d'un rocher du costé d'occident, en sorte que les raions du soleil vers le couchant, ne frappoient que bien peu en ceste verte praerie, ou a la raison de ceste bien esseue situation faisoit plaisant estre.

Le festin fait opulemment, qui ne fut sans chanter, danser, iouer & sauter par ceus qui le scauoient faire, leunesse qui auoit prins l'accointace de Senfualité, femme de chambre de l'Ame, & aussi auec Entendemét, Memoire & Volútê, trouuz moié de les mener en la touche de bois, qui estoit le long de ladite praerie pour rire, danser & gaudir,ou Follic et Oissueté les suivirent. Et come ils devisoient enfemble de plusieurs choses inutiles, sortirent d'une grande forest estant pres d'illec, deus damoiselles, montées sur deus cheuaus legers, qui a toute dili-gence se retirerent vers L'ame. L'une desquelles apres l'auoir saluée lui dit ce, le suis Suggestion seruante du prince de Volupté, duquel ma seur Cogitation & moi auons charge vous rendre salut de par lui,& vous declairer qu'il a ci pres vn excellent & triumphant Palais, ou lon peut a son desir finer. de toutes choses delectables, vous priant i venir prendre vostre repos ceste nuit, & ie vous asseure que serés par lui traitée, & aussi ceus de vostre suite, de si bonne sorte qu'aures matiere vous en contenter. Il a esté aduerti de vostre venue en ce lieu par ma dame Habondance, laquelle a enuoiê vers lui expres deus de ses gens, qui ont fait au prince de Volupté mon maistre si bon rapport de vous qu'il vous aime auant vous auoir veue, & a tresgrand desir de vous veoir en son palais & vous i festoier.

Auant auoir mis fin Suggestion a son propos, & rom-

Se rompant la parolle a Cogitation qui voulut harenguer, l'Ame rougit soubdainement par honneste vergongne & lans longuement songer a sa response leur dit assés rudement. Alles, alles, ie n'aie que faire de vous ne de vostre prince, se scai bien qu'il scait faire. Et par ce retirés vous, ou vous aurés du desplaisir. L'ame fut tresvertueuse en ceste response & merita enuers Dieu. Laquelle ouie Suggestion & Cogitation retournerent toutes confuses, en la forest de laquelle estoient venues, nommée Inclination a mal faire, mais bien tot apres & sans long interualle de tems, vei de rechef sortir de ceste forest vne autre damoiselle montée sur vne grosse hacquenée qui tout a son aise se transporta vers le lieu ou estoit l'Ame raisonnable : Laquelle damoiselle estoit nommée Delectation. Et premierement s'adressa a Sensualité qu'elle connoissoit de tout tems, & apres l'auoir retirée vn peu a l'escart & au secret lui dit. Ma seur m'amie le prince du palais de Volupté qui est vn grant & redoubtable seigneur comme scaués, se recommande bien forta vous. Lui aduerti que l'Amevostre maistresse estoit auec Ieunesse en sa praerie & touche de plaisir auec autre ioieuse compagnie a enuoié vers elle mes deus seurs, Suggestion & Cogitation pour la prier qu'elle & sa compagnie allassent prendre repos en son palais. A quoi l'Ame n'a voulu entendre, mais a chasse rudement Suggestion et Cogitation. Pour laquelle cause le prince de Volupte mo seigneur & maistre m'a enuoie vers vous qui connoisles mieus qu'aucun autre le bon vouloir qu'il a tát a vous qu'a Voluté, Entédemet & Memoire gouuerneurs principauls de l'ame,a ce q le mettés hors

# Le second liure

d'une merueilleuse peine en laquelle il estoit dete nu pour la veheméte amour qu'il a a l'ame et vouldroit auoir donné la pluspart de son bien qu'il en peusse ioüir a son plaisir, vous i aués puissance, & si vous faites quelque chose pour lui le reconnoistra.

Au regard d'Entédement son chancelier ie scai qu'il est insatiable d'honneurs & richesses, ie lui en ferai distribuer en si grand habondance qu'il en deura estre content. Memoire est superbe, vindicatiue & temerairemet jugeant d'autrui, & souuent s'occupe aus plaisirs de ses folies passées, ie vous asseure qu'en toutes ses choses sera secourue & aidée a son desir. Volunté qui est la grand maistreise ne veult se contenter de chose qu'on lui presente tant est auaricieuse, & auec cela met sa solicitude en delices mondaines. Ie vous asseure que le prince de Volupté lui donnera tant de tels biens qu'elle s'en contentera. Au regard de Raison gouvernáte de l'Ame gardés vous de l'en aduertir, car c'est vne bigote opinastre qui ne vouldra iamais s'accorder a chose qu'on lui die, s'il ne vient de son propre fens.

Sensualité s'arresta tressort aus parolles de Delectation, & lui fit telle response. Vous m'aués dit ma seur & amie plusieurs bonnes & grandes choses, mais elles seront de dissicile conduite, car Entendement qui est le iuge & chancelier de la court de l'Ame approche fort de la nature des anges en sa connoissance, & voit fort loing. Volunté la grad maistresse, sans laquelle l'ame ne peut meriter ne demeriter, ne cuidera iamais s'accorder a ce que demandés, sans le conseil d'Entendement & de Raison la gouvernante. Et touchant Memoire il est conseiller & adhere communement a l'oppinion. du chancelier. Toutefois pour l'amour de vous leur en parlerai voluntiers & i ferai ce qui me sera possible. Ce que sit incontinét Sensualité, laquelle au desceu de Raison la gouvernante se retira vers l'Ame, Entendement, Memoire & Volunté, & leur declaira & recita toutes les persuasiós, remon-Arances & promesses de Delectation, sans aucune chose en oublier, mais i adiousta plusieurs attra-Etifs admonestemes, ou l'Ame print quelque leger plaisir, mais non la volunté. Laquelle par le coseil d'Entendemét et Memoire fit chasser Delectation au grat regret de Sensualité. Et par ce s'en retourna toute cofuse, & ne pecha l'Ame mortellement, mais veniellemet seulement, au moien de ce qu'elle auoit prins quelque leger plaisir es persuasions de Delectation recitées par Sensualité, esquelles n'auoit fait arrest, & n'i auoit la Volunté donné consentemet. Peu de temps apres le prince de Volupte r'enuoia Delectation vers l'Ame auec vne epiftre persuasiue qu'elle lui fit presenter par Sésualité, qui fit tant que l'Ame la print & en fit lecture en presence de Volunte, Entendement, Memoire, Raison, Sensualité & Jeunesse, disant ce.

Epistre enuoiée a l'Ame par le prince de Volupté contenant certaines tentations.

A grand beauté toute autre precedate
Qui de ton cors si gent est procedante
Cotraint ma main & mon entédemet
Prendre papier, ou tout mon pesemet,
Tout mo vouloir et amoureuse essude

Ie te r'escrits par epistre asses rude. C'est qu'il a long tems que i'entrepris and si and I Auoir ta grace, & doubtant ton despris and inc

Venla

#### Le sconde liure

Ven le hault lieu duquel tu es venue Et que tu es par tout riche tenue Ie m'arrestai par lettres t'assaillir Et autrement doubtant vers toi faillir.

Mais connoissant que des tiennes richesses Tu ne iouis fors en toutes tristesses Pour la rigueur que te tient ton espous Ie t'aduerti qu'il me semble a tous Que tu deurois homme de bonne sorte Prendre & choisir, qui ton ami se porte Ou tu auras sans cesser iour & nuit Plaisir, soulas, confort, inie & deduit. Et si i estoie tant aimé de fortune Que mon amour a toi fusse opportune Un'i a dame en ces riches quartiers Dont amoureus fusse plus voluntiers, Mais ie te scai si riche & belle dame, Si noble außi, voire de si bonnefame Qu'on ne scauroit trouver au monde roi Qui ne fut bien pourueu de ton arroi, Il n'i a prince, empereur ou monarque Qui ne voulut sur toi d'amour la marque Pour les grans biens en toi resplendissans. Premierement tu as les ieus rians, Le nés traitis; hault front, bouche vermeille, Le cors tresgent, la grace non pareille, Et le parler si sobre & gracieus Que creature il n'i a sonbs les cieus Mienls acomplie & qui soit si parfaite, Et croi que Dieu si t'a seulement faite Pour le plaisir de tous supposts viuans Qui sont çà bas leurs delices suinans

Et que d'ens fut par amour demandée Ta grand beauté si tres recommandée, Ioint que tu as doulceur, humilité, Force, constance & grand benignité, Amour, pitie, clemence, courtoisse, Honnesteté, sidelité choisse, Magnificence & liberalité, Doulce faconde & affabilité, Et si te di pour en parler en somme Que soubs le ciel n'i a femme ne homme Qui ne collaude en toutta grand beauté, Et plus cent sois la tienne loiauté.

L'autre raison de ce present message
Que ie t'enuoie est le tresdur seruage
Ouie te voi detenue a destroit
Voire si fort tant au chault comme au froit
Qu'impossible est a ton cueur auoir ioie.
Le tien espous est touiours par la voie
A regarder le tien gouuernement,
Tu ne pourrois faire aucun pensement
A lui secret, car il voit les pensées
Si elles sont bien ou mal dispensées,
Et sit u as quelque propos ioieus
Incontinent dit qu'il est vicieus.

Si le tiencors aucunement tu pares
Il va difant qu'ainsi tu le prepares
Pour deceuoir quelque ieune mignon
Est lors ton cueur bien a son aise?non,
Car peu vauldroit beauté contregardée
Si des humains n'estoit bien regardée.

Il te deffend bagues & affiquets Et frequenter les conuis & banquets, R ÿ

Si

## Le second liure

S'il te voit boire vne fois d'anantage Il te dira que c'est vn grant oultrage. Si compagnie honneste tu ensuis

Il te dira que les plaisirs poursuis.

Si tu prens goust & plaisir en viande Il te dira que tu es trop friande

Si viure veuls en partialité Il te dira que crains mendicité.

Et si tu crains aucunefois despendre Lors il diraque as vouloir de pretendre Aus grans tresors de ce monde amasser Par lequel fault si promptement passer.

Et si tu es quelque pen curieuse Il te tiendra pour folle & vicieuse.

Si quelque iour vn long somme tu prens
Il te dira que a paresse te rends,
Et que tu es d'oissueté trop proche
Par qui on fait a tous vices approche.
Par ce moien tu n'as aucun plaisir,
Mais tout ennui, douleur & desplaisir,
Et si s'en va ta beauté iuuenille
Sans ioie auoir a ton aage senille.

Autant vauldroit que tu ne feusses point
Que d'estre ainsi traitée mal appoint
Et vouldroie bien en cestui ton affaire
Te secourir & quelque plaisir faire,
Et si tu veuls le tien cueur me donner
Et ton ami par amour ordonner
Iete ferai sur toutes bien beureuse
Et de tous biens & tresors plantureuse,
Tu ne feras sinon ce que vouldras
Et de mes biens tailleras & couldras

Et en

Et en feras du tout a ta deuise, En faits & dits de cela ie t'aduise.

Habillemens tu auras precieus
Et instrumens douls & harmonieus
Pour te tollir ton ennui & destresse
Et si seras de tous mes biens maistresse,
Toutours auras viandes a souhait
Et vins exquis sans chagrin de bon hait,
Aussi prendras ton repos & ton somme
A ton plaisir, sans danger d'aucun homme.

Tu auras gens pour te tenir propos Quant tu seras lasse de ton repos.

Crois pour certain qu'il n'i a femme au monde Que i'aime autant quiconque en parle & gronde Qui est le point, & le tiers qui m'a fait

Te declarer par epistre mon fait.

Ta grand beauté qui est incomparée Et de vertus si trebien reparée Ma r'enfermé soubdain en la prison De ton vouloir, craignant ta mesprison Par mois sur mois sepmaine sur sepmaine, Par iour sur iours ton bon renom amaine Vn fort desir a mon cueur, qui m'induit De plus t'aimer, ne scai si suis seduit, Mais quoi qu'il soit tu as la seigneurie Du tout sur moi, ce n'est point staterie, Te suppliant que cest implorateur Soit accepté pour le tien serviceur.

Ie vouldroie bien que feusses aduertie De mon vouloir, car soubdain conuertie Ie te verroie a mon iuste vouloir, Dant tu pourrois a la sin mieuls valloir.

R iÿ

Mais

# Le second liure

Maistrop ie craind fortune la diuerse Et qu'a mon cas soit contraire & aduerse Tant que ne puisse en toi trouuer merci Dont sur mon cueur porte tant de souci Qu'impossible est bien au long le t'escrire. Ne mes pensées declarer & descrire Il fauldroit plus de dix ou douze ans.

L'ai tant de iours ennuieus 😙 pesans, Las tant de iours ie passe en fascherie Et tant de nuits en songe & resverie, Las tant sounent ie te songe en veillant, Et qui plus est te voi en sommeillant. Ia ne fera le mien cueur au deliure Et ne scauroie comme ie croi plus viure Si tu ne prens pitie de ma donleur, Tu tiens soubs toi mon bon heur & malheur. Entre tes mains tu as ma destinée, Car si tu veuls te monstrer obstinée Et ne te plait pour ami me tenir Asseuré suis que ce mal soustenir Iene pourroie long tems sans la mort dure, Car cest amour de trop long tems me dure, Elle procure a mon cueur tedieus Ennuits, regrets, & larmes a mes ieus.

Pource madame & ma seule esperance
Lette tes ieus par bonne temperance
Sur mon grief mal, & par doulce pitie
Espars sur moi quelque brin d'amitie
Si ne le fais, ce te sera reproche,
Le te suppli que le tien cueur s'approche
Du mien nauré du piquant dard d'amours
Et par essett me monstre les bons tours

Que ie vouldroie pour toi faire, la belle Sans te monstrer arrogante ou rebelle.

Et par autant que ne puis t'aller veoir le te feroie ma volunté seauoir Plus amplement, & te diroie des choses Lesquelles sont dedans mon cueur encloses Que rediger n'oseroie par escrit, Mais ie t'enuoie vne femme d'esprit Qui au secret te dira ma pensée Et combienest de douleur offensée, Crois s'il te plait ce qu'elle te dira Et si tu veuls elle te conduira Au mien seiour d'excellente structure Ou troueras tout ce que peut nature En biens, bonneurs, delices & plaisirs Pour contenter tes naturels desirs.

Sur ce fai fin a ma piteuse lettre Te suppliant que peine vueilles mettre De sortir hors de la subiection Ou ie te voie pleine d'affliction, Si tu le fais iamais n'auras malaise, Et ne verras chose qui te desplaise, Car volupté i'ai touiours auec moi-

Escrit au lieu de l'amoureus esmoi Sur le papier d'espoir, & de la plume D'ardant desir, qui en mon cueur allume Le seu d'amour par ton humble seruant Qui ton amour veut estre desseruant.

R iiÿ

Response

# Le second liure

Response faite par l'Ame aus tentations de Delestation, & à l'epistre a elle enuoiée par le prince de Volupté.

Este epistre veue & leuepar l'Ame

qui ne fut sans changer plusieurs fois de couleur, & sans perdre le parler de ioie ou d'ardant desir, elle se retira a part, & auec elle appella Entendement, Volunté, Memoire, Raison, Ieunesse & Sensualité, & leur dit. Ie vous ai fait lecture de l'epistre du prince de Voluptê, par laquelle s'il n'est grant menteur, pou se connoistre l'amour qu'il dit auoir a moi, & le bon traitement qu'il offre me faire, vous estés ceus ou i'ai ma parfaite siance, & desquels ie veul en tous mes affaires auoir touiours l'oppinion, côseil & aduis, par ce que sans vous ne puis ne doie aucune chose faire, vous m'aués estè baillés pour garde et côduite. Et a ceste côsideratio vous prie me côseiller quelle response ie doie faire.

Madame, dit le chancelier Entendement apres auoir eu parlé a Raison la gouvernante, vous devies penser qui vous estés, dont vous estés, ou vous estés & ou vous allés. Vous estés l'image de la tressainte & tressacrée Trinité, r'acheptée du precieus sang de nostre seigneur Iesuchrist vrai Dieu & hôme, & son espouse spirituelle. Vous estés venue de paradis, c'est a dire de Dieu qui est en paradis, & croie que voulés i aller. Vous estés au repaire de vie humaine, c'est le môde pour meriter ou demeriter paradis, c'est a dire que si vous faites bonnes oéuures irés lassus, si non descendrés en enfer. Les bônes oéuures c'est aimer Dieu, le craindre, seruir & garder ses commandemens. Les mauuaises sont faire

faire le contraire, & complaire a peché. Vouldries vous donc habandonner Dieu, & vous donner au prince de Volupté, c'est Peché, pour perdre paradis & aquerir enfer? Si vous le faites, seres la premiere qui s'en repétira & en mauldirés l'heure dix mille fois. Qu'en dites vous! dit l'Ame a Memoire. Ie ne scai qu'en dire apres Entendement, dit Memoire, fors que vous asseure que si par adultere donnes vostre cueur a autre qu'a vostre espous Iesuchristi aura diuorce entre vous & lui, & vous priuera du fruit de vos futures espousailles, & du douaire de l'eternelle gloire. Vous souvienne de la ioie & bien infini, qui est en paradis ou est assignê ce douaire, & la peine interminable qui est en enfer determinée a ceus & celles qui laissent l'amour de Dieu, pour prendre celle du prince de Voluptê nommé Peché, voire & les malheureuses choses qu'on a en ce monde par pechê.

L'Ame print goult es oppinions d'Entendemét & Memoire, et par le conseil de Volunté la grande maistresse, se retira incotinet a son secret, & feit respose par escrit a l'epistre de Peché qu'elle bailla par apres a Delectation. Mieuls eusse fait si sans s'arrester par plaisir ne autremét a l'epistre du prince de Volupté, & sans en auoir fait lecture eusse rudement chasse Delectatio, comme elle auoit fait Suggestion & Cogitation. Carle petit plaisir qu'elle print a plusieurs choses contenues en l'epistre la sit pecher veniellemet, & se mit en dager d'i faire oftense mortelle, si par Entendement & Memoire la voluté n'en eusse estè reculée. Delectatio print par les mains de Volunté l'epistre respossue de l'Ame, & la porta soubdain au prince de Volupte son maistre, qui en feit lecture de sorte qui s'ensuit.

**Epistre** 

# Te second liure

Epistre de l'Ame au prince de Volupté, cotenante respose a ses tentations.

Our satiffaire au labeur par toi pris En celle epistre & lettre de grant pris Pleine de los venans de flaterie Qu'on m'a baillé de par ta seigneurie.

I'as bien voulut'i respondre a mots cours

Affin qu'ailleurs prengnes parti d'amours. Premierement tu dis que ie suis belle, Honneste & sage, & qu'on me tient pour telle, De grand beauté ie n'ai si largement Qu'elle te deusse n'autre aucunement Mefaire aimer: Si i'en ai,ie la garde Pour mon espous, qui souuent la regarde.

Puis que tu crois qu'honneste & sage suis Ie mesbahis donques pourquoi poursuis Mesubuertir pour t'aimer d'amour solle Qui tant de gens desbonnore & affolle Car femme sage onc ne s'abandonna Et son amour a autre ne donna Qu'a son espous. Et si a ta requeste Ie le faisoie, on me tiendroit pour beste, Et par ce i a grand implication Dedans ta lettre, & variation Qui monstre asses sans que plus on i songe Que flateur es, & rempli de mensonge. Secondement tu dis que mon mari

Est tout chagrin, desplaisant & mari Quant il me voit prendre quelque liesse, Et que ie n'ai pour passer ma ieunesse Ce que ie veul, mais me tient si decourt Que tout souci dedans mon cueur accourt.

Ie te respond, & chose veritable Que la bonté de lui est inesfable, Scés tu pas bien qu'il a pour moi prins mort Crucllement, par les siens a grant tort?

Sces tu pas bien quant fut de mort a vie Ressuscité, que a l'aimer me conuie Et m'espousa, m'eut il sceu faire mieuls, Lui qui est roi des rois & Dieu des dieus? Et me bailla la plus belle mesgnie Qu'on veit iamais pour seure compagnie, Puis me nourrit ainsi comme il me plait, Et en mon cas nullement me deplait.

Ie n'ai de lui que tout soulas & ioie,
Ma bouche rit, & mon cueur se r'esioie
Quant i'oi parler de lui comme appartient,
Et autant plus que de lui me souvient,
Parquoin'est vrai ce que contient ta lettre
Quant a ce point, tu n'en devois rien mettre.

Et tiercement tu m'escris tant m'aimer Qu'aucun n'i a soit en terre ou en mer Qui en amour loialle te precede Tendant a sin qu'a toi ie me concede.

De ton amour, qui comme escris, te point Ie n'ai que faire, & de toi ne veul point, Aussi ie croi que si bien tu m'aimoie De deshonneur nullement me prieroie.

Fy de l'amour qui fait damner les gens Fy de l'amour qui fait tant d'indigens, Fy de l'amour & de fon cariage Qui rompt la foi de loial mariage Fy de l'amour dont ne vient que malbeur Fy de l'amour dont vient tant de douleur,

Fy de

Fy de l'amour & de Jes fortes flammes Qui tant a fait de grandes dames infames. Fy de l'amour qui fait par monts & vauls Aus fols amans tant d'ennuis & trauauls. Fy de l'amour qui fait tant de gens bestes Fy de l'amour produisant les tempestes, Fy de l'amour & de son train aussi Qui donnent a ceus qui la seruent souci. Fy de l'amour qui filles prostitue Regnes destruit, les fors abat & tue. Fy de l'amour qui occit ame & cors Fy de l'amour qui fait tant de discords, Fy de l'amour qui tourne a moquerie Fy de l'amour pleine de menterie, Fy de l'amour qui fait idolatrer, Fy de l'amour qui fait tant follastrer Fy de l'amour qui si peu de tems dure Voire par qui tant de mauls on endure. T'est il aduis que ne connoisse bien Ce qui m'est bon? & dont vient tout mon bien Et le grant mal qu'enuers Iesus feroze Si d'aduenture à tes dits i'adheroie?

Premierement ie faulseroie ma foi
Que i'ai promise au seul fils du grant roi
Mon cher espous, que de tout mon cueur i'aime.
Trop grant seroit ce reproche & ce blasme,
Par ce moien chacun me gaudiroit,
Chacun mon mal publiquement diroit,
Il n'i auroit homme sain ne malade
Qui de mes faits ne feisse vne balade.

Et quant feroie tels fols esbats tardifs Tous mes enfans seroient abastardis

Par mes

Par mes enfans veul mes oeuures entendre Dont ne pourroie iamais louier attendre, Et qui pis est par tous les divins droits Et les civils mon douaire perdrois Qui est si grant, c'est la vie eternelle, Et seroie mise en chartre infernelle Pour a touiours viure en dueil & tourment Sans i trouver iamais allegement.

Et d'anantage vne dame asséssage
Ma r'apporté que tu es tout vollage
Grant langagier, de semmes seducteur,
Tresgrant slateur, abuseur & menteur,
Et quant tu as a maunais chemin duite
Quelque pauure ame, & a te plaire induite
Tu ne quiers fors par ta prodition
Son de shonneur & sa perdition

Semblablement tune vois femme ou fille A qui vn tour tune ioues de quille, Car par fauls dits & mensongiers deduits Faints les aimer, & par la les seduits, Tu leur promets les delices mondaines Et quant tu as tes plaisances soubdaines D'elles receu, tu les laisses en pleurs Finer leurs iours, & en mille malbeurs.

Finalement tu mesemons prendre erre Et mon chemin en ta fertille terre, Disant par toi que tout plaisir i est Et qu'on i fait pour moi tresgrant apprest.

Ic m'esbahis comme tu oses dire Que plaisir est en ta terre, desdire Ie t'en ferai par hommes plus de cent Lesquels m'ont dit parsons bon & recent

Qu'il

Qu'iln'i a fors apres soie tristessé, Apres repos, tourment sans sin & cesse.

Car ton pais qu'on nomme volupté Est malheureus, du premier vol, lusté I tut iadis Adam le premier pere, Dont il m'aduint vn tresgrant vitupere.

La volupté des gens du premier aage Firent iadis le general naufrage Et submerger vniuersellement Bestes, oiseaus, & gens subitement Fors vne nef, ou fut de chacun sexe Mise en reserue vne viuante espece De par le dit diuin fait a Noé Qui fut iadis patriarche loë.

La volunté que l'homme sage abhorre Des habitans de Sodome & Gomorre Feit elle pas les cités fouldroier Visiblement, & Loth tant desuoier Qu'il s'abusa pour boire oultre mesure Sortant les limites de sa propre nature?

Ne furent pas Emor & son cher fils
Nommé Sichen occis & desconfits
Auec leurs gens par grand insolence
Des fils Iacob? par ce que violence
Auoit Sichen en leur seur Dine fait
La corrompant par vn cas trop infait
Et qu'il voulut par sa volupté sale
En abuser tant en chambre que en salle?

Par volupté le tresbon roi Dauid Vn peché feit aussi grant qu'homme onc veit Et Salomon plein de si grand science En laissa Dieu par sa concupiscence.

Layo-

La volupté du fils du roi Tarquin Qui voulut souiller ainsi comme vn bouquin La tressage & trespudique Lucresse Feit aus enfans de Romme grand destresse.

Pis en aduint en Troie la cité
Pour la luxure & l'impudicité
Du beau Paris, lequel rauit Helaine,
Car Troie en fut par façon tres villaine
Arse & brulée, & pere, mere, en fans
Tous mis a mort par les Grecs triumphans.

On dit ausi que le sage Aristote Laissa brider sa teste comme sotte Par volupté, & Philix se pendit Pour Demophon qui ne l'en dessendit.

Assés tustés comme Tisbé la belle Pour Priamus s'occit de mort cuelle.

Parquoi de toi ne de ton beau palais
Ie n'ai desir, les plaisirs en sont laids.
De mon espous tresbien ie me contente
Il n'est besoing que d'autre homme on me tente
C'est mon vouloir & resolution
Et de tes dits pleine solation,
En priant Dieu que de toi me preserue
Et qu'en sa grace il me garde & conserue.

De quatre manieres de tentation dont

L'Ame est tentée.

Este epistre veue et leue par le prince de Voluptê seit venir deuat lui quatre ieunes damoiselles. La premiere desquelles nommée Concupiscence sembloit belle, & estoit vestue de damas verd enrichi par les bors d'orfauerie, & si tenoit en l'une de ses

de ses mains vn arc d'if. La seconde nommée Arnbition estoit de moienne aage couronnée d'une couronne d'or faite a pointes, & vestue de fatin cramoisi, en ses mains tenoit plusieurs bourses pleines d'or & d'argent. La tierce nommée ypocrisse estoit vestue comme vne religieuse, en l'une de ses mains tenoit vn liure, & en l'autre des patenostres. Et la quatrieme noinmée Folle esperance estoit vestue de satin violet, & portoit coeffure alses hu-🛾 ble qui la demonstroit estre de bonne prudence. Le ne parle de leur beauté, car leurs faces estoiet couuertes de masques femenins & plaisans. Le prince de Volupté les enuoia vers l'Ame auec instruction de ce qu'elles deuoient dire, & trouverêt l'Ame en la copagnie de Volute, Entédemet, Memoire, Raison & Sésualité q encores deuisoiet du côtenu en l'epistre de l'echè, fors Raison q par ennui s'estoit endormie. La reuerence faite a l'Ame par ces quatre damoiselles: Cocupiscece parla la premiere, & lui dit.Ma dame le prince du palais de Volupte nous enuoie vers vous pour requerir a voltre benignité tant s'humilier, que vueillés venir & aussi Volunté, Entendement, Memoire & Senfualité le visiter en son seiour et palais qui est ici pres, et vous trouueres habodace de toutes les delectables chosesqu'on pourroit souhaitter en ce monde, il s'esbahit tresfort dont si longuement vous tenès en la copagnie d'un tas de bigottes, car si croire les vou. les, vous auront bien tot extenuée & empirée par la multitude des abstinences ausqueiles vous induisent, il conuient entendre que vous & le cors estés deus choses distictes & separces, Quat a vous deuts estre nourrie de choses spirituelles, mais vostre cors doit estre nourri de vins, viandes, plaisirs

Digitized by Google

& choses delectables & sensuelles. Vous entendes assés que Dieu a mis sur terre et en mer diuersité de creatures, & tant de choses bonnes & delicieuses qu'on ne les scauroit nombrer. Pensés vous que ce foit sans cause. No certes no. Car c'est pour l'home & la femme, & pour nourrir le cors. Èt par ce n'imagines que ce soit offense d'en vser, & qui le diroit seroit blasphemer Dieu, qui a tout fait en sa sapience, & comme recite la bible quant Dieu eut veu tout ce qu'il auoit cree & fait, veit que le tout · cstoit moult bon.

La secode damoiselle nommée Ambition print Tentala parolle apres Concupiscence, & dit a l'Ame. Ma zion de dame i'ai charge de vous promettre biens & hon- Ambineurs mondains autant qu'il vous en plaira si vou- tion. les complaire au prince de Volupte. N'aies paour d'offenser en ce faisant vostre espous Iesus, car il est si gracieus & raisonnable qu'il veut que viues de ce qui est creé et produit sur la terre, et que vous en vles. Vous connoilsés alses que par faute & ne. cessité de biens on tumbe en plusieurs gras inconueniens, & que grade pauurete n'est iamais loialle. Ceus qui n'ont rié sont petitemet estimes quelque scauoir qu'il aient, & au contraire penses combien les richesses mondaines rendent les gens honnorables. S'il vous plait en toutes ces considerations arrester vostre pensée, connoistres que ie procuré vostre honneur & prouffit.

Ypocrific autrement dite simulation interrom-pit le propos d'Ambition & dit a l'Ame en voix basse et fainte. Madame il me semble qu'aués paour d'estre descouverte, & que ne voulés qu'on fache l'amour qui est du prince de Volupté a vous, mais c'est sanc cause, car le vous asseure qu'amoureus ne

fut onc si secret que lui, c'est vn personnage le plus sage & prudét qui soit sur la terre, & vous iure par ma preudhomie que si voules ce iourdhui le visiter en son palais serès si secretement conduite que les bigotes de vostre maison n'en scauront rien, & de ce vous prie tant comme ie puis, n'estimés ma dame que volusse vous deceuoir, ma parolle, mes gestes & vestemés monstrét asses qui ie suis, & que plus tot choisiroie le mourir que vous seduire.

Tentation de Folle efperance.

La derniere des quatre damoiselles nomée Folle esperance qui n'estoit trop hastiue de parler pour conclurre comméca a parler apres ypocrisié en tel ou semblable langage. Ma dame ie ne scai plus quelle persuasió vous faire, ne que vous dire apres mes trois sœurs, fors que deués auoir regard a vostre ieunesse, pourrés auát la celebration de vos espousailles le tout amender, car il est si gracieus, amoureus & bening que a toutes heures vous receura a penitence. Et d'auantage quant aurés esté quelque peu de tems au palais de Volupté, s'il vous est ennuieus & fascheus le pourrés incontinent laisser & habandonner, car onc personne n'i demoura par force & contrainte.

L'Ame changea de couleur & contenance plus de vingt fois en oiant les propos de ces quatre damoiselles, & quat elles eurent mis fin a leurs parolles sans pouoir mot parler se print a regarder honteusemet Entendemet & Memoire, lesquels commencerét semblablemet a eus fantasier, & si auoiet les contenances de gens qui ne scauoient quel propos tenir, toutefois Entendement chancellier de l'Ame commenca prendre quelque hardiesse difant aus damoiselles. Ie ne scai de quelle terre & contrée

contree

cotrée vous estés, ne si vos parolles sont veritables ou non, neantmoins ie ne vouldroie pour tous les biens du monde conseiller a l'Ame aller au palais de Voluptê, car le prince d'icelui duquel vous parles est nomme Peché, hay de Dieu, des anges & de tous les vrais chrestiens. Les sages en ont escrit tant de mauuaises choses qu'on doit craindre son accointance. Autant en dit Memoire & recita plusieurs histoires a ce propos trop longues a reciter, dont Sensualité ne fut contente & commença re-

pliquer a Entendement & dire ce.

Vous aués tresbien parlé Entendement & Me. Respose moire, mais il me semble qu'une dame tat gracieu- de Sena fement requise ne doit esconduire a plat celui qui sudité. la prie. Ce seroit vne trop grosse rigueur tenue au suppliant. le scai par experience les tresgrans biens que nostre seigneur Iesus a fait a l'ame son espouse & le mal qui lui peut aduenir pour lui desobeir, & me semble que l'Ame seroit tresmal de mettre en oubli Iesus pour autre aimer, mais elle peut faire les deus, aimer le prince sans oublier son espous, car comme scaués toutes choses ont leur tems comme a escrit le Sage, & peut l'Ame compasser le tems, de sorte qu'elle en emploiera partie a l'amour & seruice de Iesus & l'autre a la bienueuillance du prince de Volupté. Iesus n'entend que l'Ame soit touiours occupée a son seruice, mais veut qu'elle se delecte des creatures & auec les creatures qu'il a faites pour elle. Or est il que tous les plaisirs & soulas du monde sont en la disposition du prince de Volupte, parquoi lui conuiet coplaire pour en auoir. Et me semble, sauf meilleur conseil, veue sa gracieuse priere & amoureuse requeste qu'il ne doit estre esconduit, & que Sii

l'Ame le doit aller veoir & visiter. Et quat a la conuenance dudit traité de mariage d'entre Iesus & vous dot on vous pourroit arguer, par ce que par icelui aues promis & iure lui garder vostre soi, vous scaués par contract appert fait & passé entre les mains des quatre notaires de Iesuchrist, il a promis que toutes les fois qu'on se retournera vers lui il sera prest de pardonner, en disant qu'il ne veut la mort du pecheur, mais qu'il viue & le conuertisse, & despieca long tems au parauát son incarnation Dieu son pere le promit par la bouche des saints prophetes. Et a ceste consideration si l'offenses pourries legerement faire vostre paix, car Iesus est touiours bon & veritable. Voila comme la folle Sensualité veut gaigner l'Ame, Entendemét, Memoire & Volunté par vain espoir de pardon. Les parolles de Sensualité prouoquerent l'Ame a fe r'estouir & soubrire, en disant. Ha Sensualité ma chere amie vous estes touiours celle qui mieus approchés du plaisir corporel, toutefois a la raison de ce que vostre opinion n'est touiours trouuée bonne ne m'i arresterai du tout sans premier auoir eu le cosentemét de vous Volunté la grande maiftresse de ma maison, ie vous prie que me coseillés. Volunté fut en grande perplexité, & combien que ce fut a elle d'ordonner de ce debat a cause de son office, neantmoins fut toute estonnée, de sorte qu'elle ne seauoit auquel obeir, ou a Entédement & Memoire ou a Sensualité . Et voiant Entendement que sa parolle languissoit en sa bouche & ne vouloit declarer sa pensée dit. Les persuasions de Senfualité me plaisent tresfort et adhereroie a icelles,n'estoit que ie crains le courrous de nostre seigneur lesuchrist, & qu'il envoie quelque persecutio a l'Ame

a l'Ame, a son cors, a ses biens ou a sa bone renommée. Toutefois ie considere, Ame raisonable, que si voiés qu'au palais de Voluptêne puisses faire vo-Are prouffit en pourres incontinent sortir & vous retirer. Voire mais dit Memoire le conseiller de Remona l'Ame, il i aura danger que les delectatios et plaisirs strances de ce palais si delectable au cors l'enueloppe si es. de Metroitement que l'Ame mette en oubli son espous moire. Iesus, & qu'elle s'abandonne a autre qu'a lui.

Non fera, dit Volunté, car nous isons auec elle & la conduirons en tous les affaires. Et si voions qu'elle ne soit bien traitée, i donnerons incotinent remede. le crains, dit Memoire, qu'il en sorte du scandale & de la follie, me semble qu'il seroit bon refueiller Raison gouvernante de l'Ame & lui en parler, car elle scet comme on se doit gouverner en toutes ces choses. l'ai fouuenance de plusseurs inconueniens aduenus a celles qui one laisse leur propre mari pour autre aimer, & mesmement de la belle Helaine qui laissa le roi Menelaus lon espous pour aimer & fuiuir Paris son cocubinaire. Je vous asseure Ameraisonnable que si vous alles a ce palais de Volupté plusieurs en parlerot en mauuaise signification, & tel vous estime vertueuse & sage qui vous apppellera folle & pernicionie. Les gens de vertus qui auoient acoustume au moien de voftre bon gouvernement de vous honorer & prifer vous fuiront & se moqueront de vous & leres en brief bannie de toute honeste & bone compagnie.

Les remonstrances de Memoire furet grandes, Perfua. Be n'i auoit personne qu'elui seeut respondre, fors sions de Jeunesse qu'elle print la parolle, di- Jeunesse sant le pensoie que tous sussies plus sages de mieuls aduisés, vous sembles estre gens lans esprit & con-2115 147

duite, caracion de vous n'a consideration comme & en quelle forme & maniere on doit passer le repaire de vie humaine. Vous ignorés qu'il i a diuers passages, scauoir est celui d'Enfance, Adolescence. Teunesse et Vieillesse. Quat a celui d'Enfance & Adolescece, l'ame l'a ia passe puerillemet & partie en , ignoráce sans gráde discretió. Au regard de la terre & du passage de leunesse, dont ie suis dame, c'est vne terre pleine de ioie & liesse, de ieus & esbatemens, par laquelle on doit voiager & peleriner ioieusement, & ne pensés qu'en icelle dame Raison aie l'autorité & superintendence, mais la connient passer par la conduite de Sensualité qui est ci presente car la terre de Jeunesse est ordonée pour nourrir le cors & le disposer a longuement viure, pour laquelle chose faire lui est necessaire viure opulemment & se r'essouir souvent, prendre modere repos & fuir tout chagrin & fouci, autrement le cors & les membres viendroient a si grande foiblesse qu'ils ne pourroient passer le dangereus & fascheus passage de vieillesse, qu'on ne pourroit passer fant la conduite de dame Raison. Pour lesquelles confiderations, & que vous estés en ma zerre me semble que vous deues passer par la conduite de Sensualité qui scet les chemins & bon logis miculs qu'autre, & madite terre passée dame Raison yous conduira par les destroits de vieillesse. Ieunesse parla de telle sorte qu'elle estonna Entendement & Memoire, & au regard de Vo-Lunté par la grande pufillanimité s'accorda a Senfualité, laquelle conseilla que tous ensemble iroient ledit iour ou palais de Volupté au desceu & sans appeller dame Raison, Prudence ne les autres vertus. Et telle fut la response de Volunté aus

Digitized by Google

quatre servantes du prince de Volupté qui en surent tressoieuses. Et par ce moien l'Ame tumba en peché mortel.

Description du palais de Volupté, comme l'Ame, Volunté, Entendement, Memoire, Schsualité & Ieunesse i allerent, & du recueil qui leur sut sait a l'entrée.

Ar la nuit d'ignorace fut obtenebrée la lumiere de Connoissance, & incontinent l'Ame couverte de son terrestre cors, Entédement, Volunté, Memoire, Sésualité & Jeunesse au

desceu de Raison gouvernate de l'Ame & desautres vertus de sa copagnie, accorderent aller au palais de Volupté, auec les quatre messageres de Pechê,& pour ce faire monterent sur cheuaus de poil moreau, que leur bailla Leger courage herault de Peché, & tous ensemble prindret leur chemin vers la forest d'Inclinatió a malfaire & moi auec eus.La forest estoit moult grande & plaisante a veoir, & au meillieu d'icelle i auoit vn grant palais fait a la semblance d'une ville enuironné de fossés d'Inobediéce & clos de murailles de Preuarication, edifié, ainsi qu'on disoit, par Lucifer & ses complices, & depuis augmété par nostre premier pere Adam. Sur le portail soustenu par quatre marmorées colonnes, estoit le simulachre de Volupté en blanc marbre entaillé, si trebien fait qu'il donoit esbahissement a tous ceus qui le regardoient, a la raison de ce qu'il sembloit auoir vif mouvement, & que son vestement fust soufsie d'un vent venant a l'opposite. Autour de lui estoient aussi les images d'Epicurus, Democritus & Dicearchus, qui ont contre S iii

verité escrit souveraine felicité estre en delices & choses voluptueuses. Au soubassement de ces qua. tre colonnes estoient plusieurs choses escrites en lettre fort antique qu'on lisoit a grand peine, sca. uoir est en la premiere. Extrema gaudij luctus. En la seconde: Tristes sunt voluptatis exitus. En la tierce. Voluptatem bestijs concedamus. Et en la quarte: Voluptati impera, qui sont quatre opinios données par le Sage Salomon, Boece, Ciceron & Boetius Periander, voulans dire que volupté doit seule mét estre es bestes irraisonnables, & qu'on doit au oir Perianla seigneurie & domination sur volupté, par ce que la fin est plorable & l'issue triste. Et comme a escrit Isidore. Volupté est vne inclination de villaine & orde pésée a choses illicites auec quelque lubrique fuauité, qui est communement en ceus et celles qui viuent a leur plaisir & se gouuernét par leur seule volunté, non croians que l'Ame soit immortelle, & qu'il i ait paradis & enfer a la maniere des Epicuriens. Or auant qu'entrer en ce palais , les quatre mes-

fageres desquelles i'ai dessus parle i feirent vne

triumphal de luxure portê par quatre roues, dot la

Cicero.

der.

course. Et ce pendant l'ame & sa compagnie prindrent repos a la fontaine de menus plaisirs, ou retournerent deus heures ou enuiron apres lesdites quatre messageres, & mirent l'Ame a chemin. Bien ption de tot apres vei venir au deuant de l'Ame pour la rela Chair ceuoir & recueillir vne grade compagnie de gens, les aucuns d'eus en chars triumphans & les autres & de sa a cheual desquels marchoient en asses bon ordre, copagnie comme il me sembla. Premierement marchoit vn ieune seigneur nommê la Chair richemet vestu de drap d'or & autres riches acoustremens ou char

premiere

premiere estoit Libidinité, la seconde Superfluité d'habits, la tierce Habondance de viande, & la quarte, Trop lóg dormir. Les deus cheuaus estoiét Prosperité de vie, & Habondance de biens mondains, qui estoient conduits par Somnolence & infidele seureté sans esperons ne fouets, & chacune d'elles auoit sur le chef vn chappeau de la verte fueillée de simulation, pour les garder de chault, & vne contenance d'effusion pour les euenter. Et apres marchoiet plusieurs autres a cheual: Scauoir est vn beau ieune fils nomme Plaisir charnel fils de Luxure qui auoit les seus bendes, & tenoit en l'une de ses mains vn arc turquois, ladite dame Luzure, Gloutonnie, Paresse & toute leur sequelle.

Ou second ordre marchoit le Monde, lequel Descriestoit au char triumphal d'Ambition porté des ption du quatre roues de pusillanimité, inhumanité, côtem- Mode et nement de Dieu & oubliance de la mort.Les deus de sa cocheuaus estoient tenacité & rapacité, que condui-pagnie. soit ardeur d'auoir lesquels il touchoit du fouet de crainte de perdre. Apres ce char triumphal marchoient a cheual Auarice & toutes ses filles & ser-

uiteurs qui sont les circonstances de ce peché.

Ou tiers ordre estoit vn grad personnage mer-ueilleus a veoir qu'on nommoit Malin espritasis ption du en vn char triuphal de malice, porté par les quatre Malines roues de cruauté, impacience, audace & impudici-tê. Les deus cheuaus qui le menoient estoiet, puifsance terrienne & pompe seculiere. Presumption de sa coestoit sur pompe seculiere qui auoit le souet d'ar- pagnie. rogace, & haine sur le cheual de puissance terriene qui auoit le fouet de soupeço. Apres ce char triumphal marchoiet Orgueil, Ire & Enuie auec toutes leurs filles & circonstances. Ceste

Malines

## Le secondhure

Ceste merueilleuse compagnie approchée de l'Ame & de sa suite, chacun lui feit asses gracieuse reuerence, & le Monde qui porta la parolle pour tous harengea deuant elle asses longuement vsant de persuasions attractiues qui contenoient en substance plusieurs grandes promesses de richesses mondaines, honneurs, plaisirs, delectations & toutes autres choses voluptueuses, dont l'Ame qui trembloit de crainte le remercia. Puis tous ensemble la menerent dedans le palais de Voluptê, ou elle fut humainement receue par Peché prince de ce palais, lequel estoit vestu de drap d'or frisê de noir et couronné d'une couronne a pointes garnie de pierres fines. Le deuant de son cors resembloit beau & honneste, & a sa parolle on eusse iugê qu'il estoit homme de grande prudence & scauoir, mais par le derriere estoit laid, hideus, & difforme. Il print l'Ame par la main, le Monde print Memoire, Plaisir charnel print Sésualité & Jeunesse, la Chair print Volunte, & Ambition print Entendement. Au regard d'Esprit malin il alloit seul & sembloit bien estre superbe, arrogant & ireus. Tous entreret en vne grade salle, où l'Ame & ceus de sa compagnie furent sumptueusement traites de viandes, vins, dances; esbats, passetems & autres plaisirs sensuels, non seulement par deus ou trois iours, mais par long tems de forte qu'ils oublierent, Raison, Foi, Esperance, Charité, Prudence, Force, Iustice, Temperance & toute leur vertueuse suite qu'ils auoient laissée & habandonnée.

Comme l'Ame, Volunté, Entendement, Memoire & Sensualité furent prostitués & mis au bordeau de Peché.

L'Ame

'Ame, Volunté, Entendement, Me-🛪 moire, Sensualité & Icunesse, nourris 🖁 en delices au palais de Volupté, ne 🙎 parloiet plus que d'impudicite, Au2rice, Ambition, Prefumption, Arro-

gance, Delectatios charnelles & autres choses que tant aiment les fols mondains. Toutefois quant a l'acte & au fait refusoient eus i abandonner, aussi en auoient esté peu assaillis. Si aduint vn iour que Volunté estoit seule en sa chambre, la Chair qui Tentasembloit estre vn beau prince alla vers elle pour lui tio de la doner passetems, & apres plusieurs parolles lui dit. Chair. Ma dame Voluptéiene vous puis plus celer vne pensée que l'ai sur le cueur vous suppliant qu'elle ne vous soit desplaisante si tátie me hardie la vous declairer. C'est qu'il i a long tems que la cotinuelle frequétation de nous deus, vos amoureus regards, vostre elegante formosité & vostres cleres vertus ont engedré en moi vne si merueilleuse cocupiscéce, que par succession de tems elle a sur moi prins sa seigneurie, Et en ai si merueilleus assaus et alarmes, que les nuits m'ont esté trop courtes pour penser come ie me pourroie de ceme deffaire, mais apres m'i estre rompu, fatigué & lasse, et que par crainte de vous desplaire le fu admonesté de m'oster de ces fantasies, vos penetrans regards, vostre amoureus mantien, vostre noble sacode & gracieus lan-gage mont donné hardiesse de declairer a vostre tat illustre maiesté & reuerêce que vous estés celle que plus i'aime en ce monde,& qui tenés ma vie & ma mort entre vos mains.

Vous estés no seulemet ma dame, mais aussi ma maistresse, qui aués vne telle seigneurie & maistrise sur moi, que dormir, boire, manger & viure ne puis

puis sans vostre amoureuse pitie, & tenés mon salut en la prison de vostre amoureuse merci. Ouurés vos clers & rians ieus pleins de doulceur & clemence, & regardés celui qui ne peut euader le trait de mort sans vous. Ie scai que i'ai fait vne trop haulte entreprinse, & doubte qu'elle vous soit desplaisante, si ne considerés que iai esté a ce contrainte par les recomadées graces qui sont en vous en iugeant que rigueur & cruauté ne pourroient

estre en cueur si begnin & courtois.

Volunté grade maistresse de l'Ame, apres auoir oui parler le prince de la Chair, fut tellement esmeue par l'eschauffemet d'amours qu'un peu s'arresta sans pouoir mot dire, puis reprint son douls anhelit & commenca a respondre ainsi. Monsieur il vous a pleu de vostre especialle grace & sans merites me recommader si treshaultement, & plus qu'aucune de toutes les belles femmes qui furent onques: Ce que ie ne prensa mon prouffit bien aduertie que la quarte partie de ce que vous aués dit n'est en moi, neatmoins ie vous remercie humblement de vostre bonne parolle, & de ce qu'il a pleu a vostre bonne seigneurie tant s'humilier de me nommer vostre dame & maistresse que ie ne vouldroie, mais suis vostre simple servante. Et en lieu de vous commander veu voftre bon voulois i ofe bien vous doner autant de feigneurie fur moi qu'il vous en plaira prédre. Toutefois vous scaués que ie suis la grade maistresse de la maison de l'ame, & si ie faisoie quelque chose non honeste en son hostel ou compagnie, ce me seroit perpetuel repro-che. A ceste raison ie suis contrainte de viure chastement, & de ne m'abandonner a plaisir voluptueus ne amour deshoneste.

Ie vous

Le vous asseure que hors cela estés celui de ce monde que i'aime le plus. Ie vous mercie dit le prince de la Chair, mais ne pensés que ie vous aime en deshoneur ne a ce q vous aiés aucune reproche. L'airneroie mieus estre mort q de l'auoir songé ne fait.Bien est mon amour si grant & vehement que ie vouldroie bien estre touiours auec vous & non ailleurs, soit de jour ou de nuit. En disant ces parolles ou autres semblables, approcha sa bouche de celle de Volunté. Et apres l'auoir baisée comméca taster son virginal tetin, ce qu'elle permist, lui deffendant le demourant, qui estoit follie a elle, car a peine l'un est sans l'autre. Et voila la forme & maniere comme les ieunes mondains decoiuent pluficurs filles et femmes qui leur prestét les aureilles, & donnent lieu a leurs deceptiues parolles.

De l'autre part en vne autre chambre estoit le Tenta-Monde auec Memoire, ou ils deuisoient des auto- tion du rités, dignités, seigneuries & honneurs mondains, Monde. que le Monde promettoit a Memoire si elle vouloit l'aimer, lui recitant plusieurs histoires des princes & rois, lesquels pour auoir suiui le Monde estoient paruenus a plusieurs couronnes, sceptres, thiares, principautés & seigneuries, promettant lui en faire autant. Par lesquelles seductions & deceptiues promesses Memoire donna son cueur & son

amour au monde.

La folle ambition ne dormoit de l'autre part, Tentamais estoit auec Entendemet chancellier de l'ame tion de en vne autre chambre ou ils parloient & deuisoiet Ambinon seulemet des bies de ce monde, mais des sciention. ces humaines & autres choses curieuses, par lesquelles on peut auoir honeur mondain. Toutefois Entendemet ne feit aucune promesse a Ambition

qui lui sembloit tant belle, mais bien fut furprins de son amour, car apres ce qu'elle fut de lui separée, enuelopé de la conuoitife d'amour, se ietta sur son lit de camp disant ainsi. O quel dangereus alarme! quel contagious attrait! & qu'elle tentation m'ont este liures par les doulces parolles d'une femme! O pauure Entédemét que doibs tu faire! tu conois a l'oeil le reproche que tu auras: Si toi qui es le chancellier de l'Ame t'abandones a la folle amour d'une femme, que dira lon de moi qui suis vn peu diminué de la perfection des anges, si le suis surmonté d'une feminine doulceur, & d'autre part comme pourrai ie estaindre l'ardate flamme de defir charnel ou ie suis? Au fort si par folle amour ie me destourne de la droite voie par laquelle ie doie cheminer, ie scai les moiens pour i retourner. Lui estant en ceste perplexité Ambition retourna qui le vint embrasser & baiser, & par ces amoureus at tractifs fut par elle gaigné sans pouoir donner resistence de lui mesme sans l'aide de Dieu duquelil ne demandoit le secours. C'est vne chose tresdangereuse que compagnie de ieune femme auec vn homme en lieu suspect, tant vertueus puisse estre, car c'est vouloir marcher a pied nud sur les ardans charbons sans se bruler, qui est presque impossible. Au regard de Sensualité, elle estoit en la garderobe ou retraite de la chambre de l'Ame auec Plaisir charnel, qui ne print grand labeur a la gaigner, car incontinent s'abandonna a son vouloir.

L'Ame estant en sa chambre auec Peché prince de Volupté qui la pressoit merueilleusement, & chacun iour renouuelloit ses prieres & tentations par tant gracieuses parolles & doulces persuasions mixtionees de grades promesses que l'Ame a peine

& difficilement i resistoit. Et comme vn soir estoit demourée seule en sa chambre, pressée de plusieurs & diuerles fantalies, disoit a par elle tout ainsi. O que ie suis en merueilleuse angoisse, en perilleuse guerre & dágereus conflict! Le voi d'une part que ie suis espouse de Iesuchrist tout puissant, tout sapient et tout bon, duquel i'ai tant receu de biens. Ie scai que ie suis sa promise,& que si ie lui suis sidelle, aurai le doŭaire d'eternelle ioie & le bien fouuerain. L'ai de l'autre part deuant mes ieus la grande beauté du prince de Volupté, son subtil scauoir, fon opulence, son eloquéce, sa faconde & son gracieus maintien. Ie connoie qu'il m'aime mieus que femme du monde, & voi le labeur qu'il prent chacun iour pour me coplaire & pour ma grace aquerir. Ie voi aussi les grans biens qu'il me presente, ses amoureuses delectations, ses continuels plaisirs, & sa grande biéueuillance. L'une de ces choses m'aduance,l'autre me reculle. Que ferai ie ? Ou irai ie? Qui me donnera conseil & confort? Ie nescai ou est Entendement mon chancellier. Volunté ma grande maistresse se laisse manier du prince de la chair. Memoire mon conseiller ma laisse, & maseruante Sensualité est la gaignée par Plaisir charnel. Au fort ie ne puis faillir a essaier que c'est de ceste amour, & si ie le trouue mauuais, en sortirai. La pauure ame ne pésoit combien il est facile a offenser Dieu,& cobié est difficile a se releuer de peché.

Or l'Ame estant en ceste perplexité abandonée d'Entendement & Memoire, mal gouvernée par Volunté: Le prince de Volupté entra en sa chambre & la trouva seule & essongnée de toutes bonnes pensées, au moié dequoi sans grade resistéce sit d'elle ce qu'il voulut et la prostitua, come aussi sit le

Monde

Monde Memoire, Plaisir charnel Sensualité, ke prince de la chair Volunté. Et au regard d'Entendement il s'abusa d'Ambition de sorte qu'il ne scauoit plus qu'il deuoit dire. Voila comme l'Ame est habandonnée a peché. Entendement, Memoire & Volunté a la Chair, au Monde & a Ambition, de toutes lesquelles choses Esprit maling (c'est le dia-

ble)estoit conducteur. L'entrée de Volupté fut plaisante comme nous auons veu, & dura long tems moiennant Ieunesse qui touiours conduisoit et pourchassoit ses plaisirs, mais l'issue en fut piteuse & pleine de pleurs, car le prince de Volupté nomé Pechê apres auoir fait a son plaisir de l'Ame incorporée l'habadona a tous ceus de son palais, et finalement aus pages & pallefreniers, c'est a dire a tous pechés. Et pour tout salaire elle deuestue de sa robe d'innocence, fut mise & habadonnée au bourdeau d'Obstination toute souillée, pollue & maculée, de sorte qu'elle sembloit estre lepreuse. Autant en fut fait d'Entende ment, Memoire, Volunté & Sensualité, & d'auantage Ignorance embloua les ïeus d'Entendement en maniere qu'il ne pouoit veoir. Oubliance creua l'oeil dextre de Memoire, de sorte qu'elle n'auoit fouuenance fors des choses mondaines. Volunté fut despouillée & si fort flagellée & batue des bastons de vanité qu'elle deuint boiteuse des deus hanches, en manière qu'elle ne pouoit plus cheminer droit. Et au regard de Sésualite & leunesse furent mises es gresillons du Monde & de la Chair qui est vn tourmét assés grad & douloureus a longuemet le supporter. Brief c'estoit chose piteuse de veoir L'ame & sa copagnie en tel piteus estat, que l'auoie yeue en si grant triumphe & honneur.

Comme

**Consme**l Ame incorporée voit & connoit ses grans desfauls par la lumiere de Synderese, & que c'est de Synderese.

Ve dirai ie plus: fors que ie vei fortir des reus de l'Ame incorporée, vne D femme resplédissante comme la lune, yestue sur le nud de fine toille de soie blanche, laquelle tenoit en ses deus mains deus grans flambeaus ardans. On me dit depuis que c'estoit Synderese, qui est (comme a escrit faint Augustin) vne lumiere dedans née concrée en l'Ame, par laquelle l'Ame est dirigée & menée a faire les choses appartenantes a la iustification de la coulpe & peine & a l'adeptió de gloire que saint Basille appelle naturel iudicatoire. Elle est differente a la conscience, car la conscience peut receuoir erreur & perturbation & non la synderese, cobien que la conscience quant a la part superieure se reduile a synderese. Synderese est le remede cotre le leuain & nourrissement ou source de peché qui est en toutes personnes si par grace especialle n'en sont de Dieu preseruées, car le leuain ou fource de peché incline a mal faire, & la synderese induit a bien viure.

La lumiere procedante de synderese & de ses flambeaus sut si grande que l'Ame veit clerement l'abomination, horreur & misere ou elle, Entendement, Volunte, Memoire, Sensualité & seunesse estoient, & incontinent en basse & triste voix accompagnée des larmes de son cors commenca a dire. O pauure & miserable creature la plus malheureuse qui soit entre toutes les autres. Que ferai ie sou irai ie A qui sera mon recours pour trouuer

en mon mal secours 'Ou est le support de mo dest confort. Ha Sensualité faulse garle, qui as bien merité estre arse, trop tu m'as circonuenue & deceue par ton mauldit conseil. Le suis de toute beautê venue a hideuse laidure, de ioie spirituelle a angoisse inestimable, de reposa inquietation insuportable de noblesse a villennie, de liberté a seruitude. & de seigneurie a pauureté. Helas Entendement mon chnacelier que voulés vous dire pour vostre excuse, vous qui fustes approchant de la nature des anges, estés vous point fait semblable aus bestes brutes: Et vous Memoire mon conseiller qui connoisses les dangers passés comme m'aues vous souffert entrer en ce gouffre de douleur. Estés vous point pusillanime Volunté grade maistresse de ma maison qui aues le gouvernement de moi & dema court! Est ce point hôtea vous tous ensemble & a moi sans excuse, d'estre venus de la haulte et diuine trinité en ceste villenie et ordure? Vous estês ma lumiere Entendement & vous ne voies plus rié, ne vous aussi Memoire, fors de l'oeil senestre et maunais. Et vous Voluté qui aues franc & liberal arbitre et le chois de bien ou mal.comme aues vous esseu ce mauldit & damne lieu pour no-Are consolation?

Comme aués vous laisse le lieu de soulas, pour celui qui est plein d'helas, le lieu d'asseurance pour celui de danger, le lieu de plaisir pour celui de tristesse, le lieu tant plaisant & odorisere pour le lieu si tresinfect & villain. Je scai que toute vostre excuse est & sera sur Sensualité, mais elle ne vault, car c'est a vous & a moi honte qui connoissons la fragilité de Sensualité de nous estre arrestés a son opinion & conseil. Nous scauons bien qu'elle est sera uante

mante & folle, & vous Volunté estés maistresse & prudente. Nous connoissons que Sensualité ne quiert que changement de propos, & qui pour vn feul plaisir sensuel seroit diuertie de toutes bonnes veuures: aussi elle ne m'a esté baillée que pour cháberiere, & vous tous ensemble pour ma seure & loialle coduite. Mauldite soit l'heure dont ie laissai Raison ma gouvernate, Prudéce & les autres vertus dema compagnie qui tant bien me coselloient. Ou estes vous maintenat dame Foi! Me oies vous point dame Esperance: Entendés vous point mes plaints dame Charité! Dormes vous Iustice! Ne verraiie plus Temperance! Anraiie plus de vous sainte doctrine dame Prudence ! Et vous dame Force me laisserés vous perir en ce vil & abhominable lieu! Helas trop ie me suis d'elles essongnée, mes cris & clameurs ne pourront paruenir a leurs aureilles, & d'auantage le suis indigne de secours, parquoi le demourrai ci perpetuellement desolée iusques a la mort.

Comme Desesperance vint a l'Ame incorporée, & la pressa de se pendre au gibet d'Impenitence.

Infi que l'Ame se descosortoit et sais sont les piteus regrets ou lit de villent nie ou elle estoit couchée, arriua vers elle vne vieille si treshorrible & hible qu'autre creature, car elle auoit sur ses noirs cheueus deus cornes droites rédás noire & infecte sumée. En l'une de ses mains tenoit vn glaiue tout s'aglât, et en l'autre vn cordeau, ses vestemés estoiét de couleur noire semés de gouttes de sang & se T ij nom-

nommoit Desesperance, laquelle commenca a dire a l'Ame. Pauure & meschante creature a quel proposte plains tu de tes gens & seruiteurs, leur improperant la cause de ton malheur, tu scauois bien que sans toi ne pouoient aucune chose faire, & ce qu'ils ont fait a esté pour te complaire. Te veus tu descharger pour leur laisser de tes abominables pechés sur le dos! Que veus tu plus dire ne faire, es tu pas mauldite & malheureuse! Tu auois vn espous si noble, si riche, si beau, si bo, si charitable & tu l'as habandone & laisse pour suiuir vn tas de paillards & homicides, pour vne folle promesse de bies terriens & delectations charnelles.

As tu point memoire de la tát belle compagnie que ton espous t'auoit baillêe & des grans tresors qu'il t'auoit laisses? Péses tu que pour toi plaindre vn tel castant abominable te soit pardonné? Penfes tu que ton espous Iesus qui est si net, si bon, si beau, si noble te recoiue qui es si villaine, si horrible, si peruerse & si malheureuse? Serois tu bien si solle de iamais te monstrera lui? Serois tu bien si oultrecuidée de penser qu'il te voulusse regarder, sors pour te damner? Ou est s'anneau qu'il te donna? Ou est a robe d'innocence? Ou sont les treize deniers qui te furent baillés au sacrement de batesme? Tu n'en as chose aucune. Et a ceste cause Ame raisonnable ne tereste plus que ce cordeau pour te pendre au gibet d'Impenitence.

Apres que Deseiperance eut mis sin a son dur et cruel propos, l'Ame sut long tems sans mot dire, aussi ne pouoit parler pour la douloureuse angoisse qu'elle supportoit, et pésoie a la veoir qu'elle expirasse, car elle estoit comme en extase, voire si vehemète que la sueur sortoit de toutes les parties de son

de son cors en si grande habondance que son lit en estoit tout mouillé, & si n'auoit personne qui la consolasse, ne lui administrasse chose aucune pour la reconforter, dont la pitie sut si grande que mes seus ne se peurent contenir de ietter habondance de piteuses larmes, tant pour le mal que ie lui veoie supporter, come aussi que ie ne lui pouoie donner allegeance ne confort.

Comme Grace divine alla reconforter l'Ame,& de la disputation de dame Esperance contre Desesperance.

🖍 'Ame estant en ceste extreme douleur, son espous Iesus voiát des cieus fon mal et danger mieus qu'elle mef-me, eut pitie d'elle & lui enuoia de sa fouueraine bote Grace diuine pour la preuenir & lui aider a se retirer hors du palais de Volupté & des liens de Peché , laquelle descendue des cieus vestue d'un humble vestement de drap d'argent & couronée sur ses blonds cheueus d'une couronne d'or enrichie de pierres precieuses reluisantes come estoilles, passa par le lieu ou estoiét demourées Raison, Prudence, Force, Iustice, Temperance, Foi, Charité, Esperance auec leur suite, & toutes les mena vers l'Ame incorporée, qui lors estoit gisante a l'enuers au lit de Villennie au bordeau d'Obstination pres d'Entédemet, Memoire, Volunté, Ieunesse & Sensualité ainsi mal traités comme nous auons veu ci dessus, lesquels ploroiét & se desconfortoient si piteusement qu'a peine on les pouoit regarder ne ouir sans larmes, & pour tout medecin & cosolateur auoiet la terrible furie Desesperace qui nuit & iour augmentoit leur terrible

rible douleur & croissoit leurs tristes angoisses.

Ils estoient si fort troublés qu'ils ne conneurent de prime face Esperance, Foi, Charité, ne les autres vertus qui tant les auoient au parauant frequentees, & qui estoiét de la maison et famille de l'Ame, non feirent ils Grace diuine combien qu'elle leur ousse autrefois fait plusieurs grans biens. Et voiant Grace divine que c'estoit au moien de grans exces qu'on leur auoit faits se print a lauer & mundifier les îeus d'Entédemét, & l'ocil dextre de Memoire. puis les fit leuer en disant. Sus Entendement & Memoire, leués vous regardes en quel estat est l'Ame incorporée vostre maistresse, venés la secourir & conforter, car elle en a necessité grande. Raifon les print par les mains & leur aida a leuer. Et si tot qu'Entendemét & Memoire furent desblouês & releués commencerent a regarder Raison, Foi, Esperance, Charité & les autres vertus, lesquelles · foubdain allerent embrasser en leur demadant qui estoit celle noble roine qui les auoit desbloués & fait releuer de terre.

Foi leur fit response que c'estoit Grace diuine que Iesus le bo espous de l'Ame auoit enuoiee des cieus pour la guerir & mundifier, dont ils surent tressoieus: & en grade humilité seirent reuerence a Grace diuine la remerciant de sa visitation: & la priant qu'elle leur conseillasse qu'il estoit de faire. Grace diuine leur respondit qu'il conuenoit aider a l'Ame pour la mettre hors de sa misere, & que pour mieuls la chose coduire estoit premierement requis querir Volunté la grande maistresse qui ne se pouoit soustenir & clochoit par ce que sans elle on ne pouoit saire chose qui vallusse. En ensuiuat c'est aduis, Volunté sut visitée par Grace diuine & trouuse

puis tous ensemble tindrét coseil secret que ie n'entendi. Bien vei qu'incontinét apres Grace diuine s'adressa a l'ame gisante tout a l'enuers q auoit perdue la veüe & la parolle: Sur le front de laquelle sit vn grant signe de croix. Et par son commandement Entendement, Memoire et Volunté accompagnée de Raison, lui ouurirent les seus, desservent les dents, & desboucherét les aureilles qu'elle auoit pleines de l'ordure de villaines parolles. Puis lui lascherent la robe d'humanité, & soubdain l'Ame commenca ietter vn grant & hault souf-

pir disant.

O souveraine & divine maieste, glorieuse & incomprehensible trinité en vne essence & deité, aies pitie de moi vostre pauure & miserable creature, vous m'aues faite & formée a vostre semblace : & tant m'aués par Charité aimée qu'il vous a pleu me faire r'achepter par la mort de nostre seigneur lefuchrist vrai Dieu & homme la seconde personne de la trinité, & me faire son espouse, voire me donner tant de biens naturels, spirituels & temporels que ie ne scauroie ne pourroie les nobrer ne dire: Tous lesquels biens i'ai si mal reconneus, que oublieuse de tant de benefices i'ai laisse vostre amour & seruice pour m'abandonner a pechê: helas que deuroit on faire de moi fors m'enuoier en eternelle peine des damnés, ou ie suis ia par vostre iustice non a tort condamnée : Toutesfois i ai tant oui parler de vostre souueraine & incomprehensible bonté & de la grandeur de vostre misericorde que i'ai encores quelque attente que les merites de vostre eternel fils lesus me pour. ront aider.

T iiij Enten-

Les argumens
de Deses
perance
contre
l'Ame.

Entendement, Memoire & Volunté furent vn peu cosolés d'ouir ainsi parler l'Ame, combié qu'il fussent encores tous hôteus de leurs desfaus. Et au regard de Ieunesse & Sensualité ne disoient mot, & touiours estoient es gresillons du monde & de la chair. Et ce voiant Desesperance va dire tout hault en parlant a l'Ame. Pauure & mauldite crea-ture tu es bien abusée de penser & presumer que Dieu te veuille ouir et receuoir ta requeste: Ie t'asfeure que iamais n'auras appointement auec lui, & si demourras enuers lui & tous les anges, saints & saintes perpetuellement dissamée, sans pouoir retourner a ton estat d'innocence pour plusieurs raifons. La premiere, pour l'enormité de tes pechês, car tu es tachée d'orgueil, auarice, adultere, inceste, homicide, paricide, concussion, ire, enuie, paresse & luxure, & de leurs circonstances qui aggrauet tous ses peches. La seconde pour la multiplicatio & reiteration d'iceus pechés, lesquels tu as tant de fois comis qu'il n'est possible de les dire, et ne scaurois trouuer prestre qui peuse t'en bailler penitence ne absolution. La tierce est au moien du long tems que tu as demouré en tes mauldits pechés. La quatrieme que tu ne pourrois faire condigne penitéce de tes offenses, & ne la pourroit supporter to cors. La cinquieme que tu es de Dieu reprouuée, ce que tu puis clerement connoistre, car tu es paresseule a bie faire, & si es iour & nuit tentée. La sixieme que tes pechés sont conneus a chacun & si es diffamée enuers le monde, parquoi ne pourrois iamais recouurer ton honeur. Et la septieme que dieu pour la punition de tes pechês t'enuoiera tant d'aduersités & infortunes que tu ne les pourras suporter. Parquoi le meilleur sera mettre fin de tes propres

pres mains a tes malheureus iours.

Ainsi comme Desesperance parloit, Grace diuine, Foi, Esperance, Charitê, Entendement, Memoire, Volunté & Raison commencerent a crier apres celle mauldite vieille pleine de rage & de fureur en la voulat poulser hors p les espaules. Mais on cessa par le commandemét de Grace diuine qui commanda a dame Esperance respondre aus sept Respose articles de desespoir mis en auant par Desespe- de dame rance, ce qu'elle seit en lui disant. O mauldit & esperace damné esprit, fille de Peché, & mere d'eternelle cotre les destresse. Tu as ciallegué sept choses par lesquelles tu pretends faire entrer en desespoir l'Ame incorporée, & la faire continuer en ses pechès qui sont de Deses toutes choses faulses. Car quant au premier article perance. de l'enormité des pechês de l'Ame incorporée, ie te respod que la misericorde de dieu est plus grade que tous les pechés faits & a faire, & que cent mille mondes pourroient commettre, a la raison de ce qu'elle est infinie, & comme il est escrit. Dieu est bon en toutes choses, & est sa misericorde ouuerte a tout penitét. Aussi dit saint Paul, que la ou peché abonde, grace superabonde. Tu sces bien que saint Pierre renia nostre seigneur Iesuchrist son maistre. Saint Paul persecuta son nom & sa loi, & neantmoins par la misericorde de Dieu ils ont depuis esté beatifiés. On ne doit (comme a escrit saint Hylaire) craindre de demander a Dieu pardon, qui a plus grand vouloir de le donner qu'on n'a de le requerir, & ne tient qu'a le demander en foi, en esperance & charité. Quant a la multiplication despechés qui est ta seconde obiection : ie te dis que la multitude des delits ne doit engendrer deselpoir, car si plusieurs fois vne personne tumbe en la

en la fange, pourtant ne s'ensuit qu'il i doite demourer. Aussi ne doit le pecheur demourer en l'ordure de sa meschante vie, mais se releuer le plus tot & plus souvent qu'il pourra. Et de ce nous asseure saint Matthieu en son euagile par la parabole que dit lesuchrist de l'ensant prodigue qui auoit consumé toute sa substâce, & en ce faisant commis grât nombre de villains & abhominables delits, & neantmoins sut receu de son pere auec grâde ioie, a la raison de ce qu'il reconneut ses offenses, les detesta & eut bon propos & vouloir de non plus les commettre. Et d'auantage lesuchrist a dit que les anges ont plus grâde ioie d'un pecheur couerti saisant penitence, que de quatre vingts & dix iustes.

A ton tiers obiect qui est la diuturnité du tems qu'on est demouré en peché, ie respond que iacoit qu'il soit tresdangereus de perseuerer longuement en son peché, par ce que l'usage se conuertit en nature, & que les choses naturelles ne se changet fors par diuine puissance. Toutefois le liberal arbitre preuenus & aide de la grace de Dieu peut sortir de la fange de peché. Et si tu veus exemple parle au bon larron, lequel te dira qu'il auoit continué son peché iusques pres de sa mort, & a vn seul mot de foi & humilité, en reconnoissant le bon lesus pendant en croix, & lui requerant pardon, tous ses pechés lui furent remis & pardonnés, & lui promit Iesus que ce iour iroit en paradis auec lui. Manasses roi de ludée qui par cinquâte ans perseuera en plusieurs crimes & delits sut prins par ses ennemis & detenu prisonnier long tems, ou il reconneut son offense, & eut moiennant ce pardo, et la restitution de son roizume.

Tu as dit quartement que l'Ame incorportene pourroit

pourroit supporter la penitence satisfactoire de ses pechés, dont ie te fais niance quant a la coulpe: car tu sces bien quant a la loi diuine on ne baille aus penitens chose impossible & mal aisée a faire, & que nostre seigneur Jesuchrist qui a prins mort pour tous les vrais catholiques a plus satisfait pour eus qu'ils ne scauroient messaire. Et si tu dis qu'il est difficile a restituer ce qu'on a de l'autrui: ie di que non a gens de bon esprit, qui connoissent ce mode estre de petite durée: & que mieus vaut estre sauuê & n'auoir rien que d'estre damné auec grans richesses qu'on ne peut emporter: mais on les laisse a gens qui en font les bonnes & grosses cheres.

Tu as dit oultre a l'Ame pour le cinquieme obiect qu'elle estoit de Dieu reprouuée par ce qu'elle
s'ennuie de bié saire, & lui desplait de seruir Dieu,
aussi qu'elle tumbe facilement en tentation. Ie respond que Iesus nostre seigneur a dit (comme tient
l'euangile, que la volunté de Dieu son pere n'estoit
qu'aucun perisse : et asseure qu'aucun ne doit estre
dit reprouué iusques au pas de la mort: car touiours quelque peché qu'il face s'il se met en son deuoir de se releuer de peché, dieu lui aidera a ce saire. Iob 6.
Et dit saint Thomas, si par quelque ame lui estoit Beatus
reuele qu'il seroit damné, ne le croiroit, mais penferoit que ce susse condition s'il n'amédoit sa vie primo
ou que telle reuelatione vint de Dieu, mais par ilsentent.

Quat au sixieme obiect qui est que la personne au moien de ses pechés est diffamée & scandalisée: C'est pauure & delicat argumét & mal sondé. Car mieus vaut estre dissamé en ce mode pour vn peu de tems, & entre peu de gens que d'estre scadalisé, vitupere & deshonore au jour du grant jugement,

ou tous

#### Lesecondhure

ou tous les pechès des hommes & femmes seront descouvers a la cosusion des obstinés, & a la gloire & honneur de ceus qui auront sait penitence en ce monde. La bonne Marie Magdaleine, qui estoit de noble & riche lieu extraite, n'eut honte d'aller seule en la maison d'un Pharisié se mettre au pieds de Iesuchrist pour lui demander pardon de ses pechés qu'elle obtint. Et pour ceste grande humilité a esté depuis sanctissée & honnorée au ciel & en la terre.

Finalement tu veus imposer crainte a l'Ame aux moien des aduersités que Dieu souvent enuoie aus pecheurs, mais c'est la chose qu'on doit plus desirer & moins craindre, car par aduerfité les pecheurs se relieuent de peché, viennent a reconnoistre leurs offenses, & aquierent merites quant paciement les supportét a l'hôneur de Dieu. Et te di d'auantage, que la plus grande aduersité de ce monde, soit en l'Ame, en cors ou en biens n'est si grande que la moindre douleur d'enfer, tant au moien de l'asperité des peines de l'autre monde, que de la perpetuelle durée d'icelles. Et a ceste consideration on ne doit craindre les aduerfités mondaines, mais les desirer.Et pour toutes ces raisons que i'ai dites & autres que le pourroie alleguer, chacun peut clerement conoistre qu'on n'a matiere de se desesperer de la bonte & misericorde de Dieu. Mais comme dit Dauid, on doit esperer en lui, & en se mettant hors de peché par penitéce on fera deliurê de toutes tribulations.

Le propos d'Esperace sini, la furieuse & enragée Desesperance laissa l'Ame, & s'en alla bruiant & ronssant toute cosuse en enser, dont elle estoit venue. Au moien dequoi l'Ame print courage; & de genous genous se prosterna deuant Grace diuine, et lui demanda trois dons. Le premier qu'elle lui donnasse le moien de sortir hors du palais & des liens de peché. Le second qu'elle fusse nettoiée & mundissée de tant villaines taches & infections qu'elle auoit sur son cors. Et le tiers, qu'elle la coduissse & presentasse a son espous Iesus. A quoi grace diuine seit respose que ses requestes estoiét iustes, & l'aideroit a les obtenir: mais qu'il couenoit faire trois choses. La premiere hair & contemner peché. La seconde se trasporter a la sontaine de penitence pour se lauer. Et tiercemét passer par les destroits du mode, affin d'aller au port de salut, ou elle trouueroit son espous Iesus deliberé a la receuoir. Ce qu'offrit faire l'Ame moiennant l'aide de Grace diuine.

Que e'est de peché, & combien il fait de nuifance aus biens temporels, & qui font les biens temporels.

Our hair peche & connoistre combié il nuit aus humains (dit Grace diuine a l'Ame) conuient en premier lieu scauoir que c'est de peché qui se nomme Prince de Volupté. Saint

Ambroise dit que c'est prevarication de la loi eternelle & inobedience des celestes mandemens, ou autrement. Peché est volunté de retenir ou auoir ce que Iustice dessend. Peché est vne assectió mauuaise & volútaire, & a ceus qui le soustiennét done
plusieurs mauls & grandes aduersités tant es biens
temporels, corporels que spirituels. Et pour entendre combien peché nuit aus biens temporels est a
noter qu'il a trois sortes desdits biens temporels.
La premiere substance temporelle consiste, en or,
argent,

argent, terres, maisons, dommaines & autres biens semblables. La seconde est honneur mondain. La tierce est puissance terrienne. Et quant on abuse desdits bies ou d'aucuns d'iceus par peché on voit que Dieu enuoie souuent les punitions toutes proptes, par guerre, famine, peste, par feu, par eaüe, par proces ou par quelque autre aduersité. Il est cotenu au liure d'Exode que Dieu permit aus enfans d'Israel de prendre & emporter les vaisseaus d'or & d'argent des Egypciens & autres richesses pour les oppressions qu'ils leur auoient faites contre la volute de Dieu. Et pour le peche d'ydolatrie, que le roi Achab & fon peuple commirent en la terre de Samarie (qui est la terre de promissió) le ciel fut clos par trois ans & trois mois sans pouoir auoir pluie a la requeste du Prophete Helie.

Debondain.

Quant a l'honneur mondain vous connoissés neur mo assés qu'il est aquis par vertus & pour droitement viure, et qu'il est perdu par orgueil, auarice, luxure, ambition, gourmandie & autres vices publiques & scandaleus. Et touchat puissance terrienne si vous auês leu les liures de la fainte Bible & autres histoires vous entendés assés, comme les roiaumes & empires sont allés de main en main pour les iniustices des rois & empereurs.Nabugodonosor fut long tems priué de son roiaume habitant auec les bestes brutes par les desers pour son orgueil, prefumtion & arrogance. Et depuis Balthasar son fils pour ses pechés perdit son roiaume & fut occis par Cyrus roi de Perse & par Darius. Il i auoit sept nations en la terre de promission qui furent toutes sept auec leurs rois & princes mises a mort par Iosue & les Israelites, exceptés aucuns lieus, & tumberent leurs seigneuries pour leurs pechés

entre les mains des enfans d'Ifrael. Ausi lisons que les enfans d'Ifrael furent captifs & leur roi Sedechias parlxx. ans en Babilonne pour leurs iniquitês, depuis recouurent leur pais: mais finablement l'ont perdu & ont esté radicallement priués de l'autoritéroialle & dignité facerdotale par les Romains, par ce qu'ils feirent crucifier & mourir nostre seigneur Iesuchrist par enuie. Contéplons les mutatios des monarchies des Assiriens, Perses, Medes & Romains, et nous trouverons qu'elles ont esté toutes subverties & anichillées pour les vices des monarches & princes.

Combien peché nuit aus biens naturels, et qui font les biens naturels.

Es biens naturels (dit Grace diuine a l'Ame) consistent en trois choses, en lignée, en conservation de vie temporelle et es puissances animalles. On desire auoir des enfans, & qui en a il craint les perdre non fans cause, car chacune chose desire naturellement estre perpetuée tant qu'il est possible. Or est il qu'on conoit par experiece qu'il couient mourir, parquoi les peres & meres desirét. laisser des enfans apres leur mort, esquels d'autant, qu'ils sont de leur sang & qu'ils portet leur no sont perpetués pour vn tems. Et de ce auons exéple du bố patriarche Abrahá qui se coplaignoit a Dieu de ce qu'il n'auoit lignée de sa seméce, doubtat q Helieser Damaseien son seruiteur fusse son heritier. Et semblablemet Isaac implora fouuet l'aide de Dieu pour auoir lignée de sa femme Rebecca. Et cobien que selo les lois humaines le fils ne doiue estre mis amort pour le delit & forfait de son pere, & que

seulement en recoiue affliction temporelle proces dante de cófiscations de biens, toutefois par le iuste iugement de Dieu le fils est aucune sois affligé de mort pour le peché du pere, et en ce n'e faite iniure ne injustice au fils, car tous les humains justes et iniustes sont debteurs de mort quat a Dieu, au moien de l'originel peché: Mais quant a l'ame & aus peines d'enfer ou de purgatoire la sentence de Dieu pronocée par le prophete Ezechiel demeure exe-Eccl. 18 cutée & entiere, qui est que le fils ne portera l'iniquité du pere, ne le pere celle du fils. Et que le peché du pere soit puni en la personne du fils, nous en auons exemple de Dauid, auquel fut dit par le prophete Nathan. Par ce que vous aues fait blasphemer le nom de Dieu, le fils de vous & de Bersabée mourra, ce qui aduint. Vn autre exemple en auons du grand prestre Heli, lequel sut negligent a corriger les enfans Ophni & Phinees, & au moie de ce peché ses enfans furent occis en bataille, & l'arche prinse par les Philistiens, dont il mourut miserablemet, car lui aduerti de ceste piteuse nouuelle tumba par terre en arriere, se ropit le cerueate & rédit l'esprit. Vn pere aura vn ieune enfant qu'il aimera bien par ce qu'il lui est vnique, le pere fait quelque grospeché, au moié duquel Dieu lui oste son enfant qui est innocent & le sauue,& en ce faifant punit le peché du pere par la grade douleur et regret qu'il aura de son enfant.

De la vie corporelle.

Or parlons de la conservation de la vie corporelle & santé d'icelle, chacun scet par experience combien elle est aimée, & qu'en tems de pestilence le pere abandonne le fils & le fils le pere, le frere la sœur, & la sœur le frere pour doubte de mort, & que ceus qui sont malades pour auoir sante en

durent

en durent tout ce que les medecins leur comman, dent & ordonnent, qui est sagement fait, & toutel, fois l'infirmité du cors procede & viet aucunefois de la maladie de l'ame qui est peché. Nostre seigneur lesuchrist en a porté certain tesmoignage quant il dit au paralitique par lui gueri a la piscine probatique. Va & ne peche plus, qui estoit a dire que sa maladie estoit procedée de peché. Nous lisons aussi que le roi Ezechias apres auoir obtenu quelque victoire contre ses ennemis sut conduit par griefue maladie iusques au portes de la mort au moié de son peché d'orgueil & ingratitude. Par l'elation superbe de Dauid qui fit nombrer son peuple & pour la rebellion que fit le peuple cotre leur roi Dauid quant Sebba conspira contre lui morurent de peste lxx.mil homes de sondit peuple en trois iours: ce neantmoins ne veul-ie concluire que toutes maladies procedét des pechés des hommes & femmes, car aucunefois viennent pour au-- tres causes aus humains inconneues: comme il est apparu en l'aduersité de Iob & de plusieurs saintes personnes depuis la passion nostre seigneur Iesuchrist, & n'appartient aus humains en faire aucun iugement:mais touiours s'humilier & considerer que tous sont pecheurs & qu'ils meritent bien telles aduersites & plus grandes. Et dit saint laques a Iaco. 40 ce propos, que les guerres, noiles & dissentions des hommes viennent des concupisceces qui militent et bataillent en leurs membres. Durant le tems que Salomon fut a Dieu obeissant regna en bonne & seure paix:mais apres qu'il se fut involué en peché, Dieu lui suscita plusieurs ennemis pour le guerroier. Toutes les fois que le peuple d'Israel declinoit des commandemens de Dieu, les basses & pe-

tites nations leur suscitoient guerres auec grandes oppressions. Et a ce considerer qui veut prosperer

en biens doit fuir & euiter peche.

Quat aus puissances animalles qui sont Entendemet, Volunté, Memoire et Sensualité vous connoisses euidemmet Ame incorporée combien pechê leur a fait de mauls & ennuits. Et premierement a Entendement, les ïeus duquel peché a reniplis de la boue & ordure d'ignorance, de sorte qu'il ne pensoit particulierement en l'operation éligible & ce qu'il faisoit estre mal, combien qu'il le conneut generallement en l'acte & effect de son mal. Et est ce que dit le philosophe en son liure des Ethiques, que tout homme mauuais est ignorant. Et combien que peché ne priue totallemet l'hôme du iugement de raison & de iuger, sentencier, reprédre & punir les autres pecheurs: toutefois l'entendement demeure grandement hebete & obscure, par ce qu'il n'est aidé de la lumiere de grace de laquelle il est priué en iugeant et punissant et est par ce moien rendu indigne a ce faire.

Vous aués veu par experiéce le mal que pechê a fait a Memoire, de laquelle il a sussique l'oeil dextre dot elle regardoit les choses necessaires a vostre salut, & lui a laissé l'oeil senestre duquel regarde les choses a vous nuisibles, comme choses voluptueuses, ambicieuses & vicieuses. Et au regard de Volunté a esté saite boiteuse des deus hanches par peché, scauoir est de la partie dextre en n'aimant Dieu de tout son cueur, & de la partie senestre en n'aimat son proche comme soimesme. Et a ce propos a eserit saint Thomas, qu'un peché attrait l'autre, dont vient qu'es cas soubdains qui aduiennent chacu iour pour esquels deliberer on n'a que

Digitized by Google

bien peu de tems, on les commet selon la fin a laquelle la voluté s'est ordonnée, c'est a dire que lors que la psone n'a son cueur en dieu: mais au mode, cé peche fait clocher la volunté et l'induit a faire toutes operations modaines soient bones ou mauuaises sans craindre d'offenser Dieu. Nous lisons qu'a la raison de ce q le roi Dauid ne sit soubdain 20 Reo11 penitence de son pechê d'adultere, comit le crime d'homicide en la psone du bon cheualierVrie qu'il fit occire pour tenir son peché d'adultere secret.

Touchant Sensualité vous voies que peché l'a tenue & tient es gresillons du monde et de la chair ou elle supporte grades & merueilleuses passions. Quant Dieu mit premierement l'hôme sur la terre il foubmit Senfualité a Raifon, mais par ce qu'Adá n'usa de Raison & fut inobediét a Dieu, obiessant a la Sensualité i eut dessors & i aura guerre perpetuelle entre Senfualité et Raison au moié du peché d'Adam premier home, & sera touiours par peche Senfualité en peine & vous donera labeur, ennui, tourmét et triftesse, si ne la chastiés par ieusnes, macerations & autres afflictions corporelles.

#### Combien nuit peché aus biens spirituels, & qui sont les biens spirituels.

R parlons des biens spirituels (dit l'ame)ie le veul (dit Grace diuine) et pour i entrer deues premieremet pre upposer que les biens spirituels ont trois membres, c'est assauoir le muni-

mét des suffrages, le fulcimét des merites et l'aornemét des vertus & dos de grace. Les vertus cossistét en trois choses, es sacremés, es indulgences & en la participatio vniuerselemet de tous les bies qui sont

Digitized by Google

faits en l'eglise. Ie di que peché nuit au sacremens de l'eglise, car qui recoit baptesme ou absolutió en desir de peché mortel, ou les autres sacremens en peché mortel, il offense perpetuellemét et adiouste peché a peché. Les indulgéces baillées par le Pape & autres presats qui en ont puissance pour la diminutió de la peine temporelle des pechés, ne proufsitent a gens qui sont en peché mortel, Car comme la coulpe commise soit cause du deü de la peine, si la coulpe n'est premierement pardonnée de Dieu, la peine ne peut estre remise par son ministre par

ce que l'effect cesse auec la cause.

Ie di secondemet que par pechê mortel on pert le fulciment & fruit de merite, car celui qui est en pechê mortel ne peut meriter aucun bien de gloire ou degré de louier eternel. Aussi celui qui meurt en peché mortel perd le louier de tous les biens & merites qu'il auoit aquis par ses oeuures vertueuses, car comme dit le prophete Aggeus, ils ont congrege le louier de leurs biéfaits en grace, & les ont mis en vn sac plein de pertuis, par lesquels sort tout ce qu'on i met. Semblablent celui qui est en peché mortel ne peut faire oéuure satisfactoire de ses autres pechés: si ce n'estoit la penitence eniointe par le confesseur, n'aider de soi aus autres, qui sont en peine parieusnes, pelerinations, aumones n'autres bones oeuures. Toutefois le peur faire par autrui, comme en eslargissant de ses biens pour faire dire messes, & autres suffrages a l'eglise par les prestres de quelque vie qu'il soient bone ou mauuaise, non comme personnes priuées : mais comme ministres de l'eglise. Les prieres de laquelle ne peuuent estre no aggreable a Dieu, a la raison de ce qu'en l'eglise militante, qui cosiste principallement en la congregation des fidelles i a touiours eu depuis la plantation d'icelle, a et aura quelque personne en la grace

de Dieu, & qui n'est sans peche.

Ie di tiercement que par peché on pert les ver- Intertio tus & dons de grace procedas du faint Esprit. Car Senten-toutes les vertus a nous necessaires sont connexees tiarum. de sorte qu'on ne peut auoir parfaitement l'une sans l'autre, a ce qu'on soit vertueus, & quat aucun commet vn peché mortel conuient qu'il soit dire-Etement contraire a quelque vertu, & par ainsi comme son cotraire la repelle & met hors, & auec elle toutes les autres vertus quant a leur forme. Quant aus dons de grace procedans du saint Esprit, peché met hors sapience par insipience, affin qu'on ne puisse gouster les choses divines, il obcurcit l'entendement par hebetude affin qu'on interprete autrement que bien la sainte escriture, il annichile conseil par precipitation, affin qu'on face ses entreprinses sans deue examinatió, il prosterne force par pusillanimité & impacience, il conculque science par ignorance pour empescher qu'on ne conuerle prudétement auec les hommes, & qu'on ne discerne suffisamment la verité de la mensonge. Quant aus meurs & a la foi, peché chasse pitie par ingratitude & cruautê, affin qu'on n'aime Dieu ne son prochain, & par orgueil il absorbit crainte diuine. Toutes lesquelles choses (dit Grace diuine a l'Ame, vous peuuét donner a connoistre combien de mauls fait peché a ceus & celles qui le suivent & l'entretiennét, et que le deues hair et laisser come vostre aduersaire & ennemi, & pour a ce mieuls vous induire & vous mettre hors de desespoir, ie vous presente ceste lettre de par vostre espous Iesuchrist: vous la lirés & entendrés, & par icelle connoi-V iij

connoistre son infinie bonté. Lors Grace diuine tira de son sein vne lettre close, qui fut receüe & ouuerte par l'Ame, puis en feit lecture en asses haulte vois & contenoit ce.

Epistre exhortatiue enuoiée a l'Amepar son espous Iesuchrist.

I celui la qui n'a de toi affaire
Se r'essouit quelque plaisir te faire,
Et te veut rêdre en lieu de mal vn bië
Te r'escriuant: sa lettre gardes bien,

C'est moi m'amie & ma treschere espouse,
Qui connoissant sans que mieuls on l'expouse
Le tresgrant mal, lequel tu as commis
Encontre moi par amour me suis mis
A t'enuoier ceste presente epistre
Qui de l'amant tresloial aura titre,
Pour t'aduertir du mal que tu as fait
Encontre moi par ton villain messait
Et t'exhorter de laisser ta vie orde,
Si tu le fais auras misericorde.

Ie tesuppli que vueilles recorder Comme voulu par amour m'accorder De mes hauls cieus au bas monde descendre Et cors humain en vne vierge prendre Pour te sauuer, & tous autres humains, Ou i'endurai des mauls co tourmens maints: Car des le tems que ie sus sur la terre Ie commenceai sentir la dure guerre De la froidure, & sus circoncis Comme il estoit par la loi lors decis.

Et nonobstant qu'homme & vrai Dieu ie feusse Et qu'obuier a tous labeurs ie peusse,

Ce neant-

Ce neantmoins comme requis estoit Mon pauure cors autant de mauls portoit Que fit iamais humaine creature Voire bien plus, d'autant que ma nature Plus noble estoit, plus delicate & pure.

Exempt n'estoie des extremes chaleurs Desoif, fain, froit: n'autres grans labeurs l'ai passé mes iours en indigence, le qui auoie de tous biens la regence.

Il i a plus:car pour paracheuer Le tien r'achapt, & du tout te lauer De ton grief mal, & offense premiere: Ie qui estoie du peuple la lumiere, Par trabisonsans auoir rien mespris Comme vn larron ou meurdrier ie fus pris, Lié, bagué de cordes assés rudes, Et flagellé par nouuelles estudes: Cest assauoir deverges & bastons Et de fouets, par meschans valettons Qui a la fin le mien chef couronnerent D'un chappeau fait d'espines qu'assignerent Sur le mien chef, puis en croix fus pendu Par pieds & mains, ou ie fus hault tendu, Et fluctuoit comme d'une fontaine Le trescher sang de celle chair bumaine Que i'auoie prinspar incarnation Pour celebrer a tous redemption: Et supportai pour la chose parfaire Autant de maus que pourroit iamais faire Nature humaine: & par si dur effort Qu'a la parfin on rendit mon cors mort, Et moiennant ceste mort si cruelle V iiü

Le de-

Te deliurai de la peine eternelle.

Apres anoir cu tant de mal souffere
Pour ton amour, a toi me suis offert,
A celle sin que sussesses mon espouse
Comme la dame ou mon amour repouse,
Voire & si t'ai par batesme promis
Te receuoir moimesme sans commis
En mon manoir, si gardes le liage
Et les accords de nostre mariage,
Ce que n'as fait: mais au sol appetit
D'un qui te hait, non pas par vn petit,
As corrompu la loi des espousailles
Pour t'accointer d'un tas de coquinailles
En lieu de moi, qui suis Dieu & vrai roi:
Lesquels t'ont mise en merueilleus desroi.

Tu as choifi ceus lesquels ton seduite Et m'as laissé qui t'ai faite & produite.

Tu as choisi gens meschans qui n'ont riens Et m'as laisse qui suis tout plein de biens.

Tu m'as chasse qui de toi tout mal chasse Et as suini celui qui le pourchasse.

Tu as laissé ton Dieu ton createur

Et as suiui le tien desolateur.

Connois tu point que tu es ma fatture Et que ie suis le grant Dieu de nature: Par ce te puis ou sauuer ou damner Et a la mort des enfers condamner.

Que peut pechés rien fors toutte macule Qui ses subiets de mon amour recule.

Que peut peché? rien fors tout desconfort A cestui la qui le suit par effort. Il te promit de ses biens a largesse

Et pour

Et pour vniour de sa folle liesse, Il t'a donné cinq cens iours de malheurs, Et pour vn seul plaisir mille douleurs, De ce te croi sans en faire autre enqueste.

Il fut plaisant a te faire requeste D'auoir de toi quelque amoureus parti Dont mal pour bien t'a depuis imparti: Car toi qui fus mon espouse ordonnée T'a au bordeau de tout habandonnée Et tous tes sens a si fort ahontés Qu'ils sont de mal & douleur tous damnés.

Or pense donc m'amie au cas estrange Par toi commis en ce trespiteus change, Peché nepeut fors enser te donner, Et paradis te pui babandonner: Peché ne peut te liurer que tristesse, Et ie te puis donner ioie sans cesse: Peché ne veut que le tien desbonnenr Et ie poursuiton bien & ton bonneur: Peché te fait deuant tous reprochable Et ie te fai des anges approchable: Peché ne veut que ta damnation Et ie n'entend qu'a ta saluation: Peché te fait perdre cors & cheuance Et les grans biens ie te donne & auance.

Qui peut donner (fors moi) les grans trefors

Que peut peché? fors faire cas trefords?

Sui ie pas roi du ciel & de la terre:

Qui fait la paix, qui seuffré faire guerre,

Qui fait porter la terre en son tems fruit,

Qui fait regner, qui abat, qui destruit:

Est-ce pas moi? ie disperse & deliure,

Ie fais

Ie fai mourir ceus que ie veul & viure. Que peut peché fors faire tous ennuits

Et tourmenter les gens tant iours que nuits?

Que peut peché? fors toute forfaiture Que peut peché? rien fors mal aduenture. Que peut peché? rien fors damner la gent Et faire perdre or, maison & argent: Tous les grans mauls qui aduiennent au monde Sont par peché: de lui tout mal redonde.

Et neantmoins en voulant r'abaisser Ton noble estat stu m'as voulu laisser Pour obeir a peché tant infame: Penses i bien desolée & pauure ame, Et qu'en vsant de iustice a l'egal Pour me venger de ton offense & mal, Ie te deuroie a la peine infernelle Te condamner, laquelle est eternelle.

Mais regardant a ta fragilitê,
Tonignorance & imbecilitê,
Bien meritans n'auoir en moi concorde,
Voulant vser de ma misericorde
Et grande bonté:ie te fai assauoir
Que si tu veus faire le tien deuoir
De sortir hors du lieu abhominable
Ou ie te voi, te serai amiable,
Douls & courtois, & te ferai pardon
Si tu me veuls promettre, qu'abandon
Plus du tien cors a peché ne feras,
Et que du cueur & cors me seruiras.

Tu le feras Ame se tu es sage, Car tu auras trop plus grant aduantage A me seruir que peché sans doubter

Dont

Dont onques rien ne vallut l'accointer, C'est vn paillard tout plein de villennie Qu'un noble cueur, fuit, reculle & renie.

Grace divine a toi s'en va le cours Pour te donner bon conseil & secours, Recois la donc sans lui estre rebelle, Te gouvernant en tout tes fait par elle, Par ce moien tu auras mon amour Et le loier d'icelle quelque iour.

Atant fai fin a ma presente lettre Que ie t'enuoie, a ce que vueilles mettre Peine & labeur de peché te tirer Et deuers moi ton espous retirer Sans delaier, differer ne attendre, A ce qu'aucun ne te puisse surprendre: Escrit au lieu de repos eternel Par ton ami Iesus roi supernel.

Les complaintes de l'Ame sur l'epistre de Iesus, & de la consolation qui lui fut donnée apres la medecine de Contrition.

au long entédu la gracieuse & amoureuse epistre de Iesus son espous (ou Entendement, Memoire; Volunté & autres estans illec presens presterét les aureilles) cheut pasmée par terre & fut long tems sans mot dire come vne persone morte. Soubdain suruint vne dame que ie n'auoie encores veue, vestue en deuil qui s'adressa par grande diligence & cure a l'Ame, c'estoit Contritio. Elle lui tasta premierement le frot & toutes les arteres de son humanité. Et sa maladie coneue, lui composa & feit vn beuurage

beuurage en forme de medecine de six drogues. La premiere estoit appellée recogitation de peché. La seconde recordation de honte. La tierce vtilité de ceste recordation. La quarte crainte du futuriugement. La quinte consideration de la perte faite. Et la sixieme estoit espoir d'auoir pardon, grace & gloire: Lequel beuurage ceste dame auec l'aide d'Entendement, Memoire & Volunté seit boire a l'Ame. Et apres l'auoir gousté & avallé se releua, et de genous les bras ploiés en croix commenca leuer vers le ciel ses clers & tendres seus desquels sortoit si grande abondance de larmes que l'une n'attendoit l'autre, & en iettant plusieurs grans & douloureus souspirs dit ainsi.

Complainte de l'ame

O pauure & miserable creature indigne d'estre sur terre, connois tu maintenant l'offense irreparable que tu as commise : & la detestable vie laquelle tu as menée contre le vouloir de ton amoureus espous Iesus ? O peruerse & inique Ame qui as si traistreusement habandonne celui qui t'a fait tant de biens, ou pensois tu lors que tu t'abandon-. nas a peché! Helas ie suis la plus malheureuse & mauldite adultere qui fut onques. L'ai laissé celui qui m'a fait & crée. L'ai repudié celui qui a formé le mode & tout ce qui est dedans pour ma vie, nourriture & entretenement. l'ai oublié celui qui m'a donné santé, prosperité, & abondance de biens naturels, spirituels & temporels. l'ai refuse celui qui tát a aimé humanité qu'il s'est voulu faire homme pour faire les hommes dieus. Ie me suis absentée de celui qui a tát prins de maus, peines & trauaus pour moi, & finalement mort honteuse & cruelle pour. me deliurer & mettre hors de l'infernalle prison. Ie me suis essongnée de mon Dieu, de mon roi, de mon

mon seigneur, de mon espous, de mon directeur, instructeur, gubernateur, sauueur & redempteur. Le me suis desrobée de celui qui me vouloit garder pour lui & me couronner roine en son eternel & triumphát roiaume. Et pour le comble de ma follie & de mo malheur,ie mescháte, villaine, rebelle, voluptucuse, infecte, orde, detestable & abhominable pecheresse ai choisi pour ami mon destru-Eteur, mon ennemi, mon malueuillant, celui qui tend de tout son pouoir a me perdre cors & biens, me deshonnorer, & finalement me damner. Que pui-ie dire pour mon excuse? Helas Entendement ouures vos ieus, Memoire eriges vostre esprit, Volunté soiés magnanime & tous ensemble aduisés si pourrés aucun bo remede trouuer pour auec mon cher & amoureus espous & seigneur me reconcilier.Helas Esperance est il possible trouuer moien de faire mon appointement ? Dame Foi pourroit on trouuer pratique pour pacifier celui que l'ai tat & si griesuement offense ? Charite aies pities de moi.Helas c'est vous qui touiours aués nourri l'amour feruente que mon espous lesus a eu a moi, ie vous suppli treshumblement que ne me laisses a ce besoing. Ie ne parle a vous Sesualité & Ieunesse fors pour vous dire que vous estês deus folles esuétées pleines de tous plaisirs charnels & mauuais exemple & conseil, & si l'excuse me proussitoit la ietteroie sur vous, car vous estés la cause motiue de tout mon mal, toutefois ne me veus excuser, mais accuser: car i'auois asses d'autre conseil & plus suffisant que le vostre qui me remonstroit la fin de ma grande follie lequel ie n'ai voulu croire.

Entendement, Memoire & Volunté estoient si tresestonnés du desconfort de l'Ame que mot ne

disoient.

née par Foi 4 l'Ame.

disoient, mais l'acompagnoient au gemir, plorer & mener deuil, & de rechef la pauure Ame tumba pasmée & lui faillit le parler, au moié dequoi par le Cosola- commandemet de Grace diuine, Foi & Esperance tio don- foubleuerent l'Ame, lui desserrerent les dents, & lui froterent le front & les temples d'eaües aromatiques sentantes comme basme, de sorte que l'Ame recouura ses esprits. Et lors Foi comméca lui dire. Sus m'amie prenés courage, & vous aussi Entédement, Volunté & Memoire . Pensés combié Dieu vous aime qui vous a fait visiter par Grace diuine. Goustes vn peu la doulceur de l'epistre de Iesus vostre espous, & contemplés le vouloir qu'il a de vous pardonner l'offense par vous cotre lui commise. Son epistre est pleine d'amoureuses persuasions & gracieules remonstrances, & de son infinie bontê ne demande fors que vous haiés & laissês pechés & retournés a lui. C'est la conclusion de sa lettre & le principal de son intention. Helas (dit l'Ame )ie vous mercie dame Foi du bon enseignement que vous me donnés: mais comme est il posfible que ie peusse estre a mon espous Iesus aggreable. Ie suis tant villaine, & il est tant beau : Ie suis tant infecte & il est tant honeste: Ie suis tant mauuaise, & il est tant bon: Ie suis tant souillée, & il est tant net: Ie suis tant pauure, & il est tant riche: Ie l'ai tant offense, & il m'a tant fait de biens : Ie suis tant ingrate, & il est si charitable. Pensés vous que ie soie digne de me presenter deuat lui le croi que non, & quelque chose qu'il m'aie escrit ie n'espere qu'il aiet plus d'amour a moi.

Replique de PAme.

> Esperace rompit le parler de l'Ame, & courroucée de ses dernières parolles lui dit. C'est follement parlé m'amie, & non sans blaspheme : gardés vous

qu'en trop detestant vostre peché, iugês mal de la bontê diuine qui est infinie. Pensés vous que Iesus vostre espous fils de Dieu & egal a son pere quant a la deité soit menteur lie vous di qu'il est impossible, par ce que mensonge repugne a la deité. Aussi a il dit en l'euangile saint Iean, qu'il est venu en ce monde pour porter tesmoignage de verité, & par ce croies q l'epistre qu'il vous a enuoiée par Grace diuine est toute veritable & fondée en texte d'Euangile, ou il a dit & certifié en plusieurs lieus qu'il estoit venu du ciel au monde pour sauuer les pecheurs & en a tant donê d'exemples que le recit en seroit ennuieus, & aussi i'en ai dit partie en respondant n'agueres a Desesperance, & si voulés auoir ceste foi & bon propos de laisser & fuir pechê, ie vous asseure m'amie qu'il vous pardonera & vous aimera autat ou mieuls qu'au parauant, ioint que vous aués receu le beuurage de Contrition.

Et ne fault il faire autre chose! (dit l'Ame.) Si fault(dit Grace diuine) car il conuient sortir hors de ce palais de Volupté & laisser les occasios de pecher .Ie le veul trebien (dit l'Ame)& c'est vne des requestes que ie vous ai faites: mais sans vous ie ne le puis faire, car pour en sortir ne scai chemin ne voie. Prenés courage (dit Grace diuine) i entend bien que n'en sortirés si soubdain: mais ci conuient commécer son chemin auec bon courage de le paracheuer, & vous asseure que ne demourrés par faulte de conduite. Incontinent Grace diuine mit l'Ame & sa suite en vn estroit chemin nommê abhomination de pechê, par lequel tous ensemble apres longues iournées sortirent hors le palais de Volupté, dont l'Ame fut toute ioieuse, puis lui dit Grace diuine. M'amie iacoit que par le moien de

## Le fecondhure

contrition & reconnoissance de vos offenses elles vous soient de Dieu pardonnées, toutefois il s'entend moiennant que vous aiés ferme propos de non plus retourner a peché & de vous cofesser & declarer tous vos pechés au vicaire de Dieu en terre pour en auoir absolution en vertu des lettres de remission que dame. Foi & moi irons querir au ciel pour vous. Et pour l'obtenir est requis & conuenable qu'enuoies vne requeste a toute la Trinité & quelque gracieuse epistre a vostre espous lesus, & vne autre a la glorieuse vierge Marie sa mere & aus seigneurs & dames de sa court. Pour lesquelles epistre dicter & escrire convient appeller Entendemét, Memoire et Volunté, & ie vous aiderai. Incôtinét l'Ame se retira au secret de son cueur auec Grace diuine, Entendement, Memoire, Volunté, . Foi, Esperance & Charité, & composerent tous ensemble les epistres ci apres cotenues, dont dame Oraison fut le secretaire.

Epistre enuoiée par l'Ame incorporée a son espous Iesuchrist.

As ie nescai par quel bout comencer
Peur me reculle me voulat aduancer
Pour m'excuser, et les causes d'escrire
Dot si long tems ai tardé vous escrire
Peché me print la plume entre les mains

Peché me print la plume entre les mains Et ces varlets tant vils & inhumains Le blanc papier de blancheur innocente Romperent lors par fureur indecente Puis ont raui l'encre aussi le cornet De Penitence ou estoit moneueur net, Et si m'ont fait plusieurs autres oultrages,

Ennuits,

Ennuits, douleurs, iniures & dommages
Que bien scaués dont ie n'ose parler,
Car chacunscet & par terre & par l'aer
Que ce a esté par ma coulpe & par ma faulte
Et pour n'auoir esté prudente & caulte
Par ce n'entend contre eus m'en excuser:
Mais de tous points vers vous m'en accuser,
Car bon lesus ie suis lasche & villaine
Voire trop plus que la meschante Helaine
A sils de roi son cueur elle donna
Et son espous sans cause habandonna
Lequel n'estoit de si noble lignage,
Si noble, beau, ne de tel aduantage.

Mais i'ai laissé mon dieu mon createur Pour m'allier a mon denorateur: I'ai delaißé celui qui m'a formée Pour cestui la qui m'a fait tant difformée: L'ai delaisé le loial des loiaus Pour m'accointer du roi des desloiaus: I'ai delaissé le fatteur de nature Pour vn villain tout plein de forfaiture: I'ai delaissé l'eternel roi des cieus Pour son subiet pauure & tout vicieus: L'ai delaissé l'empereur de la terre - Pour son subiet qu'il tient en si grant serre: I'ai delaisse l'espous plein de beauté Pour vn villain rempli de cruautez I'ai delaissé celui qui si fort me ame Pour vn paillard qui me hait cors & ame: I'ai delaissé celui qu'on aime tant Pour vn duquel chaenn est mal contant: I'ai delaisséte plus beau qui fut onques

Pour

Pour le plus laid, doi-ie point plorer donques? L'ai delaißé mon espons & ami Pour m'accointer de mon grant ennemi: L'ai delaißé celui qui me fait viure Le bon des bons qui tous les biens nous liure.

C'est vous Iesus monseigneur, mon espous, Mon dieu, mon roi, mon sauueur si tresdous Et si tresplain de grande misericorde Que vous m'aués ostés du col la corde Pour le peché de mes premiers parens Damnée estoie, les cas sont apparens: Mais vous m'aués cherement acheptée Par vostre mort, & d'enfer r'acheptée: Puis vous a pleu nonobstant mes grans mauls De m'espouser sur les fons baptismauls Et me donner par vos trefgrandes largesses Fruits habondans, & opulentes richesses, Torre fertille & fluttuans ruisseaus, Aer si trescler, herbes & arbrisseaus Aise & honneur & si belle mesgnie Qu'on ne reit onc plus belle compagnie.

Ce nonobstant par vn leger vouloir Mettant du tout ses biens a nonchaloir Et oubliant vos riches benefices A gens villains & pleins de malesices Vos ennemis les sept pechés mortels Me suis rendue ou i'ai souffert mors tels Et tant de mauls que ie ne les puis dire Dont ie deuroie sur toutes me mauldire, Carils ont fait d'une espouse de roi Leparement d'un bordeau par desroi. Et puis m'auoir ainsi prostituée

Ici m'ont laißée ainfi comme tuée Preste a mourir de la mort de peché, Ia le dictum en estoit despeché.

Mais vous Icsus de vostre bonne grace Vous m'aués fait oster de ceste place Par des vertus sainte inspiration, Par Charité, Foi & Contrition Et en suis hors, dont ie vous remercie, Mais ne suffit (O tresbeureus messie) Car il conuient (comme ont dit mes amis) Que mes pechés me soient du tout remis Lassus au ciel par la trinité toute, Et ie scai bien (tant s'en fault que ie doubte) Que ie n'aurai pleine remission Ne de mes sens la restitution Qui sont saises de moi pitie prosonde.

Sans vous Iesus n'auraitamais pardon, Sans vous Iesus n'aurai grace ne don, Sans vous Iesus ie suis de tout damnée Voire a bruler despieça condamnée, Sans vous Iesus dieu ne me vouldroit veoir Ne de moi pauure, helas, pitie auoir, Sans vous lesus n'oseroiemon mal dire, Car ie scai bien qu'on me pourroit desdire, Sans vous Iesus n'oseroie me monstrer Ne deuant Dieu iamais me r'encontrer: Sans vous Iesus demeure desesperée Et deuant dieu du tout vituperée: Car ce n'estoit que vous aués prins cors Voire la mort pour faire les accors De dieu le pere auec nature humaine Χÿ

O bon

O bon Iesus, ie suis seure & certaine Qu'en paradis iamais on n'entreroit: Car nul i a qui meriter pourroit Quelque martyre en ce monde il endure D'i auoir lieu sans la vostre mort pure.

Mais vostre mort & sainte passion A du tout fait la satisfaction De tous pechés qui sont faits & a faire Si les pecheurs pensent a leur affaire: Car imposible a tous humains seroit De satisfaire ainsi qu'il conuiendroit D'un seul peché mortelen cestui monde Et la raison en est tresclere & ronde: Car peché est contre l'infini bien Par ce failloit a le mediter bien Que le peché fusse de peine infinie Puniça baş:mais la peine finie En fut par yous, & en monstrant les cloux Verges, fouets, dont eustes tant de coups, La croix, couronne & vos plaies cruelles Croi qu'on n'a fait offenfes criminelles Qui lors ne soient pardonnées Iesus Quantil vous plait en dire vn mot lassus.

Or donc lesus regardes sur la terre La vostre espouse estant en piteuse erre Pleine de pleurs & lamentation De desconfort & desolation, Fastes ma paix enuers bonté divine, Et presentés ma requeste benigne Que ie lui faie, a part par vn placet Dont ce porteur la substance bien scet. L'bumanité de vous face priere

A deite,

A deité, en sorte & en maniere
O bon les us mon Dieu & redempteur
Mon seul espoir, & mon seul amateur
Que pardon i'aie, & me mette en tel point
Que quant viendra le iour, l'heure & le point
Qu'il conviendra que d'ici me separe
Que tellement de vertu ie me pare
En vous servant en esperance, soi,
Et charité, sans aucun desarroi
Qu'en vostre amour & graceie decede
Et moi vivant contre vous ie n'excede.

Escrit au monde vn iour deuers le soir En larmoiant ou cabinet d'espoir Pour mes pechés assés mal disposée Pour vostre humble Ame auec vous espousée.

Epistre de l'Ame penitente a la tresdigne vierge Marie mere de Iesus & a toute la court celeste de paradis, costutative des oppinions erronées & scan-

daleuses de ceus qui veulet empescher l'honeur

& reuerence qu'on leur doit faire.
Ombie qu'a Dieunö a autre appartiet
D'estre adoré, & que de lui seul viet
Tout nostre bien, vie & nostre estre
Et que son fils eternel voulut estre
Nostre sauneur par sa tresdigne mort

Pour reparer lui seul le premier tort
Que feit Adam, a toute sa sequelle
Et nous donner lassus gloire eternelle
Non pas qu'il fusse a ce necessité:
Mais seulement par sa grand charité,
Parquoi pourroie-ie pauure pecheresse
Qui enuers Dieu suis si grande debteresse
X iÿ

Dire

# · Le sconde liure

Dire & penser qu'adresser me deuroie A lesus seul, & qu'ailleurs ne pourroie Trouuer confort de ma destresse grande Ne qu'a aucuns autres me recommande Par ce qu'il est le seul mediateur Entre homme & dieu nostre redempteur.

Ce nonobstant on voit par l'euangile
Ou chrestiens doivent faire vigile
Oue plusieurs fois a ses apostres a dit
Oue sans doubter ou aucun autre contredit
Ils obtiendroient en son nom, de son pere
Ce qu'ils vouldroient demander par prière,
Leur commandant que pour leurs ennemis
Priassent dieu comme pour leurs amis:
Et si voulut que par divins signacles
Feissent par lui sur les humains miracles
Auant sa mort & dure passion
Aussi depuis l'heureuse mission
Du saint Esprit, qu'ils feirent sur les nostres
Dont sont tous pleins les actes des apostres.

Oultre leur dit, que ceus qui les orront L'orront aussi, le texte i est tout rond: Et qui feroit d'aucuns d'eus desprisance Feroit aussi de Iesus despris, en ce.

Item ailleurs a dit qu'en paradis
I a plusieurs mansions tous ces dits
Nous donnent bien connoistre en apparence
Que nous deuons faire aus saints reuerences
Et les prier selon leur qualité,
De prier Dieu pour nostre insirmité,
Veu qu'a present sont tous bors de la trace
D'iniquité & abundans en grace

Et que

Et que Dieu veult que ne soions exclus Des biens qu'ils ont en abondance & plus.

Puis qu'ainsi est, ie croi qu'a vous la mere **D**u fils de dieuseroit la chose amere Vous refuser par le pere & le fils De vos desirs, onc doubte ie n'en feis On scet assés par raisons voire maintes Que vous passés en amour saints & saintes: Car par auant que vous eussies conceu Le fils de Dieu, fut asses par vous scen De Gabriel par nouuelle certaine Que le bon Dieu vous feit de grace pleine, Et qu'il estoit de ce tems auec vous Le sien salut tant gracieus & douls Et merueilleus en porte tesmoignage, Elizabeth adiousta d'auantage Comme saint Luc en l'euangile dit Que celui fruit seroit tresbenedit Qui sortiroit de vostre sacré ventre Et vous nomma vierge tresheureuse, entre Tous les suppos du sexe feminin: Oultre vous dit Gabriel tant begnin Enuers dieu dame aués grace trouuée Voire si grande sans plus estre esprouuée Que le sien fils eternel conceurés Sans mixtion d'homme, & l'enfanterés Oultre nature & par le tressaint oëuure Du saint Esprit, qui comme lui plait oeuure.

Or vous voiant en ce point faluer Par tels honneurs, & tant aualuer Feustes vn peu par vergongne troublée Pour deus raisons, l'une a l'autre acouplée. X iii La pre-

Digitized by Google

La premiere est de la virginité Que vous vouliés garder en purité.

Secondement, o vierge tant insigne Pensastes lors que vous n'esties digne D'estre du sils de Dieumere, & de soi Nul merster ne pourroit, comme croi.

Ce neantmoins par foi bien conseillée Considerant apres bonne veillée Que ce venoit de la grande charité De Dieu, & non pour l'auoir merité Dites tout bas, de Dieu suis chamberiere A son vouloir soit fait, en la maniere Que l'aués dit: O benoit Gabriel.

A ces saints mots le fils Dieu eternel En vn moment sans aucune ouverture Print cors en vous demourant vierge pure Neuf mois apres de vous vierge nasquit Pour du peché d'Adam paier l'aquit.

Que pouoit plus Dieu le pere vous faire? Fors de son fils eternel debonnaire Vous faire mere, & le fils prendre en vous De vostre sang pur & cler cors pour nous Il n'eusse peu faire en vous plus grant ouurage.

Le faint esprit qu'eusse il fait d'auantage Nechose aiant plus d'admiration Que mere & vierge en l'operation De cestui fait? cela nos sens excede, Car l'un touiours a l'autre le lieu cede.

En quoi faifant trois perfonnes en vn Furent en vous,il est assés commun: C'est asfauoir le pere par puissance, Le fils aussi par concept & naissance,

Le

Le saint Esprit pour vous contregarder En pucellage, & pure vous garder. Et si n'estoient & ne sont ces personnes Qu'un seul vrai dieu, par ce en raisons consonnes Mere on vous dit quant a l'humanité Du fils de dieu, telle est la verité: Car comme dieu il estoit vostre pere Et createur: mais en ce grant mistere Fut homme & dieu, sa deité touiours Associason cors en tous ses iours, Par ce on vous scet mere a Iesus sans fainte Vrai homme & dieu, c'est dignité tressainte Par le moien de laquelle on vous tient Roine des cieus & telle on vous maintient Mere de paix & de misericorde Des anges dame, & aussi de concorde De reconfort, sapience & pitie, De reconurance & loialle amitie, La sainte rix, l'estoille matutine, Verge d'Aaron, des pecheurs medicine, La belle oline, & le cedre exalté, Senteur d'encens a la myrre adapté Forte Iudith, humble Hester sigurée Portant les lis, dont nature curée Fut de pecbé, temple de Salomon, Foi d'Abraham,le verdoiant bourgon Lequel porta le raisin dulcifique En croix presé par la gent indaique, Montaigne esteuée, vergier tresfertil, Lune luisant prenant son rais subtil

Du cler soleil, de tous biensfait autrice De l'imparfait d'Eue reparatrice.

Tous

Tous ces honneurs or tiltres excellens
Ne autres moins riches of opulens
On ne vous peut, o vierge contredire
Qui ne vouldroit par grant blashheme dire
Que dieu n'est tout ce qu'on scauroit penser,
Si est, of plus, ie n'i veul offenser.

Puis qu'il est tout & qu'il a voulu prendre Vrai cors de vous schacun peut bien entendre Qu'on vous peut dire & par tout appeller Mere du tout sans rien en repeller: Car deité a l'humain cors vnie Est immuable seternelle sinsinie.

Et si de tout (cest Dieu) mere on vous crois Vous appartient voire a tressuste droit Estre des cieus roine aussi emperiere Le nostre espoir, de grace tres oriere Voire & auoir tous les tiltres d'honneur Qu'on peut bailler aus dames sans faueur Comme venans de ce que mere feustes De dieu & homme, & vierge le conceustes Et peut chacun dire en propos presis Puis qu'il voulut estre le vostre sils Que de vous feit vn vaisse us sans macule En ame & cors, la raison n'i recule.

Celui qui feit anges, ciel, terre & mer Qui sont si beaus qu'on n'i peut rien blamer Pour les humains ses simples creatures Voulut il point entre toutes fastures Vne en creer pour lui, dieu eternel: Oultrepassant tout l'éouure naturel? Ie croi qu'oui, & qu'en vous digne vierge Qui de Iesus seustes mere & concierge

Dien

Dien a plus mis de grace & de vertu

Qu'au monde & ciel, le tout bien debatu. Or scauons nous les influences nettes Qui sont es cieus, signes, astres, planettes, Et les vertus, d'arbres, herbes & fruits, Dont tous les cors sont nourris & conduits Voire gueris de toute maladie Si les vertus d'iceus on estudie: Parquoi ie di qu'en vous on trouuera Tout bon secours qui bien le cerchera En ame & cors, en biens & renommée, Telle poués estre par tout nommée: Car a la mere appartient & affiert Estre ottroie ce qu'a son fils requiert, Et que Iesus alors que lon vous prie Deuotement, & secours on yous crie Vous honnorant ainsi qu'il appartient Pour cest honneur qu'on vous fait (lequel vient De lui premier) ostroié la requeste Qu'on vous a fait, si bonne est & bonneste Apres l'ottroié aus apostres & aus saints Qui sont priés par malades ou sains. Et qui diroit, o benoiste Marie Que dieu iamais ne change ne varie Le sien vouloir, & iuste iugement, Il est tout vrai, ie le croi fermement, Car il est dieu de puissance inesfable Tressapient, tresbon, non variable: Ausi ie croi qu'en son eternité Il a preueu que par humilité Aucuns pecheurs prieroient les saints & saintes

Et leur feroient reuerences non faintes

Du tout

Du tout a lui la gloire attribuant Comme vrai dieu tout bien distribuant, Par ce dessors auant leur sanstitude Preordonna par sa grande magnitude Qu'a tels pecheurs seroit donné pardon De leurs pechés par des saints le guerdon, En quoi ie voie que son vouloir ne change, Car touiours il sut tel, a ce me range.

Ie scui tresbien que de soimesme dien Pouoit former tous bommes en ce lieu Bestes aussi, mais les causes secondes Voulut former en naturesecondes Pour dessoubs lui faire operations Semblablement les generations L'homme & la femme engendrent leur semblable Bestes aussi par pouoir generable: Les cors humains qu'on dit inferieurs Sont gounernés par les superieurs, Et l'Ame non, qu'on nomme Soleil, Lune, Mercure, Mars, Inppiter & Saturne, Venus aussi, qui sont planettes sept Et douze signes, ainsi que chacun scet: Mais dessus eus est puissance dinine, C'est dien puissant, qui sur le tout domine.

Semblablement iaçoit que deité
Subuener puisse a la necessité
De tous humains, toutefoisie croi dame
Qu'elle a voulu & veut que ceus qu'elle ame
Soient secourus par vous, aussi par ceus
Qui sont lassus colloqués es hauls cieus
Qu'on nomme saints & saintes, & les anges,
Les Cherubins, Seraphins & Archanges,
Et que

Et que chacun d'iceus a propre don Pour dieu prier & demander pardon Pour les pecheurs, & austi vertu telle De guerir cors d'infirmité mortelle, Le tout ainsi qu'a Dieu plait divisser Ses graces & dons & les autoriser, Non autrement qu'une seconde cause Soubs la premiere, & sur cela fais pause.

Or done appert que tous ceus lesquels sont En paradis, soubs dieu le pouoir ont De secourir tous ceus de ce bas monde Qui ont a eus devotion parfonde, Les saints docteurs remplis du saint Esprit L'ont asseuré de bouche & par escrit: Et qui plus est nostre mere eglise Ainsi le croit, & la chose autorise. S'ils ont pouoir entre autres vous l'anes Pour les raisons ia dites, que scaués Aussi ie croi qu'auec ceste puissance Chacun de vous veut en estouissance Nous secourir & nous reconforter Quant nous voiés quelque grant mal porter: Car vous anés charité si parfaite Que ne poues la misere imparfaite De nous humains laisser sans que pitie Ne la secoure & la sainte amitie Pour trois raisons: La premiere que sommes Venus de Adam, comme vous femmes, bommes Par ce tenus par naturalité Desecourir ceste proximité.

Secondement que scaués nos oppresses, Nostre pauvreté, miseres & destresses

D

De l'Ame & cors, nos douleurs & ennuits, Que supportons en terre iours & nuits Pour les assaus que nous auons du monde, Et de la chair tant infeste & immunde, Aussi du diable & des cas fortuits, Dont plusieurs gens sont bien sounent seduits.

Et tiercement que ne pourriés estre Vn seul moment en ce tresbeureus estre Sans meriter par vraie charité, Tant enuers Dieu qu'enuers humanité, Donnant a dieu sans cesse honneur & gloire, Et aus humains par priere adiutoire.

Ceci conneu dame tant triumphant Par le moien de Iesus vostre enfant Roine des cieus & de misericorde, Des anges dame, autrice de concorde, Le reconfort des pauures desolés Qui penitens doulcement consolés: A vous escris ceste presente epistre Ausi aus saints & a tout le chapitre De ceus lesquels sont de grace parés Et ont le cors des ames separés Combien que vous illustre & sainte dame Soiés lassus es cieus en cors & ame Pour vous prier que (au long bien veu mon cas) Vous soiés tous vers dieu mes aduocas, Non pour plaider, mais pour auoir ma grace, De tant de mauls que i'ai faits par fallace, Par ignorance & par fragilité, En offensant toute la trinité.

Mes grans delits, pechés & forfaitures, Transgressions, offenses, indroitures,

I'ai

Pai declarés a mon intention Par la requeste & supplication

Laquelle enuoie a la trinité toute.

Las mais ie craind qu'on m'en frustre et deboute Pour la grandeur des cas que i'ai commis,

Et que trop pen i'aie en la court d'amis.

I'ai offensé le pere & sa puissance Par le deffaut de bonne resistence Fragillement, la sapience aussi De son cher sils par ignorance, & si Ai offensé la bonté supernelle

Du saint esprit par ma coulpe mortelle.

Las i'ai peché en la terre & au ciel Scandalisant l'ordre celestiel.

Ma volunté villaine & difformée A celle la de Dieu n'ai conformée En l'appliquant a la charnalité Pour obeir a sensualité.

Le mien esprit qu'entendement i'appelle A laissé dieu par voie sensuelle Pour s'asseruir au diable & a ses dits, Dont ie desserue d'estre auec les mauldits.

Et puis apres i'ai reduit ma memoire Aus grans honneurs & gloire transitoire De cestui monde, auquel a tant d'abus Dont les mondains sont ivres & embus.

De mes cinq sens n'ai a Dieu fait seruice,

Mais les at tous emploies a maint vice.
Et quant aus biens qu'on nomme terriens

Ie n'en fei onc chose qui valut riens.

Par ces desfaus ie pauure ame dolente Tant orde & sale & deuant Dieu olente,

Ai trans-

Ai transgressé les diuins mandemens Que nous nommons les dix commandemens, Non vne fois, mais cinq cens mille, en sorte Que raison veut que la peinc i'en porte, Non dix ans, mais eternellement Au feu d'enfer en peine & en torment Par la rigueur de diuine sustice, Veu la grandeur de mon mal & mon vice, Si mon espous Iesus ne satisfatt Par son merite & r'achept qu'il a fait Quant il print cors de vous noble pucelle Et endura pour nous mort trescruelle, Dont lui ai fait par vne epistre a part Humble requeste, & si de ceste part Ie n'ai pardon ie serai condamnée A mort souffrir & a estre damnée,

Et nonobstant que se croi sans doubter Que penitens dicu ne veut rebouter Si en soi vraie a dieu grace on demande Par Iesuchrist qui a paie l'amende, Et que Iesus soit excellemment bon, Clement, piteus, pour (sans aucun guerdon) Nous sauuer seul, & sans autre resuge, Par ce qu'il est nostre aduocat & iuge.

Ceneantmoins que de ce soions seurs Conuenable est auoir intercesseurs Enuers Iesus, par lequel paix est faste De dieu a l'homme en charité parfaite, A celle sin que son humanité Prie pour nous la sainte trinité Et que Iesus soit par vos saints merites Et oraisons presens & preserites

Pacifié

Pacifié de l'iniure, que a tort Nous lui faisons en oubliant sa mort, Et peines grandes qu'au monde il a portées Voire pour nous, & non pour lui supportées, En l'offensant par la transgression De l'euangile & son intention.

Or done vous prie, o sage chanceliere De paradis, de Dieu tant familiere, Qui presidés en throne glorieus. Pres vostre fils Iesus le roi des cieus: Et vous außi triumphans apostolles Fermans les cieus & ouurans de parolles, Constansmartirs, & victeurs cheualiers, Vous confesseurs, prestres & seculiers, Saintes aussi tant matrones que vierges, who Et tous esprits angelics, qui es sieges Estés des creus aies pitie de moi, Pries Iesus qu'en vertu de la foi Que i'ai de bui, sa deité me donne Grace pleniere, & du tout me pardonne 🗟 Tous les pechés lesquels i'ai perpetrés, mhuco. Et son amour s'il vous plact m'impetrés e ver

L'humanité a laquelle est voire

Sa deité eternelle infinie

Le vouldra bien, par ce qu'elle a souffert

La mort pour nous, & a ce s'est offert

Pour l'amour grant qu'eut a nature humaine

Pour la loger en celeste dommaine.

Vierge vostre oeil soit sur moi pauure enslin Ainsi qu'il sus sur ceus d'Architriclin, Car nonobstant que vostre silsvesponce De delai seisse, ala vostre sensonce

## Le second hure

Feit porter au lieu ou fut assis Eeaue pure & clere en des bidries six Qu'il conuertit a la vostre parolle En tresbon vin, dont chacun se consolle.

Semblablement fi Iesus vous disoit Autant de moi, & vous esconduisoit, Ce neantmoins pourrés misericorde Faire venir, & me donner la corde: I'entend pardon de l'eternelle mort Que i'ai tresbien gaignée par mon tort.

Dire pourroie que veile mon offense Ie ne deuroie a la vostre presence Me presenter, mais Dieu vous sit nommer

Pleine de grace, & telle renommer.

Si donc en vous de grace est plenitude Faillir ne puis par ma sollicitude Vous esbranlant par priere, en auoir Quelque petit pour pardon receuoir: Car en branlant la lampe d'huille pleine Par le dessus l'huille tumbe en la plaine.

Secondement ie scai que vostre sils
Quelques grans mauls & pechés qu'onques feis
Si le priés qu'iceus il me remette
Vous l'ottroiera sans qu'en delai vous mette
Par ce qu'il est tresbien heureus fruit
De vostre ventre, & qu'il est bien instruit
Qu'en la vostre ame & vostre corpuseule
Organizé, n'eut tache ne macule
Et que Dieu est touiours aucc vous
Et tresbeureuseil vous seit entre tous.

Vous autressaints & tous esprits celestes Vous n'ignorés comme saunés vous estes

Et qui

Et qui vous a tous colloqués lassus Cest la grande grace & merite Iesus Dont vous donna per si grande habondance Que vous poués par riche redondance En estargir aus panures mendicans Et par peché blecés & claudicans.

Ie ne requier la santé corporelle Ne les grans biens & chose temporelle Fors seulement pour ça bas Dieu seruir Et en viuant tout a lui m'asseruir.

Iene quier fors que le bon Dieu me face Par son cher fils de tous mes pechés grace Et que le serue en cueur, dit, & en fait Comme appartient sans plus faire forfait Priés Iesus que sa gracei obtienne Et que lassus auec vous ie paruienne:

Rien ne scaués de ce que vous escrits
Fors par Iesus, o celestes esprits
Saintes & saints, car aucune priere
Ne vient a vous, si elle n'est entiere
Et aggreable a la divinité
Pour l'ottroier a vostre sainteté.

Mais ie scai bien compagnie tant digne Qu'en regardant celle essence divine Du bon Iesus ma requeste scaurés Et lors pitie de moi pauvre Ame aurés.

Par les monstiers regardant vos images
Ie vous reuere & vos tressaints ouurages
Non pas le bois, la pierre, or ou argent
Dont ils sont faits comme paienne gent,
Austi bonore auec les catholiques
Voire a l'honneur de Iesus vos reliques

Par ce

Parce qu'en vons, & vos cors babita
Le saint Esprit, dont chacun proufsit a,
Et que vos cors surent de Dieu le temple
L'organe aussi du saint esprit moult ample,
Et que qu'aus seruiteurs on fait
Redonde au maistre en parolle & en fait
Ceci proteste affin que ie n'adore
Autre que Dieu, & qu'en lui vous honnore.
Escrit au pied de la croix, esperant
Misericorde, en mes pechés plorant.

Comme ces deus epistres furent presentées a Iesuchrist. Sa response, & du chemin de penitence que primis. Ame par le conseil de Grace diuine Foi, Esperance & Charité.

Es Epistres faites, auant que les clore & fermer, l'ame escriuit vne requeste en forme de placet en fon cabinet d'Espoir, de laquelle ie ne peu veoir Fors le comécemet qui estoit en teste contenant. A l'eternelle, immense, incomprehenfible, omnipotente, & ineffable Trinité. Puis commencoit en marge. Supplie humblement la pauure & miserable Ame releuée de peché etc. Et incontinent paqueta le tout ensemble, & bailla le paquet honnestement lie & seelle a Grace diuine & Oraison.Lesquelles vollerent des aesles de contemplation iusques en paradis. Et apres auoir treshumblement & en tresgrande reuerence presente le paquet par Grace diuine & Oraison au roi Iesus & qu'il eut vou la lettre de l'Ame a lui adressante & l'epistre qu'elle escriuoit a sa tresdigne mere la vierge Marie, & a tous les esprits celestes saints & faintes

saintes qu'il leur comuniqua, dont ils surent ioieus de ioie accidentalle, prieret tous & entre autres la vierge Marie, le roi Iesus en tresgrande humilité qu'il voulusse exaulcer la requeste de la pauure Ame penitéte, & lui impetrer sa grace & remission de la Trinité.

Le roi Iesus leur feit gracieuse response & commáda a Grace diuine & Oraison retourner a l'ame lui dire,qu'elle se cofortasse, & qu'en faisant ce que Foi lui diroit il feroit aussi de sa part ce qu'il auoit promis a elle & a tous les chresties: & entre autres choses qu'elle feisse diligence d'aller a la fontaine de Penitence. Grace diuine & Oraison retourne. rent vers l'Ame a laquelle feirent la response de Iesus. Et entre autres choses Grace divine lui dit. M'amie i'ai parlê a vostre espous Iesus, lequel est fort ioieus du 'courrous par vous prins au moien des faultes que lui aués faites. Et se cotente fort de la lettre et requeste que lui aués enuoiée, et a sa tres heureuse mere & ceus de sa celeste court : & si voulés faire ce que ie vous dirai auec la dame Foi ne faudrés d'obtenir & auoir vostre grace & remission quant a Dieu & au monde de toutes vos offenses, crimes & delits.

Iesuis toute preste (dit l'Ame) voire de souffrir mort pour satisfaire: car ie l'ai tresbié merité. Vous ne mourrés pour ceste heure (dit Grace diuine) mais viures pour faire du bien, & pour aquerir des graces desquelles pourrès estre aornée le iour de vos sutures nopces. Dame Foi sut appellée qui n'est iamais insuse sans Esperance & Charitè: Lesquelles donnerent a entendre par raisons a l'Ame que pour sa remission obtenir & auoir la grace de Iesus estoit chose necessaire qu'elle susse & Y iij mnndi-

mundifiée de toutes ses ordures, immundicités & villennies dont elle estoit pleine par le moien de peché. Et pour ce faire aller a la fontaine de Penitence, que gardent Confession & Satisfaction. Et pour i aller conuenoit passer vne merueilleuse forrest appartenát a penitence, en laquelle trouueroit plusieurs bringans & guetteurs de chemins: dont les aucuns sont semmes enragées, les autres homes cruels & impiteables: mais qu'elles toutes la conduiroient & s'imeneroient si bonne copagnie que sans danger la passeroient par l'aide de Dieu. Ma dame (dit l'Ame) c'est ce que ie demande & ne crains homme ne semme tat qu'il vous plaira estre auec moi. Or allons donc s'il vous plait.

# Comme Iesuchrist presenta au consistoire de la Trinité la requeste de l'Ame.

Race diuine & l'Ame se mirent a chemin, accompagnées d'Entendemét, Memoire & Volûte, qui estoiét autour de l'ame tenát ses mains iointes, & marcherent apres eus Raison, Foi, Esperance, Charité & autres dames de sa suite. Ieunesse et Sensualité demourrer derriere toutes piteuses. En ceste ordre entrer et en la forest de Penitence qui estoit grande, spacieuse & remplie de plusieurs hauls et droits pins sans geneuriers & autres arbres estráges, & par le dessoubs la solle estoit rude & pierreuse: aussi estoit obscure & vmbreuse pour la multitude des arbres sueillus estás en icelle. Or comme ils alloiét seur voie & chemin, l'humanité du roi Iesus estát en paradis presenta a la treshaulte & tressainte Trinité la requeste ou placet de l'Ame tendant auoir abolition, grace & remission de

stion de ses crimes & delits. La matiere sut mise au conseil ou estoient Iustice, Verité, Paix & Misericorde. Dame Verité seit rapport de la requeste en plain consistoire disant.

Asses vous est conneu de vostre eternité & de uant les siecles, Essence divine, regnante en trinite de persones d'une mesme puissance, sapience & botê.Les grans & innumerables biens par vous fais a tous les humains (desquels est l'Ame incorporée suppliate) qui sont. Estre, vie, nourriture, doctrine et redéption de l'eternelle mort. Neantmoins ceste Ame suppliante par ingratitude, comme vne folle oultrageuse & pernicieuse s'est departie de vostre grace & alliance, a prins la familiarité de vos ennemis, la chair, le mode, & le diable, par la trágression de vos saints & dignes commandemés, & pour orgueil de vie, auarice de cueur, inquinatió de pensée & de cors par actes enuieus, mouvemés iracúdeus, par guleules & inhonestes comessations, festins & banquets,par amission de tems,ennui de bien faire, par presumptions temeraires, superfluité de vestemens, habondáce de delices, & par autres crimes & delits par elle fais & cómis, de cueur, de bouche & de fait, veniellemet & mortellemet. Et no cotente de ce adioustant mal sur mal, a donné plusieurs occasions a ses prochains de vous offenser par mauuais conseil, dágereuses persuasiós, prohibée faueur & reprouués exemples. Et de tous ces cas vous demande a present grace, remission & abolition. On trouueroit plusieurs argumés et raisons pour l'empescher, & a l'opposite plusieurs autres pour l'ottroier & conceder. Quant au deu de mon office: Ie requier et conclus a ce que les escritures soient accomplies tant pour elle que contre elle.

Apres le rapport & conclusion prinse par Veri te, dame Iustice commenca a parler disant. L'hor reur de la vie de l'Ame & l'abomination de ses crimes & enormes delits criant cotre elle vengeance, & requerant a moi Iustice diuine qu'elle soit eternellement damnée, & la raison le veut : car puis qu'elle vous a offense Dieu tout puissant qui estés la bonté infinie, doit estre infiniement punie: c'est a dire condamnée a mort eternelle, c'est arrest de vostre court par lequel aues dit par la bouche de vos prophetes, que toute Ame qui pechera mourra de mort eternelle, & que celui qui cotemnera vos commandemens sera desfait & portera son iniquité, & oultre que mauldit sont ceus qui pechent & ne gardent vos commandemens. Et vous fauueur Iesuchrist en confirmant ses arrests aués de vostre bouche codamné les trasgresseurs des diuins commandemens au feu eternel, & dit que ceus qui ne croioront en vous & ne seront baptizés, serot condamnes. Or est il que iacoit ce que l'Amesoit baptizée et que sur les sacrés fons de baptesme l'auês fiancée: Neantmoins par faulte de creance & vraie foi a laissé vostre alliance, & a prins celle du diable par la transgression de vos deus commandemens: Qui sont aimer Dieu & son prochain, & si ne feit onc oëuures qui deussent ne peussent plaire a dieu. Parquoi ie conclus a ce qu'elle soit forclose de l'ottroi de sa remission & codamnée a eternelle mort.

La tresheureuse vierge Marie & tous les saints & saintes de paradis voians la rigoureuse conclusion de diuine Iustice, eus prosternerét deuant nostre sauueur Iesuchrist, le suppliants que sa tant benigne & amoureuse humanité eusse pitie de sa pauure & desolée espouse l'Ame incorporée, &

vouluse

voulusse interceder pour elle enuers ladite attendu qu'il estoit le seul propitiateur & mediateur entre Dieu & les humains. Tesuchrist par sa grande grace, doulceur & clemence, & aussi a la requeste de sa tresheureuse mere & des saints & saintes feit parler Misericorde pour l'Ame, laquelle en respodant a ce que lustice auoit dit proposa. Si vous aués (o divine bonte) dit et prononcé par autre arrest, par la bouche de Ezechiel, que ne voulés la mort du pecheur : mais qu'il se converrisse & viue, & que s'il fait penitéce de tous ses pechés, & garde vos commandemens, il viura, & ne serés record de toutes ses iniquités. Aussi le Sage a dit par inspiration que vous aués misericorde de tous, & que ne haiés rien de tout ce que vous aues fait. Et vous Iesuchrist qui estés la sapience diuine & vrai Dieu esgal a vostre pere, vous estant encores mortel au monde chargeastes vos apostres de prescher par tout misericorde, & dites par plusieurs fois que celui qui croiroit & seroit baptizé, seroit sauué, & qu'esties descendu au monde pour sauuer ce qui estoit peri, appeller les pecheurs a penitence. Or est il que l'ame pecheresse à laissé peché, veut faire penitence & demande pardon, & si a foi que par vostre tresgrande grace & ample misericorde, & par les merites de vous fauueur Iesuchrist, non par les fiennes feulles oéuures esquelles n'a fiáce, elle aura pardon & remission de ses pechés. Parquoi ie conclus par ces moiés a ce qu'ottroi lui foit fait de son abolition: car vous aués dit que celui qui demandera obtiédra, qui cherchera trouuera, & qui heurtera a la porte on lui ouurira. Et que respodés vous a la peine de ses pechés dit Iustice.

Dame Paix qui n'auoit encores parle print la

parolle

parolle disant. O pere eternel & bonte incomprehésible vous enuoiastes au mode vostre fils vnique Iesuchrist pour r'achepter, affranchir & deliurer humain lignage de la mort eternelle & seruitude de peché: a quoi il estoit subiect par le peché de ses premiers parens. Par ce qu'il conuenoit que ce r'achept & franchise & deliurace fussent faits par vn qui ne fusse subiect a peche, ne serf de peche: car comme dit saint Paul. Tous les humains auoiét peché en Adam leur premier pere et tous auoient affaire devostre grace. Et pour ceste cause vostre eternel fils efgal a vous quant a deité fut fait hôme & print par son infinie bonté & sapience mortel cors au sacré ventre de la vierge Marie qui ci est presente par le grant amour qu'auês eu a humain lignage. Ét par ceste assumptio d'humanité, & par la mort cruelle qu'il print pour les humains il fut fait frere de l'hôme en humanité, & l'hôme vostre fils,non naturellement,comme Iesuchrist,qui touiours fut vostre fils eternellement : mais l'homme par vostre grande grace & adoption, & par ce sont les humains qui ont vraie foi formée de charité, heritiers de paradis: car qui est fils est heritier presumptif.D'auantage tout ce qu'aues promis sounerain Dieu sera fait sans rien en laisser, autrement ne series Dieu : car vous estes l'immuable verite. Or aués vous promis la vie eternelle a ceus qui aurot foi & repentáce de vous auoir offensé. L'Ame a repentance en soi, que pardon lui sera fait par vostre fils Iesuchrist. Parquoi ie di que ne lui poués par Iustice refuser sa remission. Et quant aus bonnes oëuures dont vous auês parlê (dame Iustice) vous scaues asses que la foi auec penitéce suf-fit en extremité pour obtenir pardo. L'entend bien

que la foi est morte sans bonnes oéuures, mais ie di aussi que celui qui a vraie foi formée en charité, le saint Esprit est auec lui, & puis que le saint Esprit est en lui, toutes ses operations seront bonnes & a vous aggreables, vne personne qui a ceste vraie & viue foi, il fait ce que Iesuchrist lui a commadé par l'euangile, c'est aimer Dieu sur toutes choses & son prochain come soi-mesme pour l'amour de lui. En quoi faisant & accomplissant toutes ses oéuures seront bonnes.

D'auantage ie di que vous pere eternel auês fait les hommes vos enfans auant qu'ils eussent fait bonnes oëuures par l'incarnation, assumption de l'humanité & mort temporelle de vostre eternel fils Iesuchrist, parquoi me semble que l'Ame suppliante qui est de ce nombre doit auoir pardon & remission, iacoit ce qu'elle n'aie fait beaucoup de bonnes oéuures attendu qu'elle a contrition de ses pechés & toute sa fiance est en vostre grace & bốte,& en vostre eternel fils Iesuchrist. Chacun scet que par le sacrement de baptesme & en vertu de la foi, les enfans estans en peché originel & en la seruitude de peché sont deliurês & faits vos enfans sans auoir fait bonnes oguures, mais seulement par le merite de vostre eternel fils Iesus par la promesse duquel vous vous estés lié aus humains de leur donner salut par le saint sacrement de baptesme & par la vertu de la foi formée en charité, par lesquelles raisons ie persiste en mon dire & aduis.

Verité print la parolle disant qu'elle adheroit a l'oppinion de Paix, & ses raisons ouies & celles de Misericorde & de Iustice lui sembloit qu'elles s'accordoiet l'une a l'autre, et qu'en faisant misericorde a l'Ame

# Le secondante

a l'Ame Dieu feroit Iustice, car il accompliroit ses promesses & celles de Iesuchrist, attendu que les fuchrist mesme a requis a Dieu son pere l'ottroi de la remission, grace & abolition de l'Ame penitéte, qui ne lui pourroit estre deniée par ses merites en vertu de la soi que l'Ame auoit de lui, a quoi toutes ces dames a la sin s'accorderent & de leur consentement & a la requeste de Iesuchrist qui en auoit este prié & supplié par la vierge Marie sa mere & des saints & saintes de paradis.

#### Lettres consolatives envoiées de paradis a l'Ame.

Ieu le pere, Dieu le fils, & Dieu le

faint esprit en vne essence & deite: feauoir faisons que cobien que l'ame L'incorporce aie desserui la mort eternelle:toutefois confiderans en icelle la vraie foi en nous, & douleur de nous auoir of. fensés, auec bon vouloir de non plus viure felon sa fenfualité, ains felon nos commandemes et ordonnances, la iugeons estre veritablement penitente. Parquoi de nostre bonté & misericorde infinie, la voulons receuoir en nostre grace, lui pardonnans ses pechés. Doncques pour nostre ordonnance faite, quant a nos apostres a este dit: Receues le saint Esprit, a tous ceus ausquels vous remettres leurs pechés ils sont remis, & a quiconques les retiédres sont retenus, (Par lesquelles parolles auons constitués tous prestres legittimemet cosacrés nos lieutenans,& donné la puissance de pardonner les pechês & de les retenir) commandons a l'Ameincorporee de se representer deuat nostre lieutenat, & lui faire cofession de tous ses pechês sans aucune faintife

faintile ou ypocrisse, & receuoir de lui absolution: & alors sera veritablement l'Ame incorporée enuers nous abfoulte.

Des empeschemens exterieurs de Penitence.

T pendant qu'on faisoit toutes ces choses en paradis, l'Ame incorpo-rée en la compagnie de Grace diuine & des autres alloiet & cheminoient en asses bo espoir en la forest de Penitence, que l'Ame trouua quelque peu du com-mencement fascheuse, toutefois le bon vouloir qu'elle auoit de se mundifier & purger lui faisoit trouuer le voiage prospere & facile. Et comme ils marchoient tous ensemble par bonne affection, trouuerent a l'entrêe de la forest vne assemblée de troispersonnages. Le premier sémbloit estre vn hermite & homme de grande sainteté, lequel s'approcha de l'Ame & lui dit. M'amie ou alles vous! Hac ex Le voie(d'it l'Ame) a la fontaine de Penitence. Et *Petro de* n'auês vous (dit l'hermite) peu trouuer meilleur pa. super chemin'. Aues vous pas le chemin de bonnes ope-rations qui est plus grant & facile que cestui ci. dist. 16. il ne fault qu'une aumone, vn ieune, abstinence ou oraison pour Dieu pacifier. Le second personnage sembloit vn homme vestu de diuerses sortes, car touchant l'acoustrement de sa teste sembloit vn gendarme, celui de son cors estoit a la facon d'un marchant & celui de ses iambes d'un laboureur, lequel dit a l'Ame. M'amie vous deuês retourner, car si voules cotinuer au chemin, despendres tout vostre auoir & vostre bien sans rien gaigner. Ce n'est le cas des mondains s'arrester aus contemplations.

. Tant qu'on est au monde on doit trauailler a gaigner sa vie, ce que ne pourrés faire si continuês vostre propos. Le tiers personnage estoit vestu come vn gorrier de court assês mignon et gorgias, lequel va direa l'Ame. Ou pensés vous ma dame? aués vous deliberé d'estre homicide de vous mesme! scaués vous pas bien que la plus grade medecine & la meilleure de ce monde, est viure ioieusemet sans tristesse & souci immodere? Impossible est que le puissés faire en ceste forrest, car vous n'i trouuerés qu'ennui, douleur & desplaisance, & par ce si aimés Grace divine qui escoutoit vostre vie retournês. tous ces propos faignát ne les ouir s'escria a haulte voix.Alarme, Alarme. Entendement, Memoire & Volunté et les autres de leur compagnie prindrent des pierres & caillous, & tant en ietterent contre ces trois infidiateurs qu'ils tournerét en fuite. Puis Grace diuine va dire. Ame vous aues vn peu failli d'auoir prestê l'aureille a ces paillards tant meschás qui vouloient vous destourner du vrai chemin de Penitence. Et affin que vous l'entédés: Le premier vestu en hermite est fauls semblant, que soubs vmbre d'aumones & oraisons qu'il presente aus ïeus des homes seulemet, lui semble que Dieu lui est bié tenu,& qu'en aura pardo de tous pechês. Le secod est Negociatio qui a son cueur et affection entierement aus choses terrestres & lui suffit de peser a sa negociation, et come il pourra gaigner et accumuler pecunes, il lui semble que c'est tés perdu de péfer en dieu. Et le tiers est vn petit follet appellé leu qui ne quiert fors amuser & occuper ceus du mode aus dáces, ieus, venerie, chasse et autres passetés excessifs & immoderés, par lesquels on perd toute deuotion & conoillance de soi & de son pechê. Et par ce

par ce m'amie ne vous i arrestés plus, passons oultre. Et affin q nous puissons mieuls dessendre d'autres ennemis que nous trouuerons, nous prédrons chacun de nous vn bastó des braches de ces beaus arbres, ce qu'ils feirent tous, fors Ieunesse & Sensualité qui estoient toutes tristes.

# Des empeschemens interieurs de Penitence.

Ame et ceus de sa copagnie bien embastonnes trauersans la forest asses diligément pour trouuer la fontaine de Penitence, r'encontrerent quatre personnages villains & monstrueus.

Le premier sembloit vne femme superbe, fiere & orgueilleuse, vestue lasciuieusemet nomée Hote de Hote de se cofesser, q va dire a l'Ame. Ou alles vous pauure se con-& indiscrete persone, est-ce pas a la fontaine de Pe-fesser. nitence: si vous le faites serés deshonnorée, car on vous estime sage, pudique & bonne, & vous allés manifester & declairer aus homes vostre inique & mauuaise conuersation. Que diront les gens de vous! tel vous nommoit vertueuse, qui vous aura d'orenauant en opprobre & derisson. Le second de ces personages sembloit vne autre semme palle, maisgre & toute tremblate, qu'on nomoit Crainte de satisfaire, qui va dire. Que voulés vous faire pauure dame (si vous allés a Penitence, serés contrainte rédre & restituer tout ce que vous aués de l'autrui. Et si vous le faites demourés pauure meschäte & en abiectió de tout le móde. Et d'auátage on vous imposera si grosses et grieues charges qu'a peine les pourrés supporter. Le troisieme de ces personnages sembloit vne autre semme inuereconde & sans souci, qu'on nommoit Vaine espe-

### . Le second liure 🔝

rance qui dit a l'Ame. Ou alles vous ma dame ! Ie voie (dit l'Ame)a la fontaine de Penitéce. Si vous le faites (dit Vaine esperace) estes affollée, car vous serés cotrainte vous retirer de toutes choses mondaines qui sont tát delectables, Entédês vous point que vous estés ieune, & que durant vostre ieunesse deues prendre peine d'aquerir biens, honeurs & richesses, ce q ne pourres plus faire, & par ce retournes si vous estes sage. Voire mais (dit l'Ame) si ie mouroie en cest estat ie seroie damnée. Non, non (dit Vaine esperace) vous estés encore ieune & viurés loguemet, et sera tout a tes d'aller a Penitence en vostre vieillesse, et d'auatage Dieu est tout bo et misericordieus, & n'a fait les humains pour les daner, il ne faut qu'un bo souspir pour auoir sa grace. Le quatrieme personnage estoit Desesperance, qui tát auoit trouble l'Ame (come i'ai dit dessus) & par mesmes raisons qu'elle lui auoit alleguées au bordeau de peché la voulut destourner de son propos lui difant oultre que pour trois raisons ne pourroit estre mundifiée & lauée a la fontaine de Penitéce. La premiere pour la grauité de ses crimes, pechês & delits. La seconde, qu'elle ne pourroit se garder de comettre peché pour la frequétation d'iceus.La tierce pour la logue demourée qu'elle auoit fait en pechê qui la rendroit incapable de grace, de sorte que iamais ne pourroit auoir pardon.

Remedes contre les dessusdits empeschemens interieurs de Penitence.



. 1 4

Ces assaus interieurs Entédement 🔑 en grande grauité & ponderosité de parolles par le conseil de Grace diuine respondit ainsi. O damnés & morti

mortiferes esprits, generation diabolique, enfans de perdition reculés de l'Ame & cessés de la perse. cuter: car tous vos dits ne sont que mensonges. Et pour i respondre premierement a toi Honte de se confesser,il i a trois choses pour te cofondre & tes seductives parolles. La premiere procede de raison Remede naturelle: Carpuis qu'on a eu honte de faire vit congre peché mortel, on ne doit craindre de le dire pour Honte en faire vn bien. La seconde que l'Ame doit peni de se conser que toutes choses sont a Dieu descouvertes, & fesser les scait mieus que ceus qui les ont faites. Si done fesser. il scet les pechés de l'Ame, pourquoi aura elle honte de les lui dire, & a son lieutenant qui est le prestre, auquel la reuelatió en est prohibée & deffendue sur peine de degradatio. Et la tierce raison est la future confusion: car ceus qui ne se veultent cofesser & faire penitéce de leurs pechés leursdits pechés feront conneus & reueles publiquement deuant toutes les creatures raisonnables, a la grade confusion de ceus qui les auront commis, & a leur damnation au grant iugement. Et s'ils sont confessés comme appartient a la fontaine de penitéce, on ne les pourra plus veoir ne connoistre l'Et s'ils sont manifestés (comme veullent dire aucuns docteurs) sera a la gloire de ceus qui les ont commis & s'en sont confesses, comme seroit vn hardi cheualier du roi son maistre qui auroit occis sept de ses ennemis qui lui auroient donné sept plaies mortelles. of ib a varue, sog and sive sugol stain

Et pour te confondre Crainte de fatisfaire le di Remede que mieuls vault auoir en ce monde indigence & contre pauurete qui est peine briefue & legere, qu'en l'au- Crainte tre monde avoir eternel tourment & si grant que de satifa homme viuant ne le scauroit penfer. Combien est faire. legere. uenicus

legere la peine d'une personne, qui pour resister 2 lubricité, ieusne, porte la haire, ou fait quelque autre abstinéce : Combien est briefue la pauureté de la personne qui rend ce qu'il a de l'autrui ? Combien est briefue la peine de se leuer matin pour a Dieu seruir, de dire ses heures & faire oraisons? Combien est facille d'estre humble-& charitable, fobre & diligent, chaste & pudique ? Et cobien est horrible a penser seulemet d'estre damné & bruler en feu perpetuellement! Toute la peine que pour-.. roit auoir yne persone en ce môde ne pourroit durer vingteing ans: Car la vie de la plus vieille personne ne scauroit estre comunemet que de quatre vingts ans, dont convient ofter l'aage d'innocece, & du surplus le dormir & repos de nuit qui emporte preside la tierce partie, & par ce n'en reste plus que querante ans ou environ, desquels ans les bonnes personnes en viuent pres de la moitie en ioie & consolation qu'ils prennét auec Dieu & les homes, & par ce n'en scauroit rester que vingtdeus ou vingt & trois ans, ie di de ceus qui viuet quatre yingts dont n'en trouverês de cent vn : vaut il pas donc mieus auoir quelque legere peine par vingt & trois ens que de bruler aufeu d'enfer perpetuelloment, de lorte que les damnés apres dix mille ans passes seront encore au commencement de leurs horribles peines & tourmens.

Et pour respondre a toi Vaine esperance qui promets logue vie aus pecheurs ie di que c'est vne solle promesse que tu ne scaurois tenir, car c'est a Dieu seul de le dire & faire. Chacun peut veoir qu'en plus grande quantité meurent de ieunes gés, que de vieils: les aucuns parmaladie, les autres par seu, par eaue, par glaiue, par instice, & autres inco-

uenies soubdains & divers. Tu dis d'auatage qu'on doit recueillir & cogreger tresors & richesses pour en viure en vieillesse par tous moiens bos ou mauuais, & qu'on fera penitence en vieillesse. Ie t'accorde que les ieunes gens doiuent trauailler en la vocation ou ils sont appelles, & sans conuoitise aquerir quelque bien pour passer la pauure & fascheuse vieillesse. Mais on se doit garder du peché d'auarice & de l'appetit desordonne d'estre riche: qui (comme dit saint Paul) coduisent les auaricieus 🐱 couoiteus aus laqs du diable, & faire sans nombre de pechés: voire & lors qu'on deura reconnoistre ses fautes, l'auarice croistra: car c'est vn vice qui plus est es vieilles personnes qu'es seunes. Et te di d'auantage que faire penitence & se garder de peché n'empesche que la persone ne puisse vaquer a fon estat du monde, et gaigner et reseruer argent pour lui, sa femme & enfans s'il en a & pour subnenir a sa vieillesse, pourueu que ce soit par hone. Res moiens & sans conuoitise de l'autrui.

Tu as dit tiercement que Dieu est tout bon & qu'il donne grace et pardo plus tot qu'on ne le demande. Il est vrai que la bôté de Dieu est sans mesure sur la sauve & r'achepté des enfers les humains sans leurs merites: mais seulemet par les merites de son eternel sils les suchrist, & si sauvera les crestiens par soi: mais qu'in e garde ses commandemens n'a pas vraie soi, parquoi ceus qui transgresseront ses commandemens, s'ils ne sont penitence, seront damnés. Et te di d'auantage que ceus qui different a faire penitence, tumbent en coustume & obstination de pechè de sotte que vice leur semble vertu, & vertu vice, qui sont pechès irremissibles comme saits contre Z ii le saint

le faint Esprit par propre malice.

Remede Au regard de toi Desemble par propre

Remede contre Desespe rance.

Au regard de toi Desesperance, il a esté assès remonstre a l'Ame comment elle ne doit te prester l'aureille quant a se desesperer de la bonté & misericorde de Dieu qui est touiours preste a receuoir la personne qui se conuertit a lui par vrai penitéce & en vraifoi. Et a ce que tu as dit que l'Amene pourroit iamais faire bien, veue la continuation de les pechês. Ie te respond que le diable ne l'en scauroit garder pour trois choses, si l'Ame les veut faire.La premiere penser qu'il conuient mourir,& estre sauué ou dánê: Car q biế i pésera & le croira, a peine vouldra pecher.La seconde est connoistre la debilitațio du diable qui ne scauroit faire pecher mortellemet l'Ame si elle ne veut. Et la troisseme est auoir connoissance de la force de l'Ame raisonnable qui vient de cinq choses: c'est assauoir de la remission de ses pechés, de ioie spirituelle, de armeure spirituelle, de l'exercice de bones o éuures & de la protectió & vraie amour de dieu. A ces parolles les quatre diablesses esuanouirent sans que plus on les veit, l'Ame passa outre comme victorieuse.

De Confession & de son effett, & quelles conditions connient garder pour faire bonne confession.

Pres auoir eu passé tous ces dangers par l'Ame & sa compagnie, trouue-rent vne dame vestue en deuil, les seus de laquelle estoient vn peu mouillés de larmes, elle portoit visage descouuert & assés hardi sans arrogance, son maintien estoit humble, son regard bas & honteus, & si sembloit bien a veoir ses gestes estre fidele, obeif-

obeissante & discrette. L'Ame s'enquit qui estoit ceste dame : Grace diuine lui dit que c'estoit Confession, par laquelle manifesteroit toutes ses plaies latentes pour estre lauées & gueries a la fontaine de penitence.L'Ame fut toute ioieuse d'ouir telles nouvelles, toutefois esbahie comme & par qui lesdites lettres auoient esté apportées. Grace diuine lui dit qu'elle auoit esté en paradis pendant le tems qu'Entendemét auoit parlé aus empeschemens interieurs de penitéce, & les mostra a l'Ame. Laquelle apres les auoir leues fut long tems sans pouoir parler pour la grande ioie qu'elle receut,& iusques a ce que doulces larmes tumbás de ses seus? lui deschargeret le cueur, & qu'elle de genous pro-Rernée commenca a dire. O glorieuse trinité pere, fils & saint Esprit en vne essence & deite, inuincible puissance, incoprehensible sapience, eternelle & ineffable bonte, comme scauroi-ie vous rendre grace de tant de biens & benefices que vous me faites, doi-ie point mettre peine & labeur de vous complaire & obeir, puis que si promptement & si tresvoluntiers il vous plait me pardonner.

Grace diuine fit leuer l'Ame, & la presenta auce Entendemét, Memoire & Volunté a Confession? Et lui declaira comme l'Ame auoit esté seduite par peché, maculée & hônie au palais de Volupté, dot elle estoit fort dolente & courroucée, & la pria lus vouloir donner assistéce a celle fin qu'elle obtinsse pardon de ses pechés. Confession respondit que se l'ame la vouloit croire, on i trouveroit bo remede. Et l'Ame lui sit responce qu'elle estoit preste de lui obeir. Lors Confessio va dire & proposer a l'Ame. M'amie vous scaues qu'en tout sugement bien or si donné convient qu'ili ait suge & partie, & que per l'ame convient qu'ili ait suge & partie, & que per l'ame convient qu'ili ait suge & partie, & que per l'ame convient qu'ili ait suge & partie, & que per l'ame le mitence de la prience de la pr

## Le second hure

nitence est vn iugement ou l'on diffinit du bien ou du mal du penitêt, & par ce qu'il est voluntaire on procede contre le penitet par sa propre cofession. Le souverain & principal iuge est Dieu, qui de lui mesme a puissance d'absouldre ou condamner. Et par ce qu'en l'ancien testament Dieu n'auoit encores prins humanité, se contentoit de la confession mentalle qu'on lui faisoit des offenses qu'on auoit commises sans faire confession secrettea l'homme, iacoit que les Iuifs par leur loi feissent manifestation d'aucuns de leurs pechés par l'oblation de leurs sacrifices generallement & non en especial, mais apres ce que le fils de Dieu a eu prina Igan.20 nature humaine, il a voulu au nouueau testament que l'homme se confessasse a Dieu & a l'homme, par coque lui (qui est Dieu & homme) est offense. Et a la raison de ce qu'il n'est a present en forme. humaine auec ses creatures de ce monde, a laisse lieutenans ou vicaires en terre pour ouir les confessions, ausquels ils a donné iuridition & puissance de lier & deslier par ces mots qu'il dit a ses apostres. De tous ceus desquels aures remis les pechés en terre, seront remis au ciel, et retenus de ceus desquels les aures retenus, & par autres parolles qu'il Mat. 16 dit a saint Pier. Tout ce que tu lieras en terre, sera lie au ciel, & tout ce que tu deslieras sera deslie, comme contient l'euangile.

Ie di oultre que le remede de tout peché originel ou actuel, c'est la passion de nostre seigneur lesuchrist, & la vertu de celle passion est imprimée es sacremés de l'eglise. A ceste raison on ne peut estre gueri de la macule du peché originel ou actuel sans prendre les sacremés de l'eglise realemét & de sait quant l'opportunité i est, ou en propos si apres on en est en est par necessité forclus, & non par contennemét, scauoir est du peché originel par baptesme, & du peché actuel & mortel par penitence qui consiste en contrition, confession & satisfaction. Et par ce (m'amie) auant que puisses estre laute et mundisièce entierement en la sontaine de penitence par la vertu de l'aue sacrée qui iest procedante du costé de vostre bon espous sesus & que soiès remise en vostre estat d'innocence, est necessité qu'aiés contrition, que fachies confessió & satisfactio. Et tout ce paracheué, remission vous sera donnée, & serès lauée en celle bonne sontaine, puis remise en innocence pour solenniser les futures nopces d'entre vostre espous & vous.

l'entend ma dame (dit l'Ame) qu'il est necessairement requis que le face confession, ce que le veul & accorde. Ditesmoi (s'il vous plait) a qui ie la doie faire, comment, combien de fois, déquoi, en quelle sorte & que ie doie dire! Vous deues (dit Confession) i garder quatorze choses. La premiere est declarer entieremét & par le menu toutes les offenses par vous faites contre les commandemens de Dieu & de l'eglise militante sans aucune chose en reseruer ne retenir a vn homme. La seconde que cest homme soit prestre discret & scauant pour scauoir connoistre & discerner le pechê mortel du veniel, qu'il air puissace de vous absouldre, come a le Pape, vostre eucsque, vostre curé ou leur commis a ce. La troisieme que deues declarer vos offenses en douleur & desplaisance de les auoir faites auec vouloir de nó plus i retourner, La quatrieme que deués nuement et clerement declarer vos offenses en sorte que celui qui vous oit de confession les puisse entendre & leurs Z iiij circon-

## Le second bure

circonstaces, scauoir est le lieu, le tems, la quantité, la qualité de vostre personne, vostre aage, vostre estat & condition, sans toutes ois vier de parolles lasciuieuses, inductiues a villaines pésées, ne engendrans scandalle a celui qui oit la confession.

Declares moi (dit l'Ame) de quelles circonstances on fe doit confesser. Il en i a de cinq sortes (refpondit Confessió.) La premiere est des circostáces qui ne allegent ne aggravent le peché, comme de dire. l'aissoubstrait le bié de mon voisin de la main senestre ou de la dextre, et telles circonstances son & superflues & ne les doit on confesser. La secode este des circonstances qui alleget le peché & emportet quelque conuenance ou bonne intention, comme de dire. l'ai fait tel pechê, mais ie pensoie bié faire, ou ie ne scauoie que ce fusse peché, & est vne chose imparfaite le confesser de telles circonstaces sinon que celui qui se confesse doubte qu'en les celant le confesseur en soit scandalisé, ou jugeroit estre pechê mortel qui n'est que veniel. La troisseme est des circonstances qui emportent disconuenance par la disposition, comme de dire. L'ai soubstrait le bien de mon prochain en telle quantité et valleur. & telle circostace doit estre declarée par ce qu'elle aggraue le peché. La quatrieme est des circonstances qui aggrauent & changent l'espece de peché & non infiniemet (c'est a dire par double peché mortel) mais la circonstance est peché veniel. Ouquel cas on est tenu de dire lesdites circostances, comme il aduiét es especes de gloutonnie l'une desquelles. aduient a l'autre & sont aucunefois mortelles, aucunefois venielles, car on n'est tenu de confesser les venielles, toutefois il est bien vtile de les confesser. La cinquieme est des circonstáces qui aggrauet.

Je peché infiniement, c'est a dire par double peché mortel, comme vn homme marie qui conoit vne autre femme que la sienne, car en ce cas ne suffiroit de dire,i'ai commis fornication, mais couient dire. Ie suis marie & ai coneu charnellemet autre femme que la mienne, & oultre si telle femme qu'il a conneue est mariée ou a marier, religieuse, vierge, ou sa parente ou commere, & si ce a esté en lieu sacré, car ce font diùers pechés commis en vn instát . La cinquieme codition de vraie cofession est qu'elle soit pure, c'esta dire qu'on se doit confesser pour l'amour qu'on a a Dieu & pour le pacifier & non pour la louenge du monde, ou pour auoir des biés modains, ou santé corporelle seulemet. Aussi doit estre pure sans i dire aucune mésonge, soit en trop s'acculant ou soi excusant. La sixieme codition est qu'elle doit eftre verecundeuse, c'est a dire que la persone qui a forfait & se sonfesse doit auoir hote de ses pechés,& telle hôte qu'il prouffite a lui quát a la satisfactió de la peine. La septieme qu'elle doit estre forte, c'est a dire que pour crainte, honte ne autre chose on ne doit celer ses pechés, mais les dire & declarer au long, & si celui qui se confesse a memoire de quelque gros peché qu'il n'ose direst le confesseur ne l'interrogue, telle confession est fainte & ne vaut rié. La huitieme doit estre accusatoire, c'est a dire que le penitent se doit seul accuser & non s'excuser en confession, & ne doit en se confessant manifester le peché d'autrui si possible lui est. La neufieme condition est qu'elle doit estre fimple, c'est a dire qu'on doit seulemet dire ses pe-ches & leurs circostances sans i mixtionner parolles superflues qui ne concernent en rien l'offense. La dixieme qu'elle doit estre humble par le dehors & par

& par le dedans.Par le dehors en soi prosternát de genous deuát Dieu & le prestre la teste nue, combien que ce ne soit de necessité, mais de cogruite si la personne est bien disposée, car la confession se peut bien faire par la personne assise ou couchée voire en cheminant en cas de maladie, mais il est requis de necessité que le penitent ait humilité parfaite en son cueur: C'est a dire quant il se confesse qu'il die humblement & distinctement son peché sans se glorisser, & qu'il ne charge autre que lui, comme font aucuns qui dient qu'ils ont pechê par faulte de l'aide de Dieu ou par l'induction & tentation du diable, ou a l'appetit d'autrui, ou par ce qu'ils sont enclins naturellement a peché. L'unzieme condition est que la confession soit voluntaire & libre, & no par crainte d'estre damné seulement ou d'estre mis hors la compagnie des chrestiens, ou d'encourir deshonneur enuers les hommes, mais doit estre principalement faite pour l'amour qu'on a a Dieu pour obeir a ses commandemés, et pour auoir remissió de ses peches, a ce qu'on puisse auoir la grace de Dieu & en ce faisant son paradis.La douzieme condition de bonne confessio fion est qu'elle soit fidele, c'est a dire que celui qui se confesse & le prestre qui oit la confession aient vraie foi que moiennant contrition, confession et satisfaction, le penitent aura remissió de ses pechés par les merites de la mort & passion de nostre sauueur lesuchrist seulemet, & no pour aucunes bonnes oeuures qu'on puisse faire, car sans les merites de Iesus on ne scauroit auoir pardon ne falut quelques bonnes oéuures qu'on face. La treizieme est que la confession soit secretement faite, sans qu'on puisse entedre ce que dira le penitet, fors le prestre auquel

auquel il se confesse, auquel il est prohibé et deffendu d'en faire aucune reuelatio pour quelque cause que ce soit par injunction de son superieur, excommunication ne autrement. La quatorzieme condition est que le penitét soit prest d'obeir a son confesseur a faire les choses qu'il lui enioindra voluntairement & sans murmure.

Quant se doit on cofesser: (demáda l'Ame.)Le plus tot qu'on peut apres peché (dit Confession) si on le peut couenablemet faire, affin qu'on n'oub-Lie ses pechés commis par longueur de tems: toutefois par ordonnace de l'eglise on n'est obligé se cofesser au prestre sur peine de peché mortel qu'une fois l'an, toutefois i a quatre cas esquels on est tenu Quatre se confesser plus souuent qu'une fois l'an. Le pre- cas esmier quant on veut prendre le saint sacrement de quels on l'autel, ou quelque ordre, come de prestrise ou ma- est tenu riage. Le second quant on se voit en quelque dan- se cofes-ger de maladie, ou qu'on veut faire vn long voiage ser plus sur mer ou aller en guerre, & aussi toutes les sois souuent qu'on est probablement en dager de mort. Le tiers qu'une quat on conoit que de toute l'année on ne pourra sois l'an. autrement opportun. Et le quatrieme quant le penitent fait scrupule de peché mortel s'il ne le confesse aus festes annuelles, ou vne fois le mois, lors doit se confesser & oster sa conscience erronée. Et ce que l'eglise a ordonné se confesser vne fois l'an, c'est a tout le moins, car c'est chose fort salutaire & proffitable se consesser souvent tant pour le fruit d'humilite qu'on a par ce moié, qu'aussi ceus qui se cofessent souvet sont plus craintifs de retourner a peché. Aussi se confesser au prestre tous les iours & retenir en foi ou auec foi l'occasion de peché ou la 111.1.1.2

#### Le fecond Eure

volunté, c'est abuser, & peché mortel, car on ment a Dieu & au prestre en promettant de plus ne setourner a peché, mais vn bon crestien de ce qu'il a peché se doit retourner a Dieu & lui en faire confession mentalle aiant douleur de l'auoir offensé. & propos de plus n'i retourner & d'en faire confession sacramentalle & penitence. Ie me contente dit l'Ame a dame Confession de ceste bonne responce, & connoie euidemmét qu'il conuient faire confession vocale pour auoir absolutio de ses pechês: mais ie ne scai comme on doit faire satisfaction a Dieu c'est a dire en quelle maniere le penitent apres la remission d'eternelle damnation quiest commuée par le prestre en peine purgatoire, qu'on appelle latisfaction, pourra satisfaire a Dieu & estre purgée pour aller droitement en paradis. Confessió appella Theologie & la pria de vouloir declarer a l'Ame comme il conuenoit faire satisfaction, ce qu'elle promit de faire, & pour dons ner commencement a son parler dit a l'Ame, que (comme lui sembloit) conuenoit satisfaire en trois manieres. Aucunefois par la seule seuerité de diuine iustice,aucunefois selő pitie & miseratió, & aucunefois selon la moderation de l'un & de l'autre, de sorte que misericorde ne soit sans seuerité, ne seuerité sans misericorde & pitie. La premiere est faite ou feu de purgatoire qui est vne affliction incroiable faite par seuerité. La seconde est faite par le faint facrement de baptefme, ou toute la macule de peché est effacée sans aucune affliction et peine. Et la tierce est faite par flagellation qui vient aucunefois de Dieu par maladie, perte de biens ou autre aduersité temporelle & par ieusnes, abstinéces, macerations & flagellations qu'on fait de soi en fon

en son cors ou il ia affliction auec consolation & aussi par aumones. Plusieurs sont qui en l'extremitê de leurs iours & au tés de la mort sont vrais penitens, car ils ont abomination & douleur de leurs pechês, ferme propos de plus ne retourner a pechê & de satisfaire & se confessent comme appartient a Dieu & au prestre, mais de mort preuenus n'ont le tems pour faire condigne satisfactio, au moien de. quoi la coulpe leur est pardonée, & tout ce qui est d'iniquité ou impieté au moien de leur penitence, mais ce qui est turpitude & impurité, c'est a dire de l'obligation a peine temporelle est apres purgé par le feu de purgatoire, & la sentence de damnation eternelle commuée & chagée en téporelle & transitoire peine de purgation. Et en ceci a lieu ce que disoit Dauid. Ceus sont heureus desquels l'iniqui- Pfal. 30 té est pardonnée & remise.Les autres auec grande deuotion vont a confession auec toute peine et solicitude, satisfont & couurent leur turpitude par oeuures de charité & multiplication de bienfaits. Et en tels est verissée la parolle de saint Pier disant. Charité couure la multitude des pechés, & i estaccomplie la prophetie de Dauid disant : ceus sont heureus les pechés desquels sont couvers.

Aucuns sont qui apres plusieurs insidelités & blasphemes procedans des Iuiss ou Paiens sont regenerés en Iesuchrist par le sacremét de baptesme. Ausquels toutesois pour leurs pechés & crimes passés on n'impose aucune penitence; car a eus regenerés en Iesuchrist on n'impute aucune chose des crimes & pechès qu'ils ont commis: Mais sont entierement par le sacremét de la foi laués, et mundissès par le merite de la passion de nostre seigneur Iesuchrist. Et de ceus ci parloit Dauid disant. Heus

.. --- -

reus est celui auquel Dieu n'impute aucun pechê. Autres i a lesquels ont si grande & parsonde contritió & desplaisance de leurs pechés en leur cueur & vne si grande ferueur de penitence & ardeur de deuotió & amour en dieu, et tát ont d'esperace par Foi & Charitè en la bonté, pitie & misericorde de nostre seigneur Iesuchrist, que cela leur sussition, purgation & satisfaction de tous leurs pechés, et sont restitués en estat d'innocence, come tesmoigne l'euangile parlant du bon larron, lequel si trespres de sa mort seit briefue & service penitéce, & au moié d'icelle nostre seigneur Iesuchrist lui dit. Tu seras auiourdhui auec moi en paradis.

Commel'Ame receut la remission de ses pechés par vn prestre, & ce qu'elle seit par satisfaction, & comme sut lauée en la fontaine de Penitence.

Ame fut toute rauie en Dieu des cofolations et resolutions que Theologie lui auoit données, & ne seit aucune difficulté de faire ce que vouldroit Consessió pour le grat desir de
sa múdification. Et pour i mettre sin l'Ame su coduite par Grace diuine & Consession a vne eglise
estant pres de ce lieu, ou ils trouuerent le recteur
d'icelle, q estoit l'ordinaire prestre & curê de l'ame
incorporée, et suge delegué pour receuoir la remissincorporée, et suge delegué pour receuoir la remissite menu comme elle s'estoit habandonnée a peché
et a ses satellites, combien de sois elle i auoit donnée
consentemét, le lieu, le tems, la forme, & la quantité de se pechés selon qu'elle en pouoit auoir memoire,

moire, qui fut asses long a dire & declairer. Et a la raison de ce que l'audition & confession de l'Ame estoit faite secrettement & a basse voix, ne peu ne voulu entendre ce qu'elle disoit, aussi est il deffendu: mais bien veirent les ïeus spirituels de mon entendement que particulieremet & au long disoit a dieu & au prestre son vicaire ou lieutenat en terre, ce qu'elle auoit fait cotre la volunté de son espous Iesuchrist, no sans rendre larmes par les seus de son materiel cors. Apres toutes ces choses voiant le prestre par signes exterieurs la grande contritió & repentance de l'Ame, son bon propos de se garder de pecher & d'en fuir les occasions aueques le bon vouloir qu'elle auoit & promesse qu'elle sit de satisfaire a son pouoir, comme juge delegué en ceste partie lui bailla absolution de tous ses peches au nom du pere, du fils & du saint Esprit, & lui enioignit pour partie de sa peine purgatiue certaines oraisons, aumones & abstinences secrettes. Puis l'Ame leuêe de deuant le prestre fut par lui mise entre les mains de Grace diuine laquelle fit venir & sortir d'un lieu boscageus & solitaire, toutefois plaisant aus contemplatifs Satisfaction qui estoit vne dame ioieuse vestue de simples vestemens, neantmoins beaus & honnestes. Et sembloit bien a la veoir qu'elle n'auoit souvenance des biens de cemonde. Elle auoit en sa compagnie ses trois enfans Aumone, Oraison & Ieusne. Aumone estoit yne damoiselle vestue de drap d'or, tenant en ses mains or & argent qu'elle distribuoit aus indigensa grande largesse. Oraison estoit vne autre damoiselle vestue de blanc qui anoit le visage tant mignon, begnin & deuot que bien sembloit estre celeste. Et leusse estoit vestue sur le nud d'une haire

haire de poil aspre & agu fort maisgre & maceree, toutefois auoit la face ioieuse. Si commencerent tous quatre dire ensemble par doulce musique ceste chanson en rondeau.

Chanson en rondeau.

Si vous m'aimés ma dame par amours
Loiallement non a contr'rebours
Ie le verrai a vostre contenance
Et scaurai bien si aurés souvenace
De mes tresbons & tresamoureus tours.
I'aurai de vous sans cesser a touiours
Pour souvenur lettres en termes cours,
Qui monstreront la vostre obeissance.
Si vous m'aimés.

Autre que moi ne prendrés pour secours, Aussi ma mere & de ceus de mes cours, A moi seront vostre cueur & cheuance, Tout pour auoir de moi la iouissance, Et pour me veoir ieusnerés plusieurs iours. Si vous m'aimés.

Vant l'Ame eut ouie l'armonie de ces quatre personnages, apperceu leurs humbles contenances & sceu leurs noms fut fort ioieuse & humble re-ueréce a cus faite, dit a Grace diuine. Ha ma dame les grans & incroiables benefices que vous me faites, vostre bonté & beniuolence & la gracieuse faueur dont me traités me font cleremét connoistre que vous estés plus curieuses de mon falut & prosperité que ie ne suis, cartant plusie marche en auant & plus gracieusement me traités. M'amie (dit Grace diuine) rendés graces a vostre espous

espous lesuchrist de tous ses benefices procedans de son infinie bonté & vous deliberés faire ce que Satisfaction & ses enfans vous diront, & alles ou serés par eus conduite. Satisfactió print l'Ame par la main & la mena en son hermitage ou cellule qui fut de difficile entrée, mais incontinent apres trouuerent vne verte praerie couuerte de fleurs de diuerses sortes semées sur le vert & odoriferas come basme. Autour de ceste praerie fluctuoit vn ruisseau d'eaue clere & viue procedate d'une fontaine estante au millieu de ceste praerie sortante en vn timbre de marbre blanc fort large et spacieuse rendant son eaue par cinq tuiaus d'or. On dit a l'Ame que c'estoit la fontaine de Penitence, & que la difficile entrée tant espineuse estoit souvenance & douleur des faultes passées. La verdure, la consola tion spirituelle de la personne penitente apres sa reductio et propos de plus n'offenser Dieu. L'eaue clere estoit le merite de la passion nostre seigneur Iesuchrist. Et les sleurs odoriferans & diuerses, estoient les saintes & bonnes pensées que la personne penitente auoit. En ce timbre & ruisseau tournoiant autour de la praerie, vei nombre infini d'hommes & femmes eus lauans & mundifians, & aus extremités du ruisseau auoit grande quantité d'arbres secs escotés, esquels estoient pendus & accrochés plusieurs vestemés des personnes qui s'estoient lauées en ce ruisseau, lesquelles auoiet laisse leurs robes d'iniquité & prins celles de purité.

Fort tardoit a l'Ame qu'elle n'estoit dedans le timbre ou ruisseu, pour estre lauée, & vouloit soubdain laisser ses mondains vestemens de vanité & i aller seule: toutefois Satisfaction l'arresta, lui disant. M'amie soies certaine que vos pechés vous

Digitized by Google

sont remis & pardonnes, moiennant ce que vous estes passée par les mains de mes seurs Contrition & Confession, & qu'aues eu l'absolutio du prestre qui est le ministre de Dieu en terre, le tout par la conduite de Grace diuine. Reste a vous lauer en la fontaine de penitéce pour vous mudifier par moi, par oraison, icusne & aumone, & que rendês & restitués ce qu'aués de l'autrui a qui il appartiét si en aués connoissance, & que le puisses faire, & cela est satisfactió que deues faire quant a vostre prochain & a Dieu, vous mettés en vostre deuoir de satisfaire par ieusne, oraison, & aumone a cequ'obuies a la peine de purgatoire, qui est merueilleuse & presque intolserable : no que puissés de vous seule faire condigne satisfaction de la peine de vos pechés en ce monde, mais le merite de la mort & passion douloureuse de nostre seigneur Iesuchrist vostre espous supploira le demourat en vous mettant en vostre deuoir.

Par aumone vous donnerés pour l'honneur de Iesus vostre espous & a la remission de vos pechês des biens temporels que lui mesmes vous a donês, aus pauures & indigétes personnes. Qui sera pour la peine des offenses que le monde vous a fait faire par auarice, furt, larrecin, pillerie, deceptio, fraude, vsure, simonie, inquietude de pensée & immisericorde. Par oraison satisferés des offenses par vous commises a la persuasion du diable, par orgueil, ambition, curiosité, presumption, arrogance, iugement temeraire, adulation, ingratitude, irrifion, inobedience, ypocrisse, simulation, par ire, enuie & leurs circonstances. Et par ieusne, abstinence & maceration satisferés de la peine a vous deue pour auoir commis a la persuasion de la Chair, Luxure, AdulAdultere, Defloration, Stupration & autres leurs especes, & aussi gloutonnie, paresse & leurs circonstances.

Mes dames (dit l'Ame) ie le veul & me plait le faire ainsi. Et pour le commencement tenés Satisfaction voila mon or, argent & richesses, ie tiens tort a tels & tels: restitués & rendés ce que ie leur doie. Ce que feit dépuis Satisfaction par le mistere du prestre & autrement. Et incontinent apres l'Ame fut mise toute nue & entra au timbre de la fontaine de penitence, ou elle fut lauce depuis les pieds iusques au chef par Contrition, Confesfion & Satisfactio, sans qu'aucune macule demourasse en elle. L'eaue de laquelle fut lauée estoit chaulde, nette, amere & viue: C'est a dire chaulde par conversation a Dieu, en Foi, en Esperance & en Charité. Nette par bon propos de ne pecher plus. Amere par desplaisance de son pechê. Et viue par frequente cogitation de ses offenses. Aussi furent laués auec l'Ame de ceste caue Memoire, Entendement & Volunté. l'uis fut l'Ame reuestue de nouueaus vestemens de blanc que lui bailla Innocence par le commandement de Grace diuine,a laquelle l'Ame feit vne question disant ainsi. Ma dame vous m'aues asseuré que pour auoir l'amour Come se de Dieu convient par necessité avoir propos de ne doit enpecher plus, dites moi s'il vous plait si c'est ferme- tendre le mét croire qu'on ne pechera plus. Non (dit Grace propos diuine) mais suffit d'auoir volunté & deliberation de ne moiennant l'aide & la grace de Dieu de non plus plus reretourner a pechê, ou n'auoir vouloir de retourner a pechê: Car dire ie m'en garderai fans l'aide
de Dieu, seroit presumer de soi: comme feit saint
Pier lors qu'il die a nostre science. Les laist. Pier, lors qu'il dit a nostre seigneur Iesuchrist. Et si me Aa ij

Et si me convenoit mourir avec toi ie ne te renoncerai iamais: & neantmoins il le renonca la nuite prochaine a l'interrogation d'une simple femme chambriere. Ie te di m'amie qu'on peut pecher sans Dieu: mais non se garder de peché sans lui & son aide, et convient touiours s'humilier deuant lui, disant la sixieme petition de l'oraison dominicalle. Et ne nos inducas in tétationem. C'est a dire. Mon Dieu ie te prie que ie ne soie seduite en tentation mauuaise. Toutefois ie t'aduerti que par le propos de ne retourner a peché on doit detester & auoir en horreur peché, a tout le moins en son esprit, protestant & deliberant par la grace de Dieu n'i retourner plus, et tout ceci i'ented des pechés mortels. Car quant aus pechés veniels suffit d'auoir deliberation de s'en abstenir au mieus qu'on pourra. Car vn pur humain s'il n'est cosumme en grace, ne pourroit se garder de tous pechés veniels. Et a ce propos est escrit. Que le juste tumbe en peché sept fois le iour. C'est a dire en peché veniel, car le pechê veniel ne fait perdre la iustice de l'home iuste, ne la grace de Dieu. Aussi vn peché veniel est incontinent commis en excedat vn peu en boire ou manger, dormir, parler & autres oëuures & co-gitations legeres aufquelles on ne peut obuier totallement.

De la difference d'entre peché mortel & veniel, & que c'est desdits pechès.

Hac do. Ioannes Gers.in trast. de differes E suis ioieuse de ce propos (dit l'Ame a Grace diuine) car long tems a que ie desir scauoir la difference d'entre peché mortel & peché veniel, & que c'est desdits pechés. Vous le scaurés

par

par Theologie (dit Grace diuine) par le comman- tia pecdement de laquelle Theologie qui estoit en leur catorum compagnie commenca a parler & dire. Entre les veniamandemens de Dieu en i a aucuns que les creatu- lium & res humaines sont tenues faire, garder & observer mortasur peine de perdre la grace de Dieu & d'encourir lium damnation eternelle. Et ce sont ceus qui concer-nent deue subiection a Dieu & societé enuers les hommes: c'est ascauoir aimer Dieu en tout lieu & en tout tems sur toutes choses, & son prochain comme soi-mesme. Il i a d'autres commandemens ou constitutions & ordonnáces qui n'obligent les humaines creatures fors a peine temporelle, par ce que les transgresser ne dissipe la subjection qu'on doit a dieu,ne la societé et amour qu'on doit auoir auec les hommes & femmes. Ceus qui pechét contre les premiers commandemens qui sont les dix commandemens de la loi que Dieu bailla a Moise on deus tables dont parleros ciapres, & que nostre seigneur Iesuchrist a comprins par son euangile en ces deus commandemens d'aimer Dieu et son prochain, comme dit est, pechent mortellement quant on transgresse ses comandemens de certaine sciéce & expres consentemet: Mais si ce n'est par certaine science & expres cosentemet, ains par ignorace excusable ou du premier mouuemet sans plein consentement, en ce cas n'i a mádemét si estroit qu'on ne transgresse aucune sois sans pecher mortellemet a la raison de ce que le plein consentement est la chose qui principalement fait le peché. Et ceus qui pechent contre les seconds commandemens (qui sont constitutions ou ordonnáces esquelles transgressant on ne contreuient a l'amour de Dieu & son prochain) pechent veniellement seulement, Aa iii comme

comme vous voies d'un roi qui commade aucune chose a la peine de la mort & autres choses a la peine d'or et d'argét ou de quelque autre peine téporelle. Et en ce appert que les sept peches capitaus qui sont Orgueil, Auarice, Ire, Enuie, Luxure, Gloutonnie & Paresse, ne sont touiours mortels, mais aucunesois veniels.

# Quant vaine gloire est peché mortel.

Aine gloire de soi n'est que pechê xeniel, car si vne operation est vaine, n'est pourtant mortelle, mais vaine gloire est peché mortel pour vne de ces deus causes, c'est ascauoir pour la fin qu'on demade vaine gloire, ou pour la matiere & oëuure. Quant a la premiere on peut demander vaine gloire pour quatre causes. La premiere pour cuiter faulse infamie, come si on disoit a vn home qu'il est larron & ne l'est pas, il pourroit asseurer le cotraire & vouloir qu'on sache qu'il est autre, cobien que la chose ne se puisse faire sans la louége,& en ce cas n'i a pechê mortel ne veniel, pourueu que l'intentio ne soit corrompue ne messee, ains on est tenu demander & vouloir estre loue audit cas ou autre semblable, & est Prudence & Iustice. Secondement on peut demander louenge pour quelque spirituel proffit a la gloire de Dieu & a l'edificatio de son prochain, comme feit S. Paul, qui lui mesme se loua & collauda. Et qui scet bié faire telle chose en lieu & tems conuenables sans qu'autre intétion mauuaile i soit messée, c'est grant merite & no pechê, toutefois est difficile que les homes qui ne sont parfaits & fondés en humilité le sachent ainsi faire mesment en lieu publique. On les fait plus facilement

lement en lieu secret entre ceus qui s'entr'aimét deuotemét & puremét & se dient l'un a l'autre leurs biensaits: car en ce faisant ils s'incitent touiours a mieus faire & prennent plaisir es biensaits l'un de l'autre a l'hôneur & gloire de Dieu, & aucunesois aussi pour auoir conseil ou donner consolation. Tiercement on demande telle gloire pour auarice mortelle, ou pour auoir plus grade liberte & puissance de mal saire en matiere de pechê mortel, & en ce cas & autres semblables c'est touiours pechê mortel. Quartement on demade aucunesois vaine gloire et louenge pour vne sin en laquelle i a seulement peché veniel, comme quant on prent aucune legere plaisance en la louenge de quelqu'un, et lors c'est peché veniel, si autre mal n'i est entremesse.

La seconde cause pour laquelle vaine gloire pourroit estre peche mortel, c'est quant on la demáde pour quelque operatió ou matiere. Surquoi convient confiderer trois choses. La premiere quat l'operation est mauuaise de soi, & qu'en la faisant i a peché mortel, & lors i a touiours peché mortel voire tresgrief, comme demander & vouloir auoir gloire d'auoir comis homicide, exces, pillerie, adultere & autres cas contre les commandemens de Dieu. Secondement quant l'operation est bonne de soi comme faire aumone, ieusner & prier Dieu ou les saints. Et en ce cas convient entendre come on i demande vaine gloire ou pour la fin principale, & lors c'est peché mortel, car par droite raifon vn bon oëuure ne doit estre ordonné a chose mauuaise come en fin pricipale, ainsi q les docteurs de diuine science dient estre peché mortel si aucun presche & fait predicatios pour auoir sa vie seule-ment ou principalemet, & toutefois l'un & l'autre Aa iiij

#### Lesecond Eure

de soi sont bons, mais l'ordre est mauuais & perpers: mais si vaine gloire surprent vne personne en faisant quelque bon oeuure, non que ce soit la sin ou cause principalle pour laquelle on fait tel oeuure, ce n'est lors peché mortel: Neaptmoins le bo coseil est de chasser & repeller telle vaine gloire tant qu'on pourra pour redre telle operation plus nette, & pour euiter le peril de mettre sa principale

intention en telle louenge.

Tiercement vne operation peut estre indisses rente, scauoir est que de soi n'est bonne ne maus uaile, comme auoir robe neuue, richesse ou beautê & auoir vne gloire en telles choses de soi n'est pechê mortel. Le di notamment de soi : car i peuuent suruenir d'autres dangers qu'on doit euiter. Côme si vue femme scet que par ses beaus vestemés done aus autres occasion de pecher, ou pour son beau parler, ou pour trop manifester sa beaute, ou pour bien danser elle se doit abstenir de telles choses. Et a ceste raison aucuesois l'eglise dessend telles operatios, comme tournois & danses en certains tems & lieu. Ie ne di pas qu'on doiue euiter toute occasió par laquelle vn autre peut pecher veniellemét, car cela ne se peut faire, mais on ne doit faire aucune operation a celle fin que par folle plaisance, fol desir & autrement vn autre offense Dieu. Et si on scet certainement que par telle operation on donne occasion a yn autro de pecher on s'en doit abstenir, toutefois yne femme n'est tenue se difformer ou deffigurer, ou se vestir d'un sac & cesser d'aller a l'eglise, combien qu'elle sache qu'aucuns fols la desirent & convoitent follement, neantmoins tels desirs & concupiscences lui doiuent desplaire. Et par les choses que i'ai dites de vaine gloire

gloire on peut scauoir quant ypocrisse ou iactance iont pechès mortels ou non.

Quant Orgueil est peché mortel ou veniel.

N peut auoir orgueil enuers Dieu Io Geroquant on cuide auoir la grace qu'on in pradon'a pas, comme sapiéce, force, beauté, trasta.

prudence, ou quant on cuide l'auoir de soimesme ou l'auoir bien meritée enuers Dieu comme s'il estoit tenu la donner, & s'il le faisoit autrement, ne seroit iuste. Ou quant aucun veut auoir de Dieu quelque grace seul ou la cuide auoir seul & pour cela en orgueil & fierté, comme faisoit le Pharisien qui rendoit graces a Dieu des biens & graces qu'il lui auoit donnés, qui estoit bien fait, mais il faisoit mal en s'esiouissant que le Publicain ne autres n'auoient tels biens ne graces, qui estoit vn signe de cuider que tels biens & graces venoient de lui & no de Dieu seulemet. Es trois derniers cas orgueil est touiours pechè mortels'il i a deliberation & plein consentement, tout ainsi que i'entend touiours quant ie parle de peché mortel & deuant & apres. Ou premier cas c'est presumption qui peut estre peché veniel seulement. Ie di seulement quant elle aduient parig-norance, ou quant ce cuider & presumptione sont certains ne affermés.

Exemple: Aucun peut penser qu'il s'est côsesé, et qu'il a eu bonne penitence par ce qu'il en a quelques assès bonnes apparéces, combien qu'il ne soit par aduenture ainsi, toutesois c'est le plus seur ne s'asseurer si simplement de telles choses, mais doit on auoir touiours vne raisonnable crainte des diuins iugemés & de la fragilité humaine. Et en cela pecha

#### Le secondhure

pecha saint Pier qui maintenoit s'abandonnera la mort pour Ieluchrift. Außi i pechent plusieurs qui cuident faire merueilles cotre les tentatios. Et fait bon considerer en ce pechè & autres semblables qu'aucunefois on iuge droitement & dit on qu'on à tout de dieu, & que sans lui tout ne vauldroit rié: & toutefois on fait tout au contraire par ce que la volunté n'est conforme au jugement de la raison, & peut on dire a telles gens qu'ils se condamnent de leur propre bouche, car si on dit qu'on a tout de Dieu, pourquoi le glorifie on & delprise on autrui, comme si on auoit tout de soimesme : Nous voions visiblement ce pechê aduenir au pechê de luxure, car la personne scet & iuge bien que c'est peché mortel, & toutefois elle le fait. Surquoi conuient noter que quát la raison & la volunte seront accordantes en bien tout prosperera.

Quant iuger d'autrui est peché, & quel peché c'est.

Io. Ger. pradi. trasta.

Autrui iuger procede d'orgueil. Tel iugemét peut estre fait des operatios d'autrui ou de sa personne en deus manieres. La premiere par certitude. La seconde par presumption legere

feulement & soupeçon, iuger fermement vne personne estre mauuaise enuers Dieu & deuoir estre
damnée est peché mortel contre la bonté du saint
Esprit, car le saint Esprit peut en vn moment
conuertir vne personne de mal a bien, comme il sit
saint Paul, Marie Magdaleine, le bon larron, saint
Matthieu & autres plusieurs. Et peut la personne
pecher & faire penitence en moins d'un quart
d'heure, & est vne chose folle et iniuste de iuger de
ce qu'on ne scet, & qu'on doit iuger plus tot a bien
qu'a

Digitized by Google

qu'a mal. luger des operatios d'une persone, si elles sont telles de soi qu'en quelque sorte qu'on les face ne par quelque intétion, ne scauroient estre bones on les peut iugermauuaises, & que celui qui les a faites a mal fait: Mais si les operations sont differétes ou telles qu'on le peut bien faire ou mal faire, c'est peché mortel de juger certainement qu'elles font mauuaises s'il n'en est apparent autrement, car on doit plus tot iuger vne chose estre faite par bo. ne intention que par maunaise quat elle peut estre bien faite. Toutefois en ces cas & autres on peut auoir quelque soupeçon & iugemet leger sans peché mortel combien qu'il soit bon les euiter. Et se doit on garder en tel cas de parler mal d'autrui & de le diffamer par telles legeres presumptions, & specialement en affermant plus qu'on ne doit, ou contre le bien d'autrui comme pour faire mourir vne personne, le piller, perdre ses biens ou son bon renom, ou on doit auoir touiours certain iugemet non presumptif, toutefois n'i a tel dager & peril en petit dommage. Selon les choses que i'ai ci dites & ou chapitre precedant on peut scauoir quant c'est peché mortel ou non d'auoir indignation contre fon prochain,& aussi par les choses que ie dirai de ire & enuie: & vous aduerti qu'il est trop plus dangereus de iuger des superieurs que d'autres.

#### Quant le contemnement des superieurs est peché & qnel peché.

Ontemner et mespriser ses superieurs Io Geraleur obeir est special pechê d'or in prædagueil & touiours peché mortel quát tratta. de certaine sciece on trasgesse les mádemes des superieurs pricipalemes &

#### Le secondhure

feulement par ce qu'ils l'ont commandé : car en ce ia propre contemnement ou quant on n'en tient compte non plus que s'ils ne les auoiet comandes au moié dequoi on ne leur obeit. Car nostre seig-Mat.23. neur lesuchrist l'a commandé en l'euangile, saint Rom. 13 Paul & saint Pierre en leurs epistres. Mais quant 3. Pe. 20 on les trásgresse par quelque fragilité ou pour au tre cause, on ne doit nommer tel peché contemne. ment. Ce que doiuent principallemet regarder religieus & religieuses, & generallement en tous les commandemens faits par les homes. Souvent c'est peché mortel de transgresser leurs ordonnances & dire autrement seroit vne chose trop dure. Toutefoissi le contemnement i estoit tel que i'ai dit n'i auroit excuse que ce ne fusse peché mortel. Et en ce passage deues scauoir qu'on n'est tenu obeir a ses superieurs fors es cas esquels sont superieurs, esquels par l'ordonnace de Dieu ou de nostre voluntê nous fommes foubmis. Car si vn euesque comandoit a son diocesain entrer en religion, il ne seroit tenu de le faire s'il ne vouloit, sinon qu'il eusse fait quelque peché publique pour lequel il eusse merité telle peine. l'en di autat des abbés, des seigneurs temporels, du pere & de la mere.

Quant Enuie est peché, quel peché c'est, & aussi detraction.

prædi. tratta.

Io. Ger. Nuie de soi est peché mortel, car elle est contraire a Charité, par ce qu'elle a douleur du bien d'autrui, & ioie de fon mal. Toutefois esta considerer qu'enuie s'eslieue aucuefois du mouuement naturel, comme en ceus qui de leur nature corrompue font enuieus, ainsi que nous voions

cntre

entre les chiens, & semblablement des autres vices. Et en tel mouuement Enuie n'est que pechê veniel si c'est peché. Car il n'est en la puissance de telles personnes, & autant i'en di de tous les mouuemens qu'on a de nature, ce qu'on doit entendre quant le consentement ne s'i trouve. Secodement Enuie viét & procede par vne deliberation. Toutesfois non parfaite, pleine ne acomplie, & telle est appellée premier mouvement, qui n'est que pechê veniel quant on la chasse auat qu'auoir plein consentement & qu'elle commence a desplaire, cobien qu'on ne l'ait chassée si tot qu'on eusse bien peu faire. Et ainsi est en tout peché generallemét. Tiercemét on peut auoir douleur du bien d'autruisans Enuie. C'est ascauoir quat telle douleur vient par ce qu'on voit que tel bié seroit cause du dommage d'une autre bonne personne ou du peuple qui ne l'a demerité. Comme si vn mauuais homme auoit quelque grosse puissance par laquelle il pourra faire plusieurs maus: On peut oudit cas auoir tristesse que telle puissance lui est baillée. Quartement telle douleur du bien d'autrui quant elle vient de volunté deliberée & certaine science sans bone cause, c'est touiours peché mortel. Par laquelle chose poués connoistre quant detraction est peche mortel ou non. l'entend detraction, dire mal d'autrni par haine ou Enuie: car mal dire d'autrui pour bone fin & pour garder & empescher qu'il ne face mal ou pour le corriger, ou a cause de son office faire ou donner tesmoignage de verité, ce n'est peche si on n'i adiouste quelque mauuaise volunte. Et si on le fait seulemet pour vne legereté ou faci-lité de parler, comme aduient souvent. Et ce mal qu'on dit ne retourne au grant dommage d'autrui oude

ou de sa renommee, c'est peché veniel. Toute sois le dommage pourroit estre tel que la facilité ou legereté de parler n'excuseroit de peché mortel: car on se doit garder de si legerement & facillement parler au dommage ou deshonneur d'autrui. Et par mesme moien pouons connoistre quat c'est pechê mortel ou non de se moquer et mal parler d'autrui selon le mal qui en procede & l'intention du proferant, & aussi selon le courrous que celui duquel on se moque ou parle mal, en prent, ou peut raisonnablement prendre, ou par verisimilitude.

# Quant Ire est pechê, & quel peché.

Io.Ger. in præd. tratta.

Re de soi est pechê mortel. Car Ire est vn desir de vengeance et mal vouloir a autrui qui est cotraire a Charité. On peut auoir Ire & courrous pour quelque bonne cause & a bonne sin, quant on se courrouce contre le vice & no contre la personne, & ainsi les pecheurs se doiuent marrir contre leurs propres vices & cotre ceus des autres chacun selon soi & selo son estat, comme les iuges qui doiuét punir les mauuais de leurs malesices. Et chacu en tems & lieu doit estre cotraire & aduersaire des pechés lesquels il voit faire ou par prieres, ou par exhortations, ou par semblables manieres.

Aucunefois Ire ne vient fors par complexió naturelle comme les vieilles personnes & melancoliques qui de leur nature sont ireus & aisès a courroucer, & en ce cas ce n'est que peché veniel si c'est peché. Par autres sois Ire vient par vn soubdain mouvement & imparfaite deliberation, & lors ce n'est que pechè veniel, mais si elle viet par vn consentement parsait c'est pechè mortel. Neantmoins

aucunefois

aucunefois Ire n'est dite vn desir de vengeace, mais est quelque impaciéce du fait d'autrui sans ce qu'on lui desire son dommage, qui n'est proprement Ire ne peché mortel, si impacience n'est telle que totallement elle empesche la raison & l'operation d'autres biens. D'auatage est a cossiderer qu'on peut desirer que le malfait d'autrui soit puni par iustice & par les iuges ordonnés a ce que chacun puisse en liberté iouir de ce qui lui appartiét, qui n'est pechê, pourueu qu'on n'i adiouste quelque mauuaise volunté, c'est a dire qu'on ne desire plus le dommage d'autrui que recouurer sa chose. Et selo ce que i'ai dit on peut iuger si c'est peché mortel ou non de villipender et menacer autrui par ire, c'est ascauoir si par tels faits on prent végeáce, ou si on nuit a son prochain. Aussi come mauldire autrui par deliberation en priát Dieu ou souhaittant qui lui vienne quelque grand mal. Et comme aussi blasphemer & despriser Dieu et les saints et saintes par ire, est blasphême & peché mortel & villain. Si la persone scet ou doit scauoir, pense ou doit penser ce qu'elle dit & fait.

# Comme Paresse est peché mortel, et quel peché.

Aresse de soi n'est peché mortel, car ce n'est qu'ennui de bien spirituel, & vne diminutió de ferueur de charitê. Si tel ennui est d'un bien spirituel laborieus lors il est naturel, car nature

fuit labeur, & lors n'est peché que veniel si c'est peché, car ce mouuement n'est en la puissance de la personne. Et si on cosente à ce mouuemet encores n'est-ce fors peché veniel. Mais si ledit ennui est tel que par icelui on laisse a faire ce a quoi on est tenu

par

par commandement, c'est chose clere qu'il ia poché mortel. Ou si l'enui est tel qu'il desplaise ala personne de viure, & par ce moien on tumbe en desespoir come font ceus qui se tuent, l'ors c'est pechémortel. Et par ceci on peut connoistre quant paresse de dire les heures & ouir la messe est peché mortel ou no, car si aucun est tenu de dire ou faire aucune chose par commandement & par vœu, & par paresse il le laisse, il peche mortellement. Toutesfois si on laisse vne petite partie ou si on fait aucuns legers deffaus par ce qu'on n'entent bien a ce qu'on dit & fait, pourtant ne faut dire que ce soit touiours peché mortel. Et cobien qu'il soit bon d'i estre ententif, toutefois si de propos deliberê on ne s'empesche d'entendre en faisant aucune chose qui totallemet osteroit toute l'intention, ou par cogitation, ou en faisant quelque autre operatió, pourtát n'est requis de recomécer, & n'est peché mortel cobien qu'on pese ailleurs, mais si par certaine deliberatió en disant ses heures aucun s'appercoit estre empesché totallemet d'entedre par autres pensées, et il veut bien demeurer en cest empeschemet il est. tenu de recommencer ses heures. Car aucun n'est quitte d'un tel paiement par ce qu'on laisse delibéréement le bon propos qu'on avoit de seruir Dien; Et est ascauoir que chacune personne chrestienne d'aage raisonnable doit ouir la messeles iours de dimenches & festes commadées (sinon qu'il aix excuse raisonnable)selon l'ordonnance & coustume du pais ou il est, & que les prelats le veulent & ordonnent, le seuffrent & promettent.

Quant Auarice est peché, & quel peché c'est, & comme on doit faire aumone.

Auarice

Varice est vn desordonne appetit Io. Ger. d'auoir quelque chose. Ce qu'on fait prædi. aucunefois en retenant, aucunefois tratta.
en desirant, et autrefois en aquerant.
On desire vne chose en cinq manieres.Premierement en desirant le bien d'autrui, & tellemet qu'on lui osteroit si on pouoit, et lors c'est peché mortel, car c'est furt et larrecin de cogitatio. Secondement on desir aucune chose illicitement par certaine science & deliberatio complette. Scauoir est quant vne persone indigne desire vne dignite, office & autorite, & qu'il scet & connoit qu'il n'est capable, & lors c'est peché mortel. Tiercemét on peut desirer le bié d'autrui ou vne chose illicité par volunte non absolute. Mais soubs condition expresse ou entédue. En disant le vouldroie auoir telle chose si ie pouoie, & si Dieu n'i estoit offensé ou sans le domage d'autrui, ou si i'en estoie digne, & lors ce n'est pechè mortel, & au plus ce n'est que pechê veniel: voire & si n'est requis que touiours on cogite & pense la conditió. Il suffit qu'elle i soit entendue. Aussi est a entédre que par tels souhaits ou desirs on ne laisse a faire les bies ailleurs ou lon est tenu, affin que mauuaises affections ne s'engendrét ou cueur qu'on ne peut par apres oster come il aduient ou peché de paresse, & plus ou peché de luxure: car en tel cas on pourroit pecher mortellement. Quartement on desire aucune fois les choses non necessaires & superflues, par vn desir trop ardant: & tel que la pensée est empeschée totallemet de pensera son propre salut, & i a cupidité & sollicitude tresmauuaise prohibée par l'euangile, & par ce est peché mortel. Quintemet on desire aucunefois par vne amour trefgrande toutefolg non telle

qu'aucu voulusse offenser ou laisser a penser de son propre falut,& en ce cas c'est pechê veniel.Et peut l'amour estre tellemet temperée qu'il n'i auroit peché, mais merite selo la bone fin a laquelle on tend.

De ana.

On trouue auarice en aquerat en plusieurs manieres. Car aucunefois on aquiert par iniustices, aquerat. fraudes & voies illicites, & lors c'est peché mortel, aussi quant on aquiert par vne art qui de soi est peché comme en pariurant & transgressant le commandemét de Dieu. Comme aucunes femmes folles, aucuns vsuriers, fauls marchans qui iurent & mentent leurs marchádises estre autres qu'elles ne sont, comme on fait aussi en ieus prohibés, & quát on laisse la messe le dimenche pour marchader sans necessité. Aucune fois on aquiert par moiés qui ne sont que veniels, comme par parolles oiseuses & ioieules prouocantes les leigneurs a rire, & peut souvent en tels cas avoir peché veniel seulement. Et si aucuns le faisoient (comme les sleuteurs, basteleurs ou autres qui exercent tels mestiers) pour gaigner leur vie par ce qu'ils ne scauent autre art ne science, ie n'oseroie dire qu'ils fussent hors l'estat de salut, car les princes & seigneurs qui pour leurs grans fais & charges ont plusieurs melencolies aucunefois se r'essouissent et prennent quelque recreatio en telles choses, & semblablemet le commun populaire. On peut ci parler des marchandifes quant on peche ou non, & comme on commet vsure, dot ie parlerai au prochain chapitre. Tiercement on peut commettre auarice en retenant. Car De ana- si on retient sciemment le bien d'autrui contre la volunté de celui a qui tel bien est, tellement que s'il retenat, le scauoit la chose ne lui plairoit & qu'on n'aie vo-

Gome lunte de la restituer en lieu & tems, c'est peché

mortel:

mortel: mais si la chose est telle, qu'on aie telle co- on doit sidence de la personne a qui elle est, qu'elle n'a des- restituer plaisir dont on lui retient telle chose & qu'on s'en aide, ou que lors on n'a la commodité de restituer sans grande aggrauation, & que celui a qui est ladite chose n'en est grandemet damnisse ne endommagé,& qu'on a la volunté de restituer en tems & lieu, & en ces cas n'i a pechê mortel de retenir telle chose. Secondemet on peut retenir & garder vne sienne chose qui est necessaire pour soi & pour les sies selo qu'il est requis a son estat & dignite & autres choses qui sont iustement exercées & lors ce n'est peché. On retiét aucune sois les choses super. Come on flues qui ne proussitent de rien a la necessite & a est tens l'estat de la personne, & en cela i a souventpechê faire au mortel. Et specialement quat on le fait par ardant mone de desir d'auoir ou aquerir sans sacieté, q est vn signe ses bies. qu'on garde plus ion bien pour le laisser perdre & gaster que pour en bien vser, toutefois l'amour de retenir telles choses peut estre si petite que ce ne sera que peché veniel. Et specialement si lors ne suruient quelque pauure personne qui soit en peril de mort si on ne le secourt, car lors on est tenu aider a son prochain tant des biens temporels superflus que des necessaires pour l'estat de la personne, non pas de ceus qui sont simplement neces. saires a sa vie en semblable cas d'extreme necessité, car on est plus tenu d'aimer sa vie que celle d'autrui. Et en ce est donnée vne reigle generalle quát on doit doner l'aumone sur peine de pechê mortel qui est quant on voit vn autre en peril de mort, & qu'on voit qu'il ne puisse estre secouru par vn autre, car lors on est tenu lui aider sur peine de pechê mortel, si on le peut faire sans tuber en semblable Bb ii

peril & necessité qu'on voit celle pauure personne qu'on nomme extreme necessité. Et quat on a des biens superflus a son estat & on ne subuient a celui qui est en fort grade necessité no extreme i a dager de peché mortel. Et de la vertu d'aumone & de ses proprietés dame Liberalité vous en a dessus amplement parlê, & aussi des oéuures de misericorde.

Des pechés qu'on fait en marchandise, & comme on commet vsure.

Io Ger. in præd. trasta. N marchádise on se doit garder specialement d'aucunes mauuaises conditions c'est ascauoir que le marchát ne iure faire aucune chose s'il ne le veut ainsi accoplir & qu'il ne le face.

veut ainsi accoplir & qu'il ne le face, autrement seroit pariure et pecheroit mortellemét s'il le faisoit deliberéement. Secondement le marchant doit euiter mensonge specialement au dommage d'autrui en louant sa marchandise beaucoup plus qu'on ne la iugeroit estre louée. Tiercemet li en la marchandise & chose qu'on veut vendre i a des desfaus qu'on ne peut scauoir ou apperceuoir en la regardant, la touchant ou sentant, le vendeur ne le doit celer, ne vendre chose tout ainsi que si lesdits deffaus n'i estoiét, autremet seroit deceuoir autrui grandemét & faire a son prochain ce qu'on ne vouldroit qu'il lui feisse. Quartemet que le marchant pour sa marchandise ne perde le seruice diuin auquel il est tenu par commandement de Dieu ou de l'eglise, & specialemet selon la coustume du pais ouquel il est & que les prelats scauent & soustiennent. Quintement que le marchant soit fidele & loial, & que bonne foi soit gardée en ses marchádises selon qu'elles ont couste & qu'elles peuét

estre vendües en i prenat gaing suffisant a la raison du labeur qu'on i a prins et selon le tems qui court, & que pour la simplicite ou bonne foi de l'achepteur on ne lui vende la marchandise plus chere. Sextement qu'on ne vende plus cher a credit ou prest qu'a argent comptat, sinon qu'on eusse dommage pour non auoir argent comptant. Et en ce cas & autres semblables l'homme doit examiner sa conscience, car si sa conscience lui iuge qu'il aimeroit mieuls argent coptant & moins que d'attédre l'argent & en auoir plus largement pour le dommage qu'il i aura. Maistre Iean Gerson docteur en Theologie tresapprouué, tient qu'il peut raisonna-blement vendre plus cher selon le dommage qu'il conoit qu'il aura: pour laquelle chose on peut scauoir en plusieurs cas quant on commet vsure en-uers Dieu ou no, car l'intention fait le peche quat a Dieu quelque chose que les hommes en iugent. Par ceste raison si aucun vend plus cher a credit, & pour ceste cause ne vouldroit estre paié comptant, c'est vsure. Et pour euiter tous les dangers dessus touches, il conseille & moi auec lui aus marchans ne surfaire leurs marchandises & les vendre avn mot: & si on gardoit celle coustume on vendroit plus tot & mieuls, et feroit on le plaisir de Dieu.

Quant Gloutonnie est peché & quel peché c'est: & ceus qui sont excusés de ieusner.

Loutonnie ou gourmandie est vn Io. Gerdesir ou appetit desordone en man- in prade ger, & est de soi peche veniel, laquel tratta.

Premieremet quant l'appetit est seu-

lement naturel & vient de nature, c'esta dire que
Bb iij naturel-

naturellement on desire mager et boire lors qu'on a fain & soif,& a cela n'i a pechê n'i en delectation qu'on a naturellement en mangeant & en beuuat, car ceste delectation n'est en la puissance des hommes & femmes. Secondement quant a ce desir ou appetit naturel se ioint & mesle vn desir volutaire & plaisir en delectation & lors c'est peche veniel. Tiercement quant on trásgresse aucun des comandemés de Dieu ou de l'eglise, come des ieusnes comandées, par gourmandie sans cause raisonnable, toutefois quant la personne se greueroit grande-met en ieusnat, scauoir est au moien de sa vieillesse, maladie, ou trop grade ieunesse ou pour labeur qui lui est vtile & necessaire ou par ce qu'il n'a dequoi se nourir vne fois le iour, ou par ce que c'est vne femme enceinte ou nourrice qui alaite & nourrit yn enfant. Et en ces cas et autres semblables la personne n'est tenue de ieusner, voire pecheroit aucunefois si elle ieusnoit, car aucunefois elle greueroit trop sa nature & coplexion. Quartement quat on a tel plaisir en mangeant qu'on le met deuant l'amour de Dieu, c'est a dire qu'on transgrésseroit plus tot le commandement de Dieu que s'abstenir de mager, & lors c'est peché mortel, come si aucun pour mager & viure en gourmadie prenoit le bien d'autrui, ou ne vouldroit aller a l'eglise, ou faire ce a quoi il est tenu, ou quat scientemet il laisse a faire aucun des commandemens de Dieu pour sa trop grande repletion ou inebriation. Et de ce s'ensuit quant ebrieté est peché ou non, car si aucun tumbe en ebriete par cas fortuit pour boire oultre raison ou vn vin plus fort qu'il ne cuidoit lors c'est pechê reniel,mais si la personne voit & appercoit & scet veniel, mais si la personne voit et appetent le mal qui viét d'ebrieté, & neátmoins par gulosité s'enivre

enivre scientement il peche mortellemet. Et semblablemet sait celui qui enivre vn autre par malice ou pour deceuoir ou infamer celui qu'il enivre. Et doit on considerer que si la personne est tenue ieusner par vœu, ou general commandement de l'eglise, ou par penitence, & par acccidet lui suruiet l'un des dessussités empeschemens, par lequel soit greuée est bon qu'elle demande conseil de non ieusner a son prelat a tout le moins a son cure ou consessement pour auoir plus grande seureté.

## Quant Luxure est peché, & quel peché c'est.

Vxure de soi est contre le comande- Io. Ger. mét de Dieu, & est faite & comise en eodem plusieurs manieres. Premierement trasta. quant il n'i a que le premier mouue.

ment de la cogitatió, & lors c'est pechê veniel, car le cosentement n'est parfait. Secondemét on peut doner vn cosentemet a la delectatio qu'on prent en l'acte de luxure auquel on pense, le-quel acte est peché mortel, & lors on peche mortellement, & ainsi est des autres peches, en maniere qu'une personne se pourroit tant delecter a se venger d'autrui en pensant come son ennemi pourroit auoir quelque ennui ou infortune qu'il pecheroit mortellement, iacoit ce qu'il ne vouldroit faire tel ennui ne infortune a son ennemi. Semblablement vne personne peut peser en la delectatió que prennent ceus qui commettent luxure, & auoir en cela vn plaisir par deliberatio parfaite, ouquel cas peche mortellement, iacoit ce qu'elle ne voulusse comettre ne faire l'acte. Autre chose seroit si on prenoit feulemet delectatió es choses qui ne sont que pechè Bb iiij

veniel, car le consentement d'un peché veniel n'est que peché veniel. Tiercemét on peut auoir le consentement a comettre l'acte charnel hors mariage, & c'est touiours peché mortel. Quartement la personne n'a seulement vne mauuaile volunté de ce faire ou cueur, mais aussi la nourrit par le dehors en vlant de fols regards, en parlant ou en touchant soi ou autrui, & touiours i a peché mortel de la volunté de laquelle s'ensuit après l'operation & acte. Et par ce poues conoistre combien on comet de peches mortels quant on a mauuaise volunte, specialement en danses, banquets & autres assemblees secrettes & publiques. Autre chose seroit qui n'auroit mauuaile volunté par le dedans, car veoir la beaute d'une femme se peut faire sans pechè ou bien n'i a que pechê de curiosité. Et se doit aussi garder la personne ie di la femme qu'elle ne donne occasió de peché mortel a aucun par regards, contenáces, parolles ou atouchemés, car i auroit pechê mortel, pose ores qu'elle ne vouldroit faire l'acte charnel, car on doit euiter les perils & dangers qui aduiennent par mauuais mouvemés charnels, procedans de tels regards, côtenáces, parolles & atouchemens. Finalemet on peut peser au pechê de luxure pour s'en cofesser ou pour l'euiter, ou semblablemet par coditio, disant. Si ce n'estoit cotre le comandemet de Dieu, telle chose ou telle se feroit, & lors n'i a souuent aucun pechê, et au pire n'i a que pechê veniel, pourueu qu'il n'i ait aucun mauuais consentement contre le commandemet de Dieu, & que telle cogitation ne s'inflamme trop au cors ou cueur de la personne.

De Men-

Digitized by Google

## De Mensonge, & quel peché c'est.

Entir au grant dómage d'autrui est **Io. Ger.**peché mortel: métir par ieu ou a son pradi.

tilité, ou a celle d'autrui, pourueu trassa.

qu'on ne face dommage a personne,

qu on ne race dommage a personne, ce n'est que peché veniel. Et faut entendre que tout mensonge est mal & peché, car on abuse de la parolle qui est ordonnée pour manisester & declarer ce qui est dedás le cueur, c'est a dire la pensée & cogitation, et principalemét au moien de ce que s'il estoit permis de mentir sans peché, toute la fidelité de la societé qui est ou doit estre entre les hômes seroit destruite, car on ne scauroit quat verité seroit dite ou non, toutes ois vne verité pourroit estre celée sans mésonge & sans peché quat aus operatios: car on peut saire aucune chose en autre intention que celle que les voians peuent estimer pour la celer en aucuns cas, comme ceus qui font les eschauguettes & insidies en guerre, & en plusieurs autres choses semblables.

## Quant iurer est peché mortel ou non.

Cientement iuger vne chose faulse en tous cas est peché mortel, soit en choses ioieuses ou non, mais si par inaduertence ou facilité de parler on se pariure peut estre pechè veniel, combien que la mauuaise coustume de iurer n'excuse de peché mortel ceus qui iuret a tous propos, ex qui par telle mauuaise coustume se pariuret. En quoi poués connoistre quel grant mal c'est de s'acoustumer a iurer. Et se doit prendre le iurement iouxte l'intentió de celui auquel on le sait, & selon l'usage commun de parler quant celui qui recoit le iure-

iurement ou a qui on iure est de bonne soi & le cas est licite de iurer, car qui par art & cautelle iure chose sausses, par art & cautelle se pariure. Et quant au iurement des choses sutures, la personne incontinent se pariure quant elle n'a intention d'acomplir ce qu'elle iure faire, ou ne l'acoplit de fait sans cause raisonnable.

# Decorrection fraternelle.

Io. Ger. codem sratt.

Nest tenu sur peine de pechê mortel de corriger par bones parolles ou autrement son prochain quant on scet qu'il a mal fait, & qu'on est certain que par telle correction ou remonstrace ne proussitera, ains que ledit prochain en sera pire, ou qu'il en persecuteroit ou trahiroit celui qui le veut corriger, es dits cas on n'est tenu le corriger, sinó qu'on eusse office public & autorité sur lui, cariacoit ce qu'un malfaiteur se courrouce de correction, on ne doit laisser a le punir, sinon que par aduenture pour telle punition aduiendroit vn plus grat mal a la chose publique & au bié comun. Et aussi cela s'entend des pechés publiques.

# Quant c'est peché mortel ou non de faire contre sa conscience.

Oute personne qui a consciéce ferme et arrestée que quelque chose qu'il entent faire, soit peché mortel, & neatmoins il la fait cotre sa cosciéce, il peche mortellement, cobien que la chose ne soit mauuaise, mais telles gés de faulse & erronée cosciéce la doiuét oster, & prédre le coseil des plus

des plus lages. Et faut entédre que c'est auoir conscièce ferme, car pour aucus legers et facils doubtes qu'on a,& qu'on ne peut facilement oster, ne faut entédre que ce que i ai dit ait lieu, car il aduiét souuent qu'on a plus forte conscience au contraire.

## Quant ignorance est peché, & comment.

E vouldroie encores bié scauoir si ig- Io. Ger. norance est pechê, et quel pechê, (de-eodem manda l'Ame a Theologie.) Qui restratt. podit, que ignorace peut aduenir ou par negligéce de nó vouloir prendre labeur, a scauoir ce qu'on est tenu de scauoir, ou affin qu'on peche en plus grade liberté & plus ioieusemet, et telles ignoraces n'excusent peché, mais souuent le font plus grât. Il i a vne autre ignorace quát aucun a fait sa diligence selon son estat & son entendement pour scauoir ce qu'il doit scauoir, & toutefois il ne scait ce qui appartiét a son estat, telle ignorance excuse du tout comme l'ignorance du fait. S'aucun pensoit manger du poisson le iour du vendredi, & on lui baillasse de la chair ressemblant poisson, s'il en mágeoit ne pecheroit, sinó qu'il s'en apperceusse, & semblablement en plusieurs autres cas, car ignorance de soi n'est peché, mais negligéce & contemnement de scauoir, fait le pechê.

# Quel mal fait le peché veniel.

Ombié & quel mal fait pechê veniel (dit l'ame a Theologie) et dot procede il l'Iacoit ce q peché veniel ne face perdre la grace de Dieu (dit Theologie) toutefois par tels pechês viennent plusieurs mauls, & a ceste raison on les doibt euiter

## Le second hure

euiter au mieuls qu'on peut, car par ce pechê on aquiert peine, et pert on plusieurs bies qu'on pourroit faire & grans merites qu'on pourroit gaigner, & par peché veniel on tumbe plus facillement en peché mortel. Certes vn bon fils ne doit seulemet le garder d'offenser son pere en le trahissant, mais se doit aussi abstenir de faire chose qui n'est au plaifir de fon pere.Et cóbien qu'en plufieurs cas (cóme i'ai dit )on peut faire aucun mal fans peché mortel, voire sans aucun peché, par ce qu'on le fait a bone intention et bonne fin. Ce neantmoins vn bon seruiteur de dieu est plus perplex en tel cas qu'en ceus qu'il scait certainement estre pechês mortels. Le diable scait qu'un bon seruiteur de Dieu ne vouldroit iamais faire vne chose qu'il scauroit certainement estre mauuaise. Et a ceste cossideration il s'esforce couurir le mal soubs l'umbre & semblace du bien.Le diable exhorte aucunefois demader faulse louenge soubs l'umbre d'euiter infamie, ou de secourir quelqu'un, dont viennent les mauuaises iactances & vaines excusations. Et semblablemet en corrigeant autrui, & autres cas semblables. Par lesquelles choses poués connoistre qu'en ceste vie n'i a seureté, car ce n'est fors que tentation. Parquoi chacun se doit humilier en crainte temperée auec esperance soubs le gouvernement de Dieu nostre pere, & entendre que chacun sera toujours en tentation iusques a l'heure de la mort.

En combien de manieres peché veniel est remis

Hac Raimö, in sum. 5.par. 1.



& pardonné en ce monde.
A Theologie (dit l'Ame) cóbié vous fui-ie tenue & obligêe de tant bone doctrine, me reste scauoir quant aus pechês veniels comme ils sont remis

& par-

& pardonnes,& si ie mouroie sans peche mortel si titu. 10. ie pourroie aller en paradis? Ie respod a vostre pre- cap.1. miere question(dit Theologie)selon la commune oppinion des docteurs de diuine science, que les pechês veniels sont remis, scauoir est par la reception du faint facrement de l'autel, et come aucuns dient par l'extreme vnction. Secondemét par l'aspersion de l'eaue beneiste. Tiercemet par aumones charitables. Quartement par oraisons, & mesmement par l'oraison dominicalle. Quintement par confession generalle, et trop mieuls par confession sacramentalle. Sextement par la benediction de l'euesque, & selon aucuns par la benediction d'un simple prestre en disant messe. Septiemement pour frapper sa coulpe en contrition de cueur. Et generallement par toutes bonnes oëuures induilantes a desplaisance de tels pechês. Quant a l'autre question vous en aurês la responce lors que ie vous parlerai d'enfer & purgatoire.

#### Declaration des dix commandemens de la loi felon maistre Iean Gerson,& autres Theologues.

N m'apprint au commencement de mo adolescece (dit l'Ame) les dix commandemens de la loi en vers, que ie scai, mais ie vouldroie bien en auoir declaration par le menu par vous dame Theologie, par ce qu'il i a aucues choses que ie n'entend asses bien, affin que ie ne peche par ignorace mauuaise. Car vous m'aues dit qu'il couiet appredre & scauoir ce q est de necessité pour le falut. Ie le veul (dit Theologie) selon la doctrine de maistre le a Gerson et autres maistres de theologie.

Le pre-

Le premier commandement de la loi.

qua sequuntur ex Ioan. Ger.in decë pra

ceptis.

Vant que parler du premier comandement de la loi vous noterés Ame raisonnable, que Dieu bailla a Moise les dix commandemens de la loi en deus tables. En la premiere i en auoit trast. de trois regardás la Foi, Honneur, Adoratió, Crainte, Amour, Seruice & Reuerence qu'on doit a Dieu eternel, tát de cueur, de bouche, que d'oëuure. En la secode table estoiét contenus sept comandemés concernans l'amour qu'on doit auoir a son pro-Ant.flo. chain. Et a ceste cossideration nostre seigneur lesu-

christ fils de Dieu eternellemet engedre, respodit a de claua ceus qui curieusemet l'interroguerent lui estat au fio fuma mode corporellemet, qu'on deuoit faire pour estre sauué, qu'ils aimassent Dieu de tout leur cueur, de toute leur force & de toute leur ame, & leur prochain come eus-mesmes & que de ces deus comandemens toute la loi, c'est a dire les comandemés de Dieu dependent, come aussi font ils, car les comandemens de la premiere table cocernent l'amour de Dieu et ceus de la secode l'amour de son prochain. Le premier comademet de la premiere table depéd du cueur, le second de la bouche, & le tierce de l'oéuure.Les cinq premiers comandemens de la seconde table sont quat a l'effect & operation, & les deus derniers quat a la cocupiscece, mauuais desir Par le premier comandement de la & affection. premiere table, dieu a deffendu ne reuerer les dieus estranges & n'auoir autre Dieu que lui seul auteur & createur de toutes choses, tout puissant, tout sapient,& tout bon.En quoi est desfendu ydolatrie, c'est a dire l'adoratió des ydolles, & cómadé qu'on

Le premier cömandement.

> aie parfaite foi & esperace en Dieu plus qu'en toutes au-

tes autres choses par charité, & si on le fait on l'aimera fur toutes choses & plus que soimesme, c'est a dire plus que son cors, plus que les biés & plus que la vie, plus que femme, homme & autres creatures. Cotre ce premier comadement offensent ceus qui variét et doubtent en la foi de dieu et en ce q sainte eglise croit & tiet. Ceus qui mettent leur esperance plus es creatures qu'au createur,& g par tels moiés indirects desirent scauoir leur bonne ou mauuaise Fortune aduenir par magiciens, deuinateurs, astronomes, aurioles & autres ges supersticieus, qui est chose plus d'agereuse qu'on ne pense, car iacoit ce q ceus qui s'en enquieret ne le veulet croire, neantmoins au moié de la curiosité & desir qu'ils ont de scauoir ce qui appartiét a Dieu seul, il permet pour leur infidelité que les infortunes qu'on leur predit aduienet par l'art diabolique par ce qu'il n'ont leur totalle esperace en Dieu par vraie foi. Aussi pechét cotre ce premier comandemet ceus qui murmuret par impaciéce cotre Dieu & le blasphemét. Les orgueilleus qui veulent vsurper sur Dieu, gloire, vegeance & jugement qui sont trois choses qu'il a retenues a lui. Ceus qui obseruet & gardet les superstitios de nobres, signes, caracteres, songes & mou-Par le second comandement qui gist en Le second parolles principallement est desfendu de iurer en comanvain. Ce qu'on fait en trois manieres, c'est ascauoir demente en iurat sans cause raisonnable, come en iouat, deuisant & parlat des choses inutiles, car iurer Dieu, ses saints et saintes, c'est les appeller pour tesmoings si la chose qu'on dit est bone, honeste & veritable & d'ainsi les appeller en ieus, en propos inhonestes & choses inutiles est leur faire iniure. Et notes que iurer par la vierge Marie, saint Pier, saint Paul, ou par

ou par quelque autre saint ou sainte, & aussi par le pain, par le vin ou autre creature est comme iurer par Dieu,par ce qu'en iurant par vne creature au-tât vaut a dire, ie iure par celui qui a fait ceste creature qui est Dieu, en quoi deues bien penser Ame raisonnable & tous les autres, par ce que plusieurs cuident par ignorance non excusable que iurer par le pain, par le vin ou autre creature, ou par la foi vraiement & autres tels sermens ne soit iure, mais si est par la raison susdite. Secondement on iure en vain quant par serment on afferme vne chose estre veritable, qui ne l'est. Et tiercement quant on l'af-Mat. 5. ferme & on doubte si elle est veritable. Et doit co-Hier.4. tenir tout iuremét trois choses comme a escrit Hieremie, scauoir est verité, iugement et iustice. Verité que la chose pour laquelle on iure soit veritable sans aucun doubte. Iugement que la personne qui iure ait discretion et le face de propos deliberê, car si elle iuroit sans i penser comme font aucuns qui iurent a tous propos, ne pecheroit mortellement, mais veniellement, pourueu qu'il n'i eusse pariuré, car si en tel cas asseuroit par iuremét vne chose ve-ritable, & ne le fusse pecheroit mortellemét. Toutefois telle personne se doit corriger de telle mauuaile coustume,comme de l'occasió de peché mortel moien du dáger de se pariurer. Et de telles perfonnes a escrit le Sage.La personne qui iure moult sera pleine d'iniquité. Tiercemet tout iuremet doit estre fait en iustice, c'est a dire pour iuste cause.

Or donc appert que contre ce commandement pechent ceus qui iurent sans cause raisonnable. Ceus qui iurent en propos inhonnestes, scandaleus & dissolus. Ceus qui iurent cotre verité & de chose incertaine. Ceus qui n'acomplissent ne veullent

acom-

acomplir les choses promises par iurement. Ceus ausi qui souvent apres boire parlent de Dieu & de se saints et saintes irreueremment adapt seurs diuines & saintes o é uures aus choses mondaines et lasciuieus. Ceus qui n'inuoquent le nom de Dieu en toutes choses prosperes ou aduerses. Ceus qui ne lou ét le nom de Dieu a leur pouoir, & ceus qui ne contredient aus choses qu'ils voient faire contre ce commandement, & le peuvent vtillement faire.

#### Du tiers commandement.

Ar le tiers commandement (qui gist Ex0.20. en l'oëuure) Dieu commade obseruer le saint dimenche & les sestes comandées par l'eglise catholique sans

i faire aucune operatió seruille. C'est a dire que Dieu veut & commande qu'on emploie les dimenches & autres festes a l'adorer, seruir, louer,& reuerer,en pélant en lui,en les benefices, en sa puissance, en sa bonté, en sa sapience, mettre son cueur & toutes ses operations a le seruir sans les appliquer au choses du mode, sinon a son honneur & au prouffit & vtilité du prochain pour l'amour de Dieu. Et par ce pechent contre ce commandement ceus qui n'oient le diuin seruice qu'on fait en l'eglise les diméches & festes.Ceus qui par mespris ne veulent ouir les predications & sermons. Ceus qui font oéuures seruiles, comme labourer, tailler, couldre, tixtre, hourdir, vendre marchadises & autres cas semblables, fors par necessité & pour la vie & falut des cors & des ames qui sans telles oéuures servient en danger. Ceus qui emploient les dimen-ches & autres seites commadées en ieus, banquets, dances

dances & autres dissolutions. Ceus qui font autres pechês mortels les diméches & autres festes. Ceus qui ne dient les heures commandées par l'eglise. Ceus qui induisent les autres a transgresser ledit commandement, & ceus qui n'empeschét la transgression d'icelui.

#### Du quart commandement, & des cinq commandemens de l'eglise.

Ex0.20.

Ieu a commandé par le quart comandemét qui est le premier de la secode table concernant le prochain, d'honorer pere & mere, adioustát d'auátage que ceus qui le feront viuront

longuemet sur la terre. Cest honeur doit estre fait en deus manieres. La premiere que les enfans doiuent reuerer peres & meres & leur porter honeur & reverence par humiliation, salutation, gracieuses parolles, obeissance & subjectio. La seconde par exhibition de leurs biens, c'est a dire leur baillat & distribuant pour leur vie et entretenement tout ce qui leur est necessaire. Ceus transgressent ces commandemens qui sont irreueres a leurs peres & meres, les prouoquét a courrous, se moquet d'eus, les iniurient & batent. Ceus qui desirent leur mort, qui les plaidoient et persecutent par mauuaises parolles & par proces. Ceus qui leur sont rebelles, inobediens & arrogás. Ceus qui leur soubstraient ce, dont ils deuroient viure. Ceus qui les laissent souffreter sans leur vouloir aider pour leur vie & entretenement. Et en ce tiers commandement sont comprins tous les superieurs tant de l'eglise que de la temporalité, ausquels on doit obeissance loient bons ou discolles come ont escrit saint Paul et saint Pier.

Pier. Et a ceste consideration pechent ceus qui ne gardent leurs comademes, precepts et ordonnaces non contrarians a la foi de l'eglife, & qui le peuent faire.Les comademes de l'eglise (dont en i a cinq) font ouir la messe les festes comandées, n'i faire aucues oëuures seruiles, se cofesser au prestre vne fois l'an,receuoir le faint facrement de l'autel le iour & feste de Pasques, & ieusner les ieusnes comandées.

# Le cinquieme commandement.

N ce comandement Dieu deffend & prohibe homicide corporel & spiri-tuel de soi & de tous homes & sem-mes qui s'entéd des persones priuées, & no de ceus qui sont en autorité de iustice et ont la coertio des crimes et vices. Aussi est deffendue par ce cómádement toute lesion qu'on peut faire a son prochain par ire, enuie & végeáce. Et sur ce noteres que homicide est fait en plusieurs manieres, aucune fois est fait par haine fraternelle, car comme dit saint Iean, qui hait son frere est ho- Ioan.3. micide. Secondement en donnant mauuais exéple & tiercemet par la langue condanant quelqu'un a mort ou autre peine cotre raison &a tort, semblablement par mensonge detractat d'autrui, lui ostat sa bonne renomée qui est grief peché, par ce (come dit S. Bernard) que celui qui detracte, il occit pre-mieremét son ame par peché, diffame son pchain, lui fait domage & scadalise chacun. Ceus trasgressent ce comademet qui font mourir leur prochain, sans autorité de iustice par glaiue, par eaue, par feu, par venin, par soubstraction de ses biens, par procés & autres violences. Et semblablement ceus qui ne prient pour leurs ennemis & ne leur veulent pardon-Cc ii

#### Le second linte

pardonner qui font & nourrissent les inimitances & tous ceus qui commettent les pechês d'ire & enuie, & aussi ceus qui ne font les oéuures de misericorde spirituelles & corporelles desquelles Liberalité vous a dessus parlé, i'entend de ceus qui les peuuent faire.

#### Le sixieme commandement.

Ex0.20.

Dieu par ce fixieme commandement tout acte charnel & comixtio d'homme & femme hors mariage: & par ce ceus trausgressent ce commadement qui hors mariage defloret et corrompet vne vierge & pucelle, qui connoissent charnellemet la femme d'autrui, et quat la femme mariée s'abadone a autre que son mari qu'on appelle adultere. Ceus qui co-noissent charnellemet leurs parentes ou alliées par cognation spirituelle qu'on appelle inceste. Ceus qui commettent telle comixtion charnelle en autre sexe & autrement que d'homme a femme, ou font commixtion que nature n'a ordonné. Ceus qui induisent a ce par parolles deceptiues, dons, presens, promesses, regards, atouchemes, chasons, rodeaus, ballades, lettres & autrement. Ceus qui vsent de parolles & regards impudiques qui n'euitent & fuient les occasions de tel pechê, mais en cherchét le tems, les lieus & l'opportunité. Ceus qui portent vestemens lasciuieus a ceste sin, qui se fardent & cotrefont pour estre desirés. Ceus qui par remonstrances ou crainte ne preservent le pucellage & l'adultere. Ceus qui par incostace, par precipitatio, par cecité de pensée, par amour de foi et des delices de ce monde tumbét en ce villain peché de luxure. Le sep-

# Le septieme commandement.

Ieu a deffendu & deffend par ce comandement furt, autrement dit larrecin, qui est contraction de la chose d'autrui oultre & contre le vouloir de celui a qui elle appartient iniuste-

ment faite, c'est a dire prêdre & retenir le bié d'autrui sans autorité de iustice contre le vouloir du seigneur, a qui ledit bien appartient, & quat on scet bié que le seigneur ne veut qu'on le retiene. Soubs ce nom de furt est prohibée & deffendue sur peine de peché mortel toute vsurpatio illicite de la chose d'autrui, comme rapine, vsure, negociatio frauduleuse, concussion, pillerie, exaction & simonie. Et par ce pechent contre ce commandement ceus qui par force & violence prennent & rauissent le bien d'autrui. Ceus qui prestent or & argét et marchandises a vsure, c'est a dire pour en auoir proffit temporel. Ceus qui en vendant on acheptant decoiuét leur prochain en fauls pois & faulse mesure, baillát vne espece pour l'autre, la mauuaise denrée pour la bonne, qui excedét en pris par faulses confirmations. Ceus qui par cauillatios, inductions, seditios & crainte font & celebret les contracts frauduleus pour auoir & retenir le bié d'autrui. Tous officiers qui foubs ymbre de leur autorité exigent plus que leurs falaires,& aussi aduocats, procureurs & gens de pratique. Les princes & seigneurs qui par nouueaus imposts & sans iuste cause prennét tailles & fublides de leurs fubiects. Toutes manieres de gens qui baillent argét ou autre chose temporelle pour auoir benefices & choses spirituelles & ceus qui en prennét. Ceus qui retiennét les biens des trespasses sans acomplir leurs ordonnances testamentaires: Cc iij tous

tous auaricieus qui par inquietude de pésée laissent par leur auarice a aimer & seruir Dieu & d'acoplir les oëuures de misericorde & tous ceus qui n'ont pitie des pauures & indigés & ne leur veulét aider a viure, iacoit ce qu'ils aient puissance de le faire.

#### Du huitieme commandement.

L nous est deffendu de Dieu par ce mandement de porter fauls telmoig-nage en quelque maniere que ce soit. En quoi sont prohibés & deffendus pariures & mésonges, dont ie vous ai

parlen'a gueres bien au long en declarant les sept peches capitaus & le secod comandemet. Et a ceste raison vous dirai seulement que ceus transgressent ce comandemet huitieme qui en iugemet diet, deposent & tesmoignent d'une chose qu'ils n'auront veüe, sceüe, apperceüe, goustêe, touchée ne sentie, & ceus q en scauet la verite, mais par malice, craîte, faueur ou autre mauuaise cause ne la veulet dire &

Het Io. prædiet. tratt. de septis.

la celent. Ceus qui par leurs mésonges & méteries Gerf. in nuisent a autrui, ou se delectét a métir sans crainte pradist. de Dieu et en font mestier. Tous sauls rapporteurs & flateurs, & ceus qui ne reprennent & corrigent tels gens par zele de charité & le peuét faire. Et sur ce noteres oultre ce que ie vous en ai dit dessus qu'il i a trois choses mouuates a métir. L'une pour nuire, l'autre pour libidinité d'vser de mensonges, & l'autre pour vtilité & proffit, La mésonge pour nuire est touiours pechê mortel. car elle contrarie en tout a charité, celle de libidinité, c'est a dire qu'on se delecte a mentir sans auoir regard s'il desplait a Dieu & qu'on ne mét pour autre cause que pour le sien plaisir, c'est aussi peché mortel, mais si

c'est pour prossiter a autrui de prossit téporel, corporel ou spirituel, ce n'est q peché veniel, & a ceste consideration ceus qui mentent sans iurer & sans nuire a autrui par scadale ne autrement, mais pour r'esiouir vne compagnie ou faire passer tems aus princes et seigneurs, ne pechent que veniellement, & n'en perdent la grace de Dieu.

# Le neufuieme & dixieme commandement.

Ar ces deus comandemens Dieu deffend la cocupifcéce des choses dot il a prohibé l'operation par les six & septieme comádemes, scauoir est par le neusieme de desirer la semme & la

fille d'autrui par charnalité, dot il a phibé l'ocuure charnel par le sixieme commandemet. Et par le dixieme commandemet. Et par le dixieme comandemet il dessend desirer le bien d'autrui iniustement, lequel il a dessendu prendre par furt, violence, rapine, vsure, iniustice & autrement indeuemet par le septieme comandemet. En quoi conoistrés que no seulemet l'acte est prohibé, mais aussi les sols desirs & concupiscences charnelles.

#### Adaption des cinq sens de nature, & des sept pechés capitaus aus commandemens de la loi.

Es cinq sens de nature (qui sont ve oir, oûir, toucher, gouster & odorer) sont coprins en ces dix comademes et aussi les sept pechès capitaus desquels auos dessus parlès car qui abuse de la veue & de l'oiue peche par sols regards, attractios, vains plaisirs, damnées concupiscences & transgresse le premier commandemet & le second, aussi Cc iiij empesche

## Les econditure

empesche sa veue de mauuais & insupportables iugemens secrets contre ledit premier commandement. L'ouie & la veue donnent occasion de detracter et mal juger d'autrui.Le toucher prouoque a toutes les especes de libidinité desquelles auons dessus parlé, & par ce le faut euiter. Qui ne fait les sept oéuures de misericorde corporelles & spiri tuelles peche contre le cinq & septieme commandement. Qui commet le peché d'orgueil & ses elpeces, peche contre le premier commandement & le quart. Qui commet les pechés d'ire & d'enuie & leurs especes, peche contre le cinquieme commans dement. Qui commet le peché de luxure & gloutonnie et leurs especes, peche corre le sixieme commandement. Qui commet le peché d'auarice, contre le septieme: & qui commet le peché de paresso qui est proprement ennui de bien faire, peche cotre le tiers commandement principalement & contre tous les autres commandemés par faute de les obferuer & garder. Ha Theologie (dit l'Ame incorporêe) a bien considerer & entendre tout ce que m'aués dit des sept pechés capitaus & des dix commandemens de la loi, ie voi & connoi qu'amour desordonée de soi est le chef & la source de toutes iniquités & que tous pechés en procedent, par ce que tous les commandemens divins cossstent seulement en l'amour de Dieu & de son prochain, & que toutes oéuures qui sont directemet contre ces deus amours de Dieu & de son prochain sont offenses mortelles. Il est vrai (dit Grace diuine qui reprint la parolle) & par ce si voulés demourer en la grace de vostre espous Iesuchrist aime-le sur soutes choses & vostre prochain pour l'amour de lui, car comme dit saint Paul, la fin des divins commandemandemens est charité procedante de pur cueur, conscience bonne & foi non fainte, & en cela & non autre chose deués ietter vostre espoir. Ie doi donc dit l'Ame auoir touiours auce moi Foi, Esperance & Charité. Il est vrai (dit Grace diuine.) Or me dites s'il vous plait qu'elles scauent faire, & que ie ferai par leur conseil. Comment dit Theologie, ignorés vous les conditions de ceus & celles que Dieu vous a baillés pour vous gouuerner par infusion de ce que vous receustes le saint sacremét de baptesme! C'est vostre bié, vostre tresor, vostre nourriture, car sans ces trois vertus vous n'aués rien, sans elles vous estés affamée, & sans elles vous estés morte de la morte de peché, car elles sont appellées les biens de l'Ame.

#### De la vertu de Foi.

Taffin q vous l'entendés (dit Theo-L'interlogie.) Foi est le fondement de Iu-pretation flice, d'Esperance & de Charité, par de ces laquelle on croit les douze articles et douze ar cequi est contenu au saint & sacré ticles de euangile de nostre seigneur Iesuchrist. Le premier la foi est desquels articles qu'on attribue a Dieu le pere est prinse de croire en dieu le pere tout puissant createur du ciel & de la terre simplement sans arguer ou disputer, le de Ger se qu'ils sont trois persones en vne deité et essence, se qu'ils sont trois persones en vne deité et essence, son, in mander comme cela se peut faire.

Le second article qu'on attribue au fils est croire de artipar foi en lesuchrist fils de dieu vnique nostre seig-culis sineur. c'est a dire pareil au pere quant a la deité. dei.

neur. c'est a dire pareil au pere quant a la deité. Le tiers qu'il est conceu du saint Esprit, c'est a dire non eternellement, mais par l'operation du

\_ Digitized by Google

saint Esprit, et cobien que l'incarnatio de Iesuchriste soit ure de toute la trinité, d'autant que les oëuures de la trinité ne sont diuisées, & ce que sait vne persone les autres deus le sont. Toutes ois par ce que ceste incarnatio a esté faite par grace & par la charité & benignité de Dieu, elle est appropriée au saint Esprit, auquel charité & bonté sont attribuées. Aussi couiet croire par ce tierce article que Iesuchrist est naï du ventre virginal de la vierge Marie sans aucune corruption, & qu'il print vrai cors en icelle & de son pur sang.

Le quart article est croire que Iesuchrist a souffert soubs la puissance de Ponce Pilate, qu'il a esté crucissé a la différence de ceus qui sont pendus au gibet. Qu'il est mort par la vraie dissolutió & separation du cors & de l'Ame, combié que la diuinité soit touiours demourée au cors et en l'ame, & qu'il a esté enseueli, non pas corrompu ne converti en

cendre comme les autres cors mors.

Le cinquieme que l'Ame de Iesuchrist vnie a la deité est descendue aus ensers, c'est a dire au limbe qui est la plus haulte partie des ensers, ou ceus qui attendoient salut estoient detenus insques a ce que la debte d'Adam eusse este par la mort de Iesuchrist paie, satisfaite & aquitée. Et oultre que Iesuchrist est ressuré de mort a vie le tiers iour, prenant le iour de sa mort pour vn iour, & le matin du dimenche auquel il ressustite qu'on appelloit lors le premier iour de la sepmaine pour vn autre iour.

Le fixieme article est croire que Iesuchrist apres sa resurrection est monté au cieus selon son humanité, ou comme homme, car come Dieu, il est par tout selon sa deité, & est assis a la dextre de Dieu le pere pere tout puissant c'est a dire en eternelle, souueraine beatitude ou il mettra ses esseus.

Le septieme est croire qu'il viendra des cieus ou il est monté au jour du jugement, juger les viss & les mors. Toutesois ceus qui seront trouues viss mourront, mais il ressurctement en vn moment pour receuoir jugement auec les ressuscités.

Le huitieme article est croire au saint Esprit no-Are seigneur & viuisiát, qui procede du pere & du sils, qui est adore & glorisse auec le pere & le sils, &

qui a parlé par les prophetes.

Le neufuieme est croire l'eglise catholique militante & triumphante estre la congregatio & communio des saints, dont lesuchrist est le chef ( come a escrit S. Paul) et son vicaire en terre le Pape. Et ce qui est ordonné & comandé par ceste eglise militate doit estre fait & acompli come fait par inspiration diuine en ensuiuat ce que Iesuchrist dit a ses apostres & disciples, que toutes les fois qu'ils s'assembleroiet en son nom il seroit au meillieu d'eus: Qui est contre l'erreur de ceus qui veulet cofondre la hierarchie de l'eglise militante. Aussi croire l'eglise catholique & communion des saints, est croire l'eglise militante & triumphante, & la communion des saints: c'est a dire les merites & prieres des saints et saintes qui sont en paradis, les suffrages de l'eglise qui nous sont communiques.

Le dixieme article est croire la remission que Dieu fait du peché originel par le saint sacrement de baptesme, & aussi des pechès veniels & mortels qu'on a commis apres le baptesme par le sacrement

de penitence.

L'unzieme article est croire que tous les mors ressusciteront au grant jour du jugement, & que ce

#### Le secondaure

que ce mesme cors qui sera mort retournera a sa mesme ame.

Le douzieme article est croire que la vie eternelle sera donnée aus esleus de Dieu, c'est a dire a ceus qui mourront en soi sans peché mortel, ou l'Ame aura parsaite cognitió de la Trinité, parsaite fruition d'icelle, & parsaite dilection & charité. Et le cors glorieus aura agilité, subtilité, clarité & impassibilité. Et tous ces douze articles couiet croire en general & en particulier selon qu'ils sont contenus par le symbole & comme i'ai dessus declairé sur peine de damnation: mais quant a la triplicité des personnes en vne deité, & vne deité en trois personnes sussitia u commun populaire de le croire simplement & generallement en la soi de l'eglise, combié que les euesques, clercs & recteurs sont tenus le croire plus explicitement & en particulier pour en disputer contre les heretiques.

Ie croie tous les douze articles (dit l'Ame) fans i varier ne doubter, mais dame Theologie vous m'aués dit qu'il est requis croire aussi en l'euagille. Il est vrai dit Theologie. Car quat nostre seigneur Iesuchrist comméca a prescher comme recite saint

euangiles on doit croire fermemét & certainemét

Mar. 1. Marc, il disoit. Aiés repentance, & croiés en l'euangile. Qu'est-ce que l'euangile? (dit l'Ame.) C'est (dit Theologie) vn bon & ioieus message ou annunciation & vne nouuelle de la grace, merci & misericorde de Dieu aus humains, & pourtant a la natiuité de nostre seigneur Iesuchrist les angeschanterent. Il evous annonce grandioie, carauiourdhui est na vostre sauueur Iesuchrist. Par les

sans aucun doubte que Dieu le pere a enuoié au mode son fils pour r'achepter, affrachir & deliurer les hu-

les humains du diable, auquel ils estoient faits subiets & serfs par le peché du premier pere Adam, & par ce qu'ils estoient serfs & lies ne pouoient d'eus mesmes s'aider. A ce propos dit saint Paul, ils ont tous pechés, & ont affaire de la grace de Dieu. Il Rom.4. estoit donc besoing que celui qui satisferoit pour nous susse sans subjection & obligation & n'i auoit au monde aucun de ceste condition,& conuenoit par necessité que les humains demouraisent eternellement perdus & damnés, ou que dieu fusse fait homme. Et ainsi Dieu tout puis. fant de sa grace & charité a eu pitie & compassion des humains et a enuoié au mode son fils viuat Iesuchrist, come auoit prophetisé Hieremie disant en la persone de Dieu. Îe t'ai aimé en vne charité per- *Hier*. 31 petuelle, pourtant ie t'ai attrait aiant misericorde. Dieu le pere enuoia donc son fils affin que par sa mort (laquelle il n'auoit desseruie) il appaisasse Dieu & satisfisse a lui pour nous, comme dit saint Paul, Dieu le pere nous a recoseilles a soi par Iesuchrist, qui est mediateur entre Dieu & l'homme, & a offert soimesme vne oblation a son pere par laquelle il nous a reparés & fait nostre paix,& par ce que le fils de Dieu est a present fait homme, il est aussi fait frere des hommes par assumption d'humanité. Et si les humains chrestiens sont ses freres, ils font aussi heritiers auec lui de la gloire de son pere, comme a escrit saint Paul disant. Si nous som- Rom. 8. mes enfás, nous sommes aussi heritiers auec Christ, i'entend enfans par adoption et grace de Dieu,car Iesuchrist est enfant naturel, & a touiours estés fils de Dieu, mais non les chrestiens, car ils le sont par le merite de la foi, dont saint lean porte tesmoignage en son euagile disant que Dieu a donné puis-

Joan. I. sance a ceus qui croient en lui d'estre ses enfans.

Ie croi (donc dit l'Ame) que vrais chrestiés sont enfans de Dieu, & que Iesuchrista dit (come contient l'euangile) que ceus estoiet ses freres qui gardoient les diuins comandemens. Vous deués aussi croire(dit Theologie) que tout ce que nostre seigneur Iesuchrista dit & promis aduiendra & sera fait sans nulle faulte, & telle fut la loi d'Abraham comme recite saint Paul. Car come Dieu eut promis a Abraham qu'il auroit vn fils duquel viédroit le fauueur du monde,par ce qu'il le creut il engendra en son espouse Sarra Ysaac, iacoit ce qu'elle fusse hors l'aage de conceuoir, depuis au commandement de Dieu il se mit en son deuoir, & voulut occire Ysaac son fils & en faire a Dieu sacrifice, qui estoit occasion d'estimer que de lui par ce moien ne viendroit le sauueur du monde. Neantmoins il creut qu'il estoit mieus possible q son fils Ysaac ressuscitasse que les parolles & promesses de Dieu ne fussent vraies & acomplies, ce qui lui fut reputé a iustice. Si tous les hômes & les anges nous venoiét persuader que les choses de dieu promises n'aduiédroient, nous deuons croire le cotraire, auoir ceste foi que la promesse de Dieu aduiédra, & que Dieu tiendra ce qu'il a promis aus vrais creitiens.

Marci Pltimo. Que leur a il promis, dit l'Ame? Les euangiles contiennent, dit Theologie, si bien vous les accordès, que tous ceus qui croiront en nostre seigneur Iesuchrist seront baptisés & feront & acoplirot les comandemés de Dieu seront sauvès. Et sur ce passage notés que iacoit ce que nostre seigneur Iesuchrist ait prins humanité, mort & passion pour r'achepter humain lignage sans ce qu'aucuns des humains l'eusse merité par bonnes oeuures ne autre-

ment,

mét,mais de sa seule grace et bôté. Neatmoins pour aller en paradis il est necessaire oultre le baptesme et la foi faire bones oeuures come garder les commádemés de Dieu & faire ce que nostre seigneur Le fuchrist a dit par les euágiles. Come s'entéd donc dit l'Ame ce qu'a escrit saint Paul aus Romains. Nous arbitrons l'hôme estre justifié sans les oeuu- Rom. 3. res de la loi. Il s'entend (dit Theologie) que les cerimonies des Iuifs ne soient vrais sacremens efficacement significatifs de grace gratifiant. Et aussi se peut entendre que la porte de paradis nous est Ouverte sans les oéuvres precedentes, car comme a escrit saint Thomas sur ce passage. Nostre seigneur Iesuchrist a r'achepté come i'ai dit l'humain lignage & ouvert la porte de paradis qui estoit fermée par le peché premier d'Adam & Eue sans aucuns nos merites, mais quant aus oeuures subsequentes, notes Ame raisonnable que si vous & les autres chrestiens ne faites bonnes oéuures ne poués complaire a Dieu combien qu'aiés la foi & soiés baptizés,& perdés la grace de iustification, i ented quat aués la faculté & oportunité de les faire. Et encores plus tot perdés ceste grace de iustification si vous faites mauuais oéuures. Au moié dequoi deués touiours & instamment faire tout le bien que pourrés, non seulement pour retenir vostre iusti-fication, mais aussi pour l'augmenter.

Celui qui est baptisé & a foi il est iustifié par le faint sacremét de baptesme & merite de la passion nostre seigneur lesuchrist s'il fait apres mauuaises oéuures en transgressant les commademés de Dieu il pert ceste iustification. Et s'il fait bonnes oéuures il retient ceste iustification & l'augmente par la multiplication d'icelles, attédu que nostre seigneur

ieiu-

Tesuchrist a dit comme contient l'euangile qu'en 102. 14. la maison de son pere, c'est paradis, i a maintes mãsions, les aucunes plus grandes que les autres de gloire accidentalle & essentiale. On sera sauuê par la vertu de la foi, moiennant bonnes oéuures, lesquelles bonnes oëuures (comme a escrit saint Ia-

I40.2. ques)cooperent a la foi pour auoir salut, et a l'augmentation de gloire en paradis. Les bones oeuures font comme preparans la voie de iustification & la foi est l'entrée. Et a ceste consideration nos ancies peres en la primitiue eglise instruisoient les Neophites, c'est a dire les nouices ou nouveaus en la foi de ce qu'ils deuroiet faire auat & apres le baptesmo pour preparer leur habitacle a la superueniéte trinité,& pour apres qu'ils auroient esté sanctifiés par le baptelme les conseruer en purité par bonnes oeuures. Et ainsi l'auoit made par son prophete & preconiscur, celui qui veut iustifier tout genre hu-Ioan. 1. main disant. Prepares le chemin a nostre seigneur.

faites vos voies droites. Et lui mesme a dit. Ši aucū m'aime & obserue ma parolle, mon pere l'aimera, & viendrons & ferons demeure auec lui . En quoi voions que la loi des bones oéuures n'est destruite par la foi: mais par la foi la loi est establie, de laquelle la loi formée est la summité & vendique, le hault lieu a justification.

Et affin que mieus entendes qu'on ne se doit fier en la simple foi sans faire bones oéuures, notés ce qu'a escrit saint Paul en ceste mesme epistre aus Rom. 2. Romains, disant. Que Dieu en son grant jugemet

rendra a chacun selo ses oeuures, scauoir est a ceus qui auront fait bonnes oëuures gloire & vie eternelle, & a ceus qui auront fait mauuaises, ire & indignation : oultre que auditeurs de la loi ne sont iustes.

iustes, mais que les facteurs d'icelle seront iustifiés par leurs bonnes oéuures preparans a iustification. Il dit ailleurs escriuant a Timothée, que la fin du commandemet de Dieu c'est charité de cueur pur & conscience bonne et foi non fainte. A ce propos a escrit saint laques en sa canonique, que la foi est laco. 20 morte sans bonnes oëuures, & saint Iean, que celui qui dit connoistre Dieu & ne garde ses commandemes, est mensonger. Et sur ce vous noteres ame raisonnable que la sainte escriture parlat de foi aucunefois parle de la foi viue & non fainte & aucunefois de la foi morte. La foi vraie & viue qu'on appelle foi formée est quat la personne croit Dieu, a Dieu & en Dieu, c'est a dire que Dieu est tous les articles de la foi, & fait ce qu'il a comandé qui sont les oëuures de la foi. La foi morte ou sans forme est croire Dieu, & a Dieu, mais non faire ses commandemens. Ét aussi peu vaut ceste foi que n'en auoir point, car come dit saint Paul. Si i auoie telle foi que ie peusse transferer les montaignes d'un lieu en l'autre & ie n'ai charite, ie ne suis rien. Il i a plusieurs autres manieres de foi qui ont autre significatio, car aucunefois la foi est prinse par la conscience, dont parloit saint Paul disant. Tout ce qui n'est de la foi, c'est a dire qui est contre conscience, est peché. Aucunefois la foi est prinse pour la loiaulté que se doiuent garder mari et semme en mariage, car come dit saint Augustin. Les biens de mariage sont la foi, la lignée & le sacrement. Aucunefois on prent la foi pour paction ou promesse: aucunefois pour fidelite, & en ceste sorte la pret saint Paul quat il met la foi entre les fruits de l'esprit, & Rom.14 dit on communement vne personne estre sidelle Iors qu'elle accomplit ses honnestes promesses: aucunefois

aucunefois est prinse pour equité & droiture, & ainsi la prennét les lois ciuilles parlás du possesseur de bone foi ou de mal foi. Et aucunefois est prinse pour vne creace d'une chose q n'est du tout clere, mais a des apparences & vehementes coniectures.

# De la vertu d'Esperance.

A dame Theologie (dit l'Ame) ie me contente pour ceste heure de ce que vous m'auês dit de soi, parlons s'il vous plait de la vertu d'esperance, di-tes moi que c'est, en qui & comme ie doi esperer. Esperance (dit Theologie) est vne expectation de future beatitude prouenat de graces & merites. Et dit la glose sur le premier chapitre faint Matthieu qu'esperace procede de foi, & charité d'esperance, c'esta dire qu'esperance parfaite n'est sans foi, & charité n'est sans foi & esperance, par ce que celui q a vraie foi formée en charité espere en Dieu & aime Dieu sur toutes choses & son prochain come lui mesme pour l'amour de Dieu. Pfal. 20. Et a ce propos disoit Dauid parlant a Dieu. l'ai eu mon espoir en toi & par ce ne serai eternellement cofus, toutefois Ame raisonnable ne presumés par ceste diffinition d'esperace que vos bones ocuures exterieures soiet principalemet cause de vostre salut, car tout ainsi que ce seroit presumption d'espe-rer salut eternel par grace sans bonnes oéuures, aussi seroit-ce de l'auoir par bonnes oeuures sans grace, car il n'i eut onc pur homme ne femme qui puissent d'eus mesmes meriter paradis sans la grace de Dieu. Et pour mieuls l'entendre vous noterés Ame raisonnable que pour le fondement de vraie esperance comme & a qui on la doit auoir, couient confide-

cossiderer trois choses entre les autres. La premiere est la diuine bonté de Dieu en nous. La secode est des oeuures q nous faisons & aduersités q soustenons pour l'amour de Dieu. Et la troisieme est des fuffrages & orailons des saints & saintes. Quant a la premiere faint Bernard a escrit. Ie cossidere trois Bernar. choses esquelles mon esperance consiste, qui sont la in serme charité d'adoption, la verité de la promesse & la de quiq. puissance de ceste promesse acomplir. Ie scai que panibus. celui en qui ie croi m'a adoptê par trefgrande charité & fait son fils par regeneration. le scai qu'il est Mat. G. veritable en promesse, & tout puissant pour l'accomplir. Pour la verification de la premiere certitude, saint Iean a escrit disant. Voiés quelle charitê Dieu nous a donée qui nous a faits & nommes ses enfans, & Ieluchrist lui mesme nous apprint quant vouldrios prier Dieu l'appeller nostre pere, disant. Quant vouldrés faire oraison a Dieu dites. Pater Mat. vl. noîter qui es in cœlis, c'est a dire, Nostre pere qui es aus cieus. Quant a la certitude de la promesse de dieu ie la préd par les euágiles ou nostre seigneur a dit. Qui croira & sera baptisé & fera les commandemens de Dieu sera sauué. Quant a la tierce certitude ie croi que vous ne autres ne doubtés que Iesuchrist ne soit veritable, car lui-mesme a dit, Ie fuis la voie & la verité. Et en vn autre passage de l'euangile. Ie suis venu au monde pour dire ve- 10411. 14 rité. Et quant a la certitude de la puissance de Dieu, personne ne l'ignore, car on scet bien qu'il peut tout.

La deusieme chose a cosiderer en vraie esperace, ce sont les bonnes oéuures des vrais chrestiens, dot ie vous ai parlé en deuifant de foi, esquelles on peut & doit on prendre et auoir espoir, selon Dauid qui

Dd ii

Pfal. 4. disoit en ses Pseaulmes. Sacrifiès sacrifice de iustice & esperés en Dieu. Le sacrifice de iustice oultre la foi cossiste en ocuures vertueuses que Dieu accepte quant elles sont deüement specifiées, scauoir est a l'honeur de Dieu & par perfonne qui s'est purgée de son peché a son pouoir, desquelles oeuures lefuchrist parloit a ses apostres disant. Heureus sont les pauures d'esprit, humbles & mansuets & ceus qui pleureront au monde, qui desireront iustice estre faite, qui aurot pitie et misericorde des pauures, qui seront nets de cueur, qui seront pacifiques & nó litigieus, qui supporterot sans murmure per-secution pour faire iustice & pour l'amour de lefuchrist. Il i a d'autres bonnes oeuures que nostre seigneur lesuchrist a aussi recommandées (comme Mat. 5. a escrit saint Matthieu) qui sont ieusne, aumone & oraison dont il a baillée la forme & maniere de le faire, qui est contre l'erronée oppinion de ceus qui sont repeus de la farine de Luther, disant que les bonnes oeuures ne seruent de rie pour auoir eternelle beatitude. Et encores mieus la description du final & grantiugement contenue oudit euangile de saint Matthieu, ou il est seulement parlê des bones & mauuaises oeuures, & que ceus qui ont nourri les pauures, visité les malades & fait les autres oeuures de misericorde seront sauues, & ceus qui auront fait le contraire seront damnes. Il n'est aucunement parlê de la foi ne de l'obseruance des

nes & mauuaises oeuures. Dit pas saint Iean en son Apo. 14 Apocalypse que les oeuures suiurot les trespasses:

Et par le symbole d'Athanase ou sont les articles de nostre soi arrestés, est contenu que ceus qui ausont fait bonnes oeuures iront en la vie eternelle,

commandemens de Dieu, mais seulemet des bon-

& ceus

& ceus qui auront fait les mauuaises ocuures en

feu sempiternel.

On peut faire d'autres bonnes oeuures autant plaisantes a Dieu que les precedentes qui sont porter paciemmet sans murmure tous labeurs, peines, penalitês, aduerfités et tentatios de ce monde pour l'amour de Dieu, en confiderát que comme hôme il a souffert pour nous & non pour lui, & si nous endurons quelque ennui c'est pour nous & non pour lui. Saint Paul a escrit que tribulatió produit pacience, pacience probation, & probation esperance. Nostre seigneur Iesuchrist a dit comme contient l'euangile que celui qui aime sa vie, c'est a dire Ioan. 12 la plaisance de son cors la perdra & qui l'aura en haîne la trouuera en la vie eternelle. Qu'est-co qu'il veut dire! fors qu'on tourmente le cors pour nourrir l'esprit. Ie vous asseure Ame raisonnable que Dieu ne laisse ceus qu'il aime en ce monde sans aduersité de cors, de biens ou d'esprit, mais veut & permet qu'ils soient agités & tourmentes. Les aucuns par maladie, les autres par perte de biens, de renommée, de parés ou d'amis, les autres de pauureté, les autres par guerre, procès & par enuie & detraction, & les autres par diuerses tentations de la chair, du monde & du diable: mais comme dit faint Paul. Dieu ne permettra les tourmenter ne 1. Cor. 11 tenter oultre & par dessus leur puissance, & leur aidera a les soustenir & i resister en se retirant a lui par oraison en humilité. Et a ce propos dit saint Paul parlant de lui-mesme . Affin que la grandeur des reuelations de Dieu ne m'extolle, m'est baillé vn eguillon de la chair a me collaphiser. Pour laquelle cause i ai prié Dieu par trois fois qu'il chassasse de moi cest esprit de tentation, & il m'a fait response. Dd iii

response. Te suffise ma grace, vertu est parsaite en insirmité: le signe d'un vrai chrestien est endurer paciemment toutes aduersités, et a ceste consideration on peut auoir bon espoir en toutes choses ad-

uerses qu'on supporte paciemment. Que respondes vous (dit l'Ame a Theologie) a ce que saint Paul escriuit aus Romains qu'il n'i a aucun qui soit iuste ne qui face bien, et a ce qu'il dit ailleurs que nous n'auos aucune suffisance de penser vne bonne chose de nous mesmes, mais que nostre suffisance est de Dieu. Et oultre en l'epistre a ceus de Philippi ou il leur escrit. C'est Dieu qui oéuure & fait en vous & vous donne le vouloir & la puissance de bienfaire pour la bonne volunté qu'il vous a donnée. Il semble a bien entendre toutes ces parolles que ne scaurios faire aucunes bonnes ocuures de nous-mesmes. Il est vrai (dit Theologie) que toutes bonnes oéuures procedent de la grace de Dieu par la foi formée qu'auons en lui & qu'il nous a donnée, & que la formée est le fondement de tout.

Qui est celui qui osasse ou peusse veritablement dire qu'il observera tous ces saints commandemes & fera toutes bonnes oëuures sans l'aide speciale de Dieu attendu la fragilité et ignorance de nature & qu'elle est enclinée plus a mal qu'a bien et que la Philip.2 chair (comme dit faint Paul) couvoite touiours les choses cotraires a l'esprit & l'esprit choses contraires au cors & a la chair en maniere qu'on ne fait tout ce qu'on veut & que la vie de l'homme en ce monde est (comme dit Iob) vne guere ou bataille. Qui pourroit resister aus assaus de la chair, du mode & du diable sans ce que l'esprir soit aidé de Dieu il n'en est ne sera, ne fut onques, parquoi la perlonne

Job 7.

Digitized by Google

personne connoissant que de soimesme sans l'aide de Dieu ne peut faire oëuures a soi salutaires ne vaincre les tentations est incitée s'humilier enuers Dieu.& croire la doctrine du sauueur estre veritable quat il dit en vn endroit que ceus qui garderont les comandemens de Dieu auront paradis. Et en yn autre endroit, que qui croira & sera baptisê aura salut. Et si la personne a ceste soi croira fermement que sans garder les comandemés de Dieu on ira a perdition. Pour laquelle cosideration, & que Dieu dit aus enfans d'Israel (comme recite Osee.) Ofat 130 O Israel ta perdition est tienne & de toi, ton aide est seulemeut en moi. La personne chrestiëne connoissant sa fragilité & ignorace, & qu'elle ne peut faire aucun bien sans l'aide de Dieu & sa sainte inspiration, s'humiliera deuaut lui & en vraie foi lui dira.O Dieu eternel ie connoie mon ignorance, fragilitê & malice, & que n'i puis sans vous & vostre aide resister, ne garder vos commandemens, ne semblablement faire aucunes bonnes oeures. Ie vous suppli mon Dieu que par vostre eternel fils Iesuchrist qui pour moi & tous les humains s'est par charité incarné et a prins mort & passion, gueri les malades, suscité les mors a sa simple parolle, & commande aus vens, a la mer, et a tous les elemens, qu'il vous plaise m'aider & me donner la grace de garder vos commademens, de faire toutes bonnes oeuures, & resister a la puissance de la chair, du monde,& du diable.

Si la personne chrestienne veut ainsi faire, soiés asseurée ame raisonable, que sa requeste lui sera ottroiée, car nostre seigneur Iesuchrist sa ainsi pmis par le nouueau testamét, & come s'ai dit il ne peut mentir. Et par ce moié ceste personne par la grace Dd iiij de Dieu

Digitized by Google

de Dieu gardera ses commádemens & fera bonnes oeuures, par lesquelles pourra auoir esperance certaine d'auoir salut par la grace de Dieu & non autrement, mais si la personne n'a vraie foi et ne croit en Dieu ne pourroit estre & ne sera iamais aidêe de lui pour faire ses comademés & autres ocuures, & ceus qui en ont fait & font comme a ce inclinês par nature ou par science mondaine, come d'estre sobres, pudiques, liberaus, droituriers, & amateurs du bien public, telles ocuures n'ont este ne seront Luc. 18. meritoires pour auoir paradis sans foi, par ce que la foi est le fondement de toutes oeuures meritoires.Laquelle confideration empesche que ceus qui ont vraie foi ne se glorifiét en seurs bonnes oeuures,& ne condamnent les autres qui n'en font, par ce que telles bonnes oeuures ne procedent d'eus, mais de la grace de dieu par vertu de la foi formée, neantmoins doiuent esperer en ces bones oeuures qu'ils font pour acomplir la volunté de Dieu pour la promesse qui a esté faite par lesuchrist de beatitude eternelle a ceus qui les ferot pour l'amour de lui. Et a ce propos escriuoit saint Paula ceus de Luc. 23. Corinte, chacun prédra de Dieu son propre louier felon son labeur. Aucuns ont youlut dire que le bon larron fut sauuê sans faire bones oeuures, mais le contraire est verité, car par la foi que Dieu lui donna il reconneut son pechè, confessa qu'il estoit en croix pour ses demerites, eut compassió de l'iniure & du tort qu'on faisoit a Iesuchrist fils de dieu & le pria auoir memoire de lui quat il seroit en son roiaume de paradis. Pourroit on faire de meilleures oeuures? Ie croi que non au pas de la mort.

Reste a scauoir (dit l'Ame a Theologie) comme ie puis auoir espoir es saints & saintes de paradis.

Vous

Vous le scaues (dit Theologie.) Et pour l'entedre Beatus vous noteres premierement qu'on ne doit esperer Tho.seen creature angelique ne humaine, tant sainte & cuda 2. digne puisse estre comme aiat la puissance effective quast.17 ou efficiente de doner salut ou autre chose qu'on demande a son salut, cela appartiet a Dieu seul qui est auteur, createur & seigneur de toutes choses, mais bien pouês auoir esperance que Dieu par les merites & prieres des faints & faintes vous ottroiera vos requestes si elles sont iustes & raisonnables. Et a ceste cosideration la vierge Marie est appellée par l'eglise nostre esperance de suffrages, es prieres de laquelle nous deuons auoir bon et grant espoir. Et sur ce retiendrés qu'il i a multiplicité des suffrages, scauoir est de Iesuchrist comme homme, de la vierge Marie, des saints & saintes estans en paradis, & des iustes encores viuans. Des suffrages de Iesuchrist parle saint Paul escriuant aus Romains ou il dit. Qui est-ce qui nous condánera? Iesuchrist qui est mort et ressuscité, et assis a la dextre de Dieu son pere le prie pour nous, qui nous separera donc de la charité de Iesuchrist? Et saint Iean dit en sa canonique. Si aucun a peché, il a son aduocat deuant Dieu son pere, c'est Iesuchrist le iuste.

Des juffrages de la vierge Marie parle saint Ber- S. Ber. nard, disant. O homme tu as seur accès a Dieu en confiance, ou la mere est deuant le fils & le fils deuant le pere.La mere monstre au fils ses virginalles mamelles qui l'ont alaité, & le fils monstre au pere son costé perce & ses plaies, & par ce on ne scauroit auoir reffus ou sont tát d'intersignes d'amour. Ie scai bien que Dieu est tout puissant & d'excellente botê & misericorde, & qui pourroit ottroier toutes requestes aus humains par Iesuchrist sans autres

### Le fecond hure

autres mediateurs & moiennes causes, mais tout ainfi qu'il veut plusieurs choses estre faites ministeriallement par les planettes, signes & autres secondes causes comme on voit. Aussi veut subuenir aus miseres des humains par les merites & suffrages de la vierge Marie, des anges, & des saints & saintes, & aussi des bonnes & iustes personnes. Eta ce pro-pos disoit saint Paul escriuant aus Corinthiens. Nous sommes coadiuteurs de Dieu, dont ie vous pourroie assigner plusieurs raisons. La premiere pour le decorement du monde, car la decoration & beauté du monde consiste en ce qu'aucunes choses sont les causes des autres, & les autres sont leurs effects. La seconde pour la perfection de Dieu, car comme il soit d'infinie bonté, il a voulu communiquer oeste bontê au choses crées, non feulement a ce qu'elles foient, mais aussi a ce qu'elles soiét cause des autres. Et aussi le veut ainsi faire pour nostre instruction, car comme es choses naturelles appert que le soleil est radiant non seule-ment en lui, mais aussi donne lumiere a tous. Semblablement nous estans en ce monde deuons estre cause non seulement de postre salut, mais de celui de nos prochains, & doiuent estre toutes nos oraisons generalles & faites generallement en priant Dieu l'un pour l'autre. Qui est pour respondre a vn tas d'heretiques de la farine de Luther, qui diét qu'on ne doit prier les saints & saintes, & que sufsit de l'humanité de Iesuchrist seul propiciateur entre Dieu & les hommes, & qu'auons abondamment de son merite sans les merites & suffrages des faints & saintes. Ce que ie ne veul contredire, car Iesuchrist a satisfait pour tout, et neantmoins veue nostre misere humaine & nature peccable nous repureputás indignes de premierement nous adresser a nostre seigneur Iesuchrist, faisons tresbien de nous adresser par humilité a la vierge Marie sa mere & aus anges, saints & saintes estans en paradis, & ainsi l'a voulu & veut,car en plusieurs passages des euágiles trouueres, & aussi des epistres saint Paul, de laint Pierre, de saint Iean, & principalement en l'epistre de saint laques, que les viuans doiuent prier l'un pour l'autre,& si les viuans le font qui ne sont en parfaite charité, comme ne le feroiét ceus dont les ames sont en gloire eternelle & charité cosummêc! On vous en dira plus auant en quelque autre passage en parlant d'oraison.

De la vertu de charité, les dixhuit conditions d'amour diuine, & qui est le prochain.

२०१८ कि 'Entend q c'est d'Esperace (dit l'Ame a Theologie) dites moi s'il vous plait que c'est de la vertu de Charité. Vous le scaurès (dit Theologie.) Charité est vne amour si grade qu'on a a dieu que pour l'amour de lui on veut par effect acomplir les comandemens, aimer son prochain, & faire toutes choses a lui aggreables, & qui sont comandees ou conseillees par l'euangile. Et souffrir soif, fain, chault, maladies, persecutions, et toutes autres aduersités corporelles, temporelles & spirituelles pour l'amour de nostre seigneur Jesuchrist, qui a tant souffert pour vous deliurer de la seruitude de pechê. Et a ce propos a escrit saint Paul en l'epistre qu'il enuoia aus Romains. Qui nous separera de la charité de Dieu: Sera-ce tribulation, angoisse, fa- Rom. 8. mine, nudité, peril, persecution ou glaiue? Nous fommes certains que ne mort, ne vie, ne anges, ne

#### Le second hure

principautes, ne vertus, ne choses presentes, ne force,ne haultesse, ne profundité, ne autre creature ne nous pourront séparer de la charité de Dieu,laquelle est en Iesuchrist. Ceus qui ont charité aimét leurs amis & ennemis, par ce que nostre seigneur Iesuchrist l'a comandé, et sont toutes leurs oeuures bones & saintes, car vne telle charité ne peut estre oiseuse que touiours ne face quelque bié & qu'elle ne garde les commandemens de Dieu. Et a ce propos disoit nostre seigneur Iesuchrist. Celui qui

Celui qui aime Dieu eu vraie charité l'aime sur

Ioan. 13. m'aime retient & fait ce que ie di.

mitie.

toutes choses plus que sa vie, plus que son cors, plus que les homes & femmes, plus que son plaisir, plus que sa santê & delices du monde, comme nostre seigneur Iesuchrist vous a par ci deuant dit & de. Dixhuit claire. Toutefois ie vous donnerai dixhuit lois d'alois d'a- mitie, par lesquelles pourres conoistre si vous aues amour parfaite a Dieu. La premire si vous l'aimês tant que pour lui mesprises & contemnés toutes choses qu'il mesprise. La deuxieme si vous estimes la personne malheureuse qui n'est touiours auec Dieu. La troisseme si vous estes contente souffrir toutes choses, & aussi la mort pour estre auec dieu. La quatrieme si vous ornés & parés de vertus & bones ocuures pour complaire a Dieu vostre ami. La cinquieme c'est estre auec dieu vostre ami ainsi que poués,& si non reallement, a tout le moins de cueur, d'esprit et de pesée. La sixieme si vous aimés toutes choses appartenantes a Dieu vostre ami.La septieme, si vous desirés la gloire et louége de Dieu vostre ami, & ne poues souffrir sans courrous aucune chose estre faite contre sa gloire & honneur. La huitieme est croire de Dieu vostre ami tout ce qu'il

qu'il en faut croire & que sainte eglise en croit & tient, & desirer que toutes personnes le croient. La neufuieme est si vous desirés supporter aucun domage ou perte pour l'amour de dieu vostre ami,& si paciemment supportes dommage & perte quant ils aduiennent pour l'amour de lui. La dixieme si souuent plores auec Dieu au moien de son absence par douleur ou compassion, au moien des tourmés que lui estant au monde a souffert pour r'achepter les humains de la seruitude de peché & de la mort eternelle, au moié de sa presence spirituelle de ioie. L'unzieme si languisses & ardés en amour charitable pour le desir qu'aués d'estre touiours auec dieu vostre ami . La douzieme si le serués par vraie amour. La trezieme est craindre d'offenser Dieu fon ami & se r'esiouir en lui complaisant. La quatorzieme est si vous gardês songneusement ce que Dieu vostre ami vous a donné qui est grace. La quinzieme est si vous croies a ses inspirations. La **f**eizieme fi vous aimês ce que dieu aime, & haiés ce qu'il hait.La dixseptieme si vous parles voluntiers de Dieu vostre ami,& en oiés voluntiers parler en bien. Et la dixhuitieme est si vous demandés en foi & esperance a Dieu vostre ami ce qui est raisonnable sans craindre d'en estre refusée.

O quelle consolation & liesse ie prend a vous ouir parler d'amour diuine (dit l'Ame a Theologie) il me semble que i'ai desia vn pied en paradis. Or me dites d'auantage qui est mon prochain, & l'ordre & maniere d'aimer par charité. Vostre prochain (dit Theologie) est toute personne qui peut auoir eternelle beatitude. C'est a dire que tous les hommes & semmes viuas en ce monde, soiét chrestiens ou insidelles qui peuent estre en la grace de Dieu

Dieu par penitence, ou estre couertis a la loi chrestienne, & tous trespassés qui sont en purgaroire sont vos prochains, que deues aimer pour l'amour de Dieu qui les a faits & formes, & n'i a que les dánės qui ne foient vos prochains. Doi-ie aimer mes prochains autant que moi? (dit l'Ame) ie ne le di pas,mais vous les deués aimer come pour l'amour de Dieu.Et pour entédre l'ordre d'aimer par charité: Apres Dieu, le bon chrestien doit aimer son ame, c'est a dire le salut d'icelle sur toutes choses, & mieuls que la vie, que le cors, que la bonne renommee mondaine ne que les biens. Apres l'ame (c'est l'esprit)on doitaimer la vie corporelle. Apres la vie corporelle le cors mieuls q les biens, c'est a dire qu'on ne doit tuer so cors pour aquerir tat de bies temporels. Apres on doit aimer les biés temporels sobrement pour nourir le cors & ceus dont on a charge & non plus ne autant que Dieu, que l'ame, que la vie ne que le cors. Apres on doit aimer son prochain come soimesme, ce n'esta dire premieremet que soimesme, mais le vrai chrestie apres Dieu & son ame doit aimer l'ame de son prochain, non premieremet que la sienne, mais plus que son cors, que sa vie, ne que ses bies téporels. Apres doit aimer la vie, le cors & les biés temporels de son prochaincome les sies a son salut, c'est a dire que si on auoit conoissance que la longue vie & prosperité de son prochain fussent nuisibles au salut de son ame'; ou au bié public, on n'est tenu vouloir qu'il viue longuement, ne qu'il prospere en ce monde a la raison de ce que ce seroit sa damnation & qu'on doit plus aimer l'ame que le cors, que la vie, ne que les biens: mais on doit touiours vouloir et desirer le salut des humains. Aimer son prochain par charité est se delecter

lecter & prendre plaisir a l'edissier en vertu & a ce qu'il soit mébre de lesuchrist, r'essouir de son proffit spirituel & temporel salutaire, comme du sien, subuenir a sa perte, a son ennui & a son dommage comme au sien, corriger doulcement les errans & ceus qui faillent, enseigner les ignorás, releuer ceus qui sont tumbés par peché, consoler les desolés, aider a ceus qui trauaillent & labeurent, subuenir aus indigens & souffreteus & faire les oéuures de misericorde spirituelles & corporelles, desquelles vous a parle Liberalité au premier liure. Et a toutes ces choses faire emploier ses biens, ses richesses, fa folicitude, son cors & son esprit, lesquelles choses sont comprinses en ce que saint Paula escrit difant . Charité est paciente, benigne , non enuieuse 1. Cor. 13 ne ialoyse, rien ne fait follement, elle n'est enssêe par orgueil, elle n'est ambicieuse, elle ne quiert les choses siennes, c'est a dire ne preferer son bien particulier au bien comun ne au vouloir de Dieu, elle ne s'irrite, courrouce ne pense aucun mal, elle ne se r'esiouit d'iniquité, mais prent liesse en chose veritable. Elle support toutes aduersités, elle croit tout ce qu'il convient croire par vraie foi, elle espere du tout en Dieu, & si soustient toutes choses lans murmure & impacience. Charité iamais ne meurt, mais viura eternellement & plus parfaitement en paradis qu'en ce monde. Et combien que chante procede de foi & d'esperance, neantmoins elle les excede en ce que foi & esperance cesseront par la vision & tentation de Dieu en paradis, & charité sera augmentée.

Ceus qui suivent aucunes erronées, scandaleuses & reprouvées oppinions de Luther eus voulás exemter de l'obeissace de nostre mere l'eglise & ne

faire

faire aucunes bonnes oeuures de leur cors ne de leurs biens, mais viure charnellement en liberté de mal faire, ont voulu aneantir les bonnes oeuures des jeusnes.abstinences.oraisons & autres deuotes & honnestes costitutions faites par nos saints peres a l'honneur & reuerence de Dieu, de la vierge Marie & des saints & saintes, & aussi pour macter la rebelle sensualité toujours contrariant a l'esprit disans pour leur fondement inique, mendacieus & mauuais que ce ne sont oeuures de charite, mais superstitions telles que celles des Pharisiens. Le contraire appert, car comme nous auons dit, celui n'a charité qui n'aime Dieu de tout son cueur, de toute sa force et de toute son ame. Et combien que ceste amour soit spirituelle & qu'elle consiste principalement en l'esprit, toutefois pour l'entretenir la personne qui aime est tenue monstrer a son ami, c'esta nostre seigneur Iesuchrist qu'elle veut enzploier a son seruice tout ce qu'elle a & tient de lui qui sont l'ame ou l'esprit, le cors & les biens. Ex quant a l'ame lui donner son cueur, son etendement, sa memoire & sa volunte, & non aus choses módaines. Quát au cors le doit emploier a ieufnes, abstinences, pelerinages, a donner bonne doctrine,a macerations, peines, labeurs, a oraifon, a fupporter toutes aduersités & faire toutes choses deuotes & edificatives de son prochain. Et des biens temporels on doit faire aumones a pauures mendians, pupilles, veuues & autres miserables personnes,a doter & fonder eglises, conuens, monasteres, hospitaus, colleges, estudes, & a toutes autres oeuures charitables & proffitables a fon prochain. Toutes lesquelles oeuures (qui de soi sont bones) ne proffitent quant a meriter la grace de Dieu & auoir

muoir paradis si elles ne sont faites a son honneur

en foi, en esperance & charité.

Nostre seigneur Iesucrist (lequel nous deuons. fuiuir)increpa & blasma plus l'enuie & ypocrisse des Scribes & Pharisiens qu'aucun autre peché, & leur donna plusieurs maledictions, comme contiét l'euangile. À ceste consideration on se doit garder de ce vice d'ypocrisse, qui est ieusner, macerer son cors, dire grant nombre d'oraisons, visiter les eglises, faire longs pelerinages, porter vestemens d'humilité & sainteté, souvent parler de Dieu, blasmer les vices, louer les vertus, baiser la croix & les images & estre lasciuieus, mensonger, cauilleus, ambicieus, auaricieus, arrogant, presumptueus, inobedient & viure sans amendement en tous ces pechés & autres couvers de saintes & devotes cerimonies & de bonnes oeuures exterieures. Il est requis pour auoir charité que le cueur soit correspondat & s'accorde auec l'oeuure pour la presenter a Dieu & se garder du diable qui souuét induit les hommes & femmes a telles simulatiós & deuotions exterieures non ordonnées par l'eglise leur donnat a entendre que pour icelles sans autre penitence Dieu leur pardonnera leurs pechés, crimes & iniquités,& combien que telles bonnes oëuures ne soient a reprouuer, et quelque peché qu'on face qu'on ne doit cesser de faire bones oeuures, neantmoins le meilleur est les faire en purité de cueur & de cors non estant en peché qu'on puisse.

Pour conclusió Ame raisonnable affin que soiés mieuls excitée a dilectió & charité ie vous prie que cotéplés vn peu tout le sermo que nostre seigneur Jesuchrist tint a ses apostres le jour de la grade cene et la nuite qu'il sut prins au jardí d'olivet, dot parle

# Le second linte

faint Iean en son euangile. Et vous trouveres qu'il excitoit principalement ses apostres par doulces remonstrances a charitable amour & dilection, & a plus aimer l'ame que le cors: et ne sache personne de bon & net cueur qui en lisant & goustant ce saint & deuot passage se peusse cótenir de doulces & amoureuses larmes. Il dit entre autres choses & pour conclusion a ses apostres. Par ce que ie vous ai dit chacun connoistra qu'estés mes disciples si vous aués l'un a l'autre charité. Dieu est charité & qui se depart de charité, se depart de Dieu.

Apres ce long procès & propos d'entre Theologie & l'Ame, auquel tenant l'Ame incorporée estoit toute rauie et souvent iettoit doulces larmes de compunction & ioie, elle appella Foi, Esperace & Charité. Et elles assemblées auec Memoire, Entendement & Volunté ou cabinet de l'Ame (c'est son cueur) l'Ame par leur instruction escriuit a nostre seigneur Iesuchrist l'epistre suivante.

Epistre amoureuse enuoiée par l'Ame raisonnable a son seigneur & espous lesus.

Vis que ie suis de mes pechés deliure O bon Iesus ie suis come femme i vre I vre d'amour & de dilection, I vre de ioie, i vre d'assettion, Et tellemet que ne puis trouuer forme

De vous escrire,o grace septiforme Ie ne scauroie continuer propos, Ie ne scauroie au cueur auoir repos O bon Iesus tant suis d'amour esprise

Ceft

Cest de vous seul, que n'en soie reprise,
Et cest amour de mon entendement
Vient en mon cucur par soi violemment
Et naist par vous du bon Dieu vostre pere
Qui m'a remis mon crime & vitupere
Et pardonné tous mes mauls & pechés
Desquels mes sens estoient tous empeschés
Ceste amour naist de vos grans benefices
Que m'aués faits par moiens tant propices
Cest amour naist des mauls qu'aués soussers
Pour me mettre hors des tenebreus enfers
Cest amour naist dont vous m'aués aimée
Non seulement bonne, mais dissamée.
Cest amour naist non pas pour seul guerdon
Mais bon Iesus par ce qu'estés tout bon.

Et toutefois mon amour est petite Enuers la vostre & le vostre merite, Car vous m'aués aimée sagement Quant aués prins pour moi reallement Vn cors mortel, lequel n'eut onc macule Et descendu du hault propugnacule.

Außi m'aues aimée fi tresfort Qu'aues voulu pour moi souffrir la mort l'entend d'amour sainte & spirituelle Non de l'amour seulement corporelle.

Oultre m'aués aimée doulcement Begnin Iesus, car aués seulement Tout fait ceci par amour sans contrainte Et charité parfaite & toute sainte Et d'auantage, o Iesus bon & douls Aués voulu vous nommer mon espous.

O quetbonneur que vile creature Ee ÿ

Son crea-

# Lesecond linre

Son createur esponse & sa fatture Soit esponsée anec son plasmateur Cest signe grant d'un parsait amateur.

Ce nonobstant las ie fu oublieuse
De ceste amour tant grande & copieuse
Et m'alliai de vos grans ennemis
Par lesquels i'ai plusieurs pechés commis
Et si fu d'eus forcée & corrompue,
Prostituée & d'ame & cors rompue
Tout par ma coulpe & montresgrand desfault
Chacun lescet, dire le pui tout hault.

Mais vous Iesus me voiant desolée Par bon espoir vous m'anés consolée, Grace divine a moi si s'adressa Et de par vous mon affaire dressa En ordre tel, que par vostre merite La trinité de mes mauls me tient quitte Dont vous mercie, O benoit Iesuchrist De cueur, de bouche, aussi par cest escrit Et d'autres biens qui sont innumerables Vous suppliant en mes souspirs plorables Que me veuilles de vostre amour parer Et que samais n'en puisse disparer, Ca vostre amour est doulce & vehemente Pleine d'honneur toute reficiente Et qui ne soeuffre auoir autre amitie C'est vn amour trop r'empli de pitie.

Par cest amour volustes petit estre Pour me loger en vostre eternel estre, C'est vn amour qui estraint doulcement Et qui enseigne a aimer sagement, Lace les cueurs des lags r'emplis de gloire

Sans

Sans bonte auoir brule esprit & memoire. C'est vn amour plein de iocundité De reconfort & de felicité, C'est vn amourtout r'empli d'asseurance

Sans ialousie ou gist bonne esperance Qui ne moleste ains en liesse estraint

Et toutes gens a bien viure contraint.

C'est charité parfaite & non confuse Dont toute grace aus amans est diffuse, C'est vn amour qui donne liberté, Plainté de biens & defruits vbertê Ris dissimulé & ne scet contenance, C'est vn amour qui donne soustenance. Par cest amour dont ie n'ai qu'un petis O bon Iesus i'ai si grant appetit De yous auoir en la mienne chambrette Et deuiser auec vous seulette: Las vous diroie au long sans incidant Combien mon cueur en amour est ardant. Iaçoit Iesus que sachés mes pensées Comme vrai Dieu, mais comme sont censees Et quelle estime elles ont enuers vous Ie n'en scai rien, fors par vn espoir douls.

Et tant i a Iesus tresdelectable Que ie vous croi si bon & si traitable Tant amoureus que vous aurés merci De ceste la qui vous aime sans si Vous le scaues voire mieuls que moi-mesme, Et si ie n'ai la face triste & blesme Comme amoureus languissans en amours Voiés mon cueur qui languit tous les iours Tout estongné des mondains negoces

Ee iij

En at-

## Lefecond liure

En attendant nos eternelles nopces
Et si possible estoit plus tot vous veoir
Et pres de moi quelque tems vous auoir
Par sentement d'esprit. Il pauure indigne
Tous mes souhaits auvoie, mais n'en suis digne
Indigne fuis de tout indignité
De paruenir a telle dignité
Dont ie m'indigne encontre moi coulpable
De tant de mauls par ma fante notable.

Mais yous scaués mieus que moi qu'il me faus N'aiés regard (Iesus) a mon desfaut, Iettés sur moi l'oeil de misericorde, Et me donnés la grace qu'en concorde D'orenauant ie vous puisse servir Aimer sur tout sans ailleurs asservir Et me veuilles preserver & dessendre Des ennemis qui m'ont fait tant mesprendre Donnés moi force, & bonnes attions Pour resister a leurs tentations. Comme i'entend & espere de faire Mais ne scauroie conduire cest affaire Sans vous Iesus vostre grace & secours Ou i'ai touiours mon principal recours.

A tant faie fin a ma petite epistre Que ie n'ai peu de si beau stille tistre Comme appartient a vostre bumanité A vostre gloire, & vostre deité.

Escrit an lien qui fut fait pour nature Par vostre ancelle & bumble creature.

Comme

Comme l'epistre de l'Ame fut portée en paradis par Oraison accompagnée de Grace divine, & de la response & sommaire dostrine donnée a l'Ame pour l'entretiennement d'elle & son cors.

Ame incorporée bailla son epistre a Oraison, laquelle incontinent print ses aesses de contemplation, & vola iusques en paradis deuant nostre seigneur Iesuchrist, mais non sans

feigneur Iesuchrist, mais non sans Grace diuine qui l'acompagna,et presenta l'epistre de l'Ame a nostre seigneur l'esuchrist. Lequel i feit response par vne simple lettre de creance contenát ce.L'amour de laquelle vous m'aimes (mo espouse & amie) m'est tresagreable & telle que ie la veul pour ceste heure, vous aduertissant que si continués, en cueilleres le fruit au lieu d'eternelle felicitê.Etaffin que le vouloir vous en croisse, & que puissés obtenir ce que souverainemet desirés vous croirés Grace diuine. Laquelle i'ai chargée vous instruire plus au long de ce que vous aués affaire. Soies vigilante en amour, & pourueue pour me receuoir, car vous m'aures a vostre porte vn iour que vous n'i penserés. Et a Dieu mon espouse & amie. Escrit au lieu de l'eternel repos. Par celui qui est vostre espous & bon ami. La lettre de nostre seigneur Iesuchrist fut par Grace diuine acom-pagnée d'Oraison apportée a l'Ame incoporée, qui auoit passe la plusgrande partie de la terre de Teunesse, et s'approchoit de celle de Vicillesse aucc le Tems, qui touiours la conduisoit.

L'Ame incorporée print la lettre de Iesuchrist en grande humilité, laquelle elle ne peut entiere-

Éc iiij meh

ment lire sans doulces & amoureuses larmes. La lettre leüe, dit. Or ça Grace diuine , mon feigneur m'escrit lettres de creáce. Il me tarde que ie ne scai vostre charge. Ie vous prie prendre le loisir d'en contenter le mien esprit. M'amie (dit Grace diuine.) le suis toute preste, mais ie ne le veul faire fans tous ceus de vostre maison, car il est requis d'i donner ordre tant pour vous que pour le cors. Incontinent furent mandés tous les officiers, seruiteurs & servantes de l'Ame ci dessus nommés qu'il faisoit bon veoir tant pour le grât nombre d'iceus que pour leurs acoustremés, maintien & facunde. Et furent par reformation remis en leur premier ordre. Les aucuns pour le seruice du cors, les autres pour le seruice de l'Ame tout ainsi qu'il a esté declaré au premier liure.

Apres cest ordre mis, Grace diuine parla a Volunté la grande maistresse, & lui declara que nostre seigneur lesuchrist entendoit que les seruiteurs du cors ne feissent aucune chose sans elle & son commandement, ne semblablement des officiers de l'Ame. Et si declara comme & en quelle sorte conuenoit nourrir le cors. Scauoir est sobrement sans gourmandise, honnestement sans villennie, chastement sans impudicité. Temperêement sans excês, humblement sans orgueil no arrogance, doulcoment & paciemment sans ire & enuie. Laboriousement sans oissueté. Charitablement sans cruautê. Et liberalemét sans auarice ne prodigalité. Le tout de sorte que par le cors l'ame peusse passer le repaire de vie humaine,& venir au port de salut, ou nostre seigneur Iesuchrist l'atendoit pour celebrer les futures nopces.

Aussi vouloit que les serviteurs & officient de l'Amo

de l'Ame se gouvernassent par Foi, Esperance & Charité, soubs la grande maistresse Volunte en obseruant les commandemens de Dieu & de l'eglise, Et touchant Sensualité qui estoit femme de la chambre de l'Ame & du cors, la tencha & blasma tresfort, lui disant que c'estoit vne affaitée prestant l'aureille a chacun,& chargea Volunté de la chastier souuent par ieusnes, abstinences, & autres labeurs corporels: Autrement & en deffaut de ce, trahiroit l'Ame & son cors. Oultre les aduertit tous ensemble qu'ils auroient des aduersaires, & seroient assaillis par guerre de trois mauldits princes soubs pechés regnans au monde, qui sont la chair, le monde, & le diable riches & puissans, mais que le roi supernel & prince de tout le môde leur enuoieroit si bon secours contre ces mauldits princes, que l'Ame en auroit la victoire, pourueu qu'on voulusse prendre peine a le dessendre, & promit a l'Ame se trouuer a ceste guerre l'asseurant qu'elle seule combatroit bien tous les ennemis ensemble, & les subiugeroit, mais que si l'Ame la perdoit de veue seroient en grant danger d'estre vaincus & affollés.

Ici prent fin le Second liure de ce petit oéuure. Par lequel auons veu comme l'Ame incorporée a perdu Innocence au Palais de Volupté auec Peché & ses complices qui la mirent au bordeau de Obstinatió. Come elle en sut deliurée & mise hors par Grace diuine, comme & par quels moiens obtint lettres consolatiues de la trinité de paradis sur l'abolition & remission de ses crimes & delits, des empeschemens de penitence, de contrition. consession, & satisfaction, & comme sur par ces trois

# Le secondhure de la Dame umoureuse.

trois dames lauée a la fontaine de penitence. La difference de peché mortel & veniel, qui sont les sept pechés capitaus, des dix commandemens de la loi & douze articles de la foi & des trois vertus theologales Foi, Esperance & Charité. Auec aucunes epistres contemplatiues entremessées.





## LE TIERS ET DERNIER LIVRE Des triumphes de la noble Dame amoureuse.

Comme nostre seigneur Iesuchrist visita spirituellement l'Ame incorporée.



N ce tiers & dernier liure verrons (si Dieu le done) que c'est d'amour diuine, la maniere de l'auoir, que c'est d'oraison, & l'exposition de l'oraison dominicalle. La disseréce d'entre religion claustralle & la grade religio chrestiene.

Les triumphes & victoires que l'Ame incorporée a obtenues tant par terre que par mere contre la chair, le monde, & le diable, ou sont comprinses en moral les manieres de resister a toutes tentations. Comme on se doit preparer pour bien mourir & aller au port de salut, du saint sacrement de l'autel & dignité d'icelui, de paradis, enfer, & purgatoire. La forme de bien testamenter, & les signes par lesquels on peut coniecturer vne personne estre decedée de ce monde en l'autre en la grace de Dieu. Or donc pour continuer nostre principal propos, apres la reformatio saite de l'estat de l'Ame incorporée

#### Le tiers liure

porte par Grace diuine, ainsi que nous auons veu, chacun des officiers se retira au lieu de son office pour faire ce qui leur auoit esté enioint. Et au regard de l'Ame, Volunté, Entédemét, Memoire, furent conduits par Grace diuine, Foi, Esperace & Charité, en la châbrette de l'ame. A laquelle sut dit par Grace diuine, qu'elle se tinsse sur les gardes, & q son espous lesuchrist pourroit venir a par los seus lors qu'elle seroit couchée en son lit de cotéplatio.

Enuiron la minuite de ce iour (ainsi que l'Ame încorporée reposoit sur le lit de côtéplatió, nostre seigneur Iesuchrist arriua & heurta a l'huis de la chábrette qui estoit le cueur de l'ame. Elle demáda qui c'estoit. Il respodit. C'est moi m'amie, ma blanche columbe & ma chere espouse. Ha mó seigneur mon bien aimê, ma gloire, mon desir & mon salut (dit l'Ame) vous soies le tresbien venu. Don vient cela que le roi du ciel & de la terre, le createur de toute la lumiere & de toutes les tenebres mo plasmateur, auteur de toutes choses, mon fauueur & redempteur deigne entrer en la châbrette de mon cueur & s'approcher de sa servante & creature tát imparfaite, tát petite, tant pauure et tant mefcháte. M'amie (dit Iesuchrist) ie ne veul que ton humilité & ton amour, car ie n'aime & ne tiens compte des hommes & femmee s'ils ne sont amoureus & humbles. Et par ce que ie te scai auoir vn comencement d'humble amour, ie te suis venu veoir, mais tune me verras iusques au jour de nos espousailles, fors en esprit & par foi. Bien sentiras mon odoriferant doulceur de consolation. Et a ce que tu aies amour plus parfaite a moi, & que tu me puisses mieus aimer, ie te dirai sommairement que c'est d'amour divine.

#### Que c'est d'amour diume.

DONA Mour divine (dit nostre seigneur le-(uchrista l'Ame)est vne affection du cueur & de l'Ame auec vne applica-tion de pensée pour aimer quelque 🁺 tion de pensée pour aimer quelque craft chole. Amour incline l'aimant, & si n'a labeur en celui, combié que la peine soit grade. Amour ne trouve difficulté en chose quelconque, elle est impaciente si elle ne trouue ce que desire. Elle ne pese en autre chose, fors en ce qu'elle aime, & si ne prent plaisir au delaiment. Amour vraie de dieu est vne penetráte lumiere ardáte en la pense par desir, et resplédissat en la face par exéple. Ceste amour n'est nuement ne purement naturelle, mais infule,purgée, illuminée & esseuée sur la puissance de nature. Elle induit toutes les autres affectiós en elle, & a force & vigueur quant ce qu'elle aime est pres d'elle & languit quant en est absent. Certes la nature d'amour est aimer touiours, oublier sa propre chose pour aimer la comune, vnir diuers ocuures,faire d'un estrange son domestique, estaindre le feu d'ire qui brule les cueurs & procurer paix.

Amour apprent & enseigne a faire toutes choses droites, vertueuses & honnorables. Amour collaude les bons sans staterie, reprent les mauuais en
doulceur et sans scadalle, et si est sans soupeço. Ou
amour n'est n'i a chose qui vaille, & toutes choses
wont bie qui sont par amour parsaites. Amour r'estiouit la personne & la soublieue & soubstrait des
choses mondaines. Amour n'est iamais oiseuse. Amour fait touiours quelque chose, touiours croit,
touiours augméte, c'est la vie de l'Ame, et q n'aime
est come mort, la vraie amour ne quiert aucu louier
et l'eusse elle ores merité. Les aumones, largitions,

libera-

#### Le tiers liure

liberalités, susception de martire & autres honnes oéuures ne profsitét pour auoir salut sans amour. Amour rend l'homme parsait, elle soustient toutes choses, elle supporte & endure tout paciemment, Amour est vne chose facile qui s'exhibe a tous, & ne se denie a persone, car hômes & senames, ieunes & vieuls, sains & malades, pauures & riches, grans & petis, maistres et seruiteurs, reguliers et seculiers, debiles & sors, peuent auoir & prendre amour, & n'ia personne qui s'en puisse excuser que qui ne dirige les rais de pure amour aus autres.

# Dont procede amour dinine.

Ant que l'Ame appliqua son esprit aus amoureus propos de son bon espous Iesus, ses ieus corporels ne cesterent de ietter larmes, & de genous, lui dit. O tresdouls seigneur Iesuchrist sontaine de vraie amour dont tant de clers ruisseaus procedét & dissiuét. Le pauure pecheresse ai touiours esté froide & en plusieurs manieres eslongnée de ceste amour. L'ai esté singuliere & sequestrée sans amour & dilection, viuant en haine & simulatio, vous plaise m'aider par vostre doulce amour & inslamer mon cueur en l'amour qui vous plait que i'aie benoist lesus, affin que i'aime ce que ie doi aimer, & qu'en vous aimant i'aie la sempiternelle vie d'amour. Aussi vous prie bon Iesus que vostre plaisir soit me declarer dont ceste amour diuine a prins sa naissance.

Ceste amour (dit Iesus) naist ainsi que les larmes qui tumbét des seus sur la postrine, car amour naist de l'entendement & tumbe au cueur par foi. Et en ceste maniere les saints et saintes vainquirent les empe-

empereurs, rois, monarques & tirans par foi, car la foi est vn bié tressaint de la pensée qui par aucune necessité n'est cotraint a faire faute & ne peut estre corropu par don, promesse ne autre louier, mais est vne chose touiours divinement ferme, stable & constate en courage. L'amour naist de la grace de Dieu mon pere, car homme ne peut venir a moi,si par mó pere n'i est attrait, c'est a dire a mó amour. Amour entre en la pensée des humaines creatures par l'ouie en oiant parler des biens & vertus d'aucun. Par ce bon rapport est engendrée vne amour es cueurs des oians. Amour naist de bonnes parolles & le commencement d'amitie est de parler de choses honnestes & vertueuses, ainsi que mal parler & detracter est le commencement d'inimitance. Amour naist des benefices, seruices & plaisirs qu'on se fait l'un a l'autre.

## Combien nostre seigneur Iesuchrist a aime les humains.

Tresmisericordieus Iesuchrist (dit l'Ame) ie vous doi a ceste consideration parfaitemét aimer par vraie soi, laquelle tellemét vous plait & est aggreable que vous guerisses & sauues par elle tous humains & sans laquelle hommes ne semmes ne vous peuét estre plaisans. En vous bon Iesus sont toutes les causes d'amour, par ce que vous estés tout bon, tout parfait, tout misericordieus, tout riche, tout puissant, tout amoureus & d'incomprehensible sapience. Secondement vous m'auès aimé d'une amour si tresgrade que ne scausoie la dire ne declarer, car tresbegnin seigneur sont aine de vraie amour, vous m'auès aimé doulcement

cement en prenát par amour & doulceur seulemét cors mortel en humilité pour moi & pour tous les humains, vous m'aués aimée sagement quant aués prins ce cors materiel de vêtre virginal et sans aucune corruption ne tache. Vous m'aués fort aimée lors que pour nous estés descédu de vostre throne supernel ça bas en terre, de maistre vous estés fait seruiteur & de grant petit, & aués souffert iniures, opprobres, stagellatios, cotumelies, crachemés, blasphemes, & sinalement mort horrible & cruelle.

Par ces moiens vous estés mostre mon tresdouls ami, mon prudét conseillier et mon fort adiuteur, & si doulcement ne m'eussiés aimée, helas vous ne m'eussies quise ne cherchée es prisons infernalles, A ceste affection & dilection aués adjousté sapiéce par laquelle aués deceu le diable d'enfer mon ennemi mortel. Aussi i aués adiousté pacience par laquelle aues pacifie Dieu vostre pere qui par moi auoit este tat offense. Et ne vous suffit d'estre ainsi venu en terre visiblement pour l'amour de moi, mais estés venu inuisiblement iusques a ma petite chambre pour me cosoler, induire à vostre amour, inflamer en icelle, & finalement pour me donner eternel douaire en vostre roiaume de paradis dont ie suis indigne o tresamoureus Iesus, mais ai bien desserui vostre haine en lieu d'amour, peine pour gloire,& tourment pour salut, car ingrate de tant de benefices me suis par longues années essongnée de vous & quis l'amour du monde, les delices de la chair et la compagnie du diable mes ennemis & les vostres, dont neatmoins m'aués retirée & a vostre amour reduite par grace divine, mais encores ne fui-ie bien instruite combien & comme ie vous doie aimer.

Comme

## Comme on doit aimer Dieu & combien.

On espouse et amie (dit Iesuchrist) tu me doibs aimer de tout to cueur, de toute to ame & de toute ta force, cest feigneur Dieu (dit l'Ame) quest-cea dire de tout mon cueur? C'est (dit Iesus vne magnitude & grandeur d'amour telle qu'on ne s'en departira iamais par bládices, par fallaces, par iniures & m'aimer si entierement que le cueur ne soit plus enclin a autre aimer que moi, & ne se delecte en autre chose plus qu'en moi. Vne personne m'aime moins qu'il ne doit quant il aime vne autre chose auec moi non pour l'amour de moi. Tu ne doibe habadoner mon amour ne mon service pour toutes les delices & plaisirs du monde, pour toutes les pertes que tu pourrois auoir es choses téporelles, comme en maisons, terres, seigneuries, femme, enfans, ne pour tous les martires qu'on te scauroit presenter. Et si d'auenture tu penses aimer tes bies temporels, corporels & spirituels auec moi, gardes toi bié de les aimer fors pour l'amour de moi, c'est a dire que le tout soit finalement & principalement reduit a mon honneur, a mon seruice, a mon plaisir & a l'observance de mes commandemens, car aimer les femmes en mariage, les enfans legitimes, les biens temporels bien aquis pouren auoir feulement son plaisir en ce monde, et non pour l'a mour de moi, ce n'est amour ou ie doiue prendre plaisir, & m'est ennuieuse & facheuse telle amour, car toutes operatios des catholiques le doiuent referer premierement a l'honneur de moi qui suis L'auteur & createur de toutes choses...

Secondemét ie veul que la creature m'aime de Ff toute

toute son ame fidelement, car tout ainsi que i'ai mieuls aime mon ame estre separée de mo cors que nature humaine demourasse eternellement damnee: aussi ie veul que les humains ausquels i ai exhibê le fruit de si grand amour choisssent plus tot la mort que m'offenser, car dilection est vne saulce d'appetit qui fait trouuer toutes les viandes bonnes. Sans amour toutes choses sont ameres & sans goust, & toutes choses ameres sont faites doulces par amour. Ce que les saints peres ont approuué par les desers qui vsoient d'herbes & escorces d'arbres pour vin fumeus, pain sauoureus & viandes delicates. Ils auoient la dure terre pour mol lit, la zude pierre pour cheuet, la haire pour bláche chemile & la copagnie des bestes sauuaiges pour celle des plaisans mondains, en toutes lesquelles choses ils trouucient grát goult & saueur, delectation & doulceur pour l'amour qu'ils auoient a moi.

Certes m'amie toutes choses griefues & disficiles sont par vraie amour legeres, doulces & faciles. Les saints martirs en donnét l'exemple qui ont
supporté tant de diuers tourmens, non seulement
paciemment & en doulceur, mais ioieusemét pour
l'ardante amour qu'ils avoient a moi. Labeur iamais ne fatigue amour, & tourment ne la surmôte.
Tant plus travaille amour & plus a de repos. Les
afflictions cessent & les tétations passent. L'e repos
d'amour est ne reposer. Celui qui s'enivre du goust
de ceste amour prent ioie & consolation en toutes
ses oëuures, il se deult & rien sent, il travaille &
iamais n'est las, on se moque de lui & rien n'en
connoit, brief il n'ia tresorqui vaille l'amour de
l'Ame a moi. Il n'est personne qui sache son pris:
Car tout or est petite arene a coparaison d'amour.

Sans

Sans amour le riche est pauure, & le pauure est riche auec amour, car qui m'aime de toute son ame a ce qu'il aime, & suis touiours auec lui. Vne autre amour ne scauroit occuper la mienne ne se messer auec elle, par ce que les choses vraies n'ont rien commun auec les vaines. Les eternelles auec les caduques, les spirituelles auec les temporelles, ne les souveraines auec les basses.

Tiercement ie veul estre aime de toute ta force perseueramment & en tous tems & que tous les sens exterieurs et interieurs de la personne,comme son entendement, sa memoire & sa volunté & toutes leurs operations vaquent a cest amour, de sorte que s'ils sont occupés a autre dilection ne peuent plus dire qu'ils ont amour a moi. Et par ce telle amour est vn lien glueus qui indissolublement lie & vnit la personne a moi, en maniere que la personne qui par telle amour est a moi liêe n'en peut estre desliée ne separée par fer, glaiue, feu, caue, fain, froit, soif, chault, pauurete, richesse, debilité, guerre, maladie, peste, famine, plaisir corporel, delectation charnelle, perte, gaing ne autres choses quelconques, fors par l'immundicité de pechê mortel.

Epilogue des benefices faits aus humains par nostre feigneur Iefuchrist, & comme il il s'eslongne aucunefors d'eus pour leur profsit.



E propos de diuine amour fini, l'ame le proiterna deuant son espous Iesus lui disant en abondance de larmes & les mains iointes. O souveraine sapience, abisine de disection et bonte,

Ff ij four

source viue de charitable amour, tresor de pitie & fontaine de misericorde, je scai & conoie certainement que m'auês excessiuement aimée et les humains, car pour l'amour de nous estés descendu du throne celeste, de l'eternel empire, du lieu de repos, de la chaire d'honneur, & aués laissé le tiltre de roi & de createur, & en l'habit & vestemét d'un pauure serf estes venu en ce mondain repaire, en ceste vallée de misere, en ce lieu de dáger, en la demeure d'opprobre, ou pais de pleurs & desolation pour nous deliurer de l'infernalle prison aués souffert fain & soif, froit & chault, endurê molestes, iniures, opprobres & blasphemes, & aués souffert estre outragé, batu, flagellé, couronné d'espines, decraché, colaphisé, estraindu, lie, blasphemé et mis en opprobre de tout le peuple par vos creatures, voire ataché par pieds & mains a clous ou hault arbre de la croix qui lors estoit le tourment le plus honteus & scádaleus de la terre, & illec vostre humanité delaissée de dieu vostre pere & de tous vos amis, fors de vostre mere voulustes souffrir mort, pour laquelle vous obtinstes le triumphe de victoire contre la puissance de Lucifer & ses complices, desquels vous despouillastes les enfers & prisons tartarées dont vous retirastes & mistes hors nos bos peres, & nous auês deliurés de la seruitude & lien de pechê & de la mort eternelle. l'entend ceus qui par vraie foi croiet en vous. Aussi m'aues de vostre grace espousée sur les sons de baptesme, deliurée du bordeau de Peché, & mudifiée de toutes mes villennies & iniquités.

O louverain roi & bon Ielus pourquoi ne vous aimeroi-ie de tout mon cueur, de toute mon ame & de toute ma force: mais bonté ineltimable ie ne

le puis

le puisfaire sans vous & vostre secours. A ceste cause vous supplie treshumblement o amoureus Iesus qu'il vous plaise eschauffer mo cueur en ceste amour, a laquelle ie desire paruenir & i bruler par feruente charité sans plus auoir affection aus choses mondaines, fors pour vous seruir & aimer. M'amie (dit Iesus) ie ne demande autre chose que ton amour telle que i'ai dessus declarée, & laquelle as de present ou peu s'en faut, car parfaitement ne la pourras auoir iusques a ce que soies auec moi en gloire eternelle. Helas bon Iesus (dit l'Ame) quant sera-ce que i'i pourrai paruenir? Ie ne vous puis veoir au moien de mo tenebreus & terrestre cors, & ne faie que sentir vostre tant desirée presence. Quant viendra le iour que ie pourrai veoir vostre incoprehensible beauté? Quant aurai-ie iouissance du fruit de nos futures nopces! Quat serai-ie hors des miseres de ce mondain repaire?

M'amie (dit Iesuchrist a l'Ame) tien toi touiours paree & en bon estat. Car vn iour viendra (lequel ne puis scauoir) que toi approchée du pas de la mort me trouueras au port de falut. Chemines droitement & diligémet pour i paruenir, & a dieu m'amie. Helas bo Iesus (dit l'Ame) me voules vous ainsi tot laisser? que ferai-ie? ou irai-ie? que deuiendrai-ie! Ie me doubte bon seigneur que tantot serai assaillie par les princes du Palais de Voluptê, & qu'ils me feront de l'ennui. Prens courage ma bien aimée espouse, car ie ne m'essongnerai tant de toi que tu i aies dommage, & si te laisserai Grace diuine, gardes toi bien de la perdre. Car sans elle ne pourras faire chose a moi aggreable, et si serois tantot surprinse par tes ennemis. Ie scai bien que tu seras assaillie & guerroice, & le veul ainsi pour auoir

anoir experience de ta vertu qui est parfaite en infirmité, et affin qu'on connoisse quelle amour tu as a moi. Car si tu l'entretiés telle que ie te l'ai donée, Grace diuine te mettra hors de tous ces dangers.

# De saint desir, & oraison.

N disant ces parolles nostre seigneur Iesuchrist se departit de l'Ame incor-porée, laquelle incôtinét au departir ietta vn grát souspir, disant. Ou estès vous mô Dieu, mô sauueur, mô tant bien aime espous, mon souverain ami & seigneur, ou irai-ie pour vous trouuer ! Helas Grace diuine consoles moi. Grace diuine, Volunte, Entédemét & Memoire estoiét tout autour du lit (c'est a dire du cueur de la pauure Ame)qui la consolerent, & mesmement Grace diuine, sui disant. Ne vous desconfortes m'amie, car vostre ami n'est loing de vous,& s'il s'en estongne quelque peu c'est vostre prouffit, voltre amour en croistra et si prédrés plus Tongneus labeur a mieus l'aimer et le chercher.Helas ou le pourrai-ie trouuer (dit l'Ame?) Vous le trouveres (dit grace divine) avec saint desir. Il n'ia chose qui mieuls soit en vostre frác arbitre q desir, par lequel pourres aller cotinuellemet a Iesus vottre espous & parler auec lui, si ainsi est (dit l'ame) ie desirerai asses, mais souuet aduiet q ie desire plusieurs choses qui n'aduiénét,et si en desirát ie parle, n'i a personne qui me responde. Croiés sermemet (dit Grace diuine) que vostre saint desir sera touiours oui & exaulcé, fors en trois cas. Le premier, quát il est des choses no couenables a vostre salut, comme il aduint a S. Paul, qui desiroit estre deliurê de l'aiguillon de la chair. Et Iesuchrist lui respodit que la

que la grace lui deuoit suffire, par ce que la vertu prend sa perfection en infirmité. Le second, quant so. Gera tel desir est de chose vaine contraire a vostre salut. in trast. Et le tiers que vostre saint desir s'euanouit incon-de mentinét, car c'est raison pour obtenir ce qu'on desire, di spiriattendre constamment l'opportunité de l'aide & tualia subuentio qu'on desire selon le raisonnable plaisir

de celui auquel appartient acomplir ce desir.

Ie le confesse (dit l'Ame) mais vne chose me trouble, c'est que souvent ie ne scai qui m'est expediét & necessaire, ne qui m'est cotraire. D'auatage habondent en mon cueur innumerables vains & mondains desirs, & aussi ieme fasche & lasse aucunefois en mes saints desirs, & ne perseuere en iceus.Et par ce vous prie m'enseigner come ie doi desirer. Respodit Grace diuine vous ne deués defirer rié autre chose fors ce que voules demáder & obtenir par oraison, c'est a dire par priere a Dieu. Et come doi-ie prier (dit l'Ame?) Respodit Grace diuine, vtilemet, efficacemet & perseueramet. C'est ascauoir vtilement de chose qui sera au salut de vous & de vostre prochain, & quát a la santé corporelle & psperité téporelle, deués en cela coformer vostre priere & desir a la volunte de Dieu, lui disant en toutes vos prieres, vostre volute soit faite nő la miéne, car sa volunté est iuste, & les voluntés des humains ne sont touiours bonnes & droites.

Comme oraison est necessaire & conuenable pour le salut des humains.

E trouue fort estrange (dit l'Ame) de demander a Dieu par saint desir que sa volunte soit saite, veu qu'elle sera acomplie vueille ou non, & qu'il Ff iiij aduien-

aduiendra ce qu'il a preueu en son eternité m'estre opportun & vtild. Il est vrai (dit Grace diuine)& neantmoins on doit prier Dieu pour autre fin que celle dont vous parlés, car come Dieu ait fait toutes les choses crées sur terre, non qu'il en eusse affaire, mais pour faire les humains participans de sa bonté. Aussi veult il estre aimé des humains & que par saints desirs et oraisons ils parlet a lui pour leur bien, & non pour le sien, en cela est la perfection des humains tout ainsi que la perfection du soleil est en la lumiere,& du feu en sa chaleur. Et par ce fachés Ame incorporée, que Dieu a ordonné que vous & les autres humains cherchés vostre falut par saints desirs, & en acomplissant studieusement les commandemens. Et souvent veut donner a la requeste & priere des saints & saintes la chose raisonnable qu'on demande, laquelle il auoit ordonè en sa diuine prouidence ottroier & donner auant qu'ils feussent saints. Et a cela n'i a rien peruerti de ce qu'il a ordonné en son eternité, car il preueoit qu'il ottroieroit vn tel ou vn tel don , a telle, ou a telle priere & requeste. Il est tout certain que Dieu par lui-mesme pouoit former toutes choses, neantmoins veult les fecodes caufes par lui crées i cooperer, comme l'homme qui naist de son semblable par commixtion charnelle, & les corsinferieurs sont gouvernés par l'operation des cors celestes. Ainsi veut vn home estre sauuê par ses prieres et oraisos, ou par celles d'autres homes et femmes estans en la grace de Dieu, & aussi des anges & esprits celestes.

Aucuns dient que toutes choses aduiennet par necessite d'immutabilité de la diume prouidence (dit l'Ame.) Autres dient que c'est par la necessite des planettes ou par la commixtion des causes, &

que par

que par oraison & autre chose quelconque, la diuine prouidence ne se change. Ce sont heretiques (dit Grace diuine) mais pour vous faire entendre le contraire qui est veritable, sachés que la diuine prouidence a ordoné, non seulement quels effects les chofes auront, mais aufsi pour quelles caufes & en quel ordre lesdits effects aduiendront. Et par ce conuient par necessité que les humains facent quelques choses non que par leurs actes changent & muent la diuine disposition : mais acomplissent quelques effects selon l'ordre disposé de Dieu, & est vne mesme chose es causes naturelles. Exemple. Dieu a disposé donner au laboureur le fruit de son champ, c'est ascauoir par cest ordre s'il est par le laboureur cultiué, labouré & ensemence. Et a ceste raison conuient que l'homme laboure & seme le champ affin qu'il acoplisse cest effect de fruit selon l'ordre donné de Dieu. Ainsi est d'oraison. On ne prie Dieu pour immuer & changer sa disposition, mais affin d'impetrer ce que Dieu a disposè estre acompli par oraison, & par ce veut dieu tout puissant estre souuent prié & interpellé par ses creatures raisonnables pour leur vtilité & prouffit, affin qu'elles prennent quelque fidelle seureté d'auoir recours a lui, aussi pour le reconnoistre createur & auteur de toutes choses, & entendre qu'elles ont touiours affaire de son aide, et aussi que charité par ferueur d'oraison croisse & multiplie en icelles creatures raisonnables.

Quelles oraisons sont les plus efficaces.

Ous aués parle de l'utilité d'oraison (dit l'Ame a Grace diuine) parlons of fi vous plait de l'efficace d'icelle. L'efficace de l'oraison (dit Grace diuine)

divine)est quant elle est faite en Foi, Esperance & Charité. En foi croiant que Dieu est tout puissant pour ottroier ce qu'on demade, tout sapient pour discerner si la chose qu'on demade est necessaire & vtile au suppliant, & tout bon croiant en charite que iamais ne refulera requelte raisonnable, attendu qu'il en a baillé asseurance par l'euagile, disant. Demandês, & vous receures: poulses, & il vous fera ouvert. Toutefois ie treuve de six sortes d'oraisons qui ont plus d'efficace que les autres.

Het D. de 014tione in confilso Constă.

La premiere est l'oraison agille, c'est a dire toute Io. Ger. spirituelle et deschargée des humaines sollicitudes, vains desirs & fantalies corporelles, & a ce propos que fecit disoit saint Paul qu'il prioit en esprit & pensee,& nó cóme ceus desquels Dieu parsoit par sa bouche du pphete Esaie. Ce peuple m'honore de bouche, & son cueur est loing de moi, & a ceste consideration pouès penser combien vallent les oraisons des enfans baptisés non encores chargés d'iniquités, Psal. 8. dont parloit le prophete disant. Vous aues parfait vostre louenge de la bouche des enfans &

alaitans.

La secode est l'oraison accompagnée des bons. C'est a dire qu'une oraison faite en comunité processionnallement ou autrement par commandement ou conseil de l'eglise vault mieuls que l'orai-Hieron. son faite en particulier. Car(come dit s. Hierosme) il est impossible les prieres de plusieurs n'estre ouies. Et a ce propos nous lisons des Machabêes, qu'ils s'assembleret pour faire prieres a Dieu. Aussi quant l'oraison est faite pour l'universel bien de L'eglise.

La troisseme est l'oraison paciente & benigne. Surquoi noteres que l'oraison est de moult

grande

grande essecte de ceus qui endurent paciemment, iniures et dissantions pour sous seus de Dauid, qui Pfal. 8. seus est dissant persecuté par Saul et autres, & par sesenfans mesmes. Aussi est de grande essicace l'oraison des pauures qui ont indigence de biens temporels ou de santé corporelle, & l'endurent paciemment pour l'amour de dieu. Et a ce propos disoit Dauid. Nostre seigneur oit les pauures, & ne desprise les captifs. Autant i'en di de ceus qui sont tentês de

tentations spirituelles & i resistent.

La quatrieme est l'oraison libre non obligée ne lièe de peché. Car oraison ne sert a merite quat elle est faite en peché, & ne sont les pecheurs exaucés comme recite l'euangile, i'entend ceus qui sont en peché mortel & i veullent demourer. A ceste cause l'oraison de ceus q sont hors des dagers du mode, comme bons & vrais religieus & gens de solitaire & contemplatiue vie separés des mondaines solicitudes est plus tot exaulcée que de ceus qui sont au monde iusques aus aureilles, & entre les illecebres & doulceurs d'icelui. Séblablemét n'est de si grade efficace l'oraison de ceus qui sont tenus de faire prieres par susception de biensaits téporels comme s'ils faisoient prieres pour eus ou leurs prochains en pure & simple charité: cæteris paribus.

La cinquieme est l'oraison amiable & modeste, & a ceste consideration l'oraison faite a Dieu pour ses ennemis d'autat qu'elle est plus difficile & procede de plus grande charité, est estimée de moult grade essicace. Séblablemet l'oraison faite pour les sois, princes, et autres constitués en autorité et dig in pradnité, d'autat q le bié comun excede le pticulier. Et sermone, au cotraire pechét moult griefuemet ceus qui les au cotraire pechét moult griefuemet ceus qui les serves de la prince de la cotraire pechét moult griefuemet ceus qui les serves de la cotraire pechét moult griefuemet ceus qui les serves de la cotraire pechét moult griefuemet ceus qui les serves de la cotraire pechét moult griefuemet ceus qui les serves de la cotraire pechét moult griefuemet ceus qui les serves de la cotraire pechét moult griefuemet ceus qui les serves de la cotraire pechét moult griefuemet ceus qui les serves de la cotraire pechét moult griefuemet ceus qui les serves de la cotraire pechét moult griefuemet ceus qui les serves de la constitue de la cotraire de la cotraire

donnent

Digitized by Google

donnent maledictions & detractét d'eus. Aussi est de plus grande efficace l'oraison quat elle est faite a Dieu, en vne honeste vergongne, et qu'elle retiét quelque chose de chaste crainte, c'est à dire quant on se repute indigne de prier Dieu & qu'on s'accuse deuat lui. Et a ce propos disoit saint Bernard. En verité l'ai trouué qu'il n'i a chose plus efficace pour trouuer la grace de Dieu, ou la conseruer, ou la recouurer que s'humilier non voulant scauoir les haultes choses: mais scauoir a sobrieté, & par ce est bien heureuse la personne qui a touiours la crainte de Dieu deuant les seus, & qui se repute plus indigne de se presenter deuat Dieu & le prier que les autres,ceste humilité fait exaucer sa priere, car humilité est la lanterne ou lumiere de toutes les vertus.

Io. Ger. sermone.

S.Ber.

La sixieme est l'oraison humble & subiette, car in pred. l'oraison des humbles & obediens plait touiours a Dieu, & sur ce notés qu'il i a triple humilité, c'est ascauoir d'entendement, d'affection & d'effect, car par le desfaut d'auoir humilité en l'entendement, & de ne se rendre subiet a l'oppinió de l'eglise plusieurs par presumption cuidas plus scauoir que les anciens peres & docteurs de sainte eglise mettent toutes choses en argumentations & contradictios, & doubtent de ce qu'ils deuroient croire, parquoi perdent la foi par laquelle on est exauce, & sans icelle on n'aura iamais ce qu'on demande par orai-Pfal. 129 fon. Et a ce propos disoit Dauid en parlant a Dieu & le priant. Mon Dieu, le mien cueur n'est par or-

gueil exaltê, ne mes ieus par presumption esseues, & si n'ai cheminé es choses grandes, ne en celles qui sont merueilleuses par dessus moi, aussi doit estre l'oraison humble d'affection ne desirant les choses haultes.

haultes, mais en rendant touiours son affection subjette a la volunté de dieu. Et en l'effect on doit auoir semblablement humilité, c'est a dire quant on prie Dieu se mettre de genous la teste nue, faire son oraison en larmes & compassion, combien que Dieu regarde principalement l'humilité de cueur, mais quant il i a humilité dedans & dehors sans simulation l'oraison est de plus grade efficace.

Le demande (dit l'Ame) en quel lieu ie doi prier, Io. Ger. & quant ie doi prier! Respondit Grace diuine. in prad. Que tout lieu estoit conuenable pour saire orai tratt. de son a Dieu & a sessaints, toutes ois que les eglises a médiciDieu dedises i estoient par congruité plus aptes, & tate spiles oraisons i saites de plus grade essicace et vertu. Et quant au tems de prier Dieu que saint Paul
aunit essit qu'on priesse Dieu sons intermission auoit escrit qu'on priasse Dieu sans intermission, toutefois que les iours des dimenches & autres festes i estoient specialemet dedies et ordonnes pour le commun peuple, esquels iours on croit les oraisons estre plus tot exaucées pour la reuerence du saint ou sainte dont on fait ces iours solénite, ainsi que chacun peut connoistre par experience, mais quant aus prestres chacun iour leur estoit establi pour faire priere, & sept fois le iour esquels ils doiuent dire matines, prime, tierce, sexte, nonne, vespres & complie. L'heure de matines commence a Les sept mynuite, & se cotinue iusques a trois heures apres heures mynuite. L'heure de prime depuis trois heures du sour apres minuite iusques a six heures du mati. L'heure naturel de tierce depuis six heures du matin iusques a neuf heures. L'heure de sexte depuis neuf heures iushebrieus ques a mydi. L'heure de none depuis mydi iusques hebrieus a trois heures apres mydi. L'heure de vespres de-puis trois heures apres mydi iusques a six heures au

soir: & l'heure de coplies depuis six heures au soir iusques a neuf heures, qui sont les sept heures selon la computation des Hebrieus, esquels nostre seigneur Iesuchrist celebra le mistere de sa sainte mort & passion. Et doiuent les prestres & autres obligés par l'eglise a dire les heures canoniales, les dire a sept heures ou au dedans d'icelles, combien que l'heure de matines quant aus prestre seculiers est mise auant six heures au matin, mais les reguliers sont tenus les dire entre mynuite & trois heures ou autre heure selon leurs constitutions.

Parlons de moi & de gens seculiers (dit l'Ame) ne sommes nous tenus faire a Dieu oraison que les festes: Vous m'auês dit qu'il couenoit pour la perfestio sierce d'oraison perseners en icelle. & austi

vkimo.

fectio tierce d'oraison perseuerer en icelle, & ausi 7. Thes. que saint Paul commandoit prier Dieu sans inter-

mission. Ie vous ai dit (respodit Grace divine) que les sestes estoient specialemet ordonées pour faire oraison, mais pourtant ne s'ensuit qu'on ne doine prier Dieu sans cesser, par ce qu'a toutes heures on a affaire de son aide, & nuite & iour en dormant & en veillant, en beuuant & en mangeant & en fai-

en veillant, en beuuant & en mangeant & en faifant toutes autres choses, toutefois on n'est tenupour ce faire laisser son labourage, astuce & mestier, car Iesuchrist vous a baille la forme fort brieue, mais copédieuse pour le prier, aussi ouir vne

messe ne seroit longue demeure sans s'arrester a oraisons verballes empeschás son estat ou mestier.

Et pour entédre la parolle de saint Paul disant.

in prad. Pries sans intermission, vous noteres que celui prie trast. de Dieu continuellement qui fait aucunes bonnes médici- ocuures a la gloire de Dieu, soit en beuuant, mantate spi- geant, dormant, veillat, se recreant pour estre apres rituali. plus apte a seruir Dieu & faire ses commandemés.

& ausi

& aussi en faisant son labourage, estat & mestier, aussi en faisant l'acte de mariage & prenat son aise sans excés, pour ueu qu'on face le tout a la gloire de Dieu reconoissant que Dieu veut qu'on mage, boiue & dorme pour viure, qu'on trauaille pour se nourrir, qu'on multiplie l'humain lignage par le facremet de mariage, le merciat de toutes ces cho-Les, et aucunefois quant on se trouue a quelques se-Rins ou qu'on pret son repos en lits courtines, penser & dire a Dieu en son cueur. Mon dieu ie ne suis digne d'auoir ces biés corporels, & proteste que ie no les veul prendre pour vous offenser, & si ie scamoie qu'il vous despleusse ne les prendroie.

Ie scauroie voluntiers (dit l'Ame)pourquoi fouuent soubs forme d'oraison on dit plusieurs. pleaulmes, qui ne semblent estre oraisons a Dieu, par ce qu'aucuns d'iceus font mention d'ire, vengeance, guerre, louenges, complaintes & autres diuers propos. Aussi souuent ceus qui les dient n'entendet latin ou n'ont l'intelligence du pseaulme qu'ils diront. Il est vrai (dit Grace diuine) mais la maniere de faire oraison & prier Dieu n'est touiours semblable. Et pour l'entendre sachés qu'on Io. Ger. peut prier Dieu en trois manieres. La premiere par eodem ouenge quant on pense ou qu'on recite les louen- traff. ges deues a Dieu, les grans benefices qu'il a fait aus humains, ensemble son inuincible puissance, incomprehésible sapience & inesfable bonté, soit de bouche par cerimonies ecclesiastiques, instrumens de musique & cloches, desquelles louenges les pseaulmes de Dauid & d'autres sont tous pleins. La seconde quát on recite & rememoire la tiránie, malice & iniquité des diables, la cruauté des Iuifs qui tant tourmenteret nostre seigneur lesuchrist, la ma-

la malice & pertinacité des infidelles & heretiques dont vous trouverés ausi plusieurs propheties par les Pseaumes de Dauid. Et la troisieme quant celui qui prie maniseste sa misere, pauvreté, angoisse & calamité, & qu'il se connoit pecheur impuissant de s'aider & destitué de vertus, au moié dequoi ne scauroit trouver aide & secours ailleurs qu'avec Dieu. Et souvent on fait telles oraisons par meditation sans aucune chose demander a Dieu, mais on lui descouvre seulement ses necessités & pauvretes: & par ce qu'on s'estime indigne de faire demande, ou que la chose est si grande qu'on ne l'ose demander. Ouquel cas nostre seigneur Dieu, done ce qui est necessaire avant que le demander.

Io. Ger. eodem tract.

le vous di d'auantage qu'en faisant priere & oraison a Dieu (qui n'est autre chose qu'une humble elevation & deuotion finalement referées a Dieu le priant a diverses affections & desirs & ne tend touiours a vne seule chose, mais varie en plusieurs forces, & neantmoins l'effect de l'oraison demeure touiours, car aucunefois l'affection du priat s'affiche en vne profunde reuerence & subjection a Dieu considerant d'une part la diuine haultesse & de l'autre part la misere d'humaine fragilité, comme feroit vne humble & simple creature qui en r'encontrant son roi temporel par humilité se reculleroit & mettroit hors de la voie comme indigne de s'aprocher de lui, aucunefois en penfant aus merueilleus iugemens de Dieu, aucunefois quant le pecheur considere ses iniquités innumerables & tresgriefs pechês dont nele peut retirer sans le divin secours : Aussi en considerant l'infirmité & ignorance d'humaine nature inclinée a pes ché, a quoi ne pourroit de lui-mesme & sans Dieu obuier.

obuier, aucune sois que la persone agitée de pressee. demaladie, perte de biens, ennuits, molestes & tentations spirituelles est en angoisses, et en larmes, piteuses (non par desespoir) recogite la bonte des Dieu, & que s'il lui plait le mettra hors de tous ces pondereus affaires, aucunefois on a des langueurs, qu'on ne peut exprimer de bouche, mais seulemet. par fouspirs, gemissemens & continuelles plaintes inuoquant seulemet le nom de Dieu en disant. Ha: mon Dieu que ie suis triste, aucunespis la personne pense au grans benefices que Dieu lui a faits en sa creation, redemption & nutrition dont elle a este: ingrate & en douleur se deplait a elle-mesme detestant sameschante vie, aucunefois recogitant les occasions de peché lesquelles elle veut suir affin de plus n'offenser Dieu, aucune fois deliberatieusner, porter la haire & faire autres afflictios pour punir la chair inclinée a peché: Aucunefois deliberant faire aumones & autres oéuures charitables pour l'honneur de Dieu: Aucunefois en considerant la consolation de ceus qui viuent droitement & gardent les commandemens de Dieu, et la peine, douleur & misere de ceus qui font le contraire. Aucunefois en regardant sa chaste espouse, ou son: chaste mari, & ses enfans sains & droitement viuas dont on loue Dieu, aucunefois pensant aus hon a neurs mondains & richesses temporelles qu'on a et qu'on tient en humilité comme si on n'en audit point desirant en vser comme appartient, ou les perdre, aucunefois recogitant les ioies de paradis & les peines d'enfer, aucunefois en preschant ou. composant cantiques, dictes, & liures en l'honneur de Dieu & ses saints & saintes. Et aucunesois l'affection de la personne est excitée a diuine amour Gg

par la consideration de la diuine bonté, pésant que les chrestiens par la vertu de la foi sont saits enfans de Dieu adoptifs & freres de nostre seigneur Iesuchrist & ses coheritiers de l'eternel roiaume, laquelle meditation est la plus parfaite & plus haulte que toutes les autres, car comme dit saint Bernard, par celle on viét a baiser nostre seigneur Iesuchrist en la bouche, & par les autres meditations on ne baise que les pieds & les mains. Et vous asseure Ameraisonnable que par ceste excellente meditation ou cosideration seres touiours en esprit auec nostre seigneur Iesuchrist.

# Exposition de l'oraison dominicalle contenant plusieurs contemplations.

diuine)quelles prieres & requestes ie 🚮 doi faire a dieu. Vous lui en ferés sept 🌠 (respodit Grace divine) qui sont cotenues par l'oraifo dominicalle foubs laquelle font comprinses toutes les oraisons qu'on fait a dieu en sa sainte eglise. Et a ceste cosideration et aussipar ce que ladite oraison est brieue et coposee par nostre seigneur Iesuchrist est dite et iugee la plus parfaite & meilleure de toutes les autres, toutefois apres icelle on doit dire celles qui sont ordonnées par l'eglise, scauoir est ceus qui sont a ce obligés, & si faut garder de laisser les oraisons & heures ordonées et approuées par l'eglife pour dire autres orailons faites & coposées par ges deuots en leur particulier. Or donc vous dirés sur tout l'oraison dominicalle deuotement contenát sept petitions & requestes, sur lesquelles pourrés faire les fept oraisons qui s'ensuivent.

🐒 E reste scauoir (dit l'Ame a Grace

Pater

## Pater noster qui es in cælis sanctificetur nomen tuum.

Nostre pere habitant es cieus, oies la voix de vos enfans estás en ce mode corporellement & desirans aller au pais celeste nostre maison paternelle. Nous connoissons vostre sublimite (coditeur, seruateur & moderateur) qui est au ciel & en la terre & nostre misere & humilité, & n'oserions vous appeller pere qui fommes indignes d'estre vos seruiteurs et de vendiquer le nom de siliation duquel n'auês voulu honnorer vos anges, finon que vostre gratuite, bonté nous eusse adoptés, nous estions sers de peché malheureusement engendrés d'Adam enfans de Sathan par l'esprit duquel estions a tous vices & pechês agités & excités: mais vous aiant pitie & misericorde de nous, par vostre vnique fils lesus nous aues deliures de la seruitude de peché, emácipes du diable, mis hors l'heredité de l'eternel feu, & par foi & baptesme entés ou cors de vostre eternel fils lesus pour enfans adoptés, et au nom d'heredité des chrestiés appelles. Nous n'oserions autre chose vous demader pere eternel, fors ce que nous a comade vostre fils, n'en autre maniere vous prier forsen celle qu'il a ordonée par ceste sainte oraison dominicalle. Aussi nous a il promis que tout ce q nous vous demade. rons en son nom que nous l'auros et obtiendros, et seroit par vous ottroie. Et par ce q vostre fils estat en ce mode n'a desiré chose plus ardammet que la clarification de vostre saint nom, nonseulemet en -Iudée, mais en toute la terre. Nous (a son exemple) vous prions & supplions pere eternel que la gloire de l'ado-Gg ij

de l'adoration de vostre nom r'emplisse le ciel & la terre, a ce que toute creature craigne vostre ineuitable puissance, venere & honore vostre eternelle

sapience, & aime vostre inessable bonté.

Le scai bien que vostre gloire (comme immense qui n'a commencement ne fin) florit touiours en elle, & qu'elle ne peut croistre ne diminuer, mais il est couenable a tout humain lignage qu'elle soit par tout coneue. C'est nostre vie eternelle de vous auoir conneu seul & vrai Dieu & Iesuchrist que vous aués ça bas transmis. La splendeur de vostre nom estaigne & abolisse en nous toute humaine gloire: car toute gloire qui est hors de vous c'est vraie ignominie, iniure & infamie. O pere eternel toutes humaines creatures doiuent a vostre bontê & misericorde vous conoistre auteur de toute nature celeste & terrestre, & adorer vostre fils pareil a vous, & de croire le saint esprit proceder de vous deus. Ce que ne font les paiés, iuifs, sarrazins, & aucuns heretiques. Et par ce vous prios que les paiés ydolatres laissent la culture de leurs simulachres & a vous seul facent veneration. Que les iuifs (la superstition de leur loi mise arriere) soient par vous inspirés, & si ores ils vous adorét dont toutes choses procedét, vous prions neátmoins qu'ils puissent conoistre vn fils par qui toutes choses sont faites, et le S. Esprit consors de ceste diuine nature, & adoret vne melme maieste & deite en trois personnes & triple proprieté des psones en vne simple essence & autat vous plaise en faire & doner aus heretiques,a ce que toute natió, toute lágue, sexe, & tout aage s'accordét en la gloire et louége de vostre no. Et nous (qui nous appellons vos enfans) ne diminuons voltre gloire enuers ceus quine vous connoissent

moissent par maintes manieres de peché, & d'offenses scandaleuses, de sorte qu'en voiat par eus nostre vie ainsi qu'aues este parsaitement glorisse en vostre eternel sils Iesus, aussi a la mesure de nostre imbecilité soies en nous glorisse, ce qui se sera si le monde nous voit viure selon la doctrine de vostre sils en vous aimant sur toutes choses & nos prochains comme nous-mesmes. Ce que humblement nous vous requerons saire, a ce que vostre nom soit en nous saintisse, & que toutes humaines creatures puissent cleremét connoistre que vous estes seul vrai Dieu, seul eternel, seul immortel, seul puissant, seul sapiét, seul bon, seul misericors, seul iuste, seul veritable, seul admirable, seul amiable, et qu'on doit seul Dieu adorer en trois personnes,

Adueniat regnum tuam.

Ere celeste, auteur, conditeur, conservateur, instaurateur & gubernateur de toutes choses estans ou ciel
autorité, puissance, regne & empire,
le throne duquel est le ciel, le marchepied ou éscabeau le monde, & le sceptre, eternel & imnobile
volunté, auquel nulle puissance peut resister. Autresois par vos ancies prophetes aués promis pour
le salut d'humain lignage vn rosaume spirituel qui
asseureroit vos ensans en vous regeneres en libertê, eximes & exemptés de la tirannie du diable qui
lors regnoit en ce monde chargé & obligé a tous
pechés. Et pour mieuls asseurer ce roiaume spirituel, aués enuoie vostre fils vnique des cieus en
terre, lequel (apres nous auoir par sa mort r'acheptés) nous a faits de serviteurs du diable, ensans de

Gg iij

Dieu, & par son euangelique doctrine quant estoite en terre parloit sounent du roiaume des cieus qui nous estoit abscond & occulte, & lequel il nous promettoit en conténant ce roiaume terrestre qui consiste en richesse mondaines, en larrecins, homicides, tirannies & guerres & est gouverne par ambition, orgueil & par violence & cruauté, conduit et dessend. Et a ceste raison dessrons que vossitre roiaume nous aduienne, & qu'il vous plaise nous le donner, & pour i paruenir la grace de vaincre la chair, le monde & le diable par l'acomplissement de toutes honnes oéuures a vous agreables, ce que nons esperons non par nos merites: mais par vostre eternel sils lesus.

# Fiat voluntas tua sicut in calo & interra.

Pere celeste moderateur de toutes choses vous connoilles la force des aduersaires que nous auons en ce bas lieu, qui sont la chair, le monde & le diable.La chair est toujours rebelle et cotraire à l'esprit, La volunté du monde est aimer choses fluxibles & peu durables, Et le diable conseille & incite a faire les oeuures qui meinent les gens a damnation perpetuelle, vostre volunté est garder nos ames & cors en chasteté & purité. Pre-Ferer vostre honneur & celui de vostre eternel fils Jesus a toutes choses, & viure en amour & charité fans ire, enuie, indignation, murmure, blaspheme, auoir humilité fans orgueil, estre diligent & songneus a vous feruir & obeir,& fobre en boire, manger, dormir, parler & en vestemés. Toutes lesquelles choses sont necessaires pour auoir vostre amour & vostre roiaume. Et par ce vous supplions nous donner la grace de faire & acomplir vostre volunté qui est toute bone & sainte, & non la nostre qui est toute mauuaise & peruerse. Et si la chose nous desplait, poignés, argués, disciplinés et chastiés les rebellans de vostre amoureuse verge d'aduersité paciente.

# Panem nostrum quotidianum da nobis bodie.

Pere eternel qui rassassiés toutes choses par vostre inesfable benignité. Je scai & connoie ? que les enfans de ce mode tat qu'ils sont soubs l'aesle & gouvernement de leurs peres & meres n'ont souci ne occasion de biens temporels auoir pour leur nourriture par ce q leurs peres & meres. en sont plus qu'eus curieus. Et a ceste raison ie croi pere eternel (qui nous aimés trop plus que iamais pere & mere naturels ne feiret leurs enfans) que ne deuons en auoir cure ne sollicitude, attêdu mesmement que vostre eternel fils Iesus estát en ce mode nous enseigna n'en auoir sollicitude ne péser de la vie du lendemain: mais nous asseurat que vous pere tant opulét, riche, begnin & amoureus, & qui de nous aués si grade cure, et nourrisses les passereaus, reuestés les lis des champs de plus belle & riche yesture que celle de Salomon, ne nous laisserés (qui fommes vos enfans) nuds et sans noutrieure. Et en ceste foi vous prie, o pere eternel qu'il vous plaise nous donner la spirituelle & celeste viande, c'est la doctrine euagelique & le saint sacremét de l'autel, car sans ceste nourriture ne pourrions viure spinituellemet, nous la pourrios prédre en oiant les prèdicatiós et en comuniát: mais elle ne feroit a nostre falut si elle ne nous estoit par vous donée, parquoi vous prions nous la donce par chacu jour en sorte que puissons receuoir ce procieus pain des anges. Gg iiij

c'est vostre eternel fils lesus par chacun iour a tout le moins spirituellemet & semblablement la sainte doctrine euangelique, en nous preservant de tous maurais precepteurs; docteurs & predicateurs, & de leur venin couvert de sainteté simulée.

Et dimitte nobis debita nostra: sicut & nos dimittimus debitoribus nostris.

Sumpsi ex exportitione istius petitiois

quă edidit D. Io.Ger. Pere celeste, auteur de paix & amateur de concorde ie vous ai tant offensé & delinquê cotre vostre bontê que ie n'en scai la quantité, la qualité, ne la maniere, vous plaise le tout me

remettre & pardonner tout ainsi que ie le remet a ceus qui m'ont offensé. Et prémierement ie quitte mes debteurs & autres viuans en ce monde en maniere que ie ne vouldroie aucun d'eus estre dané: mais destre leur falut en faisant par eus (vous inspirant) ce qui est de instice & droiture. Et ainsi vous plaise me pardonner mes offenses, & ce me sera asses, car par le moien de ceste dimission & desir de mó salut ie ne serai damné; mais sauué, qui est tout ce que se vous demande.

le remet ainsi a mes debteurs & autres, que ie les veul et desire tous bos, modestes, temperes, corrigés de malice & convertis a vertus par vostre inessable pitie, de sorte qu'ils ne peussent nuire a eus ne aus autres, mais profsiter, & qu'en gardant leurs personnes de mal, ils cessent de pecher. Semblablement vous prie o pere eternel que me corrigés en manssuetude & essacés ma coulpe par vostre gra-

cieuse bonte.

Ie remet a mes debteurs en sorte que s'ils ne veullent eus corriger par doulceur, qu'ils soient flagellés Magellés des pacientes aduersités, affin qu'en continuant en leurs pechés, nuisans a leurs prochains & estans mauuais a eus & aus autres, ne meurent plus damnablement. Semblablement vous prie me remettre mes debtes par flagellations & aduersités en misericorde, affin que ie ne soie eternellement damnê,

Item remeta mes debteurs en ceste maniere, Que iacoit-ce que ma sensualité offensée de leurs dits & faits murmure cotre eus & appete végeace, neantmoins ie desire selon le iugement de la raifon superieure adherant a vostre loi, que ma senfualité se pacifie & soustienne benignement & paciement en traquilité d'esprit, ce que lui feront ses ennemis come ses amis, tout ainsi que charité sans laquelle on ne vous peut complaire, est paciéte & benigne, & ne s'irrite de chose qu'on lui face. Semblablement vous plaise me remettre, mon pere celeste, en sorte qu'il ne vous plaise faire aucue chose cotre moi, fors en misericorde & benignité, ce que vous ferés s'il vous plait, car tout ce que vous voulés, vous poués. Finalemet ie remet a mes debteurs l'outrage qu'ils m'ont fait dôt iene vouldroie par vostre inspiration demander ne prendre vengeace ne i consentir de propos deliberé, par ce que ce seroit contre les reigles de vostre iustice qui a retenu à elle vengeance de toutes offenses, laquelle aucunefois prenes par vous-meline sans mediateur, aucunefois par les iuges ordonnés en terre, executeurs de vostre vengeance. En quoi desirant selon ces deus limitations la superieurité de vostré iuridition ne feroit violêe, neantmoins ie voi qu'il est plus seur a moi tant petit et pusille & qui ne suis constitue juge fur les autres, me desister & taire de 

ce desir de vengeance que par vous & par les iuges pourroit estre iustement executée, cosiderant que s'il vous plaisoit de ceste rigueur de iustice contre moi vser, ie seroie pour mes iniquités par iuste végeance diuine eternellement damné. Et par ce soit deuant vous tout mon desir en misericorde & miseratió, priant et plorat pour les pauures pecheurs: car ie scai que vous aurés misericorde de ceus aufquels aurés donné la vertu de misericorde & pities

## Et ne nos inducas in tentationem.

Pere celeste combien que sachons veritablement que vostre inestimable charité nous affeure & rend fermes cotre tous mauls, toutefois considerant l'imbecilité d'humaine nature, & que sommes incostans & muables & diuersement tentés de la chair, du monde & du diable. O cher pere conservés nous, et ne permettés que tumbons en tentation, ne que plus pechons contre vous & nostre prochain, en nous donnant la grace de resister & batailler victorieusemet contre tous assaus, & d'i perseuerer iusques au terme de nostre vie, car sans vostre grace & aide ne pouons rien faire.

# Sed libera nos à malo, Amen.

A feptieme & derniere petition est:
mais nous gardés de mal, c'est a dire:
mais o pere eternel qui conoisés les
dangers ou sont nos ames & cors
vous plaise nous garder, preseruer &
deliurer de tout mal spirituel et aussi de tous mauls
corporels & téporels q scaués estre cotraires a vostre gloire & a nostre salut. Ainsi soit il o pere eternel, non pour l'amour de nous qui en sommes indignes,

dignes, mais par vostre eternel fils Iesus & parles merites de sa douloureuse mort & passion a l'honneur de sa glorieuse resurrection & triumphante ascension.

Comme on peut prier la vierge Marie, les neuf ordres des anges, & tous les saints & saintes.

Ous m'aués dit (repliqua l'Ame a Grace diuine) que Dieu a la requeste de la vierge Marie, de ses anges, saints & saintes ottroie aucuesois ce qu'on lui demande: & a ceste raison je croi

lui demande: & a celte raison ie croi qu'on les doit prier, & de ma part souuent me suis a eus adressée, dont ie me fuis bien trouuée, toutefois aucuns veullét dire que le feul mediateur entre Dieu & l'hôme & le vrai aduocat des humains est Iesuchrist quant a son ame & cors glorieus (come a escrit S. Paul) et qu'a ceste consideration on ne se doit adresser a autre pour prier et interceder pour **le**s humains a la deité, attendu qu'il n'i a ange, saint ne sainte en paradis qui le veuille plus tot, ne sache mieuls faire que lui. Il est vrai (dit Grace diuine) ce qu'en a escrit saint Paul: mais deues entendre que Lesuchrist est le seul mediateur, c'est a dire que par lui seul & sa mort & passion nature humaine a esté reconsiliée a Dieu,& non par autre, & qu'il est aduocat des humains deuant la deité. l'entend son ame & son glorieus cors & que sans lui & sa grace aucun ne scauroit auoir l'eternelle beatitude, neatmoins il a voulu qu'a la gloire & honneur de sa deite & humanité, la vierge Marie sa mere, ses apostres, les anges, saints & saintes de paradis soiet reueres & pries par les viateurs de ce monde

de lui faire pour eus priere, tant pour les merites des anges, saints & saintes que pour l'humiliation des humais viuas. Et iacoit-ce qu'il ne soit besoing en faire autre proeuue que par l'ordonace qui en a esté faite par l'eglise qui est la congregation dessidelles laquelle ne peut errer. Vous trouveus et eutre tesmoignage tant au vieil qu'au nouveau te autre tesmoignage tant au vieil qu'au nouveau te

Gen. 18 stament. Le patriarche Abraham pria l'un des trois anges qu'il veit & adora. Loth pria les deus anges qui le vindrent deliurer des cités de Sodome &

Gen. 19 Gomorre. Iacob fit priere a l'ange quant il luicta auec lui. Raguel pria pour son gendre le ieune To-

Tob. 10 bie & sa fille Sara disant. L'ange Dieu vous conduise. Et par les euangiles qui sont du nouueau testament trouuerés que nostre seigneur Iesuchrist a commandé a ses apostres & disciples prier Dieu l'un pour l'autre. Saint laques en sa canonique le dit ainsi. Saint Paul escrit qu'il prioit pour ses freres en Iesuchrist. Saint Estiéne premier martir pria Dieu pour ses persecuteurs. Les apostres apres la remission du saint Esprit prierent Dieu l'un pour l'autre, comme il est contenu en leurs actes

Vous pourres dire (Ame raisonnable) que tout ce que i'ai dit ne fait métió des humains saintifiés et glorisses, mais seulement des anges & des viuans. Je vous respód que les ames glorisses ont telle puissance de prier que les anges, i'entéd par l'ordre de leurs merites. Et si Dieu a voulu que pour la perfection de charité les humains viuas prient l'un pour l'autre, par plus sorte raison le veut de ceus q sont en parsaite charité lassus en paradis. Vous scaués asses qu'a peine trouuerés vne personne sans pechè veniel, & si Dieu veut par telle personne estant en sa grace estre prié, a plus sorte raison le veut estre d'une

d'une ame glorieuse qui est sans pechê et qui iamais ne peut pecher. l'entend bien qu'a la priere & par les merites de l'ame & humanité glorieuse de lesus la deité veut tout faire dont elle sera par Iesuchristrequise, & que lesuchristest plus presta faire priere a Dieu pour les humains qu'ils ne sont de l'en requerir,neantmoins comme i'ai dit veut a la gloire de Dieu que les saints & saintes qui ont fait ce qu'il leur a commandé & sont decedés en foi Soient a sa gloire & au proffit des humains reuerés

& priês par les viuans.

Il est escrit en Iob. Appelle si aucun te respodra, & te conuertis a aucun des saints. Saint Augustin Aug. in pria les saints en ceste maniere. Le vous prie par la li. medi. charité de Dieu le pere qui estés asseurés de vostre cap. 23. falut que soies soliciteus de nostre misere. Maistre Iean Gerson docteur irrefragable en theologie al- Io. Ger. legue a ce propos vne raison naturelle, qui est que in trast.

Dieu seul et sans cooperations des choses secondes de menqu'il a crées pourroit faire toutes les generations disspiriqui se sont par commixtion d'hôme & femme par la vertu du soleil & autremét & influer es cors des tuali. creatures raisonnables & irraisonnables les influéces et dispositions qui leur sont influées par les planettes & autres cors celestes qui sont causes secondes, & neantmoins Dieu veut & a ordoné lesdites choses estre faites soubs lui-& son pouoir par lesdites causes secondes . Par semblable veet & peut faire plusieurs miracles tant sur les esprits que sur les cors & biens des humains par les prieres & merites des saints & saintes, comme ses causes secodes spirituelles dont vous voies chacun iour les experiences par divers miracles faits au moien des prieres & voiages qu'on fait a Dieu & aus saints &

faintes & qu'aucuns sont gueris d'une maladie on aduersité, & autres d'autres maladies a la requeste d'autres saints & saintes, ainsi qu'il a pleu a Dieu leur diuiser ses graces. Et a ce propos dit Iesuchrist en l'euangile, qu'en la maison de Dieu son pere estoient diuerses mansions.

Et par ce ie conclus que deués prier la vierge Marie, les anges, faints & faintes de paradis a ce qu'ils aient a prier Iesuchrist pour vous & vos necessités, ce que pourres faire par l'oppinion dudit

Gerson en quatre manieres.

Io. Ger. La premiere est de vous adresser au saint et sainte in præd. que vous connoistrés par tesmoignage de l'eglise trast. de estre plus pres de Dieu en glorissation, comme médici- l'ame de Iesuchrist & son glorieus cors, la benoiste tate spi-vierge Marie sa mere, saint Iean Baptiste, les aposities & disciples, & aussi les autres saints & faintes.

La seconde de vous adresser au saint auquel aurés particuliere deuotion, comme au patron de l'eglise ou aués prins baptesme, & dont vous estès parochienne, ou au saint ou sainte dont portés le nom, aussi a celui dont aués en grade estime la vie, & singulierement a vostre bon ange deputé pour vostre garde, lequel deués reuerer en vne merueilleuse consiance.

La troisieme que vous adresses au saint & sainte par la legende duquel connoisses qu'il a eu priuilege de Dieu pour vous impetrer allegeance de l'aduersité spirituelle, corporelle ou temporelle en laquelle poués estre, car comme dit saint Paul.

1.Co. 12 Les graces de Dieu sont diuisées & aussi les ministrations de sorte que chacun en a de diuerses manieres, comme la vierge Marie, saint Iean Baptiste,

fain i

faint Iean l'Euangeliste, saint Ioseph & autres vierges doiuent estre pries par ceus qui veulent viure en virginité. Et ceus qui sont tentes de charnalité, doiuent auoir recours a la Magdaleine, a fainte Marie Egiptienne, a faint Hierome & autres qui ont esté pressés & ont resisté & ainsi des autres. Et principalement on doit plus reuerer & prier les saints & saintes pour choses spirituelles que pour les necessités corporelles & temporelles, ou a present on abuse en l'eglise, car par l'auarice d'aucuns prestres les saints et saintes qui sont reclamés pour auoir guerison de quelque grant mal corporel seront plus reueres & pries que la vierge Marie ne que les apostres. Et d'auatage aucunefois par auarice on fait plus de reuerence aus images des saints & saintes & a leurs reliques qu'au saint sacrement de l'autel & precieus cors de Iesu-christ qui est celui qui fait tous les miracles. Ie ne veul pourtant reprouuer les images, esquels reuerant la reuerence est terminée non a l'image, mais au saint representé par l'image. Et quant aus reliques doiuent estre reuerées par ce que ce sont les ossemens des cors ou le saint Esprit a fait habitation.

La quarte si vous pensés en la couersation d'aucunes personnes viues ou decedées que vous aués conneues estre de vie approuuée, les poués prier particulieremet et par vne secrette deuotio, cobien que telles personnes n'aient esté canonisées par l'eglise. Et entre autres les petis enfans decedés en innocence apres le sacrement de baptesme, car on est atseuré qu'ils sont en paradis. Et vous aduerti Ame incorporée que si on fait oraison aus anges, la vierge Marie, saints & saintes de paradis leur doit estre

## Le tiers hure

estre faite & dirigée, non qu'on attêde auoir d'est ce qu'on demande, mais de Dieu seul par leurs nerites & intercessions, & premierement par nostre seigneur Iesuchrist & par ses tresdignes merites, specialement & principalement, car ne deues tant vous consier es anges, saints & saintes que nostre seigneur Iesuchrist en soit oublié, mais l'auoir touiours deuant vos seus.

Comme l'Ame incorporée se mit au chemin du port de salut auec sa compagnie : Et de l'honneur qu'on doit faire a la croix.

les deus chemins pour aller au port de falut.

Premier

de la grã

de reli-

chemin

Pres ce faint & facrê conseil tenu, l'Ame incorporée se mit a chemin auec toute sa compagnie pour aller au port de falut que tant defiroit, ou elle fut conduite par le tems montée & equippée de chariots & cheuaus, comme nous auons veu au commencement, non sans trouver plusieurs ennemis, comme nous verrons Dieu aidant. Or en continuant le chemin a l'issue d'une ville trouuerent vne grade croix qui separoit deus gras chemins. L'un plus batu que l'autre, appelle le grant chemin de chrestienne religion, par lequel passoient gens a soulle de tous estats chrestiens, comme papes, cardinaus, patriarches, primats, archeuesques, euesques, curés, recteurs, chanoines & prestres seculiers. Et aussi empereurs, rois, ducs, cotes, marquis, princes, cheualiers, escuiers, châceliers, presidens, gens de guerre & de iustice, gens de labeur & marchandise & toutes autres manieres de chrestiens de vie actiue. Par l'autre chemin appellè le chemin de claustrale religion alloient abbês, prieurs, generaus, ministres, gardians, moines, cloi-

giö chreftienne. Second chemin de claustrale religion.

\_Digitized by Google

**f**triers

Ariers de faint Benoit & faint Augustin: misi religieuses desdites ordres, celestins, chartreus, bernardins, chanoines reguliers, religieus de saint lea de Hierusalem, iacobins, carmes, augustins, freres mineurs & autres religieus cloistriers.

Des ce que l'Ame eut apperceu la croix, auant Contema que s'enquerir du chemin qu'elle prendroit se des-platio & cendit de cheual: & elle de genous prosternée en la croix. l'embrassant & iettat ses ieus vers le ciel (desquels. fortoient doulces & amoureuses larmes) dit telles ou semblables parolles. Ou estés vous bon Iesus mon fauueur,ma nourriture,mon cofort,ma confolation, mon espoir, ma ioie, ma felicité, mon desir et toute ma pensée! Puis que mon miserable et tenebreus cors m'empesche de vous veoir des seus corporels & que ne vous puis regarder, baiser ne accoller corporellemét amoureus espous: ie regarderai ceste digne croix representant celle ou vous triumphastes cotre la mort de peché, & en laquelle prinstes mort corporelle & temporelle qui a vaincu la mort infernalle & eternelle, c'est l'estandart & baniere roialle de nostre salut, c'est l'instrument de nostre redemption.

O digne croix ie t'adore, & en te voiant i'adore Adora» & reuere le benoit Iesus qui a pendu en croix. O tio de la qu'eureus sut le bois de la croix ou l'eternel fils de croix. Dieu incarné ou virginal & sacrê vétre de la vierge Marie, a esté crucifié, pédu, cloué, ataché, & son digne costé perce & fendu, & son precieus sang est pandu. O bon Iesus par ce saint & sacrè signe de la croix, vous plaise nous conduire au port de salut, & en i allant nous garder de tous nos ennemis vifibles & inuifibles, ie scai bien Iesus que sans vous serai affollèc et vaincue, aies pitie de moi amoureus Hh

Iesus il vous plait. L'Ame ne cuida iamais laisser ceste croix,mais le tems la pressa de remonter sur sa haquence & passer oultre, toutefois auant le depart de ce lieu foi lui dit asses hault et deuant toute Come on la compagnie. Ame raisonnable ie suis ioieuse dot vous aues touiours memoire de vostre espous Ieaider du sus, & dont pour l'amour de lui reuerés le signe de figne de la croix, car meilleur baston ne poues porter pour la croix. vostre dessense. C'est quant seres assaillie par orgueil que vous aiés memoire & souuenance que vostre espous Iesus fils eternel de Dieu qui a pédu. en la croix, a esté si humble que pour l'amour de vous & de toutes les humaines creatures il a voulu estre en abiection & petite reputatió se monstrant touiours le plus humble de tous les autres. Si ambition vous veut empescher & nuire, penses qu'il ne voulut onc auoir les roiaumes & honneurs du monde. Si presumption, iactance, arrogance, inobedience, adulation, ingratitude, ypocrifie, & fol iugement, tous enfans d'orgueil, vous font la guerre: prenes la croix, & en la regardant aies me. moire que le bon Iesus, izçoit-ce qu'il fusse & soit vrai fils de Dieu, egal a son pere quant a la deitê & de mesme substance : neantmoins lui estant en ce monde en cors mortel onc ne presuma de son humanité, mais eut touiours recours a la diuinité en tous ses faits & miracles. Toujours fut douls, begnin & gracieus en sa doctrine sans arrogance, oncne se iacta nevanta de chose qu'il cusse bien peu faire. Il fut obeissant a Dieu son pere iusques a prendre mort, lors qu'il dit ou iardin d'oliuet. Mon pere vostre volunté soit saite. Onc il n'ysa de flaterie ne adulation: mais dit touiours verité en reprenant les Scribes & Pharifiens

æ. . . . . .

risiens de leurs ypocrisies & simulations. Il n'a esté ingrat enuers la deité : car apres tous ses faits rendoit touiours graces a Dieu son pere. Ilne melprisa one personne: mais conversoit avec les pecheurs & publicains pour les sauuer. Il vi-uoit non seulement de vie parsaite: mais aussi de la commune vie sans superstitions ne ypocrisie, tous ses iugemens estoient veritables, misericor-

dieus, & pleins de pitie.

Si vous estés assaillie d'auarice mettes deuant remedes vos ieus la croix de vostre espous Iesus & consi-contre derés que lui qui estoit & est roi des cieus & de la auarice. terre, voulut naistre en pauure lieu emprunte, & dit depuis, qu'il n'auoit retraite en ce monde pour recliner son chef, & d'auantage il voulut viure en pauureté,& mourir pauure & nud en la croix . Si Iuxure vous poursuit par tentation, rememores remedes que vostre espous Iesus aima souuerainement vir-contre ginite: car il voulut naistre d'une vierge & que sa luxure. mere demourasse perpetuellement vierge. Il mourut vierge en la croix, & recommanda la vierge sa mere a son nepueu & apostre saint Iean qui estoit & a touiours estê vierge. Si vous estes tentée remedes de paresse, considerés que Iesus ne cessa d'aller contre & venir par cités, villes & chasteaus, pour en paresse doctriner le peuple par tems froid & chault & paresse. nuds pieds. Penses qu'il ne couchoit en mols lits & chambres tapissées: mais es desers, iardins & lieus fecrets propres a cotemplation, vaquant fans ceffe a oraison pour tout le peuple esseu. Et n'oublies combien il trauailla en la croix ou fon cors grant & bien formé estoit pendu & soustenu par ses bras & mains seulement, atachés a grans clous de fer. Si gourmandie vous assaut, penses que Iesus Hh ii

remedes contre gourmadie.

vostre espous ieusna quarante iours sans manger ne boire, & combien de sois il eut sain & sois par les desers, en maniere que quelque sois ses apostres passans par les bleds, molestés de sain prenoient les espis & en mageoient le grain. Et aussi qu'il dit en la croix qu'il auoit sois.

remedes contre ire.

remedes

contre

enuie.

Si estes assaillie par ire & impaciece, cosideres la pacience que lesus eut cotre tant d'iniures, opprobres, blasphemes, flagellations & tourmens qu'on lui fit es maisons d'Anne, Cayphe, Herode & Pilate. Et aussi au mont de Caluaire ouil endura mort en croix, & onc n'en murmura n'en fit plainte: mais pria pour ses persecuteurs. Si enuie vous insulte, consideres comme le diable par sa damnée enuie fit pecher Eue & Adam. Et come Iesuchrist voulant le salut de tout humain lignage, est venu en ce mode venger l'enuie du diable, & recouurer par charité ce qui estoit par enuie perdu. Voila comme deues porter en esprit la croix de nostre seigneur Iesuchrist, & la reueres materiellement & corporellement quant la verres pour l'amour de celui qui a pendu en croix.

Du chemin de claustralle religion.

Que ie suis ioieuse & consolée (dit l'Ame) quant on me parle de mon amoureus Iesus, ie vous prie que ne cesses, & que n'en perdos nostre propos: car c'est le plus grant plaisir que mon esprit puisse receuoir. Et au regard des doulceurs corporelles & mondaines, elles sont toutes pleines d'amertume, & la fin en est touiours triste, ennuieuse & dolente. Le tems pressa la compagnie de cheminer & gaigner pais: mais on s'arresta vn péu,

peu,par ce que l'Ame ne scauoit lequel des deus chemins tenir ou celui de la grande religion chrestienne, qui estoit fort grant & plein de gens, ou celui de claustrale religion qui n'estoit si batu ne large.Et sur ce demanda le conseil & oppinion de 🦈 dame Theologie. Laquelle par le commandement de Grace divine lui dit ainsi. Ame raisonable vous & tous autres poués aller au port de falut par l'un & l'autre de ces deus chemins. Toutefois a plus Louëges grade seurete & moins de dager par le chemin de de reliclaustralle religion, que par l'autre. Par ce que par gio class claustralle religion on peut plus facilement auoir stralle. perfection de vie que par le grant chémin de chres Mienne religion. A la raison de ce que les bons religieus cloistriers bie reformes, font ou doiuet faire des choses oultre & par dessus ceus qui passent par le chemin de chrestienne religion tendans comme i'ai dit a perfection de vie ainfi qu'il est contenu et 👾 🤫 l'euagile de saint Matthieu: car comme quelqu'un M41-19 interrogua Iesuchrist qu'il deuoit faire pour auoir la vie eternelle.Lui respondit qu'il gardasse & obseruasse les commandemens de Dieu, qui sont ne faire homicide, adultere, larrecin, ne porter fauls temoignage, honnorer ses peres & meres, & aimer fon prochain come soimesmes. L'interrogateur lui dit qu'il l'auoit touiours ainsi fait, de sa ieunesse, & qu'il lui failloit plus! Nostre seigneur Iesuchrist lui dit. Si tu veus estre parfait, va & vends tout ce qu'as & le done aus panures, & tu auras tresor aus cieus, puis vien et m'enfuis, or est il que les religieus cloistriers de bonne & vrai observace le font ainsi en gardant les trois vœus de religió, qui sont pauurete, obedience, & chasteté, non seulement de fait? mais de cueur & volute. Et qu'a ce faire se obligée perpe-Hh iij

Digitized by Google

#### Le tiers hure

perpetuellement auec solennité de profession. Duvau Et pour le vous faire entendre plus clerement. de pann-Saches Ame raisonnable que pauureté voluntaire rete vo- fait abadonner les richesses de ce monde, de cueur Luntaire & de fait, lesquelles induisent les ges a auarice, ambition, furt, rapine, pillerie, deception, fraude, exaction, cocussion & autres enormes et grans pechés. Desquels ceus qui sont au monde & au chemin de la grande religion chrestienne ont deuant les seus les dangers & les occasions, & nó les bons religieus gui gardent ce vœu de pauureté, & n'ont aucune Duven affection aus biens mondains, Par le vœu d'obedience ils suiuent Iesuchrist, & renoncent a leur d'obepropre volute pour acomplir la sienne & de leurs dience. superieurs qui est vne chose fort empeschat l'acoplissement de pechê qui procede d'inobediéce. Et Duveu chastete purifie l'Ame & le cors et les rend purs et nets de toutes macules libidineuses & voluptueude cb4ses, de toutes superfluités immundes, & de folles ftete. cogitations & delectations charnelles. Ceus qui obseruent claustralle religion comme appartient peuent dire ce que disoit saint Pier a la Mes. 17 transfiguration de nostre seigneur Jesuchrist. Il fait bon estre ci pour neuf causes, principalemet como recite saint Bernard. La premiere qu'on i vit plus purement qu'au monde, au moien de trois vœus dont nous auos parlé, car si la propre voluté cesse, on ne trouvera iamais enfer, & saint Paul a escrit que ceus qui veullent estre riches tumbent es rets & laqs du diable. Secondement en religion clau-Aralle on peche plus a tard qu'au monde, a la raison de ce que les bons religieus sont separês des occasions de peché qu'ont les mondains, au moien

bon re-

des mauuailes & dangereules compagnies. Vn

bon religieus bien gardant son cloistre n'a occasion de jurer ne pariurer, par ce qu'il ne trassque, marchande ne pratique, il n'a matiere de transgresser la solennité des dimenches & autres festes, par ce qu'il est contraint entendre au seruice de fon monastere & garder le cloistre, il n'a occasion de desobeir a ses peres & meres: ear il est hors leur puissance. Il n'a occasió de faire homicidé: car il ne frequente les lieus ou sont communement comis: mais est & demeure solitaire en son cloistre. Il n'a le lieu, le tems, ne l'opportunité d'estre fornicateur par ce qu'il est r'enclos. Il n'a matiere d'estre larron,par ce qu'il n'a administration de deniers & biens temporels. Il n'a occasion de porter fauls tesmoignage ne de métir, par ce qu'il vit en contemplation & n'oft auec les méteurs, & ainsi des autres comandemés de la loi. Toutefois s'il ne transgresse lesdits commandemens de fait, se doit garder de les transgresser par mauuaise volunte & affection.

Tiercemet si vn religious tumbé en quelque peché par fragilité, s'en relieue plus aisement & facilement par la grace de Dieu, tant par ce que les religious sont quotidiennemet exhortés à bien faire, & fuir peché, tant par parolles, exemples, que par les liures de la sainte Theologie qu'ils lisent, & les mondains entrent de peché en peché.

Quartement les bons religieus cheminent estétement pour se garder de peché par continuellés oraisons, saintes instructions, & experiece de la fin des bons.

La cinquieme cause est que le bon religieus repose plus seurement qu'un mondain par ce qu'il n'a plus d'affection parentalle; d'administratio des biens du mode ne d'occupatio es choses seculieres. Hh iiij Lesquel-

Lesquelles choses mettent les gens en plusieurs

dangers.

La sixieme que le bon religieus est souvet consolé de consolation spirituelle tant pour l'humilité de son esprit, pour la purité de ses affections, que

pour la verité de ses faits,

La septieme qu'un religieus est plus tot purgé de son vice & peché qu'un autre homme du monde. premieremet au moien de l'exercice spirituel dont il i a plus en religion claustralle qu'au monde, soit d'orailons communes & priuées que de saints desirs & contemplations. Aussi au moien des ieusnes, abstinences, disciplines & malaises qu'on endure founet en religion, tant par froidure que pour mal

coucher ou autrement.

La huitieme que les bons religieus meurét plus seurement que ceus du monde tent au moien de leurs bonnes of uures, que de ce qu'ils n'ont tant commis de pechés, & mesmemet de ceus qui gisent en restitution, come de furt, rapine, pillerie, fraude & autrestels vices dont convient satisfaire a son prochain. Aussi qu'ils ne sont tourmentes en leurs maladies par femme, enfans ne autres pour faire dons & legats, ne empeschés de restituer si aucune chose ont de l'autrui.

La neufuience cause est que les bons religieus Cont plus copiculement exaltés en paradis d'autant qu'ils ont plus fait pour l'honeur de dieu que ceus du monde, combien que tous ceus de la grande religion chrestienne viuans en foi, esperance & charité leront participans du louier & paiemet du labourage qu'ils auront fait en la vigne de Dieu, comme les religieus cloistriers come recite l'euan-Mat. 20 gile faint Matthieu, toutefois il est dit en l'euagile

faint Ican, qu'en paradis i a plusieurs mansions, & Ioan, 1. qu'aucuns des fauués aurot plus de gloire accidentalle que les autres. Aussi est escrit en ladite euangile saint Matthieu, qu'apres ce que les apostres eurent dit a nostre seigneur Iesuchrist. Seigneur nous auons tout laisse et t'auons suiui, leur respondit. Vous seres assis en paradis & jugerés les douze

lignées d'Israel.

O que c'est vne bonne & sainte chose que de D'aneus l'estat de claustralle religion (dit l'Ame) & que la dagers voie en est seure. Il est vrai (dit Theologie) qu'elle de clau-est plus seure que la grade religio chrestiene, tou- strale re tefois i a il des dagers bien grans. Comme se pour-ligion. roit il faire(dit l'Ame) car ceus qui vont ce chemin viuet selo l'esprit, & non selon la chair, & ceus qui viuent selon l'esprit, s'entét ce qui est de l'esprit: & ceus q font de la chair scauét ce qui est de la chair, ainsi qu'a dit s. Paul escriuat aus Romains. Ie cofesse Rom. 8. (dit Theologie) q les religieus cloistriers vrais obseruateurs de leurs saintes reigles viuent en esprit: mais s'ils desuoiet du grat chemi de leur observace reguliere & prennét les sentiers et voies obliques a trauers les bois, boscages & buissons d'apostater trouuent plusieurs ennemis, qui sont (comme a elcrit S. Paul aus Galates) ministres de la chair vostre Gal. 5. ennemi mortel & de tous humains, foiét religieus ou autres, scauoir est orgueil, vaine gloire, presumption, arrogance, contenement, inobedience, adus lation,ingratitude,ypocrifie, temeraire iugement; ire, enuie, detractio, fimulation, indignation, murmure, impacience, ambition, conuoitife, tenacité, paresse, vaine tristesse, ennui de bienfaire, torpeur, fomnolence, desespoir, propre volunte, pensées charnelles villains atouchemens, amour de soi &

autres vices dependás de ceus que faint Paul nobre en ladite epistre: Mais quát ils ensuivent leur droit sans desuoier trouvent pour conduiteurs a paix eternelle (comme dit saint Paul) les ministres de l'esprit, qui sont charité, ioie, paix, pacience, benignité, bonté, longanimité, mansuetude, soi, modestie, continence & chasteté.

Encores ie di qu'en ce droit chemin de religion claustralle on trouue des ennemis qui presentent aus seus des bons religieus leurs saintes & deuotes cerimonies & leurs religieuses operatios, leur donnans entendre que tous les autres, fors eus & ceus de leur religion sont damnés, par ce qu'ils ne viuét selon dieu, & a croire auoir telle sainteté qu'ils ont merité par leurs seules oéuures d'auoir paradis. Si par ces tentateurs entroient en ceste presumption Teroit asses pour les faire mourir de mort eternelle, combien que ie n'estime que les bons & vrais religieus se laissent surmonter a tels ennemis, mais il se faut donner garde d'eus, & sont fort a craindre, par ce qu'il n'ia si grande humilité qui ne soit aucunefois touchée de la doulceur de vaine gloire, par laquelle doulceur on tumbe facilemét en prefumption & iugement temeraire,& semblablemet a faire quelque bonne operation par ypocrisse & simulation, c'est a dire pour auoir l'honneur du monde seulement ou par contrainte & crainte servile, de sorte que sans ceste contrainte ou crainte on ne feroit aucun bien, combien que par crainte seruile on vient souuent a crainte paternelle & amoureule,& par frequentation et habituation de bones ocuures on vient a auoir foi formée de charité, c'est a dire croire en Dieu & l'aimer parsaitement. Et pour obuier & resister a tels ennemis de prefum-

presumption & vaine gloire qui tendent mettre la deuote personne en ceste folle opinió que Dieu lui est aucunemet tenu, doiuet cosiderer ce que nostre seigneur Iesuchrist disoit a ses apostres, come recite S.Luc. Apres ce qu'aurês fait toutes ces choses qui Luc. 17. vous sot comádees, dites. Nous sommes serviteurs inutiles, nous auons fait ce que nous deuons faire, c'est a dire q toutes les bones oéuures qu'on pourroit faire sont au proffit & vtilité de celui qui les fait & nó de Dieu, car tout ce que dieu veut qu'on face est au salut & proffit de celui qui le fait & n'en est Dieu plus riche, plus puissant ne plus glorieus. Et a ceste cosideration quant on fait quelque bien on ne s'en doit glorifier ne penser que Dieu en soit tenu a celui qui le fait. Ie trouue, vn autre ennemi dágereus en ce chemin de religion claustrale qui tente de mettre division entre les religions & de vouloir supprimer la gloire de l'auteur au patron d'une religio pout exalter l'autre. Ce que reprouua saint Paul quant aucuns disoient qu'ils suivoient la 1. Cor.3. doctrine desaint Pier, les autres d'Apollo & les autres de lui, par ce qu'il n'est qu'un maistre & vn seigneur, c'est Iesuchrist nostre sauueur. Et a ceste consideration chacun viue en sa religion sans presumer mieuls valloir qu'autruiscer comme dit saint Galat. Paul. Qui se cuide & pense estre quelque chose (iacoit-ce qu'il ne soit rien) il se seduit.

Du grant chemin de chrestienne religion, & des dangers d'icelui.

R me dites dame Theologie q c'est du chemí de chrestiëne religio. C'est (dit Theologie) celui par leql tous chrestiene sont religieus cloistriers Offices qui ne sont religieus cloistriers peuent

Digitized by Google

peuent aller au port de salut, de laquelle religion faint Iaques dit, que religion munde & immaculée quanta Dieu est visiter les pupilles & veuues en leurs tribulations & se garder immaculé des macules de ce monde, c'est a dire des oéuures de la chair, desquelles ie vie de parler. Mon aduis est que les religieus de ceste grande religion (que i'appelle vrais chrestiens) doiuent obseruer & garder en esprit & volunte pauurete d'esprit, obediéce & chastete. Du premier nostre seigneur Iesuchrist a dit.

Mat. 5. Bienheureus sont les pauures d'esprit. Et ailleurs

qu'il est aussi difficile qu'vne personne riche entre Mat. 19 en paradis, qu'un gros chable de cordes passele pertuis d'une esguille. Cela s'entent des riches insatiables qui possedent les grans tresors & n'ont sussificance, voire n'en font bien a eus n'a leurs prochains, car mieus vaut posseder grans biens sans convoitise & faire d'iceus oéuures charitables que n'en auoir aucuns en sa possessió & les desirer iour & nuite par convoitife à mauvaife fin. Renocer aus biens du monde & vouer pauureté, c'est premierement & principalemét ofter sa volunté de la concupiscence des bies du mode. Ce n'est vraie pauurete d'esprit ne manier pecune, mais c'est viure au monde sans cure & solicitude d'en auoir oultre la raison & se contenter de ce que Dieu donne.

Secondement les vrais chrestiens doivent estre obediens en gardant les commandemens de Dieu & de l'eglise, & en obeissant aus precepts, statuts & ordonnaces des prelats, rois, princes & superieurs. Aucuns ont escrit qu'il suffit d'estre baptize & croire pour estre sauué, & qu'il est ainsi escrit en l'euangile saint Marc. Il est vrai en gardat les com-

Marci vltimo. mandemés de Dieu comme il est escrit en l'euzgile **laint** 

faint Matthieu ou nostre seigneur Iesuchrist dit a Mat. 23 quelqu'un qui l'interroguoit. Si tu veus auoir la vie eternelle garde les commandemens de Dieu. Quant aus commandemés de l'eglise vous en auês aussiau texte de l'euangile. Les Scribes & Pharisiens se sont assis en la chaire de Moise, & a ceste cause, faites tout ce qu'ils vous diront. Il s'entent concernát l'amour & honneur de Dieu & le proffit de son prochain. Aucuns ont voulu detracter des precepts de l'eglise : mais tels sont mal sentans de la foi, a raison de ce que tels precepts sont veus estre faits par inspiration divine, & par ce moien estre aussi commandemens de Dieu par ce qui est escrit oudit euágile saint Matthieu ou nostre seigneur dit. Ou deus ou trois serot assemblés en mon Mat. 18 nom ie serai ou meillieu d'eus. Et il est tout certain o les precepts de l'eglise ont esté faits no par deus ou trois assembles: mais par plusieurs saints & sacrês conciles faits & celebrês auec grade multitude d'euesques & prelats assemblés a l'honneur & au nom de Dieu. Touchant les superieurs regardés que saint Paul et saint Pier en ont escrit. Saint Paul dit en son epistre aus Romains. Toute ame soit Rom. 14 subiette a ceus qui ont la haulte puissance, car la puissance procede de Dieu, & ce qui est de dieu est ordone de Dieu. Et qui resiste a ceus qui ont puissance, resiste a l'ordonnance diuine : & qui lui resiste, aquiert damnation. Et saint Pier en sa canonique dit en parlant aus chrestiens. Soies subiets a 1. Pet. 2 toute humaine creature pour l'amour de Dieu, soit au roi comme precellent & superieur, soit aus ducs comme enuoiés par lui pour la punitió des malfaiteurs & louenge des bons. Et nostre seigneur a dit en l'euangile. Ce qui est de Cesar rende-le a Cesar,

& ce qui est de Dieu rédé-le a Dieu. Tiercemét les bons chrestiens doiuét estre chastes, c'est a dire ne faire aucune commixtion de leurs cors fors en mariage pour auoir lignée ou pour obuier a incotinéce, dot Prudéce & Téperance vous ont tenu propos ou premier liure, toutefois les chrestiens de la grande religion ne gardent si estroitemet cestrois choses que les religieus cloistriers, car ils par leur profession vouent pauureté eternellemet & habituellemét & renoncêt a toutes les occasiós d'auoir & aquerir pecune, ils vouent aussi chasteté integralle, c'est a dire que iamais ne pourront estre maries. Et oultre mettent leur totalle volunté en la puissace & entre les mains de leurs superieurs, sans l'autorité & licence desquels ne peuent ne doiuét faire aucune chose. Quels aduersaires & ennemis Les ense trouuét au grant chemin de religion chrestiene? du grant Tous ceus (dit Theologie) qui se trouuent par le chemin de religion claustralle ci dessus nommes & plusieurs autres acompagnans la chair, le mode & de la rele diable, les sept pechés capitaus & leur sequelle: & ceus lesquels on doit plus craindre & qui plus ebreftiefont mal aises a combatre, font mauvailes o ccasios & liberte de mal faire, car comme dissimulateurs & traitres faignans vouloir aider aus passans les mettent entre les mains de leurs ennemis. Et a ce Galat. 5 proposa escrit saint Paul a ceus de Galate. Soiés songneus de ne donner vostre liberté en occasion de la chair. le vous asseure Ameraisonable, que les occasiós & libertê de mal faire sont ennemis si trescauts & mauuais qu'a peine on peut euader & se garder de leur trahison & malice. Ceus q vont par le chemin de claustralle religion en sont preserués, qui est l'une des choses plus a louer qui soit en ce chemin:

nemis

ebemin

Ligion

se.

chemin: & ausi que par le grat chemin de religion chrestienne on ne trouue tant de secours humain pour aider a batailler & a se releuer si on est abatu come on fait au chemin de claustrale religio: & au contraire on i trouue hommes & femmes qui par mauuailes occasios & liberté de mal faire font entrer les passans d'un peché en vn autre, et d'un petit dager en vn grant. Sur ce propos l'Ame raisonnable veit passer vne grande copagnie de religieus de plusieurs ordres noirs & blancs par certains petis lentiers estans entre les deus grans chemins. Elle s'enquit quels gens s'eltoient. Theologie lui fit rel pose que c'estoiet apostats, c'est a dire ges proprietaires, inobediés & incotinens portás par ypocrifie l'habit de religió: Lesquels auoiét prins le chemin de religio claustrale non par deuotió, mais aucuns d'eus par contrainte de leurs parés pour auoir benefices, les autres par ennui des labeurs mondains, & pour auoir repos corporel, les autres imprudé. ment & fans discretió & les autres pour auoir failli en leurs entreprinses, au moié dequoi ne pouoient tenir le droit chemin, disant oultre que la principale cause pour laquelle on doit entrer en claustrale religion doit estre pour mieuls garder & acomplir les commandemens de Dieu & de sainte eglise, & qui le feroit pour autre cause seroit prendre la religion des hommes & laisser celle de nostre seigneur Iesuchrist, qui est le chef de toutes bonnes religiõs. Et que ceus qui ont vraie amour a Dieu considerans les grádes occasions qu'on a au monde de pecher & mal faire, pour s'en distraire se retirent du mode & se r'enfermet en ce chemin de claustralle religion, ou ils sont hors des dangers de tels ennemis si bien veullent garder leurs reigles,

Comme

# Comme l'Ameraisonnable print le grant ches min de religion chrestienne.

Oraifon tendant estre de Dieu adressé au plus feur estat. 'Ame raisonable incorporée demourat toute triste d'auoir oui tant de diuerses oppinios de ces deus chemins, de sorte qu'elle ne scauoir lequel prendre. Si commenca leuer ses seus chemins, dire. O bon Jesus mon Dieu, mon

vers le ciel & dire. O bon Iesus mon Dieu, mon fauueur & mon espous, aies pitie de ma cecite, ignorace, infirmité & fragilité naturelle, vous scaués vraiscrutateur des cueurs & cogniteur des choses occultes ce qui m'est proffitable, vtile & necessaire pour mon salut, & que pour les tenebres de mon cors ie n'i connoie chose de certitude. Si ie scauoie (o bon Icsus) eslire & connoistre quel cheminie doie prendre pour faire vostre volunté & non la mienne, ie le feroie, ie vous fupplie treshumblemét fur ce me conseiller, aider & adresser. Ame raisonnable(dit Esperance)vous scaués que Iesuchrista dit en l'euangile qu'en la maison de Dieu son pere estoient plusieurs másions & demeurs, & plusieurs voies pour i paruenir, aucuns par vne voie, les autres par autre chemin. Vous n'aués personne en vostre copagnie qui vous sceusse asseurer laquelle des deus voies vous est la meilleure, fors Grace diuine. On vous a dit (& ie suis de cest aduis) que la voie de claustrale religió est la plus seure pour paruenir a perfection de vie spirituelle, & moins dangereuse a passer, qui bien la scaura tenir sans i faillir pour les causes a vous recitées par dame Theologie: mais si elle est meilleure pour vous que la voie de la grande religion chrestienne il n'i à que Dieu qui le sache. Et par ce parlès a Grace diuine. L'Ame L'Ametrouua Grace diuine qui n'estoit loing de Foi, Esperace & Charité, & la pria en grade humilité l'adresser a la voie meilleure pour elle. Grace diuine la mit au chemin de la grade religió chres stienne comme celle qui scauoit laquelle des deus voies lui estoit la plus aisée & asseurée. L'Ame se voulut enquerir auec elle pourquoi ne l'auoit adressée a la voie de claustralle religion attendu qu'elle estoit plus seure. Mais dame Foi l'empescha lui disant. Ne vous enquerés des secrets iugemés de Dieu: mais croies puis q Grace diuine vous a mise en ce chemin qu'il est plus vtile pour vous combié qu'il pourroit estre avn autre dagereus et danable.

Le tems se lassa de si log propos, & auaca l'Ame Destria incorporce & sa copagnie, de sorte qu'apres auoir prion de passe la plus part de la terre de Ieunesse entrerent la cité en vne petite cité nommée Bonne volunte, qui de Bone estoit close des murailles de droite affection, & autour d'icelle passoit vne petite riuiere asses parfunde nommée sainte cogitation. Ils entrerent en la cité par vn des portails de sainte predication, et furent honorablement receus par les habitás d'icelle qu'on appelloit Saintes pensées. On mena l'Ame incorporée ou palais d'Honneste propos, ou fut honnorablemet festoiée, & sa compagnie de viandes spirituelles. Puis eut pour le passetems l'armonie des vertus qui dirent en bonne musique tout plein de bones chansons. Et apres tout cela l'Ame le retira en la chambrette de son cueur auec Grace diuine, Entendement, Memoire & Voluntê, pour se reposer:mais lui souuint de son espous Iesus au moien dequoi en lieu de dormir print la droite plume de deuotion, & escriuit a son espous Iesus fur le papier de contemplation ceste epistre. **Epistre** 

Epistre amoureuse de l'Ame raisonnabe à son espous lesuchrist.

E chaste amour toute esprise et rauie Comme personne ou n'i a plus de vie le me suis mise (o Iesus mon espous) A vous songer, & a penser en vous,

En vous lesus & vostre amour parfaite Dont vous m'anes par grande grace refaite.

Mon cors vouloit du labeut reposer

Et au repos humain se disposer

A celle sin que ie seusse plus forte

A vous seruit ven meilleur sorte:

Mais mon seigneut le tres grant seu d'amours

Me garde bien dedormit tous les iours

Mon cueur il brule en charitable slamme

Et plus de pleurs met dessus, plus s'enslamme

Ie ne scauoie la nature d'aimer

Moins sa doulceur, aussi peu son amer:

Mais a present (Iesus) de vostre grace

Ie scai que c'est d'amour, ve de sa trace.

Ie voi qu'amour est tresdoulce rigueur, Courrous ioieus, voire saine langueur, Car ceste la qui de bon cueur vous ame S'elle endure en son cors quelque blasme Par la rigueur de froit ou bien de chault, Ce lui est ioie, & de ce ne lui chault, Et si la chair en prent melencolie, L'ame est apres toute gaie & iolie, Le cors languit: mais l'ame en a santé, Voire de biens de l'esprit a planté.

Amour efface & apres vient pourtraire Car elle scait du triste cueur distraire

Tous

Tous les ennuits qu'en amours on foustient, Alors plaisir dessus pourtraire vient Du sin pinceau d'honneste iouissance Ou des es mauls prent la r'esiouissance.

Amour n'est fors vne peine plaisante Car tout l'ennui qu'amour s'en va faisante Tourne en plaisir quant l'amour est honneste, Et qu'on s'esiouit apres grant moleste.

Ie scai qu'amour est aise faisant mal, Aise est assés qui son ami loial Peut aborder: mais a la departie, Elle a touiours de tout mal grande partie.

Tant plus amour a santé va tirant Tant plus s'en va son mal en empirant, On ne connoit au poux sa maladie, Mais au souspirs & regrets quoi qu'on die.

Entierement amour le cueur requiert, Regards, semblans, & tous pensers aquierti

Ie di qu'amour est vne crainte hardie, Et seureté pleine de couardie C'est vn plaisir triste, soible vigueur, Vne auarice en largesse de cueur: C'est vne cles qui cueur clot, puis l'ouure, Plustot pert tout, & soubdain le recouure.

L'amour des fols touiours fineen souci, De sainte amour on ne fain pas ainsi: Car sa fin est de ioie plantureuse, De folle amour la fin est malheureuse. On peut amour vne mer appeller: Car comme on voit en la mer deualler Tous les ruisseaus, les fleuues & rivières, Semblablement par diverses manières

li ÿ Vn cueuv

Vneueur amant tous les pensers reçoit Grans & diners sans que saoul il en soit, Ie di qu'amour est vn lien qui lie Deus cueurs si fort qu'a peine on les deslie.

O bon Iefus si d'amour vous escrits
Si tres au long, c'est que tous mes esprits
Sont prins d'amour, voire si vehemente
Que nuit & iour mon petit cueur tourmente,
Est-ce du monde & de tous ses esbats?
Non certes non:ie n'aime ses debats,
Est-ce d'argent? non:car ie n'en ai cure
D'or aussi peu, les honneurs ne procure.

Il ne me chault de tous les biens mondains Si douloureus, muables & foubdains Fors pour passer l'humain pelerinage, Et si n'en veul rien auoir d'auantage.

Qu'aime-ie donc? sont-ce les grans estats? Ie n'en veul point a monceaus n'a tas: Qui me dira que i'aime la cuisine Non: car elle est de luxure voisine.

Quelqu'un dira que i'aime le repos: Et le lit mol, ce n'est le mien propos: Car le repos du lit touiours engendre Mille pensers qui trop sont a reprendre, Il entretient la chair en son delit Sans peché n'est qui trop aime le lit. Ie n'aime point la mondaine plaisance, Elle me vient a toute desplaisance.

Ien'aime plus corporelle beauté, Car il i a de la desloiauté: Ie n'aime plus les plaisirs de ieunesse, Palais, ne court, ne toute leur finesse.

Ie n'aime

Ie n'aime plus les amoureus deduits Des fols amans: car maints i font feduits: Ie n'aime plus la chasse ne les armes, Cheuaus ne chiens, cuirasses ne guisarmes.

Qu'aime-ie donc? vn tout seul, qui est il? Beau, riche, fort, prudent, bon & vtil, Monarque & roi du chel & de la terre, Qui nous peut tous fouldroier par tonnerre.

C'est vous lesus: mais d'auoir tel ami
Digne ne suis, non pas vn seul demi:
Indigne suis d'estre de vous aimée:
Mais doi de vous estre par tout blasmée,
Car il n'i a (si parlons par raison)
De vous a moi rien de comparaison,
Vous estés beau, & re suis tant dissorme,
Vous estés bon, & ie suis tant enorme,
Vous estés fort, riche & puissant sur tous,
Et pauure suis & soible en endroits tous.

Mes grans souhaits qui a vous seul aspirent,
Cent fois le iour par ma bouche souspirent:
Car ie ne scai & ne pourroie scauoir
Si digne suis de tel ami auoir,
Combien Iesus que de la vostre grace
M'aués monstré par esset & par trace
Signes tres grans d'auoir amour a moi,
Et le monstrés tous les iours ie le voi,
Ce qui me fait au cueur plusieurs alarmes
Et de mes ieus ietter force de larmes
Plus procedans d'amour que de douleur
Quant bien ie pense a vostre grand valeur.

Ie ne scauroie auoir parfaite ioie Iusques au iour que de mes ieus vous voie, Ii iij

O bon

O bon Iesus faites ce iour venir Que me pourratant de bien aduenir, Faites venir celle beurcuse iournée Que ie serai parée & atournée Des vestemens de l'immortalité, Lassus au ciel en vostre eternité: Car ici bas n'i a que vitupere, Peine, douleur, danger & impropere, Ire, rancune, enuie, ambition, Guerre, discord, noise, contention.

Ie ne craind pas d'en estre tourmentées Mais bien ie craind d'i estre surmontée, Te ne craind pas de la chair les assaus: Mais ie craind bien de faire de deffaus, Ie ne craind point du monde le combat, Mais ie craînd bien que lui lequel s'esbat A tourmenter le cueur des mortels hommes Par vains bonneurs, me face griefues sommes Et me desuoie & estongne de vous: Mais i'aimeroie mieuls mourir, mon espous Mieuls choisiroie la mort (comme 1e pénse) Que de commettre contre vous une offense Dont ie pourroie perdre vostre amitie, Et toutefois sans la vostre pitie Ie ne pourroie faire chose qui vaille, Impossible est sans vous que ie ne faille.

Pource lesus amoureus tresparfait Prenés pities si vous plait de mon fait: Vous scaués bien combien mon esprit veille A vous querir, non pas que s'i traueille Tant que deuvoie, & que requis seroit A ceste, la qui son denoir seroits

Mon

Mon pauure esprit vous quiert dedans la creiche Ou pauurement vne nuite rude & fresche Voulustes naistre. & la vous n'estés plus, Parquoi s'en va regarder au surplus Des lieus certains nommés par l'escriture, Ou vostre cors souffrit mainte i acture, C'est ascauoir en Egypte, au iardin, Apres chez Anne & son gendre mutin Nomme Caiphe, & puis a l'huis aborde De chez Pilate & du cruel Herode. Finalement pour le dire a mots ronds Vous quiert en croix entre les deus larrons: Mais en ces lieus autre chose ne treuue Fors le vestige & l'amoureuse espreune De vostre emour, & tresgrande charité Qu'eustes iadis a tonte humanité, Quant tant de maus ences lieus vous fouffristes Voire a la mort vostre saint cors offristes.

Il ne voit rien fors les louables tours
Que font aimans en loialles amours,
Surquoi mes ieus force de larmes gittent
Et tous mes sens a souspirer m'agitent
Contrainte suis par douleur & pitie
Rememorer vostre grande amitie:
Contrainte suis penser sans sin & cesse
En vostre amour pleine de grande noblesse,
Et dire hault ou est cest amoureus,
Qui sut pour moi si triste & languoreus?
Ou est celui qui pour son amoureuse
A prins la mort si dure & rigoureuse?
Ou est celui qu'amour a fait mourir

Ii iiij

Pour

## Le tiers bure

Pour fou amie en tous cas secourir? Doit estrebelas sa desolée amie A le chercher pesante & endormie?

Puis foi me dit:il est ressuscité, Il est au ciel en son eternité Sans fin regnant de son pere a la dextre Ou il t'attent en son eternel estre; Tu le verras fi tu veus le seruir Et a lui seul de tous points asseruir.

Las ie le veul, sene quier autre chofe, Ceste pensée est en mon cueur enclose: Mais ie scai bien que tant que ie serai En cors morteliamais ne vous verrai: Bien vous pourrés venir en la chambrette De mon las cueur, ou tant ie vous regrette Lors sentirai si vons plait vostre odeur Vostre confort, vostre amour & doulceur Sans que vous voie ainfi comme vous feistes N'a pas long tems ou d'amour me confistes.

De ce vous prie, o amoureus Iesus A tout le moins regardés de la ssus Ceste pauure ame & qu'elle soit baisée De ce regard, lors sera r'appaisée, Et m'enuoiés s'il vous plait du secours Pour resister aus princes & leur cours Qui sont ça bas, c'est la chair & le monde Mes ennemis & l'esprit tant immunde.

Escrit au lieu de langueur trouble & noir

Par cest la qui vit en bon espoir.

Comme

Digitized by Google

# Comme l'Ame fut assaillie par le prince de la Chair en la cité de Bonne volunté.

Esperace & Charité iusques en para- de Sen-dis, ou Charité entra & presenta l'e- sualité. qui l'a receut gracieulemét, & apres l'auoir veue dit a Charité pour toute response. M'amie Charité vous dires à l'Ame qu'elle perseuere en son bon propos iusques a la fin, & que ie serai touiours par infusion de Grace pres d'elle, & quelque ennui qu'on lui face au monde, demourra touiours victorieuse en i mettat peine & labeur de fa part. Ses ennemis lui feront iournellemet guerre merueilleuse, mais ce sera son proffit pour auoir plus grant louier auec moi en mon roiaume. Vous lui dirês oultre qu'elle ne s'eslogne en facon quelconque de Grace diuine, car sans elle son affaire pourroit mal aller.Les trois dames retournerent a l'Ame qu'elle trouuerent deuisant auec Grace diuine, Entendemet, Memoire et Volunte. Et le rapport fait de ce que le roi Iesus auoit dit a Charité, se prindrent a dire vne petite cháson a quatre parties qui fut composée par dame Contemplation en forme de simple rondeau qui s'ensuit.

Chanson en rondeau.

Mon ami quant viendra la iournée
Ou iepourrai a mon aise iouir
De mes desirs n'i vueillés plus fuir
Ne me laissés en deuil tant seiournée.
Heureuse suis si feus a teliour née

Que

#### Le tiers hure

Que vous venilles tous mes souhaits ouit.

Par les regrets dont ie suis atournée Sounent ie suis preste d'esuanonir, Et ne scauroie de rien me r'estouir Si ie ne suis de vostre amour aornée. O mon ami.

Pres toutes ces choses Sensualitè a la requeste de Ieunesse qui ne prenoit aucun plaisir au passetems de l'Ame, fe retira vers Entendemet, Memoire & Voluté: et mena auec elle Habondace & Richesse pour doner quelque plaisir mondain a l'Ame incorporée. Et se prindrét a parler de plusieurs choses. Et entre autres comme & pourquoi on deuoit aucunefois entédre a la nourriture & entretiennemét du cors, et q pour ce faire coue. noit boire & manger auec quelque passetems re-creatif, & que Dieu le vouloit ainsi a ce que par apres on fusse plus fort au labeur spirituel de conteplatio, & que toutes ces choses ne pourroiet estre faites sans auoir des bies terries & comuniquer aus homes & femmes. A quoi feirent response qu'ils estoiét de cest aduis, pourueu qu'on ne si arrestaile par trop,& comencerét a parler des moies par les quels on peut aquerir & garder les bies mondains.

Sugge-Stio be raut d'ar mes de la Chair

Eus estans en ce propos auec l'Ame arriua en la cité de Bonne volunté vn heraut d'armes, nommê Suggestio, qui portoit en sa cotte d'armes les couleurs & armes de son prince & roi, nomê la Chair. Les couleurs estoiét de verd, & les armes d'un escu d'or a deus flambeaus ardans de gueules. Sensualité sceut sa venue & le presenta a l'Ame, a laquelle en pre-

en presence de toute sa compagnie lui dit ce. Le roi mon seigneur et maistre, qu'on appelle la Chair vous salue de par moi, & vous fait scauoir que vous & vostre compagnie sortés de ceste cité de Bonne volunté a lui appartenante dedans demain: & si vous ne le faites, vous mande qu'il sera auec grosse armée deuant icelle le quinzieme iour prochain apres pour vous faire guerre mortel a feu & a sang.

L'ame fut toute troublée de tel salut et dessiáce. - & appella Entendemét son chancellier pour faire la response a Suggestio le heraut, ce qu'il fit lui difant. Vous auès esté trop hardi Suggestion d'auoir Respose entré en la chambre de l'Ame pour tel affaire, re-faite a tournés a vostre maistre le plus tot que vous pour-rés, & lui dites de par l'Ame qu'il n'a droit quel-conque en la cité de Bonne volunté, & s'il vient pour l'assaillir qu'on se dessendra de lui & de toutesa puissance par le seu de Charité & le glaiue de Foi.

A ceste parolles'en alla Suggestion, & comme il fut forti de la chambre se trouua au deuât de lui Senfualité a laquelle il dit quelques parolles, dont Raison ne fut cotente, car elles portoiet soupeçon de trahison. Pour donner ordre a ce qu'on deuoit faire pour se garder des ennemis, tout le conseil de l'Ame fut assemblé fors Temperance qui estoit demourée a cinq lieues de ceste cité de Bonne volute pour quelque affaire. L'ame vouloit qu'on n'atté- Confeil disse l'assaut de la Chair, mais qu'on allasse a main tenu par armée au deuat de lui pour le dessaire, & a ce s'ac- l'Ame. corderet tous fors Raison q dit q c'estoit vn ennemi plus fort que tous autres et plus difficile a vainere,& que le reculler vauldroit mieus q' d'i resister, par ce

par ce que les plus grans de la terre en cuidant refister a la chair auoient esté vaincus. Et a ce propos allegua que si le roi Dauid eusse fui lors qu'il fut par chair assailli en regardant la belle Bersabée & que soubdain se susse retiré de sa fenestre ou il la regardoit nue en sa fontaine n'eusse estê vaincu par la chair, ne semblablement le sage Salomon, ne le fort Sanfon:Parquoi fut aduisé qu'on fortifieroit la cité de Bonne volunte de si bone sorte que la chair & ses gensd'armes n'i pourroient entrer. Suiuat ceste deliberatio les murailles de Droite

Bonne Polunté.

affection furent incontinét visités, lesquels estoiét fort bien percès & equippes de l'artillerie de saint desir. Aus portails de sainte predicatio i auoit bon catio de nombre de bons & saints docteurs. Et les habitans nommés faintes pensées furent assemblés & armês des armures de sainte estude qui furet ordonnes a faire le guet & mis par dizaines soubs bons capitaines. Aussi fut regardé aus viures de bonne parolle, dont la ville fut trouuée tresbien pourueue, de forte qu'il n'i auoit rien a redire.

L'armée du price de la Chair.

De l'autre part le prince de la Chair acopagne de Luxure, Gourmandie & Paresse, trois vices capitaus & chiefs de guerre spirituelle marcherent vers la cité de Bonne volunté en ordre assês nouueau. Paresse menoit l'auantgarde qui estoit môtée fur le cheual d'Oissueté, vestue du harnois d'ennui de bien faire & portoit la lance de vaine tristesse,sa banniere estoit de noir & tané, auec vn escu de sinople a vn aureillier d'argent. Elle auoit auec elle Malice, Pufillanimité, Vagatio de pensée, Somnolence, Trop long repos, Negligence, Impenitence & autres plusieurs de leurs conditions tous a cheual la lace au poing. Apres marchoient les gens de picd

pied haquebutiers & gens de trait nommés fols regards que coduisoit Legereté leur capitaine. Sub-sequemment on menoit l'artillerie de mouuemes charnels, le maistre de l'artillerie estoit nommê

Folle concupiscence.

Apres marchoit la bataille ou estoit le Prince de la Chair en son char triúphant tel qu'il a dessus estê declaré en parlant du palais de Volupté. Et auec lui estoit Luxure armée du harnois blác d'affectió, montée sur le dextrier de Folle amour qui portoit la chair de couleur verte & l'escu d'or a deus flambeaus ardans de gueulles, & estoient acompagnés de plusieurs vaillans gensd'armes, & entre autres de defloration, adultere, inceste fornication, violence, stupration, pollution, peché contre nature, excês en mariage, inconstance, precipitation, cecitê de pensée, amour de soi, amour du monde, haine de Dieu & autres ges a cheual de leur sorte & conditio, & si auoiet plusieurs autres banieres & estandars de pompe módaine tous desploiês. Les trompettes de fol parler & les tabours de lactace de mal faire faisoient vn merueilleus bruit pour donner cueur aus gensd'armes.

Finalement marchoit l'arrieregarde qui estoit L'arrier conduite par Gloutonnie armée du harnois d'ex-regarde ces et montee sur vn cheual asses fol qu'on appel- menée loit trop boire. Elle portoit vne lance de friandise, par glou & estoit sa bániere & enseigne de couleurs de vio-tonnie. let & tanné auec vn escu de gueulles a deus gobelets d'argét. Et marchoit auec elle voracité, inepte ioie, trop parler, hebetude, immudicité, ebrieté, ignoráce,folle hardiesse et autres ges de leur códitió. Les aesles de la bataille estoiét coduites par Excês & Prodigalité, et marchoiet to en grade hardiesse.

nant la cité de Bonne Polunte

Le siege Si fut par ceste armée la cité de Bone voluté assie-mis de-gée de trois sieges, mais non si pres que l'artillerie de charnels mouuemens leur peusse nuire. Et au meillieu de leurs trois sieges feirent vn camp pour eus retirer quant ils se doubteroient auoir bataille. Le camp dressé feirent une fortification pres de la ville, ou leur sembla estre le plus conuenable pour

batre ceus du de dans, en quoi faisant i eut gros de-

Saillie sur les

ennemis

bat, car dame l'rudence qui auoit charge de L'ame fit vne saillie auec aucuns des habitans, nommés Saintes pensées par les fossès de premeditation & vindrent au couuert iusques sur leurs ennemis, de forte qu'ils les rebouterent, en prindrent & occirent en si bon nombre qu'ils furent plus de quinze iours apres qu'ils ne peurent venir ou ils s'atten-

doient aborder des le premier iour, mais lesdits quinze iours passés meirent tous les ennemis de l'Ame leur effort a prendre la cité de Bonne volunté, & firent tant qu'ils approcherent d'icelle, fortifierent leurs guets contre leurs saillies, dresserent leur grosse artillerie de charnels mouuemens, & par l'astuce de Concupiscence commencerent tresfort a batre les murailles de droite affection, de forte que l'Ame & ses ges se trouveret fort presses, & sur ce tindrét coseil & aduiserent que sans Temperance & ses gens ne pourroiet resister a si grosse puissance. Si fut enuoié vers elle l'un des heraus de l'armée de l'Ame nommé Confideration qui portoit la cotte d'armes des couleurs de l'Ame, qui estoit blanc & bleu auec vn escu d'or a vne croix croisée d'azur, ledit escu bordé de sable a l'armes d'argent.Le heraut trouua Temperance a vn petit chaîteau qu'on appelloit Inaduertance ou l'Ame l'auoit laissée: & executat sa charge qu'il auoit par

Affant contre la cité.

escrit lui recita bien au long l'assaut donné a l'Ame en la cité de Bonne volunté par le Prince de la Chair & ses cappitaines dessus nommés.

Comme le siege fut leué de deuant la cité de Bonne volunté par le secours de Temperance.

A dame Temperance ne fut endor-mie: mais subit appella ses filles & tous leurs gens, leur exposa le grant affaire de l'Ame, & mit en deliberation comme on lui pourroit donner secours. Si fut deliberé, conclud & arresté que de Secrette ce iour enuiron mynuite ils partiroiet secrettemet entrepour aller a la cité de Bonne voluté au desceu des prinse de ennemis pour les surprendre. Et que ce pendant le Tempe-heraut iroit vers l'Ame & sa compagnie leur faire rance. scauoir l'entreprinse & autres choses secrettes qui lui furent dites, lui deffendat sur peine de la vie ne les dire a autres qu'a l'Ame ou son chácelier.Le heraut feit tresbié la charge. Et ce pendat que toutes ces choses se faisoiet, l'artillerie de la Chair que coduisoit Concupiscece poussa si fort quelle feit vne breche es murailles de droite affectio, ou l'Ame se trouua acompagnée d'Entendement, Memoire, et Volunté,& aussi de Sensualitê,auec Foi,Esperáce, Charité, & les autres vertus bien armées, ou elles tindrent le pas par plus de six grosses heures contre Concupiscence, Luxure, & tous les gensd'armes qui incessamment leur iettoient aus ieus l'ardant foulfre de charnels mouuememens & plaisirs senfuels, & abondance de trait de fols regards.

Le beffroi de crainte de dieu, & toutes les trompettes de l'Ame qui sont Sindereses, sonnoient & faisoient vn merueilleus bruit en ce conslict: mais

le parti

le parti de l'Ame commenca decliner: car Entendement fut las de combatre, si furent Memoire & Volunté. Et comme ils prenoient vent & aleine par vn leger refreschissement, Folle concupiscéce qui conduisoit l'artillerie de mouuemens charnels les enuirona du subtil feu artificiel de passió charnelle, de forte qu'ils tumberent a terre come mors. Sensua- Et Sensualité qui trop s'estoit auancée fut prinse Lité pri- par gloutonnie, dont l'Ame fut estonnée & preste souniere a se rendre: mais Foi, Esperance & Charité la conseillerent & commencerent a donner courage a Entendement, Memoire & Volunte par honestes remonstrances disant Foi. Sus Entendement leués vous, aies souuenace de la puissance de celui soubs lequel & pour lamour duquel vous bataillés, c'est le roi Iesus remunerateur de toutes bonnes oeuures, soies asseure que si voules auoir courage, ne seres surmonte & que bien tot aures renfort, voulés vous souffrir la honte & le reproche d'auoir estè surmôté par gés si treslasches & effeminés ? Consideres quel honeur & proffit vous sera si vous aués la victoire, & combien elle vous produira d'honneur, de ioie & proffit. Et au contraire penses au deshonneur, reproche, dommage, & desplaisir que vous aurés si vous demourés vaincus, rien ne vous

Persuafion de Esperace a Me moire.

quoi que soit mis vn peu soubs eus.

Esperance parloit de l'autre parta Memoire lui disant. Sus sus Memoire vous souuienne combien de gés ont vaincu le prince de la Chair, par jeusnes, macerations, austerités, oraisons, abstinences, et autres remedes durs & aspres a soustenir, & quelle gloire & loier ils en ont de present. Contemplés d'auantage quel opprobre tant d'empereurs, rois,

doit estre impossible qui estés proches des anges

ducs,

ducs, & autres gens illustres, grans philosophes & clercs de mondaine science, ont soustenu pour leur pusillanimité, & s'estre laissés surmôter a ces mon-Hres & ennemis charnels. Charité de l'autre part faisoit encores mieuls enuers la grande maistresse Volunté lui disant. Ou est l'amour que vous aués a vostre createur, sauueur & redempteur Iesus! Ou est la recompense que vous lui pourchassés, de tant de benefices qu'il vous a faits & fait chacun iour: sans lui ne poues rien, sans lui ne valles rien, et sans lui tout est moins que rien. On dit qu'au besoing on connoit l'ami. Si vous l'aimes, vous ne craindrés a perdre la vie pour l'amour de lui: car si vous perdes pour lui la vie corporelle, vous donmera l'eternelle. Leuês vous & reprenés courage: canau plaisir de Dieu nos ennemis n'entreront en la cité. A ces remonstrances, Entendement, Memoire, & Voluntê se releuerent, & auec Foi, Esperance & Charité entrerent furieusemet entre leurs ennemis, sauuerent & retirerent Sensualité qui in estoit prisonniere: mais furent suiuis de si pres qu'a peine eurent passê la breche que les ennemis qui estoient a leur queue, cuiderent entrer en la cité. Toutefois ils furent empeschés par les autres vertus. Et lors voiant l'Ame que la force de l'armée declinoit se mit a genous, & les mains iointes & les ieus tendus vers le ciel commenca prier Dieu en ceste sorte. O roi Iesus & empereur de tous les Oraison siecles, des cieus, de la terre & de la mer, regardes de l'ame s'il vous plait de vos pitoiables leus la continuelle en la ba-& aspre bataille dont ie suis affligée par le prince taille de de la Chair. Ma foi est diminuêe, mon entendemet la Chair ne scet plus qu'il fait, mon esperace reculle, ma memoire s'esbahit, ma charité se refroidit, & ma vo-

Junte est lassée & fatiguée, mes saintes pensées sont estonnées, & ma droite affectió est brisée & faulsée par la breche que Luxure i a faite. Le feu des charnels mouuemes nous brule, le trait de fols regards nous affolle, ma sensualité est blecée & sans plus combatre est preste a se rendre au merci des ennemis. Tout ce que touche la chair est blecé & mortisse, de sorte que ie ne scai plus que faire, fors laisfer & habádonner la cité de Bonne volunté : mais ie scai que si la laisse prendre par mes aduersaires qu'elle sera mise assac, & tous les habitans d'icelle qui sont Saintes pensèes destruits & perdus. O bon lesus roi inuincible & insuperable qui seul donês les victoires, conoisses les secrets des cueurs & a qui toute ma pésée est ouverte, vous plaise me secourir en ceste guerre spirituelle, & m'enupier quelque secours & aide de lassus: car sans cela ie suis perdue & affollee. Ie suis destruite & dehonnoree, & finalement a tout malheur habandonnée.

Si tot que l'Ame eut mis fin a sa brieue oraison, arriua Grace diuine armée de pied en chief des armes de puissance inconuincible, la hache de bonté incomprehensible au poin auec vn grant nombre de saintes inspirations, aussi armées du harnois de sapience diuine. Toutes lesquelles vindrent a' la breche faite en la muraille de droite affection, de laquelle reculerent cheualeureusement Luxure & toute sa suite, & gaignerent l'artillerie des charnels mouuemens, qu'ils sirent submerger en la riuiere de sainte cogitation, puis sortissierét la breche des rempars de penitence, & par ce moien sut l'Ame deliurée de ce danger pour ceste sois.

Le lendemain enuiron mynuit Temperance

partit du chasteau d'Inaduertance auec toute sa Le secompagnie qui estoit Continence, Virginite, Cha- cours de Steté matrimonialle, Pudicité vidualle, Honesteté, Tempe-Erubescence, Abstinece, Sobriete, Benignite, Mo-race 6 destie, Studiosité, Diligence, Humilité, Considera- sa com-tion, Crainte de Dieu, Trauail, Labeur, Astuce, pagnie. Estude, Occupation, & autres dames en grant nombre, bien armées des armeures de Iesuchrist, motées sur coursiers de bon vouloir, & embastonnées des lances & autres bastons de sainte entreprinse, la compagnie mise en ordre de bataille rangée cheuaucherent toute la nuit auec bon guet, de Torte qu'elle approcherét pres de la cité de Bonne volute par dela le siege de Paresse, qui estoit a l'une des portes ou se trouua le heraut de l'Ame nomê Consideratio qui les aduisa que l'armée de l'Ame estoit entre ce siege & ladite porte,& qu'ils vissent par derriere & passeroient a trauers le siège en des. pit de tout le mode par ce qu'il n'estoit fortisse ne remparê & n'i auoit persone q menasse l'artillerie.

Temperance creut le heraut, & mit son armée en bon ordre. Premierement fit marcher cinquate lances soubs la conduite de Virginité, puis mit a main dextre les haquebutiers & arbalestriers soubs le guidon de Studiosité, auec son artillerie soubs la charge d'honneste occupation, & sur la main sene-Are fut ordonnée Sobrieté auec quarante lances pour seruir du descouurir. Apres alsoit Temperace Les fieauec tout le surplus de l'armée. Paresse fut soub- ges lenés dain aduertie de l'approche de Téperace & son ar- par Témée, parquoi leua so siege, & elle & sa copagnie se perance. retireret le plus tot qu'ils peuret auec leur bagage au cap du prince de la Chair, come aussi firent Luxure & Gloutonie, qui tenoiet la villo assiegée en Kk ij

🚭 deus autres lieus , sans öser attendre Temperace & fon armée. Laquelle se ioignit a la bataille rengée

de l'Ame, qui estoit ia sortie hors la porte.

L'Ame receut benignemet Temperace & apres l'auoir embrasse & remercie de son secours, lui demanda, & atoute sa compagnie s'il seroit bon de courir sus a l'armée de la chair dot elle auoit bone enuie. Prudéce qui estoit l'un de ses principaus capitaines ne fut de cest aduis, disant que leurs ennemis estoient fort fortisies, et qu'on ne leur pourroit meffaire. Aussi que par fuite et dissimulation on les furmonteroit mieuls qu'autrement. Chacun fut de ceste oppinion, puis entrerent en la cité de Bonne volunte ou furent tous loges comme appartenoit. Le lendemain matin fut tenu conseil, auquelse trouuerent l'Ame, Entendement, Memoire, Voluntê.Grace diuine, Raison, Foi, Esperance, Charitê, Prudence, Force, Temperance, Îustice, Theologie, & Sensualité. Et apres que chacun eut prins son lieu selon sa qualité & autorité, l'Ame mit en deliberation ce.

Conseil pagnie.

nous sommes assembles. C'est que le prince de la l'Ame et Chair & ses allies, Luxure, Gloutonnie, & Paresse font deuant ceste cité de Bonne volunté il i a long tems, non seulemet pour gaigner la cite: mais pour me prendre & faire condescendre a leur damnê vouloir,& faire de moi ce qu'ils vouldroient, qui est la chose que plus ie craind en ce monde. Vous scaues en quels dangers i'ai este puis huit iours a la breche faite par nos aduersaires es murailles de droite affection ce n'eusse esté vous Grace diuine qui vinstes au secours estions tous perdus & affoiles. Toutefois par vostre aide ma dame ils sont

Vous entédes mes dames la cause pour laquelle

yn peu

vn peu recullés, & ont leué leurs sieges a la venue de vous dame Temperance & vos gens, dont ie vous remercie: mais ce n'est tout, car qui n'i pour-uoiera ils sont pour me faire plusieurs autres grans ennuis, ie vous prie aduiser tous ensemble qu'il est de faire. Car sans vous ie ne puis rien. Par ce que Raison estoit la gouuernante, & qu'elle estoit bien experimentée en toutes choses, on la pria de para ler: mais elle s'excusa disant qu'elle estoit mal experte en guerre, & que dame Prudence sca-uoit que c'estoit, tant par lettre que par sait & experience. A ceste consideration sut danse Prudéce chargée par la compagnie d'oppiner la premiere, ce qu'elle seit disant.

De la malice de la Chair et de ses alliés, Luxure, Paresse, & Gloutonnie.

A malice de la Chair (dit Prudence)
est doulce a gens qui ne la conoissent
& est plus facille a blasmer & detaster, que a l'euiter et suir. Tant de ges
saints ont par elle preuarique, tat de

gens fors en ont perdu leur force, tant de gés sages en sont deuenus fols, tant de gens riches en sont appauuris, tant de gens de bon estime mis en opprobre, tant de bon mariages souillès, & brisès, tant de ieunes femmes dissamées, tant de pucelles prostituées & au bordeau mises, tant de ieunes ensans affollés. Regardés ou liure des triumphes de Petrarque, & vous verrés combien d'empereurs, rois, ducs, contes, marquis, barons, cheualiers, philosophes, clercs & autres gés ont esté par le prince de la Chair (c'est a dire par folle amour) vaincus & surmontês, & comme elle a triumphé sur eus, & Kk iij aussi

## Le tiers Gure

gussi sur plusieurs dames & autres, dont les exem? ples sont si communes que ie me deporterai de les dire.Et pour monstrer la puissance regardons l'alhace que le prince de la chair a auec vostre femme de chambre Sensualité, & les cinq sens vos seruiteurs & escuiers. Ame raisonnable pesons combien ce prince est fauorises par ieunesse, habondance, richesse & plaisir qui touiours vous suivent,

Contemplons la force du premier de ses capi-

L4 m4lice de paresse & gloutonnie.

taines Parelle qui engendre toutes mauuailes pensees & cogitations ou le cors se delecte. Voions apres gloutonnie qui par lecherie, friandie ou habondance de vins & viandes nourrit le cors en delices, delectations charnelles, pensées lasciuieuses, mouvemes sensuels & impudiques & atouchemes deshonnestes, dont par apres se donne a luxure. Le tiers capitaine qui est de telle force que peu de gés l'ont surmonté sans grant perte de leur sainteté & deuotion. Et si vous aduerti que tant plus sont les gens deuots ou scauans & plus sont presses de lu-Le dan - xure. A ce propos disoit saint Hierome. Croies moi que luxure est de ceste condition qu'elle tend tou-Luxure Tours a seduire les meilleurs soubs vmbre d'amitie honneste. On aime plus voluntiers vne personne pour son honnesteté, humilité, benignité, beau maintien, courtoisse ou autre bonne grace que pour la beauté corporelle, dot est prins cest adage. En femme contenance. Et soubs vmbre de telle amour iacoit ce que le commencement d'icelle ne

tende a mal ne deshonneur, toutefois par approches & longues parolles que hommes & femmes ont ensemble soubs couleur de telle amour honneste les passions de la chair sesmeunét & tendent au plaisir sensuel du cors.Premieremet a parler de

Digitized by Google

choses

choles lascinienses ou delectables au cors, a regards impudiques, a pensées immundes, a delectations charnelles, a bailers & autres atouchemens dehonnestes. Puis au cosentemet du peché & a la perpetration d'icelui, finalement a mauuaise coustume par laquelle on tumbe en obstinatió et impenitéce.

Aucun tant sage & bon soit il ne s'i sie, car il i seroit deceu, & de ce me rapporte a ceus & celles qui en ont eu les experiences. Les commandemens de Dieu ne sont impossibles de soi, en fuiant les occasions de peché, mais on les rend tresdifficiles par les occasions qu'on prent de mal faire. Vous en- La feme tendes que la femme a esté faite pour l'homme & est faite que c'est la chose plus delectableau cors de l'hôme pour en choses pures naturelles qui n'est sans cause, & l'home. Dieu l'a ainsi voulu pour l'augmentation & multiplicatio d'humain lignage, mais on n'en doit abuser ne couoiter et desirer autre femme que la siène. Dieu ne crea plusieurs femmes a l'hôme, mais vne seule pour son aide, côme il est escrit au commencement de Genese Et si donna raison a l'homme pour vser de la fenime comme appartient. Et si a la Qu'on persuasion de la femme Adam pecha, pourtat n'est ne doit bo ne honeste de dire mal des femmes, & escrire & diremal publier qu'elles sont cause de tout le mal, c'est vne des femacreature de Dieu comme les autres creatures rai-fonnables. Et toutes les creatures ont esté faites en mes plus la sapiéce de Dieu, & si sont toutes bonnes en leur que des genre & nature pour la fin & operatió en laquelle bommes Dieu les a crées & faites, mais qui en voudroit autremet vser que Dieu a ordone, on excedroit, & ce qui est de soi bon seroit mauuais par telle operatió.

On dit que les femmes sont fragiles, muables, deceptiues & inductives a mal, & que plusieurs en Kk iiii

ont este deceus, mesmement Adam, Loth, Sanson, Dauid, Salomon & plusieurs autres. Ie demanderoie voluntiers si les femmes en sont cause. Non certes, mais les hommes qui se sont enfollatis de l'amour desordonnée des femmes, & qui se sont approchés d'elles plus pres qu'ils ne doiuet, tout ainsi que font ceus qui s'enivrent, car le vin (qui est vne bonne, doulce & saine liqueur) n'est cause dont ils se sont enivres, mais leurs desraisonnables exces qu'ils font a le boire, mais qui en prédroit par moderation & sans exceder on ne scauroit trouver chose meilleure a vn corssain. Aussi qui veult vser des femmes autrement que Dieu l'a ordonnê, c'est a dire hors mariage.il est deceu par ceste destraison & nó par la femme. Et q dira ie ne me puis garder d'aimer et couoiter vne telle femme que je ne puis espouser: ie lui respondrais il est si fol qu'il doine entreprendre d'auoir chose qu'il ne peut ne doit augir. Et s'il est si despourueu de sens qu'il ne se veuille essongner de telle femme ne se garder de frequenter, ie dirai qu'il est deuenu beste irraisonnable & ne scet ne veult connoistre ce qui lui est bon ou mauuais.

Autant i'en di des femmes enuers les hommes, & qu'elles ne doiuent frequenter en lieus secrets autres que leurs maris tant saintes personnes puissent estre, car plusieurs en ont esté deceues, tesmoing saint Hieronne qui dit que la plus sainte semme du monde ne scauroit aimer vn homme spirituellemét qu'elle vouldra a la fin par frequentation corporelle, particuliere & secrette ne soit deceue & circonuenue par ceste passion de concupiscence & sensualité. Et si le personnage est vieil & ancien encores i a il du danger, comme recite ce mesme

mesme docteur d'un religieus aagê de quatre vingts ans, qui pour aucune maladie a lui furuenue fut mis pour estre pensê & secouru en vn hospital ou servoient aucunes femmes devotes portans habit de religion. Et pour la frequentation qu'il eut auec l'une d'icelles s'approcherent de si pres qu'il l'engrossa. Et apres desplaisant de son peché pour donner exemple aus autres religieus & les persuader a fuir la frequétatio des femmes print l'enfant nais entre ses bras disant. Pensés pensês en mon offense, & ne vous confiés en vieil aage, sainteté ne religion. Saint Benoit depuis qu'il fut religieus ne voulu veoir sa sœur sainte Scolastique que vne seule fois pour le danger qu'il connoissoit en la frequentation des femmes. Et saint Augustin depuis qu'il fut conuerti ne parla a femme fors en confession, predication ou exhortation publique & ne voulut que parentes ne autres entrassent en sa maison . Si donc telles saintes persones ont tant craint & redoubté la force & puissance de la chair, Ame incorporéé, vous la deues bien craindre, & mieuls vault l'enuoier par dissimulation que par combat.

Ainsi que Prudence mettoit sin a son propos arriua quelqu'vne des habitates de la citè de Bonne volunté nomée saintes pensées qui leur dit qu'elle auoit veu les aduersaires en ordre de bataille bien equippés. Et auoient fait semblant deus ou trois sois de sortir de leur parc, ne scauoit si c'estoit pour les venir assaillir ou pour eus retirer. Lors dit Temperance. Auant nostre departie verrons qu'ils auront sur le cueur, toutesois ie me renge a l'oppinio de Prudéce. Ce seroit grade sollie, dit dame Force, de les assaillir en leur fortisication pour les raisons par elle alleguées, mais au departir on leur pourra

donner

Cantelle pour ennoier les ennemis sans les 4faillir.

donner sur la queue ou cas qu'ils veulent reculler. Et s'ils nous affaillent leur monstreros que peu les doubtons. Dame Iustice n'auoit encores parlé qui commenca dire. Mes dames vous aués tresbien dis & oppiné de nostre affaire, & d'auantage me semble que ne deuons pour le present entreprendre fur nos ennemis, fors vne seule chose, qui est qu'on face cheuaucer de nos gens pour garder que nos enemis n'aient aucuns viures du pais du gloutonnie & paresse dont la chair prent toute sa nourri-ture, & soient nos gens en si bonne quantite que la force leur demeure. Par ce moié sans coup frapper les cotraindres par succession de temps a dessoger, ou nous donner l'assaut . Et est requis que les gens d'armes que vous i enuoierés aient bos chess & conducteurs,& que personne ne cheuauce sans congè, affin qu'il ne soit chasse & ruè ius follemet. Tous furent de l'oppinion de dame Iustice, & furent ordonnés gens pour executer ce conseil de la bande de dame Temperance soubs la charge de deus bons cappitaines Sobrieté & Occupation honneste, lesquels sceurent bien faire ce qui auoit esté bien aduisé. Et par plusieurs fois destrousserent oissueté, friandie, excés & festination qui ap. portoient viures au prince de la chair, de sorte que la chair & toute son armée furent contraints de L'éfuite descamper & laisser leur camp assés hastiuement pour eus retirer au chasteau de confusion, par le moien dequoi l'Ame incorporée demourra victorieuse en sa cité de Bonne voluté, en laquelle apres vn peu de seiour spirituel, son espous nostre seigneur Ieluchrist lui enuoi ceste epistre.

des en-Bemis.

**Epistre** 

Epistre consolatiue enuoiee par nostre seigneur Iesuchrist a son espouse l'Ameraisonnable, contenant les mauls procedás de paresse, gloutonnie & luxure, & des biens qui viennent de vertus contraires

a ces vices.

Ombië (m'amie et ma loialle espouse)

Oue celui suis q tout fait & dispouse

Et qu'il n'i ait quant a moi rië secret,

Ce nonobstat quat par vn fait discret

Ie te voi faire vn oëuure exterieure

Monstrant au cler l'effett interieure De toi a moi, tresfort m'en r'esiouis Et quant de toi bons rapports sont ouis.

Ie suis certain que la dure bataille Que on t'a fait tant d'estoc que de taille De par la chair par assaus moult diners, Si t'ensse duré trop plus de dix ivers Ne feusse que i'ai par ma grace dinine Monstre ma force a si orde vermine, and six and De telle guerre a toi ainsi linnée, mataja ana sa

Ne penses pas que toi ne tous tes gens trang take Eusies passe dangers tant emergens, aphinodell Ne penses pas que vostreseule force was sint es Eusse a la chair donné si dure entorce, no von al Ne cuides pas que Palladins escus chrobing o to A Ne les harnois de Mars euffent vaincus iron in the Gens si tresfors, c'est moi qui sentstai reinre, des Aussi mourir, la guerre & paix in laure de 1811 14

Ce nonobstant voiant le tren veuloir

Qui a desir enners moi de valloir

Et que

# Le tiers Bure

Et que labeur & peinemerueilleuse
En ceste guerre borrible & perilleuse
As prins & eu d'un vouloir bon & fort,
I et e veul bien donner quelque confort:
Asses me plait te donner esperance
Desurmonter, voire entiere asseurance:
Et enseigner les moiens & les tours
Pour subiuguer la chair & ses atours:
C'est a scauoir Gloutonnee & Paresse,
Luxure aussi de plusieurs gens maistresse
Qui sont les trois faisant prenariquer
La folle chair, & vers moi delinquer.
Premierement dois suir gloutonnie

Premierement dois fuir gloutonnie Qui est touiours pleine de villennie, Ce que feras en mangeant sobrement Pour te nourrir non delicatement Sans preuenir l'heure a toì ordonnée Ne aus bons vins estre trop adonnée Ne prens pas tant de fi doulce liqueur Que mal teface a la teste & au cneur, Car nonobstant que ce soit liqueur bonne Quant on la prent par raison, aussi donne Les grans affaus quant ce bennrage est prins Habondamment dont plusieurs sont surprins Et fait les genstrop parler & trop dire, Batre & occir, detracter & mefdire, Voire parler lasciniensement. ....... Et se porter tout desbonnestement: Et telles gens qui nuit & iour gourmandent Pour tout soulas a paillarder demandent On a ioner & puis le long dormir, Mal de teste & ordures vomir,

Depen

Depeu de iours bons & fains est leur vie, Pource m'amie il fault qu'on i obuie Par abstinence & par fobrieté Dont on nourrit toute pudicité.

Les sobres gens ne sont si tot malades
Que les gourmans & n'ont leurs cueurs tant fades
Les grans excés du boire & du manger
Font beaucoup plus de gens a mort ranger
Que autres excés, soit de peste ou de guerre
Et font des mauls merueilleus sur la terre.

Les grans gourmans ne s'approchent de moi,
Les grans gourmans sont sans amour & loi,
Les grans gourmans sont vils & detestables
Et si ne font oëuures qui soient louables,
Les grans gourmans deuiennent bestiauls
Et a leurs cors & ames font grans mauls,
Ignorans sont & remplis de hebetude,
Vagans par tout & sans solicitude,
Les grans gourmans viennent a pauureté,
A grant misere, & deshonnesteté,
Les grans gourmans par leur ivrongnerie
S'en vont mourir a quelque aumonerie.

Mais ceus qui sont sobres & abstinens, Pudiques sont, chastes & continens, Sains & ioieus de liesse celeste, Prompts en esprit, & viuent sans moleste.

Tune verras, ou bien peu, sobres gens Pauures, meschans & de biens indigens Les sobres gens sont voluntiers paisibles, Humbles, courtois, & a tous biens divisibles, Les sobres gens sont legers & gaillars Et si sont voluntiers point paillars,

Toniours

# Letiers liufe

Toniours sont pres a mes maudemens faire, Lents a pecher, & tardifs a malfaire Les sobres gens font par tout leur deuoir Et voluntiers sont remplis de scauoir Par ce te tien prudente & treshardie De guerroser entous lieus gourmandie, On ne se doit laisser suppediter A gloutonnie, ains fort i resister.

L'autre tenteur de la chair est Paresse De peché mere, & engendrent tristesse, Car paresse est ennui de faire bien

Spirituel, corporel, terrien.

Vn paresseus aime mieuls viure triste Que faire rien, a vertus il resiste Vn paresseus pour lui ne pour autrui Ne veult rien faire, ains viure en tout ennui. Vn paresseus ne sert Dieu ne le monde, En pensemens tous maunais il abonde, Vn paresseus a bien faire est tardif, Pefant, mal sain, tout remis & pensif, Vn paresseus est tout plein de malice, En lui n'i a bon ordre ne police. Vn paresseus ne scauroit commencer Afaire bien, & moins s'i aduancer. Vn paresseus est comme homme insensible Il ne trouue acte a lui bon ne possible, Et quant il s'est de vertus separé Son esprit est a tout mal preparé. Vn paresseus n'a rien que la parolle Et court par tout comme vn homme discolle Lequel ne scet quel estat prendre il doit Vn paresseus aus tems futur ne voit. Vnp4Vn paresseus n'a rien que la pensée, Qui de peché touiours est offensée, Vn paresseus ne fait que mal songer, Et son esprit en fols souhaits plonger, Vn paresseus ne prent r'essouissance, Fors quant il a de delits iouissance. Vn paresseus est comme vn pastre espars Laissant manger aus loups brebis es parcs.

Vn paresseus qui a rien ne s'applique Est tout meschant, inconstant & lubrique, Et ne scauroit a grans vertus monter, Ne de la chair les assaus surmonter.

Trop long repos a vertus est contraire,
Et de vertus fait toutes gens distraire.
Trop long repos la folle chair nourrit
Et par apres l'occit & l'appauurit,
Trop long repos les esprits debilite
Trop long repos contre vertus milite
Trop long repos les bons vouloirs corrompt
Trop long repos a plusieurs le col rompt
Trop long repos conduit a indigence
En tel repos ne verrés allegeance
Trop long repos est par moi dessendu
Trop long repos a maint bomme perdu.

Contemple bien toutes mes creatures Comme elles sont, leurs estres & fattures Chacune fait comme i'ai ordonné, Rien n'i verras qui soit desordonné Fors les humains, lesquels ne veulent faire Ce a quoi sont nés: mais en tous cas forfaire.

Ie les ai faits pour m'aimer & seruir, Pour me connoistre, & a mois'asseruir

Et la

Et la plus part s'ennuie me complaire A peine prendre a me sernir & plaire Ils prennent plus de labeur sans raison A conquerir or, argent ou maison Ou autres biens du monde transitoire Qu'a conquerir de paradis la gloire Et les tresors lesquels sont eternels Dont ils auvont des mauls sempiternels.

L'ordre angelic, lune, soleil, estoilles Leurs oeuures font voire par facons telles Q'il n'i a rien en euls de superstu N'en leur cours grant, douls & mellistu.

Beste n'i a n'autre geniture
Qui ne chemine en lordre de nature
Sans perdre tems, regardent la formis
Tous ceus lesquels sont si tresendormis
Que par dessaut d'honneste labeur prendre
Vont mandier, & qu'on fait souvent pendre,
Par ce convient qui veult ma grace avoir
Et qui ne veult de la chair recevoir
Les grans asaus que paresse dechasse
Et que labeur & douls travail pourchasse
C'est que le cors on face travailler
A faire bien, & l'esprit i veiller:
Car celle chair qui est tant reposée
A tous pechés trouveras disposée.
Parlons apres de libidimité

Parlons apres de libidinité Dite luxure ou bien lubricité Qui de la chair est le tiers cappitaine Fort dangereus a toute vie humaine.

C'est le premier vice lequel assant Tous les humains, pour leur donner vn sant

C'eft

C'est vn peché qui est de telle taille Qui fait plus longue & plus aspre bataillet C'est vn delit lequel fait plus de mauls. Et qui aus bons donne plus de trauauls: C'est vn plaisir qui plus de gens assomme Tue & abat, tant enfant, comme homme Par ce on le doit de tous points euiter, Bannir, chasser, abhorrer & viter.

Tu me diras qu'il est fort difficille, Certes non est, a vn cueur bien docille, Et qui vouldra s'arrester a penser Sa grande borreur & forme d'offenser.

Premierement la personne regarde Dont est venue, & apres prenne garde Ou veult aller, alors elle dira

Qu'a tout honneur ame & cors dediera. N'est pas son ame a ma semblance faite! Et si le cors est de matiere infaite

Ce nonobstant il ressuscitera Et vil est net en paradis sera

Et s'il est net en paradis sera, Voire aura heu es beaus ordres d**es anges,** 

Pour receuoir infinies louanges. L'ai destiné a la communion

De deité par secrette vnion, Tous chrestiens lesquels vouldront nets estre Pour les loger en mon eternel estre.

Et comme donc osc l'homme mondain Pour vn plaisir villain & tout soubdain Son cors tacher de villaine luxure Qui put au ciel, ainsi ie le t'asseure?

Si veult il bien aus bestes comparer Pour d'un peché tant villain se parer? Ll

Vents

Veult illaisser sa semblance angelique, Pour deuenir vn pourceau tout lubrique?

Regarde bien l'homme voluptueus Combien il est vers moi defettueus: Premierement il prophane le temple Que i'ai facré par ma grace trefample De mon pur fang, c'est son cors & son ame, Voire deuient vn adultere infame.

Lubricité qui est vn mal plaisant, Apres plaisir fait l'homme desplaisant, Lubricité engendre maladic, Souci, douleur, & les cueurs attedie, Lubricité produst mauuais renom Pert ame & cors, & ofte le bon nom, Lubricité desbonnnore ieunesse, Et absorbit la lubrique vieillesse, Lubricité fait perdre entendement, Memoire aussi, voire soubdainement, Lubricité fait perdre argent & terre, Et sans cesser fait aus lubrics la guerre, Lubricité de tout bien diuertit Et les vertus abat & subuertit, Lubricité put deuant tout le monde, Elle est villaine, orde, sale & immunde, Lubricité conduit a pauureté, A infortune & a malheureté, Lubricité n'est iamais sans la perte De biens, d'amis, ou d'autre chose apperte. Lubricité fait gens idolatrer, Perdre leur force, & außi follatrer, Ce qu'on peut veoir par bonne experience En ceus qui ont eu la force & science

Et sainteté qu'autressois surmonta Lubricité, & si les abonta.

Parquoi chacun d'elle se prenne garde Aie anec lui chasteté pour sa garde: Car chasteté par pudique combat Donne la fuite a luxure ou l'abbat, Par chasteté tant doulce & honnorable. Le chrestien est aus anges semblable, Par chasteté on a toute beauté Tout bon renom, amour & loi autë, Par chasteté on peut longuement viure, Et si est on de grans mauls au deliure, Par chasteté reluit l'entendement, Et si comprent ce qu'il veult promptement. Par chasteté mon amour on pourchasse, Et d'auec soi les fauls anges on chasse, Par chasteté on est de tous aimé, Voire fusse lon d'autre vice blasme, Par chasteté on suit ma voie & trace, Voire & a on du saint esprit la grace.

Mais les lubrics & les fols amoureus Sont loing de moi, comme gens malheureus Voire & si ont pour leur amour tant folle Mal dessus mal, qui les griefue & affolle.

Vn fol amant a maints mauls est subies
Apres vn ris on fait de lui reiet,
S'il est ioieus, auant que soit vne heure
Il est dolent, & si lamente & pleure,
Plus tot pallit, plus rouge deurent
Tout en ce point que d'amours lui souvient
Plus tot courrous son pauure esprit tourmente
Maintenant chante, & tout soubdain lamente

Ll ÿ Vons

Vous le verres aller, courir, venir, Par ci, par la, sans maniere tenir, Faire regards en tristesse tant aigre, Ietter souspirs, & devenir tant maigre, Veiller ans buis,& i perdre le tems Et supporter les mespris & contems Qu'on fait de lui souvent par la malice De ceste la, qu'il veult faire sa lice Il pert repos, le boire & le manger Et pour reconfort ne scet ou se renger, Aucunefois on le bat, iniurie, Ou bien quelqu'un fait de lui raillerie: Il est subiet au parler de chacun Il pert le sens, il est tout importun, Et si ne scet souuent sa contenance Propos ne tient, & pert sa souuenance Il ne scauroit au monde proffiter Et moins vers moi sonsauueur aquitter Ou est le nom en cest endroit de l'homme? On est sa barbe? & son esprit en somme? Ou est son sens lequel deusse appliquer A moi tout seul, & non pas s'impliquer A tels pensers & plaisirs inbonnestes Le doit on point comparager aus bestes?

Ce vil peché n'est sans grans iuremens Sans menterie, & sans pariuremens Sans grans banquets, paresse & gloutonnie, Sans fauls rapports, sans ire & sclonnie, Sans perdre tems, sans curiosité, Sans auarice, & sans tenacité, Sans desbonneur, sans baine & infamie, Sans ennemi, & moins sans ennemie.

Ce n'est

Cen'est amour: car le mal on poursuit De son prochain, & tout mal s'en ensuit C'est pourchasser de l'homme ou de la femme Son damnement, sa perte & son dissame, C'est mon espouse & amie rauir, Et me l'oster & a soi l'asseruir.

On deusse penser a la vie tant briene Et en la mort aspre, cruelle & griene, On deusse penser au futur iugement Et qu'il fauldra tout manifestement De tous pensers, faits & dits rendre compte, Auoir salut, ou damnement abonte.

On deusse penser en la felicité
Des gens de bien qui en pudicité
Auront vescu, puis en l'ardante arsure
Qu'auront tous ceus qui ont suiu luxure,
Si de leurs mauls penitence ne font
Et corrigés eus viuans ne se sont.

On deusse penser qu'on pert salut & gloire
Pour vn plaisir tant vil & transitoire,
On deusse penser que ceus qui donnent lieu
A la luxure, ils oublient tant Dieu
Que mal sur mal tous les iours ils commettent
Et tellement s'aueuglent & bebetent
Qu'ils tomberont en obstination.
Telle & si grande que si telle action
Ne peuent plus par vieillesse commettre
Ce nonobstant les verres entremettre
De deuiser lasciuieusement
Et en ce vice ils mourront sottement.

Et s'il aduient que d'illec les retire Par ma bonté ne sera sans martire, Ll iÿ

Sans

Sans grant labeur, sans larmes & rigueur Ne sans douleur tresgrant de l'ame & cueur.

Or donc conclus puis que d'estat lubrique Vient tant de mal, tu dois estre pudique Et batailler ainsi qu'as commencé, Et pour triumphe auras (comme ai pensé) Le beau chappeu d'esmeraudes tressines Entrelassé de pierres seraphines Que ie t'enuoie en attendant le iour Que tu auras en montresbault seiour De tous plaisirs heureuse iouissance Et sans cesser touter essouissance.

Mais il te fault plus auant cheminer
Pour le tien aage & vie terminer
C'est que passer fault le reste du monde
Pour aller droit au pais tant seconde
Et tant servil de bonnes oëuures dit
Ou tu auras querelle & contredit;
Mais n'aie peur qu'aucun t'extermine
Si auec toi tu as Grace diuine.

Et pour fuir les dangereus abois
Ne passeras par les dangereus bois
Qui sont r'emplis d'oceasions mauuaises
Et ne prens pas tes plaisirs & tes aises:
Fui lieus & gens engendrans fols pensiers
Qui sitrebien parlent & voluntiers:
Garde toi bien de trop ietter la veüe
Sur grande beauté de volupté pourueue
Ne regardant ce qui est dessendu
De desirer, mais soit ton cueur tendu
Sur tout a moi comme espouse loialle
Et tu auras la couronne roialle

D'eter-

D'eternité, surquoi ie ferai fin A mon escrit que ie t'enuoi, affin Qu'aiestouiours memoire & souuenance Du tien sauueur & de ta soustenance. Escrit au lieu de parfaite amitie Par cestui la qui a de toi pitie.

Comme l'Ame incorporée se prepara pour aller an pais de Bonnes oëuures, & de passer par le monde, & des abus & follies du monde, qui est le commencement de son second triumphe.

Ontemplatió apporta la gracieuse & Comenacopicuse lettre de nostre seigneur Ic-cemet du suchrist a l'Ame incorporee qui en second

fuchrist a l'Ame incorporée qui en second feit lecture en presence de Raison, triúpheo Entendemét, Memoire & Volunté, mais a peine la peut paracheuer de lire, tant iettoit de doulces & amoureus larmes par ses seus, connoissant la grade & incoprehésible amour que Ies sus auoit a elle: dont elle, Entédemét, Memoire & Volunté par la bouche de Raison lui en rendirét graces, puis su tosseil tenu pour s'en aller de la cité de Bonne voluté, au pais de Bonnes oéuures ainsi qu'auoit escrit lesus. A ce cosoil assisterent Raison, Entendemét, Volunté, Memoire, Foi, Esperance, Charité, Prudéce, Justice, Force & Temperace, qui estoient les principaus gouuerneurs de l'Ame. Et mit en deliberatio dame Raison ce propos disant.

Mes dames vous scaues & entendes trop mieuls que moi le chemin que l'Ame incorporee veult & doit tenir pour aller au port de falut, & quels tours on lui a faits en la terre de Ieunesse, les asfaus qu'elle & nous auos puis n'agueres soustenus,

Ll iiij

& a iceus resisté par le support de Grace diuine es extremités de ceste terre de Jeunesse, & que nous approchos celle de Vieillesse. En quoi faisant auos ia passé vne gráde partie de la seigneurie du môde. Reste paracheuer nostre voiage qui ne se pourra faire sans passer par le territoire de Bones oeuures, ainsi que nostre seigneur & maistre Iesuchrist a escrit a l'Ame, mais ce ne sera sans grande guerre, car vous scaués la force & puissance du Monde & du Diable qui encores restent a surmôter. Le Monde a de merueilleus cappitaines, scauoir est Auarice, Ambition et Aduerlité. Nul est de vous qui ignore combien ils sont subtils, hardis & forts en guerre, & combien sont leurs entreprinses & executions dangereuses, & sur combien de rois & princes ils ont triumphé. A ceste consideration ie sai grant doubte que nostre maistresse l'Ame i aie de la perte & du deshonneur.

des man naifes co ditios du monde.

Vous scaues que le Monde a cinq mauuaises & contagieuses coditions entre autres qui commencent par les lettres capitalles de son nom. La premiere qu'il est menteur. Le monde ne tint onc verité. Ientend les mondains pour le monde, car toutes choses qui ont esté de Dieu crées & faites, sont tresbonnes chacunne en son genre & espece pour en vser ainsi que dieu les a crées a celle seule sin. Le monde promet aus mondains plaisir, aise, richesse & hôneur par le moien de beauté, force, noblesse, art, science, agilité, & nous pouons tous conoistre qu'en toutes ces choses n'ia seure espoir: & que souvent de beauté procede inimitance, de noblesse orgueil, de art presumptio, de scièce nonchalance, de agilité sollie, & que d'inimitance, orgueil, presumption, nonchalance & sollie procedet guerres, discors,

discors, procés, homicides, haines, rancunes, pauureté, milere & desolatio, & si par fois on a quelques honeurs & biens en ce monde font r'emplis de secrets ennuits, & si sont de petite durée. Toutes ces choses que promet le monde aus mondains & qui leur sont plaisantes aus corporels seus, ne scauroiet durer trente ans sans quelque fascherie, malheur & infortune en cors,en biens ou en renommée.

Secondemét le Monde est onereus, car il charge le mode les humains mondains sans fin & cesse de peines, est onetrauaus, souci, ennuits, charges, molestes, angoisses, reus. tristesses, desolations, lamentations, pleurs, souspirs & autres miseres. Commencons a Adam & continuons iusques aus rois, empereurs, monarches & princes a present viuás de regne en regne, & nous verrons qu'aucun d'iceus n'a esté sans aduersité. Combien i a il eu de mutations de roiaumes, monarchies, sceptres, empires & seigneuries! Cóbien lisons nous de monarches, empereurs, rois, cosules, dictateurs & autres princes despossedés de leurs autorités monarchalles, imperialles, roialles & autres? Combien i a il eu d'hommes & femmes aians sens & entendement qui aient passé vn seul iour sans ennui petit ou grant! Pensons d'auantage cobien est grant le fais de seigneurie & domination mondaine: & combien de peines, ennuits, labeurs & trauaus ont les dominateurs terriens, maistres, seigneurs & gouverneurs de peuple.

Tiercement ie di que le monde est noiseus, c'est le mode a dire plein de querelles, noises, proces, divisions, est noidebats, questions & guerres. Le vous di & est vrai seus és que des ce que la personne a vsage de raison, n'est querelane sera en ce monde sans guerre interieure ou exterieure. Quant a l'interieure la chair est touiours

contraire a l'esprit, & sensualité a raison par la cecité & ignorance des miserables modains. Et quat aus querelles exterieures, pensons vn peu aus grads guerres des Hebrieus, des Perses, Macedoniens, Carthaginiens, Rommains, Gaules, Francois, Germains, Espanols, Hongres, Turcs & autres nations de l'universel mode dot les liures sont tous pleins. Considerons vn peu les debats, homicides, mutillations, spoliations, proces, depopulations, iniures & autres contentions & differents qui sont non seulement entre les estráges, mais entre pere, mere, enfans, mari, femme, sœurs, freres, parens & voisins, qui pour moins de cinq souls se destruisent & affollent par procés & piques iusques bien souvent a perdre non seulement leurs biens, mais cors & ames.

le mode geable.

Quartement le monde, est dommageable, car de est doma tous les biens qu'administre le monde on a finale. ment peine & souci. Si quelque pauure deuient riche pensons en quelle crainte il est de perdre ce qu'il a laborieusement aquis, en quel danger sera il des enuieus, des larrons & autres mauuailes gens? En quelle angoisse les laissera il au dernier iour de sa vie que le diable lui presentera deuant ses seus, tous les abus, pilleries, concussions, iniustices, pariures & faulsetés qu'il a commis en la coqueste de tels biens! Il vouldroit lors estre le plus pauure home de la terre. Si les fauls biens du monde eussent esté de quelque bonté no seulemet les saintes personnes ne les eussent laisses & habandonnes : mais les philosophes paiens, lesquels connoissans iceus estre contraires a vertus & a l'apprehension des bonnes lettres, non seulement les abandonnerent, mais aucuns d'eus les ietterent en la mer.

Par la derniere lettre du monde qui est & ap- le mode pert qu'il est ennuieus : au iourdhui sain, de- est enmain malade: maintenant ioieus, soubdain en nuieus. tristesse: au iourdhui bien voulu, demain hai; maintenant en prosperité, soubdain en aduersité: maintenant sans offense mortelle, incontinét plein de crimes & delits. Consideros d'auantage a quelle peine & labeur on aquiert les biens mondains, en quels dangers on s'aduenture par mer & par terre, de iour, de nuit & a toutes heures, par bois, forests, riuieres, montaignes, entre bringans, larrons & guetteurs de chemins ou plusieurs sont occis, & Iors qu'on a quelque bien recuelli & assemblé, la mort occit la personne auant qu'en auoir son plaisir. La terre prent le cors par ce qu'il est venu de chose terrestre. Le monde reprêt ses biens, & l'ame faite a l'image de la trinité s'en va rendre compte deuant Dieu iusques a la moindre parolle oiseuse que ceste personne dit onc au monde, comme contient l'euagile, Or voions nous donc que du mode n'est autre chose fors menterie, noise, dommage, charge & ennui. Et a ceste consideation il est fort a craindre lui & ses capitaines dessus nommes, sans lesquels ne scauroit ne pourroit mettre ses malices & conditions manuailes a execution.

# Que c'est d'Auarice & de sa misere.

Pres le long parler de Raison dame Iustice comenca dire. Dame Raison vous aues tresbié parle des assaus du monde, & come on les doit craindre, toutesois ie veul bié vous aduertir q si l'Ame se veult gouuerner par Prudence, Force, Téperance & par moi Iustice le Monde & ses alliès

Ansrice. ne lui ferot rien, & vous asseure que ses cappitaines ne sont de grande sorce ne resistèce, car premierement Auarice est vne meschante vieille, maisgre & asseichée, conuoiteuse d'auoir & miserable en sa despense, car elle meurt de fain pres ses richesses, & ses gens sont encores plus miserables & craintiss. Regardes que set faire vsure sors vendre le tems. Simonie les sacremens & choses saintes & a Dieu dediées, dont les delinquans attendent non seulement damnation de l'eternel seu, mais aussi punition corporelle, infamie & mort.

Contemplés que c'est de Fraude, Rapine & Pariure qui chacun iour pour leurs malesices sont appellées en iugement cotradictoire, comme aussi est pillerie. Et si vous parlés de Pariure, c'est vn mauuais paillard trompeur & hai de tout le môde, comme aussi est Immisericorde. Et au regard d'Inquietude elle occit & abat touiours celui qui la soustient. Et vous asseure que sans ceste mauldite compagnie Auarice n'a force ne resistence, vie ne

substance.

Vous dirés par aduenture que plusieurs patriarches, rois & prophetes ont esté riches, comme ausi ont esté & sont plusieurs gens de bien. Il est vrai, mais ils n'ont esté auaricieus, c'est a dire qu'ils n'ont aquis les bies temporels par vsure, simonie, fraude, rapine, pariure, inquietude de pensée, immisericorde, pillerie, & ne les ont gardês trop songneusement, i'ented sans en vouloir faire du bien a eus & leurs prochains: l'Auaricieus dira. Si ie n'ai de l'or & de l'argent ie ne ferai rien au monde, & si i'en ai peu ie viurai incommodement & a honte. L'or & l'argent sont de grant prossit: car on peut recouurer guerision de sa maladie, on en pouruoit sesen-

les enfans, on en aide par prest & autrement charitablement a ses amis, on en aquiert bon bruit & renommée, on en a les honeurs mondains, on en fait des aumones, fondations & autres biens. Et ceus qui n'ont or ne argét (quelques vertus qu'ils aiét) sont desprises & contemnés, ils mandient et leurs enfans, ils ne font dons ne presens aus pauures ne aus eglises, & sont estognes de toutes ocuures charitables. le responderai que le salut des humaines creatures ne consiste en bonnes oeuures exterieures de soi:mais en foi, esperance et charité. Comme est la personne si desraisonnable d'auoir plus de fiance & d'esperance en or, argent, ou autre bien terrien qu'en Dieu tout puissant? qui done & oste tels biens quant il lui plait. On scet asses que Dieu argumet a tant aime par sa seule bonté les humaines crea-pour les tures qu'il leur a donné estre, a baillé son eternel riches. fils pour les r'achepter de damnation, & les sauuer, a fait arbres, plantes, fruits & autres choses estans au mode pour leur nourriture & entretiennemet, parquoi donc ne se r'apportet a lui du tout,& non aus choses insensibles & corruptibles. L'euangile certifie que lesuchrist a dit qu'on n'eusse soing ne follicitude du lendemain,& que ceus qui auroient la vraie foi en lui ne demourroient nuds non plus que les lis des champs, & n'auroient souffrette de boire & manger non plus que les oiseaus du ciel, & que premier on deuoit demander & chercher le roiaume des cieus puis qu'on auroit toutes autres choses.

Ie ne veul pourtat inferer que chacun ne doiue Genes.3 en son estat, astuce & mestier prédre labeur & peine pour gaigner sa vie, & ceus desquels il a charge: mais le doit faire en ensuiuant ce que Dieu dit a Adam

Adá & sa sequelle. Tu viuras de ton labeur et sueur de ton cors. Et saint Paul se delecte en ses epistres d'auoir gaigne son pain du labeur de ses mains, & si reprent les veuues oiseuses qui vont vagabondant par les maisons. Pourtant vauldroit il mieuls pour toute la chrestiennete de faire qu'on ne laissasse tant de fortes & ieunes personnes par oissueté mandier leur vie. En la primitiue eglise estoit institué des apostres, qu'on assemblasse des biens pour les pauures, et ainsi le coseille saint Paul Cor. 16. escriuat aus Corinthies, affin que les infideles (qui conversoient avec les chrestiens)ne se moquassent d'eus quant il leur verroient auoir indigences & souffrettes, disans qu'il n'i auroit charité entre chre stiens par deffault de secours l'un a l'autre, & congreger & assembler pecune a toutes ces fins q font bonnes est permis voire louable & no pour auoir son aise corporel, honneur mondain, & les delices du cors. Si les humains consideroient le dommage que leur fait auarice & la conuoitise de pecune, ils s'en eslogneroiét du tout. Ie ne veul autre tesmoignage que celui de Iesuchrist, disant en l'euangile. Qu'il est aussi difficile qu'un riche, c'est a dire vn mondain ou autre auaricieus entre en paradis, qu'un gros cable de corde passe par le pertuis d'une petite aiguille. Et saint Paul en rend les raisons en wne epistre qu'il escriuit a Timothée, ou il dit, ceus qui vouldront estre riches, entrent es laqs & tentations du diable en plusieurs inutils & nuisibles desirs, qui plongent & submergent les humains en interition & perdition.

A ce propos a escrit S.Hierome, Qu'un homme riche est possesseur de chose inique & mauuaise, ou fils & successeur d'une personne inique. Par ce (comme (comme il dit) que grande opulence et habondace de richesse ne peult estre aquises ans peché. Regardons d'auantage ce que nostre seigneur Iesuchrist a dit, comme recite saint Matthieu: Qu'on ne thesaurise les tresors terriens: mais les tresors du ciel, par ce que ceus de la terre sont perissables & damnables, & ceus du ciel sont eternels & salutaires. Que profite a l'homme (comme il dit en mesme euangile) s'il conqueste tout le monde, & il fait detriment & nuisance a son ame! Quelle commutation & change pourroit l'homme bailler pour son ame' Ie vous di que tout ce qui est, sut, & sera au monde, ne vault vue seule ame raisonnable faite a

l'image & semblance de Dieu.

Vn conuoiteus & auaricieus ne tien compte des vertus: mais les mesprise. Ceus qui ont excessiuement leurs entendemens occupés & affichés a conquerir grande quantité de biens terriens, ou qui ont si grant paour d'en auoir peu, oublient Dieu, contemnét ses commademens, n'ont amour a personne, sont hais de chacun quelque beau semblant qu'on leur face, ils n'aiment gens de science, de vertus & de bonne astuce, ils ne se delectent a parler de bonnes choses, mais seulement des moiés par lesquels pourront acomplir leurs damnables desirs, & de cautelles, fictions, inventions, tromperies, & fimulations, pour attraire a eus les biens d'autrui. S'ils vont a l'eglise, oient la messe, dient quelques heures, & font aucunesfois des aumones, c'est plus par crainte que par amour, & de paour qu'ils ont de perdre leurs biens par quelque aduersité, ou d'estre empeschés en leurs entreprinses, voire & si ont touiours leur cueur en l'accumulation des richesses, a penser en leurs aquests.

acquelts, en leurs traffiques, comutation, & moiens pour deuenir riches. Ils ne font compte de solenniser les festes, il ne craignent eus pariurer pour pra-tiquer vn denier ou deus & si ne font aucunes bonnes oëuures fors pour en auoir l'honneur du monde, ou affin que Dieu les recompense du tout Ephef.5 en ceste mortelle vie. A ceste cause saint Paul les appelle idolatres par ce qu'ils ont plus leurs cueurs es biens mondains qu'en Dieu, et prennent plus de peine & souci pour la pecune qu'a seruir Dieu.
Mas .6. Toutesois il est escrit en l'euangile saint Matthieu, qu'on ne peut seruir a Dieu & a la pecune. Dont procede cest erreur! fors qu'on ne considere la dif-ference qui est entre les biens de ce monde & ceu de paradis. Ceus la font permanens & durables. Ceus ci caduques & miserables. Les biens de paradis sont vn peu laborieus se semble a auoir : mais le fruit en est ioieus & consolatif. Les biés mondains en les destrant,'aquerant & gardant n'engendrent fors ennuits, labeurs, triftesses, angoisses, molestes, dangers & souci, & le fruit en est souuent eternelle

douleur & damnaiton.

Qui bien cossidereroit que nostre seigneur Iesuchrist, & samere Marie nostre dame les apostres,
martirs, confesseurs, & autres saints & saintes ont
touiours eu en horreur & mespris les richesses téporelles & honeur de ce mode, on ne mettroit cors
& ames en tant de dangers pour en auoir & aquerir. Ne semblablement qui bien penseroit qu' on est
venu en ce monde nud, & qu' on retournera nud
sans rien emporter fors ses biensaits ou messaits, &
qu' on laissera ses biens terriés a gens ingrats, et qui
bien tot auront oublié les labeurs des trespasses. A
ceste consideration (Ame raisonnable) ie veul

coclurre que vous deues hair & auoir en horreur auarice, & tous ses complices que ie vous ai nommês. Et pour leur faire guerre le vous baillerai de mes gens de la vertu desquels ie vous ai parlé au Les ver commencement de vostre chemin & a l'entrée de tus cotre Icunesse & entre autres liberalité contre avarice, avarice religion contre simonie, pitie contre vsure, verité & ses contre pariure, misericorde contre immisericorde, especes. equité contre fraude, observance contre pillerie, innocence contre rapine, & oraison cotre inquietude de pensée.

D'Ambition & de ses especes, & qui sont les vertus contraires.

Es sœurs & familieres amies (dit Té-perace) vous auês parlê d'aucuns de nos ennemis, ie vous en parlerai s'il vous plait d'un autre le plus traitre, desloial & dangereus qu'on puisse connoistre. C'est Ambition deceueur & enchanteur. Il est trop plus dangereus en ses enchantemés qu'en sa force. Ambition (come dit saint Bernard) Bernar. est vn subtil mal, vn secret venin, vne peste oc- super culte, vn artisice de dol, vne mere d'ypocrisie, vne Psal. nourrice d'enuie, vne origine de vices, vn nourrisse du har-semet des crimes, vne rouille de vertus, vne taigne bitat in en sainteté, vne aueugleresse des cueurs, qui engendre maladie du remede, & langueur de medecine. Qu'est-ce a dire mes dames, fors que par ambition subtillement on oultrage chacun & secretement on empoisonne les gens par douls parler, flaterie & adulation. Ambitió est vn pechê qui secretemét occit l'Ame, c'esta dire que l'ambitieus plein de bones parolles et exéples occit l'Ame par mauuaise Mm volunté.

### Le tiers hure

volunte. Il n'i a rien plus doleus & malicieus qu'un ambitieus: car il a la science & art pour scauoir seduire & deceuoir par beau semblant, doulces parolles & faits exterieurs ressemblans estre bons.

Lescödi ambicieus.

Il n'i a rien plus enuieus qu'un ambicieus : car il tions des est insatiable, & de toutes les excellences qu'il voit es homes & femmes en est dolent & courrouce, & ioieus de toutes leurs imperfections & aduersités comme celui qui seul vouldroit estre le plus riche, le plus beau, & le mieuls estimé de tous les autres, vous ne verres grand ypocrisie fors es ambicieus, qui pour auoir les honneurs du monde porteront cent mille trauaus corporels & spirituels. Ils se font petis pour estre estimés les plus grans, ils se blasment pour estre loues, ils saluent pour estre salues, ils deferent les honneurs aus assistans pour auoir les premiers sieges, ils endurent pour eus venger, ils recignent pour eus r'estouir & moquer, ils se taisent pour estre estimés sages, ils sont merueilles de parler deuant les ignorans, & vsent de menasses pour les troubler & se iactent & vantent pour eus esleuer. Le plus grant feu d'enuie qu'on pourroit imaginer est en vn cueur ambicieus: car toutes choses prosperes lui ennuient en autres fors en lui. Toutes vertus lui sont vices. Brief il n'ia vice qui plus nourrisse de peches, & qui plus abastardisse les vertus. Il n'i a saintete qui n'en soit maculêe, ne cueur qui n'en soit endurci. Ambition contrefait les meurs de chacun, elle s'empeche de mediciner les gens par bonne doctrine, & elle les constitue en mille erreurs. Elle baille les remedes de salut, par lesquels on s'en va a damnalion. Brief la chose que plus on doit fuir en ce monde pour frequenter & communiquer, c'est vne personne ambi-

ambicieuse: car iamais n'ediffie qu'a mal. Et si a son commencement on i trouue quelque consolation ou recreation d'esprit : ce n'est a la fin qu'vne desolation & tristesse du cueur. Ambition est insatiable de son prouffit & prodigue du bien d'autrui. Ambition veult complaire a chacun, & elle offense par venin secret tout le monde. Qui sit chasser de paradis terrestre Adam & Eue, fors Ambition? Qui fait les guerres entre les rois, princes, & communites, fors Ambition ! Qui est cause des simonies & perturbations de la sainteté ecclesiastique, est-ce pas Ambition & C'est vne mortelle peine qu'en applaudissant tourmente chacun. Ambition a fait du faintuaire de Iesuchrist vne fosse a larrons, vn spectacle de moquerie, & vn monstre de desrission. Regardons combien les ministres de l'eglise militent & bataillent, & nous trouuerons que c'est plus pour deffendre leurs dignités ecclesiastiques & honneurs mondains que pour la def-Fense de la saintete de l'eglise.

Ambitio aime les latebres et tenebres, par ce que Les mis lors qu'elle est descouuerte par la lumiere de con-nistres noillance, elle tumbe en despris, confusion & mo- d'Amquerie. La fin des ambitieus est voluntiers honte, bitions perte, dommage, douleur & misere. Et a ceste consideration Ame incorporée prenês peine & labeur de vous garder des dangtrs d'Ambition & de ses complices & alliés, qui sont simulatio, flaterie, ypocrisie, trahison, presumption, ingratitude, tenter Dieu, mensonge, insacieté, & appetit desordonê. Ie vous baillerai assés gens pour resister contre ceste damnée compagnie, scauoir est rectitude contre simulation, bon conseil cotre flaterie, deuotion contre ypocrisie, sidelité contre trahison, conténement Mm ij

de soi contre presumption, reconnoissance contre ingratitude, soi contre tenter Dieu, verité contre mensonge, suffisance contre infacieté, & contentement contre appetit desordonné.

# Des aduersités des mondains.

Les ministres d'Adnersité.



Ous auês tresbié proposé (dit Force a Temperance) d'aucuns de nos ennemis interieurs, c'est a dire qui persecutent les humains par le dedans, mais vous oubliés aduersité qui les

tourmente dedans & dehors. Laquelle aduersité a soubs elle tentation, infirmité, ignoráce, maladie, guerre,peste,famine,cecité, procès,discord, perte d'amis, accident, inconuenient & autres plusieurs qui tous marchent soubs la banniere de pechê, car pechê est originallement cause de toutes aduersitês, Et si Adam n'eusse pechê & fusse demourê en iustice originelle, les humains eussent touiours vescu sans tribulation & aduersité, mais ie vous aduerti Ame raisonnable que ceus qui resistent a toutes aduersités virillement & supportét leurs assaus paciemment a leur pouoir, ils en auront vn merueilleus louier, c'est eternel salut. Sachês Ameraifonnable que quelque chose que vous puissés faire en ce monde ne vous scauries deuement aquitter enuers Dieu d'un seul pechè mortel qu'aues cotre lui commis. Or regardês combien vous en aués fait au palais de Volupté.

A quoi feruent les aduersités.

i aues prins, aiés memoire de vostre vaine gloire, de vostre auarice, de vostre ire, enuie, gloutonnie & paresse. Regardês combien de fois aués transgresse les commandemens de Dieu, & par vn seul de tous

ces

ces pechés aués desserui mort eternelle & damnation sempiternelle, mais le merite de la passion de vostre espous lesuchrist vous a fait effacer toutes ces offenses par le moien de vostre penitence quat a la coulpe, de sorte que vous estês retournée en la la grace de Dieu toutefois peut estre que la peine ne vous est encores du tout remise & convient qu'elle soit purgée en ce monde ou en l'autre, scauoir est en ce monde supportat paciément a l'honneur de Dieu aucune des aduersités dessus nommées, et en l'autre monde par le feu de purgatoire, comme on vous a dit ci dessus, & mieuls vault plus legere & brieue est la purgation de ce monde, que celle de l'autre, parquoi on doit estre ioieus quant aduersité survient auec pacience. Ie vous asseure que ceus qui sont en ce monde exemptes de tribulations & aduersités corporelles ou spirituelles, doiuent auoir vne merueilleuse crainte de n'estre en l'autre monde auec les predestines & sauués en paradis, car nostre seigneur Iesuchrist a dit qu'on ira en paradis par multitude de tribulations : et en vn autre passage mauldit ceus qui ont tous leurs plaisirs & souhaits en ce mode. Et dit que ceus qui pleurent en ce monde seront consolés en l'autre. A ceste raison ame raisonnable ne deués craindre les tribulatios & aduersités dont serès guerroiée. Car faint Paul asseure vous & tous vrais chrestiens que 1. Co.10 Dieu ne vous laissera tenter par le monde, la chair & le diable, ne par tribulations outre & par dessus vostre puissance, mais si vous retirés a lui & aiés pacience, vous donnera vne augmentation de l'ertus pour i resister. En vn autre passage saint Paul a dit qu'il ne se fioit en la grandeur des reuelations secrettes de Dieu a lui faites: mais au perils & dágers Mm iii

qu'il auoit endures & en ses infirmités. Tribulation est vne souueraine medicine pour

Lenges I ribulation est une souveraine medicine pour de tribu guerir l'Ame de son pechè, car elle fait reconnoilation. stre Dieu & l'offense qu'on a contre lui commise.

ître Dieu & l'offense qu'on a contre lui commise. Tribulation est vne satisfaction de future peine, comme ie vous ai dit. Tribulation fait auoir en haine le monde pour ses abus, dágers & perils euidens, & aimer & desirer la gloire eternelle. Tribulation estaint les affectios charnelles, empescheles oéuures de peché, relieue les abatus & precipités ou gouffre de vices, réd la personne asseurée quoi que ce soit en bonne esperance de salut & d'auoir consolation eternelle. Et iacoit qu'aucunes tribulations, comme de peste ou autre maladie, de famine ou commotions de guerres viennét souuent par l'influence des cors celestes ou par necessité de nature, toutefois tout procede de Dieu & de sa iustice & misericorde, car ainsi l'auoit & a de son eternité preueu & ordonné estre fait pour les peches ou bienfaits des humains respectivement, & quant a ce les astres & planettes influens bien ou mal sont executeurs de la justice divine & ausi de sa misericorde. Et les tentatios qu'ont les humains iacoit-ce qu'elles procedent aucunefois de leur infirmité, cecité, ignorance & aussi de leur chair pour le leuain du peché d'Adam qui encores reste, et aucunefois du diable ennemi de nature: neantmoins dieu le permet et veult ainsi pour en rédre le louier a ceus lesquels i resisteront, car comme voies de ce monde n'est qu'une bataille & guerre, & les hards

du fruit d'aduerlité.

**Įob** 7.

& bons cheualiers qui guerroiet iusques a la fin seront couronnés de la couronne d'eternelle gloire.

Tout ce qui est en ce monde c'est pour aider a sauver l'hôme s'il veult le conoistre & i trauailler.

Ccus

Ceus qui peuent gouster la doulceur des tribulations & afflictions temporelles (desquelles il plait a Dieu corriger les pecheurs) ils conoistront que ce n'est fors yn paternel et amoureus chastiemet, plus douls sans comparaison que les gracieuses disciplines des bos peres enuers leurs cheres & bien aimes enfans dont la douleur est soubdain conuertie en ioie, les plaints en graces, les pleurs & lamentations en louenges & benedictions, & les murmures en doulce reconnoissance de bien fait. Contemplons vn peu ce que dit Dauid. Dieu nous frappera, puis il nous guerira: il nous blecera, puis il nous medicinera. Combien que l'effect de tribulation soit amer & difficile a porter, toutefois il est facile a guerir & a trouuer l'aide & subside de grace diuine. Il disfoult par compunction, conforte & confolide par esperance a consolation & nettoie la chair pourrie de pechê par douleur, robore et coglutine par instauration de spirituelle santé, preserue l'Ame de la mort & corruption d'enfer par collation de vie eternelle.

Ie di d'auantage que tribulation suppedite orgueil, contemne & mesprise auarice, surmonte luxure, chasse sur est affligé & tourmété temporellement. C'est la voie & le droit chemin de vie &
la gloire du celeste habitacle & du regne eternel:
C'est vne brieue trissesse conuertie en longe ioie.
I'entend a ceus lesquels se gouvernent par moi
Force & par mes filles que nous emploieros (Ame
raisonnable) a vous aider a doulcement passer les
assaus de tribulatio & aduersitès que trouverès du
commencement durs, trisses & merueilleus, toutesois ie vous veul bien aduertir qu'il a diversitè
Mm iiij de tri-

de tribulations, car aucunefois Dieu afflige les hu? mains pour les approuuer, scauoir est les bos come lob & Thobie, lesquels combié qu'ils fussent iustes & bons, neantmoins furent en ce monde persecutes. Il afflige d'autres pour les purger, comme il fit le roi Nabugodonosor qui par flagellations & & tribulations se releua de la mauuaise & peruerse vie. Il afflige d'autres pour les damner ainsi qu'il feit vn des Pharaons rois d'Egypte qui apres plusieurs tribulations & persecutions perseuera en sa mauuaise vie parquoi fut damné.Il en afflige d'autres qui meurent en fureur desesperes, affin qu'ils commencent leur enfer des ce monde, ainsi qu'on lit d'Antiochus qui apres plusieurs afflictios mourut en desesperée douleur. Et a ceste consideration Ame raisonnable quant aurès quelque tribulation receues la paciement & la supportes sans murmure disant en vostre cueur. O mo Dieu ie vous mercie treshumblement de ceste legere & petite tribulation qui n'est telle que ie l'ai bien desseruie. Ie vous prie mon Dieu de cueur dolent & contrict que si ne vous plait me doner ceste petite affliction pour m'approuer par ce que de telle approbation ne suis digne qu'il yous plaise qu'elle ne soit a ma dánatio, mais a mo amendemet & que par icelle ie conoisse la gradeur & multitude de mes pechés & aussi voftre incoprehensible botê & ineffable puissance & sapience, et cobien que la chose ennuie a ma sensualite,toutefois mó Dieu qu'elle foit plaifante a mon ame & medicine a ma pauure conscience blecée. Comme l'Ame se mit en ordre pour batailler contre

le Monde, Auarice, Ambition & Aduersité, & comme elle fut instruite a iustement & proffitablement guerroier.

L'Ame

Ame incorporée fut constate, rassife & moderée a ouir ce qui auoit estê mis en auant par Raison & les vertus

MG moralles, & sans s'effraier des grans

affaires qu'elle s'attendoit auoir se print a dire. Mes sœurs & amies ie scai que de vous seulement ne procedét les bos propos que m'auês tenus,mais viennent par l'inspiration & grace du benoit saint Esprit dont ie suis toute consolée & non troublée. Ét fuis deliberée par l'aide de Grace diuine passer l'espée au poing entre mes ennemis & d'en auoir le triumphe moiennant aussi vostre bon secours, & vous prie que prenons chemin en bonne hardiesse le plus tot qu'on pourra. Prudéce print la parolle & dist. Il est requis premierement aduiser comme & en quel ordre, car sagement en-treprendre conduit a bonne execution. Et le prin-Le chef cipal point de la guerre est la discretion du chef: de l'arcar si le chef n'est bien sage & moderê, a grat peine mée de fera il chose qui vaille ne ceus qui sont en sa con, l'Ame. duite. Et a ceste cossideration deues aduiser en premier lieu qui sera chef de l'armée. Sur ce toutes les vertus delibererent & conclurent que ce seroit l'Ame raisonnable, a la raison de ce qu'elle estoit espouse de Iesuchrist, & qu'elle tédoit auoir la courone d'eternelle gloire, & que dame Foi seroit son porte enseigne, toutes fois affin que l'Ame parignorance, inaduertance ou autrement par sa coulpe ne perdisse la bataille, les vertus l'endoctrinerent au fait de la guerre spirituelle par quatorze en-

seignemens. Le premier que quelque chose que l'Amecon- Institu-noistroit estre nussible & contraire a ses ennemis tros pour qu'elle pensasse lui estre bon & necessaire, comme instemet libe-

### Le tiers bure

& prof-liberalité contre auarice, conténement de soi côtre

fitable- ambition & autres ses semblables.

guerro- estre veile a ses ennemis qu'elle print peine de le ser spiri fuir et s'en essongner, comme belle mais vestemens, offices, benefices & autres choses tuellefemblables. ment.

Le troisieme que iamais ne laissasse son armée en oisiueté & sans exercice par ce qu'une armée

proffite en labeur & vicillit en repos.

Le quatrieme qu'elle se gardasse bien de bailler a personne charge aucune en sa bataille si premier elle n'a eu quelque bonne experiece de lui.

Le cinquieme qu'elle fusse secrete en ses entreprinses de sorte que ses ennemis ne les puissent scauoir, par ce qu'en guerre les meilleurs conseils sont ceus que les aduerfaires ignorent.

Le fixime qu'elle misse peine de vaincre ses ennemis par faulte de viure, par ce qu'il est meilleur vaincre ses aduesaires par fain que par glaiue.

Le septieme qu'elle & ses capitaines trouuassent touiours quelques moiens couuers de nuire a ses ennemis par ce que l'occasion aide plus souuét en bataille que la force.

Le huitieme qu'elle trauaillasse plus a auoir gés hardis, vaillans & vertueus en petit nombre que grande multitude de gens non experimentes, par ce que la vertu vault mieuls que la multitude.

Le neufuieme qu'elle ne misse ses ges en bataille publique que premier n'eusse espoir euident &

coniecture de victoire.

Le dixieme que son armée fusse touiours bien fournie de viures, car celui qui coduit vne armée fans

Digitized by Google

sans auoir mis ordre aus viures, & autres choses necessaires, sera vaincu sans glaiue.

L'unzieme qu'elle eusse touiours bo guet & gens no endormis pour le faire, & g en sceussent la ruse.

Le douzieme, qu'elle eusse touiours anciens capitaines auec elle qui eussent tant de prudence & bonne experience qu'ils peussent bien & loiaumét iuger non seulement de ses entreprinses, mais de celles de ses aduersaires, car celui qui peut iuger de ses conseils & de ceus de ses aduersaires, est disficilement vaincu.

Le trezieme, que iamais ne face guerre par orgueil, par auarice ne par enuie: mais pour sa deffense & pour le bien de paix. Car les bons rois & princes ne font iamais batailles publiques sans iuste occasion ou grand necessité.

Le quatorzieme, qu'elle gardasse que ses gens d'armes suiuissent les ennemis dispersés apres qu'ils ont este vaincus: car qui suit auec ses gens les ennemis dispersés veult donner la victoire qu'il auoit obtenue.

L'Ame nota & retint trebien tous ces enseigne-L'acoumens, restoit mettre en ordre son armée qui estoit strement
belle & grande pour marcher & passer par la terre de l'ame
du Monde. A ceste cause le tems acoustra la monture de l'Ame telle que i'ai dessus declairée: mais
lui sui fut baillé vn cheual plus adextre pour mieuls
resister a ses ennemis qu'on appelloit Ioieus espoir. Si su armée de pied en ches des armeures
que dame Foi lui bailla, & eut l'espêe de Force,
& la lance de Charité. Elle vestit par dessus
son harnois vne cotte d'armes de couleur blanche
& bleüe semées de petites croix d'or. Or sut aduise que le bagage qui estoit des biens temporels &
corpo-

corporels seroit conduit par Sensualité auec habondance, richesse, santé corporelle, ioie modaine & autres sommeliers qui marchoient deuant & a costé du grant chemin.

garde.

L'auantgarde fut baillée pour conduire a dame Iustice auec Innocence, Religion, Oraison, Pitie, Observance, Obedience, Gratitude, Vindication, Penitence, Veritê, Fidelité, Liberalitê, Misericorde & Equité, qui marcherét les premiers en bel ordre leurs guets & escoutes deuant nommês crainte di-Les aef- uine, & horreur de peché. L'aesse de main dextre

les.

estoit conduite par Force auec magnanimité, magnificence, pacience, perseuerance & autres leurs gens. Et l'aesse de main senestre estoit coduite par Temperance auec erubescence, honnestetê, abstinence, sobriete, chasteté, cotinence, clemence, modestie studiosité, humilité & autres de leurs bádes. Gens de Les gens de pied qui estoient saintes pensées, mar-

pied.

cherent apresiusques au nombre de six mil, soubs la conduite de leur cappitaine nommé Doctrine L'artil- euangelique. Apresmarcha l'artillerie de saint defir & bonne confideration, que conduisoit honneste occupation. Subsequemment marcha labataille que conduisoit l'Ame ainsi acoustrée, armée & montée comme dit est, acompagnée de Grace diuine qui estoit armée de pied en chef des armeu. res dessus declairées, & auoit oultre vne cotte d'armes de velours pers semée de soleils d'or. Aussi estoit auec l'Ame Entendemet son chacelier, Volunté la grande maistresse, Memoire conseillier, &

> Raison la gouvernante, Foi, Esperance & Charitê vestus de la liurée de l'Ame, & auoiét bannieres & estadars desploiés des couleurs de leurs cottes d'armes armoies des armes de l'Ame qui sont comme

La bataille.

lerie.

i'ai dit d'un escu d'or a vne croix croisèe d'azur , ledit escu borde de sable a larmes d'argent. Les he-Les heraus d'armes nommes Consideration & le merite rauls. de la passion de Iesus estoient en leur ordre vestus de satin blanc semé de petites croix rouges, les tro-pettes nommées sindereses faisoient merueilles de pettes. sonner pour encorager la gendarmerie. Finalemét marcha l'arrieregarde que códuisoit Prudéce auec L'arrieses filles nommées Prudence monostique, Prudéce regarde. economique, Prudence regnatiue, leurs gens en grát nóbre, des noms & pouoir desquels a esté parle ou premier liure, ils auoient vn peu a costé leurs gardes de Prudence, & les aesles de premeditation.

Si commencerent a desloger en cest ordre, & a L'armée grandes iournées passerent la dangereuse terre de de l'ame Ieunesse, et entrerent ou territoire de Vieillesse, ou marche. ils eurent plusieurs esmeutes, courses, esmotions & alarmes par le monde & ses gens d'armes, & neantmoins passerent touiours sans aucune perte. Et comme ils furent arrives en vne petite bourgade qu'on nommoit seureté presumptiue, les guets de l'auantgarde nommés Crainte diuine & Horreur de peché, aduertirent Iustice d'une grosse & forte armée dressée par le Mode ou i auoit si grade multitude de gens qu'a peine on les pouoit nombrer attédans l'Ame & son armée au passage d'Audace effrence & que chacun se tinsse sur sa garde. Ceste nouuelle sceue, l'armée de l'Ame fut refreschie & chacun mis en son ordre pour le lendemain passer Le camp outre. Et feirent vn camp en vne belle place pleine de saulles, praerie & fontaines qu'on nommoit an lien Bonne recreation ou ils parquerent pour ce soir: de Bone Et enuiron deus heures apres minuit se leua recreaquelque alarme, mais ce ne sut rien.

**Bataille** 

Bataille de l'Ame incorporée cotre le Monde & ses complices au lieu d'Audace effrenée.

E lendemain enuiron fix heures de matin l'Ame estant en son camp ouit messe deuotement en vn grant pauillon de cotemplation, ou toute la nuit on auoit fait bon guet. La messe

ouie elle print refection spirituelle, & enuiron huit heures mota sur son cheual de Ioieus espoir, armée L'armée comme i'ai dit. Chacun se mit en ordre tel que i'ai dessus recité. Et auant que partir du camp fut or-donné que tout le bagage des biens temporels & corporels que conduisoit Sensualité auec ses sommeliers dessus nommes iroient oultre les graues 2 main gauche. Puis marcha l'armée, scauoir est les guets & escoutes deuant l'auantgarde, les gens de pied nomme saintes pensées apres auec sesaesles, puis l'artillerie, la bataille ou estoit l'Ame, et finalement l'arrieregarde auec les aelles foubs les guidos & cappitaines que i'ai dessus nommés.

L'ordre de l'armée du monde.

Au deuant estoit le camp des aduersaires qui estoient en beaucoup plus gros nombre que les gens de l'Ame, & estoient fort bien montes & armês.Les trompettes du Monde estoient Honneur Les tro- mondain, & Appetit de vaine gloire. L'auatgarde pettes estoit coduite par Auarice qui portoit sa banniere du mode de couleurs noire & tanêe, armoiée d'un escu d'or a deus bourses de sable, & les pendans de gueulles. Elle estoit armée de harnois forgê au feu de conuoitise, & auoit soubs elle plusieurs hardis capitaines, scauoir est, Vsure, Simonie, Fraude, Rapine, Pariure, Immisericorde, Pillerie, & six cens cobatans a cheual nomes affections defordonnées. Apres

Apres marchoient dix mil combatans nommes veuures reprouuées, desquelles estoit capitaine Solicitude mondaine. Apres estoit l'artillerie d'ap- L'artilpetit desordonné que conduisoit Inquietude. Puis lerie. marchoit la bataille ou estoit le Monde acopagnê de trois hardis capitaines nommes Concupiscence de la chair, Concupiscence des seus, & Orgueil de vie portans bannieres & estandars armoies d'un escu de gueulles borde d'argent a six bezans dor. Et si auoient en leur compagnie six cens lances nommés Diuersités de vouloir. Finalement marchoit l'arrieregarde que conduisoit Ambition qui portoit vne banniere de rouge & iaune auec les armes d'un escu de sinople a deux aesles d'or. Et auoit auec elle simulation, flaterie, ypocrisie, trahison, presumption, ingratitude, tenter Dieu, mensonge,insacieté, & grant nombre de vaillans gens d'armes, iusques au nombre de mille lances.

Or apres l'ordre de la bataille de l'Ame tel que dessus, commença marcher contre les aduerfaires en tel ordre que le cas le requeroit, lesquels aduersaires estoient ia partis de leur camp pour venir combatre. Eus venus en place par eus choisse a Effors leur aduantage commencerent a lascher leur artil- de l'ar-lerie d'appetit desordonné contre l'auantgarde de tillerie l'Ame dont plusieurs furêt blecês: mais ce fut peu des deux de chose, & pour ladite artillerie l'auantgarde de costés. l'Ame ne fut en rien descampée, car touiours passoit oultre. Et voiant le maistre de l'artillerie de l'Ame nommé Honneste occupation que l'artillerie des ennemis comécoit a faire domage incotinét qu'il la peut choisir affuta quelques pieces de la siene appellées Bonnes cosiderations, & des le secod & tiers coups qu'il deslascha ropit & mit en mille

pieces les bastons d'Appetit desordonée, qui auoiét ainsi fort tiré contre l'auant garde de l'Ame, & sur tressort blecé le maistre canonier nomme Inquietude. Et a ce moien furent les ennemis contrains

reculler vn peu arriere.

A ce conflict aucuns commencerent eus escarmoucher ca et la: mais nostre auantgarde que conduisoit Iustice marchoit touiours pas a pas en seureté auec nostre artillerie enuironnée de gens de pied nommes Saintes pensées. Au regard des premiers & du bagage des biens corporels & temporels, & autres gens de leur suite que coduisoit Sen-sualité se mirent en desordre. De ce aduertis les ennemis mesmement le Monde sit courir sur eus vne compagnie d'estradiots & autres gés de guerre qui estoit vne compagnie a part, que conduisoient ad-uersité, tribulation, maladie, famine & guerre corporelle, pour cuider mettre en desordre l'armée. Tous lesquels firent plusieurs oultrages a Sésuali. té, habondance & richesse qui prindrent fuite, parquoi les ennemis prindrent & emporterent partie des biens temporels, mesment en guerre, famine, procés et accident. De l'autre part maladie et pesti-Ience endommagerent tresfort les bies corporels, toutesfois par le conseil de force, magnanimité, pacience & Perseuerance qui estoient aus aesses de l'auantgarde de l'Ame & son armée ne se troublerent ne mirent en aucun desordre: mais alloient & marchoient touiours en bon ordre, qui fut contre la coniecture & fol cuider des ennemis qui péloiét descamper & mettre en desarroi par aduersité, tribulation & leurs complices l'armée de l'Ame, laquelle se monstrant vertueuse par la conduite de Grace diuine donnois touiours courage a les gens d'armes

d'armes par doulces & courageuses remostrances, de sorte qu'il n'i auoit celui qui bié ne voulusse endurer iusque a la mort pour l'amour de Iesuchrist

espous de l'Ame.

Les ennemis voians tenir si bon ordre a nostre Cautelarmée christifere sans s'esbraler ne hazarder pour le de chose qu'on leur peusse faire. Aduertis que l'Ame guerre. estoit en la bataille & asseurés de son acoustremet, tindrét conseil comme & par quel moien ils pourroient aborder a sa personne & lui saire perdre la compagnie de Grace diuine, fut conclud par eus qu'ils iroient en si forte & grosse bande & soubs les meilleurs de leurs capitaines, qu'on n'oseroit les attendre. Ce qu'ils firent, & furent chefs de ladite bande Auarice & Ambitio auec leurs compagnies dessus declairées. Le guet & les escoutes de l'Ame virent fortir en fureur ceste bande, dont ils aduertirent l'Ame & par vn prisonnier fut descouuerte la secrete entreprinse des aduersaires. Au moien dequoi l'Ame assembla auec elle en la bataille oultre sa compagnie acoustumée Iustice, Prudéce, Force & Temperace, qu'ils laisserent leurs lieutenans es auantgardes, arrieregardes & aesles, tous bien deliberés de faire merueille & a ce faire les incita tresbien Grace diuine par ceste telle ou semblable persuasion & brieue oraison.

# Persuasion de Grace diuine a l'Ame, & ceus de sa compagnie.

Ssés m'est coneu (nobles cheualiers en Iesuchrist) que les parolles d'un chef de guerre n'adioustent rien a la vertu des nobles homes, & ne pourroit faire d'un exercite mal conduit

& timide vne armée louable & forte: car on connoit a l'effect & issue d'une bataille ceus qui par leur nature ou bones meurs sont hardis & vaillas, & qui par presumption, danger ne crainte ne perdent le nom de hardiesse. Neantmoins vous veul bien dire le danger ou est l'Ame, de laquelle vous auès la garde de par le roi des rois et le seigneur des seigneurs, c'est Iesuchrist. Vous scaues la malice & ancienne enuie que la chair, le monde & le diable ont contre nous. La chair a esté par nous surmontée, a present sommes au danger du monde, & si

convient aller au danger du diable.

Si nous auons la victoire du monde donnerons crainte au diable & affoibliros la force de la chair: mais si le monde nous recule, de rechef tumberons es dangers de la chair, & si croistrons les courages du monde & du diable, de forte que l'Ame pourra estre surmontée & perdre le roiaume de paradis qu'elle veult pour nous auoir & receuoir courone par son espous Iesus. A ceste consideration vous prie tous ensemble & chacun de vous tant comme ie puis, que vous aiés courage prest & fort pour combatre. Quant vous entreres en bataille soies recors que si sommes vainqueurs emporterons en nostre dextre richesse, honeur, gloire, liberté chrestienne & la grace du roi des rois. Toutes choses nous seront asseurées, nous donerons crainte a nos autres aduersaires & nous seront tous les chemins Au contraire si par crainte & pusillanimité nous demourons vaincus & surmontés, nous aquerros honte, reproche, perte, dommage & l'indignatio de Iesuchrist, voire & si seront toutes gés contre nous, de sorte que la fuite nous vauldra mieus que les armes. Regardons d'auantage mes commi-

commilitons pourquoi nous failons guerre, & fi elle est pas iuste. C'est a l'honneur de Iesuchrist, pour nostre salut, & pour toute la chose publique chrestiëne. Et nos ennemis n'ont aucune querelle au moins iuste cotre nous, leur guerre procede de l'enuie qu'ils ont du bien & de l'hôneur que Dieu a fait a l'ame, quant par son fils lesuchrist l'a faite sa coheritiere & son espouse. A ceste consideration pouons penser que Dieu (duquel viennent les victoires) nous aidera, ie vous prie que le courage ne vous faille, car hardiesse vault autant qu'une boné muraille, toutefois quant ie considere que vous estes, & ce que vous scaués faire, i'ai vn grat espoir de victoire, vos courages, vos aages, vostre force & vos vertus a ce m'exhortét, et aussi nostre necessitê (laquelle red les debiles & timides cueurs fors)me donc asseurace de bié. Et si par la volunte de Dieu nos ennemis estoient les plus fors: ie vous prie ne vous laisses occire come bestes sans vengeace, mais que la victoire soit a la fin a leur confusion.

# L'effort & conflitt de la bataille d'entre l'Ame & le Monde.

Es remostráces de Grace diuine par-acheuées, chacú delibera de faire du mieuls qu'il pourroit et summis, de de marcher contre leurs ennemis, de 😭 mieuls qu'il pourroit et s'auancerent forte qu'ils se peurent veoir d'une

part & d'autre. Nos ennemis marchoiét fieremet et en gråde hardiesse vindret frapper sur l'auátgarde qui la reculla, mais ils r'entrerêt & feirent tat qu'ils rompiret la bataille, ou le combat fut dur & aspre, & i furet plusieurs saintes pensées blecées & affol- Les sain lècs, mais Auarice l'un des principaus capitaines tes pen-Nn ii

cées.

fees ble- fut abatue & mise au bas par l'Ame incorporee d'un coup de lace qu'elle lui donna, & se fusse releuêe se n'eusse fait Liberalité q d'un coup de hache l'accula & bleca,de forte qu'elle demourra par terre soubs les pieds des cheuaus. Pour cela ne cesserent Ambition & le Monde de frapper sur les vertus, & feirent tant auec Simulation, flaterie, ypocrisie & presumption qu'ils prindrent prisonnier Entendemet, Memoire & Volunte apres les auoir quelque peu bleces, par ce qu'ils s'estoient trop essongnés de Grace divine et de l'Ame, et que trop

auant estoient entrés en la presse. Foi, Esperance & Charité les suivirent a pointes

L'AME abatue.

L'ame relenée. de lances auec l'Ame pour les rescourre & r'auoir, mais Ambition mit l'Ame par terre qui s'escriaa haulte voix de son cri acoustumé Iesus. Son heraut nomme le merite de la passion Iesuchrist qui se trouua pres d'elle la releua & aida a remonter sur son cheual de ioieus espoir, puis se mirent a frapper d'estoc et taille, et fut long ce cobat sans que l'Ame feisse rien qui vallusse, a la raison de ce que Grace diuine estoit trop loing d'elle qui fut trouvée & approchée de l'Ame par sondit heraut nommèle merite de la passion Iesuchrist, puis elle, l'Ame, Foi, Esperance & Charité entrerent plus auant en la presse & r'encontrerent le Monde & Ambition qui encores tenoient lies Entendement, Volunte & Memoire, & commencerent a frapper dessus en telle fureur, qu'ils laisserent leurs prisonniers & tournerent le dos. Ce voians Iustice, Force, Prudence & Temperace auec leurs compagnies char-

Le mode gerent sur le reste des ennemis, de sorte qu'ils en et ses ges dessirent & occiret plus de la moitie, le reste tour-

deffais. na a honteuse fuite.

L'Ame

L'Ame en signe de victoire coucha ou camp ou quel auoit esté la bataille, Entendement, Memoire & Volunté se firent penser, & incontinent guerir de leurs plaies par le basme artificiel de contrition seulement, lesquelles plaies n'estoient mortelles. Le lendemain partit l'Ame auec ges de son armée l'ame qui suiuirent leurs ennemis touiours suians deuant victorieus & iusques en leurs palais de Volupte duquel euse. ils estoiet partis, ou l'Ame & sa compagnie ne voulurent passer, mais allerent loger en vne bourgade nommée Consolation spirituelle, en laquelle furét bien logés & traités des viures de sainte doctrine.

Apres que chacun eut prins sa refection, l'Ame se retira en la chambre de son cueur et se mit a rendre graces a Dieu le pere de sa victoire disant. O Dieu tout puissant de inenarrable sapience & incomprehésible bontê, ie vous mercie treshumblement de la victoire qu'il vous a pleu me donner contre le monde & ses complices qui est procedée non de moi mon Dieu ne de ma force & prudéce, mais de vostre force & charité, & par vostre eternel fils Iesuchrist mo espous, sans lequel & sa grace qu'il ma ca bas enuoiée ie n'eusse peu ne sceu euader les perils & dangers mortels de mes ennemis & aduersaires. Ie me doubte o pere eternel que bien tot retourneront me insulter & assaillir & s'efforceront me deffaire & destruire si possible leur est. A quoi ie ne pourroie resister sans vostre secours & de vostre éternels fils Iesus. Or donc vous prie mon Dieu mon pere & feigneur qu'il vous plaife m'enuoier secours, confort & aide & me pardonner dont ie ne me suis acquittée si bien & à si grant labeur que ie deuoie en ceste spirituelle bataille, protestant moiennant vostre aide de faire mieuls Nn iij en l'ad.

en l'aduenir s'il vous plait m'en donner la grace.

Iefucrist visite Spirituel Icment l'Ame.

Comme l'Ame failoit ceste brieue oraison, Iesus christ par infusion de grace entra dedans la chambrette de l'Ame incorporée, c'esta dire en son cueur, toutefois auant que i entrer, Grace diuine heurta a la porte de la chambrette. L'Ame demanda qui ceitoit : Et Iesucrist respondit . C'est moi m'amie, ma sœur & mon espuse, hastés vous venés moi ouurir.L'Ame courut au deuant de Iesus lui ouurir la porte & se prosterna deuat lui en disant. Vous soies le tresbien venu mo Dieu par creation, mon seigneur par domination, mon frere par alsumption d'humanité, mo trescher ami par vostre passion & mo espous par le sacremet de baptesme. Helas dont vient mon Dieu qu'il vous plait entre en si petit logis, en si pauure tabernacle, & en si mal aorné habitacle? dont vient que le seigneur du ciel & de la terre vienne vers sa creature & treshumble ancelle & chambriere ' O bon Iesus c'est de vostre bonté, sapience, benignité & charité. Quel honneur & recueil vous pourrai-ie faire! Quel bon propos vous pourrai-ie tenir amoureus Iesus ie perd cotenance, ie ne scai que ie doi dire, car tous mes sens sont occupés de ioie.

Confolatio & ioie spizituelle.

M'amie (dit lesuchrist) ie suis venu vous visiter, conforter & donner courage de perseuerer en vosstre bon propos, assin que bien tot soiés par moi receüe en gloire eternelle: Toutesois ie vous aduerti m'amie qu'encores aures des affaires & assaus bien grans, mais ne vous desolés, cartant que vous mettres peine seló vostre fragilité humaine a vous dessendre & resister grace diuine sera touiours auec vous, laquelle a plus de sorce & puissance seule que tous les ennemis de la terre ne d'enser.

Gardés que ne vous eslongnés d'elle, car soubdain seriés surprinse. Vous auês conneu en la guerre du Monde en quel danger vous, Entendement, Memoire & Volunté auês esté tant qu'elle a esté loing de vous, & par ce ne la laissés plus essongner.

Comme la garderai-ie touiours pres de moi (dit l'Ame.) Tant que vous aurés (dit lesuchrist) auec vous mes trois bonnes amies Foi, Esperance & Charité. Et a tant ie prend congê de vous m'amie, car ie veul que vostre cors aie quelque peu de repos pour apres mieuls trauailler. Ét me voulés vous laisser (dit l'Ame en pleurant & lamentant) veu que tant suis aise et consolée d'estre auec vous, ie n'ai que faire de mon cors,ne de boire, manger, ne dormir, que sera-ce de mon cors fors pourriture & viande a vers. Vous scaues monseigneur Iesus combien de mauls & ennuits me fait mon cors, & si ie ne l'auoie (qui est ma prison) ie seroie sans toutes ces guerres. Il est vrai m'amie (dit Iesuchrist) mais ainsi me plait & veul que vous gardes vostre cors de peché, d'ordure & de villenie, pour apres le grat & final iugement le faire glorieus,immortel et incorruptible par lavertu de la mort que i'ai endurée pour vous & pour tous les vrais chrestiés. En disát ces parolles se cors de l'Ame s'endormit,& Iesuchrist ne se manifesta plus pour l'heure a l'Ame incorporée, dont au resueil du cors com. menca a pleurer & se desconforter. Foi, Esperance & Charité la consolerent lui disant qu'elle verroit fon ami lesus plus a son aise a l'issue de ses dernieres batailles, & lui couenoit parfaire son voiage, pour laquelle chose faire desplacerent de la bourgade de consolatio spirituelle l'Ame & tous ceus de son armée, & prindrent le chemin de negociation ou Nn iii curent

eurent plusieurs assaus d'auatcoureurs & plusieurs escarmouches du mode & de ceus de sa copagnie, mais si tresbien resisterent a leurs courses, assaus & entreprinses que touiours furent vaincus & l'armée de l'Ame victorieuse, de sorte que sans perdre aucun de ses gens arriverent tous ensemble au territoire de Bonnes oéuures dont Foi estoit dame & gouvernante,

Du territoire de Bonnes oëuures, de ceus qui i habitent, comme & a quelle fin on doit faire bonnes oëuures.

E territoire de bones ocuures estoit vne terre de promission produisant tous bons fruits, par laquelle passoit le grant sleuue de pure affection & i auoit vne belle & grosse forest de

fainte cogitation. La nature de ceste terre estoit de porter bons bleds & vins, scauoir les bleds de tranquile consciéce et les vins de droite intentió. Foi en est la dame & maistresse, car sans foi on ne peut auor charitè & charité ameine les gésa bones ocuures. Si on ne fait bones ocuures a dieu aggreables on n'a point soi, car S. Iaques dit q foi sans ocuures est morte en soimessme, il ne dit pas qu'elle est petite ou soible, mais qu'elle est morte. Et a ceste raison quat on n'est esmeu par la soi formée a l'amour de Dieu, & par l'amour de Dieu a bones ocuures on n'a point de soi viue, mais est mort la soi en ceste persone. Et come dit S. Gregoire, chacun fait autat qu'il croit & aime autat qu'il espere, or doc appert que Foi est dame des bonnes ocuures.

les trois Au deuant de l'Ame vindrent trois belles nimgardes phes qui gardoient ceste terre de promission soubs

dame

dame Foi: Scauoir est droiture, discretion & fru- de la ter Etification. Chacune d'elles apres avoir salué & re. rede boceu benignement & ioieusement l'Ame & sa com- nes oënpagnie lui feit vne petite harengue. Droiture qui ures. estoit vne belle dame vestue de satin blanc escheuelée & couronée de laurier lui dit. Ma dame vous foiés la tresbien venue en ceste terre que mes sœurs & moi gardons foubs dame Foi par ordonnáce diuine, en la quelle serês bien traitée tant que vous i tiendrés, & vous aduerti que pour i demourer couient par necessités que toujours tendés a garder les commandemens de Dieu, & a vous eslongner des occasions contraires a l'observance d'iceus, car si aués quelque intention de mal faire en serés incontinent mise hors. Vous entendés assés que les commandemens de Dieu consistent en son amour par vrai foi, bonne esperance & charité no fardée, & aussi en l'amour du pchain. En faisant ces deus choses toutes vos oëuures seront bones, car si vous aimés Dieu sur toutes choses habandoneres cueur. cors, ame & bies a le seruir & honorer par ieusnes, oraifons, facrifices, oblations & autres bienfaits, & si macterés v ostre cors par disciplines a ce qu'il ne foit rebelle a l'esprit, en ensuiuat le conseil de saint Paul qui rescriuoit aus Collocenses qu'ils morti. Collos. fiassent en eus tous desirs & toutes operatios charnelles, comme lubricité, auarice, ire, blaspheme, detraction, orgueil, et autres vices semblables. Quant a l'amour de son prochain S. Paul nous l'enseigne ailleurs, disant. Serués l'un a l'autre par charite d'esprit, et portès le fais l'un de l'autre. Nostre seigneur Iesuchrist l'enseigna pareillement en l'euangile faint Matthieu difant, que ceus auront paradis Mat.23. qui auront ressaisé ceus qui ont fain, doné a boire

a ccus

#### Le tiers hure

a ceus qui ont soif, reuestir ceus qui sont nuds, herbergé les deslogés et fait autres semblables oëuwes de misericorde au prouffit & salut du prochain, le confortat, aidant de parolles, d'oëuure, de faueur, & aussi par coseil, exhortatio & par autres moiens semblables le tout pour l'amour de dieu: car telles ocuures & aussi oraisons & suffrages qu'on sait souvent pour avoir argent seulement ne sont de tel effect que celles qu'on sait par charité priant

l'un pour l'autre.

Discretion (qui estoit vne dame asses aageevestue comme vne nonne) dit apres droiture. Ame incorporée ce n'est asses d'auoir droite intention a faire bonnes oéuures : car on les doit mesurer par possibilité. C'est a dire que faciés les choses a vous possibles pour garder les commademens de Dieu, & que euités les occasiós de peché. Pour lesquelles causes on doit faire les bones oéuures exterieures. Ceus qui sont tentes de la chair & enclins a lubricité & paresse, doiuent macerer leurs cors de ieusnes, abstinences & penalités, & eus touiours exercer sans oissueté a quelque bonne chose faire. Ceus qui sont tentés du monde, c'est a dire d's

Qu'on mens de Dien.

doit sai- uarice, ambition, appetit d'excessiue richesse, inre les cb. duisans a pillerie, furt, larrecin, fraude, deception, mande- exaction & concussion doiuent faire aumones & autres oeuures de misericorde. Et ceus qui sont tentés du prince de malice cest le diable par orgueil, prefumption, arrogance, ire, enuie & autres pechés qui en dependent, doiuent iour & nuit s'humilier & vaquer a oraison. Ie vous asseure ma dame que tout ainsi qu'il n'i a maladie humaine qui n'ait son remede qui bien connoistroit les pro-prietés des choses, aussi n'i a peché qui n'ait vertua lui repugnát par laquelle on destruit peché en gardant les commandemés de Dieu. Les commandemens de Dieu sont possibles: mais on les fait impossibles a garder quant on ne quiert les moiens pour ce faire, vous scaués que le cors humain est vne masse de peché & qu'on le doit purger par les oéuures de l'esprit, Dieu n'a q faire de vos ieusnes, oraisons & aumones: mais quant vous faites ces bonnes oéuures pour l'amour de lui c'est signe que vous l'aimés & que vous auès vraie foi & charité par le moien dequoi vous donne la grace de garder ses commandemens.

Il i a vne autre discretion qu'on doit garder a Discrefaire bonnes oëuures, premierement quant a orai- tion en son, qu'on doit faire de cueur principallement & oraison.
par mesure: car les plus longues oraisons ne sont

aucunefois les meilleures.

On doit faire les aumones par discretion, c'est Des aua dire regarder le tems, la puissance qu'on a de mones. donner, l'indigence & necessité de son prochain, & ce qu'on donne ainsi qu'on vous a dit dessus en parlant de Liberalité au premier liure. Et touchát les ieusnes, abstinences & macerations corporelles, on yous a aussi dit come on doit ieusner les ieusnes commádées, & qu'elles personnes & comment. Et quant aus autres ieusnes non commandées & maceration de chair, plusieurs en font plus qu'ils ne peuent:mais c'est indiscretion, car on ne doit tant macerer sa chair qu'on en laisse a faire les comademens de Dieu & de l'eglise. Les ieusnes, abstinéces maceratiós corporelles sont plaisantes a Dieu quát on les fait pour corriger la rebelle chair & pour mieuls garder les commademes de Dieu. Vne perfone qui laisse a nourrir ses petis enfans ou exercer

vn office public necessaire pour le bien commun pour ieusner ou macerer sa chair par seule volunte & devotion sans commandement offense, caril laisse la chose necessaire pour la volutaire. Et vous aduerti qu'il i a danger de perdre le fruit de ieusne, oraison & aumone voluntaire, quant on lessait publiquement qui seroit subiet a vaine gloire : car les humains sont si frians de gloire que pour le moindre bien du monde ils desirent honneur & louenge. Et si cela i est, tout est perdu quát au me rite de salut. le vous coseille viure (puis que n'estés en religion claustralle) de la vie commune de gens droits & bons & faire sans i faillir les choses que Dieu & l'eglise ont commandées en donnat bone exemple a vostre prochain. Et quat aus autres bones oéuures qu'on fait par simple deuotion, faites les au secret de vostre cueur & deuant Dieu, & Dieu qui voit en vostre secret le vous rendra.

Comme
on doit
faire fru
Etiffier
les bonnes oëunres.

Fructification qui estoit la tierce nimphe, a face & concenance moderéement ioieuses parla la derniere & dit. Ma dame pour parfaire les bonnes oëuures est requis par necessite qu'elles soient faites non seulement au proffit de vous: mais aussi de vos prochains, c'est a dire qu'elles soient communes & generallement faites pour tous ceus de l'eglise & congregation des fidelles. Et doit estre vo-Ître forme de viure pleine de bons exemples. Vos parolles edificatives & instructives, vos faits irreprehensibles, & que vos biens temporels ne soient tant a vous que vos prochains n'i aient part & portion en cas de necelsité. Tout ainsi que nostre seigneur lesuchrist s'est offert pour vous & tous les autres chrestiens, & non pour lui, ainsi vous ne les autres ne deués estre au môde pour vous seuls: mais

mais pour vos prochains. Vous deuês prendre deuant vous la vie de Ieluchrist comme vne reigle & Ioã. 15. mirouer de tout ce qu'on doit faire & laisser & prendre peinea le suiuir en humilité, doulceur, mansuetude, compassion, debonnaireté, & viure ainsi auec vos prochains comme Iesuchrist a vescu auec ceus du mode. Ce n'a este pour soi : mais pour tous. Il n'a quis son honeur : mais celui de son pere celeste. Aussine demanderons aucun honneur de nos oëuures: mais l'attribueros du tont a Dieu. & au falut de nous & nos prochains.

Ie di d'auantage Ame incorporée, que quelques bonnes oëuures que vous faciés n'i deues auoir du tout siance : mais principallemet en Iesuchrist par la foi que vous aués de lui. Et pour l'entendre notés que ce qu'il dit en l'euangile faint Luc. Deux Luce 18. hommes allerent au temple pour prier Dieu.L'un estoit Pharisée, & l'aure Publicain. Le Pharisée disoit. Souuerain Dieuie te rend graces de ce que ie ne suis comme les autres hommes pillars, iniustes, adulteres, & comme ce Publicain. Je ieusne deux fois la sepmaine. Ie done le disme de ce que ie possede Et le Publicain estant loing, n'osoit leuer ses îeus vers le ciel,& en frappát sa coulpe disoit.Mon Dieu te plaise estre propice & misericors a moi pauure pecheur. Ie vous di que le Publicain s'en alla iustifié du temple. Car qui s'humilie est exalté, & qui s'exalte est humilie. Nostre seigneur a dit ailleurs en ce mesme euangile en parlant a ses apostres. Quant vous aures fait tout ce qui vous est Lucei7. commandé, dites. Encores sommes nous serviteurs inutiles. Et a ceste consideration Ame incorporée, si voulés plaire a Dieu estimés touiours petitemét comme rien vos bonnes oeuures. Et que vous ne

tous les humains sans la grace de Dieu ne feirêt ne scauroient faire chose qui peusse meriter codignement d'auoir paradis: car come dit saint l'aul. On est sauué par la grace de Dieu. Toutesois on nest onc et ne fera lon aucune bone oëuure en ce mode qu'elle ne soit recompensée des biens de ce monde ou de l'autre, & par ce on doit sans cesser s'appliquer a faire bones oëuures pour l'amour de Dieu, & ne mespriser ceus qui ne les sont: car chacun sen sauué par lesuchrist en vertu de la foi qu'on aura de lui. I'entend de soi formée aiant des bonnes oëuures et du sacrement de baptesme par la grace Mar. 10 de les les christ: mais qui n'aura ceste soi & grace, & ne sera baptisé, sera damné. C'est texte d'euangile & la propre parolle de les uchrist qu'il conuient croire par necessité.

De tentation d'Orgueil.

Pres toutes ces parolles les trois nimphes presenterét a l'Ame le logis de bonne conuersatio, ou Grace diuine & elle se logerent auec Entédemét, Memoire, Volunté et toutes les vertus dessus nommées. Le lendemain comme l'Ame sur le non repos vint a la porte du logis de bonne conuersation audit territoire de bonnes oéuures, vn personnage resemblat a vn hermite, & de contenance si bonne qu'il eusse bien aquis credit entre les deuotes personnes. Il demanda Sensualité, laquelle vint vers lui, & apres auoir salué l'un l'autre, & que ce personnage se sui fait connoistrea Sensualité, elle le mena a la chambre de l'Ame incorporée, ou il sut bien venu au moien de sonde uot acoustrement, & dit a l'Ame, Entendement, Memoire

Memoire & Volunté, qui leur vouloit declairer quelque chose a secret, parquoi se retirerent a part & Sensualité auec eus, puis commencea ce personnage a parler en ceste maniere adressant son parler a l'Ame. Madame considerant les grans biens qui Orgueil sont en vous et ceus de vostre compagnie,a ce que parle 4 n'en perdés le fruit. Le suis venu vers vous, pour l'Ame. vous aduertir qu'ainsi contemner son cors, mespri- Tetatio ser les biens du monde, & les graces que Dieu vous du bien a données, c'est ne tenir compte des biés de Dieu: corporel mais en estre ingrat. Dieu n'a donnê toutes ces choses fors pour en vser, vous scaués & entendés que vous estes vne des parfaites creatures qui soit en ce monde. Premierement vostre cors est si bien formé & acopli en toutes choses qu'il semble bien vn chef d'oeuure de nature. Et neantmoins vous Le mesprisés, affligés & tourmentés par ieusnes & austerités, de sorte qu'il en deuient tout laid, & si ne tenês compte de lui. Touchant vos biens tem- Tetatio porels vous en aués en habondance, & ne voules du bien les emploier en vestemés honnestes, & sumptueu-fes maisons, achept d'offices, & autres choses qui réporel. sont a la decoration de vostre cors a l'honneur de vous & de vos parens. Encores faites vous pis de Tetatto vos bies spirituels: car cobie que saches latin & frá- des gra-cois, bie escrire en vers et prose, bie parler, graue, sa- ces. cunde & honeste entretie, toutefois vous tenés ces graces si secrettes qu'on ne les peut veoir, vo estés vne persone toute particuliere & solitaire, deussiés vous pas voº manifester et toutes vos graces a chacun vous scaues q touiours ne viures, & quát seres morte ne sera nouvelle de vous plus q du plus imparfait psonnage de la terre. Si vous auiés bo cueur feries des choses dot seroit eternelle memoire, vous deussiés

deussies estre curieuse de nouveaus vestemens, de nouuelles inuentions, de haultes & ardues sciences pour vous manifester entre gens, vous ne deussies ainsi celer & tenir secret les biens que vous aués de nature, de fortune, ou de grace: mais les declairera tout le monde, mesmement a ceus qui vous connoissent. Et combien qu'assés aiés de tous lesdiu biens, toutefois si voulies mettre a peine en auries plus largement, dont series mieuls estimée, vous Presumestés par trop simple. Aucunefois est requis de méstrer face arrogante, car trop grade familiaritéengendre contemnement. Et quant vous trouueres en compagnie, deussies parler plus hault & en plus grand grauité que tous les autres comme cellequi Pertina en scait le plus, & soustenir vostre oppinio jusques au glaiue, car qui ne le fait est pusillanime. Vous ne Adulaportes parolle de seigneurie, mais de subiection. Vous ne scaués pas bien vous entretenir entre les princes & seigneurs, par ce que ne voules leur coplaire ne adherer a leurs affections, oppinions, faits

Oultre-

& dits.

Ambi-

tion.

ption.

cité.

tion.

Il vous semble que chacun soit aussi parfait que cuidace. vous ou plus, & qu'il ait aussi grad bonte: & vous scaues que la plus part des gens sont pleins de pechés secrets. Vous mussés trop les biens & graces que Dieu vous a donnés: il est souvent requis de les declarer a quelques gens, autrement n'en aurés iamais honneur. Ceus qui connoissent vos perfections vous le manifestent et declarent aucunefois

Tattace.

& vous n'en tenes compte combié qu'en d'eussies Vaine estre ioieuse. Vous estes trop preste a obeir a vos fuperieurs qui souuent vous commandent choses glorie. insupportables & desraisonnables. Vos parolles sont touiours semblables a vostre pensée, mais

vous erres, car il est requis vser souvent de simulation & se monstrer par semblant autre qu'on n'est. Vous estés trop pacient en iniures, ven geance pro- Inobecede de grant cueur, & qui tot oublie vne iniure a dience. soi faite n'a courage qui vaille. Scaués vous pas bié ypocrifié qui se fait beste le loup le mange. Si on parle hault cotre vous, parlés encores plus hault & que la derniere parolle vous demeure. Et vous gouvernés de sorte que par quelque moien que ce soit soies touiours la plus estimée & mieuls prisée. Il est per- D'Iré: mis de se courroucer & de faire en sorte qu'aucun Enuies ne vous excede en beauté corporelle, en richesse temporelle n'en graces mondaines.

Comme l'hermite qui tentoit d'Orgueil, d'Ire 🏈 d'Ennie fut conneu, & que c'est d'Orgueil.

E propos de cest hermite sut long & ennuieus a Entendement, lequel sans vouloir en ouir la fin comméca tre, ha le traitre qu'il soit prins : c'est Orgueit vn espie qui vous veult deceuoir ma dame. Le fut conabruit sut si grât que toutes les vertus vindret faisir neues l'hermite & le visiter soubs son habit, lequel sut trouué vestu de velour cramoisi & drap d'or des -e'chiqueté & decouppé. Humilité l'une desdites -e : vertus le conneut incontinent & dit tout hault. C'est orgueil pere d'ire & d'enuie & cappitaine du diable nostre ennemi : esquelles parolles disant on ne sceut qu'orgueil deuint. Rien ne demourra en la chambre que son habit d'ypocrisse qu'on setta dehors par ce qu'il estoit tout infect & puant : & lors commenca a dire Humilité a l'Ame.

Ha madame vous aués esté en vn merueilleus je erga

# Le tiers liure danger: ie vous asseure que toutes les batailles par

Humili té parle contre Orgueil.

vous soustenues n'ont esté si dágereuses que la tentation de ce fauls ypocrite. Orgueil qui est le seul destructeur de toutes bonnes oëuures. Vous dites vrai(dit l'ame a Humilité.) Ie vouldroie que vous eussies oui & entendu les subtilles & deceptiues parolles qu'il m'a recitées pour m'induire a prefumption, vaine gloire, arrogance, iactance, foliugement, inobedience, adulation & autres vices, & finalement a ire & enuie: voire par inductions si grades qu'il m'a cuidé faire prevariquer & tumber en ses rets. Lors recita l'Ame a Humilité de mota mot ce qu'Orgueil auoit dit.

Apresauoir oui par Humilité ce fascheus propos dit a l'Ame. Ie vous asseure ma dame que par le telmoignage des saints docteurs de l'eglise, Orgueil est l'ennemi le plus subtil & plus a craindre que tous les autres, car c'est celui qui plus infeste le peuple de Dieu: & mesmemét ceus qui ont vaince

les autres vices.

fer.de.

Par orgueil on veut estre reputé & estimé autre qu'on n'est: c'esta dire plus beau, plus riche, plus fage, plus deuot & meilleur qu'on n'est. Orgueil elttout plein de curiosité & veult scauoir les se Go- crets de Dieu, les choses futures, estre inventeur de liath, e- choses nouvelles. Orgueil veult auoir l'honneur tia ex b. deu a Dieu: car come scaues la personne n'a chose Hiero.et digue de louege qui ne procede de Dieu. Et a ceste raison l'honneur lui en est deü, non a la personne. b. Greg. L'orgueilleus se iacte & vante non seulement des biens qu'il a: mais aussi de ceus qui lui deffaillent. L'orgueilleus est insatiable d'honeur, & veult estre estimé autre qu'il n'est. L'orgueilleus est presum-ptueus et cuide pl's scauoir qu'il ne scait, plus valoir qu'il

Digitized by Google

qu'il ne vault, & vouldroit bié chacu estre desprise & lui extollê.L'orgueilleus ne veult ne fcait gracieusemet parler, fors pour flater, aduler et deceuoir. Il est moqueur, calumniateur, gaudisseur & reprehenseur: de sorte qu'il ne trouve chose bié faite ne bié dite, si elle ne sort de ses mains ou de sa bouche.

Vn orgueilleus ne veult obeir a Dieu, a l'eglise, aus prelats, au roi, n'a ses superieurs. Il est ingrat, ypocrite, simulateur, faint, mordant en parolles, hault en parler, graue en cheminer, fier en gestes, opiniatre en ses entreprinses, & iamais ne iuge en bien des autres, & lui qu'il soit le plus parfait du

monde & veult estre tel estimê.

De ce fol cuider d'ambition & presumption, Dotpro-procede le peché d'enuie, car vn orgueilleus n'est cede eniamais sans enuie, mais est mari & desplaisant du "iie. bien d'autrui & ioieus de son mal, ennui & aduerfité. Et s'il voit quelque grace, bien & parfectio en son prochain, s'efforcera par detraction, derision, haine & cotention, a lui diminuer son bon renom & lui faire domage en cors ou en biens. L'orgueilleus est aussi facile & propt a se courroucer. Ét par ce dient aucuns docteurs mesmement S. Gregoire, q le pechê d'ire pcede d'orgueil, car l'orgueilleus Dot pa a touiours noise, procès, guerre, question & debat cede ire auec quelqu'vn a la raison de ce qu'il veult touiours estre le plus grat, auoir la meilleure part, estre obei & non contredit: & qu'on le croie de tout ce qu'il dit. Vn des gras signes d'orgueil qu'on puisse veoir en vne personne, c'est quant il veult qu'on le croie de tout ce qu'il dit, & quant il lui desplait qu'on n'adhere a la folle oppinion.

L'orgueil n'est touiours en la sumptuosité des vestemens & logis, ne en la grauité de personne, Oo ii

cede îre.

ear souvent trouveres plus d'orgueil en ceus qui portent vestemens vils & de petit pris & en ceus qui baissent la teste & contresont les humbles que es richement vestus & leuant le front hault. Vous trouueres plusieurs personnes de religió & d'autre estat qui ont tous les signes exterieurs d'humilité qu'on scauroit dire, soit en port, gestes, contenace que vestemens,qui parlent peu, ne rient iamais, & font tous begnins par apparence, mais ce sont ceus qui enragent quant on ne les salue. Ils baillent les facons de vestemens aus dames, font les faulces des viandes, veulent reformer les rois, princes, gens d'eglise, l'estat de mariage, de viduité, les cuisines, les estables & vouldroient bien que tout fusse fait a leur seule deuise & oppinion. Et quat on les contredit ou qu'on leur fait le moindre desplaisir du monde, ne cesseront iamais de parler publiquemét ou secrettemet iusques a ce qu'ils en soient venges par iniures & parolles scandaleuses. Ce sont ceus qui n'estiment aucun estat, fors le leur. Ils sontinsatiables d'honneurs & biens temporels. Ils sont conscience de frequenter auec ceus qu'on estime pecheurs, & se sentiroient contaminés si on touchoit a leurs robes. Il leur semble que Dieu leur est bien tenu au moien qu'ils ieusnét souuent, portent la haire, font longues oraisons & deuotes cerimonies, & est leur dehors tout sequestré come il semble des choses de ce monde,& seur dedans est tout maculé par appetit desordonné. Brief, Ame raisonnable, i admoneste vous garder de tel ennemi, car c'est le plus dangereus & damnable qu'on scauroit trouuer. Il enuoie souuet plusieurs personnes auec leurs bones oeuures, au moins ressemblables estre bynnes, a damnation eternelle. Qui veult estre en la grace

la grace de Dieu doit estre humble de cueur. Et a ce propos nostre seigneur Iesuchrist disoit a ses apostres. Apprenes de moi que ie suis debonnaire & humble de cueur.

L'humilité de nostre seigneur Iesuchrista excedé toutes autres qui ont esté, sont & seront, car il voulut prendre humanité, naistre temporellement en vn pauure estable comun, viure pauurement & ·fimplement sans se manifester entre ses creatures et come l'une d'icelles, iusques a l'aage de trente ans.

Les trente ans acoplis voulut prendre baptesme par saint lean Baptiste, voulut estre tenté par l'esprit subiet a lui, fut touiours modeste & begnin en ses predicatios, mesprisa les publicains & pecheurs, mais frequentoit auec eus pour les sauuer, ne voulut oncauoir honneur de roi ne autre. Il fut sans logis & retrait a lui appartenát, viuoit d'aumones lui qui donnoit tout. Quat on l'iniurioit, batoit et flagelloit ne disoit mot. Quant il fut crucifié prioit pour ses persecuteurs. Il laua les pieds de ses apostres: Receut en benignité le traistre baiser de Iudas. Il ne refusa la compagnie de l'impudique Samaritaine, ne les larmes de la pecheresse en la maison du Pharisée. Touiours attribuoit a Dieu son pere l'honneur de tous ses excellens miracles, & lui en rendoit graces. Brief tous ses gestes & faits sont entieremet contraires a orgueil et ses especes dessus declairées si voules faire coparaiso de l'un a l'autre, & par ce suiuant Iesuchrist, deuès fuir orgueil,

> Remedes contre le peché d'orgueil & ses especes.

Our resister a ce mauldit & dangereus peché vaine d'orgueil (dit encores Humilité) pensés, & plane Oo iii

toutes les humaines creatures qui vous estes, dont vous estés venues, que vous scaués faire, ou vous retournerés & quelle puissance vous auês. Ce qui est de beau & de bon en vous est vn don de Dieu. & ne vient de vous aucunement, & au contraire tout ce qui est mauuais en vous, villain, sale, deshonneste & imparfait vient de vous seulement & de vostre peché. Si vous considerés de quelle matiere voltre cors est fait, comme il a este nourriou ventre de vostre mere, comme il a este produitsu terre, vous ne trouverés que toute villennie, douleur, misere, pauureté, maladie, aduersité & imperfection. Si vous aués des dons & graces de l'esprit, elles procedent de Dieu & non de vous, & par œ l'honneur lui en est deü non a vous, & si ne les aures fors tant qu'il lui plaira. Quant vous voules vous desguises, & ne vous cotentes de Dieu & de nature. C'est fait iniure a Dieu le vouloir corriger & se mescontenter de lui. Si vous auês beautê corporelle, regardés combien on en trouue deplus beaus que vous. Si vous estés riche, il i en a quile sont plus que vous, & pésês d'auantage qu'onpert facilement beauté par maladie ou vieillesse, & nchesse paraccident & aduersité, & que beauté & richesse donnent mille occasions d'offenser Dieu comme on vous a dit dessus.

Si vous penses estre sage, consideres (comme 1. Cor. 3. a escrit saint Paul) que la sagesse de ce monde n'est que sollie deuant Dieu. Si vous penses auoir des vertus, penses & mesures combié vous aues de vices & vous trouueres, que les vices passent les vertus. Si vous penses estre bonne & en la grace de presumpriumpriumsens coulpable d'aucune chose, mais pourtant ne

fuis-ie

suis-ie en cela sanctifié. Et le Sage dit, qu'il n'ia home qui fache s'il est digne de l'amour ou haine de Dieu. C'est vn secret, & vous asseure que souuét aduiet que ceus qui cuidet estre bien pres de Dieu par grace en sont les plus loing. On ne doit prédre vaine gloire d'aucunes bonnes oëuures, car on ne scet come Dieu les accepte. On vous a dit que l'o- Luc. 18 raiso du Publicain, c'est a dire public pecheur faite en humilité et contrition de ses pechés fut plus aggreable a Dieu que celle du pharisée, c'est a dire religieus qui ieusnoit deux sois la sepmaine & donoit pour l'amour de Dieu la disme de tous ses biens. Regardés combien deplait a Dieu & au monde arrogance qui procede d'orgueil. Vn arrogant c'est Contre celui qui ne peut ne veult humblemet ne benigne-ment parler a personne, qui est hault en parolle & veult touiours estre creu de ce qu'il dit, desprisant les parolles, faits et oppinios des autres et les cotundant par aigreur de parolles arrogates. Telles gens font en l'abomination de Dieu, des homes, & femmes,& touiours mal voulus, come sont les subsan-les monateurs & moqueurs lesquels contournent a mo- queurs. querie, mespris & derisio tout ce qu'ils voient faire & oient dire, telles gés font touiours fin fascheuse & scandaleuse. Que prossite a la personne vouloir par orgueil tenter Dieus c'est a dire ne se côtenter de ce qu'il voit par les saintes escritures, ne de ce qu'il oit par les saintes predicatios de Dieu, & de sa puissance, sapiéce, bôté: mais en veult auoir les signes et miracles come vouloient les Iuifs, qui disoiet a lesuchrist qu'ils vouloient auoir signes du ciel pour croire en lui dot il les reprint come cotiet l'euágile, leur disant qu'ils seroiet cofundus au grant iugemet par ceus de Niniue, qui creuret a la simple Oo iii ·

attogăce

parolle du prophete Ionas & par la roine Sabba, laquelle par la comune renommée de l'excellence du roi Salomon, vint d'Egypte iusques en Iudée pour le veoir. Telles gens sont incredules, & leur semble que Dieu n'est en paradis fors pour faire tout ce qu'ils demadent & souhaitet. Ils ne se contentét des escritures des saints peres: mais par nouuelles inuentions procedans d'orgueil & presumption, veulent autrement interpreter le texte de la Bible qu'on ne doit, en scandalisant tout le con miltique de sainte eglise, c'est curjosité mauuaise la quelle procede aussi d'orgueil, par laquelle aucuns nouveaus theologues soubs vmbre d'exalter la 🔩 vertu de la foi veulent annuller toutes les denotes cerimonies de religion & eglise materielle induifans a deuotion, & lesquelles on ne scauroit continuer qui n'auroit la foi de lesuchrist, mais en voulant preuariquer l'intention de ceus qui les font, dient qu'ils veulent estre sauués par telles cerimonies,& non par vertu de la foi, qui est erreur & scandalle: car toutes gens de lettre & d'esprit scauent bien que la foi est le fondement de toutes bonnes oeuures, & que de la foi-vient esperance, d'esperance charité, & de charité viennét les bonnes oeuures & deuotes cerimonies.

On tente Dieu en autre maniere, scauoir est ceus qui font si grandes abstinences que souvent en meurent, & sont plus curieus d'icelles que de garder les commandemés de Dieu & de l'eglise. Semblablement ceus qui laissent leurs mestiers (dont ils se doiuét nourrir, leurs femmes & ensans) pour aller long en pelerinage ou vont tout le iour par les eglises sans vouloir trauailler. Ils presumét que sans labeur & faire leur mestier dieu leur enuoiera

par ses anges du pain du vin & de la viande. Ils se veulent mesurer a la mesure de Iesuchrist, & sont en ceste oppinion qu'au moien de leurs ieusnes, longues oraisons & pelerinages, ils ferot miracles, tout cela est tenter Dieu procedant d'orgueil. Le meilleur est viure de la vie commune des gens de bien: car comme dit le Sage, on doit scauoir a sobriete & ne s'arrester a son propre sens & prudèce. Aucunefois sont plus agreables a Dieu vn Patenostre & vn Aue maria que dit par chacun iour en foi & humilité le pauure laboureur ou homme de mestier, que é le labeur corporel qu'il prét volutiers pour se nourrir & sa famille, en ensuiuant l'ordonnance de Dieu, que les longues oraisons & grádes cerimonies faites (no en personne de l'eglise) plus souvet par coustume ou pour gaigner, que par deuotion: car Dieu regarde principallemet le cueur pur, & la bonne volunté, puis l'oéuure exterieure faite en foi & charité. Finalement considerés s'il De flaest chose plus vile & deshonneste que louer vne terie & personne en son peché & mauuaises meurs par fla- adulatio terie & adulation. Premierement on offense dieu, secondement soimesme, tiercement son prochain, & bien fouuent tout le bien commun. Quant ceus qu'on flate sont rois, ou constitués en autorité, dignité & prelature. Pour ces considerations (Ame incorporêe) ne croiés a ce que vous a dit Orgueil, & vous donés garde de lui, ne lui prestés l'aureille: caril a si doulce parolle que peu de gens eus exemptent de son danger. Par ce (comme dit Valere) Vale.li. qu'il n'i a si grande humilité qui aucunefois ne soit 8.ca. 13. touchée de la doulceur de vaine gloire.

D'Enuie

D'Enuie & de ses pechés.

🐸 Ous m'aues donnés a entendre (dit l'Ame a Humilité) qu'Enuie proce doit d'Orgueil, declarés moi s'il vous plait q c'est du peché d'enuie. Enuie (dit Humilité) est vne furie infernalle qui de sa propre malice, par son orgueil, arro gance & presumptio incite les gens a se cotrister & auoir douleur du bien de leurs prochains, & eus r'essouir de leur mal & ennui, a ce que personnene les excede, & ne soit esgal a eus en aucuns bies na turels, temporels ne spirituels car on n'a jamais enuie des pauures souffreteus, des insensés, imprudés, Diffini- ne d'autres gés imparfaits. Par l'enuie du diablela tio d'en- mort est entrée en la terre, come dit le Sage, & ne fusse enuie tout le genre humain eusse vescu en l'originelle iustice en laquelle Adam & Eue furent crées. D'enuie viet haine, qui est ne vouloir veoir, ouir ne couerfer auec celui qu'on hait. Susurration en procede qui est diminution de la renomée d'autrui par parolles secrettes & occultes pour mettre malueuillance entre deus personnes, dot procedet homicides, procés, iniures, noises, debats, guerres & cotentios. D'enuie vient detractio par laquelle on diffame son prochain par inventio d'iniure supposée & non veritable, en niant le bien qu'on scat estre en lui, & en peruertissant & diminuat le bien qu'on ne scauroit nier : car vn orgueilleus & enuieus ne parlera de persone qu'il ne trouue quelque mauuais si. Semblablement on detracte en reuelant le peché secret de son prochain, augmétant & croissant le mal ou vice qu'on a oui dire estre en Enuie est vne peste qui infectionne tous les estats du monde, & n'i a felicité tant eureuse qui puille

uie.

Haine.

Sufur-

ration.

Detra-

Hion.

Digitized by Google

puisse (comme dit Valere) euiter les dens de sa malice. Vous verres communement enuie entre les rois, empereurs, potestats & autres constitués en autorité, & aussi entre gens de science, & mesmement entre docteurs, orateurs & ceus qui escriuet, entres les medecins, les paintres & gens de science liberalle. Par l'enuie des prices les guerres sont caulees,& consequément la destructió du peuple. Par l'enuie des theologiens les erreurs pullulent. Par l'enuie des medecins plusieurs meuret sans secours. Par l'enuie des orateurs plusieurs sont diffamés, & l'enuie des paintres & gens de speculative science, les conduit a pauureté. Aluarus en son liure De Aluar. planctu ecclesię, parlant d'enuie dit. Qu'il n'i a mó-Are plus monstrueus, dommage plus domageable, peine plus penible, mal plus malheureus, angoisse plus angoisseuse, tristesse plus cotristable, ne coulpe plus coulpable. Cest vne abisme de cecité erronée, l'enfer d'humaine pensée,& l'aiguillon de contention & corruption. Les mouuemes d'enuie sont les aduersaires d'humaine tranquillité, les satellites d'humaine tentation, les embusches de la felicité d'autrui, l'abbreuiation de la vie, la langueur du cueur, la perturbation de l'esprit, l'attediation de l'ouie, le facheus passetés de la lágue, & le poste de la mort. Enuie fait tout mal a celui q la foustiét, & fouuent honeur & proffit a celui qu'elle veult persecuter, que que soit est reciproque a la raison de ce qu'elle fait autat d'ennui a l'enuieus qu'a celui cotre lequel on a enuie. La face de l'enuieus est palle, ses seus deprimes, sa pensee inflamée & ses mébres froids, rage est sa cogitation, & strideur entre ses dens. Ce pechê d'enuie est directemet cotre le cinquieme comademet de dieu par lequel est deffendu

d'occire aucun de cousteau corporellement, & de langue par detraction, & aussi contre le huitieme, par lequel est prohibe de mentir en iugement & dehors: car les enuieus qui detractent sont menteurs,& tesmoignent mal d'autrui.

# Du peché d'ire & ses especes.

Augustinus. Casiodorus. Ioz. Da

20145.

Re procede ausi d'orgueil, qui est (comme a escrit saint Augustin) vne libidinité de vengeance. Cassiodorea dit que c'est vn mouuement du cueur & du courage concité a peine. lean

Damascene, que c'est vne ebullition du sang qui est autour du cueur par l'euaporation du fiel, & a mascen9. la prédre ainsi, c'est vne chose naturelle et permise: car il est requis, voire necessaire se courroucer con-

tre pechè & iniquité, et de la chose qu'on voit faire contre l'honneur de Dieu & ses commandemens. S. Tho- Saint Thomas a escrit qu'Ire est vne passió de l'ap-

petit sensitif, de laquelle la force irascible est nommée. Ire est prohibée & deffendue quant le sens s'esmeut autour du cueur pour vn appetit de vengeance cotre l'ordre de iustice & sans charité, c'est a dire pour sa propre iniure affin qu'on nuise a son prochain, qui se peut faire en trois manieres. La premiere, quat aucun se courrouce et tient le mouuement de son courrous en son cueur sans le monstrer apertement par signes exterieures. La seconde, quant aucun dit confusement ou obscurement quelques parolles portans tesmoignage (par l'impetuosité d'icelles) du mouvement de son cueur & de son courrous. Et la troisseme quant aucun exprime & manifeste son courrous, non seulement par parolles confuses: mais aussi par

Digitized by Google

mots

mots qui denotent vitupere & deshonneur, & par telle ire on vient a batre & frapper, mutiller & occire son prochain, qui est cotre le cinquieme commandement de Dieu, aussi a iniurier par parolles & a deshonnorer autrui. Et en procede vne inflammation de pensée par laquelle on cherche les moiens pour nuire a celui contre lequel on est courroucé, & a dire quelque cotumelie, c'est a dire parolle de mesprisance, sans toutes ois le vilipender ne denigrer son bo nom. D'ire intemperée procedent iuremens, pariuremens, blasphemes, obsecrations & maledictions contre le second commandement de Dieu.

Ire destruit la beauté du cors. Car vne personne agitée d'ire & courroucée est toute alterée, sa face changêe, ses seus mouilles & penetrans, sa bouche torse, le nês r'enuersê, la voix tremblant, & tous les membres par fureur. Ire empesche & destourne la raison de sorte qu'elle ne peut discerner le bien du mal, & que la personne ne scauroit faire oeuure a Dieu plaisante & a aucun proffitable . Ire ferme la porte a pitie, misericorde, benignité & copassion, abreuie la vie & auance mort. Saint Gregoire dit que par ire on pert sapience, prudéce et contenáce. Par ire iustice n'est bien administrée : car comme a escrit saint Iaques. Le courrous de l'homme em. Iaco.s. pesche les oéuures de iustice et droiture. Par ire on pert amitie socialle, on chasse paix pour prendre discorde, on laisse la lumiere pour prendre les tenebres on s'eslongne du saint Esprit pour s'approcher du diable, & par ire sont tous les sens tellemét troublés qu'ils perdent l'effect de leurs operations naturelles & spirituelles. C'est vn tresdangereus ennemi, & qui en la victoire fait plus que de surmonter

monter vn lion (comme dit Lactance) ne que de prendre vne forte cité (comme a escrit Seneque.) Et qui vouldroit adherer a moi qui suis Humilite, n'auroit orgueil, enuie, ne ire. A ceste cosideration si orgueil vient vne autre fois vous tenter, que i'en soie aduertie, & ie la reculerai de sorte aussi enuie & ire que plus n'i retournera.

Latierce guerre faite par mer contre l'Ame incorporée par le Prince de Malice, c'est le diable & ses adherens la Chair & le Monde qui suivirent l'Ame insques au pas de la mort.

Vrant le tems qu'Humilité parloita l'Ame & entretenoit es bos & hôneftes propos que nous auons veus & ouis, Orgueil se rendit en la cité de

La cité de Malice.

Malice ou estoit le diable & toute son armée, qui fut cotent de l'Ame qui auoitainsi honteusement chasse orgueil. Et delibera le prince de Malice de lui faire guerre la plus forte qu'elle eut onc. Et pour mettre sa deliberatió a execution assembla ses trois capitaines, scauoir est Orgueil, Enuie & Ire, lesquels feirent aussi preparer les gens d'armes de leurs copagnies, scauoir est de la copagnie d'Orgueil, vaine gloire. curiosité, iactance, presumption, pertinacité, arrogáce, irrision, téter dieu, inobediéce, flaterie, ingratitude, ypocrisse & jugement temeraire. De la copagnie d'Enuie, haine, sufurration, subsannation & detractio. Et de la compagnie d'Ire, inflation de pensée, clameur, indignation, contumelie, noise, discord & blaspheme aucc toutes leurs circonstáces qui estoiet en grat nobre. Et si assemblerent auec eus la chair & le monde & toutes leurs bádes dessus declarées pour leur donner

mer secours. Le prince de Malice dressa de toutes L'armée Les bandes vne groffe & merueilleuse armée, & en du price ordre commencerent a marcher assés legerement de Ma-vers le territoire de Bonnes oeuures dont l'Ame licemarincorporée fut aduertie par Grace diuine, au moié che. dequoi l'Ame assembla sans delai tous ceus desa compagnie, quoi que soit les principaus pour sur ce tenir conseil au logis de bonne couersation, ou fut conclu & arreste qu'on n'attendroit l'assaut des ennemis en ceste place, par ce qu'elle n'estoit assés Forte & aussi qu'il couenoit par necessité tédre au port de salut le plus tot qu'on pourroit. En ensuiuant ceste deliberatió l'Ame fit ascauoir par les trópettes les sindereses que chacun s'apprestasse pour partir le lendemain matin. Ce qui fut fait a grande diligéce: Car chacú des capitaines print peine d'alsembler ses gens. Et par ce qu'il conuenoit passer la mer pour aller audit port de salut, Prudence alla deuat faire apprester les nauires aucques sa compagnie. Le guet des aduersaires nomé Maling esprit, Armée fit scauoir au prince de Malice que l'Ame tédoit al- de mer ler au port de salut & faisoit preparer sa nauire. A pour le ceste cause le prince de Malice dressa semblablemet prince de & soubdain vne armée de mer de plus de cent na-Malice. Unires, dont les trois principales estoient la nes de la Chair, qu'on nomoit concupiscence charnelle: La nef du monde qu'on appelloit concupifcence oculaire: Et la nef du prince de Malice, c'est le diable qu'on appelloit Orgueil de vie. En chacune desquelles estoient les bannieres de ces princes damnés. La banniere du Monde estoit de rouge & iaune, en laquelle i auoit vn escu de sable a trois crocs d'argent. Nous auons veu dessus les coulours & armes de la Chair & du Monde. Aussi cftoit

á

estoit en ces trois nauires l'artillerie de la Chair & du Monde telle que dessus: Et l'artillerie du diable saite en la sonte insernalle par Tentation, dont estoit le maistre vn hideus esprit qu'on nommoit Desespoir. Es autres nauires estoient Orgueil, Ire, Enuie, Luxure, Gloutonnie, l'aresse, Ambition, Auarice, & toutes leurs filles & circonstances en tresgrant nombre.

L'armée de mer de l'ame

L'Ame & toute son armée monterent aussisur la mer, & eurent trois principales nauires & cinquante autres. En la premiere nauire furent Grace diuine, l'Ame incorporée, Entendemet, Memoire, Volunté & aussi Sensualité & Raison qui toutes estoient de la chambre de l'Ame. En la secode na uire furent Foi, Esperance & Charité auec vne banniere de gris & bleu, en laquelle i auoit vn escu d'argent a vue croix de gueulles, couronné ledit escu d'un chappeau d'espines de sa couleur. En la tiers nauire furent Prudence, Iustice, Force, Temperance auec vne banniere de noir & violet en laquelle i avoit vn escu d'argent a vn cadran d'azor marque d'or. Grace divine voulut estre le patron et capitaine de la nauire de l'Ame. Les filles de toutes ces dames & vertus furet es autres nauires auce les autres gens d'armes de l'Ame nommés saintes pensées. Si furent toutes les dites nauires de l'armée de l'Ame bien instruites & furnies de son artillerie dessus nommée, & aussi enuitaillées, equippées & frettées de tout ce qu'il failloit en nauire de guerre: & mesmement de bonne artillerie, de trait, de viures & gens hardis.

Incontinent qu'ils furent en pleine mer, commencerent a se leuer les vens de vaine crainte, les vndesimpetueuses de vaine douleur au contraire

des vens de folle esperance & vaine ioie, dont les nauires de l'Ame & de toute son armée surét tresfort agitées & tourmentées, mais apres les prieres de l'Ame les vens cesserent & nauigerent asses roidement. Or estoient les nauires de la Chair, du Mode & du diable ancrées & arrestées pres du pas de la mort pour empescher que l'Ame ne peusse aller au port de salut.L'Ame & sa compagnie qui alloient singlát voiás pres du pas de la mort si gráde copagnie de vaisseaus que de leurs masts sembloit vne petite foreit, demanda quels gens s'estoient, Grace divine lui sit response que s'estoient ses ennemis & aduersaires qui la vouloient perdre & de-Aruire, & qu'il estoit heure de monstrer son cueur et bon vouloir. l'ai bie delibere (dit l'Ame) moienmant vostre bon secours de les combatre esperant de les subiuger. Ils m'ont tant fait d'ennuits et contrarietés que le vouldroie bien leur monstrer que ie suis servante d'un plus grant roi qu'ils ne sont. L'ordre

Lors sit l'Ame ordoner sous ses vaisseaus & mit de la ba. les plus fors deuant pour resister a la nauire du taille de Monde, scauoir est celui de Prudence, Force, Iu-PAme stice & Temperance & d'aucunes de leurs filles, & en mer. le reste des autres nauires contre la Chair fors les nauires de l'Ame & de Foi, Esperance & Charite qu'on reserva pour combatre le prince de Malice; c'est le diable. Ellemit outre frontiere a tous les costés de ses haquebutiers nommés saints desirs & bonnesconsiderations, & entre deux nefs de ses haquebutiers i mit vne nef de les gens d'armes només saintes pésées encores sit une bataille de deux nefs ou estoient ses archiers de perseuerace & resistence: & quant elle eut par la conduite de Grace diuine ordonné ses batailles & nauires sit tendre-Pp contre-

contremot les voiles de saint desir au vent de quartier pour auoir l'auantgarde du soleil qui en allant leur frappoit au visage, & feit tant qu'elle & toutes ses nauires eurent soleil & vent a leur volunté.

Les ennemisignorans ce destour penserent que l'Ame & ceus de sa compagnie fussent en crainte & voulussent reculler: Si eurent leurs vaisseaus en bon estat, car ils estoient expers en mer & grans& hardis combatans: puis ordonnerent leurs trois principales nauires de la Chair, du Monde & du Diable pour aller deuát, & grant foison de leur artillerie de mouuemens charnels, appetit desordontaille du ne & d'impetuosité. Ils se donnerent l'un a l'autre diable en plusieurs semonces & assaus. La Chair fit tirer son artillerie de mouuemés charnels par concupifcéce charnelle contre la nef de l'Ame: mais elle ne lui sit aucun dommage, car sa nauire estoit forte & bien remparée de vicillesse: mais le Mode & Auarice lui firet quelque mal par leur artillerie d'appetit d'ho-neur & inquietude de pesée, & aussi fit semblable ment le trait d'impetuosité par triste colere qui na nauire du prince de Malice.

L'ordre

de bs-

mer.

Denostre part l'artillerie de l'Ame & les haquebutiers de saint desir & bonne consideration par la bonne conduite du maistre de l'artillerie nommé Honnelte occupation, endommagea treffort les nauires des ennemis auec le trait de Resi-Rence, de sorte qu'ils les reculerent vn peu a quartier : Mais après auoir estê longs iours en ceste guerre continuelle firent approches les vns des autres, & lors fut la bataille dure & aspre. des deus costes. Haquebutiers & archiers commencerenta tirer roidement l'un contre l'autre : Les gens d'armes approcherent & combatirent main a main

cruelle-

cruellement. Et pour mieuls aduenir l'un a l'autre auoient grans cros & hauets de fer tenás a chaines qu'ils iettoiet d'une nef en l'autre & les attachoiet ensemble pour mieuls eus deffaire & descofire. Au commencement la nauire de la Chair & sa suite, qui sont Luxure, Paresse & Gloutonnie sut sub-mergée auec tout ce qui estoit dedans par Temperance & ses gallions ou estoient Chastete, Continence, Erubescence, Honnestete, Abstinence, So-Brieté,Modestie & Studiosité.La nauire du Môde Le môde & ses gallions ou estoiét ambitió, flaterie, trahison, desconfit ingratitude, mensonge, insacieté, appetit desor- auec ses donné, auarice, vsure, simonie, fraude, rapine, par gallions. iure,pillerie & immisericorde: pour la submersion de la chair ne laisserent a guerroier & tourmenter Ja nauire de l'Ame: mais apres long combat toute ceste mauldite bende fut aussi desconfite & submergée par Prudence & Iustice & leurs gens, de sorte qu'il ne restoit plus que la nauire & les gallions du diable & de la fuite qui firent merucilles 🛦 combatre, car ils estoient en grosse puissance, laquelle fut renforcée par la nauire de tribulatió qui vint au secours des aduersaires auec grade quantité de gallios ou estoiet peste, famine, fieure, y dropisie, ethisie, apoplexie, colique & autres filles de maladie auec perte de biés, perte de parés, perte d'amis perte de bon renom, perte de mébres, accident de feu & d'eaue, ruine, trebuschemet & plusieurs autres que ie n'auoie encores veus, lesquels feiret plusieurs molestes a l'Ame & so nauire de sorte qu'elle estoit blecée en plusieurs lieus: & séblablemét Entédemét, Memoire et volúté. Et si fut l'ame chassée par maladie iusques au pas de la mort, ou elle fut fniuie p tous les aduerfaires desquels elle se deffédit touiours Pp ii

Digitized by Google

touiours au mieuls qu'elle peut : Toutefois ce ne fut sans estre mutillée & blecée d'aucunes petites

plaies legers a guerir.

le pas de

Ce pas de la mort lui fut hideus & espouentable la mort. a veoir, car c'estoient deus hauls rochiers l'un deuant l'autre ou la mer passoit en si grande roideur & impetuosité qu'impossible estoit de passer auce le cors: Mais en esprit. Et si estoit necessité contrainte d'i passer pour aller au port de salut : parquoi l'Ame fut toute troublée, mais encores plus quant Entendement lui dit. Madame voici la separation de vostre compagnie, voici le depart de vous & vostre cors, voici le lieu d'humaine tristesse que la sensualité de la personne craint plus que chose du monde, par ce qu'elle pert en icelui son ostre en ce monde. Grace diuine lui dit. M'amiè vous ne le deués craindre si vous aués rouiours Foi auec vous, car en icelui passant serés hors de toutes miseres mondaines & entrerés en eternel repos: Toutefois si vous n'auies Foi & aussi Esperace & Charité le passage vous pourroit estre l'entrèe de vostre eternelle damnation, pour les causes que verité vous dira: Laquelle au mademet d'Entendement & Volunté sortit d'un gallion & parla du pas de la mort a l'Ame en ceste sorte.

> Comme & pour quelles causes on doit craindre de mourir temporellement.

Hac

Vis qu'il plait a Grace diuine (dit Verité) q ie parle du pas de la mort: vous di Ame raisonnable que c'est vne separation des choses coniointes par nature & par vne souueraine &

to.flo. in superlative amour. Parquoi chacun le craint naturellement

rellement. Le philosophe dit que c'est la derniere sum. 4. chole plus terrible que toutes les autres: & nostre par. 14. seigneur Iesuchrist vrai Dieu & home approchant cap.9. de sa passion & voiant sa future mort temporelle comnieca a s'ennuier, a craindre & estre triste, c'est a dire sa seule humanité: Car sa divinité ne pouoit fouffrir. A ceste cosideration vne pauure creature doit bien craindre a passer ce pas de mort pour sept dangers, lesquels i sont selon les faintes lettres. Le premier par ce que la mort est ineuitable, & qu'ilne fut ne est, ne sera personne qui ne meure par arrest de la trinité donné contre Adam & sa posteritê en la punition du premier peché comme il est Luc. 22. contenu au commencement de Genese. Et si vous Gene. me dites que le prophete Helias n'est mort, mais est encores en paradis terrestre attendant le jugement general: ie vous asseure qu'il mourra. Dieu n'a remis ceste peine de mort à l'humanité de son eternel fils lesuchrist, come a escrit saint Paul aus Romains, n'a la vierge Marie sa mere, n'a saint Iea son tant bien aimé apostre & euangeliste: lesquels sont en cors & ame en paradis. Combien que ie ne veul dire (& aussi ne le fault ainsi entendre) que Iesuchrist ait souffert mort par necessité, ne par autorité dudit arrest donné & executé contre Adam & sa posterité: car nostre seigneur Jesuchrist ne contracta onc l'obligation de peché originel, par ce qu'il print chair humaine supernaturellement par l'operation du benoit saint Esprit La mort se met par tout, elle n'a pitie des petis enfans, elle ne supporte les vieilles personnes, elle ne craint le riche ne le noble, elle n'a horreur du pauure, du rustic, elle ne porte faueur a beauté, force corporelle, hardiesse, eloquêce, prudence, autorité, n'a dignitê: Pp iij mais

#### Le tiers Eure

Le seed mais rauit & prent tout. Le second danger de la dager de mort est sa legereté, promptitude & velocité: car la mort. come disoit lob, mes sours passent plus legerement que la toille n'est couppée du tisserant. Le tisserant attend que la toille soit parfaite, & la mort n'attend vieillesse a venir, ne que la personne soit en la persection de son aage. A ce propos disoit lob que

la mort est plus legiere qu'un coureur, & que les iours des humains sot plus legers qu'une nef char-Psa. 101 gée de pommes qui va si tot qu'on ne scet a quel port doit venir. Et le Psalmiste disoit, que la vie de

l'homme oft yn ymbre qui foubdain paffe.

Letiers danger.

Le tiers danger de la mort est qu'elle vient facilement. Contemplos en quelle facilité & par combien de manieres les humains vont au pas de la mort. Les aucuns par fer, les autres par feu, les aucuns par maladie, les autres par guerre, les aucuns par dueil, les autres en faisant grant chere, les aucuns par cheute de cheual, demaison ou d'autre lieu dangereus, les autres par vn petit coup de pierre, les aucuns par trop boire & manger, les autres par trop grande abstinéce, les aucuns par trop grant atouchement de femme, les autres par grauelle, les aucuns par submersion d'eaues, les autres par bringans & guetteurs de chemins, les aucuns par morfures de bestes venimeuses, les autres par prison, les aucuns par autorité de iusticea bonne & iuste cause, les autres a tort & cotre droiture, les aucuns par excès de courir, danser, saulter, les autres pour trop long repos, les aucuns de quaterre, les autres d'epilepsie, appoplexie, squinancie, & autres diuerses maladies, les aucuns par fouldre & tempestes, les autres de trop grandes froidures, les aucuns de ioie, & les autres de tri.

de tristesse & melancolie pour lesquelles causes saint laques disoit, que la vie de l'homme est vne Iaco. 4. vapeur legere, de petite apparence & de moindre existence.

Quartement on doit craindre la mort pour l'in- Le iiij. certitude d'icelle: car comme dit Origene, chose dager de n'i a si certaine que la mort, & rien plus incertain la mort. que l'heure d'icelle. A ceste cause disoit nostre seigneur Iesuchrist (comme il est contenu es euangiles de saint Matthieu & de saint Luc) veilles & priés, car le fils de Dieu vous viendra iuger a l'heure que vous n'i penserés. La mort est fort incertaine quat au tems, au iour ,a l'heure, au lieu, & en la forme, quat personne ne scet ne scaura fors par reuelation diuine le tems, le iour, l'heure, le lieu, ne comme il mourra, ou si ce sera par maladie ou par accident,

en la grace de Dieu, ou en peché.

Le cinquieme danger de mort est preoccupatio, Le v. da car la mort tollit & oste a la personne la puissance ger de la de tous actes & sentemens. Scauoir est au pieds la mort. puissance de cheminer, aus mains la puissance d'ouurer, a la langue la puissance de parler, a la bouche la puissance de mager, aus seus la puissance. de veoir, aus aureilles la puissance d'ouir, & au ne la puissance d'odorer. À ce propos disoit Hieremie, la mort est entrée par nos fenestres, c'est a dire par nos sens, & est entrée en nos maisons, c'est a dire en occupant tout. A ceste cosideratio la personne ne doit attendre a faire penitence au pas de la mort, attendu que souuét on i est priuée de tous les sens & qu'a ceste raison on est priue de la connoissance de Dieu & de soi, ou plusieurs sont cir- Aug. in couenus, come a escrit S. Augustin en son liure de li de pepenitence. Toutefois il n'appartiet aus humains de niten. Pp iiii

mettre

mettre mesure en la misericorde de Dieu, qui la sait quant il lui plait, & auquel on ne peut dissinir le tems, parquoi on ne doit mal iuger du salut d'aucût tant que l'ame est en son cors: car s'il plait a Dieu donner au plus grant pecheur de la terre la grace au pas de la mort d'auoir vraie soi que nostre seigneur Iesuchrista prins humanité pour le salut des humains, & qu'il a dit que qui croira en lui & sera baptisé sera sauvé. Aussi d'auoir cotritió & desplaisance de tous ses pechés & s'il vient a conualescèce de plus n'i retourner, & d'auoir ferme espoir en Dieu que par son sils Iesus il aura pardon, ne fault faire aucun doubte que ce personnage ne meure en la grace de Dieu.

Le vi. ( dager de : mort.

Genef.3

Le sixieme danger de la mort est l'infestation des diables. Dieu dit a Eue premiere femme representant chacune Ameraisonnable, de celles qui viuent selon Dieu (comme il est cotenu en Genese) en parlant au serpent qui deceut Eue. La semme te froissera la teste, mais tu l'insidieras au talon. C'est a dire que la bone ame surmotera les tentations de diable, toutefois a la fin de sa vie lui fera plusieurs infidiatios. Et tellemet qu'on voit plusieurs persones (melmemet les bones & iustes) estre plus tour. mentées au pas de la mort des tétations du diable, que les autres. Il tente ceus qui ont fait peu de bones oéuures de desespoir, affin quils n'aient recours au merite de la foi par laquelle ils peuent estre sauués Et il tente ceus qui ont fait tout plain de bonnes oéuures, de vaine gloire, a ce qu'ils se confient d'auoir salut par leurs bonnes oeuures seulement, & non par la vertu & merite de la foi formée de charité qui sont deux dangereuses tentations. Et a cette consideration on doit dire a ceus qui sont an

pas de la mort qu'ils aient leur entiere foi & fiance en nostre seigneur Ieluchrist et au merite de sa passion, & qu'il n'i a si grant pecheur au monde qui par ce merite ne puisse estre sauué s'il veult auoir contrition de ses pechés & prendre la mort en gré. Ils ont d'autres tentations humaines qu'on leur peut ofter, c'est a dire le regret de semme et enfans. Aucuns se confient en ce qu'on dit communemet que Dieu pret la personne au meilleur estat qu'elle pourroit iamais estre. Il est vrai: mais pourtant ne s'ensuit qu'il la prenne en grace : car aucuns meurét fouuent par accident ou de quelque maladie soubdaine & mortelle hors la grace de Dieu qui scait bien que iamais ne seroient penitence, & que tant plus ils viuroiet et plus feroient d'offenses. Ce font iugemens secrets dont on ne se doit enquerir par curiosité: mais qui vouldra bien mourir, viue bien en foi, en esperance & charité, & face le plus qu'il pourra de bonnes oéuures, qui est le meilleur confeil qu'on scauroit bailler.

La septieme chose pour laquelle on craint la Le vii. mort, a charnellement parler, c'est au moien des mal de douleurs qui s'en ensuiuét, & des mauls qu'elle fait la mors. au cors humain: car par la mort & en icelle on laisse tout ce qu'on a aquis auec si grâs labeurs, curres, sollicitudes & dangers de perdre cors & ames,

res, sollicitudes & dangers de perdre cors & ames, & qu'il fault retourner nud en terre sans rien emporter, fors la bonne & mauuaise conscience. Par la mort le mari perd sa femme, ou la femme son mari, on perd ses enfans ses parens & amis, ses plaisses corporels, ses richesses mondaines, & tout ce qu'on a prins au monde. Le pauure cors est mis en terre pour estre mangé des vers. Samt Bernard demandes il i a rien plus horrible, plus villain, plus

puant

puant & plus infect qu'un cors mort. Incontinent apres la mort d'une personne tant belle, riche, sage, forte & prudéte ait esté, on ne demade que la descharge & despesche, & en faire mettre le cors en terre, on le garde le moins qu'on peut en la mai-fon, pour crainte qu'elle en foit infectionnée.

Comme apres la mort chacun rendra compte deuant Dieu de tout ce qu'il a fait en ce monde, dit & pense.

Hec quæ fequütur Anto.in *summa* 4.parti.

14.64.9

Accely of Lia plus (dit Verité) car (commea escrit S. Paul aus Rommains.) Chacun apres son trepas comparoistra en personne deuant Dieu pour lui rêdre compte: & dequoi dit l'ame: de tout

les biens que Dieu lui auoit baillé entre mains (dit Verité. C'est ascauoir des puissances de l'Ame raisonnable, du tems & des adiacences, des documés de sapience, de l'administration des subiets, du con des membres, des aides de grace & des ordures & malices de la coulpe. Et pour l'entendre vous seaués Ame raisonnable, que Dieu vous a donné trois puissances separées qui iamais ne vous laisserot, scauoir est Memoire, Entédemét & Volunté, en prenant memoire pour la part intellectiue qui retient les especes intelligibles & non pour la puissance sensitiue, qui est aussi es bestes brutalles. Et a ceste Come on raison (comme on vous a dit) estés image de Dieu, doit v- & comme telle deues estre honnoree tant que gar-

ser de la deres vostre purité, & que vous vserés de vos puilmemoire sances a l'honneur de Dieu, duquel vous estes l'image. Et par ce est necessaire a toute humaine ceature vser en bié de la memoire a ce qu'elle aie souuenance des grans benefices que Dieu lui a fairs,

tant en sa creation, nutrition que redemption.

On doit aussi vser de l'entédement qui est prin- Comme cipalement fait pour auoir connoissance de Dieu, on doit & l'appliquer a entendre ses commandemens, ne vser de l'occuper a choses trop courieuses · car comme dit l'entenl'Ecclesiastique. Ne t'efforce scauoir & perscruter dement. les choses qui sont plus haultes & plus fortes que toi: mais pele touiours aus choses que Dieu t'a comandées,& ne soies scrutateur de ses secrets jugemens & de plusieurs de ses oeuures. A ce propos disoit Dauid. Ie n'ai cheminé es choses grandes & admirables par dessus mon entendement. Touchat Comme la volunté, le bon chrestien la doit du tout confor- on doit mer a la volunté de Dieu, & autrement n'aura sa vser de grace: car qui adhere aus plaisirs, voluptés, ambi- lá 70tions, concupiscences & auarice de ce monde, ne lunté. fait la volunté de Dieu : mais la sienne qui iamais n'est bonne si elle n'est conforme a celle de Dieu. Et de toutes ces trois puissáces fauldra rédre copte Apres couiendra rendre compte du cors & des membres: car comme a escrit saint Paul. Les cors et membres des humains ont estés baillés pour les exercer au seruice de Dieu & a le glorifier & adorer,& non la chair, le monde & le diable, combien que les cinq sens exterieurs du cors aient leur des cinq residece en l'Ame, toutefois l'ame n'en vse fors par sens. les membres come organes ausquels sont affichés, scauoir est la puissance vissue par les seus, l'auditiue par les oreilles & ainsi des autres. Dieu a donné a sa creature raisonnable les seus, & le sens de la veüo pour veoir ce qui lui est veile & necessaire, pour en viuant en ce monde seruir Dieu, & non pour les choses vaines, & ainsi de l'ouie, du toucher, du gouster, du parler & de l'odorement. Et a ceste

#### Le tiers hure

cause conuiendra rendre compte de l'operation des seus, des oreilles, du nés, de l'ouie, de la bouche, de la langue, des pieds & des mains si lon vse des dits membres autrement qu'au service de Dieu, & aus choses necessaires pour la vie bien ordonée de la personne.

Du teps

Semblabement on rendra compte du tems et de fes adiacences, c'est a dire des choses temporelles. Il n'i a chose si precieuse que le tems, qui doit estre emploié en choses qui sont a l'honneur de Dieu & au proffit de son prochain. Et de tout le tems qui est emploié en choses vaines il en fauldra rendre copte. le vous di que tout le tems qui est emploie en vanités, curiosités, long dormir, longue table, long parler, qui ne peut estre sans mensonge, & en autres choses no requises au seruice de Dieu, nourrissemet de la personne, & prouffit de son prochain est pour le moins pechê veniel & souvent peché mortel, mesmement quant il est emploie en actes qui de soi sont pechés mortels. Or est il que de tous pechés mortels & veniels (non remis & pardonnés quant a peine)il en fault par satisfaction estre purgê en ce monde ou en purgatoire combien qu'on pourroit auoir telle et si grande foi & esperance au merite de la passion de nostre seigneur Iesuchrist & telle desplaisance desdits peches que sans autre peine purgatiue ils seroient tous remis & peine & coulpe: car nostre seigneur Iesuchrista plus merité de grace que tous les humains ne pourroient pe-

Des bies cher. Et au regard des biens temporels que Dieu a téporels. donnés aus humains ils en doiuent vser comme du tems, & considerer & croire qu'ils n'en sont seigneurs, mais seulement dispensateurs & vsuaires, ear Dieu les a baillés aus hommes pour lui en faire

**feruice** 

seruice: & en ce faisant viure d'iceus & en faire du

plaisir a ses prochains.

Subsequemment conuiendra rendre compte Des bies des biens de grace qui sont Foi, Esperance & Cha-de grace rité, Prudence, Iustice, Force & Temperance, connoissance de Dieu & de soimesme, recordation & contrition des pechés qu'on a commis, & grace d'en faire penitence, lesquelles aides de grace on ne doit receuoir en vain, comme a escrit saint Paul. Aussi couiendra rendre compte des enseignemens Des ende sapiéce, c'est a dire de l'observance des dix com- seigne-mandemens de la loi & autre doctrine divine & mens de moralle enseignée par les saints prophetes, eu ge- sapièce. listes & docteurs de sainte eglise, & par les bons & fidelles predicateurs. l'enten ceus qui n'auront volut mettre peine de faire acomplir la loi diuine & fainte doctrine, & aussi ceus qui n'auront voulu i entendre,car comme il est escrit. Nostre seigneur dieu disoit aus pecheurs par le prophete. Ie vous ai appellés par les escritures & vous les aues refusées: Ie vous ai tendu la main, & personne de vous n'i a voulu regarder. Vous aues desprise tout mon conseil & n'aués tenu compte de mes menasses. Ie m'en rirai (dit nostre seigneur Dieu) en vostre interition & damnation. Vous crierés & ie ne vous orrai point, par ce que vous aues eu en haine ma doctrine, & n'aués eu crainte de moi.

Finalement apres auoir rendu compte de tous: Des sub pechés mortels & veniels no remis, essacés ne parviets. donnés, comme l'ai dit conuiendra rendre compte du regime & gouvernement qu'on a eu de ses subva iets, qui est vne chose qu'on doit craindre, mesme ment peres & meres, maistres, maistresses, rois, princees & recteurs: ainsi qu'il est contenu ou liure de Sapience.

Sapience.Les peres & meres rendront compte des pechés que feront leurs enfans par faulte de les auoir bien endoctrinés & corrigés pour leur auoir donné mauuais exemple, & semblablement les autres superieurs dessus declarés & nômés. Et oultre de toutes suppressions, molestes & autres ennuits que font souvent les princes & seigneurs sur leurs subiets, & les prelats & curés encores plus rigoreusemet des pechés que comettrot ceus dot ils ont la charge par faulte de bone doctrine & de bo exemple. L'Ame fut toute contriftée d'auoir ainsi oui parler Verité & lui dit. Verité m'amie vos parolles , Temblét estre cotraires a ce que m'a dit par ci deuat dame Foi, q est qu'il suffissoit croire en nostre leigneur lesucrist & estre baptisé pour estre sauue, par plusieurs bonnes & apparentes raisons qu'elle m'a alleguées & prouuées par texte de Bible. Et s'il estoitainsi que vous dites semble qu'il n'i eut onc personne qui peusse auoir paradis, car ceus qui ont vescu au monde par cinquante ans ont fait cent mille faultes & offenses choses que m'aues recitées dont ils ne pourroient iamais redre bon copte a Dieu Si le fault il faire en ce mode par vraie confession & penitence selon la fragilité humaine a la consolatio des pecheurs ou en l'autre mode a leur confusion.On vous a dit qu'aurés salut par foi & esperance.il s'entent si vous reconnoisses auoir offensé Dieu & aués ppos ferme d'en faire penitéce, Assicomme l'ai dit n'agueres. L'Ame regarda ou estoit Grace diuine, mais ne la trouua, parquoi demoura tout desolée, & par le conseil de Foi, Esperance & Charité se retira en la secrette châbre de son cueur. ou escriuit a nostre seigneur lesuchrist present Memoire, Entédemét & Volütè la subsequête epistre. **Epiltre** 

Epistre de l'Ame a nostre seigneur Iesuchrist imploratiue de son aide au pas de la mort, & faifante mention des dangers du monde.

Que longue est (Iesus) la retournée
De vous a moi de dueil tât atournée
O q long m'est vostre amoureus cosort
Ence constituté Ence conflict (comme scaués) si fort, O que souvent vostre secours regrette

En ce debat & guerre tant aigrette! Vous connoisés combien i'ai d'ennemis: En quels dangers & perils il m'ont mis, Vous connoissés leur puissance & leur force Et qu'a me vaincre vn chacun d'eus s'efforce. Combien m'a fait la Chair d'aussaus secrets Aussi le monde & ses gens indiscrets? Comment m'ont ils comme mort laisée Et tant de fois affollée & blecée?

Las tant de fois par traits plus durs que fe**r** Ils m'ont menée a la porte d'enfer: Las tant de fois ils m'ont presque estonnée, Helas ils m'ont tant de douleur donnée.

Ce nonobstant par vostre bon secours I'ai triumphé sur eus & sur leurs cours: Qui n'est de moi, car ie suis trop fragile, Pusillanime & a mal faire agite, Trop foible suis d'i pouoir resister Sans vous lesus ne contre eus insister, Trop est petit mon cors pour peine prend**re** A guerroier contre eus & me deffendre: Trop est remis mon lourd entendement A surmonter de gens si largement: Trop est debile & pauure ma memoire

# . Letiers liure

Pour obtenir sur tels vices victoire:
Trop va & vient montant soubdain vouloir
Pour telles gens vaincre sans me douloir,
Et meantmoins ils font mis en ruine,
L'ai ie fait? nou, qui donc? Grace diuinc,
Dont ic vous rend merci a deus genous
Mon Dieu, mon roi, mon seigncur, mon espous.

Reste l'esprit damné plein de malice Qui me poursuit autrement qu'a la lice: Il a orgueil par lequel il pretent Et me poursuit voire tresbien s'attent De me frustrer par vne gloire vaine De ce qu'ai fait en ceste terre bumaine A vostre bonneur & pour l'amour de vous Ou i'ai soufsert plusieurs plaies & coups.

Il a enuie a ses grippes velues Vsant touiours de choses dissolues Qui me poursuit a d'autrui detracter Et de son mal & desbonneur tracter.

Perte de biens vient apres mon mal croistre
Qui me poursuit (Iesus) vous me connoistre
Semblablement guerre & tous ses souldars,
Aussi famine & peste auec ses dars
Qui taschent tous par ire, impacience,
Dueil & courrous me mettre en des siance
Et de me faire a tous propos iurer
Vous blasphemer & aussi murmurer:
Et si me tient cruelle maladie
En ses liens, qui veust bien que ie die,
Las que i'ai fait pour tant souffrir de mauls,
Tant de douleurs, d'ennuits & de trauaus:
Et si n'estoit le bon secours de Force

Per ?

Et d'Ef-

# De la Dame amoureuse.

Et d'Esperance ou touiours me renforce Et le support de Foi & Charité Qui ont touiours auec moi milité: Las i'eusse esté surmontée & vaincue Des long tems a comme toute vacue: Tous ces pechés par leur combat amer Si m'eussent fait submerger en la mer: Et connoie bien (Iesus) que la bataille Croistre pourra au lieu ou fault que i'aillet Et que l'aurai de l'affaire bien grief Au pas de mort, qu'on dit estre tant grief, Lequelie craind, non pour perdre la vie En cestui monde a cela ie n'obuie: Car le monde est tout remplis de douleurs, D'ennuits,trauaus,peines,souci, clameurs: Lasse i'en suis ,car on n'a rien du monde Fors tout malheur, toute aigreur en redonde: Pour vn plaisir qu'en ce monde i'ai pris Mille douleurs i ont mon cueur surpris.

Au monde n'a que toute amaritude,
Plus tot est douls, plus tot rebelle & rude:
Maintenant chante, & tout soubdain se deult:
Maintenant rit, puis acoup pleurer veult:
Des biens il donne & sans propos les oste
A brief parler c'est vn dangereus hoste:
Vous scaués bien quelle guerre il m'a fait,
De lui ne veul, car il est trop infait.

Touchant la chair tant folle & desloialle Faignant m'aimer d'amour bonne & loialle Elle m'a fait tant les iours que les nuits (Commescaués) mille mauls & ennuits Par Gloutonnie & sa folle Luxure

Qq Etpar

Et par Paresse & leur grieue morsure. Parquoi ne doi bon lesus crainte auoir De la laisser a vous est le scauoir: Ne que mon cors retourne en pourriture, Ainsi le fault par le droit de nature.

Mais bien ie craind les infestations, Les molestes & tentations Des fauls esprits & la guerre tresdure Que au pas de mort font a la creature Par desespoir, ou se glorister En ses biensfaits, ou peu se fault sier: Car le tout vient par vostre seul merite Par vos tourmens, iniures & destroits Et par la mort qu'endurastes en croix.

Duquel merite aués de vostre grace Voulu que ceus qui vous suiuent par trace Et ont la foi & le baptesme aussi Soient touiours participans sans si.

Ausi ie craind de vous rendre mon compte,
Car ce sera (i'ai grant paour) a ma honte
Par ce Iesus que de tous les grans biens
Que i'ai de vous, naturels, terriens
Et de l'esprit, honneur, bonté, richesse,
Santé, beauté, eloquence & sagesse:
Helas Iesus i'en ai trop mal vsé
Voire d'iceus follement abusé:
Dont fort ie craind de mort ce dur passage
Qui ne le craint pour ces cas n'est passage.

Parquoi vous prie o tressouverain roi Et mon sauveur que voiés mon desroi: Iettés vos ieus sur vostre pauvre espouse Qui nuit & iour aisement ne repouse

Ponoit

Digitized by Google

Pouoir aués si grant & merueilleus Qu'il met au bas tous les fauls orgueilleus: Il confond tout, & mesmement les vices Les grans abat, & fait de rois nouices.

Ia ne seront mes pauures sens surpris Quant vous dirés: cessés aus fauls esprits Ie scai pour vrai qu'ils ne scauroient rien dirë Encontre vous & moins vous contredire: Ils ne sont rien encontre vos amis Fors ce qui est de vous Iesus permis.

Il n'i a cors au monde & monarchies, Esprits saunés es hault hierarchies, Esprits damnés es enfer tenebreus, Cors stellistics es cieus clers ou vmbreus Qui tous ne soient soubs vostre obeissance Et vostre grande inuincible puissance Et ne servient si vous ne vouliés Chose qui soit, a ce sont tous liés.

De l'autre part vostre grande sapience (Que ne pouons comprendre par science)
Permet & veult que par eus tourmentes
Soient les humains trauaillés & tentés
Aucuns d'un vice, ou ils ont peine dure,
Aucuns d'un autre, ou tresfort on endure
Et tout ainsi que scaués estre bon
A vos amis pour leur bien & guerdon,
Car tout cela de charité procede
Vostre bonté tous ces assaus precede
Et donne cueur, courage & fort vouloir
Pour enuers vous prossiter & valloir
Quantil vous plait donner soi bonne & serme
Qui l'huis d'erreur a tous les vices ferme

Ėı

Et qu'esperance adoulcit les douleurs Et charité les met en ses valleurs Par vne amour feruente & filiale. Qu'a vous elle a, & non pas seruiale. O bon Iesus mon espous & Jeigneur Dont tout mon bien procede & mon bon heur Puis que poués, scaués & voulés faire Secourés moi a ce tresgrant affaire Et s'il vous plait que i'ai des tormens Ainfile veul Iesus, point ie n'en mens: Mais donnés moi pouoir tel que resiste Aus ennemis, & que contre eus persiste A batailler tant qu'au pas de la mort On lon recoit instement nou a tort Honte ou bonneur qui est inestimable, Puisse obtenir triumphe pardurable.

Éscrit au lieu misérable & amer C'est au danger des vnds de la mer Par ceste la qui se diroit heureuse Si elle estoit vostre vraie amoureuse.

Epistre de nostre seigneur Iesuchrist responsines celle de l'Ame amoureuse, contenant consolation, & les causes pour lesquelles tous vrais chrestiens ne doiuent craindre la mort

temporelle.

Raison & Contéplation furent chargées par Foi, Esperance et Charité de porter a nostre seigneur lesuchrist l'epistre & deprecation de l'Ame, ce qu'elles feirent a diligence vollans de leurs aesles de servent desir & deuotion iusques au throsne de la trinité ou elles presenteret l'epistre ainsi

ainsi que portoit leur charge,& icelle veue et communiquée a toute la Trinité, fut ordoné par l'opinion de Misericorde & Iustice qu'on enuoieroit Grace diuine au secours de l'Ame en son dernier conflict qu'elle auoit a fupporter au pas de la mort si & quant tems seroit. Et ce pendát le roi lesus escriuit a l'Ame vne telle epistre par Grace diuine.

Cray of 'Ai veil ta lettre, & ton intention Ton saint desir & bonne affection to droit vouloir ma tresloïalle espouse Et ou to cueur s'arreste & se repouse. Et par autant que ie connoi & voi

Que ton espoir principal est en moi Et que par foi au monde tu chemines En charité non par faintes ne mines Et que tu as si tresbien milité Non en orgueil: mais en humilité, Contre la chair & le deceptif monde, Semblablement contre l'esprit immunde Secours t'enuoie, & asseure renfort Pour trespasser le dur pas de la mort.

Tu ne deurois de la mort auoir crainte Car sans la mort (qui est chose contrainte) Tu ne scaurois iamais a moi venir Ne au grant port de salut paruenir, Tu ne scaurois auoir beatitude Sans ceste mort pleine d'amaritude, Sans ceste mort nos nopces ne ferons Sans ceste mort es cieus ne nous verrons.

Ainsi que i'ai par ma mort tant cruelle Vaincu peché, voire la grande sequelle Des ennemis de toute bumanité,

Qq iÿ

Et 14

## Le tiers finne

Et au viers iours apres ressurés, Semblablement ie veul que mon espouse Qui m'a serui loi aument se repouse Apres sa mort ça sus en paradis Dont descendi (pour la loger) iadis.

Par ceste mort qui est soubdaine & grieue Tu laisseras la vie sotte & brieue Et en mourant vie recouureras Ou iamais mort ne douleur ne verras. En lien de dueil auras toute liesse Ioie sans fin pour mondaine tristesse En lieu de chault & froit intemperé Tu trouueras vn lieu tout temperé, Pour pauureté tu auras opulence, Santé ioieuse en lieu de pestilence, Et si auras de tous autres biens tant Que ton esprit sera du tout contant. Pour cors pesant, maladif & fragille Auras esprit incorrupt & agille, Pour ignorance & pour insirmité Parfait scauoir & toute firmité Pour les deuis du monde tant estranges De douleurs pleins, tu auras ceus des anges Pour les morceaus & les vins tant exquis Le pain de vie eternel ie t'ai quis, Pour beaus enfans & toute autre plaisance Auras de moi la voue & iouissance Et en voiant la mienne eternité En la tresbaulte & sainte trinité Tu auras plus de biens en toute sorte Que tout le ciel & firmament n'en porte In auras tout ce que vouldras auoir

Etscan-

Et scauras tout ce que vouldras scauoir Et ou tu es comme contient ta lettre Tu n'i as bien lequel puisse tel estre, Car tous les biens & les honneurs mondains Engendrent mal sont doubteus & soubdains.

Tu me rescris que tu crains ma iustice Ton indroiture & ta grande iniustice, Qui n'est a tort de cela tescai gré, Mais ie te di qu'en vn mesme degrê Et mesme siege est ma misericorde Et que touiours l'un a l'autre s'accorde.

Iustice veult que peché soit puni Et ie te di que iamais impuni Ne demourra peché fait ou a faire De tous pechés il convient satisfaire.

Mais qui croira & baptise sera Misericorde en sustice verra Par le tressaint & tressacré merite De moi par qui es hauls cieus on herite, l'ai fait l'amende & paié les deffaus De tous pechés tant soient vils, grans & faus Lequelle amende est la mort eternelle Et les deffaus peine sempiternelle I'entend de ceus qui ont eu, ont, auront La foi formée, & baptisés seront, Car qui aura foi entiere & parfaite Si contre moi quelque offense il a faite Par ceste foi douleur en sentira Et de bon cueur il se repentira De ses pechés, & n'aura iamais aise Iusques a tant que par amour s'appaise l'arquoi s'il veult aura soubdain pardon: Q q iiij

Car

Car ie ne veul pour ottroier ce don Que cueur contrict, auquel desplait l'offense Qu'il a commise encontre ma deffense, Et par ma mort & dure passion I'en ai ia tait la satisfaction Quant au delit, au regard de la peine Aucunefois se fait en chair bumaine Par autrefois l'Ame l'a fait ailleurs En purgatoire, ou sont les grans chaleurs. Ie ne veul rien de toi ma chere amie Que ton amour, n'i sois donc endormie Auec amour ne demeure peché, Cueur amoureus n'est de vice empesché l'entend d'amour dont de bon cueur on me ame Sur toute chose, & son prochain sans blasme Non de l'amour des fols ambicieus Des grans gourmans, ne des luxurieus Qui aiment miculs toutes choses mondaines Que moi qui suis auteur des souueraines.

Or ne crains donc chere amie a mourir Tu n'en pourras que tout bien encourir Puis que tu as amour a moi si grande Ne crains le diable, & aussi peu sa bande.

Ne penses pas que ie laisse a la sin Aucun de ceus lesquels m'ont de cueur sin Aimé sur tout, de quelque mort qu'ils meurent Et si par fors a leur mort fort labeurent Sans cause n'est: mais pour leurs grans profsits Mes cheualiers ne laisse desconsits luste ie suis, & combien que ie baille A qui ie veul paradis sans que i faille Ne le fai perdre a ceus qui l'ont bien quis

Pat

Parsainte amour, & me l'ont tant requis A mes servans ie baille & distribue Ce qui leur fault, tous bienssaits retribue.

La brieue mort, le mourir sans parler Mourir en guerre, en la mer ou par l'aer Nefont damner les gens de bonne vie A tout cela masapience obuie Et ma bonté par lesquels ie tien Mes bons amis en grace & entretien Quant ie connoi leur principalle cure

Estre a me aimer leur salut ie procure.

Et par ce donc chacun doit traueiller

A bien m'aimer, Giour G nuit veiller,

Car on ne scet de la mort la venue

A milles gens son espece est conneüe

Chacun scet bien que mourir conuiendra,

Mais on ne scet quant la mort aduiendra

Ne en quel lieu, la forme ne maniere,

Comment viendra ne soubs quelle banniere

Ce que ie veul en ce point estre fait

A ce que tous regardent a leur fait,

Et que de vice G de peché se gardent

Et qu'a toute heure a leur cas ils regardent.

Qui le fera ainsi aura le pris
Et ne sera iamais de mort surpris.
Or le fais donc mon espouse & ma fille
Et tu seras bien tot de ma famille,
Tu me verras au grant port de salut
Ou tu auras de moi plus grant salut
Que maintenant par l'epistre presente,
Ou seulement bon espoir te presente.
Escrit au lieu de l'eternel repos

Plein

Plein de soulas, & d'amoureus propos, Par cestuila qui sauuer te desire Ta siance, ton sauueur & ton sire.

Comme Grace divine vint secourir l'Ame incorporée assaillie par ses ennemis au pas de la mort, comme elle lui bailla l'epistre de nostre

seigneur Iesuchrist.

Este epistre de nostre seigneur Iestchrist sut apportée à l'Ame incorporée par Grace diuine qu'elle trouua
au danger des vndes de la mermondaine assaillie par maladie corporelle
asses pres du pas de la mort, ou le vent de vieillesse
l'approchoit peu a peu sans qu'elle i prinsse garde:
mais vne de ses dames nomée Phisique, qui auoit
auec elle medicine & bon regime la dessendoit
touiours, de sorte que maladie ne faisoit tout ce
qu'elle eusse bien voulu. Moult sut ioieuse l'Ame
quant elle apperceut Grace diuine, & encores plus
quant elle eut receu la lettre de son espous Iesus,
qu'elle feit incontinét lire par Entendement, non
sans ietter de ses seus (en oiant la lecture) plusieus
larmes non de tristesse: mais de ioie & consolatió.

Incontinent apres qu'Entendement eut paracheué de lire l'epistre, vint vne flotte des ennemis de l'Ame lui donner vne alarme, qui estoient le prince de Malice, vaine gloire, presumption, impacience & murmure, auec leurs complices, qui sans cesse pressoient l'Ame d'un costé. De l'autre costé estoient Desesperance, haine, ennui de viure, dessiance, impitie, vaine tristesse & leurs complices qui attendoient quelle seroit la fin du combat des autres aduersaires pour occire l'Ame de mort spirituelle:

Vaine gloire vaincue tuelle: mais par le secours de grace diuine (laquelle ordona côtre l'esprit de malice, vaine gloire & autres de leur côpagnie) Humilité, Pacièce, Costace, Subiectió, Obedièce, Abiectió de soi (& autres de leur religieuse secte, ses ennemis surent chassés & essognés, de sorte que l'Ame n'en sut plus insestée.

Ce voiant Desesperance & autres de la seconde bande, vindrent donner assault plus cruel que les premiers, voire si aspre & vehement que l'Ame ne scauoit plus que dire ne faire, ne fut le renfort de foi, esperace & charité, lesquelles auec leur nauire par le commandement de Grace diuine s'approcherent de la nauire de l'Ame, & recullerent cesto **se**conde bande de Desesperáce et autres de sa compagnie, lesquels neatmoins donoiét touiours alarmes merueilleus a l'Ame ainsi qu'elle approchoit du pas de la mort. Or auant qu'apperceuoir les sig-nes dudit pas de l'Ame & sa compagnie ancrerent & s'arresterent en pleine mer pour preparer l'Ame a passer ce dagereus pas. Et come l'ame fut arrestée & sa nauire, toute effraice & troublée des assaus de Deselperace, crainte & deffiace, comécea ietter vn grát cri & dire. O Grace diuine quát ie cosidere & pense en ma vie qui est de cinquâte ans & q̃ la plus part du tes ie me luis emploiée et perdu mes ans en orgueil, arrogáce, presumptio, ingratitude, ambitio ire,enuie, haine, paresse & voluptê, & q toutes les peines & labeurs, maladies & aduersités q i'ai eues ne sont suffisantes sans la bonté & misericorde de Dieu pour satissaire a la peine d'un seul de mes pechés, & q de toutes ces offenses me couiét aller redre copte iusques a vne seule parolle oiseuse q ie di iamais, ie tréble & ne scai q dire & penser, fors q i ai grât paour de la iustice divine qui neme fera tort si elle me

elle me damne, veü d'auantage que i'ai tant esté ingrate des grás biés que Dieu m'a faits. Helas Grace diuine ou irai-ie? Que deuiendrai-ie? Ou fuirai-ie? Donnés moi s'il vous plait quelque confort, espois & confolation.

Des remonstrances qou'n doit faire a vne personne qui est en danger de mort, selon M. Iean Gerson chancelier de l'université de Paris.

radis ou enfer.

'Amie(dit Grace diuine) vous faites bien de vous humilier enuers Dieu: car sans humilité ne paruiendrés ia-mais au roiaume des cieus. Et en ceste grande necessité ineuitable ou vous

eites deues considerer quatre choses.

La premiere que vous & toutes creatures estés mierere. subiets a la puissance & volunte de Dieu, & tous mostrace subiets et astraints sans remede de paier le tribut de nature, c'est passer le pas de la mort pour aller ou il plaira a Dieu selon sa iustice & misericorde, c'est a dire les vrais chrestiens de cueur & d'oeuure en paradis pour auoir ioie pardurable & les mauuais en enfer pour endurer peine interminable. Tous humains sont en ce mode comme pelerins passans par icelui no pour touiours i demourer, mais pour en passant meriter ou demeriter & pour auoir pa-

La secostrance.

Secondement deués confiderer (Ame incorpode remo- rêe) diligemment & auec action de graces les gras biens que Dieu vous a faits qui sont de creation & redemption, de nutrition & autres: & finalement a l'heure de vostre mort auoir connoissance de lui & desplaisance de l'auoir offensê.

Tiercemet deues cossiderer que vous aues fait en vostre

vostre vie plusieurs grans pechés & commis plu- remonsieurs delits par lesquels vous merités assés d'auoir strance. la maladie qui de present vous presse & d'endurer la rigueur de la mort, en priant dieu qu'il lui plaise que l'acerbité de toutes ces douleurs soit a la re-mission de vos pechés & a la diminutió de la peine que pourriés endurer en purgatoire: il est meilleur & plus aise d'estre puni en ce monde qu'en l'autre. Et vous asseure m'amie que si en ceste sorte vous supportes toutes ces douleurs & la peine de la mort (comme peine voluntaire) pour vos offenses et pechés que Dieu vous remettra toute coulpe & peine & vous en irês tout droit en paradis, autrement par impaciéce voluntaire encourrés eternelle peine & damnatio. Ie ne di sans cause coulpe & peine.La coulpe c'est l'offense qu'on a fait côtre Dieu laquelle il remet par contrition & cofession: & la peine c'est la peine eternelle qu'on auoit desferuie par ladite offense qui est commuée & changée en peine temporelle qu'il fault endurer en ce monde ou en purgatoire, en laquelle Dieu souuét remet en endurant paciemment quelques aduersités & les douleurs de la mort.

Quartement regardés sur tout en ceste der La quar niere heure aus choses spirituelles qui concerte consinent vostre salut & oubliés semme, enfans, autorideration tés, dignités, tresors, richesses, charnalités, cupidités, haines & toute solicitude des choses terriennes qu'il couient par cotrainte laisser & en pleine, simple & serme soi vous commettés a Dieu & soubmettés vostre ame, vostre cors, vos biens & ceus des vostres a lui qui est tout puissant, tout sapient & tout bon.

Dela

De la grande bonté & misericor de de Dieu.

Que ie vous suis tenue (dit l'Amea Grace diuine) de la bonne & sainte cossolatio que vous me donés: maisie pensetouiours a ce q nostre seigneur Iesuchrist m'a escrit qu'il ne fait ia-mais misericordesansiustice. Il est vrai (dit Grace diuine) ne iustice sans misericorde. Et pour l'entédre vous noteres que iacoit ce q toutes humaines creatures naissent en peché, c'est à dire maculées du premier peché, que nous appellons peché originel par ce qu'au moien du peché d'Adam furent lui & toute sa posterité codamnés a mort eternelle, toutefois le saint sacrement de baptesme efface ceste tache originelle par la vertu du merite de la passió nostre seigneur lesuchrist, de sorte que si apres le baptesme la personne ainsi baptisée trespassoit, son ame iroit en paradis: car p le sacremét de baptesme lui est remise non seulement la coulpe, mais aussi la peine. Et en cela appert que Misericorde & Iustice i oëuurent: Car c'est grade misericorde d'auoir pa-radis sans auoir iamais sait aucune bonne oëuure exterieure, & c'est iustice par ce que l'humanité de nostre seigneur Iesuchrist print mort & passion pour aquerir celte grace a tous vrais chrestiens.

Il i a l'autre sacremét appellé penitence, ouquel par mesine merite de la passion de nostre seigneur lesuchrist tous pechés actuels, veniels & commis depuis le sacremet de baptesme sont effacés & pardonnés. Theologie vous a dessus au long declaré que c'est du sacremet de penitéce ou second liure. Comme Et en ceste remission & pardon trouuerés miseri-

dieufait corde & iustice. La misericorde & graces i sont sustice et toutes cleres : car pour vn seul peché mortel on a

merité

merite danatio & peine eternelle: & d'en pardon-miseriner cet mille c'est vne grace qu'on ne scauroit esti- corde. mer: car il n'i a creature qui iamais meritasse codignement de soi seul d'auoir pardon d'un seul peché et qui en peusse faire codigne penitéce en ce mode. Et neantmoins trouveres iustice i estre faite en deus manieres, car iacoit ce que Dieu ait pardonnê le peché par sa misericorde quat a la coulpe et mort eternelle, toutefois par sa iustice punit le peché par peine temporelle & purgatiue, si la personne n'en fait d'elle mesme peniteuce par l'ordonnance du prestre ou autrement. Il fait aussi iustice en vne autre forte, car en pardonnant a vn penitent il fait ce qu'il a promis, qui est qu'il pardonera tous pechés, fors le peché contre le saint Esprit, qui est le peché d'obstination & finalle impenitence que iamais Dieu ne pardonne,a la raison qu'on est hors la foi & qu'on ne veult se retourner a Dieu, & en foi,esperance & charité lui demander pardon. Ie di d'auantage que la misericorde de Dieu est

si grande que par le sacrement de penitence on retourne a la grace qu'on auoit receue par le saint sacrement de baptelme & tous les merites, cest a dire tous les biens & bonnes oeuures qu'on a fait en estat de grace retournent a celui qui fait penitéce.

O que Dieu est bon & misericors (dit l'Ame in-Bea, Bo. corporée) mais dites moi Grace diuine, vn pe- nauet.in cheur qui a fait penitence de plusieurs pechés, & 4. par. est en grace puis par recidiuatio pert ceste grace en dist. 22. retournat de rechef a comettre peché, si les pechés qu'il auoit parauant commis (desquels il a fait penitence) retournent en lui? Non dit Grace diuine: Car Dieu iamais ne recorde les offenses par lui pardonnées quant a la coulpe, mais bien quant a la peine

Digitized by Google

la peine temporelle desdits pechés qui auoient est

pardonnés quant a la coulpe.

Et par toutes ces railons & aussi par celle que Theologie vous a dites quant elle vous a parle de Foi, Esperance & Charité ne craignés de demander pardon a Dieu & l'obtenir de lui qui plus vous aime que vous ne l'aimés & plus desire voitre salut que vous semble. Il ne demande que vraie foi, esperance & charité, auec vostre simple cueur & bonne volunté. Il ne quiert que vostre amour, & que soies desplaisante des offenses par vous contre lui commises, pour laquelle desplaisance auoir pensés seulement en sa grace, bonté, aus grás graces & benefices qu'il vous a faits, & a vostre ingratitude,& en l'horreur de vos offenses, & il n'ia si dur cueur qu'il ne s'amollisse & ne die qu'il a mal fait,& lors Dieu lui donnera espoir de pardon, & finalement lui pardónera: & quant a la fatisfaction qui est la peine des offenses, aucune fois est remise auec la coulpe & selon la gradeur de la contrition & desplaisance que la personne a d'auoir peché: car la douleur peut estre si grand en son cueur& fondée en si grant amour de Dieu que par la soi qu'on a d'auoir remission de peine & de coulpe Dieu remet le tout, scauoir est le peché & la peine d'icelui eternelle & temporelle. Et a ceste conside ration(Ame incorporée) deués vous confoler en Dieu: & en foi, esperance & contrition, lui demander pardon de vos pechés, & si vous aués propos ferme & arreité de plus ne l'offenser, il vous pardonnera & ne seres damnée au feu d'enfer, qui est peine eternelle ordonnée pour les impenitens & obstinés & aussi pour les infidelles.

D'enfet

# D'enfer & des peines des damnés eternellement.

Ous Grace diuine & plusieurs autres dames de ma compagnie (dit l'Ame)m'aues souuet parle d'enfer, Probade purgatoire & de paradis, mais no tio defer amplemet. le vouldroie bien scauoir par la (s'il ne vous desplait) no par curiosité, mais a mon *fainte* salut ce qu'on en trouue par la sainte escriture. escriture Theologie fut appellée: & elle venue par le commandement de Grace diuine commenca a parler & dire. L'euangile saint Iean certifie que nostre Ioan. G. seigneur Iesuchrist a dit que ceus qui auront bien fait en leur vie auront resurrection de vie, c'esta dire qu'ils viuront eternellemét : & ceus qui aurôt vescu en peché iront en resurrection de jugement: c'est a dire de damnatió qui est preparée au diable & a ses anges. En l'euangile saint Matthieu vous trouuerês que nostre seigneur Iesuchrist en parlat du final & grantiugement, a dit qu'il dira aus bos. Venês mes biéheureus enfans au roiaume de mon pere pour i viure eternellement. Et aus reprouuês pecheurs. Separés vous de moi & allés en l'eternel feu preparè au diable & a fes anges. Et en l'euágile faint Lucil recite come l'Ame du bon Lazare s'en Luc. 16. alla au sein d'Abraham, & celle du mauuais riche fut enseuelie en enfer. En l'ancien testament vous trouuerês que Moise dit a Dathan & Abiron qui auoient mesprisé les comandemens de Dieu qu'ils descendissent en enfer, & incontinent par le jugement de Dieu furêt tous vifs absorbis et transgloutis en l'abisme infernalle. Iob dit en vn passage que Iob7. ceus qui descédroient es enfers ne monteroient. Et en vn autre passage requiert a dien qu'il puisse plo-

rer fee

rer ses pechès auant qu'aller sans retourner en la terre tenebreuse couverte de mort & chose caligineuse ou il n'i a aucun ordre, mais i habite horreur sempiternelle. Semblablement a parlé d'enfer le prophete Dauid en plusieurs lieus de ses pseaumes, comme aussi ont Esaie & saint Iean en son Apocalipse:Semblablement les apostres ont preschéen. fer & escrit d'icelui : parquoi n'i a doubte qu'il n'i ait enfer ou est Lucifer & ses mauuais anges.

artic.1. Le limbe des peres. Purga. toire.

Quelle est la peine d'enfer : (dit l'Ame) Elle est si grande & grieue (respondit Theologie) qu'on fen. dist. ne le vous pourroit dire, toutefois ie vous dirai les 6.9.3.et raisons pour lesquelles pourrès connoistre la grain 3. sen. uité & horreur d'enser. La premiere c'est pour la dift. 22. qualité du lieu. Et pour l'entendre les docteurs de quaft.2. la fainte escriture dient: Qu'enfer est ou centre de la terre: c'esta dire ou millieu, & qu'en icelui i a trois chambres: scauoir est le limbe des saints peres & autres circocis qui croioiet en Dieu lesquels decederent auant la passion de nostre seigneur Iesuchrist. La seconde est purgatoire qui est presdu limbe ou ceus & celles qui sont decedés de ce mode en l'autre en la grace de Dieu & en pechê veniel ou qui n'ont satisfait a Dieu de leurs pechés mortels pardonnes quat a la coulpe, sont purgés & mudifiés. Et au dessoubs de tous ces lieus est la prison & le lieu horrible des damnês, auquel sont les tenebres, qui est priuatió de grace & de gloire. Par ceste priuation de grace n'aurot iamais pardonne remission de leurs pechés: & par la prination de gloire ne verront iamais Dieu en gloire: mais verront au jugement son humanité à leur confusion & peine: Čar la veŭe qu'ils en aurôt leur sera aussi penible que toutes les peines d'enfer. Et si ont les damnes

damnés la peine du sens: car apres le final & grant iugement seront punis de seu & autres tourmens en cors & ames. Ceus qui estoient au limbe des peres estoient seulement es tenebres de gloire, par ce qu'ils ne veoient Dieu. Et ou purgatoire sont les tenebres de gloire et la peine du sens pour vn tems tel qu'il plaira a Dieu.

Enfer est appellé en l'euangile gehenne, c'est a Des nos dire engendrat feu, aussi est appelle vne cheminee d'enfer.

a fou. Il est appellé par Dauid vn lac de misere, & vn pais d'ordure. Il est aussi appellé tartare, c'est a dire tumultueus, il a este appelle des gentils lieu d'obliuion, lieu de peril & baratre, c'est a dire vn lieu large pour entrer & trop estroit pour en sortir. On l'appelle anssi herebe, c'est a dire adherant a toute peine & tourment. Acheron, c'est a dire fans falut ou luctueus. En enfer les damnés sont en l'eternel feu tourmentés, comme il est escrit en saint Matthieu, en l'Ecclesiastique & en Esaie. Iele croi(dit l'Ame) mais ie ne puis entendre comme Come le l'Ame qui est vn esprit impalpable pourra sen- feu d'entir le feu qui est vne chose corporelle & comme le fer peut cors pourra touiours brufler sans estre consum- brufler me. Il ne s'en fault esbahir (dit Theologie) car il n'est rien impossible a Dieu. Lequel tout ainsi qu'il a donnê vne nature a vne chose, il la peut immuer quant il lui plait. Et ne deues penser ne dire que ce foit vn feu intellectuel seulement ou imaginaire: mais est corporel qui brusle le cors & tourmente mer. l'ame sans fin.

l'ame & außi le cors sans le consu-

Aucuns docteurs ont voulu mostrer par raisons naturelles qui se peut faire ainsi: mais n'i a aucunes d'elles qui peusse donner solutio peremptoire aus argumens qu'on i peut faire par nature ainsi qu'on

Rr ii

peut comprendre les choses en cors mortel qui est incapable d'entédre naturellemét ce qui est de necessité croire par foi. Et a ceste raison si ne voulés desplaire a Dieu n'en demandés les raisons : mais croies ce que lesuchrist son fils eternellement engendré en a dit par les euangiles. Ne faites comme les luifs qui ne vouloient aucune chose croire de Iesuchrist, fors par signes descendans du ciel, & les Grecs par sciences naturelles, par le moien dequoi les luifs sont demoures infideles, & plusieurs Grecs heretiques.

In libro mis.

Oultre le feu, les damnés seront tourmentés de 7. do - d'une crainte qui ne fauldra iamais, de confusion, de douleur ineuitable: car tous leurs pechés seront manifestés a leur reprochable hote, de misere & infestation du remors de la conscience. Aussi de l'infelicité de haine & enuie, d'aueuglement & obfuscation de raison, & aurot memoire & recordation de leurs honneurs, aises & plaisances qu'ils auoient au monde. Les peines des damnés sont aussi dite grandes, en regard de la condition & qualité des diables qui les tourmentent. Lesquels diables ont fept mauuailes conditions qui donnent matiere de merueilleuse crainte: car ils sont horribles & difformes, cruels & auides, fors & puissans, legers, studieus, sages, diuers a mal faire, menteurs & fauls.

La quarte cause du tourmét d'enfer, c'est la pri-Esa. 26. uation de la vision de Dieu: car les damnés ne verront iamais Dieu en sa gloire & diuinité: mais bien verront son humanité au iour du iugement, qui leur sera si horrible que la veue excedera tous autres tourmens.

La cinquieme cause est que les damnés seront priues de tout aide. Scauoir est de Dieu, deses anges,

anges, de la vierge Marie, de tous ses saints & saintes, de tous fuffrages & prieres de l'eglise & de bo-nes personnes. Et dit saint Bernard a ce propos. O *Bernar*. que piteuse sera au iour du grant iugement la sepa- in mediration des bons d'auec les mauuais. Bien sera triste tationila separation pour les damnés, lesquels (priués de la bus. gloire diuine & de l'eternelle beatitude) s'en iront auec les diables pour eternellement bruler. Il n'orront en ce miserable lieu que pleurs, gemissemens, cris, effraieures, hurlemés, maledictios, blasphemes, murmures, strideur de dens, monstres horribles, douleurs intollerables, puátife incoparable, crainte horrible. Ils mourront en viuant, & viuront en mourant sans espoir d'allegeance, de deliurance, ne de confort, ce sont les peines des damnés qui sont mors impenitens & obstinés en leurs pechés.

De purgatoire.

R parlos de purgatoire, qui est (come croit sainte eglise) vn lieu en enser ou autre lieu au vouloir de Dieu auquel sont purgées les ames de ceus qui sont decedés de ce monde en l'autre et decederot iusques au iour du general iugement sans auoir satisfait a Dieu de leurs pechés apres la coulpe remise & pardonnée par le sacrement de penitence, & aussi de ceus qui seroient macules de quelque pechê veniel. Aucuns maintiennent (dit l'Ame) qu'on ne trouue tesmoignage de purga-depurga toire par texte de Bible: mais seulement par do-toire par cteurs. Si a (dit Theologie) premierement ou liure textes de des Machabées, ou il est cotenu que le tresfort Iu-Bible. das Machabeus enuoia en Hierusalem certaine grande quantité d'argent, pour faire prier Dieu pour les trespassés. Ce qu'il n'eusse fait (comme dit Rr iii le texte)

# Le tiers liure le texte) s'il n'eusse esperè qu'ils ressusciteroient au

grant jugement, & aussiqu'il pésoit iceus estre decedés sans peché mortel, disant qu'a ce moié la souuenance de prier Dieu pour les trespasses estoit salubre & sainte. Vous en trouuerês texte formel ou neufuieme chapitre de Zacharie, & es douzieme & dixhuitieme chapitres de l'euagile saint Matthieu, & douzieme chapitre de l'euangile saint Luc. Es cinquieme chapitre saint Matthieu, & douzieme chapitre S.Luc voustrouueres q nostre seigneur dir. Faites paix & accord auec vostre aduersaire affin qu'il ne yous mette entre les mains du iuge,& que le juge ne vous enuoie en prison dot ne sortirés iusques a ce qu'aies paie le dernier denier. Et ou dixhuitieme chapitre de saint Matthieu, il parle du seruiteur auquel son seigneur et maistre par sa grad grace & charité remit et donna tout ce qu'il lui deuoit, & neantmoins ce seruiteur ingrat de si grant benefice incontinent apres youlut contraindre par torture, emprisonnement & autres rigueurs ceus qui lui devoient argent & n'auoient dequoi k paier, dont aduertile feigneur voiant fon ingratitude le fit mettre en prison & le condamna ai estre iusques a ce qu'il l'eusse entierement paié & satisfait de tout ce qu'il lui deuoit, disant en ce trois parabolles que Dieu en feroit autant a ceus quine vouldroient remettre a leurs prochains. Qu'est ce a dire fors qu'il i a en l'autre mode vn lieu de peine temporelle pour punir les pechés temporellemét. Mat. 12 Au douzieme chapitre de S. Matthieu nostre seigneur dit, que celui qui peche contre le saint Esprit, ne trouvera pardon ne remissio en ce monde n'en l'autre. Et de ce on peut inferer qu'en l'autre môde

i a lieu de peine purgatiue a tes pour aucus peches,

Digitized by Google

comme

comme i'ai dit. Vous en trouuerés autres textes au fecond chapitre des actes des apostres. Ioint ce que S. Paul r'escrit a ceus d'Ephese quart chapitre, a Ephes. 4. ceus de Corinthe tiers chapitre, au second chapitre des actes des apostres, & au cinquieme chapitre de l'Apocalipse. Vous me dirés qu'en tous ces textes purgatoire n'est nômé. Il est vrai : mais vous trouueres par iceus qu'en l'autre môde i a lieu pour punir les pechés & les purger téporellement, qu'Origene, S. Augustin, saint Gregoire, saint Ambroise ont nomme de ce nom purgatoire, côme aussi ont tous les plus approuués docteurs de la diuine loi, a la raison de ce que les pechès dont on n'a satisfait an approude s'entrappesés se pursissée.

en ce monde i sont purgés & puriffies.

En ce purgatoire i a double peine, come i ai dit d'enfer,scauoir est peine de dommage & peine du sens.La peine du domage est que les ames sont sufpendues pour vn tems de la gloire de paradis. Et la peine du sens sont les peines & tourmens du feu & autres qu'elles endurent, comme ceus qui sont en enfer: mais elles ne sont si grieues, par ce que les ames de purgatoire sont asseurées d'auoir quelque fois la ioie eternelle de paradis apres leur purgation faite, dont elles ne scauent le tems, fors par diuine reuelation, & les peines des damnés sont eternelles & sans fin. Aussi les ames de purgatoire sont en la grace de Dieu, parquoi portent leurs tourmens voluntairement & paciemment. Toutefois elles ne peuent meriter en purgatoire: Mais peuent estre secourues par les suffrages des viuans, comme par ieuíne, orailon, aumone, & principalement par le saint sacrement de l'autel. Et les ames damnées ne peuent estre iamais par aucun susfrage secourues ne deliurées. Et d'auantage en Rr iiii

purgatoire n'entreront iamais les cors, & n'i vont que les ames, par ce qu'au grant et general iugemét purgatoire prédra fin, no par le feu: car c'est mesme le feu d'enfer: mais bien prendra fin quant a l'office, par ce que toutes les humaines creatures serot au final iugemét du tout sauvées ou du tout damnées, & n'i aura plus de purgation.

## De paradis, & de la felicité & ioie des predestinés & saunés.

E cueur me tremble (dit l'Ame) de vous ouir ainsi deuiser et parler d'en-fer & purgatoire dame Theologie, considerant que par mes iniquités mortelles i'ai tant de sois desserve d'estre damnée, & par ce aussi que i'ai esté ingrate enuers mon Dieu dont tant de fois il m'en a preseruée, & ne scai que dire ne faire, fors suivat le coseil de dame Esperace me soubmettre a son incomprehensible bonté, Pitie, Cleméce & Misericorde, me musser soubs sa croix et me rendre au merite de sa doloureuse mort & passion. C'est bon propos Ame incorporée (dit Theologie) mais ne vous elbahisses: car ce lieu horrible d'enfer est pour les obstinés, qui ne veulent retournera Dieu ne saire penitence. Et iacoit ce que purgatoire soit mesme feu que celui d'enfer, neantmoins ne tourmente si fort les pauures ames qui i sont & seront au moien de l'espoir certain qu'elles ont d'en sortir & d'auoir paradis, & aussi qu'elles sont en grace. Eta ceste raison voluntiers endurent ceste peine temporelle en attendant la ioie eternelle & le repos lans fin qui est la cité du grant roi dont parle saint Ican en son Apocalipse, en laquelle toutes delice habon-

cui° ini-

tium est

Magna

habondent. Ceste celeste cité de paradis est toute Hac oï. r'emplie de suauité, & d'eternelle serenité. Il n'i a quæ se-matiere de crainte, les ennemis n'i scauroient & ne quuntur pourroient entrer. Il n'ia guerre, moleste, ne ten- ex beato tation, les grosses & dangereuses assemblées de cogitations ne sont en paradis. Il n'i a aucune faculté
fer.quade tenter, liberté d'inquietation, possibilité de nuidrage. sance, ne aucune cogitation de transgresser la voluté de Dieu, en ceste cité de paradis sont vie eternelle, longitude de iours, le vrai iour qui ne prent fin, le plein midi, la plenitude de vraie gloire, eternelle verité, vraie eternité, & perpetuelle sacieté, mihi. ceste longitude n'aura terme ne fin, ceste claretê n'aura aucune obscurité, & ceste sacieté n'aura aucune fascherie. Il i a seureté d'eternité, gloriatio de verité, & exultatio de sacieté. O que glorieuse sera ceste refection, ce saint conui, & ces solennelles nopces de Iesuchrist auec vous si vous passés le pas de la mort en sa grace, toutes delices i habonderot, toutes richesses i seront.

Les bienheureus sauués estans en paradis sont Ber. suen Dieu, & Dieu est en eus. Ils ont tout ce qu'ils per cati. veulent, & ne veulent fors ce que Dieu veult, qui fer. 33. veult tout ce qui est bon. C'est vne demeure asseurée, vn pais qui contient tout ce en quoi on se peut delecter, dont les habitans sont sans murmure, sans inquietude, sans pauureté, sans maladie, sans tri. steffe, sans guerre, sans ennui, sans douleur, sans infortune, sans pechê, sans grief, sans angoisse, sans mutation, sans changement, sans perturbation, sans moleste, sans variatio, sans tentatio, sans souffrette, fans pluie, sans vent, sans gresse, sans tonnerre, sans tempeste, sans froit, sans chault, sans soif, sans fain, sans alteration, sans changement, sans paour, sans crainte

### Le tiers Eure

crainte & sans mort: on i vit eternellemet, ioieuse ment, heureusement, sainement, delicatemet & habondamment: en honeur, en gloire, en richesse, en seuretè & en tous autres biens, que iamais homme ne vi ne entendi, voire impossible d'estre veus & entendus a humaine creature en ceste temporelle vie, & le tout consiste a veoir Dieu, a viure auce Dieu, viure de Dieu & estre en lui & auec lui qui est en toutes choses. En lui est vraie liesse, pleine science, toute beaute & souveraine beatitude, louenge, repos, amour & concorde.

## Des douaires del'Ame & du cors gloririfiés & saunés.

📷 'Ame incorporée contéplát les doulceurs de paradis (dot Theologie lui parloit)pleuroit incessammet no de douteur,mais larmes de ioie l'assassas fon amoureus cueur, toutefois nek

contenta dot si bon proposestoit tant brief & demada outre quel douaire vne ame predestinée& sauuée auroit de Iesuchrist en ses sutures nopces. Theologie lui respodit qu'elle en auroit trois especiaus qui sont visio, dilectio & fruitio de dieu dota parlé le psalmiste: car premieremet quat au douaire de vision l'Ame sauuée verra Dieu face a face e qu'on ne pourroit faire de sens naturels en ceste humaine vie. On ne voit Dieu en ce môde que par vn miroir, c'est a dire en ces merueilleuses ocurre, come dit S. Paul, mais les ames sauuées le verront par lumiere habituelle qui sera en l'entédemét pa la puissance de Dieu ordónée.Et en le voiát verió l'unité de la diuine essence en trinité de personne: & come le fils est eternellement engendre du per par ma-

Du donaire de diuine vision.

par maniere de verbe, & come le saint esprit pcede du pere & du fils par maniere d'amour , lequel mistere on doit croire en ceste humaine vie, mais impossible est de l'entendre parfaitement. Les ames predestinées & sauuées verront en Dieu cleremét toutes choses q lui sont attribuées, scauoit est puissance, sapiéce, boté & toutes perfectios qui ne sont accidétalles come es homes & femmes, mais sont sa mesme diuine essence. Aussi verrot de l'oeil intelle- Ioan. 18 Etuel en Dieu l'humanité de Iesuchrist prinse du verbe en vnitê de sa personne & come celle vnion a estè faite, & comme lesuchrist est ou sacremét de l'autel, ce que ne pourroit veoir ne conoistre creature humaine en ceste vie mortelle. Elles verrot en Dieu toutes autres chosos, sans lesquelles leur beatitude ne pourroit estre parfaite, & connoistront voire les ames des petis enfans baptisés, les quidités des especes & de la chose vniuerselle, la nature & -les proprietés naturelles d'une chacune chose crée mieuls que ne feit onc philosophe au mode, car en ce monde homme ne femme n'eurent onc conoifsance planiere & parfaite de la nature des choses, & si verront outre les ames sauuées ce qui appartient a chacun specialement.

Elles verront outre en Dieu par leur visió, leur Petrus dilectió & fruitió, les peines des damnés, leurs amis de pala. & les saints qu'ils auront reuerés en ce monde. Et vous di d'auâtage q les ames sauuées ont en paradistriple moié de conoistre les choses. Le premier est en voiant l'essence diuine, en laquelle reluisent toutes les Idées, c'est a dire les formes et especes des creatures. Le secod est qu'ils verrot les choses crées en couertissant leur entédement aus especes intelligibles insuses en eus lors que leurs ames sortiront

## Le tiers liure des cors ainsi qu'elles sont concrêes es anges bons

& mauuais en leur premiere creation, car ainsi se. ront infuses en toutes les ames bones & mauuaises a l'issue de leurs cors grans & petis les especes intelligibles de toutes les especes des choses crèes : ce qui sera concedé & donne aus bons pour en auoir ioie,& aus dánés pour en auoir douleur & peine, laquelle visió est appellée vespertine. Le troisieme est que les ames sauvées voient par la sience qu'elle ont acquise au monde, laquelle sciéce n'est perdue en eus: mais i demeure l'habit, & n'est contraire a 1. Co. 13 ce qu'a escrit saint Paul, qu'en ceste eternelle beatitude toute science sera destruite, car il s'entent quant a la maniere naturelle de scauoir, lequel ne sera tel qu'il est au monde, car en ce monde onne peut aucune chose scauoir ne entédre fors en conuertissant sa fantasse en icelle chose que l'esprit agent irradie sur elle, & en soi produit vne espece intelligible, mais en paradis n'i aura aucune fantasie n'exercice de l'entendement agent, c'est a dire produisant espece intelligible par la fantasie. Les docteurs en ont escrit plusieurs autres grades choses dont ie me deporte d'en parler, par ce qu'elle

font plus curieuses que prostitables.

Or parlons de dilectió, qui est le second douaint estion se- de l'Ame, c'est celle dont a escrit saint Paul disant cond do- Que charité iamais ne meurt, c'est a dire charité uaire de parfaite que les sauués ont en paradis qui consiste l'Ame. en dilection de Dieu, de soimessme & de son prochain, au moien dequoi la cité de paradis est appel lée beatitude, paix & le roiaume de dieu. Et le nen douaire est fruitió, qui est la ioie que les sauués ont de veoir Dieu et de l'aimer, de laquelle ioie ie vous ai parlè. Autremét sel oplusieurs docteurs les trois

doŭaires

douaires de l'Ame sont vision, fruition, tentio. Vision succede a foi. Fruitió qui est parfaite dilection de Dieu en la beatitude de paradis succede a dilectió diuine de ceste vie mortelle. Tention succede a esperance. Et selon aucuns docteurs tention est certitude & asseurance de perpetuité ou perpetuellé possession du roiaume de paradis. Et apres la generalle refurrection & final jugement les cors sauues vnis a leurs ames aurot quatre beaus doŭai. res, scauoir est clarité, impassibilité, subtilité & agilité. De clarité en aues tesmoignage en saint Matthieu ou il est dit qu'en la derniere resurrection les iustes resplendiront comme le soleil. Quant a l'impassibilité saint Augustin a escrit que es cors glorifiés i aura perpetuelle santé & vigueur d'incorruption & seront immortels. Touchant subtilité le cors sera soubmis a l'esprit quant aus operations organiques sensitiues. Du quart douaire qui est agilité dit saint Augustin, que Dieu omnipotent ostera le fais de ponderosité des cors des bienheureus en maniere que par le diuin vouloir les cors glorifies seront agiles come les anges & a eus semblables non par nature, mais par grace. Les ames fauuées aurôt leurs biens parafernaus en leurs futures nopces qui sont les aureoles & couronnes en general & en especial, & pour l'entendre est a sca-uoir que aureole est vne joie des oéuures qu'on a faites pour lesquelles on a le louier d'excellente victoire. L'aureole generale sera baillé a ceus qui ont vaincu la chair, le monde & le diable. Les aureoles Petrus speciales sont celles qui seront & sont baillèes aus de Pa. martirs, docteurs & vierges: toutes lesquelles cho-in 4. ses pour coclusio vienet a celle parsaite gloire, ioie & felicité eternelle de paradis dot ie vous ai parlé. Comme

Comme l'Ame combat au pas de la mort & du fecours qu'on doit donner spirituellemet a ceuş qui en approchent.

Omme Theologie mettoit fin a son propos, Maladie vint doner vn merueilleus assaut au cors de l'Ameraisonnable auec fieure cotinue, debilitation, foiblesse, degoust & autres gens de sa copagnie, de son cors & par ce moien

gens de sa copagnie, de sorte que l'Ame incorporée ne se pouoit plus aider de son cors,& par ce moien fut tresfort approchée du pas de la mort. Si commenca a crier et dire a Grace diuine. Ie ne puis plus resister que ie ne laisse mo cors que i'ai trop aimé & ma mignarde sensualité que i'ai trop delicatement nourrie. Que ferai-ie! Ou irai-ie! Las quat ie pense en ce que m'a dit Theologie ie tréble, et ne scai que dire ne faire, ie voi d'une part la grandeur & horreur de mes pechés qui me menassent, & soubs eus ie voi spirituellemét enfer, et les cruelles peines de pecheurs obstinés. De l'autre part ie contemplela grande bonté & inessable misericorde de Dieu& la grande & incorruptible iustice & aussi la felicité des sauués. le cosidere d'auatage qu'il est escrit que la personne ne scet si elle est digne d'auoir l'amou ou haine de Dieu. Et en ce que disoit S. Paul que iacoit-ce qu'il ne péfasse auoir en lui aucun peché, n'estoit pourtat iustifié. Et que puis-ie dire demoi miserable qui ai tant commis de grans & enormes pechès, pourroie-ie asseuremet dire que i'ai eu contrition suffisante d'iceus? que i en aie fait cofession a Dieu aggreable & satisfaction suffisante? Et si e ne l'ai fait se voi la main senestre, le lieu infernal de pleurs, gemissemens & de peine sempiternelle, ai ie point

point donc matiere d'auoir crainte et angoisse! En disant ces parolles la nauire du diable auec insidelité & deses parolles la nauire du diable auec insidelité & deses parolles vindrent donner vn assaut merueilleus a la nauire de l'ame, mais ses ennemis sur ét subit reculés par Grace diuine, Foi, Esperance & Charité qui reconsorteret l'Ame & lui dirent l'un

apres l'autre ce qui s'ensuit.

Foi commenca disant. Croiês vous pas m'amie que Dieu est tout puissant, tout sapient & tout bon' Oui dit l'Ame. Croies vous pas que son eternel fils Iesus a souffert mort & passion pour tout humain lignage & qu'il est ressuscité, a monté es cieus & est assis a la dextre de Dieu son pere? Oui dit l'Ame. Croiés vous pas qu'il pardonnera tous pechésa ceus qui ont vouloir & ferme propos de faire penitéce? Oui dit l'Ame. Pardonnés vous pas a tous ceus qui vous ont forfait en biés, cors & renommee: Oui dit l'Ame. Or croies doc (dit Esperace) qu'une seule goutte du sang de Iesuchrist est suffisant pour satisfaire a la diuine iustice de tous pechês faits & a faire tant gras & enormes puissent ils estre,& q si vous demadés pardo a Dieu par son fils Ieluchrift & par les merites de la mort & passio en vraie foi que vous l'aurês & obtiendrés. Voire mais (dit l'Ame) ie ne fei onques oë uures qui meritassent ce pardo ne d'auoir le moindre bie que ie receu iamais de dieu. Il est vrai (dit Esperace) mais il ne fault pas que vous ne tous les viuas prelumes en aucune maniere de vos bonnes ocuures, car quant ores on a obierue les commandemens de Dieu par oéuures exterieures, ce n'est rien fait sans la grace de Dieu,car par la seule grace de dieu c'est a dire par son seul fils Iesuchrist on va en paradis, laquelle grace on a par vraie foi, & qui a vraie foi,

fait bones ocuures par la vertu de charité qui procede de foi & de moi.

Vous entendes bien m'amie que Dieu vousa racheptée & tous les chrestiens & vous afait ses enfans & heritiers lors que vous esties encores ses ennemis, & que n'auies de lui connoissance, c'esta dire par le baptesme auant l'aage de discretion, & puis qu'il vous a r'acheptée auant que le conneufies & que a present le connoissés & lui demandés pardon en vrai foi & bonne fiance, pourquoi ne vous pardonnera il: Ne pensês m'amie que puilsés iamais fatisfaire en ce mode de vos pechés, ne vous ne tous les autres pecheurs, car on ne peut viure en ce mode sans peché a tout le moins veniel. Et pour ceste cause vous pas vous rendre voluntairement a la mort pour l'amour de Dieu, comme Iesuchrist a fait pour nous? Ie le veul tresbien (dit l'Ame.) Or dit Charité par vne telle voluntaire mort, laquelle est faite voluntairement par la foi & fiance, & aussi pour la charité qu'on a en Dieu sont esfacés et estraints tous pechés, car on ne scauroit faire plus grande penitence que de mourir voluntairement pour l'amour de Dieu. Pourtant ne vous contristés de la mort, mais laisses de bon vouloir & d'un cueur ioieus tous vos biens, vos amis, & vostre vie corporelle pour obeir a Dieu, & si en tel courage & telle siance en Dieu vous mourés, c'est vn trescertain signe que serés sauuée. Et affin que ne soiés effraice de la mort, Iesuchrista voulu mourir premier, & par sa mort a osté la vertu de la mort. & aucun ne doit auoir horreur de la mort s'il a ceste foi: car ce n'est a present autre chose qu'un huis & entrée par laquelle on va de ceste miserable vie téporelle a la vie eternelle: car Dieu a dit

dit par la bouche du prophete Osee. Mort ie serai Osee 13. ta mort Et saint Paul dit: Mort ou est ta victoire? 1. Cor.15 En vn autre passage il appelle la mort vne dormi- Thef. 4: tion & somme duquel Iesuchrist esueillera tels morts au general jugement. Soiés asseurée m'amie que Dieu ne veut que l'amour de vostre cueur: car il ne demáde que la recónoissance de l'amour qu'il a eüe a vous,& que vous demádés pardon a Dieu son pere en son nom de vos offenses, dont il sera vostre iuge & aduocat, puis qu'il est vostre aduocat soiès asseurée qu'il vous jugera en misericorde. Et pour mieuls faire si vous sentes en vous quelque peché mortel ou veniel dont aies remors de conscience, par lés a Penitéce qui vous mundifiera. Et apres pour mieuls faire voître voiage & en plus grande seureté, vous receuerés spirituellement & lacramentallement le cors de nostre seigneur Iesuchrist, ainsi qu'il a voulu & ordonné. C'est le pain de vie duquel vous demandés a Dieu chacun iour estre ressairée par l'oraison dominicale, & sans lequel on ne peut auoir la vie eternelle.

## Dusaint sacrement de l'autel.

Que ie suis ioieuse (dit l'Ame incorporée) quat on me parle de mo seigneur ami et espous Iesus. O que grade est ma consolation: car ie scai qu'il est Dieu & homme, & come Dieu tout

puissant, sapient & tout bon, & comme home mon frere par humanité laquelle il a voulu prendre par grace & charité pour me r'achepter, par le moien de laquelle vnió de diuinité a humanité il est mon Dieu mon seigneur & mon iuge, & si est mo frere & mo aduocat. Mais ie vous prie dame Theologie Ss

que me declares vn peu comme il a voulu se communier aus humains soubs espece de pain & vin. Foi le vous dira, respondit Theologie. Incontinét Foi commenca a parler & dire. Vous scaués asses Ame incorporee comme Iesuchrist seconde personne de la trinité eternellemét engendrée du pere par eternelle generation, pour sauuer l'humain lig-nage print cors mortel par la vertu du saint Esprit ou vêtre virginal de la vierge Marie, & a este vnie la diuinité a humanité par v nion ypostatique. Et n'a esté cotente la deité de faire l'homme a sa semblance: mais a aussi voulu prendre la semblance de l'homme pour le r'achepter , & si a voulu naistrele createur de sa creature pure vierge, estre laite & nourri par elle sans manifester par ocuures notoires son excellence & deité insques a l'aage de trête ans ou enuiron, que pour donner exemple receut baptesme par S. leá Baptiste son precurseur eusna quarante iours & quarate nuites, voulut estre tenté des tentations dont vos ennemis mortels vous tentent, contre lesquels il eut victoire. Il appella les pecheurs par predications & miracles & amplia & declaira les commandemens de la loi pour les obferuer & garder ainsi qu'il appartient, il reprint les cerimonies supersticieuses, & corrigea verballemet les vices, dont il aquit plusieurs ennemis, & entre autres les scribes, c'est à dire docteurs & pharisées, c'est a dire religieus de la secte iudaique qui estoiet vpocrites & auaricieus. Et comme il eut acompli toute la preparation de l'humaine redemption & & mangé auec les apostres l'aigneau pascal. Celle nuite en laquelle sut par trahison liuré aus Iuisso ennemis, & ou il s'offrit pour la vie du monde,i print du pain de ses saintes, pures & immacultes mains.

mains,& après graces rédues & qu'il eut fait la benediction & celui fanctifié, le rompit & dona a fes disciples & apostres en seur disant. Prenés, mágês, Les pás ceci est mon cors, qui est pour vous rompu & sera rolles sapour vous baille & liuré en la remissió des pechés. cramen-Et (emblablemét apres qu'il eut fait la cene, il print *talles du* le calice de vin,icelui beneit & dit: Beuuês tous de sacremet ce vin, c'est mon sang du nouveau testament qui de l'au. pour moult de gens & pour vous sera espadu en la tel. remission des pechès. Par ces parolles (qui sont prinses des euagiles & repetêes de saint Paul) lesuchrist institua le saint sacrement de l'autel, & en difant les parolles contenues en l'euangile contenás en substance ce que dit est , il mua & trássubstantia le pain en sa chair,& le vin en son sang,& donna la puissance d'ainsi le faire a ses apostres et disciples & a tous prestres bien ordonnés par la vertu des parolles sacramentalles: Hoc est enim corpus meum. Et de ceci ne vous esbahisses Ame raisonnable, & ne demandés les raisons naturelles : car impossible seroit a tout esprit humain les vous dire ne les entendre, mais le couient ainsi croire simplement par ceste foi mesme, q Dieu par sa puissance, sapiéce & bonté a fait de rien toutes choses. Et en ce saint sacrement trouverês douze choses merueilleuses.

La premiere que le cors de Iesuchrist estát local. Douzé lement au ciel comméce estre a l'autel sans ce qu'il choses descéde du ciel, & la substáce du pain qui est a l'au- merneil. tel est transsubstáciée en Iesuchrist, & par la diuine leuses ou vertu la est le cors de Iesuchrist ainsi que le seu sacremet commence estre de nouveau en l'aer sans samuta- de l'aution localle quant l'aer est conuerti en feu.

La seconde est qu'apres celle couersion faite du pain ou cors de lesuchrist ne demeure rien de la

Sf ii fubstance

fubstance du pain, & toute sois n'est ceste substance annichillée par ce que toute la substace du pain est transsubstaciée en la substace du cors de Iesuchrist, & combié qu'il ne se puisse naturellement faire, toutesois est fait miraculeusement par la\_volunte de Dieu, qui est auteur & createur de toutes choses, & comme a escrit saint Ambroise, combié qu'on voie

Amb. is. comme a escrit saint Ambroise, combié qu'on voie de sacra- la figure du pain & du vin, toutefois ce n'est plus mentis. autre chose que la chair & le sang de Iesuchrist apres la conversion, & ainsi le deués croire.

La troisieme chose merueilleuse est que iacoit-ce que le pain soit transsubstacié au cors de Iesuchrist, toutes ois n'est couerti en l'Ame raisonnable, combien que l'Ame raisonnable soit la sorme de Iesuchrist, & est l'Ame soubs le sacremet en tat qu'elle est la sorme du cors.

La quatrieme que quelque grant nombre de hosties soient converties au cors de Iesuchrist, tou-

refois son cors n'augmente, ne se change.

La cinquieme combien qu'en plusieurs autesi a plusieurs hosties consacrées, et en chacune hostie cosacrée soit le cors entier de les suchrist, ne atmoins le cors de les uchrist n'est multiplie & n'i a qu'un cors en toutes les hosties.

La sixieme c'est qu'en vne si petite hostie est tout le cors de Iesuchrist en chair, en os & ners par la vertu du sacrement par maniere de substance, &

non par maniere de quantité.

La septieme est qu'en chacune partie de l'hostie soit entiere ou diuisée, est tout le cors de Iesuchrist indiuisé. La huitieme chose merueilleuse est que tout le cors de Iesuchrist auec tous ses mébres est en chacune partie de l'hostie sans la confusion des mébres, c'est a dire nonobstat la distace entitatius ou essen-

ou essentiale des membres qui est ou cors de Iesuchrist qui est a dire que le cors n'est pas les pieds, ne

les pieds les mains, et ainsi des autres.

La neufuieme qu'en ce saint sacrement les accides subsistet sans le subiet, c'est ascauoir les dimenfions du pain qui demeurent, la substance du pain conuertie: car on voit la blacheur & rotundité du pain & ne pert son goust, ce qui est fait par la vertu diuine premiere cause de toutes choses.

La dixieme est que iacoit-ce qu'on rope et diuise l'hostie en plusieurs parties, neatmoins n'est le cors de Iesuchrist parti ne diuisé: mais est tout entier en chacune partie, par ce que Iesuchrist n'est en l'hostie par maniere de quantité, mais de substance.

L'unzieme que cobien qu'apres la consecration des hosties n'i soit plus la substance du pain, toutefois elles pourroiet nourrir et coforter la personne tout ainsi qu'elles eussent fait auat la consecration

& quant elles estoient pain.

Et la douzieme est que l'hostie consacrée se pourrit ou ressoult en vapeur, neantmoins le cors de Iesuchrist qui est en icelle n'en sœuffre aucune chose.

Les causes principalles pour lesquelles nostre seig-neur Iesuchrist a institué le saint sacrement de l'autel, & la maniere de le prendre.

Que digne est ce saint sacrement de l'autel (dit l'ame incorporée) mais dites moi s'il vous plait pour quelles causes Iesuchrist la institue, pour plusieurs causes dit foi. La premiere affin que les chrestiens eussent touiours memoire de sa pasfion,& du bien qu'il a fait par le merite d'icelle. La seconde pour monstrer comme & cobien il a aime Sf iii

## Le tiers hure

les humains & qu'ils doiuét le suiuir en sa doctrine & operations. La tierce pour donner sorce & puissance de resister a l'infirmité humaine. La quarte pour purger l'esprit de la personne, & nourrir la vie spirituelle. La cinquieme pour estre viatique de ceste presente peregrination. Et la sixieme pour le remede de satisfaction de tous pechés.

Comme on doit receuoir le sacrement de l'autel.

Dites moi comme on le doit prendre (demanda l'Ame.)Et Theologie lui respondit qu'on le doit prendre spirituellement comme les apostres auoiét roallement mágé l'aigneau pascal qui estoit figure de ce saint sacrement, lesquels pour ce faire estoient ceints & droits, auoient chacun vn baton, & les pieds chausses, & le mageoient auec laitues ameres non qu'il faille ainsi faire a la lettre: mais mistiquement. Qui est que le bon chrestien qui veult receuoir le saint sacrement de l'autel a son salut doit estre ceint par chasteré de pésée & de cors, doit tenir le basto de ferme foi, doit estre droit en la bone vie qu'il a commencée, doit auoir des laitues ameres, c'est contritió & douleur de ses peches, & doit auoir les pieds chausses, c'est a dire que ses affectios & desirs ne deuoient estre maculês.

Ha (ditl'Ame) comme me pourroie-ie mettre en estat conuenable pour dignement receuoir ce saint sacrement, veu que ie suis si fragille, ignorante & folle & qu'a peine pourroie estre vne heure sans pecher a tout le moins veniellemet. Si fault il vous mettre en vostre deuoir (dit Theologie) non que vous presumes de pouoir estre digne de receuoir vn tel sacrement: mais vous mettres peine & diligéce a vous possible selon l'humaine fragilité d'approuuer vostre consciéce, c'est a dire s'il i a en icelle aucun scrupule de pechè mortel pour incôtinét le faire

faire effacer par penitence. A ceste consideration parlerés a elle, laquelle vous múdisiera par contrition, consession & satisfaction. Ie vous prie dit l'Ame que ie soie donc mundissée. Incontinét Penitence vint auec ses trois filles, Contrition, Confession & Satisfaction, qui nettoierent l'Ame de toutes les plaies mortelles qu'elles auoit eues en ceste dure guerre: mais non le cors qui fort estoit tourmenté & pressé par maladie.

Meditations deuotes du saint facrement de l'autel prinses de M. Iean Gerson sur le neufuieme traité de Magnificat.

Pres que l'Ame eut estê múdifiée par Penitéce ainsi qu'il appertenoit, Gra-ce diuine lui fit apporter le saint sacre mét de l'autel en vn tresriche sacraire d'or, garni de pierres precieuses, acopagnée de grand quatité de torches ardantes, par le lieutenăt de dieu en terre qui l'auoit oüie de cofefsion. Et auát que prendre ce saint sacrement dame Foi lui fit plusieurs deuotes remonstrances, lui difant. Contemples Ame raisonnable par deuoto estude, quel et combien grant est celui qui vous est maintenat offert sacrametallemet, & combie il est sapient, delectable & begnin. Celui vous est presenté qui pour vous & tout humain lignage s'est fait pauure, affin que par sa pauureté vous fussies tous riches. Vous estés pauure de vertus, & il vous enrichit de sa presence qui est createur de tout & done tout, lui q estoit & est le plus riche de tout le mode & le plus grat, s'est fait petit pour vous faire grade. Il s'est fait serf pour vous mettre en liberte, il s'est fait homme pour vous deiser, il a prins mort Sf iiii

pour vous donner vie, il est ressuscité de mort a vie pour vous susciter de la mort de peché a grace & vie eternelle.

Contemplés Ame raisonnable que voici vostre ami & espous qui vient a l'huis de vostre cueur & vous appelle s'amie, son espouse, sa colube, sa sœur & son immaculée, il veust entrer en vostre petite chambrette de vostre cueur pour vous r'estouir & consoler de ioie spirituelle, & si veult faire sa cene auec vous.La pecheresse de Hierusale qu'on nommoit Marie Magdaleine alla le chercher en la maison du Pharisée & lui laua les pieds de ses larmes, & en la maison de Simon le lepreus ou elle refpandit vne boete d'odoriferat liqueur sur son precieus chef. Et il vient maintenant a vous Ameraisonnable vous lauer, mundiffier & conforter les plaies mortelles qui vous ont esté faites par vos aduersaires la chair, le monde & le diable. N'aiés honte de demander pardon a celui qui tant desire que lui demandés grace, iettés vous a ses pieds par humilité, que vos ieus rendent larmes de piue, essuiés-le par saintes meditations, baisés le par charité, & i adioustés l'huille de piteuse miseration affin qu'il vous die, alles en paix vostre foi vous a fauuée.

Contemplés qu'on fit a Iesuchrist lui estanten terre plusieurs disners & conuis, & il fit entre eus & sur eus plusieurs miracles, considerés qu'il n'est moins puissant qu'au tems qu'il estoit en terre, & qu'il peut aussi bien guerir les ames & cors qu'il faisoit. Il guerit la brus de saint Pier detenue desse ures au conui que saint Pier lui sit & aus apostres, voire si nettemet que soubdain se leua & les seruit ace conui. Croiés en vraie esperance qu'autant

Aom

vous en fera et vous guerira de la fieuere de pechê. Le changeur saint Matthieu qui estoit pecheur le conuia & lui prepara & donna a disner en sa maison & en ce conui couertit saint Matthieu & d'un pecheur fit fon apostre & depuis euangeliste, dont les Pharisèes & Scribes murmurerent, disans qu'il ne deuoit couerser auec les pecheurs : & il leur respondit,qu'il n'estoit venu appeller les iustes, mais les pecheurs. Il print refection en la maison du publicain Zachée & lui dit . Zachée auance toi & descens, ie veul auiourdhui aller en ta maison. Nostre seigneur Iesuchrist se conuia a disner en la maison de celui qui desiroit le veoir & se reputoit indigne de s'approcher de lui. O quelle grace, quelle boté, quelle amour & charité du bon Iesus qui si doulcement appelle a lui les pecheurs auec lesquels a voulu conuerser pour les sauuer. Et par ce Ame raisonnable prenés courage, resiouissés vous en Iesuchrist par vraie foi, esperance & charitê & le receues humblement, deuotement & en pure innocéce de pechê mortel. Seruéf-le comme feit la brus saint Pierre. Suiués-le par imitation de vie come fit faint Matthieu. Preparés vostre maison & restitués si aues de l'autrui comme sit Zachêe. Plorés & l'aimés comme la Magdaleine, & il fera touiours auec vous.

Contemplés que Iesuchrist le iour auant qu'il print mort & passion pour vous, dit a ses apostres qu'il desiroit manger la pasque auec eus, il le desire ainsi faire auec vous. Pensés au desir qu'il a d'estre en vous, & que vous soiés auec lui. Ne soiés donc si dure, ingrate, ne rustique qu'il soit par vous fraudê de ce desir. Et si vostre conscience vous accuse de quelque vice, diligentés vous de l'essacer par penitence,

tence, ne vous i endormés & ne recullés de vous îb o hoste. Si vous estes refroidie, disperse, charnelle ou empeschée par aduersité mondaines, ou inquiete par scrupules ou imbecillité de soi, quel medicin demandés vous meilleur pour vous rechaussen charité, vous vnir a amour diuine, vous separer de charnalité, vous consoler en vostre maladieou autre aduersité, ou pour doner repos a vostre conscience. Si vous esties toute saine n'auriés besoing de medecin. Si Zachée eusse fait scrupule au moien de ce qu'il estoit pecheur de receuoir Iesus ensa maison, il ne lui eusse doné salut. Faites come le Céturió en disant. O bon Iesus comandés par vn seul mot a mon affection rationnelle tourmentée par scrupules & sindereses & incontinent sera guerie.

Vous suffise ame raisonnable de la douleur d'auoir offensé la diuine maiesté, le bon & ferme propos de plus n'i retourner, & le desir & volunté de satisfaire auec l'humilité de penser que vous n'estés digne que lesuchrist entre en vous. Et si vne grade humilité vous fait doubter de receuoir si tressaint sacrement, purquoi n'estés vous autant humbles garder les commandemens de Dieu & de l'eglise qui vous enioignent le receuoir dignement. Dieu vous appelle a sa table & vous i copelle venir par les prelats ses seruiteurs & lui mesme le commanda disant. Faites ceci en ma commemoratio. Si vostre indignite vous retire, son gracieus conui vousi excite & aussi sa charité, sa misericorde, sa verité, sa doulceur & sa benignité. Et lui dites apres Dauid. Vostre misericorde & verité m'ont toujours receue. Est pas le malade bien fol auquel la difformité de sa maladie deplait tant qu'il a horreut de veoir la main du medecin qui le veult guerir,

& a ce se presente, conuie & efforce? O Ame rai-**Connable leués vous, mangés a la table de sapience** diuine, & vous cheminerés en la force de ceste viande iusques au port de salut. Et si vous me dites que saint Paul a dit que la personne qui veut receuoir tel sacrement se doit prouuer & regarder tel qu'il est affin qu'il ne le recoiue indignement, car qui le recoit indignement le prent a sa damnation. Ie vous ai ia dit qu'il le faut ainsi faire, & vous en est commande la preparation telle que la pourrés faire, non que soiés asseurée d'estre en vostre primitiue innocence telle que vous l'apportaîtes des fons de baptesme. Il suffit que n'aies sur vostre coscience aucun peché mortel, haine ne rancune. Et s'il vous vient quelque petite fantasse ou scrupule n'en faites compte, reiettés-le arriere comme maladies qui ne sont mortelles, car elles seront gueries par la susception de ce saint sacrement.

Ne presumés que peussiés estre digne de le receuoir & feusiés vous embrasée de charité feruéte tranquille en pair d'esprit stable & farme en foi

te, tranquille en paix d'esprit, stable & ferme en soi, resiouie en espoir, esficace & vigilante en bonnes oëuures, resplédissat de chastete & sobrieté, ou autremét vostre bouche vous códanera, vostre iuge vous declarera mauuaise. N'aiés crainte car l'entrée est bonne & l'issue meilleure, habadonnés vous, & vous iettés entre les bras de vostre sauueur qui les tent pour vous receuoir. Il n'est cruel ne enuieus, puis qu'il vous conuie et inuite pourquoi ne vous receuera il Puis qu'il vo° recoit pourquoi ne vous gardera il & guerira. Et neantmoins ie vous conseille q touiours vous vous estimés indigne, & que vous embrassés la croix en disant. Et si n'estoit la mort que mo sauueur Iesuchrist a receüe pour moi

en la

en la croix et son tressaint merite, ie n'oseroie m'approcher de si tresdigne & tressaint sacrement. Etsi en vous reputant indigne regrettés vostre innocèce perdue par vostre faulte, vous la recouurers

par celui qui veult loger chés vous.

Gardés vous sur tout des fantasies & folles agutions des philosophes qui par serpentine curiofité vous diront.Pourquoi a Dieu costitue toutes ces choses! Que ne se monstre il clerement & manifestement? Pourquoi ne suffiroit sa diuinité! Quelle est la situatió du cors de Iesuchrist ? Ou est son chef? Ou sont ses pieds? Nous regarde il de ses Seus! Nous oit il! Vous respondrés (Ame raisonnable) a toutes ces choses par simple foi en ceste maniere. Ie suis chrestienne, ie suis catholique. Dieua fait tout ce qu'il a voulu, tout ce qu'il a fait, il a dit verité & a bien fait, son nom soit beneit, mo merite soit en la foi de l'eglise. Et aussi vous recommadés a la vierge Marie mere de celui qui est en ce saint facrement, quelle vous face deliurer de toutesces folles fantalies & blasphemes. L'Ame fut toute cosolee de ce que foi lui dit & a son asseurace & ausi d'esperance & charité-illec presentes elle se mit & prosterna de genous au mieuls qu'elle peut pow receuoir ce tressaint sacrement de l'autel mais aust que le faire dit la brieue oraison qui s'ensuit.

Deuote oraison de l'Ame raisonnable a nostressizneur Iesuchrist pour receuoir le saint sacrement de l'autel.

Bon Iesus combien que ie soie indigne Pour les pechés que l'ai faits & commis De m'approcher du sacrement tresdigne Lequel ci est en ma presence mis,

Ce non-

Digitized by Google .

Ce nonobstant par ce qu'aués promis Salut a qui le prendra dignement Je m'i presente en soi deuotement.

Non bon Iesus que ie m'estime digne Le receuoir, impossible seroit: Mais ie m'attend a la doulceur benigne De vous Iesus, qui rigueur neseroit: Las cestui la lequel s'estimeroit Tant iuste & bon qu'il susse digne vous prendre. Ie croi Iesus qu'il pourroit trop mesprendre.

O bon Iesus ie croi pour verité
Que ce que voi c'est vous & non plus pain:
C'est vostre cors, vostre ame & deité
I sont aussi, mon cueur en est certain
Par le vouloir diuin & souuerain
Et la vertu de vos saintes parolles
Qu'a dit le prestre, & non par parabolles.

O bon Iesus ce divin sacrement Auant mourir en ce monde ordonnastes, Et pour des bons estre le sauvement Divinement vous mesme instituastes: Ainsi le croi, & que vous declarastes Que ceus lesquels dignement le prendroient Apres leur mort vic eternelle auroient.

O bon Iesus i'ai fait preparatif
Vous receuoir comme ordonne l'eglise
Soubs ceste espece en cueur lamentatif
Dont ie n'ai pas si bonne peine mise
A preparer par bonne & sainte guise
Mon ame & cors ainsi qu'il appartient
Dont en douleur, tristesse mon cueur tient.
O bon Iesus sachant la grauité

De mes

Des mes pechés ie craind & fai doubtance De receuoir la vostrehumanité Et deité par mon insufsifance, Mais bon lesus ie prend ma consiance En la grandeur de vostre charité, Misericorde & grande benignité.

O bon Iesus ie vous prie qu'il vous plaise Me pardonner & me donner la grace Qu'en vouloir, sait & dit ne vous desplaise, Et quant a vous mieuls que n'ai fait ie face, Semblablement auant que ie desplace Dece lieu ci ie puisse a sauvement Vous receuoir, & non a damnement.

Ceste petite oraison faite deuotement par l'Ame incorporée, voiant le prestre qu'elle auoit sait ce qui estoit en elle selon humaine fragilité, lui bailla & communia la tressainte & sacrée hostie qu'elle

print & receut treshumblement en pleuts & larmes de contrition, & en la prenant dit

la brieue oraison qui s'ensuit.

Bon Iesus en prenant vostre cors

Le goust me fault, le toucher, et le veoir:

Mais a l'oùir tresbien ie me recors

Qu'ilfaut par foi connoissance en auoir

Ie vous connoie sans vous apperceuoir,

Et vous adore humanité latente

Et deité par foi vraie & patente.

Oraison apres auoir communié.

Bon Iefus humblement vous mercie
Döt vous a pleu de vostre sang et cors
Rassasser mon ame qui se sie
Du tout en vous, o Dieu misericors,

Le croi

Ie croi qu'ai fait auec vous mes accors Parquoi vous prie demourer auec moi Et moi en vous par bonne & vraie foi.

O bon Iesus que ce saint sacrement Soit de peché l'enacuation, De tous abus l'entier contemnement, De volupté l'extermination, De tout peché l'abhomination, Et de vertus le chemin & la voie A celle sin qu'en paradis vous voie.

O bon lesus que cosoit ma dessense Et serme escu contre mes ennemis Mon instructeur pour plus ne faire offense Le protecteur de parens & d'amis Par sa vertu mon vouloir soit submis A vous seruir & me doint pacience, Charité, soi, esperance & science.

Les conditions requises a bien testamenter selon maistre Iean Gerson.

'Ame incorporee fut toute ioieuse, recofortee & cosolée quant elle eut receu le saint sacremét de l'autel, par la vertu & dignité duquel ses ennemis recullerét fort loing d'elle & de sa nauire, de sorte qu'elle sut en repos d'esprit par quel que ses, durat le qu'elle sut en repos d'esprit par quel que ses, durat le qu'elle sut en repos d'esprit par quel que se sa nauire Entédemét, Memoire, Volute, Foi, Esperace, Charitè, Raison & les vert' moralles & leur dit. L'heure est venue mes dames & amies qu'il me couiet laisser le mode, & q ie m'en aille rédre copte a mo souuerain seigneur & roi, c'est mon sauueur & redempteur le sus. Ie scai certainement que ie n'ai vsê de

vse de vous comme appartiét & que ie vous ai fait plusieurs oultrages, et emploié tous mes sens a plufieurs folles choles contre le vouloir de mo Dieu, dont il me deplait, & vous prie que me pardonne les offenses que ie vous ai faites, et que ne me laisses ne habandonnes iusques a ce que i ai passé le terrible pas de la mort: car ie m'attend bien i auoirde gros affaires & que n'aurai loisir en la derniere agonie de prendre congé de vous. Et par ce vous di le dernier a Dieu. l'entend que vous Entende. ment, Memoire & Volunté, viendrés auec moi & que vous ma dame Charitê m'acopaignerés: mais Foi & Esperance non, ains les laisserai, mon con & mes biens terriens, desquels ie vouldroie bien disposer a l'honneur de Dieu & a mon salut, si c'estoit vostre plaisir me donner sur ce vostre confeil & aduis. Foi fit la respose a la requeste de ses compagnes

disant. Ma dame il est escrit en l'euangile que heureus est le seruiteur que Dieu trouuera veillat lon qu'il viendra frapper a sa porte comme font ceus qui ont en desir leur mort, & leur vie en pacience. Le seruiteur veille qui pense iournellement comment son esprir par entiere penitence retourners En quoi Dieu dont il est venu. Et aussi qui ne mesprise ne contemne la sepulture ecclesiastique pour l'honneur d'aucuns des sacremens de sainte eglise qu'ila

consiste vn testa ment.

prins lui viuant spirituellement & corporellemet. Et semblablement qui ne s'oublie d'ordonnerde ses biens: car en ces trois choses consiste yn bon& vrai testament.

La premiere codition

Premieremet donc le seruiteur veillat qui n'est endormi en son affaire, doit regarder a son ame & son esprit sans comparaison plus qu'a son cors &s

Digitized by Google

fes biens temporels, combien que la disposition des d'un bon biens temporels sert grandement a ce que l'Ame testamet retourne libre a Dieu, dont elle est venue, & que le bó feruiteur puisse dire a l'heure de la mort . Mó Dieu ie suis mis hors de la main des homes, ie met & commande mon ame entre vos mains.

Secondement doit le bon seruiteur disposer que La seson cors soit enseueli & enterre en terre sainte code copour l'honneur du sacrement de baptesme & du dition precieus cors de Iesuchrist qu'il a receu vne fois ou d'un bont plusieurs, sans ce que par presumption ou orgueil testames il veuille estre au plus hault & eminent lieu de l'eglise ou du cimitière, & sans i desirer pope ne honneur modain: car c'est tout orgueil & vaine gloire & ne prouffite en rien, & sont telles pompes plus a la confolation des viuans qu'a l'aide des trespasses, combien qu'il soit honeste voire requis a l'enterrement d'un trespasse i auoir luminaire de cire a la gloire de Dieu principallemet, & subsequemment a l'honneur de chrestienneté, & non autremet. Et se garde bien le testateur de faire aucunes ordonnances quant a ceste fin de gloire mondaine : car ce seroit pour le damner.

Tiercement doit le bon seruiteur veillant or- la tierte donner de ses bies temporels, lesquels il doit laisser codition a ses enfans naturels & legitimes (s'il en a) selon d'un bon qu'il est ordone par la loi ou coustume du pais ou testamet sera demourat sans en frauder aucu. Et s'il habode en biens & n'a enfans ne autres heritiers qui ne soient riches, peut & doit ordonner de ses biens en oéuures piteuses:mais auat que le faire doit regarder a trois choses.La premiere,qu'il pense s'il a rien de l'autrui, & s'il en a le rendre auant que mourir s'il est possible & se puisse convenablement faire,

sans se confier en ses heritiers: car il ne doit presenter aumone ne sacrifice a Dieu du bien d'autrui s'il scait a qui le restituer, aussi doit estre asseuré que ses enfans & heritiers ne seront iamais si curieus que lui de rendre ce qu'il a de l'autrui. Secondemét doit faire ses aumones, dons & legats a l'hôneur & gloire de Dieu principallemet, & no pour en estre loue & prisé des mondains, ou affin que son nom en soit perpetuel, & le doit plus faire a l'honneur diuin & culture de la chose chrestiene q du prouffit comun: Car Dieu doit touiours estre presere. Pour le tiers doit regarder come & a qui il donne: cars'il fait fondations de messes, anniuersaires, colleges, aumoneries ou autres choses, les doit fairesi opulemmet qu'elles puissent durer, & que ceus qui en auront la charge en faisant le service ecclesialtique puissent honnestement viure selo leur estat & profession. Et s'il ordonne ses biés estre distribués aus pauures, qu'il nomme si possible lui est a quel pauures, cobien a chacu, dedas quel tems, et a quelle fin,& no s'en rapporter a la discretió de ses executeurs. Car il est escrit, que mauldit est celui qui se se en l'homme. Finalemet doit essire executeurs gens qu'il a coneu par experièce estre fidelles, loiaus, diligés & cosciécieus, & qui ne sont auaricieus & couoiteus, & aussi g aimet amour & familiarité alui, soient ses parens ou estrágers. En considerát outre que tout ce qu'il donne, Dieu n'en a q faire: car s'il lui plaisoit feroit en vn momét les plus belles eglises & colleges qu'on scauroit imaginer & deuile, & enrichiroit tous les viuans : mais il veult quele humains facét des biés qu'il leur a donés aumons & autres biensfaits a leur vtilité non a la sienne. Et quelque chose qu'on face qu'humilité & charit foient

soient les notaires qui passeront le testament Le testament de l'Ameincorporée.

Pres toutes ces remonitrances l'Ame

incorporee fit son testament tel qui s'ensuit. Mon Dieu mo pere & mon sauueur. Ie pauure pecheresse cofesse deuant vostre diuine puissance que par mes offenses iniquités & pechés i ai desserui se-Ion vostre grade iustice l'eternelle mort infernalle: Neantmoins par la foi que i ai de vous & en vous, ie prend esperance & confort en vostre debonaire promesse qu'aués fait par l'euangile disant. Qui croit au fils de Dieu il a vie eternelle, pour ceste cause ie pauure miserable criminelle vied vers vous cher seigneur Iesuchrist qui estes la seule fontaine Esa. 341 de misericorde, no me siát en mes ocuures, lesquelles ne sot qu'ordures deuat vous n'en aucue chose du mode : mais en vous seulement qui estés seul la voie de verité et la vie. Mes pechés d'autre part me donét crainte, mes ennemis de l'autre part qui n'atzédét fors a me perdre & destruire, me font trébler & vostre iustice m'esbahit, tellement que ie ne scai ou fuir, fors a la gradeur de vostre misericorde & a la multitude de vos miferations . Ie ne puis euader tous ces dágers, que par vous mon Dieu & mô ſau3 neur, et n'ai confiace et espoir qu'en vous & vostre infinie bonte, qui m'aues prins en grace auant que i'eusse de vous connoissance, c'est a dire a mon bas ptesme. Vous scaues mo Dieu que ie vouldroie ne vous auoir offense, & q i'ai en horreur les pechês lesquels i ai contre vous comis, no come ie deuroie, mais felo ma pauure ignorace et fragilitê. Vous fcaués aussi q mo ppos est tel q s'il vous plait qu'encores ie viue au mode, de plus ne pecher moienant

vostre aide, & de satisfaire a mon pouoir. Ie vous prie treshumblemet mon Dieu & mo redempteur qu'a moi pauure pecheresse veuilles faire grace & misericorde & me donner de vostre immense liberalité pleine remission & absolution de tous mes pechês par la puissance des cless de l'eglise, & par

vos dignes merites.

Ie croi fermemét (o bon Iesus) que tout cecime poués & voulés bien ottroier seul de vous mesme qui estès mon iuge et mon aduocat, mon Dieu par creation, mon sauueur par redemption & mon frere par assumption d'humanité, neantmoins a vostre gloire & louenge i'implore ci l'aide & les prieres & merites de la benoite glorieuse vierge Marie vostre mere, de tous les bons esprits angeliques, de vos bien aimés apostres & disciples, & de tous les saints & saintes, lesquels ie prie en general & particulier estre mes intercesseurs enuers vous pour obtenir grace & remission. O bon lesus sim vertu dessault, mon entendement se trouble, & si mon cors languit, vous plaise conforter ma vertu, illuminer mon entendement, & garder ma sensulité, & sinalement au departir de mon cors me donner la vie eternelle qui est le pais ou i'aspire & desire aller.

Au regard de mon cors & biens temporels, ie suis toute preste & me plait de les laisser pour l'amour de vous, & par ce que le cors par le mistere de l'esprit a receu aucuns des sacremens de sainte eglise, a l'hôneur d'iceus et non de moi ie le recommande a la sepulture de sainte eglise. Quant a me biens ie ne veul autrement en disposer, fors selon les lois & coustumes du pais ou ie demeure, et n'es veul frustrer ceus ausquels de droit doiuét appartenis.

Digitized by Google

tenir, & de ceus desquels m'est permis disposer en piteuses o éuures a mo salut. Ie donne telle somme de deniers a tel conuent, autre telle somme a tel personnage, pour aider a nourir sa vieillesse, autre semblable somme a telle fille, pour aider a la marier, & autant a tel hospital pour la nourriture des pauures. Et prie a dame Prudence & a dame Temperance, qu'elles prennent la charge d'executer cestui mon present testament.

Du sacremet d'extreme vnetion selon ledit Gerson, & des interrogatoires qu'on doit saire a vn pacient a l'article de la mort.

I tot que l'Ame incorporée eut fait Lescinq fon testament, fut par Maladie & ses sens surcomplices assaille & mise au pas de montés.

la mort, ou les cinq sens du cors qui touiours estoient auec elle resisterêt:

mais bien tot furent las & furmontês: car la veüe comméca obtenebrer, les aureilles a perdre l'oüie, la langue a balbucier, les mains a trembler, les pieds a froidir, la chaleur a se departir du cors, le goust s'en estoit ia departi & l'odorement perdu, toute-fois Entendement, Volunté, Memoire estoient touiours en leur force. Si demanda l'Ame son dernier sacrement qui est extreme vnction, c'est a dire linition de l'huille sanctissé fait a la relevation de la maladie corporelle et spirituelle, & pour le remede contre les reliques de pechê.

Ce sacrement sut presiguré par Iesuchrist, lors Dusaqu'il enuoia ses apostres prescher les quels oignoiet crement les malades d'huille & ils estoient gueris, comme d'extrecontient l'euangile saint Marc. La matiere de ce sa-me vncrement est l'huille beneit par l'Euesque, la forme stion.

Tt iij consiste

Digitized by Google

confiste en l'oéuure, & en la parolle. En l'oéuur par les croix & signacles qu'on fait sur les mébres. En la parolle par la prolation des mots que dit le prestre sur les sous & autres mébres, en disant. Dieu tout puissant par ceste sainte vnction & sa trespiteule misericorde te pardone tout ce q tu as pechè par les ieus, si c'est sur les ieus, & ainsi des autres mébres. Ce dernier sacrement lui fut baillé par va prestre: car autre qu'un prestre ne le peut saine comme il est escrit en la canonique S. Iaques, & est baille pour deus causes par ce qu'il a deux effects, scauoir est sanation du cors & de l'esprit : car ainsi que l'hôme est de deus choses, scauoir est de l'Ame & du cors, außi ce sacremét a esté ordonné pour la santé de l'Ame principalemet en la remission de ses pechés veniels & a l'ampliatió de vertus, & pour la sante du cors si santé est necessaire & salutaire au pacient. Le facrement c'est l'unction auec les parolles, & la chose du sacrement est la grace du saint de ce fa - esprit qui en ceste maniere guerit l'ame & aucunefois le cors quant c'est au salut de l'ame, toutesos ce sacrement ne doit estre baillé a tous malades indifferemmet, mais seulement a ceus qu'on voiten danger de mort, & qui sont penitens & ont sens & entédeméticar les furieus, enfans & autres perfonnes qui n'ont vsage de raison (st paraduenture ne l'auoient requis) ne le doiuent auoir pour le déget qui i pourroit estre en leur baillat au moié de leurs imperfectios corporelles & immundicités, & auss pour l'irreuerêce qu'ils i pourroient auoir. Le cor de l'ame fut oingt par les lieus des cinq sens, scauoir est les ieus, les aureilles, le né, les pieds & les mains Aucuns oignét la poitrine, les reins & l'umbilic ou est la delectation venerée, mais il n'est requis.

Qui est

la chose

L'Ame

qu'on doit fai-

re a l'ar-

ticle de

la mort.

L'Ame incorporée qui auoit encores bon sens & entendement sceut bien respondre au prestre & a toutes les oraisons qu'il disoit, puis le prestre lui demanda. Or ca m'amie croies vous pas en Dieu fermement ainsi que l'Eglise croit? Oui dit l'Ame. Voules vous pas mourir en ceste foi : Oui. Renon- Interroces vous pas au diable et a toutes ses oeuures! Oui. gations Aduoués vous pas Dieu pour pere, maistre, seigneur & redempteur! Oui. Aués vous pas douleur d'auoir offensé Dieu: Oüi. Et si vous auies a faire les pechés que vous auês commis les feries vous? Non.N'aues vous aucun peché recelle fur vostre cueur dont n'aies fait confession par crainte, ignorance ou oubliance dont vostre conscience vous remorde? Non. Si vous auiês souuenance d'aucun le vouldriés vous pas dire & confesser & en faire penitence a vostre pouoir? Oui. Aués vous rien de l'autrui: Non.Si vous estiés aduerti d'en auoir aucune chose, le vouldriés vous pas rendre & restituer a vostre pouoir? Oui. Aués vous point haine & inimitance a aucun Non que ie fache. Pardonnés vous pas de bo cueur a tous vos ennemis tout ainsi que voules que Dieu vous pardonne ? Oui. Si vous retournés a santé voulés vous pas viure droitement & iustement & garder les commandemens de Dieu sans les enfraindre pour l'amour de lui & non pour craindre d'estre damnée : Oui. Voules vous pas bien mourir & laisser le monde & ses plaisances & tous bies téporels pour l'amour de Dieu, lequel print cors mortel & mourut pour l'amour de vous Oui. Croiès vous pas que nostre seigneur Iesuchrist tiendra & acophira tout ce qu'il a promis par les euagiles, & qu'en ce faisant qui sera baptisé,& croira en Dieu fera fauuè! Oui. Tt iii

Or puis

## Le tiers liure

Or puis qu'ainsi est m'amie soies asseurée que Dieu qui est tout puissant, tout sapient & tout bo, & dont les misericordes & miserations sont plus grandes que tous les pechés qu'on a faits & qu'on pourroit faire, vous fauuera non par vos ocuure & merites, mais par sa souveraine grace & bonté& par son eternel fils Iesuchrist en vertu de la foi que vous aues en lui & de lui, & aussi par les intercel & sions de la benoite vierge Marie sa mere & de tou les saints & saintes. Ie suis en ceste esperance dit l'ame. En disant ces piteuses & consolatiues parolles l'Ame incorporée par la presse de maladie qui vint frapper sur les humeurs radicalles du cors& destruire les cinq sens, elle tumba dedans le pas de la mort, ou elle laissa son cors insensible, & s'en alla l'Ame raisonnable deuant Dieu en disant au tomber ce beau Pseaume. In te domine speraui, iusques au verset: In manus tuas domine inclusiuemet, qui esta dire en vulgaire. Mon Dieu i ai eu mon esperance en toi & par ce ne serai eternellement confondue, incline ton aureille a moi, auances toi affin que tu me deliures. Soies mon Dieu & protecteur & vne maison de refuge affin que tu me sauues: car tu es ma force, mon refuge & pour l'honneur de ton nom tu me conduiras & nourriras. Tu me mettras hors des laqs que les veneurs m'ont occultement preparés, car tu es mon protecteur: ie recommande mon ame en tes mains mon Dieu. Tu m'as r'acheptée o Dieu de veritè: Et voila la bataille finie de l'Ame incorporée militant en ce miserable monde.

Dialogue de l'Auteur & de Theologie faisant mention de predestination, prescience et franc arbitre & d'aucuns signes par lequel on peut conieconiecturer si vne personne est du nombre des predestinés & meurt en grace, & que c'est de science d'Astrologie.

Presceste dure & piteuse separation faite par l'Ame raisonnable de son faite par l'Ame raisonnable de son son lequel demoura mort & insensible en ce monde, sut icelui corsenseule & solennelement mis en terre sainte par les ministres de l'eglise. Et au regard de l'Ame qui est vn esprit inuisible & impalpable s'en alla deuant Dieu pour rendre compte de sa villication & se desparurent tous ceus de sa compagnie fors Theologie auec laquelle ie demeurai seul. Et par ce que i'auoie veu l'Ame incorporée converser en ce monde aucune sois bien, aucune sois mal: doubtant si elle estoit en voie de salut: ie m'en quis auec Theologie qu'il lui en sembloit, elle me sit response que certitude ne pouoit auoir de son salut, par ce qu'elle ne scauoit si elle estoit du nobre des

L'Auteur. Dites moi dame Theologie qui sont les predestinés & si nous en auons tesmoignage

predestinés. Le m'enquis que c'estoit a dire, surquoi fismes vn petit dialogue & premierement lui de-

par la fainte escriture.

mandai.

Theologie. Auant que tu le puisses entendre tu Do. Ioz. retiendras selon la doctrine de maistre Iean Ger-Gerson son docteur christifere irreprehensible en son liure in lib. de de la consolation de theologie qu'a humainement consola. parler je trouue en Dieu triple court & trone. En la premiere court & trone preside Grace indulgente. En la seconde Misericorde corrigeant. Et en la troisieme Iustice condamnant de laquelle parle l'apostre disant. C'est chose horrible de tuber

en la

## Le tiers hure

en la main de Dieu viuant. Adam premier preuaricateur auoit liure toute sa posterité a ceste damnatió de mort, & n'i auoit aucun qui les peusse deliurer de la main & puissance de Dieu iuge at que i'appelle iustice códamnante. Si Dieu iuste iuge outre & par dessus la puissance & les merites de nature par le sacrement de recóciliation de son fils vnique n'eusse erigé & ordonné la court & trone de grace indulgente, & celle de misericorde corrigeant, par deuat lesquelles il permit aus humains appeller de la court & trone de Iustice condamnant.

L'Auteur. Ientend bien ce que voulés dire, mais ie m'esbahis dont Dieu veult aucuns estre ingés en la court de Grace & Misericorde, & les fait participans de son eternelle beatitude, & les autres il damne eternellement par la seuerité de sa instice

condamnant.
Theologie.Si tu fais ceste question par curiosi-

té, elle est dangereuse & damnable : car comme dit le Sage. Celui sera supprimé de la gloire qui est scrutateur de la divine maiesté, toutefois est bone & consolative quant on la fait en humilité pout obsequier & seruir a la foi. Or pour respondre: Rom. 8. L'Apostre participat des diuins secrets corrige ton doubte, lequel voulant refrener la contention & discord qui estoit entre les gétils & iuifs qui auoiét prins la foi, leur mit en auant la consideration de la diuine predestination & prescience, come le centre de toute ceste disputation, disant. Nous scauons qu'a ceus qui aimet Dieu toutes choses cooperent en bien, car tous ceus qu'il a predestinés, il les a presceus estre faits coformes a l'image de son eternel fils, afin qu'il soit le premier nai entre plusieurs freres. Et ceus qu'il a predestines, il les a appelles &

iustifies: et ceus qu'il a iustifies les a glorifies. Et a ce Rom. 11. propos dit plusieurs autres parolles iusques a s'esmerueiller disant. O altitude des richesses, sapience & science de Dieu. Combien sont incomprehensibles ses iugemens & ses voies inuestigables ? Qui a coneu le sens de nostre seigneur! Ou qui a esté son conseillier? Ou qui premier lui a donné, & il lui en fera retribution? Et d'auantage dit que ce n'est a celui qui court d'estre sauuê, mais a celui auquel Dieu fait misericorde, et qu'il a misericorde de ceus qu'il lui plait, & endurci ceus qu'il veult. Par lesquelles parolles appert asses que saint Paul veult entendre que les humains ne serot sauués par leurs propres ocuures, mais par la vocation diuine, & mesmement quant il recite que Dieu dit : i'ai aimê Iacob & eu en haine Esau.

L'Auteur. Il semble doc que dieu de la masse pecheresse de l'hôme il en a predestinés aucus de son eternité a l'eternelle beatitude & presceus les autres qu'il a reprouues a l'eternel supplice & perpetuelle peine. Theologie. Il est vrai & si ne fait iniure ne tort a persone, car il n'est debteur a aucun. Et a ce propos dit S. Paul. Ou es tu home qui puis- Rom. 11 ses respondre a Dieu La terre demade elle au potier, pourquoi m'as tu mis en tel ouurage ' Le potier a il pas puissance de faire d'une mesme masse de terre vn pot d'hôneur et vn autre seruante a chose deshoneste: Qu'en est il: Si Dieu veult en sa grade maison manisester les richesses de sa gloire a aucuns par ostension de sa misericorde, & aus autres par manifestation de sa iustice, gloirissant aucuns par misericorde & laissant les autres par iustice. A ce propos disoit Dauid en ses Pseaumes. Mon dieu ie chanterai touiours ta misericorde & ta iustice.

# Le tiers liure Et si peu de gens sont sauués en cela la misericorde

de Dieu est plus manifestée, tout ainsi qu'entre les fourds, boiteus, muets & autres impotens & malades, on trouue moins gueris par miracles que des autres qui sont laisses en leur mal. Et si (en descendant aus cas particuliers) on demandoit pourquoi dieu esseut a salut saint Pier et saint Paul & delaissa en leurs pechés le mauuais riche & Iudas : ie ne ferai aucune response fors qu'il conuiet qu'humaine garrulité mette le doid a sa bouche, confessant & Pfal. 18. croiant comme dit le Pfalmiste, que les iugemens de Dieu sont vrais et justifiés en euf-mesmes: certes tout ainsi qu'on ne scauroit assigner raison de toutes les choles possibles a faire, pour quoi l'une a este ainsi faite & l'autre non, fors que c'est le plaisir de Dieu, pareillement de la recreation ou regeneration des humaines creatures a la vie spirituelle, on ne scauroit dire pourquoi ceus ci sont paruenus a la foi catholique & ceus la non, fors qu'il plait ainsi a Dieu, & la perscrutatio de tels secrets lui deplait, voire & si ne convient avoir refuge aus merites & bonnes oéuures de ceus lesquels Dieu a des son eternité predestinés, car s'ils estoient predestinés par leurs oéuures ce ne seroit par grace, neátmoins fault confesser qu'aucun ne sera dáné sans coulpe, ne aucun fauuê fans grace.

L'Auteur. Veu qu'il i a predestination & queles predestinés seront sauués & les autres damnés, pourra pas estimer vn pecheur veu sa commune vie n'estre du nombre des predestinés! Que sera il en ceste cogitation qui est mout angoisseuse!

Theologie. Tu doibs casser de toi telle santasie, car Dieu ne veut qu'on essise & pense estre du nombre des reprouues, non plus qu'il veult qu'on

peche

peche & qu'on se desespere: mais conuiet dire aucc lob. Si Dieu m'occit encores aurai-ie esperance en lui, voire dire a Dieu de cueur humble & piteus. Ie croi tresequitable iuge par le rapport des clercs, que ceus q sont en enfer vous haissent, blasphemet & nommet iniuste & cruel iuge, & que se i'i estoie feroie ainsi. A ceste consideration ce pendant que ie suis en ce monde hors (par vostre grace) de tels blasphemes pour l'amour que i'ai a vous qui estés tout amiable ie vous iustifie, collaude & remercie. Et quelque chose qu'il vous plaise ordonner de moi, ie confesse de cueur & de bouche qu'il n'i 2 aucune iniquité en vous qui estés saint en toutes vos oeuures. Et telle doit estre la recogitation de prescience qu'on appelle reprobation & aussi de predestination.

L'Auteur. Ie tremble quant ie recogite & pense que reiteration de pechê est signe de reprobation, & qu'esperance de salut sans merites est appellée

prefumption,

Theologie. Ie scaimon ami que les hommes & femmes ne viuent sans peché, car sept fois le iour tumbe le iuste : & qui presume estre sans pechése feduit. Le Pfalmiste dit que celui est dit biéheureus Pfal-30. qui n'a commis pechê: mais a qui Dieu n'a imputê son peche.Il semblera par aduenture chose merueilleuse ce que ie dirai qui est,trouuer vn homme lequel tant plus a de tentations, & plus bataille & combat contre icelles, & neantmoins est aucunefois villainemet surmonte, ou en voracite de gloutonnie, ou en trop long dormir, ou en ordinaires aguillonemens de la chair, & autres vices semblables,& d'autant qu'il est plus souuét assailli,& plus certainement & par plus grand force il combat раг се

## Letiers liure

par ce qu'il s'humilie enuers Dieu, espere, & confie en lui & lui demande son aide, voire plus seurement & consultement que s'il se confioit en sa propre force, prudence & bones oeuures, croiant de soi seul n'auoir puissance de resister aus mortelles tentations . A ce propos disoit Dauid . I'ai este poulse & recule iusques au tumber & nostre seigneur dieu m'a prins. A ceste cosideratio, tant moins vne personne par humilité prent sa fiance en soi & ses propres oëuures, tant plus a il de foi & d'esperace en Dieu, par le moié desquelles il trouve plus de graces enuers lui. Et par ce disoit le Psalmiste. Cem'est vne bonne chose qu'adherer a Dieu & mettre mon esperance en lui, esperant estre deliurê par sa iustice, non par la mienne. Il a dit ailleurs que celui qui habite en l'adiutoire du treshault, il est en la protectió de Dieu. Il ne dit point qu'il demourra en l'habitation de propres merites qui est chose vaine, ou en l'habitation des peines futures qui est chose angoisseuse ou en l'habitatio des propres industries, qui est chose timide & incertaine.

L'Auteur. Il semble a aucuns que l'esperance est erronée es presceus reprouues, par ce qu'ils s'attendent auoir paradis & ils ne l'auront pas. Autres voulans euader ceste absurdité, ont dit que l'esperance consistoit en ceste codition. Si ie garde la loi

de Dieu ie serai sauuê.

Theologie. Ceste derniere oppinion ne sussita esperace: car telle condition seroit auec desespoir, ne la premiere est sobrement dite que Dieu oblige les reprouués a errer comme il a obligé a esperer. L'esperance de beatitude doit estre telle c'est assauoir qu'on aie soi qu'il i a vne suture beatitude, & que nostre seigneur Dieu a predestine & esteu des

Ion eternité, aucuns par pure liberalité & grace a auoir ceste future beatitude, & qu'a la consecution d'icelle il a ordonne aucuns moiens couenables en diuerles manieres & fans nombre, entre lesquels & le principal est grace qui est appellée vie eternelle, par ce q c'est le gage ou erre d'icelle. Et ceste grace dieu n'a donè ne donera a aucun, fors par le moien du mediateur d'entre Dieu & l'hôme, c'est nostre seigneur Iesuchrist qui a merité ceste grace pour tous a suffilance: mais non a efficace, fors a ceus qui par foi habituelle font incorporés en lui côme font les petis enfans baptisés ou par foi actuelle & habituelle es adultes vlans de raison qui oéuurent perseuerament par dilection. Laquelle foi a esté moins explicité es prophetes du tés de la loi escrite, qu'es apostres du tés de la loi de grace, & encores moins es philosophes & autres gentils en la loi de nature. Car combien qu'a tous ceus qui tendent a Dieu leur conuient croire que Dieu est, & qu'il est remunerateur de ceus qui le quierent et demandent: toutefois le moien pour l'auoir & obtenir, c'est le mistere de l'incarnation du fils de Dieu, & par ce que ne leur estoit lors explicitemet reuele n'estoiet tenus le croire explicitement.

Mais esperace instruite par foi (qui est son oeil) affiche premieremét son desir a l'adeption de beatitude comme a sa sin, & ne veult iamais estre arrachèe n'eslongnée de ce desir. Subsequemment desire tous les moiés ordonés de la diuine prouidéce a l'execution de ceste sin par les armes de justice, come dit l'apostre a dextre & senestre par gloire & ignobilité, p infamie & bone renomée sans crasdre maladie, perte, dissanatio, ne mort téporelle. La foi promet d'auatage qu'a tous ceus q croiét en Dieu

tout

## Letiers liure

tout leur viedra a bien comme dit l'Apostre. Ausi l'euangile dit: cerchés premieremet le roiaume de Dieu et vous aures tout. le t'asseure mo ami qu'au cun de tous ceus qui auront ceste foi & cercherôt premierement & perseueramment iusques a lafin le roiaume des cieus, ne perirót iamais: & tels font Mat. 6. predestinés, qui est fait au contraire des reprouues qui n'ont la vraie foi & cerchent autre chose premierement que le roiaume des cieus : car toutes leurs oéuures tournent en mal, voire les bonnes oéuures des autres leur viennét a scadale & ruine. neantmoins par ce qui ne nous est conneu, lesquels Dieu veult estre sauues ne qui sont les reprouues convient touiours bien faire ou en priat, ou en admonestant, ou exhortant, ou increpat, & en s'exerceant toujours en bonnes oéuures a l'honneur de Dieu. Et ainsi le reth de charité coprent & reserme en soi les bons et mauuais pour estre separés les vns d'auec les autres au iour du general iugement.

Et si la diuine bonte peut & veult tirer des biés des pechés des esleus & predestinés, non pourrant est le mal bien, & ne doit on faire mal, mais l'euter a son pouoir & plorer si on le fait. O que dieu tout puissant si tresbegnin est a collauder, qui no seulement n'est vaincu des mauls des pecheurs: mais d'iceus il fait leur bien. Et a ceste consideration disoit saint l'aul. Dieu a tout conclud soubs peché, c'est a dire permissiuement affin qu'il eusse misericorde de tous. Saint l'er pecha & apres son peché sut plus humble & misericordieus: mais ce sut par la miseration de Dieu. Saint l'aul stut blasphemateur, & lui humilié cosessa n'estre digne qu'on l'appelle apostre, & se disoit le premier entre les pecheurs. La Magdaleine pecha, & apres son peché elle ainsa

. Digitized by Google

Dieu plus que deuant, par ce que nostre seigneur Iesuchrist lui pardonna maints pechés,& si a baille l'exemple de penitence a tous les pecheurs, Nostre seigneur lesuchrist preschant la parabolle de l'enfant prodigue, dit que son pere se r'estouit en la cos uersion d'icelui. Et qu'es cieus i a plus de ioie entre les anges d'un pecheur couerti q de quatreyingts & dix iustes. Qui ignore que ceus qui par la grace de Dieu sont releues de l'ordure de peché, & colloqués en gloire,ne rendét pas plus grades louenges & graces a Dieu que les iustes. Non qu'inno. céce preseruée & gardee n'ait plus de dignité toutes choses mis en parité:mais en la reparatió d'une creature perdue plus apparoit la benignité de la misericorde de Dieu, c'est chose miserable es reprouues lesquels se glorifiet de leurs vertus & sone ingrats ou tepides des dons gratuits de Dieu, ou abusans d'iceus les tournent en mauuaises oéuures & contemnent de Dieu, de sorte que les oraisons qu'ils font à Dieu engédrét aucunefois en ce monde & en l'autre insanie & rage, par ce qu'ils ne s'amendent en ce monde & en l'autre aians memoire qu'en leur vie ont prie Dieu, & les saints & saintes, murmureront contre eus & les blasphemeront. mesmement ceus & celles que plus auront reuerés; leur improperant qu'ils sont cruels & impiteus, & qui les cussent bien gardes de tels tourmens s'ils eussent voulu.

. L'Auteur. Que dirons nous a cela dame Theoslogie; ferons nous donc des pechés pour en tirer & estire des biens? Ou si nous euiterons a faire bien; afin que les mauls n'en procedent?

Theologie. Non non, n'i pense iamais: car ce qui vient par accident ne doit estre varié par ce qu'il

## Le tiers liure

vient de soi. L'Auteur. Voire mais dame Theologie a ouir vos parolles n'i a personne qui ne soit triste & desolèe & prest a tumber en desespoir. Theologie. Il ne doit estre: car par la grade des-

stance que prent la personne de soi & de sa puissance & vertu elle est attraite a auoir souuerainement gspoir en Dieu seul, & par desolation est tires

a ferme consolation tout ainsi que par sapience on est attrait a sapience. Et a ce propos dit l'Apostre escrivant a ceus de Corinthe. Si aucun de vousest veu estre sage en ce monde, soit fait fol pour estre fage. Il n'i a chose au monde qui plus chatse orgueil du cueur de la personne que la pensée & recogitation de predestination ou reprobation, ne qui plus engendre & nourrit d'humilité deuat Dieu & deuant les hommes, par laquelle humilité on chasse tous les vices lesquels sont engédrés & nourris par orgueil. Commet aucun pourra & osera mal iuger de son pchain & le persecuter par haine, ire, enuie & detraction, & dire qu'il est du nobre des reprouues quat il se voit estre en mesme danatio de ceste masse de pechê, et qu'il ne scait ne pourroit asseurement scauoir fors par diuine reuelation s'il est des predestinés ou reprouués, ne q ce sera de lui le lendemain' S'il se veult glorifier de ses biens de grace, nature ou fortune, c'est contre raison: car il ne lesa de luimesme: mais par la grace & bôté de Dieu, auquel en est deue la gloire, et no a lui. Et a ce propos 1.Ti. 1. disoit S. Paul. Dieu est venu sauuer les pecheurs, desquels ie suis le premier, c'est a dire couerti p vne finguliere & specialle vocatio se voiát egallement eitre fils d'ire auec les autres, & estre de mesme masse de peché q ceus lesque dieu est venu sauuer. L'Auteur, le commence a me consoler voiant qu'espe

\_\_\_\_ Digitized by Google

qu'esperace d'estre du nombre des predestinés ne doit estre sans crainte & dessiance de soi : maisie vouldroie bien scauoir si ceste esperance pourroit

estre ferme en la personne, & comment.

Theologie. Si pourroit par vn merueilleus & Desiii. Iupernaturel don de Dieu. Et pour l'entendre est meditaa noter qu'il i a quatre meditations soustenans est tios sous perance, qui sont meditation de la divine iussion stenans qui te commade esperer. L'autre de la diuine puis-sance si tu esperes. La troisseme de l'immense pitie de Dieu affin que iamais ne deses peres de ses miserations. Et la quatrieme est la meditation de l'humaine fragilité, afin que tu ne confie en toi, n'en tá propre force & vertu. Et par ce si ta cogitation te solicite laisser ton esperance quant tu ne fais ta vacation certaine par bonnes oëuures en corruant & tumbant chacun iour de pechê en peché, disant & pésant que tu es du nombre des plusseurs qui sont appelles & non esseus, veu que tu fais les oéuures de ces plusieurs. Tu respondras que tu veuls obeir a Dieu lequel en plusieurs lieus de la fainte escriture, tắt du vieil que du nouueau testament a commandé qu'on espere en lui. Et lui diras apres le Pfalmiste. Eslieue toi mo Dieu & seigneur au precept que tu as madé, ie me iette a toi par ton comandement. Tu n'es cruel ne deceptif pour me deietter iointes tes reiterees promesses, par lesquelles tu as promis a ceus qui auront espoir en toi les deliurer, garder, sauuer & glorisier Ae croi mo dieu que ta pitie est si grande & immese qu'elle ne scauroit ne pourroit estre surmôtée par les innumera-bles pechés que moi pauure viateur ai commis & pourroie comettre, tu l'as ainsi promis mon Dieu & seigneur, & combien que tu sois inobligable, 'Vv ij c'est

Digitized by Google

#### Le tiers liure

c'est a dire que ta raisonnable creature quesque chose qu'elle face pour toi, & pour l'amour de toi, ne te puisse aucune chose obliger. Toutefoista tresdigne condecence a voulu auoir quesque accord ou conuenance auec les humains, assin qu'ils meritassent bié de toi s'ils acomplissoient tes commandemés & esperoient en toi qui es sidelle, & ne puis estre autre, voila quant a l'esperance des trois premieres meditatios. Et au regard de la quatrieme si la propre fragilité se veult dessier, ie le veul & permet, c'est a dire que la personne se dessie d'elle ou en elle, qui est chair & pourriture: car mauldit est l'homme qui se consie en l'hôme & met sa chair pour sa desse cueur duquel s'essogne de dieu.

L'Auteur. Pour quelle railon m'efforcerai-ie de decliner des vices, d'aquerir vertus & garder les comandemens de Dieu, sans l'observance desquels s'attendre estre sauué n'est esperance, mais arrogance & infidelle presumptio, veu qu'on ne se doit

Theologie. Tu t'efforceras neantmoins d'ainsi

fier en ses propres oéuures?

le faire totallement, sur ce implorant l'aide du treshault Dieu, & si mille fois tu as vaincu, mille fois seras couronné, voire mieuls & plus certainement lors que tu n'as aucune siace en tes bones ocuures. Et a ceste consideration, Salomon voulant mettre sin a son elegie & concination, auant que coclurre a l'observance des commandemens de Dieu, il dit. Craignés Dieu, par ce que de lui vient le bien, le

vouloir de le faire, & l'execution de ce vouloir. A Aug. in ce propos disoit saint Augustin en ses Soliloques 1. Solilo. parlant a Dieu. I'esperoie aucunesois (dit il) en ma vertu qui n'estoit vertu. Et comme ainsi ie vouloie cheminer & courir ou ie pésoie estre en plus grâde

seurete.

feureté & fermeté: ie suis plus souvent tumbé & demouré plus loing & plus en arriere. Maintenant ie te cofesse seigneur Dieu que l'homme n'est corroboré & n'a vertu en sa force, assin que deuát toi la solle presumptio de la chair ne se glorisse. Ie t'aduerti d'auantage mon ami que tant plus vne personne est sainte & parsaite, & plus reueremmét & humblement cerche & demande l'aide de Dieu. Il est contraire des reprouués, lesquels tant plus il approchent de damnation que plus s'essongnent de l'aide de Dieu & ne s'i consient, car en eus est l'amour de soimesme insques au contener Dieu, ainsi qu'es predestinés est l'amour de Dieu insques au contemnement de soi.

L'Auteur. Pourquoi est-ce que tous humains ne sont predestinés & esseus de Dieu, attendu que Dieu (come a escrit saint Paul) n'est accepteur de Rom. 2.

personnes, a quoi l'euangile s'accorde:

Theologie. Tout ainsi que les bestes irraisonna- lob 27. bles sont pour l'homme diversemet, scauoir est les aucunes pour le seruir & aider & les autres pour lui nuire & cotrarier, comme nous voions par experience. Aussi deuons entendre que pour le salut des esleus & predestinés les presceus & reprouués sont pour exercer les predestinés par nuisance & contrarieté, afin qu'aucun d'eus ne se glorisse, soit celui qui sert au diable, ou celui qui lui nuit & cotraire, toutefois tu ne dois entendre ce que i'iai dit en sorte que le franc & liberal arbitre soit tollu a la persone: Car il en est plus fortifsé & institué, mais c'est en Dieu viuant par grace, laquelle est comme vne ame aiant vie & puissance a la vie secode, c'est a dire a ocuure meritoire. Et ainsi que l'operation animalle presuppose l'estre de nature, & ainsi Vv iii l'opera-

Rom. 2.
Deu. 10

#### Le tiers liure

l'operatió spirituelle la vie de grace. Et en cela Ciceron a failli, lequel pour statuer en l'hôme fracarbitre a voulu tollir a Dieu prouidence: Et faillent aussi ceus qui au contraire veulent instituer prouidence diuine en sorte qu'elle impose necessité au francarbitre. C'est crime tresgrief dire que Dieu veult qu'on peche & qu'il fait pecher pour la manifestation de sa gloire & que la puissance diuine face violence a l'innocéce humaine pour la mettre hors du propos de bonne couerfatio. Les mauuaises ocuures viennent du diable qui s'estouit de la ruine des humains,et ne viennét de Dieu,car côme dit le Psalmiste.Le seigneur dieu soulage tous ceus qui trebuschent & eslieue les froisses, ausquels il donne penitence pour estre tire hors du lien du diable, duquel ils estoient detenus captifs a sa volunté. Et quant on lit d'aucuns qui ont esté baillés de Dieu aus destrs de leurs voluntes, ou endurcis ou delaissés, nous confessons qu'ils ont desserui & merité par leurs grans pechés, & que leurs pechés precedens ont esté cause que telle induration ou delaissement en pechés de leurs desirs leur soient deue pour peine, car tels sont aucuefois les peches qu'ils attirent pour peine autres pechés, & par ces raisons on ne se doit plaindre des jugemes de Dieu par lesquels il delaisse ceus qui ont merite et desser-ui estre delaisses, mais on en doit rendre grace a sa misericorde, par laquelle il deliure ceus qui ne l'ont desserui.

L'Auteur. Il femble que si franc arbitre est en la personne qu'il contrarie a predestination et reprobation dont vous m'aues parlé & tenu propos.

De frac Theologie. Frac arbitre est en l'hôme et semme, arbitre, mais sans illuminatio de soi, il n'ocuure meritoire-

ment

ment, comme i'ai dit dessus en autres termes, car il n'est deliuré par grace de la domination du diable, & gist ou profond de peché. Ainsi donques par illumination de foi formée l'hôme est iustifié & fait d'infidele fidele, prét et recoit le do sans quelcoque merite, mais par ce moien aura salut de vie si ce qui est comence par grace s'augmente, cooperant auce icelle le franc arbitre, no tant de lui que de la grace & aide de Dieu, sans laquelle aucun ne peut proffiter ne demourer en bien, parquoi les bonnes oëuures des chrestiens sont plus a attribuer a la grace de Dieu qu'au franc arbitre, mais ce seroit mal dit que la predestinatió & prouidence de Dieu suffiroit a ouurer tant en bien qu'en mal, comme si c'estoit vne necessité contraignante a bien ou a mal. Et qu'il ne soit ainsi il en appert, car elle oeuure es biens & non es mauls par ce qu'es biens la bonne volunté est par grace, & es mauls la volute est sans grace: & a ceste raison celui erre qui dit que franc arbitre n'est rien en l'homme, & que predestinatio ocuure es humains bie ou mal: car la grace de Dieu ne tollit le franc arbitre, mais le parfait, reuoque & retire d'erreur en la voie de salut, affin que ce qui de sa liberté citoit peruers, par l'oéuure - a sir de l'esprit de Dieu soit droit. Et predestination diuine est touiours en bien qui connoit que le peché. commis par la feule volunté de l'homme sera pardonné a la louenge de diuine misericorde ou puni a la louenge de diuine iustice.

L'Auteur. Dont vient cela qu'aucuns ausquels Dieu a donné foi, esperáce & charité ne perseueret en ce bien 'Il semble que ce desfault de perseuerer vient & procede de la prescience diuine.

Theologie. C'est erreur, mais ie te di qu'il est Vv iiij mani-

151...12

manifelte que plusieurs regeneres en lesuchrist de. laissent la foi & les bonnes oéuures d'icelle, dont deuons auoir douleur: mais ce seroit blaspheme d'attribuer leur trebuschemét a Dieu comme impulseur ou auteur de leur ruine, combien qu'ils soient tumbés de leur seule & propre volunté, la quelle chose il a touiours presceue & prece aneue, & pour cela ne les a finalement separés par predestination de la masse de perdition, car la ou est predestination est prescience de perseuerance en soi & grace en la fin : & seroit cauiller contre Dieu en demandant, pour quoi il donne a aucuns grace de perseuerance, & a autres non, mais doit on confesser que ce qu'il done, le donne misericor dieusemet, & ce qu'il ne donne c'est iustement. Affin qu'ainsi que franc arbitre est cause de tumber en peché, ne se glorisse ne s'attribue la cause de son releuer et tepir droit; car tumber en peché est oëuure humaine & soi tenir droit & perseuerer en droiture, est don de Dieu. Iamais Dieu ne tollit sa grace a aucun, si de luimesme ne l'a laissé, & pour ce que Dieu apreueu que tel de luimelme laisseroit celte grace & de sa propre volunté, ne pour la cause predestinée. Et rece en en ceci on peut connoiltre que ce n'est tout vn la tre la vo prescience de Dieu & sa volunte : Car sa volunte lunté de ne veult iamais que biens, & sa prescience connoit Dien & qui fera bien ou mal, & qui par ces moiens est predestiné ou reprouvé. Aussi differe presciéce de predestination, car les choses que nous auons du don de Dieu sont presceues & predestinées. Et les predestinées ne peuent estre non presceues, car rien n'est ne sera fait au monde, que Dieu des son eter-nité n'ait preueu & presceu aueques tout son prdre, voire des choses plus petites qui soient au

∫a prescience.

monde:

mode: Mais es mauuaises oëuures des humains est seulemet la prescience de Dieu entédue, car côme il a presceu & predestine les choses qu'il veult qu'on face, c'est auoir foi, esperance & charité, ainsi il a presceutant seulement & non predestiné les choses qu'il n'a faites, ne veult qu'on face, c'est assauoir pechê. En quoi appert que prescience peut estre sans predestination, mais predestination ne peut estre sans prescience.

L'Auteur. On pourroit dire qu'au moié de ceste predestination Dieu ne veult que tous les humains soient sauués, mais vn certain nombre de

predestinès.

Theologie. Vrai est que Dieu veult tous humains estre sauues par grace & venir a la connoissance de verité par grace. A ce propos disoit saint Paul parlant de Dieu, qu'il est sauueur de tous les humains,& principalement des fidelles, comme il est Dieu & seigneur de tous. Et nostre seigneur difoit a ses apostres. Allés & enseignés toutes ges les baptisans au nom du pere, du fils & du saint esprit, leur enseignans toutes les choses que vous ai commandées. Et en Genese est dit d'Abraham, qu'en Gen. 26 sa semence seroient beneistes toutes les lignées de la terre. Nous croions doc auec le fidelle Abraham que Dieu est puissant d'acomplir sa promesse & qu'il l'acomplira. En quoi s'entent qu'il veult sauuer tous les humains, & qu'ils viennent a la connoissance de verité. Et sera acompli ce que dit le Psal.21. Pfalmiste. Ils auront souvenace & vniversellemet Pfal. 61. toutes les fins de la terre seront converties au seig- Pfal. 85. neur Dieu, & toutes les filles des gens adorerot en sa presence. Autat en dit en deus autres Pseaumes. Or donc appert comment Dieu voult sauventous humains

## Le tiers liure

humains presceus & predestines en Iesuchrist deuant la constitution du monde & qu'ils viennent a la connoissance de verité, ce qui ne peut vaciller par l'infidelité & inobedience de plusieurs, cariacoit ce que ceus qui sont sauvés le soiét par ce que Dieu l'a voulu par grace, & ceus qui sont perisle soiet par ce qu'ainsi l'ont desserui, n'en est pounti cause la volunté de Dieu: maisleur propre volunté.La grace de Dieu par Iesuchrist n'est seulement a connoistre justice, mais aussi pour nous aider par chacun oëuure: car sans elle ne pouons rien auoir de vraie & sainte pitie, ne péser, dire ne faire chose a Dieu aggreable. Et n'auos iustice de nostre creztion, car tous l'auos perdue en Adam, auquel tous les humains ont peché: Parquoi nous a esté necessaire vne autre recreation & renouation en Iesuchrist: ouquel sommes vne nouuelle creature & nouueau figment par lequel nous est donné que foions faits vaisseaus de misericorde, de vaisseaus d'ire comme a escrits saint l'aul.

L'Auteur. On pourroit d'auantage dire quess predestination auoit lieu, nostre sauueur n'auroit

esté crucifié pour tout le monde.

Theologie. Nostre seigneur Iesuchrista prins la nature de tous humains, mais c'a esté en semblance de chair de peché, & les autres hommes & aussi les femmes la prennent en chair de pechè. Lui donc qui a esté fait participant de l'humaine mortalité sans peché a donné ce a tous humains que ceus qui seront participans de sa natiuité (qu'il print par la vertu du saint Esprit) euaderont le bien de pechè & de mort. Or donc pour la renouation des humains ne sussitique Iesuchrist soit fait homme s'ils ne sont regenerés par la grace du saint Esprit, par laquelle

Digitized by Google

·laquelle lesuchristest nai. Aussi ne suffit a la redeption des humains que Iesuchrist ait esté crucissé s'ils ne meurent & soiét ensepuelis auec lui par baptesme, autrement ne seroit necessité de renaistre, neatmoins que lesuchrist seroit nai et crucifié pour les humains en la croix de leur substáce: mais come ainsi soit que sans ce sacremét aucu ne puisse auoir vic eternelle, celui donc qui n'est crucifie en Iesuchrist n'est sauué par la croix de Iesuchrist. Et n'est crucifié en lesuchrist s'il n'est membre de son cors & s'il n'a par l'eaue & le saint Esprit vestu Iesuchrist, lequel a cause de l'humaine infirmité & fragilité receut communió de mort, affin qu'en vertu de son merite les humains eussent participation de resurrection. Et tout ainst qu'il peut estre dit iustement sauueur crucifié pour la redemption de tout le monde par suffisance aist regard a la susception de la vraie nature humaine et a la commune perdition de tous ou premier homme. Aussi peut il estre dit crucifie seulement quat a l'effect pour ceus ausquels sa mort a proffité en regardant l'effect du sacremet, car come il est contenu en l'euangile saint Iean.Il deuoit mourir pour la gent, & non seule- Ioan.11. mét pour la gent, mais afin qu'il assemblasse les enfans de Dieu espars,en vn. Et ailleus ce mesme euágeliste a dit parlant de Iesuchrist. Il est venu en son Ioan.1. propre & les siens ne l'ont receu, toutefois a tous ceus qui l'ont receu a donne puissance d'estre faits enfans de Dieu lesquels ne sont nais de la volunte de la chair ne de la voluté de l'hôme ou de la femme, mais font nais de Dieu. A ceste raison la veritê de son humanité fait qu'il puisse estre dit redépteur du mode & de to°les humains,& l'effect de sa mort qui seulemet est redepteur des esseus et predestinés. qui ne

## Le tiers liure

qui ne sont seulemét les fidelles iuis: mais aussi les sidelles venus des gentils appellés par celui qui appelleles choses qui ne sont comme celles qui sont L'oblatió & le sang de Iesuchrist est le pris de tout le monde, desquels ont esté priués ceus qui se delectas en leur captiuité n'ont voulu estre r'acheptés, ou apres qu'ils ont esté r'acheptés sont retournés eu servitude: mais pourtat n'est perie la parolle de Dieu, ne euacuée la redemption du monde. Car iacoit ce que le monde n'ait conneu Dieu es vaisseauls d'ire, il l'a conneu es vaisseauls d'ire, il l'a conneu es vaisseauls d'ire, il l'a conneu es vaisseauls de misericonde, Lesquels Dieu sans merites precedans a deliuré de la puissance des tenebres & transferé au roiaume eternel.

Aneuns L'Auteur. Puis que par certitude ie ne puis auoir signes de conoissance si l'Ameincorporée estoit du nombre predessi- des predestinés, & par ce moien en voie de salut nation on sauvée, en scauroie-ie rien scauoir par au-

& falut. cuns fignes?

Theologie. Par la sainte escriture on trouve neus ou dix signes par lesquels on peut coniecturer vne personne estre predestinée & mourir enla grace de Dieu. Le premier quant la verité de sa soi n'est peruertie en soi ne par quelque operatio, c'est a dire quant la personne croit en Dieu efficacemét en ne voulant faire chose contraire a ses commandemens, & de ce qu'elle en a fait au contraire ena contrition, & bon propos d'en faire penitence: car Jesus dit (comme recite saint Jean) que qui croit

Ioan. 6. Iesus a dit (comme recite saint Iean) que qui croit en lui aura vie eternelle. Le secod si la personnene mesprise les commandemés de l'eglise : mais les sait & les veult saire & acomplir: car Iesus a dit (come

Mat. 18 recite S. Matthieu) que celui qui n'obeit a l'eglise doit estre reputé comme ethnique & excomunit.

Le troi-

Le troisieme si telle personne n'introduit aucune nouuelle secte & maniere de viure appartenante à superstition & orgueil: mais vit selon l'ancienne forme & reigle des bons peres desquels on ne doit exceder les termes. Le quatrieme est quant la persone est charitable a son prochain, & que pour l'amour de Dieu lui fait ce qu'elle vouldroit qu'on lui feisse par raison, & ne sui fait chose qu'esse ne voulusse bien qu'on lui feisse, & de ce porte tesmoignage saint lean en sa canonique disant. Nous sommes translatés de mort a vie par ce que nous aimons nos freres. Le cinquieme est quant la personne de toute sa puissance fuit & euite peché en ensuiuant ce que dit le Sage. Fuiés peché comme la face d'un couleuure. Le sixieme si la personne prent delectation & plaisir a parler, & ouir parler de Dieu en bien, soit par predications ou autrement: car comme dit l'euangile, qui est de Dieu oit les parolles de Dieu. Le septieme quat la personne à pacience en ses aduersités, & qu'elle est en aussi bon propos en aduersité qu'en prosperité, & en prosperité comme en aduersité. Le huitieme si la personne ne se confie en ses bones oëuures & n'en demande les louenges du monde. Le neufuieme si la personne perseuere es precedans signes iusques a l'extremité de sa vie. Et le dixieme si elle est cons tente de mourir & perdre vie temporelle,le cors et les biens du mode pour l'amour de nostre seigneur Iesuchrist qui a souffert mort pour l'amour d'elle & de tous les humains suffisamment, par lesquelles coniectures (toi qui as veu la forme de la vie & de la mort de l'Ame raisonnable incorporée) puis coiecturer & penser si elle estoit du nombre des predestinés & si elle est decedée en grace. L'Au-

#### Letiers liure

L'Auteur. Veu ce que m'aués dit semble qu'astrologie est vne sciéce vaine, & que le ciel n'a aucune influence ne action es humains.

Theologie. Il est vrai qu'astrologie est vne sciéce

D'astrologie. Que c'est de Theologie.

noble & admirable premieremet reuelée a Adam, & depuis a Noë & autres patriarches, toutefois elle est dessoubs moi qui suis proprement nommée Sapience, & vulgairement Theologie. Car toutes fciéces me sont subiets & chambrieres, & si en elle i a quelque bonne & belle chose, ie l'appreuue & decore, s'il i a chose mauuaise ie la chasse & reiete, & s'il ia chose superflue ie la retaille supploiat tout ce qui deffaut. Toutefois la science d'astrologie est a present reputée mauuaise & contraire ala culture de chrestienne religion, au moien de ce qu'aucuns eus nommás astrologues l'ont maculée, souillée & deturpeé par impiteuses erreurs, deuinations, superstitions, & vaines observations, & n'en ont sceu, ne scauent comme appartiet vser, & pour te donner quelque brief & certain iugement de ceste sciece. Le te di que le ciel est comme vn instrument de Dieu glorieus, par lequel la machine du mode corruptible est regulieremet gouvernee. l'ai dit du mode corruptible au moien des ames raisonnables lesquelles sont gouvernées & regie de Dieu quant a nature, quant a grace, quanta gloire, & generallement quant a tous les dons & illuminations supernaturellement infuses, sansle ciel & sans autre moien. l'ai aussi regulierement au moien de plusieurs miracles faits, tant ou ciel

qu'en la terre, comme en la station & retrogradation du soleil du tems de Iosué & d'Ezechias. Et en l'eclipse du tems de la passió de nostre seigneur Iesuchrist, ou deluge, & autres innumerables mi-

racle:

racles: mais quant aus choses corruptibles comme les arbres, herbes, & autres creatures humaines, be-Mialles, sensitiues, & vegetatiues, on ne scauroit nier que le ciel, mouvemens celestes, estoilles, & planettes d'icelui ne mouvent, inclinét & alterent les choses terrestres & corruptibles, soient les cors humains, ou autres choses, & qu'ils ne recoiuent bien ou mal de leurs influences selon les cours des tems : car le ciel a receu de Dieu diuerses vertus pour la varieté de ses estoilles, planettes & mouuemens, dont parle le Psalmiste disant que Dieu nombre la multitude de ses estoilles, & les nomme par leurs noms, voulant dire que ceste vocation est vne distincte vertu & operation a chacune estoille & planette attribuée: car le nom est pris de la proprieté de la chose.

Dont vient que les complexions des hommes & fenimes sont diverses: carles aucuns sont sanguins, les autres coleriques, les autres flegmatiques. & les autres terrestres & melancoliques, lesquelles complexions les bons astrologues connoissent, & ceste connoissance est tresnecessaire pour curer vne maladie. Aussi voions qu'au moié de la diuersité des planettes & autres mouvemens celestes auons aucunefois froit ou chault excessif, habondance de pluie, ou trop extreme chaleur dont sengendrent famines & mortalités, & souvent les guerres a la raison de ce que les princes suiuans leurs, passions, humaines & complexions, terrestres & coleriques non vsans de raison tendent a a vindication de ceus qu'ils haient & ausi par auarice & concupiscence a laquelle ils sont naturellement enclins. Toutesfois le ciel & tous les astresestoilles, planettes & mouuemens celestes obeif-

## Letiers liure

obeissent a Dieu, & a eus n'est subiette la raison de l'homme qui a franc & libre arbitre en la maniere

que i'ai dit dessus.

Quant au reste qui sont les iugemens absoluts que font les Astrologues des meurs & conditions des hommes & de leurs bonnes ou mauuaises fortunes, guerison ou mort, perte ou gaing; & autre effects femblables, secrets & fortuits, & dependant seulement de la volunté de Dieu ou du libre arbitre des homes, ce sont toutes choses supersticieuses & reprouuées. Et dit S. Augustin qu'on voit par experience que c'est vn abus : carces astrologues vous diront celui qui naistra soubs telle constella. tion ou planette fera roi ou grant seigneur, ou sera bon ou mauuais, cruel ou paisible, & il aduiendra que deus enfans naistront du vêtre d'une mere en mesme instant & soubs mesme planette, & neantmoins seront de deux diuerses complexiós, & l'un fera pauure & l'autre riche selon le gouuernement qu'il aura, i'en di autat de plusieurs q en vne ville, ou prouince naistrerot de diuerses meres en mesme instant, & soubs mesme constellation, & l'un sera constitué en autorité, l'autre sera mecanique, & ainsi d'autres diuersités de complexions. A ceste consideration & que toutes ces predictions & curiofités sont a la diminution de la foi & de vraie elperance, tout bon chrestien s'en doit essongner, & ne se doit aider des astrologues, fors es chosesnecessaires & naturelles, pour la guerison & santé de de son cors: car tout le surplus (mesmemét les predictions, & decinations) ne peuent estre sans commixtion des mauuais esprits lesquels s'i trouvet occultement pour abuser les astrologues, & ceus qui les interroguent. Et toutes ces curiosités laisées, chassées

Digitized by Google

chasses & ostées, doit le bon chrestien mettre son espoir par vraie soi en la puissance, sapiéce & bontée de Dieu en disant auec le Psalmiste. l'ai esperé en toi mon Dieu, et ne serai eternellemét confu. Soies mon protecteur & resuge pour me sauuer: cartu es ma sorce & ma vertu. Tu as hai ceus qui obseruent les vanités, ie met entre tes mains mes aduentures & choses sortunées, & c'est le conseil cher ami que sur ce ie te donne pour ton salut, & plus n'en auras de moi.

A tant se disparut Theologie, autrement dite Sapience, de deuant les seus de mon pauure entendemét, & demourai seul, parquoi me retirai au lieu de mes choses secrettes, ou peu a peu pour emploier le tems es iours des sestes & autres vacás de mon ordinaire labeur, ie redigeai par escrit tout ce qui est en ce liure contenu, protestant que si aucune chose i auoie escrit autrement qu'a point, que c'a esté par ignorance, ou non intelligence des docteurs dont ie me suis aidé, en quoi ne vouldroie ne veul persister mais adherer a la sainte escriture, & a ce que tient & croit sainte eglise, priant Dieu qu'il me veuille garder d'errer: mais me donner la

grace de l'aimer, craindre & seruir, en Foi, Esperance & Charité, & apres mon deces me donner de son immense liberalité l'eternelle gloire et selicité, Amen.

Spelabor lenis

A bjen touche.

Xx

Liberiste tradit restam & eatholicam rationem praliande aduersus Diabolum, Mundum & Carnem, & ideo dignus est qui in publicam vitilitatem typis excudatur-

> Ita attestor Indocus Tiletanus S.I beologia Dostor.

# LA TABLE DE TOVS LES CHAPITRES DE CE PRE-

fent liure, intitulé les triumphes de la noble Dame amoureuse.

Ont procedent les guerres sp	irituel-
les, & de la beaute & nobles dame amoureuse, qui est l'A	se de la
dame amoureuse, qui est l'A	me rai
fonnable incorporêe. Fu	eillet 1.
Comme la dame apres son e	
est conduite en la terre d'Adolescence,	
belle & grad compagnie qui lui fut baillé	c. r.4.
Les instructions de Prudéce, & comme on	
doit estre prudent.	. f.6.
De cinq manieres de prudence.	f.7.
De prudence Monostique.	£8.
De prudence Economique necessaire a gou	uerner
vne famille, & premierement come se do	it gou-
uerner le mari auec la femme.	f. 11.
Les conditions d'une bonne femme espous	e. f.12.
Comme & pourquoi on se doit marier.	f. 13.
Comme le mari & la femme doiuent conuc	rfer en
leur lict de mariage.	f.eod.
Comme il fault prudemment gouverner	fes en-
fans.	f. 16.
Des seruiteurs, qu'ils doiuent faire & con	nme on
les doit traiter.	f.19.
	f.20.
De la Prudence regnatiue & militaire.	
Exclamation de l'Ame raisonnable contre	
prudens.	f.21.
De la vertu de force.	f.23.
Comme guerre corporelle est licite.	f.24+
Comme guerre corporelle est licite.  De Magnanimité premiere fille de Force.	f.26.
De Magnificence.	f.27.
Xx ij	De Pa-
•	• '

## La Table

De Pacience.	£.28,
De Perseuerance & ses effects.	f.31.
Exclamation de l'Ame contre ceus qui r	ont la
vertu de Force.	f.34.
De Temperance & ses especes.	f.36.
De Vergongne.	f.cod.
De Honnestete.	f.37.
D'Abstinence & Sobriete.	f.38,
Des remedes contre Gourmandie.	F.43.
De Chasteté & Continence.	f.44.
De triple chasteté, & de la chasteté coniu	galle &
virginalle.	f.45.
Comme les pucelles se doiuent tenir en leu	ır virgi-
nitê.	f.46.
De chasteté vidualle, & de l'estat des veuue	s. f.48.
De Clemence huitieme fille de Temperand	e. f.52.
De la vertu de Modestie.	f.eod.
Comme on doit iouer & prendre recreatio	n. f.53.
Comme on doit vser modestement de se	:s velte-
mens.	/ f.54.
De Studiosité, & comme on peut par	uenir a
fcience.	f.eod.
De Humilité & des moiens pour l'auoir.	f.56.
Exclamation de l'Ame raisonnable contre	
temperés.	f.57.
De Iustice commutative & distributive.	£.59.
D'Innocence, Religion & Oraison.	f.62.
De la vertu de pitie & d'honorer pere et m	ere.f.63
De la vertu d'Obseruace, & quelles persor	nes on
doit honnorer.	f.64.
D'Obedience sixieme fille de Iustice.	f.66.
De Grace autremet dite gratuité septieme	fille de
Iustice, & comme on doit reconnoistre	benefi-
ces & biensfaits.	f.57.
	Comme

## Des Chapitres.

0 1 11 11 11 11	
Comme on doit reconnoistre les biensfaits, & de	
Ingratitude. f.69.	-
De la vertu de Vindication, c'est a dire de venger	
les crimes & delits. f.71.	
De Penitence comme estant vertu procedant de	
Iustice. f.eod.	
De Verité. f.73.	
De Fidelitê. f.74.	
De Liberalité. f. 76.	
De Misericorde & de faire aumone. f.77.	
De la vertu d'Equité quatorzieme fille de Iustice,	
& come par Equité on est excusé de la rigueur	
de la loi ou comandement de l'eglise. f.Sr.	
De la vertu de Amitie autrement dite Affabi-	_
lité. f.83.	
Exclamation de l'Ame contre ceus qui n'ont la	
vertu de lustice. f.89.	
De la dispositio du cors de l'homme & des quatre	
complexions. f.91.	
De la proportion du cors humain & de ses mem-	
bres. f.94.	
Du cerueau. f.eod.	
Des ïeus, front & temples. f.95.	
Des aureilles. f.eod.	
Du Nés. f.eod.	
Des Ioues. f.eod.	•
De la bouche, des dents & des leures. f. y6.	
Du Menton. f.97.	
De la langue, du col, des espaules. f.eod.	
Des bras. f.98.	
Des mains. f.99.	
Des doigs & ongles. f.eod.	
De la poitrine, des mammelles, du poulmon & du	
cueur. f.100.	
Xx iij De leito-	'

## La Table

De lestomac, du foie, du fiel & de la rate.	f. 101
Du ventre, des boiaus & entrailles.	f. 102
Des roignons, des reins & de la vessie.	f.103
De l'urine. f.eod. Du nombril.	f.104
Des membres genitoires.	f.eod.
De la Matrice.	f. 105
Des Fesses, Nages, Hanches & Cuisses.	f.cod.
Des genous. f.eod. Des iambes & pieds.	
Des os, de la mouelle & tendrons.	f.eod.
Des Nerfs. f.107. Des Veines,	f. 108
De la chair, de la gresse & de la peau.	f.eod.
Du poil, des cheueus & de la barbe.	f.109.
Comme on doit loger le cors.	f.110.
Qu'on doit faire pour la fante du cors a son	
& quel labeur on doit prendre.	f.eod.
Des quatre tems & faisons de l'année & co	
i doit viure pour la sante du cors.	f.112
Comme on doit apprester la table, du disne	
soupper, de l'entrée, meillieu et issue d'icell	cf.114
Comme est necessaire boire eaue ou vin a se	s renas.
& qui est le plus sain.	f,117
Du dormir & du veiller,	f. 120
Des songes.	f.122
Epiltre enuoiée par la gouvernate Raison :	
incorporêe.	f.123.
Le second liure des Triumphes de la noble	
amoureule.	f.127.
Come la noble dame entre en la terre de le	
& comme elle i elt tentée par Suggestion	n Co.
gitation & Delectation messageres du pr	ince de
Volupté nommé Pechê.	f.128
Epittre enuoiée a l'Ame par le prince de V	
contenant certaines tentations.	f. 130
Response faite par l'Ame aus tentations de	
•	tation,

## Des Chapitres.

•
Chation, & a l'epistre a elle enuoiée par le prince de Volupté. f. 122.
de Volupté. f. 133. Epiftre de l'Ame au prince de Volupté. f. 134
De quatre manieres de tentation dont l'Ame est
tentée. f.137.
Description du palais de Volupte, comme l'Ame,
Volunté, Entendement & Memoire, Sensuali-
te & leunesse i allerent & du recueil qui leur sut
fait a l'entrée. f.141
Comme l'Ame, Volunté, Entendement, Memoire
& Sensualité furêt prostitués & mis au bordeau
de Peché. f. 142
Comme l'Ame incorporée voit & connoit ses
gras deffauls par la lumiere de Sinderese & que
c'est de Sinderese. f.146.
Comme Desesperance vint a l'Ame incorporée &
la pressa de se pédre au gibet d'Impenitéce. f. 147
Comme Grace divine alla reconforter l'Ame &
de la disputation de dame Esperance contre
Desesperance. f.148.
Que c'est de peché, combien il fait de nuisance, aus
biens téporels, & qui sont les bies téporels.f. 152.
Combien peché nuit aus biens naturels, et qui sont
les biens naturels. f. 153
Combien nuit peché aus biés spirituels & qui sont
les biens ipirituels. 1.154.
Epistre exhortative envoice a l'Ame par son es-
pous lesuchrist. f.156.
Les complaintes de l'Ame sur l'epistre de Iesu-
christ, & de la consolation qui lui sut donnée
apres la medicine de Contrition. f. 159.
Epitre de l'Ame a Iesuchrist. f. 161.
Epistre de l'ame penitét a la tredigne vierge Marie
mere de Iesus, & a toute la court de paradis, f. 164 Xx iiii Comme
AA III COMINE

## La Table

Comme ces deux epistres furent presentées	a Iefu-
christ, sa response & du chemin de penité	ce que
print l'Ame par le conseil de Grace diuin	e, Foi,
Esperance & Charité.	f 171.
Comme Ieluchrist presenta au consistoir	e de la
Trinité la requeste de l'Ame.	f.172.
Lettres cosolatives enuoiées de paradis a l'as	
Des empeschemens exterieurs de Penitence	.f. 176.
Des empelchemens interieurs de Penitence	.f 177.
Remedes contre les dessusdits empescheme	nsinte-
rieurs de penitence.	f.eod.
De Confession & son effect, & quelles con	ditions
conuiét garder pour faire bone confession	.f.172.
Comme l'Ame receut la remission de ses	pechés
par vn prestre, & ce qu'elle fit par satisf	action.
& comme elle fut lauce en la fontaine	de Pe-
nitence.	£.184.
Chanson en rondeau par Satisfaction, Au	mone.
Oraison & Ieusne.	f. 185.
De la difference d'entre peché mortel & ve	
que c'est desdits pechés.	f.187.
Quant vaine gloire est pechê mortel.	f.188.
Quant orgueil est peché mortel ou veniel.	
Quant iuger d'autrui est pechê. & que	l pechê
c'est,	f.cod.
Quant le contemnement des superieurs et	t pechê
& quel peché.	f. 191.
Quant enuie est peché, quel peché c'est, &	
detraction.	f.eod.
Quant ire est peché & quel peché.	f. 192.
Comme paresse est peché & quel peché.	f.193.
Quát auarice est peché & quel peché c'est,	& come
on doit faire aumone.	f.194.
Des pechés qu'on fait en marchandise, &	
	on co-
•	,

# Des Chapitres.

on comet viure.	f.195.
Quant gloutonnie est peché & quel pechê	c'est de
ceus qui sont excusés de jeusner.	f,196.
Quant luxure est peché & quel pechê.	f.197.
De mensonge & quel peché c'est.	f.198.
Quant iurer est peché mortel, de correcti	on fra-
ternelle: quant c'est peche ou non de fair	e cotre
fa conscience.	f.cod.
Quant ignorance est peché & comment.	f.199.
Quel mal fait peche veniel & dont il vient	: & en
combien de manieres pechê veniel est r	emis &
pardonné en ce monde.	f.cod.
Declaration des dix commandemens de la l	
premier & second commandement.	f.200.
Du tiers commandement, du quart comr	
ment & des cinq comandemés de l'eglise	. f.202
Du v.& vj.commandement.	f.203.
Du vij.& viij. commandement.	f.204.
Du ix. & x. commandemens: & adaption d	es cina
sens de nature & des sept pechês capita	us aus
commandemens de la loi.	f.205.
De la vertu de Foi.	f.206.
De la vertu d'Esperance.	f,210.
De la vertu de Charité, les dixhuit conditio	
mour diuine & qui est le prochain.	f.215.
Epistre de l'Ame a son seigneur Iesuchrist.	f.218.
Come l'epistre de l'Ame fut portée en para	dis par
Come l'epistre de l'Ame sut portée en para Oraison acompagnée de Grace diuine,	& de la
response & summaire doctrine donnée a	l'Ame
pour l'entretiennement d'elle & son cors	f.221.
Letiers & dernier liure des Triumphes de la	noble
Dame amoureuse.	f.223.
Comme nostre seigneur Iesuchrist visita sp	
lement l'Ame incorporèe.	f.eod.
interest settle monthones	0

## . La Table

Que c'est d'amour diuine.	f.224
Dont procede amour divine.	f.cod.
Combien nostre seigneur Iesuchrista aimé	les hu-
mains.	f.225
Comme on doit aimer dieu & combien.	f.226.
Epilogue des benefices faits aus humains	
stre leigneur Iesuchrist & comme il s'el	longne
aucunefois des bons pour leur proffit.	f.227.
De saint desir & oraison.	f.228
Comme oraison est necessaire et conuenab	leapour
	(F.229
Quelles oraisons sont plus efficaces.	f,230
Exposition de l'oraison dominicalle.	f.234
Comme on peut prier la vierge Marie, &	
faints & faintes.	f.239.
Comme l'Ame incorporée se mit au ches	min du
port de salut auec sa compagnie & de l'I	က်ကလေး
qu'on doit faire a la croix.	f.241
Du chemin de claustrale religion.	f.243
Du grant chemin de chrestienne religion	& des
dangers d'icelui.	f.247
Comme l'Ame raisonnable print le grant e	hemin
de religion chrestienne.	f.249
Epistre amoureuse de l'Ameraisonnable a	fon ef-
pous Iesuchrist.	f.250
Comme l'Ame fut assaillie par le prince de la	
en la cité de Bonne volunté.	f.254
Chanson en rondeau.	f.eod.
Comme le siege fut leué de deuant la cité de	
volunté par le secours de Temperance.	f.257
De la malice de la Chair et de ses alliés Luxu	
resse & Gloutonnie.	f.250
Epistre cosolaciue enuoiée par nostre seign	
fuchrist a son espouse l'Ame raisonnable	conte-
	mant

\_ Digitized by Google

# Des Chapitres.

- nant les mauls procedans de Paresse,	Glouton-
nie & Luxure: & des bies qui vienent	des vertus
contraires a ces vices.	f.252
Comme l'Ame incorporée se prepara p	our aller
au pais de Bonnes oeuures, & de pai	ser par le
monde, & des abus & follies du mond	
Que c'est d'Auarice & de sa misere.	f.271.
D'ambition & de ses especes, & qui sont	les vertus
contraires.	f.274
Des aduersités des mondains.	f.275.
Comme l'Ame se mit en ordre pour batai	ller cotre
le Monde, Auarice, Ambition & Adue	
comme elle fut instruite a iustement &	
blement guerroier.	f.277.
Bataille de l'Ame incorporée contre le M	londe &
fes complices au lieu d'Audace effrené	e. 1.230
Persuasion de Grace diuine a l'Ame & c	eus de la
compagnie. f.282. (Mond L'effort et coflict de la bataille d'entre l'A	4 ma 82 la
Du territoire de Bonnes oéuures, de ceu	eanii ha
bitent, comme & a quelle fin on doit f	oire hon-
nes ocuures.	f.285
De la tentation d'orgueil.	f.288
Comme l'hermite qui tentoit d'Orgueil	
d'Envie fur conneu & que c'est d'orgu	eil.f.290
d'Enuie fut conneu & que c'est d'orgu Remedes contre le peché d'orgueil & se	s especes.
D'Enuie & de ses especes. f.294.	(f.292)
Du peché d'ire & ses especes.	f.295.
La tierce guerre faite par mer contre l'Ar	neincor-
porce par le Prince de Malice, c'est le	diable &
Tesadherensla Chair & le Monde qui	fuiuirent
l'Ame iusques au pas de la mort.	f.296.
Comme & pour quelles causes on doit	craindre
demourir temporellement.	1.292.
,	Comme

## La Table

Comme apres la mort chacun rendra comptede-
uat dieu de tout ce qu'il a fait, dit & pensé. f.302
Epistre de l'Ame a nostre seigneur Iesuchrist im
ploratiue de son aide au pas de la mon, & fai-
fant mention des dangers du monde. f.305.
Epistre de nostre seigneur Iesuchrist responsue
celle de l'Ame amoureufe contenant consola-
tion & les causes pour lesquelles tous vrais chre
Gistant Laines amindre la mora tanorelle face
sties ne doiuét craindre la mort téporelle. 6307
Comment Grace divine vint secourir l'Ame in
corporee assailli par ses ennemis au pas de la
mort,& comment elle lui bailla l'epistre de no
ftre seigneur Iesuchrist. f.310.
Des remonstraces qu'on doit faire a vne personne
qui est en danger de mort.
De la grant bonté & misericorde de dieu. 1.312.
De la grant bonté & misericorde de dieu. f.312. D'enser & des peines des damnes eternelle-
ment. 1.314
De purgatoire, & du limbe des enfans mors sans
baptelme. 1.316
De paradis & de la felicité & ioie des predestinés
& famés 1.317
Des douaires de l'Ame & du cors glorifies &
iauues.
Comme l'Ame combat au pas de la mort, & du se-
cours qu'on doit donner spirituellement a ceus
qui en approchent.
Du saint sacrement de l'autel. f.322.
Les causes principalles pour lesquelles nostreseigneur Iesuchrist a institué le saint sacrement de
l'autel, & la maniere de le prendre. f324
Meditations deuotes du saint sacrement de l'au-
tel. f.325.
Deuote oraison de l'Ame raisonnable a nostre
feigneur
Teisucar

# Des Chapitres.

seigneur Tesuchrist pour receuoir lesaint	facre-
ment de l'autel.	f.327
Oraison apres auoir communiê.	f.328
Les conditions requises a bien testamenter.	f.329
Le testament de l'Àme incorporée.	f.331
Du sacrement d'extreme vuction , & des in	
gatoires qu'on doit faire a yn pacient a l'	
de la mort.	f.332
Dialogue de l'Auteur & de Theologie,	failant
mention de predestination, prescience &	franc
arbitre.	f.334.

#### FIN.

Spoir en slieu 1602

Digitized by Google

Dertu pour es

